

Н. У. БИКБАЕВА
Р. И. СИДЕЛЬНИКОВА
Г. А. АДАМБЕКОВА

БОШЛАНГИЧ СИНФЛАРДА МАТЕМАТИКА ЎҚИТИШ МЕТОДИКАСИ

Ўзбекистон Республикаси Ҳалқ
таълими вазирлиги педагогика
билим юртлари талабалари ва
ўрга мактаб бошлангич синф ўқитувчилари
учун методик қўйлганма сифатида тавсия этган

ТОШКЕНТ «ЎҚИТУВЧИ» 1996

Такризчилар: ҮзПФИТИ илмий ходими *M. Зайнутдинова*,
Тошкент шаҳар 216- мактаб ўқитувчиши
M. Гозихўжаева,
155- мактаб ўқитувчиши *M. Зубairova*

Кўлланма педагогика ўқув юртлари талабалари ва бошлангич мактаб ўқитувчилари учун мўлжалланган бўлиб, унда ўқитишда вужудга келадиган умумий камчиликлар ва қийинчиликлар ёритилгаи, уларнинг келиб чиқиши сабаблари очиб берилган.

Кўлланма тўрт кисмдан иборат бўлиб, уларда дастурдаги ҳамма асосий мавзуларни ўрганиш методикасининг ҳам умумий, ҳам хусусий масалалари қараб чиқилган.

74.262
Б 68

Бикбаева Н. У. ва бошк.

Бошлангич синфларда математика ўқитиш методикаси: Педагогика билим юрт. талаблари ва ўрта мактаб бошлангич синф ўқитувчилари учун методик қўлл./Н. У. Бикбаева, Р. И. Сидельникова, Г. А. Адамбекова.— Т.: Ўқитувчи, 1996.— 512 б.

1. 1,2 Автордош.

ББК 74.262

Б **4306010500 — 136**
353(04) — 96 187 — 96 © «Ўқитувчи» нашиёти, Т., 1996.

ISBN 5—645—02678—0

СЎЗ БОШИ

Мазкур методик қўлланма бошланғич мактаб ўқитувчилари, педагогика ўкув юртлари талабалари учун мўлжалланган. У мавжуд дарслклар билан ишлашга мўлжалланган бўлиб, унда мактабдаги мавжуд ўкув жиҳозлардан ёки ўз кучи билан тайёрланиши мумкин бўлган жиҳозлардан қандай фойдаланиш кўрсатилган.

Қўлланмада ўқитишда вужудга келадиган умумий камчиликлар ва қийинчиликларни ёритишга, уларнинг келиб чиқиши сабабларини очиб беришга, бу камчиликларнинг олдини олиш ва йўқотиш йўлларини белгилашга ҳаракат килинди.

Муаллифлар аниқ мисоллар асосида ўқитувчининг мавжуд дарсликдан фойдаланишдаги иш усуяларини ўзгартиришнинг баъзи имкониятларини кўрсатишга интилдилар.

Қўлланмада ўқитувчининг кичик мактаб ёшидаги болаларни ўқитишда вужудга келадиган ҳамма хусусий саволларига тайёр жавоб берилмаган. Муаллифлар ўз олдиларига ўқитувчига тегишли саволлар дастурда, дарсликда нималарга асосланиб ҳал қилинишини тушунишларига ёрдам бериш ва вужудга келаётган қийинчиликларни мустакил енга олишга ўргатиш вазифасини қўйдилар.

«Бошланғич синфларда математика ўқитиш методикаси» мавжуд (амалдаги) дарслклар бўйича ишлаётган ўқитувчилар учун амалий қўлланмадир. Унда дастурдаги ҳамма асосий мавзуларни ўрганиш методикасининг ҳам умумий, ҳам хусусий масалалари қараб чиқилган. Қўлланмадан педагогика ўкув юртларининг талабалари фойдаланишлари мумкин.

1. УМУМИЙ МАСАЛАЛАР

1- БОБ

БОШЛАНГИЧ СИНФЛАРДА МАТЕМАТИКА ЎҚИТИШНИНГ ВАЗИФАЛАРИ ВА МАЗМУНИ

1- §. МАТЕМАТИКА ЎҚИТИШНИНГ ВАЗИФАЛАРИ

Мамлакатимизда бошлангич синфларда математика ўқитиш умуман мактаб математика курсини ўзлаштиришнинг дастлабки босқичи сифатида қаралади.

Шу сабабли бошлангич синфларда ишлашда ўрта мактабда математика ўқитишда кўзда тутиладиган умумий масалаларни ҳисобга олиш ва бу масалаларни ҳал этишда бошлангич таълимнинг аҳамиятини түғри баҳолаш керак.

Ўрта мактаб математика дастурига тааллукли кўпгина масалалар бошлангич синфлардаёқ шу даражада мустаҳкам ўзлаштирилиши керакки, бунда улар ўқувчилар онгида бутун умр сақланиб қолсин, бошқа масалалар эса ўқитишнинг дастлабки босқичида кейинги синфларда муфассал қараб чиқишига тайёргарлик кўриш мақсадидагина киритилади ёки бирор малака ва кўнікмаларни шакллантириш жараёнида фикрлаш қобилияти даражасини ошириш имкониятига эга бўлиш учун киритилади.

Мактабнинг бошлангич синфларида болалар математика соҳасида дастурда назарда тутилган билимлар, уқувлар ва кўнікмаларнинг маълум ҳажмини онгли равишда ва мустаҳкам эгаллаб олишлари ҳақида гап боргандада юқорида айтиб ўтилган мулоҳазаларни ҳисобга олиш керак.

Бошлангич таълимнинг мухим масалаларидан бири ўқувчиларда онгли ва мустаҳкам ҳисоблаш (кўпинча автоматизмга етказилган) малакаларини шакллантириш эди ва шундай бўлиб қолади.

Математика курси ўқувчилар кучи етадиган даражада ўқув материалини умумлаштиришни, ўрганилаётган математик фактлар асосида ётувчи умумий принцип ва қонуниятларни тушунишни, қараб чиқилаётган ҳодисалар орасида мавжуд бўлган боғланишларни тушунишни назарда тутади. Бу, асосан, амалларнинг хоссаларини, улар орасидаги мавжуд боғланишларни ўрганишга, болаларда шаклана-

ётган амалий укув ва кўникмаларнинг асоси бўлган математик муносабатлар ва боғланишларга тааллуқлидир. Назария амалий укув ва кўникмаларни эгаллашга ёрдам берибина қолмай, назария ва амалиётнинг қараб чиқилаётган масалалари орасида математик муносабатларни ўрнатишга, математика ўқитиш самараదорлигини оширишга ўқитувчига ёрдам берувчи асосий воситалардан бириди.

Ўқувчиларга эгалланган билим, укув ва малакаларини турли хил шароитларда қўлланишга ўргатишни ўқитишнинг маҳсус масаласи сифатида қараш керак. Бу — ўқувчиларни политехник тайёргарлигига қаратилган ишнинг бошланишидир.

Шу билан бирга билимларни қўлланиш ҳам болаларнинг ўқув ишлари самараదорлигини оширишнинг муҳим воситаларидан бириди. Билим, укув ва малакаларнинг тўла қийматли ўзлаштирилишига уларнинг ўзгарувчи шароитларда мустақил қўлланилиши натижасидагина эришиш мумкинлигини психологлар исботлашди. Болаларнинг мактабда бошланғич синфлардан кейинги синфга ўтишида албатта вужудга келадиган қийинчиликлар кўп даражада айнан ана шу асосда бартараф этилиши мумкин. Ва аксинча, агар ўқитувчи ҳар томонлама билимларга маҳсус эътибор бермаса ва болаларни бир хил турдаги саволларга, топширикларга, ифодаларга, масалаларга ўргатиб кўйса, бу 5-синфда фанлар бўйича ўқитишга ўтишдаги мураккабликни янада ортиради.

Бу масала болалар билим қобилияtlарини ўстиришнинг анча умумий масаласи билан узвий боғланган. Бошланғич мактабдаёқ болаларда кузатиш ва таққослаш, солиширилаётган ҳодисалардаги ўхшашик ва фарқ қиласидиган белгиларни ажратиш, таҳлил, синтез, умумлаштириш, абстракциялаш, аниклаштириш каби амалларни бажариш учун кўп иш килинган бўлиши керак.

Болалар мантиқий фикрлаш қобилиятини шакллантириш масаласи билан уларда тўғри, аниқ, қисқа математик нутқни ўстириш масаласи узвий равишда боғлангандир. Бу бошланғич таълимнинг муҳим вазифаларидан бириди.

Ривожланаётган таълим ҳақида гапирганда иш фақат билиш қобилияtlарини (идрок, хотира, тафаккур, тасаввур, нутқ) ривожлантиришдангина иборат. деб ўйлаш хато фикрdir.

Математика билан шуғулланиш фақат хотира ва тафак-

курни шакллантириб қолмай, балки болаларнинг меҳнат тарбияси мактаби ҳам бўлади. У меҳнат қилишга одат қилишни ва меҳнатга эҳтиёжни тарбиялаш бўйича доимий системали ишлаш учун материал беради, тафаккур интизомини ва меҳнатни аниқ ташкил этишни, фикрнинг бир жойга тўпланишини, аниқликни талаб қилади.

Бу соҳада ўқитувчидан жуда кўп нарса талаб қилинади. Ўқитувчи ўқувчиларнинг ишини уларнинг ўқув фаолияти ҳар бирини қониқтирадиган қилиб йўналтириб, педагогик тактга эга бўлиши ва мезонини сезиши керак.

Бунинг учун даставвал болаларда узвий равишда мустақилликни ўстириш, ўқитиш жараёнида уларнинг мустақил ишлашларига бўлган талабни аста-секин орттира бориш зарур, бунда тавсия этиладиган савол ва масалалар боладан маълум кучланишини талаб килса-да, унга кучи етадиган даражада бўлиши керак.

Санаб ўтилган ҳамма масалаларни ечиш мазмуни самарали танланганда, уни баён қилиш ўйланган системада бўлганда ва ўқитишнинг тегишли усул ва шаклларини ҳамда ўқитиш воситаларини билиб танлаб олганда амалга оширилади.

Бу масалаларни ҳал қилиш факат таълимнинг олдига кўйилган вазифаларни ҳисобга олиш билан боғлиқ бўлмай, балки ўқитишнинг бошқа ҳамма элементлари орасида ги ўзаро боғланишларни тўғри баҳолаш билан боғлиқ бўлади. Кейинги параграф амалий жиҳатдан жуда муҳим ўзаро боғланишларни қараб чикишга бағишлиланган.

2- §. АРИФМЕТИК МАТЕРИАЛ

Бошланғич математика курсининг асосий материали натурал сонлар ва асосий катталиклар математикасидир. У билан бирга (имкон бўлса, унга боғлиқ ҳолда) курс таркибига алгебраик ва геометрик мазмундаги масалалар ҳам киритилган. Дастурда кўрсатилганидек, бошланғич математика курси мақсадга мувофиқ равишда танланган система асосида очиб берилади. Бу асосий қоидалар курснинг асосий мазмунини қараб чикишда ҳисобга олиниши керак. Мазкур параграфда баён қилишни қурайлаштириш учун арифметик, алгебраик ва геометрик бўлимларнинг мазмуни дастурда ва амалда ўқитишда бир-бiri билан ўзаро боғлиқ ҳолда қараб чиқилса-да, бу масалаларнинг мазмунини алоҳида қараб чиқамиз.

Бутун бошланғич таълим давомида болаларда натурал сон ва арифметик амаллар ҳакидаги тушунчаларни шакл-

лантириш ишлари олиб борилади. Бошиданоқ бу иш тушунчаларни амалий құлланишнинг турли усулларини қарабициш билан, болаларнинг сонларнинг баъзи хоссаларини, ўнли саноқ системасини, арифметик амалларни ва уларга асосланған ҳисоблаш усулларини ўзлаштиришига йўналтирилган иш билан ўзаро боғлиқ ҳолда амалга оширилади. Бу ишнинг натижасида болалар дастурга киритилган назарий характердаги масалаларни ҳам, ўрганилган назарий масалаларни ҳам амалий ва ўқув масалаларини ҳал қилишга татбиқ этиш малакаларини онгли ва мустаҳкам эгаллашлари ҳамда оғзаки ва ёзма ҳисоблашларни бажаришлари ҳам керак. Бунда назария ва амалиёт дастурнинг арифметик қисми устида ишлаш давомида биргаликда ва бир-бiri билан боғланған бўлиши керак. Умумий мактаб ишида дастурни амалга ошириш тажрибасини кузатишлар дастурнинг айнан шу муҳим талаби кўпинча бузилишини кўрсатди.

Бу, масалан, оғзаки ҳисоблаш малакаларини шакллантиришда ўқитувчилар кўпинча болалар онгига бажарилган амалларнинг назарий асосини етказиш зарурлигини эсдан чиқаришади, уларни ҳисоблаш вактида хато қилинганда ўқувчилар назариянинг йўл қўйилган хатонинг сабабини тушуниб олишга ва уни мустакил тузата олишга ёрдам берувчи назарий масалаларни қараб чиқишга қайтаришга ўргатмайдилар. Бунда айнан онгли ўзлаштириш ишончли, тўғри ва тез ҳисоблашнинг ҳақиқий мустаҳкам кўникумалари шаклланиши мумкин бўлган асосдир.

Назария ва амалиётни уларнинг ягоналигига қарашга бўлган талабнинг бузилиши математика дарсларида кўпинча болаларга назарий характердаги масалалар мавхум шаклда берилишида, тегишли таърифлар, қоидалар ва ҳоказолар уларнинг амалий татбиқидан ажралган ҳолда ўрганилишида намоён бўлади. Бунда куйидагича ҳолатларни ҳам учратиш мумкин: ўқувчилардан ё дастурда умуман кўзда тутилмаган, ёки болалар анча кейин ўзлаштириши керак бўлган ифодаларни билиш талаб қилинади. Масалан, ўқитувчи 1-синфда «Сонлар қўшишда қандай аталади?» деган саволга тўлиқ жавоб беришни талаб қилганда иш шундай бўлади. Математик терминологияни бу тарзда билишни умуман талаб қилиб бўлмайди. (Муҳими шундаки, ўқувчилар тегишли сўзларнинг маъносини ўқитувчи фойдаланганда тушунишлари ва секин-аста бу терминларни ўз нутқларига кирита боришлари керак.) Ўқитувчи 2-синфда ўқувчилардан айириш амали қўшиш ёрдамида

қандай қилиб текширилиши мумкинлигини тушунтириб беришни (бу учинчи йил ўқитиш материалидир) талаб қылганда ҳам шундай бўлади ва ҳоказо.

Ўкувчиларнинг сунъий юкланишига олиб келувчи шунга ўхшаш услубий хатоларга йўл қўймаслик учун I—IV синф-даги арифметик материал устида ишлашнинг бутун системасини аниқ тасаввур қилиб олиш, назариянинг дастурда кўзда тутилган элементларининг аҳамияти ва ўрнини тушу-ниб олиш муҳимдир.

Бошланғич математика курсида номерлаш ва арифметик амаллар устидаги иш концентрик равишда тузилади. Дастурда болалар билан кўриб чиқиладиган сонлар соҳаларини аста-секин кенгайтириш системаси кўзда тутилган (тайёрлов даври — ўнлик — юз — минг — кўп хонали сонлар), бунда бу мавзуларнинг ҳар бирини ўрганишда соннинг янги соҳасини қараб чиқиш билан бирга болаларнинг номерлаш ва сонлар устида амаллар бажаришда илгари эгаллаган билимларини аста-секин киритиш (ёки чуқурлаштириш, системага солиш, умумлаштириш) кўзда тутилган.

Болаларни сонлар ва арифметик амаллар билан таништириш математикадан дастлабки дарсларда берилган икки буюм тўпламларининг бирлашмасига, икки тўплам элементлари орасида мослик ўрнатишга ва буюмларнинг берилган тўпламлари қисмини ўрнатишга амалий машқ қилиш билан тайёрланади.

Болалар тўпламлар устида амаллар бажаришдан аста-секин буюмлар саноғига ўтадилар, натурал қаторнинг дастлабки ўнта сони билан (уларнинг номи, тартиби билан) танишадилар, сонларни таққослашни, уларнинг йифиндиси ва айирмасини топишни ўрганишади. Аввал бу буюмлар тўпламлари устида тегишли амалларни бажариш ва икки тўпламни бирлаштириш натижасидан тўпламнинг бир қисмини олиб ташлаганда ҳосил бўлган тўплам элементларини санаш асосида қилинади, кейин эса сонлар устида бажариладиган амалларнинг баъзи усулларидан фойдаланиш билан (битталаб ва гуруҳлаб қўшиб санаш ҳамда айриб санаш ва бошқалар) амалга оширилади.

10 ичидаги қўшиш ва айришни ўрганишда, кейин эса юз ичидаги қўшиш ва айришни ўрганишда болалар амалларнинг хоссаларидан фойдаланишга (йифиндининг ўрин алмаштириш хоссаси, сонни йифиндига ва йифиндини сонга қўшишпинг турли усуллари, йифиндидан сонни айриш ва сондан йифиндини айришга) асосланган, шунингдек, қўшиш билан айриш орасидаги боғланишни тушуниш

асосида танишадилар. Бунда, юқорида айтиб ўтилганидек, бу хоссаларни ва ҳисоблашларнинг турли хил усулларини қараб чиқиш билан боғлиқ бутун иш ҳисоблашларни самарали қилиш масаласига бўйсунади.

Биринчи йил ўқитишининг ҳисоблаш кўникмаларини шакллантиришдаги муҳим вазифаси болаларнинг 10 ичидаги қўшиш ва айиришнинг жадвал ҳолларини шундай ўзлаштиришки, бунда бир хонали сонларни қўшишда ва икки хонали сонларни тез оғзаки ҳисоблаш кўникмаларини шакллантиришда автоматик тарзда ҳисоблаш имкониятлари таъминлансан.

Дастурга берилган тушунтириш (уқдириш) хатида қўшиш ва айиришнинг жадвал ҳоллари машқлар натижасида болалар томонидан ёддан ўзлаштирилиши таъкидланади ва шунинг учун болаларга уларни эслаб қолишга оид кўрсатманинг ўз вақтида яратилиши катта аҳамиятга эга. Шунингдек, ҳар куни машқ қилиш ишини ҳам олиб бориш зарур, усиз истаган натижага эришиш мумкин эмас.

10 ва 100 ичидаги номерлашни қараб чиқишда болаларни янги саноқ бирлиги — ўнлик билан таништиришга, хона қўшилувчиларидан иборат сонлар таркибини ўрганишга (13— бу 10 ва 3 ёки 1 ўнлик ва 3 бирлик), икки хонали сон ёзувида рақамларнинг ўрнига кўра қийматини аниқлашга алоҳида эътибор берилади. Бу масалаларни қараб чиқиш шу даражада бўладики, бунда болалар ўз билимларидан ишончли фойдаланишни, лекин бирор умумий ифодалашларни ўзлаштиришни талаб қиласмасликни назарда тутади.

100 ичидаги кўпайтириш ва бўлиш III синфда қаралади. Болалар учун янги бўлган бу арифметик амаллар билан таништиришда, ўқитувчи II синф учун дастурда кўзда тутилган тайёргарлик ишларига (бир хил қўшилувчилар йигиндини топиш ва сонни шундай йигинди кўринишида ифодалаш машқларига) таяниши мумкин.

Қўшиш ва айиришни ўрганишдаги каби 100 ичидаги кўпайтириш ва бўлиш усулларини қараб чиқиш болаларни олдиндан бу амалларнинг баъзи муҳим хоссалари билан кўпайтириш ва бўлиш орасидаги мавжуд боғланиш билан таништириш асосида олиб борилади. Бунда биз юқорида қўшиш ва айиришга нисбатан қараб чиқилганга ўхшаш саволлар юзага келади.

Даставвал тўртта арифметик амал болалар онгига бу амаллар қўлланадиган аниқ масалалар билан мустаҳкам боғланиши керак. Амалларнинг мазмуни асосан буюмлар тўплами билан амалий ишлаш асосида ва тегишли матнли

масалалар системасида очиб берилиши керак.

Шулар асосида амал компоненти ва натижаси орасидаги боғланиш, амаллар орасидаги боғланиш, амалларнинг қараб чиқилаёттган хоссалари ва ўрганилган математик муносабатлар болалар онгига етказилади.

«Ўнлик» мавзусидаёқ, дастлабки ўнта сон билан танишилгандан сўнг болалар биринчи марта 0 билан танишадилар. Кейин кўшиш, айриш, кўпайтириш ва бўлишни ўрганиш давомида ноль қатнашган ҳолларни қараб чиқишига алоҳида эътибор берилади. Кўпайтириш ва бўлишни ўрганиш муносабати билан ноль ва бир билан кўпайтириш ва бўлиш ҳоллари ажралиб қолади.

Сонларни ва арифметик амалларни ўрганиш билан яқиндан боғланишда болаларни катталиклар ва уларнинг ўлчовлари билан таништириш иши ҳам олиб борилади. Янги ўлчов бирликлари билан танишиш ва улар орасидаги муносабатларни ўрнатиш, турли ўлчов бирликларида ифодаланган сонларни шакл алмаштириш одатда номерлаш устидаги иш билан боғланади. (Масалан, хона кўшилувчилиридан иборат иккинчи ўнлик сонлари таркиби ва 1 дм 5 см кўринишдаги сон кесмаларини ўлчаш натижасида бу сонларнинг бошқа тури: 1 дм 5 см = 15 см ҳосил бўлиши параллел қараб чиқилади. Бу 1 ўнл. 5 бирл. 15 бирл. ка тенг деганга ўхшаш амалга оширилади.) Бу белги бундан кейин ҳам сонлар соҳасини ҳар бир кенгайтиришда ва амалларнинг янги ҳолларини қараб чиқишида амалга оширилади.

«Минг» ва «Кўп хонали сонлар» мавзусини ўрганишга ўтишда ёзма ҳисоблаш кўникмаларини шакллантириш иши асосий аҳамиятга эга бўлади. Бироқ бунда арифметик амалларни ёзма бажариш усулларини қараб чиқиши билан параллел равишида 100 ичидаги сонлар билан оғзаки ҳисоблашларни бажариш кўникмалари ҳам такомиллаштирилади.

Сонларни кўшиш, айриш, кўпайтириш ва бўлишнинг ёзма бажариш усулларини очишида, оғзаки ҳисоблаш усулларидаги каби ўқувчиларнинг бажариладиган амалларнинг мазмунини, уларнинг кетма-кетлигини онгли тушунишлари, уларни тушунарли асослашлари кўзда тутилган. Шу билан бирга ҳар доим ёзма ҳисоблашларда маълум автоматизмга эришишдан иборат мақсад кўзда тутилиши керак (ҳосилавий амалларни тушуниб олишга қайтиш ҳам мазкур ҳолда асосан ҳисоблаш давомида қийинчиллик ёки хатолик кўзага келганда тавсия килинади).

Дастурда бошланғич синф ўқувчиларини номерлаш

ва миллионлар синфи ичидә күп хонали сонлар устида амаллар билан танишириш күзда тутилган, тушунтириш хатида писанда қилингандык чекланишга мос ҳолда машқ қилиш тарздаги машқларнинг кўпчилиги миллиондан ташқари чиқмайдиган сонлар ва амалларни ўз ичига олиши керак.

Ёзма ҳисоблашлар билан бирга болаларнинг амалларнинг ўзи, уларнинг хоссалари ҳақидаги баъзи янги хоссалар киритилади, амаллар орасидаги мавжуд боғланиш ҳақидаги, компонентлардан бири ўзгарганда амал натижасининг ўзгариши ҳақидаги, компонентлар ва натижа орасидаги боғланиш ҳақидаги билимлари умумлаштирилади ва чуқурлаштирилади. Тегишли билимларни умумлаштириш ва чуқурлаштириш бошлангич таълимнинг уч йили давомида системали ўтказиладиган кузатишлар асосида амалга оширилади. Бу амалларнинг ҳаммаси дастурга берилган тушунтириш хатида ҳисоблашларни самаралироқ қилиш учун фойдаланилади.

Сонларни ва арифметик амалларни ўрганиш билан бирга у билан узвий алоқада ифодалар, тенгликлар ва тенгсизликлар тушунчасини шакллантиришга қаратилган ишлар олиб борилади. Сонли ифодалар, тенгликлар ва тенгсизликлар математика ўқитишининг дастлабки босқичларидаёқ учрайди ва кейин улар устидаги иш мунтазам ҳар дарсда олиб борилади. Унда материал фақат қаралаётган сонлар соҳасини кенгайтириш ҳисобигагина эмас, балки қаралаётган ифодаларнинг тузилишини мураккаблаштириш ҳамда болалар илгари эгаллаган билимларини кўлланиш билан боғлик топшириқ турларини мураккаблаштириш ҳисобига ҳам аста-секин қийинлаштириб боришини назарда тутади. Бу система дастур текстида алоҳида, янада умумий мисоллар билан ифодаланган. Масалан, «Иккинчи ўнлик» мавзусида болаларни аввал сонларни таққослаш ва $5=5$, $6<7$, $8>9$ кўринишдаги ёзувлар билан танишириш кўзда тутилган, кейин $5+4$ ва $6+4$, $7+2$ ва $7-2$, $3+0$ ва $3-0$ кўринишдаги ифодаларни ўзиш, ёзиш ва таққослаш тушунчаси киритилади. «Юз» темасида $42 : 6$ ва $36 : 6$, $6+2$ ва $6-2$ ва ҳоказо кўринишдаги ифодаларни таққослаш учун мўлжалланган мисоллар келтирилган.

Ифода, тенглик, тенгсизлик ҳақидаги тушунчаларни шакллантириш масаласидан ташқари тегишли машқлар ҳам ҳисоблаш малакаларини, ҳам амалларни ўрганишда қараб чиқилган арифметик назария элементларини мустаҳ-

камлашга ёрдам беради.

Дастурнинг арифметик қисмига болаларни касрлар билан дастлабки танишириш ҳам киради. Бу масалага нисбатан кам вақт ажратилган, чунки тегишли темаларнинг ҳажми ҳам унча катта эмас. Дастур болаларда миқдорнинг улушлари ҳақидаги, уларнинг тенг қисмларга бўлиш билан ҳосил бўлиши ҳақидаги тасаввурларини шакллантиришни талаб килади. Болалар улушларни тақкослашни, катталиктининг берилган қийматидан берилган улушкини топишни ва тескари масалани ечишни (улушнинг берилган қиймати бўйича изланаётган катталиктининг қийматини топишни) билишлари керак. Бундай масалалар кўрсатмалик асосида ечилади.

Биз қараб чиққан асосий арифметик материал атрофига дастурга киритилган алгебра ҳамда геометрия элементлари бирлаштирилади.

3- §. АЛГЕБРАИК ВА ГЕОМЕТРИК МАТЕРИАЛ

Бошланғич математика курсида ўқувчиларни ўзгарувчи тушунчасини (бу атаманинг ўзи бошланғич синфларда ишлатилмайди) ўзлаштиришга аста-секин тайёрлаш масаласи кўзда тутилади.

Бу иш I синфданок бошланади, унда «дарчали» (бирор сон билан тўлдирилиши керак бўлган бўш жой) мисоллар қараб чиқилади. Дарсликда шу тарздаги мисоллар келтирилган ($5 + \square = 7$, $\square + \square = 4$ ва ҳоказо).

Болалар учинчи синфда оддий тенгламалар билан ҳам танишишади, унда ҳарф фақат номаълум сонни ифодалайди. Бироқ шу синфнинг ўзида болалар номаълум сон сифатидаги « x » ҳарфи билангина танишмай, бу срда ҳарф тегишли ифодаларда турли сон қийматларни қабул қилувчи ўзгарувчи сифатида келади. Болалар энг оддий ҳарфий ифодаларнинг маъносини тушуна билишлари, уларга кирган ҳарфларнинг берилган сон қийматларида ифодаларнинг қийматларини топа олишлари, ўзгарувчининг қандай қийматларида $3 + a > 7$ тенгсизлик тўғри бўлишини билишлари керак.

Ҳарфий символика элементлари билан танишиш болаларнинг ўзгарувчи тушунчасини ўзлаштиришга ва масалаларни ечишнинг алгебраик усулларидан фойдаланишга тайёрлаш масаласидан ташқари дастурнинг асосини ташкил этувчи арифметик материални умумлаштириш мақсадида фойдаланилади. Шу чуносабат билан III—IV синфларда ҳарф билан берилган масалаларни ечишга, ҳарфий ифо-

даларни тузишга, уларни таққослашга ва ҳоказоларга алоҳида эътибор берилади.

Тегишли арифметик масалаларни қараб чиқиши билан боғлиқ ҳолда тенгламаларни ечиш билан боғлиқ иш астасекин кучайтириб борилади. Даастурда ҳар бир темани ўрганишда ечиладиган тенгламаларнинг ҳолати ва мураккаблигини кўрсатувчи намуналар келтирилган.

Геометрик материал (алгебраик материал сингари) даастурда мустақил бўлим сифатида ўқитиш жараёнида ажратиб кўрсатилмайди. Геометрик мазмунли масалаларни имкон бўлган вактда, курснинг бошқа масалалари билан яқин алоқада доим қараб чиқилади. Бироқ даастурдаги тушунтириш хатида кўрсатилганидек, геометрия масалаларини баён қилишда бу материални курс материалига киритиш мақсадларига бўйсундирилган шахсий мантиқка ҳам риоя қилиш керак.

Бу мақсадлар даставвал болаларнинг фазовий тасаввурларини ўстиришдан, уларда турлича геометрик фигура (нуқта, тўғри ва эгри чизик, тўғри чизик кесмаси, эгри чизик, тўғри бурчак ва тўғри бўлмаган бурчак, турлича кўпбурчаклар, доира, айланা) ҳақида тасаввур ҳосил қилишдан иборат. Болалар бу фигуруларнинг ҳар бири алоҳида турганда ҳам, таниш фигура бошқа бир фигурунинг қисмини ташкил этганда ҳам уларни таний олишлари, фарқлай олишлари, уларни тасвирлай олишлари, берилган бир неча фигурадан бошқа бир фигура ясашни ўрганишлари керак.

Геометрик материал билан танишишда ўлчашларга анча катта ўрин берилади, болалар кесманинг узунлигини (I синф), берилган кўпбурчакнинг периметрини (II синф), тўғри тўртбурчакнинг юзини (IV синф) топишни билишлари керак.

Бунда тушунчаларнинг таърифлари болаларга айтилмайди (табиийки, уларни билиш талаб қилинмайди). Шу билан бирга, бир қатор тушунчаларга нисбатан (масалан, тўғри тўртбурчак, квадрат ва бошқаларга нисбатан) шу тушунчаларнинг мазмунини бевосита акс эттирувчи белгилар кўрсатилади ва яқин жинсдош (ўхшаш) тушунчаларга тегишли фигурулар синфидан тегишли фигуруларни ажратиш имкони берилади («тўғри тўртбурчак — ҳамма бурчаклари тўғри бўлган тўртбурчак», «квадрат — ҳамма томонлари тенг тўғри тўртбурчак» ва ҳоказо). Болалар турли хил фигуруларни таниб олишида, синфларга ажратишида тегишли белгилардан фойдаланишлари керак.

Геометрик мазмунли масалалар асосан қоғоз варагини букиш, фигураларни чизиш ва ҳоказолар билан боғлиқ амалий ишлар асосида қараб чиқилади. Чизишдаги элементар кўникмаларни шакллантиришга алоҳида эътибор берилади. Дастурда болалар қачон чизгичдан фойдаланишни ўрганишлари вакти кўрсатилган, улар қандай содда машқлар ва ўлчашлар бажаришлари кераклиги кўрсатилган. Булар берилган узунликда кесма чизиш ва ўлчов чизгичи ёрдамида кесмаларни ўлчаш, кейин қоғозга тўғри тўртбурчак (квадрат) ясаш, чизиксиз қоғозда чизмачилик учбурчаги ёрдамида тўғри бурчак ва тўғри тўртбурчаклар ясашни ўрганишдир.

Ўлчаш билан боғлиқ масалаларни қараб чиқиш, албатта, сонлар ва арифметик амаллар устида бажариладиган иш билан боғлаб олиб борилади. Геометрик фигура қаралаеттган арифметик масалаларнинг (мазмун, кўшиш, айриш, кўпайтириш, бўлиш, уларнинг баъзи хоссалари ва бошқалар) яққол талқини воситаси бўлиб хизмат қиласди.

Эгалланган билим, укув ва малакалар геометрик материални ўрганишда фақат амалий машқларни бажаришда эмас, балки текстли масалаларни ечишда ҳам қўлланилади.

4- §. БОШЛАНГИЧ МАКТАБДА МАТНЛИ МАСАЛАЛАР

Юқорида айтиб ўтилганидек, бошлангич математика курси мақсадга мувофиқ равища танланган масалалар системаси асосида баён қилинади. Бу системада матнли масалалар катта ўринни эгаллади. Арифметик амаллар орасидаги мавжуд мазмунни очишда тегишли оддий текстли масалалардан (битта арифметик амал билан ечиладиган масалалардан) фойдаланилади. Матнли масалалар болаларни «шунча катта (кичик)», «шунча марта катта (кичик)» сўзлари билан ифодаланувчи математик муносабатлар билан таништирувчи муҳим восита ҳам ҳисобланади. Улар улуш тушунчасини уқиб олиш мақсадида ҳам фойдаланилади (миқдорнинг улушни топишга ва узунлиги бўйича катталикнинг қийматини топишга доир масала). Матнли масалалар бир қатор геометрик масалаларни шакллантиришда, шунингдек, алгебра элементларини қараб чиқишида ёрдам беради.

Болаларни, масалан, баҳо, миқдор ва қиймат, вакт, тезлик ва масофа, орасидаги ва ҳоказо миқдорлар орасидаги мавжуд боғланишлар билан таништиришда матнли масалаларнинг аҳамияти жуда катта.

Табиийки, содда масалаларнинг жойлашиши системаси курсдаги тегишли тушунчаларни сингдириш мантиқига бўйсундирилган. Оддий масалалар қатори I синфдан бошлаб мураккаб масалалар ҳам ечилади, улар ҳам эгалланган назарий билимларни (амалларнинг хоссалари ва бошк.) такомиллаштириш ишига хизмат қиласди.

Шу билан бирга, масалалар бошлангич математика курсида бошқа муҳим вазифани ҳам бажаради: улар болаларда мантиқий фикрлашни, анализ ва синтез қилиш, умумлаштириш, абстракциялаш ва аниқлаштириш, қаралаётган ҳодисалар орасидаги мавжуд боғланишларни очиб бериш малакасини ўстирувчи фойдали восита ҳам бўлади.

Болаларни матнли масалаларни ечишга ўргатишнинг аҳамияти улар устида иш олиб бориши методикасига боғлик. Масалалар ечишга ўргатиш методикасининг асосий умумий масалалари мазкур китобда қараб чиқилади, турли кўринишдаги масалаларни қараб чиқиш методикасининг хусусиятлари билан боғлик хусусий масалалар дастурнинг айрим темаларига бағишлиланган бобларида қараб чиқилади.

Биз бошлангич математика курси дастурида кўзда тутилган ишларнинг асосий йўналишларини умумий тарзда ифодаладик. Айтилганлардан бу курснинг қанчалик мураккаб ва кўп қиррали экани кўриниб турибди. Уни тўлиқ ўзлаштириш учун энг муҳими янги киритилган ҳар бир тушунча устида ишни доим узлуксиз олиб борищдир, бунда ўқитиш вақтида доим тегишли билим, уқув ва малакаларнинг ўсиши ва такомиллашиши таъминланиши керак. Шундагина дастурнинг куйидаги асосий ғояларидан бирини амалга ошириш мумкин: ўқувчиларга тавсия этилаётган курс унга киритилган масалаларнинг турлича бўлиши билан бирга ягона бутун бўлиши керак, унда бу масалаларнинг ҳаммаси бир-бирига таянган ҳолда, биргаликда ва ўзаро боғланишда бўлиб, болаларда математиканинг турли соҳаларидан парча-парча билим бермасдан, ягона билимлар системасини шакллантириш учун шароит яратади.

Дастурда кичик ёшдаги мактаб ўқувчиларига математика ўқитишнинг муваффакияти кўп жиҳатдан ўқитувчи фойдаланадиган методикага боғлик. Бу ишда бу жараённинг жиҳозланиши ҳам муҳим аҳамиятга эга.

Китобнинг кейинги боблари ана шу масалаларни ёритишга бағишлиланади.

2- Б О Б. МАТЕМАТИКАДАН БОШЛАНГИЧ ТАЪЛИМ ВОСИТАЛАРИ

1- §. ДАРСЛИКЛАР ВА БОШҚА ЎҚУВ ҚЎЛЛАНМАЛАРИ

Математика ўқитиш воситалари — бу таълим жараёнида фойдаланиладиган барча ўқув қўлланмалардир.

Математикани ўқитиш воситаларига: 1) дарсликлар ва қўлланмалар; 2) кўрсатма қўлланмалар; 3) ўқитишининг техник воситалари (ЎТВ) киради.

Бошлангич синфлар учун математика дарсликлари асосий ўқитиш воситаси бўлиб, улар дастур материалининг мазмуни ва уни кўриб чиқиш тизимини белгилаб беради, бу материалнинг ҳар бирини ўрганиш савиясини (дараҷасини) аниқлаб беради. Дарсликда дастурда кўзда тўтилган назария элементлари ўрин олади, асосий ўқув ва малакаларнинг шаклланишини таъминлаши лозим бўлган машқлар ва топшириқлар тизими киритилади. Дарслик янги нарсани ўрганишда у ёки бу услубий ёндашишни кўрсатиб беради.

Шу туфайли ҳам дарслик ўқитувчи учун ўзига хос ўқув қўлланма бўлиб, янги нарса устида ишлашда ўқув-чининг билиш фаолиятини йўналтирадиган китобдир. Дарсликдан мақсадга мувофиқ фойдаланиш учун унда ўқув дастури қандай ёритилганлигини тушуниб олиш, унда ўрин олган ўқув материалининг хусусиятларини таҳлил қилиш, китобнинг тузилишини, ўқитувчига услубий ёрдам бериш мақсадида берилган мисолларни таҳлил қилиш керак. Ҳозирги замон стабил дарсликлари дастурга тўлиқ мос келади. Дарсликда дастур талабларидан четга чиқиб, курсни ортиқча мураккаблаштириб юборадиган материаллар йўқ.

Бошлангич синфлар математика дарсликларида матн кам, улар назарий ва амалий материални бир вактда ўз ичига олади.

Дарслик ўқувчилар билимига қўйиладиган талаблар савиясини белгилаб беради ва уларни мураккаблаштириб юбориш керак эмас. Дарсликда алгебра ва геометрия элементларини ўрганиш учун машқлар мавжуд. Дарсликда эслатма — алгоритмлар ёрдамида математик нутқни ривожлантиришга алоҳида эътибор берилади. Дарсликка ўйин элементлари киритилган, кўпчилик масалаларнинг ечилиши ижодий ёндашишни талаб қиласди. Масалалар матнларида болаларнинг турли касблар билан танишишлари учун,

техника билан боғланиш, болаларнинг ижтимоий-фойдали меҳнатда иштирок этишлари, табиатни асраш чоралари ва ҳоказо имкониятлар бор. Дарслерлар чиройли қилиб безатилган, уларда бир хил белгилашлар тизими қабул килинган.

Машғулотларнинг биринчи кунидан бошлабоқ, дарслерлар бўйича ишлашда болаларда илмий китоб билан ишлашнинг баъзи умумий укувларини шакллантиришни кўзда тутиш мақсадга мувофиқдир.

Биринчи дарсдаёқ китобнинг умумий тузилиши кўриб чиқилади. Болалар китобни ўз вактида очишни, китобда ўрганиладиган саҳифаларни осон топа олишни ўрганишлари лозим. Биринчи синфда керакли саҳифа хатчўп ёрдамида осон топилади, у биринчи дарслардан бошлаб киритилади ва дарсдан дарсга ўтишда ўқувчилар томонидан керакли жойга кўйиб борилади. Кейинчалик эса керакли саҳифани номери бўйича топишни ўргатиш лозим.

Дарслер саҳифаларида сюжетли расмлар бор бўлиб, моҳирлик билан ўргатилса, болалар дарслердаги бу расмлар томоша қилиш учун эмас, балки масалалар тузиш учун, санокни ўрганиш учун мўлжалланганлигини билиб оладилар.

Ўқитувчи расм билан ишлаётганда, болалар уни дикқат билан кўриб чиқиб, «Расмда нима тасвирланган» деган ҳикояни тузишларига вакт беради ва факат шундан кейин расмдан ўкув мақсадларида фойдаланишга киришади.

Дарс вактида расмга турли мақсадларда қайта-қайта мурожаат қилиш ўқувчиларнинг нутқини ривожлантиради.

I синф математика дарслигида ҳар бир саҳифада мантикий машқлар (тақкослаш, тартиблаш, умумлаштириш учун) бор. Болалар уларни қизиқиб бажарадилар. Булар қанақа расмлар, қандай топшириқни бажариш лозимлигини болаларнинг ўзлари сўзлаб берсалар фойдали бўлади. Афсуски, кўпчилик ўқитувчилар болаларга буни ўз вактида ўргатмасдан ҳатто III—IV синфларда ҳам топширикларни ўзлари ўқиб, маъносини ўзлари тушунтириб берадилар.

Уй вазифаларини бажаришда катталар раҳбарлик қилидилар: нимани қандай бажариш кераклигини тушунтириб берадилар, топшириқ тўғри бажаилганлигини текширадилар. Болалар топширикларни юзаки бажарадилар, топшириқнинг маъносини устида ўйланиб ўтирмайдилар. Бу эса мустақил ва текшириш ишларини бажаришда ишончсиз ҳаракат қилишларига сабаб бўлади. Ҳар дарсда китоб билан ишлаш

бу камчиликнинг олдини олади. Математика дарслигининг дарсма-дарс тузилиши (саҳифа — дарс ёки очилган икки саҳифа — дарс) яна бир мухим уқувнинг шаклланишига — машғулотнинг мақсадини аниқлашга ёрдам беради. Дарслик билан ишлашни бошлидан олдин болаларга дарслик саҳифасини дикқат билан кўриб чиқиш ва дастлаб ўқитувчи билан биргаликда, кейин эса мустақил равишда дарсда нима ўрганилишини сўзлаб беришга имкон бериш керак. Бу эса кейинчалик ҳам дарслик билан мустақил ишлаш уқувининг шаклланишига ёрдам беради.

Ўқитувчи болалар эгаллаган уқувларни таҳлил қилиб, ўз-ўзидан текшириб бориши фойдалидир. Масалан, дарсликда маҳсус машқ берилган: «Мисолларни ечинг. Жавобларни ортиб бориш тартибида ёзинг». Болалар топшириқни мустақил ўқийдилар. Улар топшириқнинг биринчи қисмини ихлос билан бажарадилар, лекин иккинчи қисмини бажаришда кўпчилик ўқувчилар эсанкираб қолишади. Хулоса бундай — болалар топшириққа оид тушунтиришни билмайдилар. Ишнинг шу томонига маҳсус эътибор бериш лозим.

Матбаа асосидаги дафтарлар ўтилган материални мустаҳкамлаш ва такрорлаш босқичида мустақил ишни ташкил этиш учун мўлжалланган.

Таълимнинг мазмуни ва ўқувчиларнинг ёшларига қараб дафтарнинг тузилиши ҳам, унинг саҳифаларининг безатилиши ҳам ўзгаради.

«Математика дафтари» дарсликнинг мазмуни ва тузилиши билан тўлиқ мослаштириб тузилган. Булар — жадвалларни тўлдириш, мисоллар ечиш, сонларни ва ифодаларни таққослаш ва ҳ. к.

Дафтар билан ишлаётганда болалар топшириқни кўчириб ёзмасдан, балки очик қолдирилган жойларни тўлдирадилар, бу эса вақтни тежаш имконини беради. Топшириқларнинг бир қисмини уйда ёки куни узайтирилган гурухларда бажариш мумкин. Ҳар бир ўқувчининг дафтари ҳар бир дарсда ўқитувчи томонидан дикқат билан кузатиб бориши керак, ўқувчининг ишда йўл кўйган ҳамма камчиликларини ўзига қўрсатиб бориш керак. Дафтарларда аник, пухта, математик тўғри ёзиб боришни талаб қилиш ўқитувчининг математикадан олиб бориладиган ишининг сифатли бўлиши учун курашининг мезонидир.

Ўқитувчига ёрдам тариқасида қатор кўшимча қўлланмалар нашр қилинади. Булар дарсларни ўтказишига оид услубий тавсиялар, кўшимча машқлар тўпламлари, муста-

кил ва якка тартибда ишлашни ташкил қилиш учун дидактик материалдир. Янги иш бошлаётган ўқитувчи энг яхши ўқитувчиларнинг иш тажрибалари билан «Бошланғич мактаб» журнали орқали танишиб бориши фойдалидир.

2- §. ТУРЛИ КЎРСАТМАЛИ ҚУРОЛЛАР

Билимларнинг пухта ўзлаштирилиши, таълим жараёнларининг фаоллашиши, фазовий ва микдорий тасаввурларнинг пухта шаклланишида кўрсатмалилик тамойили ёрдам беради.

Математиканинг турли босқичларида ва турли бўлимларида кўрсатмалилик воситаларининг қўлланилиши турли чадир. Масалан, сон тушунчасини шакллантиришда, арифметик амалларнинг маъносини очиб беришда, 100 ичидаги ўшиш ва айриш усуллари билан таништиришда нарсалар тўпламларига доимо мурожаат этишга тўғри келади. Бироқ секин-аста уларнинг роли камайиб боради ва кўрсатмалилик воситалари сифатида символлар (ишоралар, ракамлар ва х. к.) кела бошлайди. Бунда математикада меъёрига риоя қилишлик бошқа ҳар бир фанга қараганда катта аҳамиятга эга. Нарсали расмлардан, саноқ материалидан керагидан узоқ фойдаланиш ўқувчиларда абстракт тафаккури ривожининг секинлашишига олиб келади. Шу сабабли ўқитувчи конкрет қўлланмалардан конкретлиги камроқ қўлланмаларга ўтишни усталик билан таъминлаши лозим.

Кўрсатмали қўлланмалар маълум талабларга мувофиқ бўлиши, чунончи улар ўқув дастурига, ўқувчиларнинг ёш хусусиятларига мувофиқ бўлиши лозим.

Кўрсатмали қўлланмаларнинг турларини жадвал кўришида ифодалаш мумкин (1-расм). Қўлланмалар ишлатилишига кўра намойиш килинадиган ва якка фойдаланиладиган, тайёрланишига кўра фабрикада тайёрланадиган ва қўлбола бўлиши мумкин. Баъзи кўрсатмаларни болалар мөҳнат дарсида ўқитувчи раҳбарлигига тайёрлашлари мумкин, мураккаброқ қўлланмаларни эса юқори синф ўқувчиларнинг ёрдамида тайёрлаш мумкин.

Айниқса кўп саноқ материалидан биринчи ва иккинчи синф дарсларида фойдаланилади.


КҮРСАТМА ҚҰЛЛАНМАЛАР ТУРЛАДИ

ТАБИИЙ ҚҰЛЛАНМАЛАР:
(НАРСАЛАР, ДАФТАРЛАР,
ЧҮПЛАР, КУБЛАР, ҚА-
ЛАМЛАР ВА Ҳ.К.)

ТАСВИРИЙ ҚҰЛЛАНМАЛАР:
(РАСМЛАР, СИМВОЛЛАР,
БЕЛГИЛАР, РАҚАМЛАР,
ҮҚУВ ДИАФИЛЬМЛАР
ВА Ҳ.К.)


1- расм.

Гугурт қутичаларидан йигилған саноқ пенали (кутиси) ўзининг яхши эканини күрсатди (2- расм). Ҳар бир ўқувчи учун иккита пенал тайёrlаш мумкин. Бири уч хил рангли учбурсаклар, квадратлар ва доирачаларни сақлаш учун 6—9 та қутичадан иборат бўлади. Иккинчи пеналда саноқ материалы: юлдузчалар, қўзиқоринлар, чўплар ва ҳ. к. бўлади.




2- расм.

Болаларнинг ишларини фаоллаштиришда намойиш қилинадиган ва якка ишлаш учун катакли тахтача катта ёрдам беради (3- расм). Бандли қалин картон қофозга 2—3 қатор чўнтакчалар ясалган бўлиб, болалар ўқитувчининг айтиб туриши бўйича рақамлар кассасидан рақамлар ва ишораларни териб, топшириқ жавобини кўрсатадилар.



3- расм.

Рақамларнинг тўғри ёзилганигини маък қилиш учун асбобнинг тузилиши содда бўлса-да, лекин жуда самаралидир. Юпқа темир тунукадан кия қилиб ясалган планшетга (250×200 мм) қофоздан қийиб олинган рақамлар контурлари елимлаб ёпиширилади. Шу ернинг ўзига лампочка, планшетнинг орқа томонига эса батарея ўрнатиласди. Стержени олиб ташланган шарикли ручка корпуси ичидан сим ўтказиласди. Лампочканинг учидаги контактни манбанинг манфий кутби билан, винтли жойидаги контактни эса мусбат кутби билан уланади. Симнинг бир учини манбанинг мусбат кутби билан, иккинчи учини эса манфий кутби билан уланади ва сим ручканинг корпусига маҳкамланади. Асбоб билан ишлашни ўйин шаклида ташкил этиш мумкин. Ўнаётган ўкувчи ручка — шупни олиб, рақам устидан аник юргизиши кепрак. Агар шуп рақамдан четта чиқиб кетса, лампочка ёнади. Шуп бошқа ўкувчига берилади (4- расм).




4- расм.

Саноатда ишлаб чиқариладиган электровикториналарни кўшиш ва айириш амалларида ишорани танлашни мустахкамлаш учун стендга айлантириш мумкин ёки шундай кўлланмани кўлда ясаш мумкин.

Калин картондан ясалган планшетда амал ишоралари тушириб колдирганд мисоллар расмлари маҳкамланади.


Ҳар бир расм ёнига метағл болтконтакт ўрнатилган бўлиб, у планшетнинг орқа томонида гайка билан маҳкамланган. Планшетнинг ўртасида иккита + ва — ишорали расм маҳкамланган бўлиб, уларнинг ёнида контакт — болтлар ўрнатилган. Планшетнинг орқа томонида мисолнинг контакти тегишли ишора билан улангандек планшетда лампочкалар ўрнатилган ва шуплар — иккита эгилувчан изоляцияланган сим чиқарилган бўлиб, уларнинг учларидан изоляция қатлами олиб ташланган. Батарея планшетнинг орқа томонига ўрнатилган. Агар бир шунни мисол остидаги контактга, иккинчи шунни эса керакли ишорага теккизилса, лампочка ёнади. Контактларнинг уланишини ва карточкаларни алмаштириб, бундай «имтиҳон оловчидан» ҳар бир дарсда фойдаланиш мумкин (5-расм).



5-расм.

Билим ва уқувларни мустаҳкамлаш босқичида турлитуман машқлар учун маълумот жадвалларидан, оғзаки саноқ учун жадваллардан, масалалар тузиш учун расмлар, схемалар ва чизмалардан кенг фойдаланилади.

Динамик катакли тахтача фойдаланиш учун жуда кулайдир. 500×600 мм ўлчамили қофозда содда пейзаж ясалади (6-расм). Арчаларда, ўтлокда, кўлда, булатларда тешиклар ясалади. Варак картонга елимлаб ёпиширилади. Саноқ материали: қўзиқоринлар, гуллар, олмахонлар, күёнчалар, балиқлар, ўрдакчалар алоҳида ясалади. Саноқ материали катакнинг орқа томонига ёпиширилган конвертларда алоҳида сақлаётади. Расмдаги саноқ материалини алмаштириб, турли ҳолатлар билан боғлиқ кўплаб масалалар тузиш мумкин, керакли сондаги деталларни қўшиш ёки олиб ташлаш имконияти эса масалани ечиш учун амални танлаш укувининг шаклланишига ёрдам беради.




6-расм.

Математик касса ҳам мұвафакқият билан құлланилади. Уни ясаш қийин әмас. Шаффоғ целофан (120×160 см) иккі қават қилинади ва тикилади. 6×7 см үлчамли түғри түртбұрчаклар ҳосил қилинади. 10 та горизонтал қатор ҳосил бўлиб, ҳар бир устунда 12 тадан чүнтак кесик жой ҳосил бўлади. Пастда саноқ материалы, расмлар ва бошқа құлланмаларни саклаш учун чүнтаклар бўлади. Чүнтакка турли нарсалар тасвирланған карточкани қўйиш учун унга паст томондан иккита энсиз юпқа картонни маҳкамлаб қўйиш мумкин (7- расм).

1	0	$\sim\sim\sim\sim\sim\sim$	$1 < 2$
2	0	$\sim\sim\sim\sim\sim\sim$	$2 > 1$
3	0	$\sim\sim\sim\sim\sim\sim$	$2 < 3$
$\sim\sim$	$\Delta\Delta\Delta\Delta$	$\sim\sim\sim\sim\sim\sim$	$3 > 2$
$\sim\sim$	$\Delta\Delta\Delta\Delta$	$\sim\sim\sim\sim\sim\sim$	$4 \cdot 3 = 12$
$\sim\sim$	$\Delta\Delta\Delta\Delta$	$\sim\sim\sim\sim\sim\sim$	$\sim\sim\sim\sim\sim\sim$
$\sim\sim$	$(4 + 3) + 2 =$	$\sim\sim\sim\sim\sim\sim$	$\sim\sim\sim\sim\sim\sim$
$(00000 + \square\square + \Delta\Delta)$	$\sim\sim\sim\sim\sim\sim$	$\sim\sim\sim\sim\sim\sim$	$\sim\sim\sim\sim\sim\sim$
$\sim\sim\sim\sim\sim\sim$	$\sim\sim\sim\sim\sim\sim$	$\sim\sim\sim\sim\sim\sim$	$\sim\sim\sim\sim\sim\sim$

$$6 : 2 + 4$$

7-расм.



8-расм.

Математик кассадан турли мақсадларда: нарсаларни санаш малақасини такомиллаштириш учун, ҳисоблаш малакаларини мустаккамлаш учун, расмлар бўйича масалалар тузиш, арифметик амаллар хоссаларини ўрганиш, кўпайтириш жадвалини тузиш ва ҳоказоларда фойдаланиш мумкин.

«Икки тенг бўлакка бўлиш ва иккига бўлиш» ҳамда ҳаракатта доир масаланинг математик кассада намойиш этилиши бундай бўлади (8- расм).

Ҳозирги замон дарсида турли хилдаги перфокарталар, перфопапкалар, шифрдан борган сари кенг фойдаланилмоқда. Энг содда перфокартани мана бундай тайёрлаш мумкин: альбом вараги икки букилади, папка ҳосил бўлади, устки бўлакда ҳар бир каторда 3 тадан қилиб, 4 катор тешик очилади ёки номерли 2 та тешик очилади (9- расм).

I	II	III
КЎПАЙТУВЧИ КЎПАЙТУВЧИ КЎПАЙТУВЧИ		
<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>
<input type="text"/>	<input type="text"/>	<input type="text"/>
<hr/>		
<input type="text"/>	<input type="text"/>	<input type="text"/>
УМАРОВА.		

9-расм.

СОНЛАРНИНГ ҚЎШНИЛАРИНИ ЁЗ		
1	<input type="text"/>	48
2	<input type="text"/>	60
3	<input type="text"/>	79
4	<input type="text"/>	51
5	<input type="text"/>	90

ЭШОНОВ К.

Вараклар орасига вкладыш қистирма қўйилади. Бундай перфокарталар барча ўқувчиларга ёки бир неча ўқувчига уларнинг ишларини баҳолаш учун тарқатилади. Папкада кўпинча аниқ топшириқ бўлади.

Топшириклар баъзан доскага ёзилади ёки кодоскоп орқали проекцияланади. Ҳар бир ўқувчи дарчалар қарши-сига топшириқ номерини қўяди ва жавобини ёзади. Жавобни танлаш ва унга жавоб кодидан фойдаланиб, перфокарта ёрдамида барча ўқувчиларга жуда тез баҳо қўйиш мумкин.

<i>N</i>	<i>n</i> 24	1	2	3	4
1	$7 + 4$	9	11	10	8
2	$11 - 5$	5	4	6	7
3	$4 + 7$	11	9	10	8
4	$8 + 3$	8	12	11	10
5	$13 - 7$	10	7	9	6

10-расм.

Ўқувчи бундай топшириқ ёзилган карточка олади (10-расм). Ўқувчи мисолни ечади, жавобни танлайди ва 11-расмда тасвирланган карточка — тўрга «+» белгисини қўяди. Карточка — кодда дарча очилган бўлиб, у карточка — тўрдаги тўғри жавоб билан устма-уст тушади. Энди ўқитувчига карточка — тўрга жавоб кодини қўйиб, дарчалардаги «+» лар сонини санаш қолди. Бу тўғри ечилган мисоллар сонидир (12- расм).

Ўзини-ўзи текшириш билан ташкил этиладиган мустақил иш карточкиси 13- расмда тасвирланган. Мисол ёзилган ҳар бир дарчанинг юқори бурчагида бигиз билан тешик очилган. Ўқувчи тешикка уни очилган қаламни қўйиб, мисолни танлайди ва уни ечади, карточканинг орқа томо-

1		+	
2			+
3	+		
4	+		
5			+

11-расм.

1		2	3	4
2			2	
3		2		
4		2		
5				2

12-расм.

$21+10^{\circ}$		$24-9^{\circ}$	
	$36-16^{\circ}$		$11+7^{\circ}$
$15-3^{\circ}$		$32+5^{\circ}$	
	$43+9^{\circ}$		$18-8^{\circ}$
$12+9^{\circ}$		$22-11^{\circ}$	
	$19-5^{\circ}$		$15+7^{\circ}$
$19+12^{\circ}$		$10-7^{\circ}$	
	$11-4^{\circ}$		$16+9^{\circ}$
$25-5^{\circ}$		$29+5^{\circ}$	
	$17+13^{\circ}$		$21-6^{\circ}$
$15-9^{\circ}$		$23+11^{\circ}$	

13-расм.

	15°		31°
18°		20°	
	37°		12°
10°		52°	
	11°		21°
22°		14°	
	3°		31°
25°		7°	
	34°		20°
15°		30°	
	34°		6°

14-расм.

нини ўгиради. Қалам учи дарчада орқа томонда ёзилган тұғри жавобни күрсатади (14- расм).

График шифр ёрдамида билимларни текшириш мана бундай бұлади. Үқитувчи доскада икki варианта да жавоблари билан берилген мисоллар тайёрлайды, уларнинг тұғрилигини текшириш керак. Болалар мисолларни оғзаки ечадылар. Агар жавоб тұғри бўлса, уни ёй билан белгилайдилар, нотұғри бўлса, чизиқча чизадилар, масалан,

$$\begin{array}{ll} (32+17) : 7 = 7 & (21+33) : 9 = 5 \\ (15+30) : 5 = 7 & 6 \times 6 - 6 = 30 \\ 7 \times 9 - 13 = 50 & \\ (23+41) : 8 = 8 & \end{array}$$

Мана бундай шифр ҳосил бўлди (15- расм). Агар «^» ва «—» ли карточкаларни олдиндан тайёрлаб қўйилса, шифрни доскада бир ўкувчи тузиши мумкин, ёнма-ён ўтирган ўкувчилар дафтарларини алмашадилар, ўзаро текшириш бўлади. Агар шифрлар мунтазам ишлатилса, 7—10 та мисолни ечишга 3—4 минут вақт кетади ва болалар қизиқиб ишлайдилар.



15-расм.

Бошланғич мактаб кабинетлари кодоскоплар, диапроекторлар ва магнитофонлар билан таъминланган.

Кодоскоп ёки «Лектор-2200», «Лектор-2001» графопректорлари шаффофф плёнкага ёзилган ёзувлар, чизмалар ва схемаларни намойиш этиш учун мўлжалланган.

Бошланғич мактабда ўкув жараёнини таҳлил қилиш шуни кўрсатдики, үқитувчи ҳар бир дарсда вақтнинг 10—15% ини топширикларни доскага кўчириб ёзишга сарф қиласиди. Транспорантлардан (ёки кодограммалардан) фойдаланиш бу ишни бир неча баравар камайтиради. Кодограммалардан фойдаланиш услубий афзаликларга ҳам эга. Бунда үқитувчи тушунтираётганида синфга қараб туради, илгари ўрганилган материалга қайтиш матнига тўлдиришлар ва тузатишлар киритиши, қилинаётган ишни ҳаракатда кўрсатиши мумкин. Кодограммалар учун барча шаффофф плёнкалар, пластмассалар, органик ва ром ойналари, илгари ишлатилган рентген плёнкаси ишлатилиши мумкин. Плёнканинг сирти маҳсус шаффофф эритма билан ювилади.

Эритма таркиби: 1 ош қошиқда желатин, 10—20 томчи глицерин, 200 мл сув.

Тайёрлаш технологияси: желатинга қайна-тилган совук сув қуилади, аралаштириб, 40—60 минут тиндириб қўйилади. Эритмани қайнатиб юбормасдан иситилади ва докадан ўтказилади. Глицерин қўшилади ва яхшилаб аралаштирилади. Эритма илик ҳолатида юмшоқ чўтка билан плёнка сиртига суртилади. Плёнка қуриганидан сўнг тасвир чизилади. Шарикли ручка, гуашь, тушь, фломастер билан чизиш мумкин. Тушь плёнкага яхши ўтириши учун унга бироз қанд ёки қофоз елими кўшилади. Кодограммаларнинг энг мақбул ўлчами 14×25 см. Кодограмма яхши сақланиши учун уни картон рамкага маҳкамлаш, маҳсус папка ёки конвертларда сақлаш лозим. Кодоскопни доскадан 2—2,5 м нарига ўрнатилади. Тасвир экранга ёки маҳсус оқ рангли доскага проекцияланади. Айрим ҳолларда кодограмманинг ҳаммаси эмас, балки бир қисми кўрсатилади. Бунинг учун тасвирнинг қаралмаётган қисмини беркитиб турадиган маскадан (ниқобдан) фойдаланилади.

Масалан, оғзаки саноқни ўтказиш учун ўқитувчи иккита жавобли ушбу кодограммани тайёрлади.

$$\begin{array}{ll} 150 - 75 : 3 = 25 & 125 \\ 90 - 10 \times 5 = 400 & 40 \\ 28 + 42 : 14 = 5 & 31 \\ 51 - 9 \times 3 = 14 & 24 \end{array}$$

Намойиш қилишда жавоблар ниқблар билан тўсилган. Ўқувчилар дафтарларига фақат жавобларни ёзадилар. Тўғри жавоблар иккинчи устунда берилган. Биринчи устундаги жавобларни очиб, ўқитувчи ўқувчилардан қайсилари амаллар тартибини бузганилкларини аниклайди. Кейин тўғри жавоблар очилади. Агар ўқувчиларда яна бошқа жавоблар чиқса, у ҳолда ҳисоблашда хатоликка йўл қўйилган.

Кодоскопдан янада чуқурроқ сўрашда ҳам фойдаланиш мумкин. Бунда ўқувчилар топшириқни шаффоф плёнкада бажарадилар, жавобда эса ёзувлар экранга туширилади.

Магнитофон ёрдамида оғзаки саноқ матнини, диа-фильмни овозли қилиш ёки математик диктант ўтказиш мумкин. I синфда фақат битта вариантда топшириқлар ёзилади. Ҳар бир топшириқ бир оз пауза билан 2—3 марта тақрорланади. Болалар магнитофон билан ишлашга ўргангандаридан сўнг саволни тақрорлаш камайтирилиб пировардига бир мартага келтирилади. Ўқитувчидан қайтариб

айтиб беришни сўраш иложининг йўқлиги сабабли боалалар дикқат билан ишлашга мажбур бўладилар. 2- синфдан бошлаб, магнитофонли диктантни икки вариантда ўтказиш мумкин. Бунда ёзув икки овозли (эркак киши ва аёл киши овозлари) бўлиши керак.

Магнитофонли ёзувни кодоскоп билан биргаликда ишлатиш эшитиш ва кўриш хотирасини ривожлантиради, болаларнинг фикрлашларининг самарали ривожланишига ёрдам беради, ижодий қобилиятларининг фаоллашувига, математикага қизиқишиларининг ортишига ёрдам беради.

3- Б О Б. БОШЛАНГИЧ МАКТАБДА МАТЕМАТИКА ЎҚИТИШНИ ТАШКИЛ ЭТИШ ШАКЛЛАРИ

Ўқитиш шакли — бу ўқувчиларнинг ўқув-билиш фаолиятларини уни турли шароитларда (синфда, ишлаб чиқаришда ва ҳоказо) ўтказилишига мувофиқ равишда ўқитувчи томонидан тарбиявий ўқитиш жараёнида фойдаланиладиган қилиб ташкил этилишидир.

Бошлангич синфларда математика ўқитишнинг ташкилий шакллари дарс, уй вазифаларини мустақил бажариш, ўқувчиларнинг якка тартибда гурӯҳ ва жамоа бўлиб ишлашлари, экспурсиялар, синфдан ташқари ишлардан иборат.

Мактабда ўқитишни ташкил этишининг асосий шакли дарсларни ўтказишга тайёргарлик кўриш олдидан бошлангич мактаб мазкур синфининг математикадан дастури ўкув йили чораги бўйича, айрим мавзу бўйича ўрганиш тайёргарлиги кўрилиши керак, чунки ишнинг умумий кўриниши аникланганидан сўнггина ҳар бир дарснинг ўрни ва аҳамиятини тўғри белгилаш мумкин. Ўқитувчи қанчалик тажрибали бўлмасин, агар у ўз синфининг дастури ҳақида билимга эга бўлмаса, чораклар бўйича ва алоҳида мавзулар бўйича режалаштиришни билмаса ҳар бир алоҳида дарсга режа тузишга қийналади. Ўқитувчи доимо дастурлардаги, дарслклардаги ва айрим мавзулардаги ўзгаришларни қўзатиб бориши лозим. Ўз фаолиятига шахсан жавобгарлик, йиллар давомида тўпланиб қолган одатлардан воз кеча олиш, машғулотларни эркин, ижодий режалаштириш ва ўтказишга халал берадиган шакл ва усуллардан воз кечиш, чукур билимларга эга бўлган, ғоявий эътиқодли, ўз Ватани тақдирига маънавий жавобгарлик ҳиссига эга бўлган авлодни табиялашга ўзининг бутун кучини сарфлаш ўқитувчи олдига қўйиладиган асосий талаблардир.

Ўкув дастури Республика Халқ таълими вазирлиги тасдиқлаган давлат ҳужжати бўлиб, унинг бажарилиши мужбурийдир.

Дастур асосида мавзу бўйича режалаштириш тузилади ва дарслар календар режаси тузилади. Бу режани исталган шаклда тузиш мумкин. Муҳими мавзу бўйича режа ўқитиш жараёнини тўғри ташкил этишга ёрдам берсин, дарслар режаси эса дарснинг маҳсулдор бўлишини, ҳар бир ўқувчининг билимидаги олға силжиш бўлишини таъминласин.

Чорак календар режасининг схемаларидан бирини келтирамиз (16-расм).

... синфда 19 ... — 19 ... ўкув йилда математикадан машғулотларнинг календар режаси:

ДАРС №	ДАРС МАВЗУСИ	ДАРСЛИК БЕТИ	ДАФТАР БЕТИ	ЯНГИ МАТЕРИАЛНИ БАЁН КИЛИШ УСЛУБИ	ПРЕДМЕТЛАРДАРДО БОҒЛАНИШ	КЎРГАЗМА КУРДЛАР	ИЗОХЛАР
1	2	3	4	5	6	7	8

16-расм.

Режани ўзи учун, ўз ўқувчилари учун мослаштириш лозим. Мавзу бўйича қилинган ишни, ўқувчиларнинг назорат ишларини таҳлил этиб, ўқитувчи айrim ўқувчилар билан ишлашда йўл қўйилган камчиликларни кўради, вақт резервини аниқлайди, қайси мавзуларни ўрганишда вақтни тежаш мумкинлигини, қайси мавзуларга эса қўшимча вақт ажратиш лозимлигини ўйлаб кўради. Бу билан бир вақтда ўкув ва малакаларни ҳисобга олиш ва назорат

қилиш графиги тузилади. Айрим мавзуларни ўрганишнинг аниқ мақсадлари ва вазифаларини, якуний натижаларни ва бу натижаларга эришилиши лозим бўлган вақтни ҳисобга олган ҳолда ўқитувчи кўрсатма қўлланмаларни, мавжуд дидактик материални ўйлаб кўради, айрим ўқувчиларга ва умуман бутун синфга уни етказиш шаклларига тузатишлар киритади, ўтилган материални такрорлаш ва янги материални қабул қилишга тайёрлаш тизимини белгилаб олади, фанлараро алоқаларни ўрнатади. Тажрибали ўқитувчи бундай режалаштиришнинг айрим ўринларини тушириб қолдириши мумкин бўлса-да, лекин ёш, энди иш бошлиғётган ўқитувчи ўз фикрларини ҳар бир дарсга тайёрлашишда мунтазам равишда мурожаат қилиб туриш учун қайд этиши лозим.

Шундай қилиб, мавзу бўйича режа ўқитувчининг ўз синфи билан аниқ ишини акс эттириши лозим, шу сабабли у барча учун бир хил бўла олмайди.

1- §. ДАРС ВА УНИНГ ВАЗИФАЛАРИ

Дарс — ўқитиш жараёнида асосий бўғиндир. «Дарс» сўзининг дастлабки маъноси — бу маълум муддатда бажарилиши керак бўлган меҳнат топшириғидир. Дарс ўқув ишининг шакли сифатида XVII асрдан, яъни 300 йилдан бери мавжуд. Дарсда болалар фақат ўқибгина қолмасдан, балки жамоа бўлиб ишлайдилар, унда мулоқотда бўлиш қоидаларига ўрганадилар ва ҳар бири алоҳида ўрганилаётган нарсага, бир-бирларига, ўқитувчига ўз муносабатларини билдирадилар. Ана шу нарса тарбиядир.

Мавзу бўйича режалаштириш асосида ўқитувчи ҳар бир дарсга иш режасини тузади.

Ҳозирги замон математика дарсида таълимий, тарбиявий ва онгни оширишга оид вазифалар бажарилади.

Дарснинг таълимий вазифалари ўқув дастурига мувофиқ бўлиши лозим. Таълимий вазифалар назарий тафаккурлаш элементларининг шаклланишига ёрдам берадиган назария, тушунчалар ва қоидаларнинг ўзлаштирилишига ёрдам беради. Шу мақсадда ўқитувчи материални танлашда етакчи, бош ва иккинчи даражали тушунчаларни ажратади, дарснинг янги материални ўрганишга оид қисмини пухта ўйлаб олади, ўқувчиларнинг математик нутки устидаги ишни; куйидаги умумтаълим ўқув ва малакаларни ривожлантиришни режалаштиради:

китоб, босма асосидаги дафтар, ўлчов асбоблари ва ўлчаш коидалари билан ишлаш, доскада ва дафтарда чизмалар чиза олиш укуви, тез ёзиш ва ўқиш укуви, бир-бирини ва ўзини ўзи назорат қилиш малакасини сингдириш ва ҳоказо.

Умумтаълим вазифанинг қўйилиши дарс мавзуига асосланиши, лекин уни тақрорламаслиги лозим. Кўпинча услугубий қўлланмаларда ва ўқитувнинг режаларида умумтаълим вазифалар дарс мавзуси номини тақрорлайди. Масалан, «1, 2, 3, . . . сонлари» мавзусини ўрганишда вазифа бундай таърифланган: «1—3 сонларини ўрганиш ишини давом эттириш» «Содда масалалар» мавзусида эса вазифа бундай қўйилган: «болаларни содда масалалар билан танишириш». Бундай ёндашишда умумтаълим вазифа умумий кўринишда бўлиб қолади, ўқитувчи эса режани ишлаб чиқишида услугубий қўлланма ва дарсликка таяниб қолиб, дарсга ўзининг ижодий ҳиссасини камроқ кўшади.

Умумтаълим вазифалар турларини билиш дарсни маънолироқ ва аникроқ бўлишига олиб келади. Болалар дарсда машқ қилиб ва эслаб қолмасдан балки ўз олдиларига қўйилган аник вазифани бажарадилар.

Кичик ёшдаги мактаб ўқувчилари руҳий фаолиятларининг ўзига хос хусусиятларига караб бир дарсда бир неча таълимий вазифаларни қўймаслик керак. Ҳар бир мавзуни ўрганишга анча катта микдордаги соатлар ажратилишини ҳисобга олиб, умумтаълим вазифаларнинг барча турларини секин-аста, етарлича вакт оралиғида амалга ошириш лозим. Бир хил дарсларда болалар мавзунинг гоялари билан танишадилар ва назарияни ўрганадилар, иккинчи хил дарсларда эса эътиборларини фактик (аник) материалга қаратадилар, учинчи хил дарсларда эса укувларни эгалладилар, тўртинчи хил дарсларда эса малакаларини такомиллаштирадилар.

Яна қўшимча маълумотлар бериладиган дарсларни режалаштириш мумкин. Албатта, битта дарснинг ўзида умумтаълим вазифаларнинг турли хилларини биргаликда қўйиш ҳам мумкин.

«Бир хонали сонларни ўнликдан ўтиб қўшиш» мавзусини ўрганишда умумтаълим вазифаларнинг амалга оширилишига оид мисолни кўриб чиқайлик.

Таълимий максад: болаларни бундай гоя билан танишириш: ўнликдан ўтиб қўшиш усули фақат биринчи ўнлик ичидагина эмас, балки натурал қаторнинг исталган сони учун ҳам сақланади. Болалар 9+2 ни бажа-

риш усулинин тақрорлайдилар: 9 га ўн ҳосил бўлиши учун қанча керак бўлса, шунча қўшамиз, кейин қолганини қўшамиз. Ҳисоблайман: 9 га 1 ни қўшсам 10 бўлади, яна 1 ни қўшаман, 11 бўлади.

Доскага мисоллар ёзилган:

$$\begin{array}{r} 19+2 \\ 29+2 \end{array} \quad \begin{array}{r} 39+2 \\ 49+2 \end{array}$$

Ўқитувчи: «ушбу ифодаларда юқоридаги усулни қўлланг».

Сўнгра ушбу мисоллар тақлиф этилади:

$$109+2 \quad 119+2 \quad 129+2 \quad 139+2 \quad 149+2 \text{ ва ҳоказо.}$$

Мисоллар доскага ёзилади, бу мисолларни болаларда бу ишга қизиқиш ўйғонганинги ўқитувчи сезгунига қадар бериш мумкин. Болалар оғзаки мулоҳаза юритадилар. Ўқитувчи ёрдамида улар бундай хуносага келадилар: ҳар бир мисолда маълум усул тақрорланмоқда. Бу усул ўнликдан ўтиб қўшишдир. Узил-кесил жавоб, яъни йигинди аҳамиятта эга эмас, уни айтмаслик ҳам мумкин, бу ерда энг асосий нарса болалар фикрининг мантиқи, ғоя билан танишишдир. Бу вазифанинг амалга оширилиши барча болаларда, уларнинг математик қобилиятларидан қатъи назар, математик мулоҳазаларга дастлабки қизиқиш ўйғотади.

Дарсдаги онгни оширишга оид вазифалар болаларнинг ақлий ва билиш қобилиятларини ривожлантиришга қаратилган. Тўрт йиллик мактабнинг янги дарсларидан ўкувчиларнинг дикқатини, кузатувчанлигини, хотирасини ривожлантиришга, объектларни таҳлил қилиш, таққослаш, яширин қонуниятни фаҳмлашга қаратилган машқлар сони кўпайтирилган.

Дарсларда болаларнинг математикага қизиқишларини ривожлантиришга алоҳида эътибор берилади. Дарс қизиқарли бўлса, болалар фаол қатнашадилар ва мустақил бўладилар. Болаларнинг ақлий қобилиятларини ва математикага қизиқишларини ривожлантиришда ўқитиш усулларининг тўғри танланиши катта аҳамиятга эга.

Ўқитувчи дарсда фойдаланадиган усулларни мисолда батафсилоқ кўриб чиқамиз.

Мавзу: $68 : 4$ кўринишидаги бўлишни тушунтириш.

Бу жадвалдан ташқари бўлиш ҳолидир.

Н а з а р и я с и: $68 : 4 = (40 + 28) : 4 = 40 : 4 + 28 : 4 = 10 + 7 = 17$.

Т у ш у н т и р и ш:

I вар иант. 68 ни 4 га бўлиш учун 68 сонини ҳар бири 4 га осон бўлинадиган қўшилувчиларнинг йифиндиси билан алмаштириш фойдали, кейин эса йифиндини сонга бўлишнинг маълум қоидасидан фойдаланиш мумкин. Ҳисоблашларни осонлаштириш учун бу ҳолда 68 ни энг яхшиси $40+28$ йифинди қўринишида ифодалаш керак. Ҳақиқатан ҳам, $40 : 4 = 10$, $28 : 4 = 7$ (сиз буни қўпайтириш жадвалидан биласиз). Энди қандай мулоҳазалар юритганимизни ёзамиш:

$$68 : 4 = (40 + 28) : 4 = 40 : 4 + 28 : 4 = 10 + 7 = 17.$$

Ўқитувчи тушунтирганидан сўнг, одатда шу мисолнинг ўзини такрорлашни сўрайди, кейин мустаҳкамланади.

II вар иант. Сиз икки хонали сонни бир хонали сонга бўлишнинг бўлинувчи хона қўшилувчиларининг ҳар бири бўлувчига бўлинадиган ҳоллари билан танишгансиз: $46 : 2 = (40 + 6) : 2 = \dots$. Бунда биз нима қиласиз: сонни хона қўшилувчилари йифиндиси билан алмаштирадик, кейин йифиндини сонга бўлар эдик.

Энди кийинроқ мисолни қўрайлик: $42 : 3$. Бизга маълум бўлган $(40 + 2) : 3$ усули иш бермайди. 42 сони 3 га умуман бўлинмаслиги ҳам мумкин, ҳозирча шошилмайлик. Чўпларга мурожаат қиласиз. 42 — бу 4 та ўнлик даста ва 2 та алоҳида чўп. 3 га бўлинадиган ўнликлар дастасини ажратинг. Бизда 12 та чўп қолди, 3 га бўлинади, 4 чиқади. Демак, 42 ни 3 га бўлиш мумкин. Юқоридаги мулоҳазаларимизни такрорлаймиз ва ёзамиш:

$$42 : 3 = (30 + 12) : 3 = 30 : 3 + 12 : 3 = 10 + 4 = 14.$$

III вар иант. Иккинчи ҳолдаги каби хона қўшилувчилари йигиндиси билан алмаштириш ҳеч нарса бермаслигидан бошлаймиз. 42 ни 3 га бўлинадиган бошқа қўшилувчилар йифиндиси қўринишида ёзиш мумкин бўлмасмикан? Шунга уриниб қўрамиз.

3 га қўпайтириш жадвалдан $3 \times 5 = 15$ ни оламиз, у ҳолда иккинчи қўшилувчи $42 - 15 = 27$ бўлади, у ҳам 3 га бўлинади, демак, $(15 + 27) : 3 = \dots$. Бошқа сонларни ҳам синан кўриш мумкин: 3×4 , 3×6 , 3×8 , 3×10 .

Бу барча ҳоллардан энг қулайини, яъни энг соддасини танлаб оламиз: $3 \times 10 = 30$, $42 - 30 = 12$. Шундай қилиб, $42 : 3 = (30 + 12) : 3 = 10 + 4 = 14$.

Бу тушунтириш варианларини таққослаймиз:

- 1) догматик усул.
- 2) эвристик усул.

3) тадқиқот усули (муаммоли усул).

Бу ҳолларнинг ҳаммасида ҳам ўқитувчи ҳикоя усулидан фойдаланди. Синфдаги болаларнинг тайёргарликлариға қараб, бу тушунтириш вариантларининг исталган биридан фойдаланиш мумкин, бироқ охирги III вариант I вариантдан фикрлаш фаолиятини ривожлантирадиган асоси билан фарқ қиласди.

Дарснинг тарбиявий вазифалари ўқувчи шахсини шакллантириш ва ривожлантиришга каратилган. Ўқув материалига боғлиқ равишда тарбиявий вазифаларнинг ушбу турларига эгамиз: илмий дунёқарашни шакллантириш; ахлоқийликни шакллантириш; ҳиссисётни шакллантириш; атроф-муҳиттга эстетик муносабатда бўлишни шакллантириш; иродалиликни шакллантириш, жисмоний ривожлантириш, соғлиқни сақлаш ва мустаҳкамлаш; жамоатчилик муносабатларини, гуруҳда ва жамоада ўзини тута билишиликни шакллантириш.

Дарснинг тарбиявий вазифасини амалга оширишда ўқув материали ўқувчининг маънавий ривожланиш воситаси бўлишига эришиш муҳимдир. Дарс ўқувчига дунёдаги маънавий бойликларни англаш ва эгаллашига ёрдам берниши лозим. Дарс ўқувчидаги қанчалик кучли таассурот ўйғотса, унинг тарбиявий самараси шунчалик кўпроқ бўлади.

Ўқувчиларда шаклланадиган шахсий сифатларнинг асослари ўқув фаолиятида ўқувчилар орасида, ўқитувчи билан ўқувчилар орасида юзага келадиган муносабатлар асосида туғилади. Шу сабабли ўқувчиларда ҳамжиҳатлик ҳиссини, дўстона ўзаро ёрдамни шакллантириш билан боғлиқ бўлган тарбиявий вазифа тури муҳимдир. Бирори билан ҳамкорликда оламни билишга болаларни ўргатиш, бу ишни ҳар бир дарснинг мазмунига айлантириш ҳозирги замон таълим мининг мақсадларидан биридир.

Дарсда биргаликда ишлашга биринчи синфдан бошлаб ўргатиш мумкин. Биринчи синф ўқувчилари учун ўз ўртоғи билан ҳамкорликда ишлаш қизиқарлидир. Масалан, бу сонининг таркибини ўрганишда биргаликдаги ишни бундай ташкил этиш мумкин: «Чап томонда ўтирган ўқувчилар, бу та чўп кўйинг, чўпларни шундай бўлингки, ҳар бирингизда баравардан чўп бўлсин. Ҳар бирингизда қанчадан чўп бўлди? Иккалангизда биргаликда қанча чўп бор? Қандай билдингиз? Демак, 6=3+3. Энди ўнг томонда ўтирган ўқувчилар, бу чўпларни шундай бўлингки, бирингизда иккинчингизга қараганда камроқ чўплар бўлсин. Ҳар

бирингизда қанчадан чўп бўлганилигини кўрсатинг. Демак, $6=2+4$, $6=1+5$.»

Биргаликда ишлаш билиш фаолиятининг фаоллашу-вига ёрдам беради, ўкувчиларда ўзаро назорат қилиш ва ўзаро ёрдам бериш сифатларини шакллантиради, тарбиявий вазифани адо этади.

Дарсда тарбиявий вазифаларнинг ҳал этилишида дарснинг айрим тарбиявий ўринлари эмас, балки бутун ўкув жараёни: таълим мазмуни, ўкув иши усуллари, дарсни пухта ташкил этилиши ёрдам беришини унутмаслик керак.

2- §. ДАРС ТУРЛАРИ

Алоҳида мавзу бўйича дарслар тизимини ишлаб чиқаётганда ўқитувчи дарснинг тахминий мақсади ва мазмунини аниқлаб олади. Дарсларнинг ҳар бири бир неча дидактик мақсадларга эга бўлиб, улардан бири бош вазифадир. Бошлангич мактабда дарсларни турларга ажратиша дарсларни асосий дидактик мақсади бўйича ажратиш асос қилиб олинади:

- 1) янги билимларни ўзлаштириш дарси, буларда ўкувчилар янги тушунчалар, ҳисоблаш усуллари, янги турдаги масалаларнинг ечилиши, фигуralарнинг янги хоссалари, сонлар билан танишадилар;
- 2) укув ва малакаларни ўзлаштириш дарси;
- 3) билимларни комплекс қўлланиш дарси;
- 4) ўтилганларни такрорлаш, умумлаштириш ва тизимга солиш дарси;
- 5) билим, укув ва малакаларни текшириш, баҳолаш ва тўғрилаш дарси;
- 6) аралаш дарс, бунда бир неча дидактик мақсадлар бўлиб, уларнинг ҳаммаси ҳаммуҳимdir.

Ҳар бир математика дарси ўз таркибий тузилишига эга. Дарс ушбу асосий қисмлардан иборат бўлиши мумкин: уй вазифасини текшириш; дарс мавзуси ва мақсадини билдириш; ўтилган материални такрорлаш йўли билан ўкувчиларни янги материални қабул қилишга тайёрлаш; оғзаки ҳисобланадиган махсус машқлар; янги материални ўрганиш; билим ва укувларни дастлабки мустаҳкамлаш; олинган билимларни машқлар бажаришда қўлланиш; ўкувчиларнинг мустақил иши ва уни текшириш; илгари ўтилган материални такрорлаш; уйга вазифа бериш; дарсни яқунлаш ва дарсни тутатиш. Дарснинг турига қараб бу таркибий қисмлар турлича бўлиши ва турли усуллар билан амалга оширилиши мумкин.

Аралаш дарс режасини келтирамиз:

Вақт	№	Таркибий қисм
1—1,5 мин 7—10 мин.	I II	Ташкилий қисм. Мақсад: иш вазиятини яратиш. Уй вазифасини текшириш: сұраш, дидактик материал билан фронтал ишлаш, аралаш сұраш (доска олдида оғзаки ва карточкалар бүйіча ёзма).
15—20 мин.	III	Янги билимлар беріш, янги материални таҳлил этиш (сұхбат, хикоя, маңузла, дарслер ва дафтар билан мустақил ишлаш).
5—15 мин.	IV	Янги материални мустақилмалаш, илгари ўтилған материал билан алоқасини ўрнатыш, машқлар, дидактикалық элементтер.
5 мин.	V	Уй вазифаси, унинг мөхияти, бажарылыш услубиеті, табақаланиш ва якка тартиблік харakteri, амалиёт билан алоқаси, башқа фанлар бүйіча топшириқлар билан нисбети, меңнаттың илмий ташкил этиш бүйіча маслаҳаттар, топшириқнан доскада, кундалик дафтарларда ёзіб қўйиш.
2 мин.	VI	Дарснинг тугалланиши.

Ҳар бир босқичда ўқитувчи бажарадиган ишни қўриб чиқамиз. Дарс та什келдік иш билан бошланади. Унинг вазифаси ишлаш учун нормал ташқи шароитни яратиш ва ўқувчиларни бўлажак машғулот учун руҳан тайёрлашдан иборат.

Ўқитувчининг ўқувчилар билан учрашиши саломлашишдан бошланади. Бошланғич синф ўқитувчиси мактабга кўнғироқ чалинишидан анча вақт олдин келади. Дарс бошланишига етиб келаётган болалар ўқитувчи билан шахсан саломлашишга улгуришлари керак, танаффусда эса ўқитувчи синфда қолиб, ишини давом эттиради. Бироқ болаларни ўқитувчи билан саломлашишга ўргатиш учун ўқитувчи кўнғироқ чалинишидан олдин синфдан чиқиши керак. Ўқувчилар ўринларидан туриб, ўқитувчи билан саломлашадилар. Ўқувчилар тез, енгил ва бешовқин ўринларидан туришлари ва шу ондаёқ кийимлари, соchlарини тузатиб олишлари лозим. Болалар тўғри ўқитувчига эркин қараб туришлари лозим. Ўқитувчи бу ишнинг беками-кўст бажарылишига эришмоғи лозим. У болаларнинг «Ассалому алайкум» деб яқдиллик билан берган саломларига ўқитувчининг «Ваалайкум ассалом» жавоби билан якунланади. «Ўтиринг». Бунда ҳам тез, енгил ва бешовқин ўтириш керак. Синфда йўқ ўқувчиларни белгилашда,

синфнинг дарсга тайёрлигини текширишда, керакли дарслар ва қўлланмаларни тайёрлашда ўқитувчига навбатчи ёрдам беради. Навбатчининг вазифалари йилдан-йилга мураккаблаштириб борилади ва юқори синфларда навбатчи ўқитувчининг асл ёрдамчисига айланади.

Ташкилий ишни дарсни ташкил этиш билан чалкаштираслик керак. Дарсни ташкил этишга, унинг бошлинишидан ташқари, дарснинг ҳар бир босқичида мақсадни қўйиш, ҳар бир босқичнинг қабул қилинишига тайёргарликни амалга ошириш; ҳар бир босқичнинг асосий фикрларини шакллантириш ва умумлаштириш; дарс босқичлари орасида вақтни тақсимлаш; ўқувчиларнинг ишини фаоллаштириш; фаолиятнинг турли турларини алмаштириб туриш; дидактик ўйинлардан фойдаланиш; хотирани ривожлантириш усувлари; болаларнинг нутқи устида ишлаш; фронтал (ялписига) ва якка тартибда ишлашни биргаликда олиб бориш; табақалаб ўқитишни киритиш; иш интизомини ўрнатиш усувлари; турли қўлланмаларни кўрсатишида ўқитувчининг жой танлаши; ёзувларнинг доскада ва ўқувчиларнинг дафтарларида тақсимланиши; машғулотлар жараёнида бутун синфни назорат қилиб бориш ва кузатиш; дарсни якунлаш киради.

Уй вазифасини текшириш дарснинг мажбурий босқичидир. Баъзи ўқитувчилар, айниқса болаларнинг кўпчилиги куни узайтирилган гурухларда шуғулланганларида, уй ишини синфда текширишдан воз кечадилар. Бироқ уй вазифаси текширилганда пайқалган камчиликлар бартараф этилишидан ташқари, ўқувчилар янги материални қабул қилишга қай даражада тайёр эканликлари ҳам аниқланади.

Агар уй вазифасини текшириш нормал равишда ўтказилса, яъни ўқувчилар навбат билан, ўқитувчининг чақириғи бўйича мисолларнинг жавобларини ўқиб бериб, қолган ўқувчилар эса кузата бориб, хатоликларни тузатсалар, бу иш кам самарали бўлади. Уй вазифасини текширишнинг шундай усувларини қўлланиш керакки, улар ўқувчиларни фаоллаштиrsин, саноқ малакаларини яхшиланишига, масалалар ечишга ёрдам берсин, болаларнинг дикқатини машқ қилдирсин, ўқувчиларнинг ишни мустақил бажаришларини назорат қилишга ёрдам берсин.

Бу талабларни қаноатлантирадиган бир неча усувларни кўриб чиқамиз.

Танаффусда ўқитувчининг топшириғи бўйича ўқувчи доскага уйда ишлаган мисолларини жавоблари билан

ёзади. Дарсда болалар ўз жавобларини доскадаги жавоблар билан солиширадилар, жавобига қўшилмайдиган мисолларни кўрсатадилар. Тўғри жавоб қайта санаш билан аниқланади.

Агар мисоллар бир хилда бўлса, у ҳолда таңлаб текшириш ўтказиш мумкин.

Оғзаки саноқни уй вазифасини текшириш билан қўшиб олиб бориш ўқувчилар ишини фаоллаштиради.

Болалар уйда ушбу мисолларни ечишган дейлик:

$$57 - 36 = 21$$

$$91 - 28 = 63$$

$$57 + 27 = 84$$

$$48 + 22 = 70$$

$$48 + 4 = 52$$

$$39 + 12 = 51$$

Текширишга киришиб, ўқитувчи саволлар беради:

1) 61 ҳосил қилиш учун қайси мисолнинг жавобига 9 ни қўшиш керак?

2) Жавобида нол билан тугаган икки хонали сон ҳосил бўлган мисолни ўқиб беринг?

3) Жавоби 24 дан 3 та кам бўлган мисолни топинг.

4) Жавоби II хонанинг 6 бирлиги ва I хонанинг 3 бирлигини ўз ичига олган мисолни топинг.

5) Қиймати 8 ўнлик ва 4 бирликка тенг бўлган сонли ифодани топинг.

6) 22 ва 18 сонларининг йигиндисини 12 та орттириng. Уй вазифасида шундай натижали ифода борми. Уни ўқинг.

Уйда ечилган масалани алмаштириш; битта масалани турлича бажариш усулларини таққослаш; уйда ечилган масалага тескари масалани ечиш; уйда бажарилган ва синфда қаралаётган топширикларни таққослаш; уй ишига ўхшаш ишни мустақил бажариш — буларнинг ҳаммаси уй ишини текширишни фаоллаштирадиган усуллардир. Агар текшириш мунтазам ўтказилса ва дарсдаги ишнинг мазмуни билан боғланса, у ҳолда болалар уни бажаришга кўпроқ масъулият билан қарайдилар ва уйда мустақил ишлашга ҳаракат қиласидилар.

Янги билимлар бериш. Дарснинг бу босқичи мактаб ўқувчиларида билим, уқув ва малакаларни шакллантириш ва ривожлантириш билан боғлиқ. Бу ерда ўқитувчи қўйилган ўқитиш мақсадларига эришиш учун турлитуман услубларни биргаликда қўлланади, дарснинг бош ва ёрдамчи тушунчаларини ажратади, уларни ўрганишга ажратиладиган вақтни белгилайди. Мазкур босқич айrim қисмларга ажралади:

а) янги материални ўрганишга тайёргарлик;

- б) мақсадни белгилаш (муаммоли вазият яратиш);
- в) янги материални ўрганиш;
- г) қоидалар ёки қилинадиган ишлар алгоритмини машқ қилиш (ёдлаш).

Оғзаки саноқдаёқ янги билимларни қабул қилишга тайёрлаш мақсадида ўқитувчи шундай саволларни кири-тадики, уларга бериладиган жавоблар уларни янги билимлар билан боғлаш ҳамда билим ва укувлар умумий тизимиға киритилишига ёрдам беради.

Янги мавзуни янги материални тушунтиришдан олдин айтиш мүмкін, бирок бу ишни ўқувчиларни янги ҳисоблаш усуллари, хоссаси ва ҳоказо билан таниширилганидан сўнг якун, тушунтириш холосаси сифатида ҳам амалга ошириш мүмкін. Янги билимларни ўзлаштириш дарсида ўқитувчи ўқувчиларнинг имкониятларига қараб табақалаштириб ёндашади. Энг кучли ўқувчиларга янги мисолни ечишда дарслидаги намуна бўйича ўзлари йўл топишлари топширилади. Қолган ўқувчилар билан сухбат ўтказилади. Бунда саволлар ўртacha ўқийдиган ўқувчиларга берилади, бўш ўқувчилардан эса баъзи жойларни такрорлаш талаб қилинади.

Янги материал таҳлил қилинганидан сўнг ишни бажариш алгоритми ҳосил қилинади, у биргаликда айтиш билан ёд олинади, якка тартибда сўраш билан текширилади. Сўнгра қисқача сўзлаш, кейин эса «дилда» ҳисоблаш малакаси ишлаб чиқилади. Албатта, ҳисоблашларда энг асосийси тўғри жавобни топишdir. Бирок ўқитувчи ўқувчилардан ечишни тушунтириб беришни, бу усул асосланадиган хоссани кўрсатишни талаб қилиши лозим. Бу нарса математик нутқнинг ривожланишига ҳам, назарий билимларнинг чукурлашувига ҳам ёрдам беради.

М у с т а к и л и ш дарснинг навбатдаги босқичи бўлиб, янги билимларни ўзлаштирилишининг дастлабки текшириш усулидир. Мустакил ишни бажариш жараёнида ўқитувчи ўқувчиларга якка тартибда ёрдам бериши, қаралаётган усулнинг хусусиятини яна бир бор айтib бериши мүмкін. Мустакил ишга маълум вакт ажратилиши лозим. Топшириқ ҳажми кучли ўқувчига мўлжалланган бўлиши лозим. Агар бу ўқувчининг вақти барибир ортиб қолса, у ҳолда уни бўш ўқувчининг ишини назорат қилишга, унга ёрдам беришга жалб этиш мүмкін. Ўқитувчининг вазифасини бажараётган ўқувчининг тушунтиришини тинглаш жуда қизиқарлидир. Баъзан улар масалага ёндошишда ўзига хос йўл тутадилар, унинг тушунтириш мантиқига қараб,

ўқитувчи янги билимларнинг қандай ўзлаштирилганлиги ҳақида хуоса чиқаради.

Мустақил ишни албатта шу дарснинг ўзида текшириш лозим. Бир-иккита мисол доска олдида ўқувчиларга батаф-сил тушунтирилади. Бошқа мисолларнинг факат жавобла-ри текширилади. Жавобларни карточкаларга ёзиб қўйиш мумкин. Ўқувчилар уларни тартиб билан териб қўйиб, орқа томонини ағдарганларида бундай сўзларни ўқийди-лар: «Яша», «Яхши», «Аъло» ва ҳоказо.

Ўқувчиларнинг уй ишига таълим, тарбия ва ривож-лантириш каби муҳим вазифалар қўйилади. Бирок, афсуски, амалиётда ўқитувчи асосий эътиборини дарс муаммоларига қаратиб, бу вазифаларни ҳар доим ҳам амалга ошира-вермайди. Уй топшириклари кўпинча тасодифий, яхши ўйланмаган характерда бўлади, уларни бажаришга тайёр-лаш ёмон аҳволда бўлади. Режалаштиришдаги бундай камчиликлар оқибатида болаларга уй топшириклари ортиқ-чалик қиласи, уларнинг иш қобилиятига салбий таъсир этади. Уй вазифасини тайёрлаётганда шуни унутмаслик керакки, у дарслар орасидаги бир поғонадир ва уни ўқувчи мустақил бажариб, ўтилган материални ўзлаштиради ва янги билимни кабул қилишга тайёрланади. Масалан, 1 синфда болалар «36—2 ва 36—20 кўринишидаги айриши» мавзусида янги айриш усули билан танишдилар. Мустаҳ-камлаш учун улар уйда ушбу мисолларни ечадилар:

69 — 3	98 — 6
69 — 30	98 — 60

Миқдорларни таққослаш ҳақидаги илгари ўрганган билим-ларини мустаҳкамлаш учун бундай топшириқни бажаради-лар:

2 дм > 18 см	1 сўм > 80 тийин
6 см < 2 дм	60 тийин > 50 тийин

Бошқа мисол. III синфда «9 га кўпайтириш» дарсида бутун эътибор кўпайтириш жадвалининг ҳаммасини билишни машқ қилишга қаратилган эди. Уй вазифа сифатида кўпайтириш жадвалини ёд олиш таклиф этилган эди. Нав-батдаги дарсда «квадрат» мавзусини ўрганиш режалашти-рилганлиги муносабати билан тайёргарлик машқи сифатида ушбу топшириқ берилган: «Томонлари 7 см ва 3 см бўлган тўғри тўртбурчак чиз». Бу топшириқни текширишни янги мавзуни ўрганишда «кўприк» сифатида фойдаланиш мум-кин.

Үкүв материалини мустаҳкамлаш босқичида табақалаштирилган уй вазифаларидан фойдаланиш мақсадга мувофиқдир. Агар кучли үкүвчилар янги материални англаған ва ўзлаштирган бўлсалар-да, лекин бўш үкүвчиларда ҳали ишончсизлик бор. Ҳар бир үкүвчи мустақил мисоллар еча олиши учун турли хилдаги маслаҳатчи — карточкалардан фойдаланиши мумкин. Масалан, III синфда үкүвчилар 23×4 ва 4×23 кўринишидаги кўпайтириш усули билан танишдилар. Уйга ушбу мисолларни ечиш топширилган:

$$\begin{array}{r} 5 \times 17 \\ 26 \times 3 \end{array} \qquad \begin{array}{r} 4 \times 25 \\ 28 \times 3 \end{array}$$

Турли гурух үкүвчиларига (ўзлаштириш даражасига қараб) ушбу маслаҳатчи — карточкалар берилади.

I карточка

Мисолларни ечишни тугалла:

$$\begin{aligned} 5 \times 17 &= 17 \times 5 = (10 + 7) \times 5 = 10 \times 5 + 7 \times 5 = \dots + \dots = \\ 26 \times 3 &= (20 + 6) \times 3 = 20 \times 3 + 6 \times 3 = \dots \\ 4 \times 25 &= 25 \times 4 = (20 + 5) \times 4 = \dots \end{aligned}$$

II карточка

Топшириқни бажариш учун дарсликда берилган намунадан фойдалан:

$$\begin{aligned} 23 \times 4 &= (20 + 3) \times 4 = \\ 20 \times 4 + 3 \times 4 &= \\ 80 + 12 &= 92. \end{aligned}$$

Уй иши барча болалар уни мустақил бажаришга тайёр бўлгандагина самаралидир. Шу сабабли ўқитувчи үкүвчиларни тайёрлаши лозим.

Ўкүвчиларни уй вазифаларини бажаришга тайёрлашда уларнинг эътибори ё унинг мазмунини таҳлил этишга, ёки бажариш усулига, ёки таҳт қилинишига қаратилиши лозим. Масалан, болаларга уйда ечиш учун бундай масала берилган: «Биринчи куни 800 кг печений, иккинчи куни 900 кг печений сотилди. Биринчи куни иккинчи кунга қараганда 10 яшик кам печений сотилган. Икки кунда неча яшик печений сотилган?» Синфнинг ўзида болалар масаланинг шарти билан танишадилар. Болалар билан сухбат чоғида ўқитувчи биринчи куни нега иккинчи кундагидан 10 яшик кам печений сотилганлигини аниқлайди. Болалар масала шартини тўғри тушунганликларини аниқлаганидан сўнг ўқитувчи уни уйда ечишни таклиф қиласди.

Агар уй вазифасига болалар яхши ўзлаштирган материал киритилган бўлса, унинг ечилишини синфда батафсил таҳлил қиласлик керак. Бу ҳолда топширикни таҳтилишга оид йўриқ берилади.

Ўқувчиларни уй вазифасини бажаришга тайёрлаш ишини уни бажариш олдидан йўриқ деб тушуниш керак эмас. Аслида бутун математика дарси ўзига хос уй ишига тайёргарликдир. Ўқувчи уйда мактабда ўргангандар сидан фойдаланади. Шу сабабли ўқитувчи ўзининг дарслар бўйича режасига меҳнатни илмий ташкил этиш масалаларини киритади: топшириклар моҳиятини уқиб олиш ва тушуниб олиш, маълум намуналарга ёки ечиш алгоритмига таяниб, ечиш режасини белгилаб олиш, ечимни намуна бўйича ёки ўқитувчи кўрсатмаси бўйича таҳтилиш, бажарилган машқни текшириш.

Бу укувларни шакллантириш бўйича ишни мактабда ўқилаётган биринчи кунларданоқ мунтазам ўтказиб бориш керак.

Диккатни ривожлантириш учун мулоҳазаларда ва ёзувларида хатолик бўлган топширикларни бериш, этишмайдиган ва ортиқча маълумотлари бўлган масалаларни ечиш, болаларни назорат ва ўзини ўзи назорат қилишнинг хилма-хил усуллари билан таништириш керак.

Диккатни шакллантиришга ёрдам берадиган ўйинларни киритиш фойдалидир.

Ўқитувчи математик матнлар, масалаларнинг ўқилишига алоҳида эътибор беради. Ўқиши суръатини ҳосил қилаётib, ўқитувчи шунга эришиши керакки, болалар матнни мантиқан тугалланган бўлаклар бўйича ўқисинлар, масалада амални танлашга ёрдам берадиган асосий сўзларни ажратабилсинлар.

Бошлангич синфларда ўқувчига бериладиган уй вазифалари ҳажми қандай бўлиши керак? Тўрт йиллик мактабнинг I синфида уй вазифалари бутун йил давомида берилмайди. Барча синфларда ўқувчиларнинг уй вазифаларни бажаришлари учун ажратилган вакт нормаси белгиланган: II синфда 1—1,5 соат, III синфда 1,5—2 соат, IV синфда 2 соатгача. Шунга асосан бажарилиши учун кетадиган вакт шу нормалардан ортадиган топширикларни бермаслик лозим. Топширикларнинг мазмуни ва ҳажми норматив ҳуҷожатлар билан белгиланмайди. Бу масалаларни ўқитувчининг ўзи тўла ҳал қиласли. Амалиётнинг кўрсатишича, уй вазифаси одатда синфда бажарилган иш ҳажмининг ярмини ташкил этади.

VI босқиç — дарсни якунлаш. Ўқитувчи дарсни якунлайди: «Дарсда нима билан шуғулландик? Дарсда қандай янги нарсани билиб олдик?» Ўқувчилар билан биргаликда янги қоидани такрорлади.

Ўқувчининг ҳар бир жавобини ўқитувчи «Тўғри», «Яхши», «Нотўғри» каби сўзлар билан, қўл ҳаракати билан, юз ифодаси билан маъқуллаб боради.

Ўқувчини доска олдида сўраш баҳо (беш баллик мезон бўйича) қўйиш билан тугалланади ва у изоҳланади. Жавобни изоҳлашга ўқувчиларни жалб қилиш, баҳони биргаликда қўйиш, ўқувчининг ўзига берадиган баҳосидан фойдаланиш мумкин. Кўйилган баҳо ўқувчининг ўзига берган баҳоси билан бир хил бўлганда энг юқори самарага эришилади. Ўртоғининг жавобидаги камчиликларни ажратади. Ўртоғининг жавобидаги камчиликларни ажратади. Ўртоғининг жавобидаги камчиликларни ажратади. Ўртоғининг жавобидаги камчиликларни ажратади. Ўртоғининг жавобидаги камчиликларни ажратади.

Ҳар бир ўқитувчи амал қиласидан мажбурий ҳужжат норматив ҳужжатларда мунтазам чоп этиладиган «Баҳо нормалари»дир. Бунда ўқитувчи жавобни баҳолашда табакалаштириб ёндашади, сўнгги сўз ҳар доим ўқитувчи томонида бўлади. Баҳо алоҳида иш тури бўйича эмас, балки бутун дарс давомида бажарилган бир қатор ишлар учун ҳам қўйилиши мумкин. Билимларни бундай баҳолаш усули дарс бўйича балл номи билан аталади.

Дарс бўйича балл ёрдамида ўқувчими одиллик билан баҳолаш учун жавобларни жадвал ёрдамида ҳисобга олиб бориш фойдалидир;

№ №	Исми ва фамилияси	топширик турлари			
		оғзаки саюқ	уй вази- фаси	сухбат	мустакил иш
1.	Алимов У.	4	5	3	5
2.	Аюпов Д.	—	5	—	4
3.	Баратов Ф.	5	3	5	4

Дарс бўйича балл ўқувчиларнинг билим, уқув ва малакаларини ҳар томонлама текширишга имкон беради, болаларнинг бутун дарс давомида фаол ишлашларига сабаб бўлади, бироқ бунда бошқача текшириш усуллари ҳам инкор этилмайди.

4- Б О Б. МАТЕМАТИКА ЎҚИТИШ УСУЛЛАРИ

Математика ўқитиши усуллари ўқитувчи ва ўқувчининг биргаликдаги фаолияти усулларини, хусусиятларини очиб беради, улар ёрдамида билимлар, кўникмалар ва малакалар эгалланади, ўқувчиларнинг дунёқараси шаклланади, қоби-лиятлари ривожланади.

Улар қандай усуллар экан? Улар ҳар бир ўқитувчига яхши таниш, чунки у доимо ва улардан муқаррар равишда ўзининг амалиётида фойдаланади.

Бу: а) ўқитувчининг ҳикояси, ўқувчиларга ўзлаштиришлари керак бўлган бирор билимни баён қилиш;

б) ўқитувчининг ўқувчилар билан сұхбати, бунда ўқитувчи болаларга саволлар бериб, улар аввал эгаллаган ва янги саволни қараб чиқишида қўлланилиши керак бўлган билимларни эслашга ёрдам беради (ўқувчиларни янги хуросага келтиришда, масалани таҳлил қилгандা ва уни ечиш йўлларини излаш вактида ва ҳоказо); ва ниҳоят,

в) ўқувчиларнинг мустақил иши аввал эгалланган билимларни, кўникма ва малакаларни мустаҳкамлашга ва такомиллаштиришга ҳам, янги материални қараб чиқишига тайёрланишга ҳам, баъзан эса янги масалани ёки ўқувчилар учун жадиди бўлган назария масаласини мустақил ечиш учун, янги билимларни мустақил эгаллаш учун ҳам йўналтирилиши мумкин.

Ўқитувчининг билимларни баён қилиш усуллари (ҳикоя), сұхбатлар ва мустақил ишлар ўқитиши жараёнида ўқитувчи ва ўқувчиларнинг фаолияти қай тарзда ташкил этилишига қараб ажратилади.

Бу усуллар ўқитиши жараёнида бирининг ичига бири кириб кетади. Масалан, билим берадиган ўқитувчи ўқувчиларга бирор нарсани эслашга ёки бирор нарса устида ўйлашга мажбур қилувчи савол бериш учун баъзан ўз сұхбатини тўхтатади. Бу болаларнинг ишини активлаштиради ва ўқитувчи баён қилаётган материални яхшироқ ўзлаштирилишига ёрдам беради. Бу ҳолда билимларни баён қилиш усулини сұхбат элементлари билан қўшиб олиб бориш ҳақида гапириш мумкин. Ўтказилаётган (масалан, бирор мураккаб масалани ечиш билан боғлик) сұхбатга ўқувчиларнинг мустақил иши элементларини киритиш ҳам мумкин.

Билимларни ўқитувчи баён қилиши (сұхбати) мустақил ишлаш элементлари билан бирга қўшилиши ҳам мумкин.

Үқитувчи билан ўқувчиларнинг биргаликдаги фаолияти учун, ўқитиш жараёнининг характеристикаси учун болалар қайси манбалардан билим олиш масаласи катта аҳамиятга эга.

Маълумки, ўқитиш жараёнида билим бериш ва эгаллашнинг асосий воситаларидан бири оғзаки ёки ёзма сўз ҳисобланади.

Шу муносабат билан билимларни эгаллаш манбаи сифатида сўздан фойдаланиш билан боғлиқ ўқитиш усуллари сўз билан узатиладиган (ўқитувчининг ҳикояси, радиоэшифтириш, магнитофон ёзуви, китоб ёки бошқа босма материал билан ишлаш) усуллар дейилади.

1 Кичик ёшдаги мактаб ўқувчиларини математикага ўқитишида кўрсатмали усулдан ҳам фойдаланилади, бунда билимлар манбаи атрофдаги буюмлар ёки уларнинг тасвирлари, моделлари бўлади.

Ниҳоят, бошланғич математика курсида ўқувчиларнинг амалий ишлари (масалан, бирор геометрик фигуранларни чизиш, тегишли моделлар билан амалий ҳаракатлар асосида қаралаётган фигуранларнинг хоссаларини таҳлил қилиш ва ҳоказо билан боғлик) муҳим аҳамиятга эга.

Шундай қилиб, агар ўқитиш усулларини эгалланган билимларга караб синфларга ажратадиган бўлсак, бунга асосан: а) сўз билан ифодаланган; б) кўрсатмали ва в) амалий усулларга ажралади.

Юқорида келтирилган усулларнинг икки синфи турли хил белги (ассос) га кўра бажарилган. Улар бир-бирини яхши тўлдириб, истаган дарсда ўқитувчи ва ўқувчи нима қилаётганини янада тўлароқ ифодалашга имкон беради. Реал ўқитиш жараёнида кўрсатилган усуллар амалда қўлланилади.

Масалан, ҳикоя (билимларни ўқитувчи баён қилиши) фақат оғзаки ёки ёзма сўздан фойдаланиб тузилмаслиги керак. Амалиётнинг кўрсатишича, у кўпинча турли кўрсатмалилик воситаларидан фойдаланишни талаб қиласиди ёки ҳатто болаларнинг амалий ишини ташкил этиш билан боғланади. Шундай қилиб, биринчи синфдаги ҳикоя усули (ўқитувчининг билимларни баён қилиши) иккинчи синфда ажратилган ҳар бир усул билан алмаштирилиши керак. Суҳбат усули ёки ўқувчиларнинг мустақил ишлашига нисбатан ҳам худди шу нарса тўлиқ қайтарилиши мумкин.

Даставвал, ўқитувчи ўз олдига қўйган мақсадига боғлиқ ҳолда, дастурдаги бирор мавзу мазмунининг хусусиятларига, белгиланган ўқитиш воситаларига боғлиқ ҳолда бу

усуллардан турли түпламларда ва пропорцияларда фойдаланади.

Реал шароитларни ҳисобга олиб, айни бир хил усуллардан турлича фойдаланиш мумкин ва зарур, бунда у ўқувчиларнинг фаолиятини ё аввал ўзлаштирилган билимларни (репродуктив фаолият) түғри қайта тиклашга йўналтиради ёки ўқувчилар учун янги ўқув вазифаларини мустақил ҳал қилишга (самарали фаолият) йўналтиради. Масалан, кўпайтириш жадвалини ўрганишда кўпинча ўқувчиларга натижаларини оддийгина айтишни талаб қилувчи саволлар берилади (масалан, «5·5 кўпайтма нечага teng? 6·7, 7·8» ва ҳоказо). Масалалар ечишга ўргатишда, аксинча, болаларга берилаётган саволлар уларнинг мустақил самарали фаолиятини рағбатлантириши керак.

Бошланғич мактаб математика ўқитишида куйидаги усулларни синфларга ажратиш қулайдир.

1. Ўқитувчи ва ўқувчиларнинг дарсда фаолиятини ташкил этиш шакли бўйича билимларни ўқитувчи баён қилиши (тушунтириши, ҳикоя), сухбат, ўқувчиларнинг мустақил иши.

2. Билим манбаига кўра: сўзли усуллар (ўқитувчининг сўзи, китоб, радиоэшиттириш ва шу каби), кўрсатмали усуллар (атроф-муҳитдаги буюмларни ва ҳодисаларни, уларнинг моделлари ва тасвирларини кузатиш), ўқувчиларнинг амалий ишлари.

3. Ўқувчиларнинг билиш фаолияти хусусиятларига боғлиқ — асосан репродуктив фаолиятга боғлиқ усуллар (хотирада тафаккур қилиш ва қайд қилиш, ўзлаштирилганни қайта тиклаш) ва самарали усуллар (қисман — изланувчи ёки эвристик ва изланиш ёки тадқиқот усуллари).

Замонавий шароитда ишловчи ўқитувчи учун даставвал ўзига маълум, ўзи ҳар бир дарсда қўлланиладиган ўқитиш усулларидан қандай фойдаланишини таҳлил қилиб кўриш мухим бўлиб, бунда улар дарснинг аниқ мақсадига этиш имконини берсин ва мактабнинг умумий ўқув-тарбиявий вазифаларига жавоб берсин.

Бу ерда ҳар бир ўқитувчи амалда ҳал қилиши керак бўлган куйидаги асосий масалаларни кўзда тутиши мумкин.

1. Маълум усуллардан қайси бири (масалан, ўқувчиларнинг тушунтириши ёки мустақил иши, китоб устида ишлаш ёки кузатишлар ўтказиш ва бошқа) мазкур дарснинг аниқ мақсадига кўпроқ мос келади (ўқув материалиининг мазмунини ҳисобга олган ҳолда).

Масалан, дарснинг асосий аниқ вазифаси жадвалда кўпайтириш ва бўлиш кўникмаларини мустаҳкамлашдан иборат бўлсин. Бу вазифага ўқувчиларнинг репродуктив фаолиятини ташкил этишни талаб қилувчи усууллар кўпроқ жавоб беради, чунки жадвал тегишли натижаларни кўп марта қайта тиклаш ҳисобигагина ўзлаштирилиши мумкин. Бу ҳолда самарали усууллар деб аталувчи (изланиш ёки қисман изланиш усули, тадқиқ қилиш усули ва бошк.) усуулдан фойдаланишга ҳар қандай уриниш ишни мураккаблаштириши, асосий масалани ҳал қилишга — жадвални ўзлаштиришга ҳалал бериши мумкин. Бу ҳолда дарсдаги иш ўқитувчининг болалар билан сұхбати тарзида ташкил этилиши мумкин (жадвалдан оғзаки сўраш, сұхбат давомида кенг тарқалган жадваллар орасидаги боғланишларни аниқлаштириш ва х. к.), бироқ, тегишли ҳисоблашларни бажариш, ифодаларни таққослаш бўйича ўқувчиларнинг мустақил ёзма иши ташкил этилиши мумкин. Бу иш ҳам сўз усуулларидан фойдаланишга (масалан, билим манбаи сифатида китоб ёки босма асосли дафтар бажаради), ҳам кўрсатмали ва амалий усууллардан фойдаланишга (масалан, болалар расмли жадвал билан ишлашлари, зарур бўлган ҳолда уларга кўрсатмалиликнинг турли воситаларини кўлланиб (синф чўтлари, чўплар, абаклар) ва бошқалардан фойдаланиб, амалий иш тавсия қилиниши мумкин) боғлиқ бўлиши мумкин. Ҳар хиллик мақсадида бу дарсда ҳам сұхбатдан, ҳам мустақил ишдан фойдаланиш мумкин, китоб бўйича ишни ўқитувчининг оғзаки топшириқларини бажариш билан бирга олиб бориш мақсадга мувофиқдир.

Бу мисолда биз ўқитувчи олдида турган аниқ дидактик вазифа билан кўлланилаётган усууллар орасидаги боғланишни кўрсатдик. Шу мисолнинг ўзи мазмуни билан усууллар орасидаги боғланишни ҳам кўрсатиши мумкин.

Чунончи, амалларнинг жадвал ҳолларини билишни мустаҳкамлаш мақсадида турли хил мазмундаги машқлар фойдаланилиши мумкин (мазкур кўпайтма кийматларини ҳисоблашга оид мисоллар, бир хил қўшилувчиларнинг йиғиндинисини топишга мисоллар, 7·5 ва 7·6 кўринишдаги ифодаларни таққослаш, кўпайтириш билан ечиладиган турли хил матнли масалалар ва бошқалар). Машқларнинг аниқ мазмуни бирор усуулдан фойдаланишни ҳам талаб қиласди. Масалан, ҳисоблашга оид мисоллар болаларнинг мустақил ёзма ишини ташкил этувчи материал вазифасини бажариши мумкин, ифодаларни таққослаш машқларини сұхбат тарзида ўтказиш мақсадга мувофиқдир, чунки бу

ерда таққослаш, бажарилаётган назарий асосни аниклаш катта қизиқиши уйғотади (келтирилганды мисолда қўпайтириш амалининг маъноси ҳақидаги билимларни ва унинг қўшиш билан алоқасини қўлланиш асосида таққосланаттаган ифодаларнинг кийматларини олдиндан топмасдан таққослаш мумкин).

Юқорида айтиб ўтилганидек, усууллар ўқитиш воситалари билан боғлиқ.

Масалан, II синфда «Масса ўлчовлари» мавзусини қараб чиқишида ўқитувчи болаларни массани ўлчовчи турли хил асбоблар билан танишириши керак: шайнли тарозилар (савдо ва дорихона тарозилари), шкалали савдо тарозилари. Бунинг учун энг фойдалиси ўқувчиларнинг ҳар бир аниқ топширик учун энг мос келадиган асбобнитанлаш ва фойдаланиш билан боғлиқ мустақил амалий ишларини ташкил қилиш лозим. Масалан, болаларга бир бўлак қанднинг, бирор дори донасининг, нон бўлаги, бир пакет картошка ва ҳоказоларнинг массасини билишини таклиф этиш мумкин. Бироқ, бундай амалий ишни ташкил этишини ўқитувчида тегишли жиҳозлар мавжуд бўлган ҳолдагина амалга ошириш мумкин.

Агар у бўлмаса, амалий ишни кузатиш билан алмаштиришга тўғри келади. Бунда ҳам мавжуд ўқитиш воситаларини ҳисобга олган ҳолда бу кузатишлар магазинга, савдо омборига, дорихонага уюштирилган экскурсия вақтида ёки синфда тегишли диафильм кадрларидан фойдаланиб, агар у бўлмаса, дарсликдаги расмлар бўйича ташкил этилиши мумкин. Бу ҳолда сұхбатни ўқитувчи доскага чизган (масалан, савдо тарозиси шкаласи ва шкаланинг бирор бўлимини кўрсатувчи стрелка тасвирланади) мос расмлар ва буюмлар (масалан, савдо ва дорихона тарозиси тошлари) схематик тасвирларни қараб чиқиш билан қўшиб олиб борилади. Бундан кейин шунга ўхшаш топшириклар ўқувчиларнинг мустақил ишлашлари вақтида дарслик материалидан фойдаланган ҳолда бажарилиши мумкин. Айтилганлардан болаларнинг ўқув фаолиятини ташкил этиш шакли ҳам методиканинг бошқа ҳамма элементлари билан боғлиқ экани кўринади. Ҳақиқатан, агар ўқитувчи аниқ мақсад ва тушунчаларнинг мазмунига мос ҳолда, масалан, сұхбат усулини (ёки бирор бошқасини) танлаган бўлса, у ҳолда ишни дарсда ташкил этишнинг энг қулай усулини танлаш ҳақидаги масала кўндаланг бўлиб туради.

Масалан, сұхбат синфда фронтал иш шаклида ҳам

ташкил этилиши мумкин, лекин у доскага чиқариладиган алоҳида ўқувчилар билан яккама-якка сұхбат тарзидан бўлиши мумкин. Бу ҳолда синфдаги қолган ўқувчи-ларнинг ишини шундай ташкил этиш керакки, улар ўқитувчи доскага чакирган ўқувчи сұхбатини пассив кузатиб, жим турувчи гувоҳ бўлиб қолишмасин. Яхшиси айрим ўқувчилар билан шахсий сұхбат ўтказишни синф мустақил ёзма иш бажариш билан банд бўлган вактда ўтказиш керак. Сұхбатни синф алоҳида гуруҳларга бўлинганда ҳам ўтказиш мумкин. Бунда сұхбат ўқувчилар гуруҳининг биттаси билан ўтказилади, қолганлар эса ўқитувчи тавсия қилган бошқа топшириқларни бажариш устида мустақил ишлашади. Масалан, ҳисоблашнинг янги усуулларига оид билимларни мустаҳкамлашда, тенгламалар ечишда ва бошқаларда ишлашнинг биринчи босқичида синф билан фронтал иш ўтказиш ўринли, кейин ўқувчиларнинг турли гуруҳлари материални ўзлаштириш даражалари турлича экани маълум бўлганда машгулотларни дифференциаллаш ва шу муносабат билан ишни ташкил этишнинг фронтал ва гуруҳлаш шаклини бирга кўшиш зарур бўлади. Ниҳоят, якунловчи босқичда айрим ўқувчиларда хато ва қийинчилик вужудга келганда сұхбатга мурожаат қилиш керак. Бу ерда ўқувчиларнинг мустақил ишини ташкил этиш анча ўринлидир. Бунда мустақил иш учун топшириклар шундай танланиши керакки, бунда болаларга ўзгарган шароитда эгалланган билимларни қўлланиш қўникмасини намоён қилишга нисбатан талабларни аста-секин орттириш керак.

Энди агар гап дарсда болалар ўзлари учун янги бўлган жадвални тузиш билан (масалан, 7 ни кўпайтириш жадвали) ва бўлишнинг тегишли ҳоллари билан танишишлари керак бўлса, усуулларни танлаш ҳақидаги масала қандай ҳал қилинишини қараб чиқамиз. Бу ерда ўқувчилардаги билимларнинг (амалларнинг маъноси улар орасидаги ўзаро боғланиш ва бошқалар ҳақида) аввал ўқитувчи билан ишлаб чиқилмаган янги мисолларни қараб чиқишига қўлланиш биринчи ўринга чиқади. Шу аниқ масала муносабати билан хотирада аввал эгалланган билимларни тиклаш зарурати билан бирга, самарали, изланувчи фаолият элементларидан фойдаланиш шароити ва эҳтиёжи вужудга келади. Мазкур ҳолда қандай усууллар энг самарали бўлади?

Ўқитувчи тегишли материални шундай баён қилиши, болаларга тайёр ҳолда бериши мумкин эди, албатта. Аммо бунда материалнинг ўзидаги болаларнинг билиш фаолиятини активлаштириш имкониятлари умуман фойдаланилмай

колар эди. Бу ҳолда сұхбатдан фойдаланиш анча түғри келади, бунда ўқувчиларга уларни вужудға келадиган муаммоларни мустақил ҳал қилишга олиб келувчи масалаларни қўйишни назарда тутувчи эвристик характердаги сұхбат ўтказиш керак (масалан: «Агар сен $7 \times 5 = 35$ эканини билсанг, 7×6 кўпайтма қанчага тенг бўлишини қандай билиш мумкин? Нима учун 35 га 7 ни қўшиш кифоя? $7 - 8$ ҳолидан кейин еттини кўпайтириш жадвалини тузишда қайси ҳолни қараб чиқиш керак? $7 \cdot 8 = 56$ кўпайтмани билишдан фойдаланиб, $56 : 7$ ёки $56 : 8$ бўлинмаларни қандай билиш мумкин? Нима учун?» ва шу кабилар).

Синф етарлича тайёргарликка эга бўлганда ўқувчиларнинг янги жадвални тузиш бўйича мустақил ишларидан фойдаланиш яна ҳам самарали бўлар эди.

Мазкур ҳолда (бошқа ҳолларда ҳам) ўқитиш усулини танлаш ҳақидаги масалани ҳал қилишда ўқитувчи қандай ўқитиш воситаларига эга экани катта аҳамиятга эга. Масалан, агар ўқитувчида топширикли карточкалар ёки босма асосли дафтарлар бор бўлса, у ҳолда мустақил ишни йўлга қўйиш анча осонлашади.

Кўпайтириш жадвалларини ва уларга мос бўлиш жадвалларини тузишда ўқитишнинг сўз билан амалга ошириладиган усуулларини кўрсатмали усууллар билан бирга қўшиб олиб бориш керак, бунда кўпайтириш ва бўлишга доир ўзаро тескари масалалар тузиш мумкин бўлган расмлардан фойдаланилади (бундай расмлар дарсликда ҳам, демонстрацион жадвалларда ҳам мавжуд). Тайёр расмлар бўйича масалалар тузиш жадвалда кўпайтиришнинг ва бўлишнинг қаралаётган баъзи ҳолларига доир схематик расмларни болаларнинг мустақил бажариши билан алмаштирилиши мумкин. Баъзи ўқувчилар учун ўз мулоҳазаларини тарқатма саноқ материали билан қўшиб олиб бориш янада фойдали бўлади.

Шундай қилиб, ўқувчиларнинг самарали (қисман — изланувчанли) фаолиятининг ташкил этишини ифодаловчи бу мисол ҳам усулни танлаш, ҳам мақсадга, ҳам мазмунга, ҳам ўқитиш воситаларига боғлиқ экани ҳақида далолат беради. Юқорида қараб чиқилган ҳолдаги каби синф билан ишни ташкил этиш шакли бу ерда ҳам шу элементларнинг ҳаммасини ва даставвал танланган ўқитиш усулини ҳисобга олган ҳолда танланиши керак.

Таҳлил қилинган мисоллар сұхбат усууларидан ва ўқувчиларнинг мустақил ишидан фойдаланиш билан боғланган эди. Бу мисоллар кичик ёшдаги ўқувчиларни математика

ўқитиш умумий бўлгани учун ўқитувчининг ўқув материалини баён қилиш билан боғлиқ тушунтириши математика дарсларида ўз аҳамиятини йўқотгандек туюлиши мумкин. Бу шундай бўлмайди.

Болаларга мақсад тушунчаларининг таърифи, терминологияни киритиши, математик белги элементлари билан таништириш каби ахборотни узатишдан иборат бўлган ҳамма ҳолларда ва баъзи алгоритмлар билан таништирадиган ҳолда билимларни ўқитувчи баён қилиши усули ўқитишнинг ягона тўғри усулидир. На сухбат ёрдамида, на болаларнинг мустақил ишлаши натижасида бошлангич мактабда, масалан, ўқувчиларнинг кўп хонали сонларни кўпайтириш ёки бўлиш алгоритмини ўзлаштириб олишларини таъминлаб бўлмайди.

Бошлангич синфларда ҳозирги замон математик дарснинг асосий хусусиятларидан бири, унинг мақсади, кўп режалилигидир. Айни бир дарсда ўқитувчи одатда, бирорта аник масаланигина ҳал килиб қолмай, балки бир қатор масалаларни ечишга тўғри келади. Бу ерда гап табиийки, бу усулларни бирга кўшиб олиб бориш ҳақида боради. Бунда турли ҳоллар учраши мумкин.

Дарс материали билиш фаолияти характери бўйича турли ўқитиш усулларидан фойдаланишни талаб қилиши мумкин. Масалан, йиғиндини сонга кўпайтириш қоидаси киритиладиган дарс ҳақида гап бораётган бўлсин. Бу дарсда, табиийки, дастлаб ўқувчилар хотирасида жадвалда кўпайтиришнинг турли усулларини, сонни йиғинди кўринишида ифодалаш кўникмасини тиклаш лозим. Бу аник вазифа фаолиятнинг репродуктив шакллари билан боғлик.

Янги масалани қараб чиқиш учун ўқувчилар фаолиятининг қисман изланувчан, яъни самарали шакли ташкил этилиши мумкин. Шу дарснинг ўзида ўрганилаётган масала билан боғлик матнли масалаларни ҳал қилиш ҳам кўзда тутилиши мумкин. Бу иш ҳам репродуктив, ҳам самарали фаолиятни талаб қиласи. Дарсда ечиладиган аник масалаларнинг бунчалик хилма-хиллиги туфайли ўқитувчининг тегишли усулларни танлаши осон ва уларнинг шундай бирлашишини таъминлаш мумкини, бунда ўқув фаолиятини ташкил этиш шаклининг зарур турлилиги, ўқитишнинг турли воситаларидан фойдаланиш таъминланган бўлади.

Бутун дарс репродуктив фаолиятдан фойдаланиш зарурлиги билан боғлик бўлган ҳолда, у мазмуни бўйича турлича ўқув материали асосида қурилган бўлса-да, иш

анча қийин бўлади. Юқорида кўрсатилгандек, бу ҳолда усуllар сони бир оз чекланган ва ўқитиш жараёнининг самарадорлигини оширишнинг бош вазифаси ўқувчиларнинг дарсда зарур ҳар хилликни таъминловчи ишларининг турларини танлашдан иборат бўлади. Ташкилий шаклларнинг хилма-хиллиги назарда тутилади: ўйин элементларидан фойдаланиш, ўқувчиларнинг ёзма ишлари, математик диктант, оғзаки сухбат ўтказиш, ўқувчилар билан фронтал, груп бўлиб ва яккама-якка ишларни қўшиб ўтказиш. Сухбат, диктантлар, ўйинлар ўтказишда тескари боғланишни амалга оширишнинг турли усуllаридан муваффақиятли фойдаланилади, улар ўқитувчига ҳамма ўқувчилар топшириқни уddaрай олиш-олмасликларини дархол кўришга имкон беради (сигнал карточкалар, рақамли карточкалар ва бошқалар). Хилма-хиллик фақат ташкиллаштириш учунгина тааллукли бўлмасдан, балки ўқувчиларнинг иши мазмунига ҳам тегишли бўлиши мумкин. Бунда ўқитувчи дарсда турли машқларни танлаш ва жойлашиш системасини айниқса синчковлик билан танлаши керак.

Бу ҳолда дарсликларнинг дарслар бўйича тузилиши ўқитувчига катта ёрдам беради, шу туфайли дарсликнинг ўзида дарс учун шундай материал танланадики, унда турли хил ўқитиш усуllаридан фойдаланишга имкониятлар очилади.

Мисол учун қуйидаги дарсни қараб чиқамиз, унинг янги материали кўпайтиришнинг компонентлари ва натижасининг номи, эски материали тенглама ечиш малакасини мустаҳкамлаш, ўлчовлар билан шакл алмаштиришлар бажариш, матнли масалалар ечиш ва ҳоказо.

Янги материал устида ишлаш, унинг хусусияти туфайли мазкур ҳолда сўз усуllаридан фойдаланишни талаб қиласди: ўқитувчи бирор аниқ мисолда янги терминлар киритади, кейин эса болалар ёзувни дарсликдан ўқишиди. Янги билимларни қўлланишга доир машқлар ўқитувчи раҳбарлигига ҳам, мустақил равишда дарсликдан фойдаланиб ҳам бажарилиши мумкин. Иккала ҳолда ҳам ўқитувчи ҳамма ўқувчи тўғри тушунгани ёки топшириқни тўғри бажарганини аниглаш учун сухбат усулидан (ўқитувчи ёки текширувчи) фойдаланишга тўғри келади.

Кейин дарсликда болаларнинг мустақил ишлари учун иккита содда масала тавсия этилади. Уларнинг ечилишини (дарсга оид методик ишланмаларда кўрсатиб ўтилганидек) ўқувчиларнинг амалий иши билан, кўрсатмали санок материали билан боғлаш фойдалидир.

Мураккаб масала эвристик сұхбат давомида таҳлил қилиниши мүмкін. Ҳисоблашлар, тенгламалар ечиш билан боғлиқ ва ҳоказо топшириклар мутлақо мустақил равищада ёки изоҳ беріб бориладиган машқлар шаклида бажарилиши мүмкін.

Дарслікда бу дарс учун тавсия қилинаёттган охирги машқ қүйидаги: «Шундай (дарслік варағи тасвиirlанғандек) түртбұрчак чиз ва унда битта кесмани шундай үтказгынки, бунда: а) түғри түртбұрчак ва учбұрчак ҳосил бўлсин; б) квадрат ва бошқа түртбұрчак ҳосил бўлсин.

Синфдаги ўқувчиларнинг тайёргарлик даражасига боғлиқ ҳолда ўқитувчи бу иш тұла мустақил бажарилиши мүмкінми ёки у құшимча муфассал қўрсатмаларга, тушунтиришларга муҳтожми, деган саволни ҳал қиласди.

Шундай қилиб, қараб чиқылған материални танлашнинг ўзи факат ўқитиш мазмунининг эмас, балки ўқитиш усулларининг хилма-хил бўлишини белгилаб берди: ўқитувчи томонидан билимлар берилиши, мустақил ишлаш жараённанда шунга ўхшаш шароитларда ўқувчиларнинг билимларини қўлланиши, масалаларни таҳлил қилиш ва ечиш билан боғлиқ эвристик сұхбат, геометрик мазмундаги машқларни бажарышда амалий иш билан бирга қўшиб олиб бориладиган изланиш характеридаги мустақил иш.

Ҳар хиллик учун турли ўқитиш воситаларини танлаш ҳам мухимdir. Масалан, математик мазмуну бир хил бўлган топшириклар ўқувчиларга дарслікдан, босма топширикли карточкалардан, жадвалдан терма полотнога қўйиладиган фланеграф ёки магнитли доскага қўйиладиган сурилма рақамлар тўпламидан, экрандан фойдаланиб ва бошқа воситалардан фойдаланиб тавсия қилиниши мүмкін.

Усулларни мақсадга мувоғиқ ҳолда танлаш муаммоси ҳар бир дарс учун алоҳида ҳал қилинмасдан, балки дастурдаги бирор тема бўйича, ишни бирор бўлим бўйича режалашда ҳал қилиниши керак. Натижә кўп жиҳатдан темани ўрганишда, танланган ўқитиш усулларидан ҳар бирининг аҳамияти ва ўрнини аниклашда турли усулларни бирга қўшиб олиб боришга боғлиқдир.

Мисол тариқасида кичик ёшдаги мактаб ўқувчиларини юзлар ва уни ўлчаш билан таништиришни қараб чиқамиз. Бу тема материали ҳозирги пайт дастурида IV синф курсида айрим темачаларга тақсимланган, улар дархол бирин-кетин ўрганилмай, балки маълум вакт оралиғида ўрганилади, бу вактда ўқувчилар дастурдаги бөлікка масалалар устида ишлаб, юз ва уни ўлчаш ҳақидаги билимларни талаб қи-

лувчи турли машқларни бажаришни давом этадилар.

Бу масала устида олиб борилаёттан ишнинг биринчи босқичида ихтиёрий фигуранинг юзи ҳақида дастлабки тасаввурлар берилади, уни ўлчаш бирлиги (квадрат сантиметр) киритилади, турли фигуralарнинг юзлари ўлчанади (полеткадан фойдаланиб). Кейинги босқичда тўғри тўртбурчак юзини ҳисоблаш алгоритми қараб чиқилади, шу асосда аста-секин ўлчов бирликлари киритилади ва юзни ўлчаш билан боғлиқ турли амалий масалалар ечилади.

Бу босқичларнинг ҳар бирида доимо билиш фаолиятининг самарали ва репродуктив шаклларини (усулларини) бирга қўшиб олиб бориш зарурияти вужудга келади. Шу муносабат билан, табиийки, усулларнинг ҳар хил бўлиши кузатилади. Аввал юз билан танишиш марказлашган, тўпланган ҳолда олиб борилганда, тўғри тўртбурчакнинг юзини ҳисоблашнинг амалий кўникмаларини шакллантириш ҳақида гап боргандা бундай шароит бўлмаган. Тема устида бажариладиган ишнинг асосий қисми билимларни мутлако ўхшаш шароитларда қўлланиш билангина боғланар эди, яъни ўқувчиларнинг репродуктив фаолияти билан боғланар эди. Темани ўрганишда болаларнинг ижодий активлигининг жуда кучайиши ўқувчиларга аввалги вақтдагидек IV синфда эмас, балки III синфдаёқ анча кенг доирада билим, кўникма ва малакаларни ўзлаштиришга имкон берди.

Келтирган мисол ўзига хосдир. Темани ўрганишнинг илк босқичларида болаларнинг изланувчанлик ёки қисман изланувчан фаолиятига йўналтирилган маълум усулларнинг салмоғини орттириш маъносида ўқитиш жараёнини активлаштириш умуман ўқув-тарбиявий ишнинг самардорлигини анча орттиришга ёрдам беришини яна бир бор тасдиқлади.

Кичик ёшдаги мактаб ўқувчиларига математика ўқитишининг мақсад ва мазмунининг анча кўп ўзгариши муносабати билан мактабда ўқитишининг янги усулларини қўлланиш зарурлиги ҳақида кўпроқ гапирилади. Бунда масалан, ўқитишининг муаммоли усули, дастурга мослаб ўқитиш усуллари ва ҳоказоларнинг номи айтилади. Бирок, бу усулларнинг янгилиги асосан шундаки, улар ўқувчиларнинг мустақил, асосан изланувчанлик фаолиятини уйғотишга мўлжалланган, бироқ бунда биз юқорида қараб ўтган ўша одатдаги ўқитиш усулларидан фойдаланилади.

Ҳақиқатан, математика дарсида муаммоли усулни амалга оширишни баён қилишнинг тегишли характеристи,

ўқитувчининг тушунтириш (ўқувчиларга у ёки бу муаммоларни қўйиш билан) ёки эвристик сухбат ташкил этиши, ёки мустақил иш ўтказиши (унинг натижасида болаларнинг ўзлари янги билимларни эгаллашади) бевосита талаб қиласди.

Дастурга мослаб ўқитиш усуслари ҳам топшириклар системасидан фойдаланишни кўзда тутади, уларни мустақил бажариш болаларни бирор янги материални мустақил бажаришга олиб келади. Бундай ёндашиш кўпинча математика ўқитишда ва бошлангич мактаб учун албатта маҳсус «дастурлаштирилган» материаллар билан эмас, балки одатдаги ўқув материали билан ишлаш шароитида (дарслик, доскадаги ёзувлар ва бошқалар) фойдаланилади. Бирок, бундай турдаги материалларнинг яратилиши ва улардан одатдаги ўқитиш воситалари билан бирга мақсадга мувофиқ равишда фойдаланиш ўқитиш самародорлигини оширишга ёрдам бериши мумкин, бунда улар мустақил ишга раҳбарлик қилишни, ўз вақтида текширишни (тескари боғланиш) енгиллаштиради ва ишнинг ҳар бир кейинги босқичига аввалги босқичдаги ишларни муваффақиятли тугатгандан кейингина ўтишни назарда тулади.

Ўқитишдаги маълум усуслар орасидаги нисбатнинг болаларнинг билиши, ижодий фаолиятини активлаштируви усусларнинг аҳамиятини кучайтириш томонга ўзгартириш янги ўқитиш усусларининг вужудга келиши гаровидир, бу эса кўп жиҳатдан, хусусан, мактабни замонавий ўқитиш воситалари билан таъминлаш билан боғлиқ.

5- Б О Б. КАМ КОМПЛЕКТЛИ МАКТАБДА МАТЕМАТИКАДАН БОШЛАНГИЧ ТАЪЛИМНИ ТАШКИЛ ЭТИШНИНГ ХУСУСИЯТЛАРИ

Ўқитувчи битта хонада бир вактда бир неча синфлар билан машғулот олиб борадиган мактаблар кам комплектли мактаблар деб аталади. Ўқитувчи иккита ёки учта синф билан машғулот олиб борадиган мактаб бир комплектли мактаб деб аталади. Иккита ўқитувчи учта ёки тўртта синф билан машғулот олиб борадиган мактаб икки комплектли мактаб деб аталади.

Битта ўқитувчи ва 15 тадан ортиқ ўқувчи бўлмаган мактабларда ўқитувчи барча синфлар билан бир сменада дарс олиб боради. Агар мактабда 16 тадан 20 тагача ўқи-

түвчи бўлса, машғулотлар бир ярим сменада ўтказилади: биринчи икки дарсда иккита синф шуғулланади, учинчи дарсга эса навбатдаги икки синф ўқувчилари келишади ва машғулотлар тўртта синф билан ўтказилади. Тўртта дарс тугагандан сўнг машғулотлар икки синф билан давом эттирилади. Дарсларни бундай тартибда ўтказадиган ўқитувчилар жуда тўғри қиласидар: машғулотлар дастлаб фақат битта қуи синф билан ўтказила бошланади, кейинги икки соат иккита синф билан ўтказилади, бешинчи ва олтинчи дарслар эса фақат катта болалар билан ўтказилади. Бу ҳолда машғулотларнинг 50% и одатдаги мактабдаги каби ўтади.

Икки комплектли мактабда бир ўқитувчи I ва III синфлар билан, иккинчи ўқитувчи эса II ва IV синфлар билан шуғулланиши энг мақсадга мувофиқдир. Бундай тақсимотда ҳар бир ўқитувчи фақат битта юкори синфга эга бўлиб, ўқитувчи қуи синф билан машғулот ўтказаётганида бу синфга мустакил иш берилиши мумкин. Бундай тақсимотда ўқитувчи бир синф билан иш бошлаб, уни битиришгача етказа олади.

Кам комплектли мактаблар барча мактаблар учун белгиланган дастурлар бўйича ишлайдиган ва асосан бошқа мактабларга ўхшаш усуллардан фойдаланадилар, лекин бу ерда дарснинг ташкил этилишида муҳим фарқлар бор. Кам комплектли мактабда болаларни ўқитиш ва тарбиялаш ўқитувчидан катта маҳорат талаб қиласи.

Иккита синф билаң ўтказиладиган машғулотларни режалаштиришда ўқитувчи қуийдаги масалаларни ҳал этиши керак:

- 1) ўқитувчи раҳбарлигига ўтказиладиган машғулот вақтини қандай тақсимлаш керак;
- 2) ўқувчиларнинг мустакил шуғулланишларини қандай ташкил этиш керак;
- 3) мустакил ишларни қачон ва қандай текшириш керак;
- 4) бир синфдан иккинчисига ўтишни қандай амалга ошириш керак.

Бу масалаларни ҳал этиши учун ўқитувчи дарс жадвалида математика дарснинг ўрнини, дарснинг турини белгилаб олиши, дарснинг минутлар бўйича тақсимланган пухта ва аниқ режасини тузиб олиши лозим.

Дарс жадвалида математика одатда биринчи ёки иккинчи соатга қўйилади. Математика дарснини бошқа синфдаги худди шу дарс билан биргаликда бўлиши энг мақбулдир.

Кам комплектли мактабларда дарснинг мазмуни ва турига қараб машғулотларни биргаликда олиб боришининг ушбу тўрт тури фарқ қилинади:

- 1) барча синфларда янги материал ўрганилади;
- 2) бир синфда янги материал ўрганилади, иккинчи синфда эса машқлар бажарилади;
- 3) иккала синфда малакаларни мустаҳкамлаш ва ривожлантириш дарси ўтказилади;
- 4) иккала синфда амалий ишлар ёки экскурсия ўтказилади.

Иккала синфда ҳам янги материал ўрганиладиган дарс энг мураккабдир. Бундай дарснинг анъанавий схемаси куйидагичадир:


Куи синф	Юқори синф
Дарс мавзуси	Дарс мавзуси
Дарс мақсади	Дарс мақсади

Дарснинг бориши

1. Ўқитувчининг ўқувчилар билан ишлаши	1. Ўқувчиларнинг мустақил ишлаши
2. Ўқувчиларнинг мустақил ишлари	2. Ўқитувчининг ўқувчилар билан ишлаши
3. Ўқитувчининг ўқувчилар билан ишлаши	3. Ўқувчиларнинг мустақил ишлаши
4. Ўқувчиларнинг мустақил ишлалари	4. Ўқитувчининг ўқувчилар билан ишлалари

Дарс режасини одатда дафтарнинг очилган икки саҳифасига ёзилади, бунда бир синфда дарс бориши ёзуви иккинчи синфда дарс ўтиш ёзувига мос келиши керак. Масалан, 1- ва 3-синфларни ўқитаётган ўқитувчининг дарс режаси бундай бўлади:

Дарс босқычлари вакт	I синф 6- күрнисшілдеги айриши	III синф Езма (ұлтқыдан ұтмасдан) күшиш билан таништириш
1. 5 мин	<p>Оғзаки саноқ «Айланма мисоллар». Үқувчилар навбат билан доска олдига чика-дилар ва биринчи компонент олдинги мисол натижасига тәнг бўлган мисоллар тузадилар.</p>	

Дарс босқичлари вакт	I синф 6- □ күренишдеги айриш	III синф Ёзма (үнликдан үтмасдан) күшиш билан таништыриш
2. 5 мин.	<p>Үқитувчи. Үтилган материал устида ишлаш.</p> <p>1. 0 дан 20 гача исталған сондан бошлаб тартыб билан санаш.</p> <p>2. «Құшнисини айт» үйини. б сонининг таркибини тақоррлаш.</p> 	<p>Мустакил. Дастанури карточка бүйіча янги материални ўрганиш. Үнда ўқув материалы бүлакларга — кадрларга бүлинганд. Болалар ҳар бир кадрдаги топширикни бажариб, уни кадрдан чапда ёзилған, варак билан беркитилған жағобға солиширадилар. Карточканы доскага дарс олдидан ёзіп күйиш мүмкін.</p>

Қүшиш ва айриш орасидаги боғлиқликни очиб берадиган мисоллар ечиш.

№	I күшилувчи	II күшилувчи	Йигинди	Карточка ушбу күринишда		
1)	2	4	6	Үзини ўзи текшириш	Ўқитиш кадрлари 1) 2 хонали сонларни қандай ёзма қүшиш мумкин? Дафтaringизга ёзинг.	
2)	6	4	2			
3)	6	2	4			
Топшириқ: биринчи мисолдаги сонларнинг номлари ва амал натижасининг номларидан фойдаланиб, 2- ва 3- мисолларни ўқинг.				ўнл.	бирл.	
				$\begin{array}{r} 3 \\ + 5 \\ \hline 8 \end{array}$	$\begin{array}{r} 4 \\ + 2 \\ \hline 6 \end{array}$	$\begin{array}{r} 32 \\ + 24 \\ \hline 56 \end{array}$ $\begin{array}{r} 12 \\ + 35 \\ \hline 47 \end{array}$ $\begin{array}{r} 72 \\ + 21 \\ \hline 93 \end{array}$
3. 10 мин. 1) Янги материал устидаги ишлеш. Оғзаки машқулар ва амалий иш. Ўқитувчи 6 та куб: 2 таси яшил ва 4 таси кизил кубни қўяди; 6 дан 4 ни айриш керак:				2) Уч хонали сонларни қўшишни ўрганинг. Улар икки хонали сонлардаги каби бажарилади.		
				$\begin{array}{r} 250 \\ + 421 \\ \hline 671 \end{array}$	$\begin{array}{r} 263 \\ + 134 \\ \hline 397 \end{array}$	$\begin{array}{r} 48 \\ + 831 \\ \hline 879 \end{array}$
2) Дарслик билан ишлеш. Расмлар бўйича мисоллар тузиш ва ечиш. 1- ва 2- машқулар.				Сонларни бир-биринг тагига: бирлар бирлар остига, ўнлар ўнлар остига, юзлар юзлар остига ёзилади.		
3) Мисолларни устун қилиб ечинг:				1) $250 + 421$ 2) $263 + 134$ 3) $48 + 831$		
				Амал 1- хона бирлигидан бошлаб бажарилади, йигиндида хоналар қўшилувчилардаги мос хоналар тагига ёзилади:		
				$\begin{array}{r} 263 \\ + 134 \\ \hline 397 \end{array}$	$\begin{array}{r} 250 \\ + 421 \\ \hline 671 \end{array}$	$\begin{array}{r} 48 \\ + 831 \\ \hline 879 \end{array}$

- 4) 2- мисоллар (III ва IV устуналар) ни мустақил ечинг.
 5) Йигиндининг ўрин алмаштириш хоссасидан фойдаланиб, мисолларни текширинг: қўшилувчиларнинг ўринларини алмаштиринг. Агар йигинди биринчи ҳолдаги каби бўлса, у ҳолда мисол тўғри ёзилган.

$$\begin{array}{r} + 340 \\ + 520 \\ \hline 860 \end{array} \qquad \begin{array}{r} + 62 \\ + 217 \\ \hline 279 \end{array}$$

$$\begin{array}{r} + 603 \\ + 36 \\ \hline 639 \end{array} \qquad \begin{array}{r} + 442 \\ + 201 \\ \hline 643 \end{array}$$

4. 7 мин. Мустақил иш. 3- машқни бажариш. Мисолларининг жавоблари ни рақамлар кассаси ёрдамида партага кўйинг. 5. 5 мин. Мустақил иш. Дафтар билан ишлаш. Масалани ўқиш, унинг ечимини ёзиш. 6. 3 мин. Ўқитувчи. 7. 5 мин. Ишни текшириш 8. 5 мин. Якунлаш	Мустақил ишни текшириш. Масаланинг таҳлили. Унинг ечилиши Масалани тескари масалага айлантириш. Мустақил иш. Айлантирилган масалани ечиш. Математик диктант. Диктантни текшириш.
--	--

5 ва 4- машқларни бажариш.

Кўпчилик ўқитувчилар режа тузишда дарснинг баъзи босқичларида икки, учта синф билан бир вақтли машғулотлар ўтказадилар. Масалан, оғзаки саноқ ўтказилаётганда ҳар бир синфнинг билимлар даражасини ҳисобга олиб, ўхшаш топшириклар берилади.

1. Карточкалардан фойдаланиб, мисоллар ечиш. Биринчи синф ўқувчилари олдиндан тайёрлаб кўйилган мисолли карточкаларга жавобларни ёзадилар, II ва III синflар эса ўқитувчи кўрсатадиган мисолларни (бир вақтда иккита карточка) ечадилар. Бундай карточкалар турли мавзулар бўйича кўплаб тайёрлаб кўйилади: икки хонали сонларни ўнликдан ўтиб қўшиш ва айириш, жадвалли ва жадвалдан ташқари кўпайтириш ва бўлиш, қолдиқли бўлиш, амалларнинг тартибига доир мисоллар ва ҳоказо.

Карточкаларни тайёрлашга—керакли ўлчамдаги карточкаларни тайёрлаш, рақамларни бўяш, конвертларни елимлашга болаларнинг ўзларини жалб қилиш лозим. Болалар ўз кўллари билан тайёрлаган карточкаларини қизиқиб хисоблайдилар.

2. «Ким биринчи» ўйини. Доскада уч устун қилиб мос равиша I, II ва III синflар учун мисоллар ёзилган. Бо-

лалар навбат билан, ҳар бир синфдан битта ўкувчи доска ёнига келиб, мисолларни то бирор командадаги барча мисоллар ечиб бўлингунига қадар ечадилар. Кейин ҳаммалари биргаликда ечимларни текширадилар ва хатога йўл қўймаган ғолиб командани аниқлайдилар.

3. «Математик домино». Бу ўйин учала синфда ҳам турли мавзулар бўйича тузилиши мумкин. Тузилиш тартиби ва ўйин топшириги худди луғат доминосидағи каби бўлиб, фақат бу ерда карточкалар кичикроқ ўлчамли — 3×4 см бўлади. Мисолларнинг ечилишини текшириш осон, чунки болалар ўз карточкаларини яхши эслаб қоладилар ва ким нотўғри жавоб берганини ҳар доим айтиб бера оладилар. Икки хил вариантда домино бериш мумкин: «қўпайтириш ва бўлиш жадвали» (иккинчи ва учинчи синфлар учун) ўйнайдилар (17-расм), I синф учун «Ўнликдан ўтиб қўшиш ва айриш» (18-расм).

$\frac{9 \cdot 8}{5}$	$\frac{4 \cdot 7}{4}$	$\frac{6 \cdot 5}{54}$	$\frac{4 \cdot 9}{24}$	$\frac{2 \cdot 8}{4}$	$\frac{7 \cdot 3}{45}$	$\frac{24:6}{8}$	$\frac{6 \cdot 8}{7}$
$\frac{5 \cdot 9}{5}$	$\frac{36:6}{5}$	$\frac{6 \cdot 3}{8}$	$\frac{45:9}{15}$	$\frac{24:8}{32}$	$\frac{4 \cdot 8}{2}$	$\frac{48:6}{8}$	$\frac{14:7}{3}$
$\frac{40:8}{5}$	$\frac{15:3}{18}$	$\frac{64:8}{6}$	$\frac{3 \cdot 5}{45}$	$\frac{21:3}{72}$	$\frac{32:4}{28}$	$\frac{5 \cdot 9}{30}$	$\frac{16:4}{36}$
$\frac{3 \cdot 8}{16}$	$\frac{9 \cdot 6}{21}$	$\frac{36:9}{4}$	$\frac{35:7}{48}$				

17-расм

$\frac{6+6}{9}$	$\frac{6+5}{9}$	$\frac{7+6}{8}$	$\frac{7+7}{5}$	$\frac{7+8}{5}$	$\frac{9+4}{8}$	$\frac{8+5}{8}$	$\frac{9+6}{6}$
$\frac{8+9}{6}$	$\frac{9+7}{7}$	$\frac{8+8}{7}$	$\frac{9+9}{9}$	$\frac{7+5}{5}$	$\frac{6+8}{6}$	$\frac{12-6}{12}$	$\frac{11-5}{11}$
$\frac{13-6}{13}$	$\frac{15-8}{14}$	$\frac{13-4}{15}$	$\frac{13-8}{13}$	$\frac{15-9}{13}$	$\frac{17-8}{15}$	$\frac{16-7}{17}$	$\frac{14-6}{16}$
$\frac{12-7}{16}$	$\frac{14-9}{18}$	$\frac{16-8}{12}$	$\frac{11-3}{14}$				

18-расм

4. Математик диктант. Уни учала синф бир вақтда ёзади. Масалан, 9 ни 5 та орттиинг, 64 ни 8 марта камайтириинг, 120 ни 4 марта орттииринг ва ҳоказо. Болалар бу вақтда келиб, энди биринчи мисол I синф учун, иккинчи мисол II синф учун, учинчи мисол эса III синф учун эканлигини биладилар ва диктантдан ўзларига мос топшириқни танлаб оладилар.

Топшириқни мураккаблаштириш мумкин — иккинчи синф ўқувчиларига ўз мисолларини ва I синф мисолларини ечишни, ечиб бўлганларидан сўнг биринчи синфларнинг ёзувларини текширишни таклиф этиш мумкин.

III синф учун ҳам топшириқ шунга ўхшаш мураккаблаштирилади. Диктантни ўқиб беришда магнитофон ёзувидан фойдаланиш мумкин, унда уч варианти уч хил ўқийди.

5. «Математик бўтакўз» бўйича оғзаки саноқ. Бу қўлланмани тайёрлаш жуда осон. Ватман, циркуль ва фломастерлар керак бўлади. «Бўтакўз» учта айланадан ва 32 та япроқчадан иборат бўлади. Биринчи айлананинг радиуси 4 см. Айлана ичига металл пластинка ёпиштирилади. Унга керак бўлишига қараб амаллар белгилари ёзилган тўртта карточка магнит билан ёпиштирилади (19-расм). Иккинчи айлананинг радиуси 8 см бўлиб, унда биринчи ўнлик сонлари жойлашади. Учинчи айлананинг радиуси 15 см. Унда 20 дан 1000 гача бўлган яхлит сонлар ёзилади. Учинчи айлананинг қирраси бўйлаб япроқчалар жойлашади. Унда 11 дан 19 гача бўлган икки хонали сонлар, кейин эса қўпайтириш жадвалидаги сонлар ва 11 га бўлинадиган сонлар жойлашади. Бу сонларнинг ҳаммаси ортиб бориш тартибида жойлашади, бу эса ўқитувчи учун ҳам, ўқувчилар учун ҳам осон бўлади. Бундай универсал бўтакўзнинг намунаси 20-расмда берилган. Энди бу қўлланма ёрдамида қандай топшириклар бажариш мумкинлигини кўриб чиқамиз.

Биринчи ҳалқа: 10 ичида қўшиш ва айриш, 10 дан ўтиб қўшиш, жадвалли қўпайтириш.


Иккинчи ҳалқа: яхлит сонларни қўшиш, айриш, қўпайтириш ва бўлиш.



19- расм.

Япроқчалар: икки хонали сонларни қўшиш ва айриш.

Биринчи ҳалқа япроқчалар: жадвалли бўлиш, жадвалдан ташқари қўпайтириш ва бўлиш, 20 ичида сонларни




20- расм.

айириш, қолдиқли бўлиш.

Биринчи ва иккинчи ҳалқалар: яхлит сонларни бир хонали сонга кўпайтириш ва бўлиш.

«Бўтакўз» бўйича топширикни ўқитувчи ва ўқувчиларнинг ўзлари бундай берадилар: кўрсаткич билан иккита сонни ва ишорани кўрсатиш лозим (21- расм):

21- расм.



I—III синфларда дарсни ташкил қилиш варианtlаридан бирини кўриб чиқамиз, у иккинчи ярим йиллик учун, биринчи синф болалари мустақил ишлаш малакасига эга бўлганларидан сўнг тавсия қилинади.

Дарс боскиччари	Вакт минут хисобида	Синфлар бўйича ишни ташкил этиш		
		I	II	III
1	3	Ўқитувчи билан ишлаш. Ўй ишини текшириш. Мустақил иш учун топширикни тушунтириш	Мустақил иш. Машқ характеридаги мисол ва масалаларни ечиш	Мустақил иш. Ўй ишини ўзи текшириш ва ўзаро текшириш
2	20	Мустақил иш. Машқ килиш учун мисол ва масалалар		Ўқитувчи билан ишлаш. Янги материални тушунтириш, дастлабки мустаҳкамлаш
3	10	Ўқитувчи билан ишлаш. Иш натижаларини текшириш. Умумлаштириш. Навбатдаги иш учун топширик.	Мустақил иш. Геометрик материал билан ишлаш	Янги материал бўйича мустақил иш (машқлар, берилган сонли материал бўйича масалалар тузиш).
4	10	Мустақил иш. Масалалар тузиш ва алмаштириш	Ўқитувчи билан ишлаш. Иш натижаларини текшириш. Ўтилган материал бўйича умумлаштириш ва хуносаси чиқариш.	-
5	2	Дарс якунларини чиқариш, уйга топшириқ бериш		
Жами ўқитувчи билан мустақил	15 минут 30 минут	12 минут 33 минут	22 минут 23 минут	

Дарснинг бундай тузилиши ушбу турга мос келади: бир синфда янги материални тушунтириб, қолган икки синфда ўрганилган материални мустаҳкамлаш.

Учта синф бир вақтда шуғулланганида ҳамма синфларда янги материални бир вақтда ўрганишдан қочиш керак.

Бир неча синфлар бир вақтда шуғулланганида ўқувчиликнинг мустақил ишлари алоҳида ўрин тутади.

Дарсда мустақил ишлашнинг мазмуни қўйидагича:

- дарсда янги билимларни ўзлаштириш учун зарур бўлган, олдин ўтилган материални дарслик ёки бошқа манба бўйича мустақил такрорлаш;
- дарсда ўрганилган материални мустаҳкамлаш учун машқлар;
- олинган билимларни амалий қўлланиладиган турли хилдаги машқлар.



Мустақил ишни тўғри ташкил этишда ўқув топшириқларининг муфассал ишланмаларини эслатмалар ёрдамида беради.

Мустақил ишлаш усуллари билан болаларни ўқитувчи мактабдаги биринчи дарсларидан бошлаб таништира бошлияди. Дастребу бу топшириқлар кичик ҳажмли ва эргашиш характеристида бўлади. Масалан, «Сен ҳам шундай қил» ўйини.

1. Уқитувчи стол устига пирамида қўяди, унинг ҳалқалари ўлчамлари ортиб бориш тартибида кийгизилган. Пастдан юқорига. (Ўқувчиларга шундай пирамидани йиғиш таклиф килинади.)


2. Мавжуд геометрик фигуналардан унча мураккаб бўлмаган нақшлар ёки расмлар йиғиш, масалан:

а) берилган намуна бўйича учбуручаклардан квадрат йиғиш (22- расм);



22- расм.

б) учбуручаклардан арча йиғиш (23- расм);




23- расм.

в) геометрик фигуралардан нақш үйғиши (24- расм);



24- расм.

г) композиция тузиш (25- расм);



25- расм.

д) фигурани берилган тартибда ёишиш ва ҳ. к.

Болалар намуна бўйича мустакил ишлаётгандаридан ўқитувчи синфнинг қолган ўқувчилари билан шуғулланади. Кейин топшириклар мураккаблаштирилади, улар кўпроқ ижодий характерда бўлади. Улар гурух бўлиб ишлаш учун тайёрланиши ҳам мумкин. Бўш ўқувчиларга алоҳида эътибор бериш, уларга қўшимча тушунтириш, кучли ўқувчиларга эса қийинлаштирилган қўшимча топшириклар тайёрлаб қўйиш лозим.

Дарсда бажарилган иш албатта текширилиши лозим. Бу ўринда ўзини-ўзи назорат қилиш, ўзаро текшириш, катта ўқувчиларнинг кичик ўқувчиларни назорат қилиб бориши катта аҳамиятга эга. Ўзини-ўзи назорат қилиш — бу ўқувчининг ўз ишини ушбу икки нуқтаи назардан баҳолашидир: мен тўғри жавоб бердимми? Мен ҳаммасига жавоб бердимми?

Ўзини-ўзи назорат қилиш малакаларининг ривожланиши дарсда вактни тежайди, тоғширикни бажаришда ўқувчиларнинг масъулиятини кучайтиради, уларни хатосиз ишлашга, хатоликка йўл қўйилганда эса уни шу заҳоти тузатишга ўргатади, шу билан бирга таълим жараёнини фаоллаштиради, билимга қизиқишни орттиради.

Ўзини-ўзи назорат қилиш усуллари турличадир. IV синфда ўзини-ўзи назорат қилишга оид бир неча мисол келтирамиз.

1. Жавобларни ортиб ёки камайиб бориш тартибида ёзиш. Бундай топшириқ берилади: ифодаларнинг қийматларини ҳисобланг:

$$\begin{array}{lll} (258+642) : 3 & (912-112) : 4 & 840 : 4 + 0 \times 3 \\ (185+815) : 5 & (704-304) : 8 & 800 - 690 : 3 \times 2 \\ (155+265) : 7 & (900-540) : 9 & 450 : 9 \times 7 - 350 \times 0 \end{array}$$

Мисоллар остида текшириш учун жавоблар чиқарилади: 40, 50, 60, 200, 210, 300, 340, 350. Бир хил жавобларни фақат бир марта ёзилади.

Ўқувчилар мисолларни ечадилар, жавобларни доска-даги ёзуви билан солишитириб, жавобларини ортиб бориш тартибида жойлаштирадилар. Ўқитувчи томонидан ишни кўшимча текширишнинг ҳожати йўқ.

2. Айланма мисолларни ечиш. Доскада айланма мисоллар ёзилган. Ўқувчилар уларни дафтарларига ёзадилар, бунда ҳар бир мисол олдинги мисолнинг жавоби-дан бошланиши керак.

3. Жавоблари камайиш ёки ортиб бориш тартибида ёзилган мисоллар кетма-кетлиги.

I вариант

$$\begin{aligned} 260-20-a \\ a-180+30=b \\ b+120-60=c \\ c+360-70=d \\ d-120+30=e \end{aligned}$$

II вариант

$$\begin{aligned} 840-620=a \\ a-160+50=b \\ b+390-120=c \\ c-180+110=d \\ d+120-280=e \end{aligned}$$

Ўзини-ўзи текшириш жавоблари: 50, 70, 90, 110, 150, 170, 180, 220, 240, 250, 350, 440, 590.

1 вариант мисолларининг ечилиши қандай боради:

$260-20=240$ (жавоби бор, кейинги мисолни ечаман),
 $240-180+30=90$ (жавоби бор, кейинги мисолга ўтаман),
 $90+120-60=150$ (жавоби бор, кейинги мисолга ўтаман),
 $150+360-70=440$ (жавоби бор, кейинги мисолга ўтаман),
 $440-120+30=350$ (жавоби чиқди, барча мисоллар ечилди).

Якка тартибда текшириш учун ўқитувчи биринчи ва охирги жавобларни қўшишни ёки охирги жавобдан биринчи жавобни айришни таклиф этади ва ҳоказо.

4. Мисоллар орасида ўзаро боғланиш бўлмаган тақдирда уни жавобларни кетма-кет қўйиш йўли билан сунъий

хосил қилиш мүмкін. Масалан, бундай топшириқ берилған: бўлишни бажаринг: 3212 : 44; 4503 : 57; 7081 : 36; 23832 : 36. Жавоблари: 73, 152, 249, 911.

Ўқувчи бундай ишлайди:

1. $3212 : 44 = 73$ (жавоби мос тушди),
2. $4503 : 57 = 79$ ($73 + 79 = 152$, жавоби мос тушди),
3. $7081 : 73 = 97$ ($152 + 97 = 249$, жавоби мос тушди),
4. $23832 : 36 = 662$ ($662 + 249 = 911$, жавоби мос тушди).

Ўзаро назорат қилишда ўқувчиларнинг фикрлаш фаолиятларини ривожлантиришнинг янги шакллари: изоҳлаш, эслатмага таяниб жавоб бериш катта аҳамиятга эга. Масалан, ўқувчи кўп хонали сонни икки хонали сонга бўлишни бажармоқда. Доскада эслатма — бўлиш алгоритми илиб қўйилган. Ўқувчи 2—3 минут тайёргарлик кўради, кейин тушунтира бошлайди. Жавоб бериш вақтида болалар дикқат билан тинглайдилар ва варакдаги ҳар бир банд бўйича жавобнинг тўғрилигини «+» ёки «—» белгилари билан белгилаб борадилар. Ўқувчи ўз тушунтиришини бериб бўлганидан сўнг, сигнал карточкалари қўтарилади ва болалар ўртоқларининг жавобини аниқлаштирадилар ва тузатадилар.

Ўртоғининг жавобини назорат қилиш ва уни таҳлил этиш барча ўқувчиларнинг дикқатини ўртоғининг жавобига жалб этиш, у билан бирга мулоҳаза юритиб, шу билан бирга шу масала бўйича ўз укув ва малакаларини мустаҳкамлаш имконини беради.

Ўқувчиларнинг мисоллар, тенгламалар, тенгсизликларни ечиш бўйича мустақил ишларни текшириш бажарилган ишларни ўзаро текшириш йўли билан ҳам амалга оширилиши мүмкін. Иш тугалланганидан сўнг ўқитувчининг ишораси бўйича болалар дафтарларини алмашадилар. Доскада мисолларнинг жавоблари амаллар бўйича ёзилади. Ўқувчилар ўртоқларининг жавобларини доскадаги жавоблар билан солиштирадилар, жавобнинг тўғрилигини «+» билан белгилайдилар ёки уни тузатадилар. Сўнгра перфокарталар ёрдамида варакларда тегишли белгилар қўядилар. Биринчи қатор тешиклар мисолларнинг тартиб номери ни билдиради. Кейинги қаторлар тешиклари орқали натижаларни, масалан, ҳар бир тўлиқмас бўлинувчиларнинг қийматини, бўлинмадаги ракамлар миқдорини, бўлишга доир мисолларда кетма-кет қолдиқларини назорат қиласиди. Сўнгра текширувчи ўқувчи ўқитувчи вазифасини ижро этиб, хатоликнинг сабаби нимадалигини, уни қандай бартараф

этиш кераклигини тушунтириб бериши керак. Бу фикрлаш уқувини шакллантиради, математик нутқни ривожлантиради, кучсиз ўкувчиларнинг материални яхшироқ тушунниб олиш ва ҳамма қатори ўз муваффакиятларидан қувонишларига имкон яратади. Ўзаро мулоқотда бўлиш бир-бирига эътиборли муносабатда бўлишни, ўртоғининг фикрини дикқат билан тинглашни, синфнинг бошқа ўкувчиларига ҳалал бермасдан, хотиржамлик билан ишлашни, ёрдам беришга ҳозир бўлиш ва хайриҳоҳликни тарбиялайди, бу эса таълим жараёнида тарбия тамойилини амалга оширади.

II. БУТУН НОМАНФИЙ СОНЛАР. НОМЕРЛАШ. АРИФМЕТИК АМАЛЛАР

Янги бошланғич математика курсида, аввалдагига ўхшаш, арифметика асосий ўринни эгаллайди. 1—4- синфларнинг янги дастурида арифметик материал мазмуни унчалик кўп ўзгармаган: арифметика назарияси (амалларнинг хоссалари, натижалар ва компонентлар орасидаги ўзаро боғланиш, компонентлардан бири ўзгарганда амаллар натижаларининг ўзгариши) камрок ёритилган, назариянинг амалий масалалар (саноқ, ўлчашлар, хисоблашлар, масалалар ечиш) билан боғланиши янада мустаҳкамланган: энг муҳим тушунчалар (сон, саноқ системаси, арифметик амаллар) ни шакллантиришнинг бирмунча мукаммал системаси кўзда тутилган. Шунингдек, арифметикани бошланғич ўрганиш услуби ҳам мукаммаллаштирилган. Кичик ёшдаги ўкувчиларни ўқитишининг барча босқичларидан уларнинг фикрлаш фаолиятларини активлаштиришга, тайин фактлар ва кузатишларни ўз вақтида умумлаштиришга, айрим масалалар орасидаги ўзаро боғланишни тайинлашга, болаларда мустақил ишлаш укувlarini пайдо қилишга қаратилган янги илмий асосланган усул ва услублари мактаб дастурига киритилган.

Ўкув материалини ўкув йиллари бўйича тақсимланишида ўрганилаётган сонлар соҳасининг аста-секин кенгайиб бориши кўзда тутилади: I синф «1 дан 20 гача сонлар», II синф «1 дан 100 гача сонлар», III синф «1 дан 1000 гача сонлар», IV синф «1 дан 1 000 000 гача сонлар».

Номерлаш ва арифметик амалларга доир материал концентрларга бўлиб ўрганилади. Ҳаммаси бўлиб бешта концентр кўзда тутилади: ўнлик, иккйнчи ўнлик, юзлик, минглик, кўп хонали сонлар (бошланғич мактабда — миллион ичидаги).

Ҳар бир концентр ўз мазмунига кўра систематик арифметика курсининг асосий масалаларини акс эттиради,

шунинг учун ўқувчилар у ёки бу чегаралар ичидаги сонларни номерлашни ва бу сонлар устида амалларни ўрганар эканлар, умуман арифметиканинг моҳияти тўғрисида тасаввур ҳосил қиласидар. Ҳар гал янги сонли материал асосида номерлашни ва амаллар бажаришга қайта-қайта мурожаат этиш энг муҳим арифметик тушунчаларнинг мазмунини чуқурлаштириш ва кенгайтиришга имкон беради. Бундан ташқари, мустаҳкам уқувни ва малакаларнинг аста-секин шаклланиши (саноқда, ўлчашларда, оғзаки ва ёзма номерлашда, ҳисоблашларда ва ҳ. к.) таъминланади, чунки бу амалларни бажаришнинг усувлари, умумийликни сақлаган ҳолда, аста-секин мураккаблашиб боради. Шундай қилиб, ҳар бир олдинги концентрда номерлашни арифметик амалларни ўрганиш мос масалаларни келгусида ўрганиш учун тайёргарлик иши бўлиб ҳисобланади, ҳар бир кейинги концентрда эса илгари ўрганилган материал умумлаштирилади ва мустаҳкамланади.

Барча концентрлар материалининг мазмунини, кетмакетлиги ва ўрганиш услубида кўп умумийлик мавжуд бўлиб, бу ўқитишнинг маълум услубида ишлашнинг умумий усувларининг шаклланишига имкон беради, ўқувчиларнинг зийраклигини ва мустақил фикрлашларини ривожлантиради. Шу билан бирга, ҳар бир концентр ўзига хос хусусиятга эга, бу уни ажратиб кўрсатишга асос бўлади. Бу бир томондан, арифметик материалнинг хусусиятларидан ҳам келиб чиқади. Масалан, 10 ичидаги сонларни номерлаш ўндан катта сонларни номерлашдан фарқ қиласиди: оғзаки ҳисоблаш усувлари кўп хонали сонлар устида ҳисоблашлар бажариш усувларига нисбатан ўзига хос томонларга эга. Иккинчи томондан, концентрларнинг ажратиб берилишига ишнинг айрим босқичларида ўқитишнинг максади ва вазифаларининг ўзига хослиги сабаб бўлади. Масалан, бир хонали сонларни қўшиш ва кўпайтириш ҳоллари (жадваллар) бошқа ҳамма ҳоллардан фарқли равишда ёд олинади (бошқа ҳолларда), ҳисоблашлар жадваллардан фойдаланиб бажарилади ва натижалар ёд олинмайди.

Бошлангич арифметика курсининг концентрик тузилиши кичик ёшдаги ўқувчиларнинг психологик хусусиятларига мосдир: саноқ, ўлчаш, арифметик амаллар билан дастлабки таништириши нарсалар тўпламлари ёрдамида кўрсатиш мумкин бўлган катта бўлмаган ракамлар мисолида бажариш зарур. Сон соҳасини секин-

аста кенгайтириб бориш ҳам күргазмали-харакатли амаллардан абстракт амалларга ўтиш орқали болаларнинг фикрлашларини ривожлантириш билан мослаштирилади.

Ҳар бир концентрнинг ажратиб бериш сабабларини, бу концентр ичидаги сонларни номерлашни ўрганиш услугубини, шунингдек, арифметик амалларни ўрганиш услугубини батафсил баён қиласиз.

6- Б О Б. «ҮНЛИК» МАВЗУСИНИ ҮҚИТИШ МЕТОДИКАСИ

«Үнлик» ни алоҳида концентр сифатида ажратиб берилиши, энг аввало, номерлаш ва 10 ичидаги арифметик амалларнинг ўзига хослиги билан тушунтирилади. Үн бизнинг саноқ системамининг асосидир, шунинг учун 1—10 сонларнинг ҳар бири факат оддий бирликларни санашиб натижасида ҳосил бўлади, бу сонларнинг ҳосил бўлишида ҳали мураккаб (таркибли) бирликларни санашибдан фойдаланилмайди. Бу сонларнинг ҳар бирини оғзаки нутқда ва ёзувда белгилаш учун маҳсус сўз ва маҳсус белги талаб қилинади. Қўшиш ва айришда сонларнинг ўнли таркиби таяниш мумкин эмаслигини ҳам ҳисобга олиш керак: ҳисоблашларнинг кўп усуслари санашиб билан, сонларнинг натурал кетма-кетлиги билан мустаҳкам алоқададир.

«Үнлик»нинг алоҳида концентр қилиб берилишининг математик сабаблари билан бир қаторда психологик ва методик сабабларини ҳам қайд қилиш керак. Биринчи синфга келган ўқувчилар одатда 10 гача санашибни биладилар, кўпчилик болалар эса қўшиш ва айришнинг батъи ҳолларини ёддан биладилар. Болалар билган бу маълумотлар асосида сон, сонларнинг тенглиги ва тенг эмаслиги каби муҳим тушунчаларни шакллантириш, қўшиш ва айришнинг маъносини очиб бериш, болаларни бу амалларнинг айрим хоссалари ва ўзаро боғланиши билан таништириш, ҳисоблаш ва энг содда масалалар ечишнинг зарур малакаларини ишлаб чиқиш осондир.

Олти ёшли болаларда айтиб ўтилган билим, укув ва малакаларни шакллантириш кўргазмали воситаларсиз, болаларнинг нарсалар билан мос амаллар (операциялар) бажаришисиз мумкин эмас. Катта бўлмаган сонлар бундай иш учун қулайдир.

Бир хонали сонларни қўшиш ва айриш натижаларирини билиш келгусида кўп хонали сонлар билан ҳисоблаш-

лар бажаришга асос бўлади. Шунинг учун 10 ичидаги сонларни қўшиш ва айриш уқуви автоматлаштирилган ма-лакагача етказилиши керак, ҳисоблашлар натижаси маълум босқичда ёд олиш билан ўзлаштирилиши керак, икки хонали, уч хонали ва ҳоказо сонлар устида ҳисоблашлар бажаришда эса ҳисоблашлар натижасини ёд олишга эҳтиёж бўлмайди.

Мазкур концентр ўзига хос томонларга эга бўлиши билан бир қаторда кейинги концентрлар билан умумий томонларга эгадир, кўп маънода арифметикани бундан бўён ўрганишнинг асоси бўлиб хизмат қилади. Масалан, 10 ичидаги санаш умуман саноқни ўрганишнинг асосидир, чунки таркибли бирликлар ($\begin{array}{l} \text{ёнлар}, \\ \text{юзлар}, \\ \text{минглар} \end{array}$) ҳам оддий бирликлар каби саналади. Биринчи ўнлик сонларни номлари ва белгиланиши исталган натурал соннинг номланиши ва белгиланиши учун бошланғич материал ҳисобланади. Биринчи ўнликдан ташқаридаги сонларни қўшиш ва айриш сонларни 10 ичидаги қўшиш ва айришда фойдаланилган хоссалар ва боғланишларга таянади (так-косланг: $3+4=4+3$ ва $13+4=4+13$, $7+3=7+2+1$ ва $17+3=17+2+1$ ва ҳ. к.)

«Ўнлик» ни ўрганиш арифметикани ўрганишнинг бошланишидир. Бу уни ўрганиш услугини ва ўқувчиларнинг билимлари сифатида алоҳида талаблар кўяди.

Биринчи ўнлик устида ишлашда уч босқич ажralиб туради: тайёргарлик даври, номерлашни ўрганиш, қўшиш ва айришни ўрганиш. Бу босқичларнинг ҳар бирида иш мазмуни ва услубини караб чиқамиз.

1- §. ТАЙЁРГАРЛИК ДАВРИ

Тайёргарлик даврининг асосий вазифаси болаларнинг билим, уқув ва малакаларини системалаштириш ва тўлдириш, номерлашни ўрганишга ўтишда зарур бўладиган билимларни эгаллашларига шароитлар яратиш, биринчи синфга келган болаларнинг математик тайёргарлигини ўрганиш.

Болаларнинг тайёргарлик даражасини 1 сентябргача (ўқитувчи болаларнинг уйига боргандаги, уларни мактабга ёзишда, тиббий текширувни ўтишда ва ҳ. к.) аниқлаш мақсадга мувофиқ. Агар бирорта сабабга кўра ўқитувчи уқув йилининг бошланишига кадар бўлгуси ўқувчилари билан таниша олмаган бўлса, болаларнинг тайёргарлик даражаси тайёргарлик даврида аниқланади.

Болаларга қуидаги саволлар берилishi мүмкін:

1. Санашни биласанми? Санаб күр-чи!
2. Бу ерда нечта чүп бор? (Масалан, 14 та чүп берилади.)

3. Қайси доирачалар күп? Күк доирачаларми ёки қизил доирачаларми? (Столда аралаш ҳолда 5 та қизил ва 6 та күк доирача ётибди.)


Олинган маълумотларни улардан кейинчалик фойдаланиш қулай ва осон бўладиган килиб ёзиб қўйиш фойдалидир. Текшириш натижаларини ҳисобга олган ҳолда болалар билан яккама-якка ишни дарҳол бошлаб юбориш мүмкін.

Ўкувчиларнинг тайёргарлигини аниқлаш қандай бўлишидан қатъи назар, ўкувчилар предметларни (нарсаларни) қай даражада санай олишларини аниқлаш зарур: улар сонлар кетма-кетлигини қайси чегараларда биладилар, нарсалар тўпламини қайси усул билан такқослайдилар (чўт ёрдамида, нарсаларни бир-бiriга мос келтириш билан ёки «чамалаб», яъни катта-кичиклигига қараб таққослаш билан); болалар «катта», «кичик», «шунча» муносабатларини тўғри тушунадиларми; қўшишга ва айришга доир энг содда мисол ва масалаларни ечишни биладиларми; улар қандай рақамлар ва геометрик фигуralарни биладилар.

Бирок, тайёргарлик даврида болаларда ушбу бир қатор малакаларни шакллантириш энг асосийдир: ўқитувчини эшлиши ва унинг топшириқларини аниқ бажариш малакаси, кўргазмали куроллар билан ишлай билиш малакаси, шунингдек, 10 ичидаги сонларни номерлашни ва улар устида арифметик амаллар бажаришни ўзлаштириш учун зарур бўладиган малакалар.

Санаш малақасини пайдо қилиш айниқса муҳимдир, шунинг учун санашга доир машқлар тайёргарлик даврининг ҳар бир дарсига киритилади. Болалар атроф-муҳитдаги нарсаларни (предметларни); набор полотносида кўрсатилган предметли расмларни; дарсликда тасвириланган расмлардаги предметларни, шунингдек, ҳар қайси ўкувчидаги бўлиши зарур бўлган дидактик материал (чўплар, доирачалар, учбурчаклар)ни санайдилар. Бу материални арифметик кассаларда ёки гугурт қутичаларидан ясалган кўлбola пеналларда саклаш қулай (26-расм).

Санаш болалар учун фақат ўкув масаласигина бўлиб қолмаслиги учун санашга доир топшириқлар кундалик турмуш билан боғланган бўлиши керак. Ўкувчилар санаш



26- расм.

ниманын учун кераклигини, у турмушда қачон қўлланилишини секин-аста тушуниб боришлари керак.

Тайёргарлик даврида ўқувчилар ҳар кўни санаш тўғрисида янги маълумотлар билан танишадилар. Масалан, ўқувчилар дастлабки дарсларда тўғри ва нотўғри санаб ва натижаларни таққослаб, санашда нарсани (предметни) ҳам, сонларни ҳам санамай ўтказиб юбориш мумкин эмас деб, сонни такрорлаш ёки биргина нарсанинг ўзини бир неча марта санаш мумкин эмас, деб хулоса қиладилар. Болалар нарсаларни турли тартибда (чапдан ўнгга ва ўнгдан чапга, юқоридан пастга ва аксинча ва х. к.) санар эканлар, санаш саноқ тартибига боғлиқ эмас деб ўз сўзлари билан хулоса чиқарадилар.

Ўқувчилар жуфтларни, учталикларни, бешталикларни ва х. к. ларни санаб, фақат айрим нарсаларнигина эмас, балки нарсалар гурухларини ҳам санаш мумкинлигини ва бунда янада кўпроқ нарсаларни санаш мумкинлигига ишонч ҳосил қиладилар. Ўқувчиларга санашда ҳам миқдорий сонлардан (битта, иккита, учта...), ҳам тартиб сонлардан (биринчи, иккинчи, учинчи) фойдаланиш мумкинлиги кўрсатилиди, терминлар эса болаларга маълум қилинмайди. Санаш тўғрисидаги билимларни ўқувчилар санашга доир турли-туман машқларни бажаришда қўллайдилар ва бирин-кетин ўзлаштира борадилар. Санашни билиш сонларнинг миқдорий ва тартиб муносабатларини ўрганишга, яъни номерлашни ўрганишга асос бўлади.

Ўқитувчи тайёргарлик даврида болаларга куйидагилар зарур эканлигини билиши муҳимдир:

1) Натурал қатордаги сонларнинг номлари ва кетма-кетлигини билиш. Гап шундаки, болалар мактабга келганларида баъзилари 5 гача, баъзилари эса 10 гача санашни билишади. Шунинг учун бошидан бошлаб, 10 ичида (хатто тўғри йўналишда) сонлар кетма-кетлигини айтиб бера олмайдиган болаларни аниқлаб олиш керак. Кейинги бар-

ча дарсларда бу болалар ўқувчининг дикқат марказида бўлиши керак.

2) Нарсаларни санаш сонлар кетма-кетлигининг ўзини билиб қолмасдан, балки сонни ва саналаётган гуруҳдаги нарсани бир-бирига тўғри мос келтиришни, яъни сон — нарса жуфтини ташкил қилишни ҳам кўзда тутади.

Бола санар экан, дастлаб нарсага қўл теккизиб, керакли (тегишли) сонни айтади. Сўнгра нарсага кўрсат-кични теккизиб, ўз ҳаракатини сонни айтиб бажаради. Шундан кейингина нарсаларни кўздан кечириб (қарашибилан) санашга ўрганади.

3) Нарсаларни санашда айтилган сонларнинг энг кейингиси «нечта?» деган саволга жавоб беришини болалар тушунишлари керак. Олти ёшли болалар учун қуйидаги хато типикдир: бола санашни тўғри бажарса-да, «нечта?» деган саволга бошқа сонни айтади, яъни жавоб тасодифий характерга эга бўлади. Бунга сабаб, санаш натижасига эътибор бермасдан, нарсалар сонини чамалашга уринишдир.

Нарсаларни санаш билан боғлик машқлар бажариш чоғида болаларни сонлар билан амаллар бажариш ва масалалар ечишга тайёрлашнинг дастлабки қадамлари қўйилади. Масалан, ўқитувчи юқоридаги токчага 4 та катта пирамида қўяди. Болалар овоз чиқариб санайдилар ва нечта пирамида қўйилган деган саволга жавоб берадилар. Ўқитувчи пастдаги токчага 2 та кичик пирамида қўяди. Яна санаш орқали нечта кичик пирамида, нечта катта пирамида қўйилгани аниқланади. Шундан кейин «ҳаммаси бўлиб нечта пирамида қўйилган?» деган савол қўйилади.

Тайёргарлик даврининг дастлабки дарсларидан бошлаб тўпламларни нарсалар сонига қараб таққослаш ва тенглаш малакаси шакллана боради. Шу мақсадда болаларга қуйидаги топшириклар берилади: қайси дераза токчасидаги гуллар кўп, қайси қаторда арчалар кам, набор полотносида қандай доирачалар кўп, қандайлари кам ва ш. к.

Болалар бу машқларни факат санаш ёрдамида эмас, балки нарсаларни бир-бирига мос келтириб ҳам бажаришлари керак. Масалан: а) бир нечта доирачани қатор қилиб қўйинг, санамасдан, қандай қилиб шунча учбурчак қўйиш мумкин? б) санамасдан, бир нечта катта ва бир нечта кичик доирача олинг: уларни бир-бирининг остига шундай жойлаштириб чиқингки, қайси доирачалар кўп, қайси доирачалар кам экани кўриниб турсин.

Ўқувчилар нарсалар тўпламларини уларнинг сонига қараб тақкослар эканлар, қайси тўпламда нарсалар кўп, қайси бирида кам эканлигина эмас, балки нечта кўп (кам) эканини ҳам аниқлайдилар. Бунда нарсалар сони фарқи 1—2 та бўлган тўпламлар олинади. Болаларнинг эътиборини шу ернинг ўзида масалан, агар доирачалар учбурчаклардан 1 та кўп бўлса, у ҳолда учбурчаклар доирачалардан 1 та кам бўлишига қаратилади («ортиқча» доирача ва «етишмайдиган» учбурчак ўрнини кўрсатиш керак).

Ўқувчилар қайси тўпламда нарсалар кўп, қайсинасида кам эканини аниқлаганларидан сўнг, бу тўпламларни тенглаштириш масаласини қўйиш мумкин. Масалан, ноклар нечта бўлса, олмалар ҳам шунча бўлиши учун нима қилиш керак? (яна битта олма қўйиш керак), олмалар нечта бўлса, ноклар ҳам шунча бўлиши учун нима қилиш керак? (битта нокни олиб қўйиш керак). Тенглаштиришни ҳар хил йўл билан амалга ошириш мумкинлигини болалар тушунишлари мұхим: ё кўп нарсали тўпламни камайтириш, ё кам нарсали тўпламни кўпайтириш керак. Агар тақкосла наётган тўпламлар нарсалар сони бўйича teng бўлиб чикса, у ҳолда болаларга қандай қилиб бир тўпламдаги нарсалар сонини бошқа тўпламлаги нарсалар сонидан битта-иккита кам (кўп) бўладиган қилиб ўзгаришиш мумкинлиги тўғрисида ўйлаб кўришни тавсия қилиш мумкин. Бу ҳолда ҳам турлича йўл тутиш мумкинлигини кўрсатиш керак.

Бундай машқларни бажариш натижасида ўқувчиларда «кўп», «кам», «шунча» («тeng», «баравар») тушунчалари шаклланади, шунингдек, миқдорий ўзгаришлар тўғрисида кузатишлар кўпаяди (йигилади): агар бир нечта нарса қўшсак, олдингига нисбатан кўпроқ бўлади, агар бир нечта нарсани олиб ташласак, олдингига нисбатан камроқ бўлади. Бу болаларни сонларни тақкослашга, шунингдек, сонларни кўшиш ва айришга тайёрлайди.

Тайёргарлик даврида амалий машгулотлар ёрдамида ўқувчиларда чап — ўнг, юқори — паст, олд — орқа, олдинда — кетинда-ўртада (орасида) ва шунга ўхшаш фазовий тасаввурлар аниқлаштирилади. Фазовий тасаввурлар секин-аста шаклланади, шунинг учун ўқитувчи келгусида ҳам барча дарсларида шундай топширикларни киритади: дафтарларни чап томонга, дарсликларни ўнг томонга қўйинг; ушбу саҳифанинг юқориги ўнг бурчагидаги расмни топинг; дафтар варагининг чап томонидан ва юқоридан иккита катак ташлаб, нукта қўйинг; арчалар орасига ўйин-чоқ расмини чизинг ва ҳ. к. Аниқ фазовий тасаввурлар

дафтар, дарслик саҳифаларида, атроф мухитда жойини белгилаш учунгина керак бўлмасдан, натурал кетма-кетликдаги сонларнинг тартиб муносабатларини ўзлаштириш учун ҳам зарурдир.

Мактабга қабул қилинаётган болаларни текшириш шуни кўрсатадики, болаларнинг ёзувга тайёргарлиги энг кам бўлади. Шунинг учун дастлабки машгулотлардан бошлабоқ ҳар куни рақамларни ёзиш учун тайёргарлик машқларини киритиш керак: ҳошиялар чизиш, чизгич билан тўғри чизиклар ўтказиш, рақамлар элементларини ёзиш кабилар.

Тайёргарлик даврида болаларни математика дафтари ва дарслиги, дидактик материал (учбурчаклар, квадратлар, доирачалар, чўплар, кирқма рақамлар), набор полотноси, чизгич (тўғри чизик ўтказиш учун керак асбоб сифатида) билан таништириш ва ҳар бир ўқувчини булар билан таъминлаш керак.

Тайёргарлик давридаги дарслар катта таълим ва тарбиявий аҳамиятга эга, шунинг учун уларнинг факат мазмунига эмас, балки тузилишига (оғзаки ва ёзма ишларнинг навбатлашиб келиши, амалий топшириклар ва қизиқарли машқлар киритиш, дидактик материал ва ўйинлардан фойдаланиш) ҳам эътибор бериб, синчиклаб тайёрланиш керак. Болалар толиқиб қолмаслиги учун физкультминутлар (жисмоний машқлар бажариш, шеърларни хор бўлиб ҳаракатлар орқали ифодали ўқиши) ўтказиб туриш керак. Бу даврда болаларда ўқишга, мактабга қизиқиш уйготиш айниқса муҳимдир. Шу мақсадда ўқув жараёни болалар учун қизиқарли (мароқли), иложи борича кўпроқ ижобий ҳис-ҳаяжонлар уйғотадиган бўлишига катта эътибор бериш керак. Яхшилаб безатилган синф, чиройли кўргазмали куроллар, ўқитувчининг эътиборли, яхши муомаласи, болалар учун оғирлик қилмайдиган қизиқарли дарслар бунга имкон яратади.

Ўқув жараёнини демонстрацион ҳамда якка фойдаланиладиган ўқув куроллари тўплами билан таъминлашга олдиндан эътибор бериш керак.

Олти ёшли болалар билан ишлашда кўргазмали куроллардан фойдаланиш аста-секин аниқликдан абстрактликка ўтиш масаласига бўйсундирилиши керак. Шунинг учун реал нарсаларни қарашдан уларнинг ясси тасвириларига (факат бир ўзинигина эмас, балки сюжетли расм шаклида ҳам), сўнгра абстракт куроллар (абак, сонли

жадваллар, сонли фигуralар, геометрик фигуralар ва х. к.) га ўтиш керак.

2- §. НОМЕРЛАШ

Бу босқичда ўқитувчининг вазифаси болаларда санаш малакаларини шакллантириш ва 1—10 сонлар кесмасида натурал қаторнинг тузилишини очиб бериш ва бу асосда сонни натурал кетма-кетликнинг ҳади сифатида таърифлашдан иборат. Бунинг учун ўқувчилар куйидагиларга эришишларини таъминлаш зарур:

1) 1 дан 10 гача сонлар кетма-кетлигини яхши ўзлаштириб олишлари керак;

2) нарсаларни санашини ва санаш тартиби кўрсатилганда ҳар бир нарсанинг берилган гуруҳдаги тартиб номерини айтиб бера олишлари керак;

3) сонларнинг 1 дан 10 гача қаторидаги ҳар бир сон қандай (олдинги сонга 1 ни қўшиш ёки шу сондан кейин келадиган сондан 1 ни айириш орқали) ҳосил бўлишини онгли ўзлаштиришлари керак;

4) рақамларни ўқий олишлари ва ҳар бир (босма ёки ёзма) рақамни нарсаларнинг мос сони билан мос кўя олишлари керак;

5) сонларни таққослашни билишлари керак (тегишли машқулар $>$, $<$, $=$ белгилардан фойдаланмасдан бажарилади);

6) 2, 3, 4, 5 сонларнинг иккита қўшилувчидан иборат сонли таркибининг барча ҳолларини мустаҳкам ўзлаштириб олишлари керак;

7) $2+1$, $4-1$, $1+3$ ва х. к. кўринишдаги математик ёзувларни ўқий олишлари ва бундай ёзувларни аниқ расмлар билан мос қўйишни билишлари керак. Тўла яққоллик асосида тегишли масалаларни ечиш ва уларнинг ечилишларини рақамли карточкалар ёрдамида ёзишни ($2+1=3$, $4-2=2$, $1+3=4$ ва х. к.) билишлари керак;

8) доира, квадрат, учбурчакни бир-биридан фарқ кила билишлари ва номини айта олишлари керак.

Бу йўналишларнинг ҳар бири бўйича иш олиб боришнинг услубини батафсил баён қиласиз.

1. Сонлар кетма-кетлигини яхши ўзлаштириб олган ўқувчи бу кетма-кетликни тўғри ва тескари тартибда исталган сондан бошлаб айтиб бера олади, саноқда берилган сондан кейин келадиган сонни, икки сон ўртасида келадиган сонни, берилган сондан олдин келадиган сонни айтиб

бера олади. Бундай малакаларга эришишга дарслықда берилған вазифалардан ташқари күйидаги машқлар ҳам имкон беради:

— Мана бу сонга қарант (үқитувчи, масалан, 4 рақамини күрсатади) ва құлингизға шунча кубик олинг.


— Токчада нечта күйирчоқ бор? Шундай сонни күрсатинг. (Болалар мос рақамли карточкани күрсатадилар.)

— Қайси карточка тескари қилиб күйилған? (Қайси сон «қочиб кетди?» Қайси сон «бекиниб олди?») (27-расм). (Болалар мос сонли ва рақамли карточкани күрсатадилар.)





27- расм.

— Соннинг чап томонидаги құшнисини күрсат. Ўнг томонидаги құшнисини күрсат. Соннинг құшниларини күрсат (28- расм). (Болалар кераклы карточкаларни күрсатадилар.)



28- расм.

— Сонларни тартиб бүйіча қўйиб чиқ (29- расм). (Болалар карточкаларни ўрганилаётган сонлар кесмасида үқитувчининг талабига кўра ўсиш ёки камайиш тартибида жойлаштирадилар).



29- расм.

Бириңчи ўнлик сонларини номерлаш устида ишлаш жараённан болаларда ноль сони ҳақида тушунча шаклланади. Тўпламнинг элементларини бирин-кетин битта ҳам элемент қолмагунча ташлаб, болалар қолдик тўпламнинг сонини айтадилар (5, 4, 3, 2, 1, 0 тийин, 2, 1, 0 та күшча ва х. к.). Болалар 0 ни уларга таниш бошқа сонлар билан

такқослаб, ноль 1, 2, 3 ва х. к. лардан кичик эканини ва демак, бу соннинг ўрни 1 сонидан олдин эканини аниқлайдилар. Кейинроқ, ноль сони камаювчи айрилувчига тенг бўлганда айриш натижаси сифатида қаралади ($1-1=0$, $2-2=0$ ва х. к.). Ўқувчилар нарсалар билан амалий машқлар бажариб (дераза токчасидаги гулларни олиб қўядилар, набор полотносидаги доирачаларни олиб ташлайдилар, чизилган квадратларнинг устидан чизиб қўядилар ва х. к.), $0-0$ кўринишдаги айришга доир масалаларни тузадилар ва уларни ечадилар. Шундай қилиб, бу соннинг маъноси очиб берилади.


2. Ўқувчиларда нарсаларни санаш малакаларининг шаклланишига «шунча», «кўп», «кам», «тенг», «баравар» каби тушунчаларни ўзлаштиришга қаратилган машқлар ҳам имкон яратади.

— Нечта копток бор, санаб кўринг. Нечта қўғирчоқ борлигини санамай айтиб бериш мумкинми (30-расм)? (Мумкин. Коптоклар 7 та. Ҳар бир копток остида қўғирчоқ турибди. Коптоклар нечта бўлса, қўғирчоқлар шунча. Қўғирчоқлар 7 та.)



30- расм.

— Нима қилсак, пирамидалар нечта бўлса, қўғирчоқлар шунча бўлади? (Пирамидалар 5 та, қўғирчоқлар эса кўп. Пирамидалар нечта бўлса, қўғирчоқлар шунча бўлиши учун ортиқча қўғирчоқни олиб қўйиш керак.) Пирамидалар қўғирчоқлар нечта бўлса, шунча бўлиши учун нима қилиш керак? (Пирамидалар 5 та, қўғирчоқлар эса кўп. Қўғирчоқлар нечта бўлса, пирамидалар ҳам шунча бўлиши учун етишмаётган пирамидани қўшиш керак, 31-расм.)




31- расм.

Бундай машқларни бажариш болаларни нарсаларни қайта санашдан уларни қўшиб санашга ўтишларига, шунингдек, арифметик масалалар ечишга тайёрлайди.

Бу даврда тартиб номерлаш ҳам ўрганилади. Бунинг учун биргина нарсанинг ўзи қандай санаш тартиби берилишига, савол қандай қўйилганига қараб ҳар хил тартиб номёри оладиган машқлардан фойдаланилади:

— Агар ўйинчоқлар чапдан ўнгга қараб саналса, катта копток санокда нечанчи бўлади? Ўнгдан чапга саналса-чи? ва ҳ. к. (32- расм).



32- расм.

3. Сонларнинг натурал кетма-кетлигига 1 дан ташқари исталган сонни бу сондан олдин келган сонга бевосита бирни қўшиш билан ёки бу сондан кейин келадиган сондан бирни айириш билан ҳосил қилиш мумкин.

10 ичидаги исталган сонни ҳосил қилиш қуйида келтириладиган мисоллар ёрдамида очиб берилади. Ўқитувчи 4 сонининг ҳосил бўлишини кўрсатмоқчи дейлик. У болаларга олдиларига 2 та доирача, сўнгра яна 1 та доирача қўйишни буюради. Доирачалар нечта бўлгани ва 3 та доирача қандай ҳосил бўлгани аниқланади. Кейин яна битта доирача қўшилади ва яна ўша саволларга жавоб берилади: доирачалар нечта бўлди? 4 та доирача қандай ҳосил қилинди? Хулоса қилинади: 3 ва 1 4 бўлади. Худди шундай машқлар бошқа ўйинчоқлар, нарсалар билан, дарсликдаги расмлар билан, дафтарларда бажарилади, бу болаларга тўпламлар устида амаллар бажаришни умумлаштиришга (3 та доирачага битта доирача қўшилди, натижада 4 та доирача ҳосил бўлди, 3 та машина ёнига битта машина келди, натижада 4 та машина ҳосил бўлди ва ҳ. к.), сонлар устида амаллар бажаришга ўтиш ва уларнинг ҳосил бўлишини тушунишга (3 га 1 қўшилса, 4 ҳосил бўлади: 3 ва 1 4 сонини ташкил этади; 4 сони 3 ва 1 сонларидан ташкил топган) ёрдам беради.



33- расм.


Болаларга соннинг алоҳида бирлардан ҳам ҳосил бўлишини кўrsатиш зарур. Бизнинг ҳолда (4 сонининг ҳосил бўлиши) мисол учун турли ўйинчоқлардан фойдаланиш мумкин (33- расм).

— Машиналар нечта? Қўғирчоқлар нечта? Коптоклар нечта? Пирамидалар нечта? Ҳамма ўйинчоқлар нечта? (Болаларнинг жавобларидан кейин ўқитувчи умумлаштиради: «Тўғри, болалар машина битта, қўғирчоқ битта, коптот битта, пирамида битта, ҳаммаси бўлиб 4 та ўйинчоқ, 4 — бу 1, 1, 1 ва яна 1.»)

Сонни ундан олдин келадиган сонга бирни қўшиш билан ҳосил қилас экан, ўқитувчи сонни ундан кейин келадиган сондан бирни айриш билан қандай ҳосил қилиш мумкинлигини кўrsатади. Бизнинг ҳолда ўқитувчи 4 сонини 3 га битта нарсани (предметни) қўшиш орқали ҳосил қилгач, 4 та доирачадан биттасини олиб қўйиб, 3 та доирача қандай ҳосил бўлишини кўrsатади. Сўнгра яна битта доирача олиб қўйилади ва 2 та доирача қандай ҳосил бўлишини кўrsатади ва ҳ. к.

Натуран сонлар қатори орасидаги муносабатларни ўзлаштиришга «сонли зинапоялар» ёрдам беради (34-расм). Болалар нарсалардан ёки сонлардан «сонли зинапоялар» тузиб, сонлар катталиклари бўйича тартибланганликлариiga ишонч ҳосил қиласидилар, саноқда 1 сонидан кейин ундан 1 та ортиқ бўлган 2 сони айтилади, 5 сонидан олдин ундан битта кам (кичик) 4 сони айтилади, 2 сонидан олдин ундан 1 та кичик 1 сони айтилади. 5 ва 7 сонлари орасида 5 дан катта, 7 дан кичик бўлган 6 сони жойлашган ва ҳ. к.

1—10 ичидаги сонларни номерлашнинг барча масалалари қуидаги амалий машқларни бажариш асосида ўрганилади: ўйинчоқларни қўйиб чикиш, дафтарларга берилган сондаги предметларни чизиш, дидактик материал билан ишлаш ва ҳ. к.



34- расм.

Масалан, 1, 2, 3, 4 сонларни ўрганишда болалар күргазмали воситалар ёрдамида $1+1$, $2+1$, $3+1$ амалларни бажарадилар, бунинг асосида 2, 3, 4 сонларни қандай хосил қилиш мумкинлиги түғрисида хulosса чиқарадилар (2 ни бирга бирни қўшиш билан хосил қилиш мумкин, иккига бир қўшсак, уч хосил бўлади ва х. к.). 4—1, 3—1 ҳоллар ҳам шундай қаралади ва 2 ва 3 сонларини бошқача хосил қилиш мумкин, деб хulosса чиқарилади.

4. Янги сонлар киритиладиган дарсда ўқувчилар бу сонларнинг босма рақамлар (киркма карточкаларда) орқали белгиланиши билан танишадилар. Бу рақамлар ёрдамида ўқувчилар ўрганган сонларни номерлашга доир машқлар (сонни хосил қилиш, таққослаш, саноқда ҳар бир соннинг ўрнини аниқлаш) бажарадилар.

Набор полотносида кўрсатилган 9, 3, 6, 8, 1, 5 рақамлар қаторида болалар ўқитувчи айтган сонни ва у белгилана-диган рақамни кўрсатишлари керак.

Босма рақамлар билан бир қаторда болалар ёзма рақамлар билан ҳам танишадилар, лекин ҳозирча уни ёзмайдилар.

5. Болалар тўпламларни таққослаш билан тайёргарлик даврида жуфтлар хосил қилиб, қайси гурӯхда нарсалар кўп (кам) ёки шунчалигини аниқлаганларида шуғулланган эдилар. 1 дан 5 гача сонларни ўрганишда сонларни таққослаш худди ана шу асосда ўтказилади.

Ўқувчилар номерлашни ўрганишнинг бошида асосан ўқитувчининг кўрсатмаси бўйича нарсалар устида бажари-

ладиган амалларни (учбурчаклар нечта бўлса, шунча доирача қўйинг. Нечта доирача қўйдингиз? Битта доирача қўшинг. Доирачалар нечта бўлди? Қайси бири кўп бўлди — доирачаларми ёки учбурчакларми? ва ҳ. к.) тушунтирсалар, бу мавзу устида ишлашнинг охирида умумлаштирилган характердаги машқлар тавсия қилинади. Масалан, 2 ва 1, 3 ва 2, 4 ва 3, 5 ва 4 сонларини таққосланг ҳамда хulosса чиқаринг (қаторда навбатдаги ҳар бир сон 1 та кўп), 10—1, 9—1, 8—1, 7—1 мисолларни ечинг ва ҳар қайси мисолда биринчи сон билан натижани таққосланг, сўнгра хulosса чиқаринг (агар 1 айирилса, битта кам сон ҳосил бўлади), 7 ва 8 сонлари ҳақида билганларнингизни айтиб беринг (7 сони 8 дан 1 та кам, 8 сони эса 7 дан 1 та кўп, саноқда 7 ни 8 дан олдин айтилади, 8 ни эса 7 дан кейин айтилади, 7 ни ҳосил қилиш учун 8 дан 1 ни айириш керак, агар 7 га 1 ни қўшсак, 8 ҳосил бўлади). Бундай машқларни бажаришга «сонлар қатори» ўкув воситаси ёрдам беради, у номерлашни ўрганишда доимо ўқувчиларнинг кўз ўнгида (синф доскасининг юқори четига маҳкамлаб қўйилган) бўлиши керак; 1 рақами ва унинг тепасидаги расм, масалан, учбурчак расми чизилган карточка, 2 рақами ва унинг тепасидаги иккита учбурчак расми чизилган карточка ва ҳоказолар ҳам ўқувчиларга кўринарли жойга жойлаштирилган бўлиши керак. Учбурчаклар ва рақамларни бирин-кетин, янги сонларни ўрганишга қараб, қўйиб бориш керак.

6. Номерлашни ўрганиш жараёнида болалар 2, 3, 4, 5 сонларнинг иккита қўшилувчидан иборат сонли таркибини ўзлаштириши керак.

Битта соннинг иккита қўшилувчидан иборат сонли таркибини аниқлаш услубини кўриб чиқамиз. Айтайлик, ўқитувчи болаларни 4 сонининг иккита сонли таркиби билан таништироқчи бўлсин. Таранг тортилган ипга бир томони, масалан, кўк рангга, орқа томони сариқ рангта бўялган 4 та доирачани маҳкамлаб қўйилади. Ўқитувчи доирачаларни бир хил ранг бўйича жойлаштириб, уларнинг ҳаммаси нечта деб сўрайди. 4 сони ёзилган карточкини ўнг томонга жойлаштиради. Сўнгра энг четдаги доирачани айлантириб қўяди.

— Кўк доирачалар нечта? (3 та.) Сариқ доирачалар нечта? (1 та.) Доирачаларнинг ҳаммаси нечта? (4 та.) Демак, 4 бу 3 ва 1 дир ($3+1=4$). Сўнгра яна битта доирача айлантириб қўяди ва юқоридаги саволни қайтаради ва ҳ. к. Натижада болалар 4 ичida иккита сонни қўшиш

орқали сон ҳосил қилишнинг барча мумкин бўлган ҳолларини ва бу сонларнинг таркибини ўзлаштирадилар, чунончи:

$$\begin{array}{l} 3+1=4 \\ 2+2=4 \\ 1+3=4 \end{array}$$

$$\begin{array}{l} 4 — бу 3 ва 1 \\ 4 — бу 2 ва 2 \\ 4 — бу 1 ва 3 \end{array}$$

Худди шунга ўхшаш, болалар қуидагиларни ҳам эслаб коладилар:

2.

$$\begin{array}{l} \underline{1+1=2} \end{array}$$

$$2 — бу 1 ва 1$$

3.

$$\begin{array}{l} \underline{2+1=3} \end{array}$$

$$3 — бу 2 ва 1$$

$$1+2=3$$

$$3 — бу 1 ва 2$$

5.

$$\begin{array}{l} \underline{4+1=5} \end{array}$$

$$5 — бу 4 ва 1$$

$$3+2=5$$

$$5 — бу 3 ва 2$$

$$2+3=5$$

$$5 — бу 2 ва 3$$

$$1+4=5$$

$$5 — бу 1 ва 4.$$

Мазкур босқичда болалар 6, 7, 8, 9, 10 сонлари мисолида ҳозирча бу сонларни улардан олдин келадиган сонга 1 ни қўшиш ёки улардан кейин келадиган сондан 1 ни айриш орқали ҳосил қилиш ҳолларинигина ўзлаштирадилар.

Ўқувчилар номерлашни ўрганиш жараёнида аста-секин навбатдаги мавзу — қўшиш ва айришни ўрганишга тайёрланадилар.

Ўқувчилар нарсалар тўпламлари устига амаллар бажариш орқали қўшиш ва айриш амалларининг маъносини тушуниша бошлайдилар. «Ҳаммаси нечта», «Биргаликда нечта», «Иккаласида нечта» лигини билиш керак бўлганда тўпламларнинг бирлашмасига сонларни қўшиш мос келади, «Нечта қолди», «Олиб кетилгандан сўнг қанча бўлди» ва ҳ. к. ларни билиш керак бўлганда тўпламнинг бир қисмини ажратиб қўйишга сонларни айриш мос келади. Арифметик амалларнинг моҳиятиний болалар ўзлаштиришлари учун тўпламлар устида кўплаб амаллар (сонлар устида мос амалларни бажариш билан бирга) бажариш зарур.

Тўпламлар ва сонлар устида амаллар бажаришда ўқитувчи ўқувчиларнинг эътиборини ушбу миқдорий ўзгаришларга қаратади: «яна шунча қўйдик», «қўшдик» — олдингисига қараганда кўп бўлди, «олиб қўйдик», «суриб

күйдик», «айирдик» — олдингисига қараганда кам бўлди. Ана шу асосда сонларнинг битта, сўнгра бир нечта бирликка ортиши ёки камайиши табиий равишда қабул қилинади (1 ни кўшдик — 1 тага ортди, ёки бошқача, 1 та кўпайди, 1 ни айирдик — 1 тага камайди). Шу пайтдан бошлаб кўшиш ва айришга доир мисоллар турлича ўқилади (кўшиш ёки орттириш, айриш ёки камайтириш), сонни бир бирликка орттириш ёки камайтиришга доир энг содда масалалар киритилади (шунча бор эди, 1 та кўп ёки кам бўлиб қолди; шунча бўлиши керак эди, 1 та кўп ёки кам бўлди ва х. к.).

7. Кўшиш ва айриш амалларининг маъносини ўзлаштиришга йигинди ёки айирмани аниқлашга доир масалалар устида ишлаш ёрдам беради, чунки уларни ечиш жараёнида ўқувчилар турли ҳаётий ҳолатларни кўплаб таҳлил қиласидилар, у ёки бу реал амаллар дастлабки микдорининг ортишига ёки камайишига олиб келишини аниқлайдилар ва бу асосда арифметик амалларни танлайдилар. Болалар яққолликка таяниб, расмлар ёки демонстрациялар бўйича $3+1$, $4-1$ каби ёзувларни тузишни ўрганадилар ва уларни 3 ва 1, биттаси кам 4 деб ўқийдилар. Бу босқичда барча бундай ёзувлар рақамли ва «+», «-» белгили карточкалар ёрдамида нарсаларни санаш асосида бажарилади (тўла яққолликдан фойдаланган ҳолда).



8. Бу босқичда болалар турли ўлчамли, турли рангдаги (ҳар хил материаллардан қирқиб олинган ёки жадвалларда келтирилган) доира, квадрат, учбурчаклар билан танишадилар ва улар тўғрисидаги билимларини мустаҳкамлайдилар. Геометрик фигуralар сонларни ҳосил қилиш, уларни таққослаш ва бошқаларда тарқатма материал кўринишида ишлатилади.

Шу билан бирга геометрик фигуralар мантикий масалалар кўринишида ҳам берилиши мумкин, масалан (35-расм).

— Мана бу жадвалга диққат билан қаранг. Бу ерда қайси фигура ортиқча эканини топинг.

Болаларни ўлчаш (мавзуси) билан таништиришга тайёрлашда нарсаларни узунликларига кўра таққослашга (чамалаш, бир нарсанни иккинчиси устига қўйиш, сўнгра, ихтиёрий ўлчов — бир хил узунликдаги тасма ёрдамида) доир амалий машқлар ўtkазилади.

Номерлашни ўрганиш натижасида ўқувчилар 1—10 ичидаги сонларни ўқиши, уларни таққослашни; 1- ўнликдаги ҳар бир соннинг сонлар қаторидаги ўрнини сонлар



35- расм.

қаторининг ҳаммасини (1 дан бошлаб) айтиб ўтирумасдан топишни (ҳар бир сон саноқда қайси сондан олдин келиши, қайси сондан кейин келишини); $\square + 1$ кўринишдаги мисолларни биринчи соннинг бирликларини санаб ўтирумасдан, номерлашни билишига таяниб, натижани бирданига айтиш билан ечишни ўрганишлари керак. Бундан ташқари болалар кузатишлар ва таққослашлар асосида энг содда (ёд олиш шарт бўлмаган) хуласалар чиқаришга ўргана-дилар, масалан, саноқда ҳар бир айтиладиган сон ўзидан олдин келадиган сондан битта катта, ундан кейин кела-диган сондан битта кичикдир, агар 1 кўшилса (айрилса), 1 тага кўпаяди (камаяди), сонни 1 та орттириш (камайти-риш) учун 1 ни кўшиш (айриш) керак, агар сонга 1 ни кўшсак, ундан олдин келадиган сонни, агар сондан 1 ни айрсак, ундан кейин келадиган сонни ҳосил қиласиз, агар биринчи сон иккинчи сондан 1 та катта бўлса, иккин-чи сон биринчи сондан 1 та кичикдир.

Санаш ва сонни айтиш жараёнида биринчи ўнликдан чиқиш (иккинчи ўнлик ичидаги) анча фойдалидир (10 дан катта: 12 та, 15 та ва ҳ. к. бўлган ўйинчоқларни, нарсаларни санаш). Бу болаларга кейинги концентрни онгли ўзлаштиришларига ёрдам беради.

Құшиш ва айриш нарсаларнинг иккита түпламини бирлаштириш ёки берилған түпламнинг бир қисмни ажратиб олиш билан боғлиқ амалий машқлар асосида үрганилади. Бундай машқлар дастлабки математика дарсларидан бошлаб бажарилади, улар мазкур темада ҳам давом этади, фақат бу ерда асосий әзтибор сонлар устида амалдар бажарышга қаратылади.

10 ичіда құшиш ва айриш малакалари автоматизм шаклиға келтирилиши, яғни ҳисоблаш усулларини қарашнинг ва мос машқлар системаси бажарилишининг якуний натижаси 10 ичіда құшиш ва айришнинг барча ҳолларини (ва сонлар таркибининг мос ҳолларининг) болалар томонидан пухта үзлаштирилишидан иборат бўлиши керак.

10 ичіда құшиш ва айриш ушбу план (режа) бўйича үрганилади:

I. Битталаб ва гурухлаб құшиш ва айриш, құшиш ва айришнинг $\square \pm 2$, $\square \pm 3$, $\square \pm 4$ ҳоллари.

II. Йифинддининг ўрин алмаштириш хоссаси, қўшилувчилярнинг ўрнини алмаштириш усули; қўшишнинг $\square +5$, $\square +6$, ..., $\square +9$ ҳоллари; 6—10 ичидаги сонларнинг таркиби.

III. Құшиш ва айришнинг боғланиши, номаълум қўшилувчини топиш; айришнинг $\square -5$, $\square -6$, ..., $\square -9$ ҳоллари.

Ана шу босқич (даврда) болалар барча рақамларни ёзишни үрганадилар: «масала» түшунчаси билан танишадилар ва масала матнини дастлабки таҳдил қилишни, яғни масалада шарт ва савол қисмларини ажратиши, йифинди ва қолдикни (айирмани) топишга доир энг содда масалаларни ечишни, берилған сондан бир нечта бирлик катта ёки кичик сонни (нарсаларни санаш асосидағина эмас, балки сонлар устида амаллар бажарыш асосида ҳам) топишни үрганадилар.

Болалар сантиметр билан ва чизғич ёрдамида ўлчаш билан танишадилар.

Санаб ўтилған ҳар бир босқичда ишлаш мазмуни ва услубини баён киламиз¹.

¹ Масалалар ечиш устида ишлаш услуги «Математик масалаларни ечишта үргатиши» деб номланган III бўлимда баён қилинади.

I. Битталаб қўшиш ва айириш усули нарсалар ва нарсалар гурухлари устида амаллар (уларнинг бирлашмаси, гурухдан берилган сондаги нарсаларни (предметларни) олиб қўйиш) бажаришдан сонлар устида амаллар бажаришга ўтишга имкон беради.

Тайёргарлик даврида ва номерлашни ўрганишда болалар аёнийликка таяниб, нарсалар билан турли-туман амаллар бажаргандар (учта ўрдакча қўшдилар, иккита коптокни олдилар), ҳосил бўлган нарсаларни қайта сана-ганлар ва бажарилган амалларни овоз чиқариб айтганлар: «4 та машина турган эди, биттаси жўнаб кетди (1 та машина олиб қўйилади), 3 та машина қолди (қолган машиналарни санайдилар), демак, агар 4 та машинадан битта машинани айрсак, 3 та машина қолади.»

Мазкур боскичда ўқувчилар сонлар билан амаллар бажаришлари керак. Худди ана шунинг учун шу пайтдан бошлаб, арифметик амаллар (қўшиш ва айириш) ни ўрганиш тўғрисида гапириш мумкин.

Иш иккита дарс мобайнида ўтказилади. Болаларга тўлиқ бўлмаган предметли яққолликка таянилган сюжет таклиф қилинади (масалан, расмда рангли қаламлар қуттичаси, унинг остида «5 та қалам» деган ёзув ва кутича ёнига яна битта қалам расми чизилган бўлсин). Бола қаламларни санаб чиқолмайди, чунки уларнинг ҳаммасини кўра олмайди ва натижада у арифметик амални бажаришга «мажбур бўлади».

Ўқувчи бундай амалларни бажарар экан, натурал қатордаги навбатдаги ёки ундан олдин келувчи сонни ҳосил қилишни ўрганади. Битталаб қўшиш ва айириш усулини ўрганишга болалар олдида турган 1 дан 10 гача сонлар ёзилган карточкалар қаторига таяниш яхши ёрдам беради (36- расм). Бундай қатор билан ишлаш болаларни куйидаги муҳим холосага олиб келади: сонга 1 ни қўшиб, ундан кейин келадиган сонни, 1 ни айириб, саноқда ундан олдин келадиган сонни ҳосил қиласиз.

1	2	3	4	5	6	7	8	9	10
---	---	---	---	---	---	---	---	---	----

36- расм.

II. Учинчи дарсда болаларни $\square + 1 + 1$ кўринишдаги мисолларни, тўртинчи дарсда эса $\square - 1 - 1$ кўринишдаги мисолларни ечишга ўргатиш масаласи қўйилади.

«2 ни қўшиш» ва «2 ни айриш», кейинроқ эса $\square + 3$ ва $\square - 3$, сўнгра $\square + 4$ ва $\square - 4$ ҳоллари (бир-бирига таққосланиб) иккита дарсда ўрганилади.

Дастлаб махсус машқлар бажарилади. Улардан мақсад қўшиш ва айриш усулини очиб бериш ва ушбу холосани баён қилишдан иборат: 2 (3, 4) ни қандай қўшиш ёки айриш мумкин? Бундай машқлар системасини келтирамиз.

1. 4 та кўк квадрат қўйинг. 1 та сарик квадрат қўшинг.

Квадратлар нечта бўлди? Яна битта сарик квадрат қўшинг. Квадратлар нечта бўлди? Ҳаммаси бўлиб нечта сарик квадрат қўшдик? Уларни қандай қўшдик?

Шу ернинг ўзида айришнинг (7—2) ҳоли юқоридағича мулоҳаза юритиш билан қаралади.

Дидактик материал билан бажариладиган бундай машқларни етарлича киритиш керак (биринчи дарсда 2—3 та ва кейинги дарсларда, айниқса қолок ўқувчилар учун шахсий топшириқ сифатида, 1—2 та).

2. Доскада куйидаги мисоллар ёзилган:

$$\begin{array}{ll} 5+1+1= & 9-1-1= \\ 8+1+1= & 8-1-1= \end{array}$$

Бу мисолда неча ҳосил бўлади? Ечимни овоз чиқариб тушунтириинг. Ҳаммаси бўлиб неча қўшдик (айирдик)? 2 ни қандай қўшдик (2 ни қандай айирдик)? Бу мисолни қисқароқ қандай ёзиш мумкин?

3. Олтига 2 ни қўшиш керак. 1 ни қўшдик. Энди нима қилиш керак?

Ўйланган сондан 2 ни айриш керак. 1 ни айирдик. Яна нима қилиш керак?

4. Бошланган ҳисоблашни давом эттиринг ва жавобни айтинг:

$$\begin{array}{ll} 6+2=6+1+\dots & 10-2=10-1-\dots \\ 9-2=9-1-\dots & 3+2=3+1+\dots \end{array}$$

5. Мисолларнинг ҳар бир жуфтини таққосланг. Қайси мисолда катта сон (кичик сон) ҳосил бўлади? Биринчи мисолда неча ҳосил бўлади? Иккинчи мисолда-чи? Қандай мулоҳаза юритдинг?

$$\begin{array}{llll} 6+1 & 10-1 & 4+2 & 8-2 \\ 6+2 & 10-2 & 4+1 & 8+1 \end{array}$$

6. Ихтиёрий сонга 2 ни қандай қўшиш мумкин? Ихтиёрий сондан 2 ни қандай айриш мумкин?

$\square + 1 + 1$ ва $\square - 1 - 1$ кўринищдаги мисолларни қа-

рашда болаларга бундай ёзувларни қандай тушунишни ва ечишни тушунтириш мұхимдир. Масалан: 7+1+1. «Дастлаб 7 га 1 ни құшамиз, 8 ҳосил бүләди, сүнгра ҳосил бўлган натижага яна 1 құшамиз. 9 чиқади.» Бундай мисолларни ечиш чоғида ўқитувчи қуидагича саволлар бериб бориши керак: «1 ни ва яна 1 ни қўшдик. Ҳаммаси бўлиб қанча қўшдик? 1 ни ва яна 1 ни айирдик. Ҳаммаси бўлиб нечани айирдик?»

Бу дарсларнинг асосий вазифаси болаларга қуидаги-ларни уқтиришдан иборатдир: оғзаки равища битталаб қўшиш ва айришни ўрганиш осон бўлиши учун 1 дан 10 гача сонлар қатори ёзилган деб фараз килиб, қўшадиган бўлсак, ўнг томонга бир қадам (битта сонга), айирадиган бўлсак, чап томонга бир қадам силжиш керак.

2 сонини қўшиш ва айриш усулининг моҳияти шундан иборатки, 2 ни қўшар эканмиз, дастлаб сонга 1 ни қўшамиз, сүнгра яна 1 ни құшамиз (худди шундай, сондан 2 ни айришда дастлаб 1 ни, сүнгра яна 1 ни айрамиз).

Болалар □+2 ва □—2 қўринишдаги мисолларни ечишда биринчи марта 10, 20 ва бошқа катта сонлар ичida қўшишда қўлланиладиган асосий усууллардан бири — бўлаклаб қўшиш ва айриш усули билан танишадилар.

Шунинг учун 2 ни қўшар эканмиз, дастлаб 1 ни, сүнгра яна 1 ни (чунки 2— бу 1 ва яна 1) қўшишимизни болалар тушунишлари жуда мұхимдир. Энг аввало худди ана шу коида демонстрацион ва шахсан саноқ материалидан фойдаланилган ҳолда такрор-такрор намойиш қилиниши керак.

Болалар дастлаб турли сонли материаллар асосида «ҳар томонлама», батафсил мuloҳаза юритиб, онгли рвишда у ёки бу сонни қандай қўшиш, айриш мумкинлиги тўғрисида холоса чиқарадилар.

Сўнгра бир неча дарс ҳисоблашга доир машқларга ажратилади, бунда дастлаб ўқувчиларга ҳисоблаш усууларини тушунтириш катта ўринни эгаллади. Кейин мұҳокамалар қисқартириб борилади. Мазкур босқичда ҳисоблаш малакаларини шакллантириш учун оғзаки машқлардан кенг фойдаланиш зарур. Арифметик диктантлар — жавобларни қирқма ракамлар билан ёки жавобларни дафтарга ёзиш орқали кўрсатиш билан оғзаки ҳисоблашлар бажариш фойдалидир. Шунингдек, мисол ва масалалар ечишга доир турли ёзма машқлар ҳам зарур. Масалан:

1. 2 сонини қўшишга ва 2 сонини айришга доир учта мисол тузинг ва ечинг.

2. Берилган мисолларнинг ечилишларини текширинг, нотўғри ечилган мисолларни тўғри ечинг ва дафтарга ёзинг:

$$7+2=8, 10-2=9 \quad 5+2=8, 8+2=10 \text{ ва } \text{x. k.}$$

3. Тушириб қолдирилган сонларни қўйинг:

$$\begin{array}{lll} 8-\square=6 & 9+\square=10 & \square+2=5 \\ 8-\square=7 & 9-\square=7 & \square-2=7 \end{array}$$

4. Куйидаги сонларни бир қаторга (сатрга) ёзинг: 4, 6, 8, 3, 5, 7. Ҳар бир сонни 2 та орттириинг (камайтириинг) ва жавобини шу сон остига кейинги сатрга ёзинг.

5. 8-2 мисол бўйича турли масалалар тузинг; 7 ва 2 сонлари билан турли масалалар тузинг (иккита масала кўшишга ва иккита масала айришга). Уларни ечинг.

$\square+2$, $\square-2$ ҳолларда ҳисоблашлар автоматизм шаклида бўлиши учун ҳамма болалар 2 сонини бўлаклаб қўшиш (айриш) дан ($\square+1+1$; $\square-1-1$ дан) бирданига 2 талаб қўшиш ва айришга аста-секин ўтишлари муҳимдир. Сонларнинг «биттадан оралатиб тузилган қатори (1, 3, 5, 7, 9 ва 0, 2, 4, 6, 8, 10) ни ўзлаштириш бунга тайёргарлик бўлади. Болалар, 1 ни қўшганда навбатдаги сонни айтиш кераклигини, 2 ни қўшганда эса битта кейинги сонни (айришда ҳам шунга ўхшаш) айтиш кераклигини ўзлаштириб олишлари керак. Бу кўникмалар яхшилаб ишлаб чиқилса, икки амалли мисолларни ($\square\pm1$, $\square\pm2$ ларни ҳам қўшиб ҳисоблагандан) ечиш унчалик қийинчилик туғдирмайди.

III. $\square\pm3$, $\square\pm4$ мисолларни ечунга қадар оғзаки ва ёзма машқларга иложи борича кўпроқ $5+1+2$, $7-2-1$, $6+2+2$, $8-2-2$ ва x. k. кўринишдаги мисолларни қўшиш керак. Бу — бўлаклаб қўшиш ва айриш усулини $\square\pm3$, $\square\pm4$ ҳолига татбиқ қилишга ёрдам беради.

Бу ерда ўқитувчи демонстрациялар ва тарқатма материалдан фойдаланиб, куйидаги саволларни беради: «3 сонини қандай қилиб бўлаклаб қўшиш мумкин? ($1+2$, $2+1$). 6 га 4 ни қўшсак, неча ҳосил бўлади? Дастрлаб нечани қўшамиз? (2) Неча ҳосил бўлади? ($6+2=8$). Яна неча қўшиш керак? ($8+2$) Неча ҳосил бўлади? ($8+2=10$). Демак, 6 га 4 ни қўшсак, нечани ҳосил қиласиз? ($6+4=10$.)

$\square\pm2$, $\square\pm3$, $\square\pm4$ ҳолларнинг ҳар қайси группаси устида ишлашнинг якунловчи босқичи 2 ни (3, 4 ни) кўшинг, 2 ни (3, 4 ни) айринг каби «жадваллар»ни тузиш ва уларни ёд олишдан иборат бўлади. Жадвалнинг бир

кисми ўқитувчи раҳбарлигига кўпчилик бўлиб, бир кисми мустақил тузилади. Ўқувчиларнинг дикқати қўшилувчиларнинг бири ўзгариши билан йифиндининг ўзгаришига қаратилади (навбатдаги жавоб катта чиқадими, кичик чиқадими? Нима учун?). Бундай иш «жадваллар» тузиш негизини тушуниб олиш ва эслаб қолишга ёрдам беради, бу эса бундай жадвалларни зарур бўлганда тезда тузиб чикишга имкон беради.

$\square \pm 2$, $\square \pm 3$, $\square \pm 4$ ҳолларни ўрганишда айириш натижаларини қўшиш бўлгандаги ҳолга ўхшаш эмас, балки битталаб айириш билан топиш мақсадга мувофиқдир (такқосланг: $8 - 2 = 6$, чунки $8 - 1 - 1 = 6$ ёки $6 + 2 = 8$). Ҳисоблашларни кўп марта бажариш билан ҳисоблаш мала-каларини эгаллаш жараёнида ўқувчиларда айириш арифметик амал сифатида шаклланади, бу амал асосида тўпламнинг қисмини айириш амали ётади. Бу ҳолда болалар айиришни қўшишдан фарқли равишда идрок этадилар. Қўшиш ва айириш амалларини ўрганишнинг дастлабки босқичида бу амалларнинг ўзаро боғланишини очиб бериш ва ундан фойдаланишга шошиб керак эмас, чунки ўқувчилар бу пайтда мазкур амалларнинг конкрет маъносини эндигина ўзлаштираётган бўладилар ва қўшишнинг натижаларини қатъий ёд олмаган бўладилар (типик хато: $7 - 4 = 2$, чунки $2 + 4 = 7$).

IV. Қўшиш ва айиришнинг навбатдаги ҳоллари ($\square \pm 5$, $\square \pm 6$, ва ҳ. к.) га ўтишда ҳатто иккиталаб, учталаб қўшиш ва айириш бу ерда қийин ва узундан-узоқ эканига ишонч ҳосил қиласиз. Янги ҳисоблаш усуллари зарурдир.

Қўшишнинг қолган ҳолларини (5, 6, 7, 8, 9 ни қўшиши) кўрадиган бўлсак, бу ерда ҳамма ерда иккинчи қўшилувчи биринчи қўшилувчидан катта эканини кўрамиз ($1 + 9$, $2 + 7$, $3 + 5$, $4 + 6$ ва ш. к.). Агар ҳисоблашларда қўшилувчиларнинг ўринларини алмаштирадиган бўлсак, бу ҳолларнинг барчаси илгари ўрганилган ($\square + 1$, $\square + 2$, $\square + 3$, $\square + 4$ кўринишдаги) ҳолларга келади. Ўрин алмаштириш усулининг қўлланилиши онгли равишда бўлиши учун йигиндининг ўрин алмаштириш хоссасини ўқувчиларга олдинроқ тушунтириб бериш керак.

Нарсалар тўпламлари (гурухлари) билан амалий машрутлар ўтказиш ва ўқитувчи бажариб кўрсатадиган демонстрациялар асосида болалар зарур хulosса чиқаришга келтирилади. Болаларнинг кузатишлар ва амаллар бажаришдан чиқарган хulosалари тахминий куйидагича бўлиши мумкин: «Иккита сонни қўшишда уларнинг ўринларини

алмаштириш мумкин» ёки «Қўшаётган сонларимиз ўринларини алмаштиришимиз мумкин». Бунда ўқитувчи сонларнинг ўрнини факат қўшишда алмаштириш мумкинлигини, айиришда эса бундай қилиш мумкин эмаслигини болаларнинг онгига албатта етказиши керак: буни тайин мисолларда кўрсатиб бериш керак.

Болалар йигиндининг ўрин алмаштириш хоссасининг моҳияти билан танишганларидан сўнг бу холосанинг амалий кўлланилишини кўрсатиш фойдалидир.

Бунинг учун кичик сонга катта сонни қўшишнинг тайин мисолини қараб чиқиш керак, бунда дастлаб ўқувчиларга таниш бўлган сонни бўлаклаб қўшиш усулидан, сўнgra қўшилувчиларнинг ўринларини алмаштириш усулидан фойдаланиш керак. Масалан, ўқитувчи расмларни (37-расм) қараб чиқар экан, ўқувчилар билан бундай сұхбатлашади: «Ўнг томондан расмга қаранг. Катта коптоклар нечта? Кичик коптоклар нечта? Коптокларнинг ҳаммаси нечта? Қандай мисолни ечдик?» «Чап томондан расмга қаранг. Кичик коптоклар нечта? Катта коптоклар нечта? Ҳамма коптоклар нечта? Қандай мисолни ечиш керак? Иккига 5 сонини қандай қўшиш керак? Биз бўлаклаб қўшишни биламиз. Сизнингча, дастлаб нечани қўшиш мумкин? (Айтайлик, 2 ни.) Кейин-чи? (3). Қўшамиз (ўқитувчи доскада ёзади): $2+5=2+2+3=4+3=7$. «Ҳар иккала ҳолда ҳам 7 сони ҳосил бўлади. Бу расмлар бирбиридан нимаси билан фарқ қиласди? Расмлар остидаги ёзувларни таққосланг. Нима учун бир хил жавоб чиқди? (Ўша-ўша сонларнинг ўзини факат ўринларини алмаштириб қўшдик.)»



37- расм.

Доскада қўйидагича ёзувни ёзиш мумкин:

$$5+2=7 \quad 2+5=2+2+3=4+3=7.$$

Болалар билан биргаликда қўшишнинг қайси усули осон (кулай, тезрок) экани аниqlанади. (Чап томондаги мисолни ечишда). «Нима учун? (Чунки иккита lab қў-

шишни биламиз.) «Жавоб нима учун бир хил?» (Чунки ўша коптокларнинг ўзи, фақат уларнинг ўринлари алмаштирилди. Коптоклар ташлаб юборилмади ва янгилари (бошқа) коптоклар кўшилмади.)

«Тўғри — дейди ўқитувчи,— биз коптоклар сонини ўзгартирмадик (кўшмадик, ташлаб юбормадик), уларнинг ўринини ўзгартиридик, холос. Шунинг учун биз кўшаётган сонларнинг ўрнини алмаштириш мумкин. $2+5$ мисол ўрнига $5+2$ мисолни ечиш осон, жавоб барибир бир хил бўлади». Болаларни қандай ҳолларда кўшишнинг янги усули ҳисоблашларни енгиллатишини тушунишларига эришиш муҳимдир ($5, 6, 7, 8, 9$ сонларини кўшишда). Кўшишнинг иккала усули — бўлаклаб ва ўрин алмаштириш усулларини қўллаб юқоридаги ҳолларни намойиш қилиш керак. Шундан кейингина болаларни ушбу хуносага олиб келиш керак: «Агар кичик сонга катта сон кўшилаётган бўлса, бу сонларнинг ўринларини алмаштириб ҳисоблаш осондир».

Болалар бир нечта ана шундай машқларни бажарганидан сўнг предметли яққолликка таянмай, 10 ичидаги бир хонали сонларни кўшиш жадвалидаги исталган мисолни ечишга тайёр бўладилар.

Ўқитувчи 10 ичидаги кўшиш жадвалини тузиб чиқиши мумкин (уни билган ўқувчи биринчи ўнлик ичидаги кўшишга доир ҳамма мисолларни ечиши мумкин):

$$\begin{array}{lll} 2+2=4 & & \\ 3+2=5 & & \\ 4+2=6 & 3+3=6 & \\ 5+2=7 & 4+3=7 & \\ 6+2=8 & 5+3=8 & 4+4=8 \\ 7+2=9 & 6+3=9 & 5+4=9 \\ 8+2=10 & 7+3=10 & 6+4=10 \quad 5+5=10 \end{array}$$

Ўқитувчининг асосий вазифаси ўқувчиларга бу мисолларни ёд олдириш ва тегишли машқ қилиш ишларини ташкил этишдан иборат бўлади. Бу натижаларни ёд олган ўқувчилар нима учун фақат бу ҳоллар киритилганини, бошқа ҳоллар нима учун киритилмаганини тушунтириб беришга қодир бўладилар.

« $5, 6, 7, 8, 9$ ни айириш» ҳолида натижаларни топиш учун кўшишнинг бунга мос ҳолидан ҳамда кўшиш ва айиришнинг ўзаро боғланишидан фойдаланилади: $9 - 7 = ?$ $9 -$ бу $7+2$, 7 ни айрсак, 2 колади. Кўрамизки, бу усулни қўллаш учун камаювчини мос кўшилувчилар йигиндиси билан алмаштиришни билиш (яъни унинг кўшилувчи-

лардан иборат таркибини билиш), шунингдек, йигинди-дан қўшилувчилардан бири айирилса, иккинчи қўшилувчи қолишини билиш керак. Бинобарин, айиришни қўшиш асосида ўрганишга ўтишдан олдин ўн ичидаги қўшишнинг ҳамма ҳоллари ўрганилиши керак, сонларнинг қўшилувчилардан иборат таркиби ҳамда қўшиш ва айиришнинг ўзаро боғланиши ўзлаштирилиши керак. Шунинг учун мазкур босқичда дастлаб қўшишни, сўнгра айиришни қараш керак.

Қўшиш устида ишлаш (10 ичидаги, $b > a$ бўлганда $a + b$ ҳоли) услубини қараб чиқамиз. Аввал йигиндининг ўрин алмаштириш хоссаси ўрганилади. Болалар нарсалар билан амаллар бажариб, тўпламларни турли усуллар билан қўшиш мумкинлигига (иккинчи тўпламни биринчи тўпламга қўшиш ёки аксинча), бундан қўшилган тўпламларнинг сони ўзгармаслигига ишонч ҳосил қиласидилар. Жуфт-жуфт қилиб ёзилган ушбу $3+2$ ва $2+3$, $4+3$ ва $3+4$, $5+4$ ва $4+5$ қўринишдаги мисолларнинг ечимларини (жавобларини) таққослаб, ўкувчилар уларнинг бир-бирига ўхшашликлари ва фарқларини аниқлайдилар: «Йигинди ўша-ўша, қўшилувчиларнинг ўринлари алмаштирилган», «қўшилувчиларнинг ўринларини алмаштириб қўйдик, йигинди эса ўзгаришсиз қолди». Ўқитувчи ёрдамида холоса чиқарилади: «қўшилувчиларнинг ўринлари алмаштирилгани билан йигинди ўзгармайди».

Сўнгра, қандай ҳисоблашларда қўшилувчиларнинг ўринларини алмаштиришдан фойдаланиш кўрсатилади. Шу мақсадда амалий характердаги мисоллар ечилади: алоҳида-алоҳида турган 2 та қоп ва 7 та қопни қўшиш керак, буни осонроқ қандай бажариш мумкин — 2 қопни 7 қоп олдига олиб бориш керакми ёки 7 қопни 2 қоп олдига олиб келиш керакми? (Худди шунга ўхшаш: 3 та гиштга 6 та гиштни, 8 яшикка 1 та яшикни қўшиш ва х. к.) $1+3$ ва $3+1$, $2+4$ ва $4+2$ ва бошқа шундай мисоллар жуфтларининг ечилишлари тўлиқ ёзилади ва ҳисоблаш усуllibарни таққосланади. Бундай машқлар асосида болалар ушбу холосага келадилар: катта сонга кичик сонни қўшиш кичик сонга катта сонни қўшишга нисбатан осон, қўшишда эса сонларнинг ўринларини ҳамма вақт алмаштириш мумкин — бундан натижага ўзгармайди.

Шундан кейин ўзлаштирилган янги усулни 10 ичидаги қўшиш ($\square + 5$ дан $\square + 9$ гача барча ҳоллар) га доир мисоллар ва масалалар ечишга, шунингдек, тенгликлар

иштирок этган машқлар (тушириб қолдирилган ишорани қүшиш; $1+3*3+1$, тусириб қолдирилган сонни қўйиш: $4+3=3+\square$) бажаришга татбиқ қилинади ва мустаҳкамланади.

Қўшишни ўрганиш жараёнида йўл-йўлакай соннинг қўшилувчилардан иборат таркибини ўзлаштириш устида иш олиб борилади. Ўкувчилар нарсалар ёрдамида қўшишни ўрганаётганларида ($5+4=9$) ўқитувчи уларнинг эътиборини йифинди қўшилувчилардан ташкил топганига қаратади (9 сонини қандай ҳосил қилдик? демак, у қандай сонлардан иборат? ёзув: $9+5=4$.) Бу боғланишни ўзлаштиришга тенгликлар қатнашган машқлар бажариш ёрдам беради, бунда болалар сонлар ва ифодаларни таққослаш орқали $6=4+2$, $8=4+4$ ва ҳ. к. каби ёзувларни ҳосил қиласидилар. Сон таркибини эслаб қолишига қуйидаги машқлар ёрдам беради: 1) 6 ва 3 сонларининг йифиндисини топинг, 9 ни сонлар йифиндиси билан алмаштиринг; 2) жавоби 8 чиқадиган барча мисолларни тартиб билан ёзинг, 8 ни ҳар хил жуфт қўшилувчилар йифиндиси билан алмаштиринг:

$$\begin{array}{ll} 7+1=8 & 8=7+1 \\ 6+2=8 & 8=6+2 \text{ ва } \text{ҳ. к.} \end{array}$$

- 3) Қуйидаги сонларни еттига тўлдиринг: 5, 6, 4, 2;
- 4) 8 тийинни қандай танглалар билан тўлаш мумкин? 5) қуйидаги масалани ечинг, ечимни жадвалга ёзинг: «Зўнода ўғил болалар ва қизлардан иборат 7 ўкувчи бор. Ўғил болалар нечта, қизлар нечта бўлиши мумкин?

Ў. б.	1	2	3	4	5	6
К. б.	6	5	4	3	2	1

Илгари қайд қилинганидек, айиришни қўшиш асосида бажаришда ўкувчиларга йифинди ва қўшилувчилар ўзаро қандай боғланганини кўрсатиш керак. Бундай кузатишлар ўкувчиларда қуйидаги машқларни бажариш жараёнида қўшиш ва айириш устида ишлашнинг бошидан бошлабоқ йигила боради: берилган расм (1 та катта ва 2 та кичик коптоқ) асосида қўшиш ва айиришга доир мисоллар тузинг, худди шунга ўхшаш берилган расм бўйича қўшиш ва айиришга доир масалалар тузинг. (Масалан, ўтлоқда 3 та оқ ва 1 та қора эчки ўтламоқда, ҳаммаси бўлиб нечта эчки ўтламоқда? Ўтлоқда 4 та эчки — битта қора, қолгани

ок эчкилар ўтламоқда: ок эчкилар нечта? ва х. к.) Ўқувчи-
лар қуидаги мисоллар жуфтларини тузадилар ва ечадилар,
шунингдек, уларни таҳлил қиласылар:

$$\begin{array}{lll} 4+3 & 6+4 & 2+7 \\ 7-3 & 10-4 & 9-2 \end{array}$$

Ўқувчиларнинг қўшилувчилар ва йигинди орасидаги боғланиш ҳақидаги билимларини умумлаштиришга маҳсус дарс ажратилади. Болалар предмет (нарсалар)дан фойдаланиб йигиндини топадилар (5 та қизил ва 4 та кўк доирача — ҳаммаси бўлиб 9 та доирача), сўнгра бир у қўшилувчини, бир бу қўшилувчини айирадилар ($9-4=5$, $9-5=4$). Мисоллар доскага ёзилади:

$$\begin{array}{ll} 5+4=9 & 3+4=7 \\ 9-4=5 & 7-4=3 \\ 9-5=4 & 7-3=4 \end{array}$$

Сўнгра ўқувчилар ҳар бир устундаги мисолларни ўқийдилар, бунда 2 ва 3- мисоллардаги сонларни уларнинг 1- мисолдаги номи билан атайдилар (йигинди 9 дан қўшилувчи 5 айирилса, қўшилувчи 4 ҳосил бўлади). Бундай машқлардан кўпроқ (3—4 та) бажариш керак, натижада ўқувчилар ўз кузатишлари асосида: агар йигиндидан қўшилувчилардан бири айирилса, иккинчи қўшилувчи ҳосил бўлади деб хулоса чиқарадилар. Болалар бу хуласага таянган ҳолда сонлар устида амаллар бажаришга доир қуидагича машқлар бажарадилар: а) қўшишга доир берилган мисолга кўра айиришга доир 2 та мисол тузинг ва уни ечинг ($2+4=6$, $6-4=$, $6-2=$); б) берилган учта сон ёрдамида 4 та мисол тузинг ва уларни ечинг ($4, 5, 9; 4+5, 5+4, 9-4, 9-5$); в) «2 ни қўшиш» жадвали бўйича айиришга доир 2 та устун мисоллар тузинг; г) $\square+2=5$, $4+\square=10$ мисолларда номаълум сонни топинг.

V. Ўқувчилар қўшиш ва айиришнинг ўзаро боғланишини ўзлаштириб олганларидан сўнг айиришнинг айирилувчи тўртдан катта бўлган ($\square-5$, $\square-6$ ва х. к. $\square-9$) ҳолларини ўрганишга ўтилади. Энди айириш натижаси қўшишнинг мос ҳолидан фойдаланиб топилади: $9-6=?$ 9 бу $6+3$; 6 ни айрамиз, 3 ҳосил бўлади.


10 ичидаги амалларни ўрганишнинг сўнгги босқичида айиришга доир мисоллар ечиш жараёнида ўқувчилар амаллар ҳақидаги билимлар системасини қўллашларини ва на-

фақат айриш малакаларини, балки сонларни қўшиш малакаларини ҳам мустаҳкамлашларини кўрамиз.

Кўшишнинг ўрин алмаштириш хоссасини ва амаллар орасидаги ўзаро боғланишни ўзлаштиришлари болаларнинг хотирасига тушадиган зўриқиши (нагрузкани) анча камайтиради. Кўшишнинг ҳаммаси бўлиб 25 та $1+1$ дан $5+5$ гача бўлган ҳолларни эслаб қолишлари кифоя (улардан $\square+1$ кўринишидаги 9 ҳолини болалар номерлашни ўрганаётган пайтдаёқ ёд олганлар). Ана шунинг асосида 10 ичидаги кўшиш ва айришнинг қолган ҳоллари натижалари ҳисобланади.

VI. Болалар сонларни номерлашни ўрганаётган пайтларида нарсаларнинг узунликларини бир хил узунликдаги тасмалар (полоскалар) ёрдамида таққослашни ўргангандан эдилар: узунликлари таққосланадиган бўюмлар ёнига бир хил узунликдаги тасмаларни бирин-кетин қўйиб чиқсан ва ҳар бир буюм ёнига нечта тасма қўйиб чиқилганини санаб, қаерда тасма кўпроқ эканини аниқлаган эдилар. Ёнига кўпроқ тасма қўйилган буюм узунлиги иккинчи буюмдан узунроқ бўлади.

«Кўшиш ва айриш» тема (мавзу)сини ўрганишда бу иш давом этади, бу босқичда болалар сантиметр билан танишадилар. Дастреб бу ўлчовни киритишнинг зарурлиги кўрсатилади. Бунинг учун намойиш этиш материаллари ёрдамида иккита тасма узунлигини иккита турли (ўлчовли) тасма билан шундай ўлчаш керакки, жавобда бир хил сон чиқсан (38- расм), сўнгра ўлчанаётган тасмаларни бир-бирининг устига қўйиб таққослаш керак.




38- расм.

Болалар ўлчанаётган тасмалар турли узунликда эканини шундоқ ҳам қўриб турадилар. Бироқ ўлчаш натижасида бир хил сон чиқди. Нима учун? Турли ўлчовли тасмалар билан ўлчадик, ҳосил бўлган жавоб (битта сон —3 бўлгандаги ҳам) хато, чунки ўлчанаётган тасмаларнинг узунликлари ҳар хил. Хулоса: агар тўғри жавоб олишни иста-

сак, узунликларни таққослаш учун бир хил ўлчовдан фойдаланишимиз керак.

Узунликларни ўлчаш учун битта тасмадан фойдаланишга келишамиз. Кичик нарсаларни ўлчаш учун мана бундай кичик тасма танланган (кўрсатади). Бу полосканинг узунлиги — сантиметр.

Болалар дарслек иловасидан узунликлари 1 см дан бўлган тасмаларни киркиб оладилар, бу ўлчов ёрдамида нарсаларнинг узунлигини ўлчайдилар (39- расм). Иш дафтарида нарсанинг узунлигини ёзишни ўрганадилар. Сантиметр сўзи сондан кейин ёзилса, қискача бундай ёзилади (ўқитувчининг гапи): 5 см (3 см, 10 см).



39- расм.

Олдинги дарслардан болалар кесма тушунчаси билан таниш бўлганликлари учун ўқитувчи дафтарда кесма чизишни («Нукта белгиланг. Ўнг томонга 10 катақ силжиб, яна бир нукта белгиланг. Нукталарни чизиқ билан туташтиринг. Чизиқ узунлиги бўйича неча сантиметр жойлашади») ва уни сантиметр модели ёрдамида ўлчашни таклиф килиш мумкин.

Сўнгра болалар чизгич билан ва сантиметрли шкала билан танишадилар (у олдинроқ дарслек иловасидан киркиб олиниб, картонга ёпиширилган бўлади). «Узунники ўлчаш» учун ишлатиладиган чизгичда ҳар бир сантиметрнинг охири чизиқча билан белгиланиб, тегишли рақам ёзилган. Биринчи сантиметрнинг учи ва охири 0 ва 1 рақамлари билан белгилangan. 2 рақами тасманинг бу кисмига 2 см ни қўйиш мумкинligини билдиради. Болалар 0 рақами турган чизиқчадан бошлаб 4 рақами (2, 6, 3, 5, 9, 10 рақами) турган чизиқчагача 1 см ли тасмаларни қўйиб чиқиб, чизгичга шундай тасмалардан нечтасини қўйиш мумкинligини аниқлайдилар.

Шундан кейин ўқитувчи тасмаларни ҳар гал қўйиб чиқиши шарт эмаслигини (бу анча вактни олади ва қийин-

дир), чизгичнинг ўзи бу тасмаларни ўлчанаётган нарса бўйлаб нечта қўйиш кераклигини аниқлаб боришини тушуниради.

«Узунлиги ўлчанаётган қаламга чизгични унинг 0 рақами чизиқчаси қаламнинг бир учи билан мос келадиган қилиб жойлаштирамиз. Қаламнинг иккинчи учи қайси рақам тўгрисида турганини аниклаймиз. Бу рақам қалам қандай узунликда эканини, унда неча сантиметр борлигини билдиради. Масалан, қаламнинг иккинчи учи 6 рақами рўпарасида турган бўлса, бу қаламнинг узунлиги 6 сантиметр деб айтиш мумкин ва қуйидагича ёзилади: 6 см».

Шундай қилиб, ўқувчиларда сантиметр ҳақида аниқ тасаввур ҳосил бўлиши учун улар бир қатор амалий ишларни бажаришлари керак: узунлиги 1 см ли бир нечта қофоз тасма қирқиб олиш, улардан турли узунликдаги тасмалар тузиш; ўз қўлида 1 см га teng масофани топиш (жимжилоги эни?); бир нечта кесма чизиш ва уларни, сантиметрларни катаклар бўйича ҳисоблаб ўлчаш, шундан кейингина кесмаларни чизгич билан чизиш ва ўлчашга киришиш мумкин. Бундай машқлар сон тушунчасининг шаклланишига имкон беради (сонлар саноқ натижаси сифатидагина эмас, балки ўлчаш натижаси сифатида ҳам келади), сонларнинг микдорий муносабатларини ўзлаштиришга ёрдам беради (узунликлари битта бирлик — сантиметрга нисбати билан ифодаланадиган кесмалар сонларнинг тенглиги ва teng эмаслигини кўргазмали (яқ-кол) тасвирлайди). Бундан ташқари кесмаларни ўлчаш, айниқса чизиш қўлнинг майда мушакларини ривожлантиради, шунинг учун рақам ва ҳарфлар ёзуви малакаларини эгаллашг‘а ёрдам беради.

VII. Юқорида кўрилганлар билан бир вактда болаларда 1, 2, 3, 4, 5, 6, 7, 8, 9, 0 рақамларини ёзиш малакалари шаклланади. Рақамларни кўл ҳаракатлари йўналишини кўрсатиш билан ёзиш намуналари математика дафтарида берилган. Ўқитувчи болаларга доскага (катта қилиб чизилган катакда) топширикни қандай бажаришларини, нимадан бошлаш кераклигини, қайси йўналишда ҳаракатланиш, рақамларни устидан ёзиб чиқишда ручкани қоғоздан кўтариш керакми ёки керак эмасми ва бошқаларни кўрсатади. Болалар ўқитувчининг тушуниришларини такрорлайдилар, ручкани олиб, тегишли ҳаракатларни «ҳавода» кўрсатадилар. Фақат шундан кейингина улар мустақил ишлашга киришадилар.

Үкувчилар ўрганган рақамларини ёзишни машқ кила-дилар, бунда ёзувни саноқ билан боғлаб олиб бориш фой-дали: дастлаб 2 рақамини бир марта ёзинг, кейин 2 катак ташлаб 2 рақамини икки марта ёзинг, сўнгра 3 марта ёзинг ва х. к. Ана шу дарсларда номерлашга доир биринчи ёзма топшириқлар берилади: набор полотносига қўйилган нарсалар сонини рақам билан белгиланг; 2 га 1 ни қўшганда ҳосил бўладиган сонни ёзинг: саноқда 3 дан олдин кела-диган (3 дан кейин келадиган) сонни ёзинг. Кейинроқ сонларни таққослашга доир, шунингдек $\square \pm 1$, $\square \pm 2$, $\square \pm 3$, $\square \pm 4$ ва ҳоказо кўринишдаги мисол ва масалаларни ечишга доир топшириқлар киритилади.

«Ўнлик» устида иш ўрганилган материални такрорлаш ва мустаҳкамлаш билан тугалланади. Мазкур пайтда ҳи-соблашларнинг юзаки, йўл-йўлакайлигини ишлаб чиқиш муҳим аҳамият касб этади, шунинг учун ҳар бир дарсда турли хилдаги машқ қилиш топшириқлари киритилади. 10 ичидаги ёзиш ва айриш билим ва малакаларини мустаҳкамлаш навбатдаги мавзу сонларни 20 ва 100 ичидаги номерлашни ўрганиш чоғида (кейинги концентр сонлари устида ана шу амалларни бажаришни ўргангунга қадар) ҳам давом этади.

7- Б О Б. «ИККИНЧИ ЎНЛИК» МАВЗУСИНИ ЎҚИТИШ МЕТОДИКАСИ

Иккинчи ўнликнинг алоҳида концентрга ажратиб ўрганилишининг сабаблари қўйидагича:

1. Үкувчилар соннинг ўнли таркиби тўғрисида дастлабки тушунчага эга бўладилар; бу ерда улар биринчи марта ўнлик билан янги саноқ бирлиги сифатида таниша-дилар.

2. Бир хонали бутун сонлар устида ёзиш ва айриш амаллари (уларни бажариш усуслари маъносида) аслида иккинчи ўнликда тугалланади, чунки, масалан, 100 ичидаги ёзиш ва айриш иккинчи ўнлик концентрида қўлла-надиган усуслар ёрдамида бажарилади: $35+23=3$ ўнл. +
+2 ўнл. +5+8=5 ўнл. +13=63, $46-28=46-(20+8)$, $46-20=26$, $26-8=26-(6+2)$; $26-6=20$, $20-2=18$.

Бу концентрда ўкувчилар амалларни бажариш учун биринчи марта соннинг ўнли таркибидан фойдаланадилар.

3. Қўшиш ва айриш жадвали биринчи иккита ўнлик чегарасида тугайди, шунинг учун — автоматизм ҳолигача етказилиши керак.

Айтилганлардан иккинчи ўнлик сонлари концентрини ўрганишда номерлаш ҳамда қўшиш ва айриш жадвалини ўрганиш асосий масалалар эканлиги кўринади.

1- §. ИККИНЧИ ЎНЛИК СОНЛАРИНИ НОМЕРЛАШ



Иккинчи ўнлик сонларини номерлашни ўрганишга тайёргарлик иши «Биринчи ўнлик» темаси материалини тақрорлаш чоғида ўтказилади. Ана шу мақсадда нарсаларни ўнликдан ўтиб санашга доир машқлар киритилади (I қаторда нечта ўкувчи бор? II қаторда-чи? Синфда ҳаммаси бўлиб қанча ўкувчи бор? ва ҳ. к.) Болаларнинг бирларни санашдан ўнликларни санашга ўтишларига ёрдам бериш учун нарсалар гурухларини (туфлилар жуфти, тугмачалар учлиги, кнопкалар бешлиги ва ҳ. к.) санашга доир бир нечта машқ киритиш фойдалидир. Тайёргарлик машқлари сифатида иккинчи ўнлик сонларининг номини айтишдан ҳам фойдаланилади: саноқда иккidan кейин қайси сон айтилади, ўн иккidan кейин-чи? Бешдан олдин, ўн бешдан олдин-чи? 3 га 1 ни кўшсак, неча ҳосил бўлади? 13 га 1 ни кўшсак-чи? Қайси сон 5 дан 1 та кичик (кам)? Қайси сон 15 дан 1 та кичик ва ҳ. к. Бундай машқлар, уларни синфдаги айрим ўкувчиларгина еча олишларига қарамай, барча болаларни биринчи ўнликдан кейин сонлар мавжуд, улар кўп ва бу сонларнинг кетма-кет келишига қараб номланишида болаларга таниш бўлган сонлар номи билан ўҳашашлик мавжудлигига ишонтиради.

Болалар биринчи ўнликни ўрганиш чоғида таққосланадётган сонларнинг қайси бири катта, қайсиниси, кичик эканини аниқлашни ўргангандан эдилар (саноқда кейинроқ келадиган сон катта, олдинроқ келадиган сон кичик).

Биринчи ўнлик кесмасида сонларни таққослаш билан бир қаторда ўқитувчи бу билимларни 20 ичидаги татбиқ қилишга «қўллаши» керак. Масалан, «Сонлар зинапояси-га қаранг. Биринчи устунда нечта кубик бор? (Битта.) Охиргисида-чи? (Ўнта). Агар сон зинапоясини давом эттирадиган бўлсак, кейинги (навбатдаги) устунда нечта кубик бўлиши керак? (Ўн битта.) Ундан кейингисида-чи? (Ўн иккита.)»

Бундай саволлар ҳам бериш мумкин: «Қайси сон катта: 4 ми ёки 5 ми? Топинг-чи, қайси сон катта: 14 ми ёки 15 ми?

Иккинчи ўнлик сонларини оғзаки номерлашни ўрганиш ўнлик ҳақидаги түшунчаларни шакллантиришдан бошланади. Ўқитувчи чўпларни 10 тадан қилиб боғлаб, бирлардан қандай қилиб ўнлар ҳосил бўлишини кўрсатади. Бундай машқларни болалар ҳам бажарадилар, сўнгра улар ўнликларни санайдилар, қўшадилар ва айирадилар. Масалан: мана бу қаторда нечта ўнталик чўпларни боғладилар? Стол устига мендагига караганда учта кўп ўнталик чўп қўйинг; қўйидаги масалани ечинг: 5 та ўнталик тухумлар сотиб олинди, 2 та ўнталик тухумлар ишлатилди: нечта ўнталик тухум қолди? Мисолларни ечинг: 7 ўнл. — 4 ўнл., 5 ўнл + 4 ўнл. ва ҳ. к. Болалар бундай машқларни бажариш натижасида ўнталикларни (ўнларни) оддий бирлик (бир) лар каби санаш, қўшиш ва айириш мумкинлиги тўғрисида хулоса чиқарадилар.

Сўнгра бирлар ва ўнларни санаш асосида 11—20 сонларнинг ҳосил бўлиши қаралади ва уларнинг номлари түшунтирилади.

Ўқитувчи: Бу ерда 1 та ўнталик ёки 10 та чўп бор. Саноқда 10 дан кейин келадиган сон қандай ҳосил қилинади?

Ўқувчи: Ўнга бир қўшилади.

Ўқитувчи: Қаранглар, ўнталик устига 1 та чўп қўяман — ўн ва бир бўлади. Чўплар нечта бўлди?

Ўқувчи: Ҳаммаси бўлиб 11 та чўп.

Ўқитувчи: Ўн бир сонида нечта ўнталик (ўн) ва нечта бир бор?

Ўқувчи: Битта ўнлик ва битта бир.

Ўқитувчи: Саноқда 11 сонидан кейин келадиган сонни қандай ҳосил қилиш мумкин?

Ўқувчи: Ўн бирга бирни қўшиш керак.

Ўқитувчи: Яна битта чўп қўшамиз. Чўплар ҳаммаси нечта бўлди?

Навбатдаги сонлар устида ҳам шундай ишлар олиб борилади, натижада болалар иккинчи ўнлик сонлари таркиби билан ва саноқда уларнинг келиш тартибини ўзлаштирадилар.

Шундан кейин сонларнинг ўнли таркиби тўғрисидаги билимлар кўргазмали қуроллар ёрдамида ва уларсиз мустахкамланади.

1) 12 та чўпни санаб қўйинг ва бу нечта ўнталик чўп ва алоҳида нечта чўп ташкил қилишини аникланг: 2) 1 та

ўнталик чўпни ва яна 4 та чўпни олинг — ҳаммаси бўлиб нечта чўп олдик? 3) 17 сонида нечта ўнталик ва бирлик бор? 4) қайси сон 1 ўнлик ва 9 та бирликдан иборат?

Оғзаки номерлашни, кейинроқ эса ёзма номерлашни ўрганишда, қўшиш ва айириш ҳоллари қаралади, улар сонларни хона қўшилувчиларга ажратиш ва уни ташкил этишга келтирилади. Масалан, мисолларни ечинг: $10+9$, $17-10$, $13-3$ (түшунтириш: 13 — бу 1 ўнлик ва 3 бирлик, 3 та бирни айрамиз, натижада 1 та ўнлик ёки 10 та бирлик ҳосил бўлади). Бундай машқлар сонларнинг ўнли таркибини онгли ўзлаштиришга ҳам имкон яратади.


Натурал қаторда сонларнинг ҳосил бўлиши, уларнинг микдорий ва тартиб муносабатлари қўйидаги машқларни бажарища аниқланади:

- 1) 12 дан бошлаб битталаб сананг, ҳосил бўладиган сонларни айтинг, 20 дан бошлаб битталаб айриб тескарисига сананг ва ҳосил бўладиган сонларни айтинг.
- 2) Саноқда 15 сонидан олдин қайси сон айтилади? 16 сонидан кейин-чи? 18 ва 20 сонлари ўртасида-чи?
- 3) 17 дан 1 та катта (кичик) сонни айтинг.
- 4) Мисолларни оғзаки ечинг: $13+1$, $18-1$, $14 \text{ см} - 1 \text{ см}$, $1^{\circ} \text{ см} + 1 \text{ см}$.

3- §. ЁЗМА НОМЕРЛАШ

Биринчи ўнликдан ўтиб ёзма номерлаш саноқда бирликларни ўнли гурухлаш ва рақамларнинг турган ўрнига кўра қиймати принципини қўллашга асосланган. Улардан онгли фойдаланиш учун сонни хона сонларига (қўшилувчиларига) ажратишни билиш керак (15- бу 10 ва 5 ёки 1 та ўнлик ва 5 та бирлик), буни эса болалар оғзаки номерлашни ўрганишда ўрганган эдилар. Икки хонали сонни рақамлар билан белгилашда рақамларнинг ўрни абак — икки қатор чўнтаклари бўлган жадваллар ёрдамида тушунтирилади: абакнинг юқри қаторида алоҳида чўплар ва ўнталиклар учун, пастдаги қаторда рақамлар учун чўнтаклар мавжуд. Кейинроқ ана шу мақсадда «ўнлар» ва «бирлар» ёзувли хоналар жадвалидан, шунингдек, иккита ҳаракатланувчи рақамлар қатори мавжуд жадвалдан фойдаланилади (бу жадвални 1 синф математика дарслигидаги иловадан фойдаланиб болаларнинг ўзлари ясаб олишлари мумкин) (40- расм).

Ўқитувчи икки хонали соннинг ёзилишини тушунтиришга киришар экан, юқоридаги чўнтакка чўтларни со-



40- расм.

лади, болалар эса бирлар ва ўнлар сонларини ракамлар билан белгилаб, мос ҳолда пастдаги чўнтакларга соладилар, ва аксинча. 10 ва 20 сонлар ёзуви алоҳида қаралади: 1(2) рақами — сонда 1 та (2 та) ўнлик борлигини билдиради, 0 рақами сонда бирлар йўклигини билдиради. Кузатишлар натижасида болаларнинг ўзлари мустакил хулоса чикарадилар: ўнгдан чапга томон ҳисоблаганде биринчи ўринга бирлар, иккинчи ўринга ўнлар ёзилади.

Бошланғич пайтда болалар сонлар таркибини таҳлил килишлари ва рақамнинг қиймати унинг ўрнига боғлиқлиги принципини ўзлаштиришларини енгиллатиш учун уларга сонларни хоналар жадвалига ёзишга имкон берилади, бу жадвал доскада тайёр ҳолда чизилган бўлиб, сонни ёзишда рақамлар бир-бирига яқин туриши керак ва ёзув ягона сон сифатида идрок этилиши керак. Кейинроқ сонлар ўқитувчининг ёки ўқувчининг диктовкаси остида жадвалсиз ёзилади (сонлар ёзилган карточкалар берилади). Бунда халк хўжалигимизнинг ютуқларини ифодаловчи сон маълумотларни, маҳаллий ва тарихий материалларни, ҳайвонларнинг неча йил ҳаёт кечириши тўғрисидаги маълумотларни, спорт ютуқлари кўрсаткичлари ва бўшқаларни тавсия этиш керак.

Ёзма номерлашни ўзлаштиришга сонларни ўқиш ва ёзиш машқларидан ташқари рақамнинг ўрнига кўра қийматини аниқлашга доир маҳсус машқлар имкон беради:

1) Қуйидаги сонлар ёзуvida ҳар бир рақам нимани билдиришини тушунтиринг: 12, 20, 11, 10, 19.

Масалан, ўқитувчи юқоридаги ўнг чўнтакка битталаб, ўнтағача чўп солади. Болалар уларни овоз чиқармай са-найдилар (ҳаммаси бўлиб ўнта чўп, битта ўнлик). Ўқитув-чи чўпларни даста килиб боғлайди ва уни иккинчи чўнтакка (ўнгдан чапга томон ҳисоблаганда) солади, биринчи чўн-такка яна 3 та чўп солади ва сўрайди: «Ҳамма чўплар нечта бўлди?» (Ҳаммаси бўлиб 13 та чўп — битта ўнлик ва 3 та бирлик.) Ўқитувчи яна битта чўп кўшади ва 14 сонини абакда рақамлар билан қандай белгилашни тушун-тиради. «Нечта ўнлик бор?» (1 та.) «Буни рақам билан белгилаймиз (ўқитувчи пастдаги чап чўнтакка 1 рақамини солади). 1 рақами нимани билдиради? (1 та ўнликни.) 14 сонида нечта алоҳида бирлар бор? (Тўртта бир.) Буни рақам билан белгилаймиз (ўқитувчи пастдаги ўнг чўнтак-ка 4 рақамини солади). Ўнг томондаги 4 рақами нимани билдиради? (Тўртта бирни.) Биз 14 сонини ёздиқ: биринчи ўринга (ўнгдан чапга томон ҳисоблаганда) бирликлар сони — тўртта бирни ёздиқ (ўқитувчи кўрсатади). Иккинчи ўринга (ўнгдан чапга томон ҳисоблаганда) ўнликлар сони — битта ўнликни ёздиқ. Ёзилган сонда ҳаммаси бўлиб нечта бирлик бор? (14 та.) 18 та чўпни чўнтакларга қандай жойлаштириш мумкин? 12 та чўпни-чи? 19 та чўпни-чи? Дасталар сони нечта ва яна нечта алоҳида чўплар бор? Тегишли сон қандай ёзилади?»

20 ва 10 сонларининг ҳосил бўлиши ва белгиланиши алоҳида қаралади. Болалар нолнинг янгича қўлланилиши билан танишадилар. Ўқитувчи болаларга туцунтиради, масалан, юқоридаги чап чўнтакка бир боғлам — ўнта чўп солинди, ўнгдаги чўнтакка эса битта ҳам чўп солинмади. Пастдаги қаторда битта ўнликни 1 рақами билан, ўнг то-монда бирликларнинг йўқлигини эса 0 рақами билан белги-лаймиз ва ҳ. к. 10 сонида ҳаммаси бўлиб нечта бирлик бор? 20 сонида-чи? Бу сонларнинг ёзувидаги 0 нимани билдиради?

Ўқувчилар сонларни ёзишни машқ қиласар эканлар, 20 ичидаги сонларнинг ўнли таркиби ва кетма-кет келиш тартиби тўғрисидаги билимларини мустаҳкамлайдилар. Масалан: «1 та ўнлик ва 4 та бирликдан ташкил топган сонни ёз. Саноқда 18 сонидан кейин келадиган сонни ёз, 10 сонидан кейин келадиган сонни ёз, 19 сонидан кейин келадиган сонни, 14 ва 16 орасидаги сонни ёз». «Ушбу сонлар қаторида тушириб қолдирилган сонларнигина ёз: 10, □, □, 13, □, □, 16, □, 18, □, □». «Ушбу сонларни ёз: 10, 12, 14, 16, 18, ҳар бирининг остига саноқда ундан

кейин келадиган сонни өз, сонларни жуфт-жуфт қилиб таққосла (10 ва 11, 11 ва 12, 12 ва 13 ва х. к.). «Күйидаги сонларни ўсиш тартибда күчириб ёз: 8, 18, 12, 14, 20, 16, 10, 6 ва х. к.».

Иккинчи ўнликдаги ҳар бир сонни қараашда ҳар гал қуйидагича савол күйилади: «Нечта боғлам ўнталик чўплар бор? Алоҳида чўплар нечта? Сонни ёзиш учун қандай рақамлар керак бўлган? Сонни ёзиш учун қандай рақамлар керак бўлган? Соннинг ёзувидаги ҳар қайси рақам нимани билдиради? Қаралаётган сонда ҳаммаси бўлиб нечта бирлар бор?»

Иккинчи ўнлик сонларини номерлашни ўзлаштириш учун □+1 кўринишидаги мисоллар кўплаб ечилади ва берилган сонга 1 ни қўшиш билан ҳар доим саноқда бу сондан кейин келадиган сонни, 1 ни айириш билан ундан олдин келадиган сонни ҳосил қилишимиз ҳар қайси бола онгига сингдирилади, яъни бола илгари эгаллаган билимларини сонларнинг янада кенгроқ соҳасига қўллай билиши керак. Болаларнинг диққат-эътиборини қатордаги сонлар ортиб боришига, ҳар бир навбатдаги сон ўзидан олдинги сондан катта эканига, қатордаги сонларни тескарисига ўқилса, сонлар камайиб (кичиклашиб) боришига қаратилади. Сонни 1 га ошириш ва 1 га камайтириш нима эканини тушунтириб бериш керак.

Номерлашни ўрганиш жараёнида болалар иккита сондан қайси бири катта, қайси бири кичик ёки берилган сонлар teng эканлигини аниқлаб, сонларни таққослабгина қолмай, балки бу муносабатларни «>», «<», «=» белгилар билан кўрсатадилар. Бу белгилар кўйидагича киритилади. Болалар нарсалар гурухларини таққослайдилар (1 та байроқча ва 2 та байроқчани, 1 та китоб ва 2 та китобни ва х. к.) ва хулоса чикарадилар: бир иккidan кичик. Ўқитувчи кўйидагича тушунтиради: «бир иккidan кичик» деб ҳам айтиш мумкин ёки рақамлар ва белги ёрдамида $1 < 2$ каби ёзиш мумкин. $2 > 1$, $2 = 2$ ҳоллар ҳам худди шундай қаралади. Шундан кейин ўқувчилар дарслик бўйича ёки доскадан тенгликлар ва тенгсизликларни ўкишни машқ қиласдилар, нарсалар тўпламларини таққослайдилар ва буни киркма рақамлар ҳамда белгилар билан белгилайдилар, сўнгра сонларни таққослашга ўтадилар.

Ўқувчилар сонларни таққослашни онгли бажаришлари ва $>$, $<$ белгиларини ёзишни тезда ёдлаб олишлари учун ҳар хил машқлар киритилади. Масалан:

1) Сонларни таққосланг, тушириб қолдирилган $>$, $<$, $=$ белгиларини кўйинг: 5...6, 7...6, 6...6.

2) Ёзувларни ўқинг ва мос сонларни қўйинг: $5 > \square$, $1 < \square$, $\square > 3$, $\square < 3$. Яна қандай сонларни қўйиш мумкин?

3) Мос сонни танлаб қўйинг: $\square > \square$, $\square < \square$, $\square = \square$.

4) Ёзувлар тўғрими? Нотўғри ёзувларда белгиларни тўғриланг (ўнг томондаги сонларни тўғриланг, чапдаги сонларни тўғриланг): $7 > 8$, $9 > 7$, $6 = 9$, $5 < 3$.

Таққослашга доир машқлар ўкувчилар сонлар орасидаги микдорий муносабатларни ўзлаштиришларига ёрдам беради, шунингдек, келгусида арифметик ифодаларни таққослаш учун асос яратади ($7 - 2 > 4$, чунки $5 > 4$, $6 - 3 < 6 - 2$, чунки $3 < 4$ ва х. к.).

Иккинчи ўнлик сонларини номерлашни ўзлаштиришга узунликнинг янги ўлчов бирлиги — дециметр билан танишиш, кесмаларни дециметр ва сантиметр ёрдамида ўлаш (ўлаш натижасида мураккаб исмли сонлар ҳосил бўлади) машқлари ёрдам беради. Исмли сонларни майдалаш ва бошқа йирикроқ бирликларга ўтказишга, шунингдек, уларни таққослашга доир машқлар сонларнинг ўнли таркиби ҳақидаги билимларни мустаҳкамлашга имкон яратади. Масалан, 1 дм, 1 дм 2 см, 12 см узунликдаги кесмалар чизинг ва уларнинг узунликларини таққосланг (яъни, қайси кесма узун, қайсинаси — қисқа эканини айтинг), сонларни таққосланг: 1 дм ва 1 дм 2 см, 1 дм ва 12 см, 1 дм 2 см ва 12 см. Исмли сонларни таққослашда болалар бир томондан кесмаларни таққослашга, иккинчи томондан эса исмсиз сонларни таққослашга (исмли сонлар бир хил ўлчов бирликларида ифодаланганда) таянадилар: 1 дм < 12 см, чунки $10 \text{ см} < 12 \text{ см}$, 1 дм 2 см = 12 см, чунки $12 \text{ см} = 12 \text{ см}$ ёки 1 дм 2 см = 1 дм 2 см.



Номерлашни ўргана борган сари, тавсия қилинаётган машқлар мураккаблаштириб борилади: агар биринчи ўнлик сонларининг ҳосил бўлиши ва таққосланиши нарсалар (предметлар) ёрдамида бажарилса, иккинчи ўнлик сонлари учун кесмалар чизиш ва уларни таққослашдан фойдаланилади (41- расм).

$$15 < 16 \quad 16 - 1 = 15$$

$$16 > 15 \quad 15 + 1 = 16$$

$$16 < 17 \quad 17 - 1 = 16$$

$$17 > 16 \quad 16 + 1 = 17$$



41 - расм.

Иккинчи ўнлик ичидә күшиш ва айриш, уларни бажа-
риш усуллари маъносида, математикани ўрганишнинг маз-
кур босқичида энг қийин қисми ҳисобланади.

Күшиш ва айришнинг $10+6$, $16-6$, $16-10$ қўриниш-
даги ($13+1$, $14-1$ қўринишдаги каби) ҳоллари иккинчи
ўнлик сонларининг ҳосил бўлишини ва уларнинг ўни
таркибини ўрганиш муносабати билан қаралади. Масалан,
ўқитувчи доскага қўйидагини ёзди: $10+4$. 10 – бу ўнлик.
Ўнликка 4 та бирлик қўшиляпти. Қайси сон 1 та ўнлик
ва 4 та бирликдан иборат? (14.) Демак, $10+4=14$.

Ўқитувчи навбатдаги мисолни ёзди: $15-5$. 15 сонида
нечта алоҳида ўнлик ва алоҳида бирлик бор? (1 та ўнлик
ва 5 та бирлик.) 5 та бирликни айрамиз. Неча ҳосил бў-
лади? (1 та ўнлик ёки 10.) Демак, агар 15 дан 5 ни айрсак,
нечта ҳосил бўлади? ($15-5=10$) $15-10$ ҳам худди шун-
дай қаралади.

Сўнгра болалар мисолларнинг тўртликларини ечади-
лар:

a) $10+8$

$8+10$

$18-8$

$18-10$

б) $5+10=\square$

$10+5=\square$

$\square-\square=\square$

$\square-\square=\square$

ҳамда кўшиш ва айришнинг кўрсатилган ҳолларини
ўзлаштиришга ёрдам берадиган турли машқларни бажа-
радилар.

а) Бўш жойларда («дарча»ларда) қандай сонлар туриши
керак:

$12=\square+2$

$13=10+\square$

б) Бўш жойларда қандай сонлар ва белгилар туриши
керак:

$4 \square 3=7$

$4 \square 3=1$

$7 \square \square =17$

$17 \square \square =10$

$10 \square 9=19$

$20 \square 1=19$

$16 \square \square =17$

$16 \square \square =15$

Шундан кейин болалар 20 ичидә сонларни кўшиш ва
айришни ўрганишга киришадилар. Бунинг учун даставвал
ўнликдан ўтиб кўшишнинг умумий усулини ўздаштиришла-
ри керак (биринчи кўшилувчига, уни ўнликка тўлди-

риш учун нечта бирлик қўшиш кераклигини аниклаймиз, сўнгра иккинчи қўшилувчидаги яна нечта бирлик бор эканини аниклаймиз ва уларни 10 га қўшамиз). Сўнгра болаларни турли ҳолларда умумий усулини қўллай олишга ўргатиш керак. Ана шу асосда мавзуни ўрганишнинг охирига келиб болалар иккинчи ўнлик сонларининг таркибини (11 дан 18 гача) ўзлаштиришлари керак ва ундан айриш натижаларини топишда фойдаланишлари керак. Мавзу устида ишлашнинг узил-кесил мақсади қўшиш ва айриш жадвалидаги барча ҳолларни ёддан билишдир.

Мавзуни ўрганиш давомида ўқувчилар қўйидаги боскичлардан ўтишлари керак:

1. Ўнликдан ўтиб қўшишнинг умумий усулини ўзлаштириш ва ундан 2 (3, 4, 5, 6, 7, 8, 9) сонини қўшишда фойдалана олиш.

2. Қўшишнинг жадвал ҳолларини ва сон таркибининг тегишли (мос) ҳолларини ёддан билиш.

3. Ўнликдан ўтиб айришнинг (2 (3, 4, 5, 6, 7, 8, 9) ни айриш ҳолига татбиқ қилиш билан) 10 ичидаги айришдагига ўхаш соннинг таркибини билишга асосланган умумий усулини ўзлаштириш. Масалан, 13— бу 8 ва 5. Сакизтаси кам 13— бу 5. Демак, 13—8=5.

4. Айриш натижаларини ёдда сақлаш.

Болаларни ўнликдан ўтиб қўшишнинг умумий усулини онгли идрок этишларига тайёрлаш учун улар билан қўйидагиларни такрорлаш зарур:

1. Мазкур дарсда қўшишга доир мисолларда иккинчи қўшилувчи бўлиб келадиган соннинг таркибини такрорлаш. Айтайлик, дарсда бирор сонга 3 ёки 4 ни қўшиш керак бўлсин, яъни иккинчи қўшилувчи 3 ёки 4 сони бўлсин. Сонлар таркиби устида ишни ўйин («Ҳар қайси қўлда нечта?») ёки дидактик машқ («Иккинчи сонни айт») кўринишида ўтказиш мумкин. Ўқитувчи керакли усулини ўзи танлайди, болалар 3 ва 4 сонлар таркибининг мумкин бўлган барча ҳолларини айтишлари керак, ўқитувчи эса уларни доскада бундай кўринишда ёзади:


3 3 4 4 4

1 2 2 1 1 3 2 2 3 1

2. «10 гача тўлдириш» ўйинини албатта ўтказиш керак, чунки сонни 10 гача тўлдириш малакаси ўнликдан ўтиб қўшиш усулининг асосини ташкил этади, шунинг учун ҳар бир бола уни ишонч билан бажариши лозим.

Бу ишни қыйдагыча ўтказиш қулай: столга болалар китоби ва унинг олдига 10 тийинлик танганинг катталаштирилган модели қўйилади. Ўқитувчи болаларга бундай дейди: «Қизча ана шундай китобчани сотиб олмоқчи бўлди, бироқ, унинг факат 7 тийини бор эди. Қизча бу китобчани сотиб олиши учун унга яна қанча пул қўшиши керак?» Болалар жавобни раками карточкани кўтариб кўрсатадилар. Сўнгра ўқитувчи бундай дейди: «Агар сенда 5 тийин бўлса, қанча қўшишинг керак? 3 тийин, 9 тийин, 4 тийин, 2 тийин, 8 тийин, 1 тийин, 6 тийин бўлса-чи?» Болалар жавобни раками карточкани кўтариб айтадилар.

3. Қуйидаги мисолларни ечинг: $9+1+1$, $9+1+2$, $9+1+3$, $8+2+1$, $8+2+2$. Болалар мисолларни оғзаки ечадилар, ҳар бир мисолни ечгандан сўнг ўқитувчи 9 га, 8 га ҳаммаси бўлиб қанча қўшилганини сўрайди ($8+2=10$, $10+2=12$. 8 га ҳаммаси бўлиб 4 қўшилди ва 12 ҳосил бўлди.)



42- расм.

Ана шундай тайёргарлик ишидан сўнг ўқитувчи янги материални тушуниришга киришади. Доскага икки қатор чўнтаклари бўлган демонстрацион набор полотноси илиб қўйилади (42-расм). Ҳар қайси қаторда 10 тадан чўнтак бор. Ўқитувчи бугун қўшишга доир мисоллар ечишни бошлишларини айтади. У қўлига 9 та доирача ва 4 та квадрат олади ва: «Ҳамма фигуралар нечталигини топишингиз керак. Буни қандай биламиз?» — дейди. Болалар жавоб берадилар: «Доирачаларни санаймиз, квадратларни санаймиз, сўнгра сонларни қўшамиз».

Санайдилар: доирачалар 9 та, квадратлар 4 та.

Ўқитувчи йигиндини набор полотноси ёрдамида топишини тавсия этади. Болалар юкори қатордаги чўнтакларни ва пастдаги қатордаги чўнтакларни санайдилар.

— Доирачаларни юкори қатордаги чўнтакларга соламиз. Юкори қатордаги чўнтакларнинг ҳаммасини тўлдирдикми? (Йўқ.) Нима учун? (Доирачалар етишмади.) Нечта чўнтакни тўлдирдик? (9 та.) Квадратлар қолган

бўш катакларга сиғадими? (Йўқ.) Нечтаси сиғади. (1 таси.) Квадратни юқориги қаторнинг бўш чўнтағига соламиз. Фигуралар нечта бўлди? (10 та.) Бизда нечта квадрат қолди? Уларни пастки қатордаги чўнтағига соламиз (солади). Ҳаммаси бўлиб нечта фигура бўлди? (13 та.) Нима учун дастлаб 1 та квадрат қўшдик? (10 гача битта етмас эди.)

9 га 4 ни қандай қўшганимизни доскада ёзамиз. Ўқитувчи аввал биринчи сатрни ёзади: $9+4=$ Биз қандай қўшдик? 9 га дастлаб нечани қўшдик? Нима учун? Буни ёзамиз. Ўқитувчи биринчи сатр остига иккинчи сатрни ёзади ва тушунтиради:

$$9+4=$$

$$9+1+3$$

9 га (иккинчи сатрга 9 ни ёзади) 4 ни (ёзади) қўшиш (+ ни ёзади) керак. Бирок биз 4 ни бўлаклаб қўшдик. Дастрлаб нечани қўшдик? (1 ни ёзади.) Нима учун? 10 ҳосил бўлиши учун ($9+1$ ни остига чизади). Яна нечани қўшишимиз керак? (+ ни ёзади). 4 бу 1 ва яна неча? (стрелкаларни чизади: чапдагисини 1 ракамига қаратиб, ўнг томондагиси остига 3 ни ёзади). Сўнгра ҳисобланади: 9 га 1 ни қўшамиз, 10 ҳосил бўлади. 10 га 3 ни қўшамиз, 13 ҳосил бўлади. Бу натижа (13 сони) юқориги сатрга ёзилади.

Ўқитувчи доирачалар ва квадратларни олиб қўйиб, энди $8+3$ мисолнинг ечилишини намойиш қиласади.

Сўнгра шахсий набор полотноси билан ишлашга ўтилади. Болалар 9 та кизил доирачага 2 та кўк доирачани қўшадилар. Мисолнинг ечилишини тушунтириб, 8 та кўк доирачага 4 та квадратни қўшадилар. Иш синф набор полотносида бажарилганидек бажарилади.

Ўзлаштирилган материални дастлабки мустаҳкамлаш учун дарсликдаги расмлардан фойдаланилади. Болалар расмни қараб чиқадилар ва $7+4$ мисолнинг ечилишини тушунтирадилар.

7 га 4 ни қўшиш керак. 4 ни бўлакларга бўлиб қўшиш осон. 4 ни 3 ва 1 га ажратдик, чунки 3 сони 7 ни 10 га тўлдиради. 7 та доирачага 3 та доирачани қўшамиз. 10 та доирача ҳосил бўлади, 10 доирачага 1 та доирачани қўшсак, 11 ҳосил бўлади. Демак, 7 та доирачага 4 та доирачани қўшсак, 11 та доирача ҳосил бўлади.

Масалан, $9+4$ мисолни тасвирлаб берадиган расмни кўриб чиқишида қўйидагича муҳокама юритилади:

— Кандай сонларни қўшиш керак? (9 ва 4 ни.)

— 4 ни қандай осон қўшиш мумкин? (Бўлаклаб.)

— 4 ни қандай бўлиш кулай? 1 га (чунки 1 сони 9 ни 10 га тўлдиради) ва 3 га. 9 га 1 ни қўшсақ, 10 ҳосил бўлади ва 10 га 3 ни қўшсақ, 13 чиқади. Демак, 9 га 4 ни қўшсақ, 13 ҳосил бўлади.

Худди шундай усулда $8+5$, $7+4$ ва ҳоказо кўринишдаги ҳоллар ҳам қаралади. Кейинги дарсларда усулни мустахкамлашга доир машқлар бажарилади.

Жадвал натижаларини ёдда саклаш аста-секинлик билан бориши керак. Дастрлаб тенг қўшилувчилар бўлган ҳоллар ёд олинади: $6+6$, $7+7$, $8+8$, $9+9$. Бу ерда ана шу ҳолларнинг натижаларидан фойдаланиб, $6+5$, $6+7$, $7+8$, $8+9$ ва бошқа мисолларнинг натижаларини топиш усулини кўрсатиш фойдалидир (бир бирлик ортиқ ёки кам қўшдик ва бир бирлик ортиқ ёки кам натижага эга бўламиз.) Бошқа ҳоллар ҳам аста-секин ёд олинади.

Охирида ўнликдан ўтиб қўшишнинг барча ҳоллари жадвали тузилади:

$9+2$	$8+3$	$7+4$	$6+5$
$9+3$	$8+4$	$7+5$	$6+6$
$9+4$	$8+5$	$7+6$	
$9+5$	$8+6$	$7+7$	
$9+6$	$8+7$		
$9+7$	$8+8$		
$9+8$			
$9+9$			

Бу мисолларда натижаларни топишда 9 га, 8 га, 7 га ва бошқа сонларга сонни қандай қўшиш тўғрисидаги тушириши тақоролаш керак, ҳар қайси устунда навбатдаги натижа олдингисидан қандай ҳосил қилинишини қараб чиқиши керак, сатрлар бўйича натижаларни таққослаб, улар тенг эканини ($9+2=11$, $8+3=11$, $7+4=11$ ва х. к.) кўрсатиш керак, болаларнинг дикқатини ҳар қайси жадвал тенг қўшилувчиларни қўшиш ҳоли билан тугашига қаратиш лозим ва жадвални нима учун давом эттириш керак эмаслигини аниқлаш керак (қўшилувчиларнинг ўринларини алмаштириш мумкин). Буни қўйидагича бажариш мумкин. Болаларга, масалан, бирида 7 та каптар ва 4 та чумчук ва иккинчисида 4 та чумчук ва 7 та каптар тасвирланган расмлар кўрсатилади.

«Каптарлар нечта? (7 та.) Чумчуклар нечта? (4 та.) Ҳамма күшлар нечта (11 та.) Қандай санадингиз?»

«Чумчуклар нечта? Каптарлар нечта? Ҳамма күшлар нечта? Қандай санайсиз? (4+7.) 4 га 7 ни қўшиш кулайми? Қандай санаш осон? Неча ҳосил бўлади?»

Сўнгра 3 га 9 ни қўшиш керак бўлган расм кўрсатилиди: расм остида $3+9$ ёзув бўлсин. Қандай санаш осон? ($9+3$.) Натижа ўзгарадими? Нима учун? Хулоса: катта сонга кичик сонни қўшиш осон, шунинг учун мисолда иккинчи қўшилувчи биринчи қўшилувчидан катта бўлса, қўшилувчиларнинг ўринларини алмаштириш кулай, ҳисоблаш осон, натижа эса ўзгармайди.

Болаларнинг ўзларига ўнликдан ўтиб (қўшилувчиларнинг ўринларини алмаштириб) қўшишга доир мисоллар тузиш тавсия этилади. Шундай мисоллардан бирини факат доскада ёзиб ечилади. Муҳокама: «3 га 9 ни қўшиш керак. 9 га 3 ни қўшиш осон. Мисолни ечамиз: $9+3=12$. Демак, $3+9=12$ ».

Жадвал натижаларини чукур ўзлаштириш учун келгусида уларни доимо турли машқларга киритиш лозим: бу ҳолларни бошқа ҳоллар билан биргаликда киритиш, жавоби 11 (12, 13, 14, ... 18) бўлган бир хонали сонларни қўшишга доир барча мисолларни айтиш ёки ёзишни тавсия этиш, барча бир хонали сонларни ёзиш ва уларнинг ҳар бирини 9 га (8 га, 7 га ва х. к.) орттириш тавсия этилади ва х. к.

Машқ қилиш жараёнида болалар ҳисоблаш усусларини ўзлаштириб олишдан ташқари натижаларни ҳам эслаб қолишлари керак.

Бир хонали сонларни қўшиш натижалари билан танишгач ва уларни ёдлаб олгач, болаларни бир хонали сонни икки хонали сондан айриш (20 ичидаги ўнликдан ўтиб) нинг умумий усули билан таништирилади.

Янги материални ўзлаштиришга тайёргарлик иши сифатида болалар билан қуидагилар тақрорланади:

1. Биринчи ўнликдаги соннинг (бири берилган) икки қўшилувчидан иборат таркиби (7 бу 4 ва яна қанча? Мен сонни айтаман. Сиз эса мен айтган сон билан қўшганда 10 чиқадиган сонни кўрсатасиз. Қўлимда 8 та тугмача бор. Ҳар қайси қўлимда нечта тугмача бўлиши мумкин? ва х. к.).

2. 10 дан бир хонали сонларни айриш. Бу мисоллар «Жим» ўйини, «Жавобни топ» ва бошқа ўйинларда ечилади.

3. 17—7 кўринишдаги ҳолларда айриш ўнталик

дасталар ва алохиди чўплар ёрдамида ўтказилади. Болалар бундай кўринишдаги мисолларни ечар эканлар, барча холларда (13—3, 18—8, 19—9 ва ҳ. к.) бир хил —10 жавоб чиқишини кўрадилар.

Барча мисолларда жавоб нима учун 10 чиқишини аниқлаш фойдалидир (ҳар бир сонда 1 та ўнлик ва бир нечта бирлик бор, биз ўнликларга тегмай, барча бирликларни айирамиз, демак, 1 та ўнлик ёки 10 та бирлик қолади).

4. 15—5—2 кўринишдаги мисолларни ечиш. Ҳар бир шундай мисол (15—5—2, 13—3—4, 17—7—5) ни ечгандан сўнг ўқитувчи 15 дан (13 дан, 17 дан) ҳаммаси бўлиб нечани айирдик, деб сўрайди.

20 ичига икки хонали сондан бир хонали сонни айиришнинг умумий усулини биринчи тушунтириш икки қатор чўнтаклари бор бўлган демонстрацион набор полотносида бажарилади. Ўқитувчи 15 та: юкори қаторга 10 та, пастки қаторга 5 та доирача кўяди. «Ҳаммаси бўлиб нечта доирача бор? (15 та.) 15 та доирачадан 6 тасини айиришимиз керак,— дейди ўқитувчи ва мисолни ёзади: 15—6=». Буни куйидагича бажариш маъқулдир: дастлаб пастдаги доирачаларни олиб кўйиш, яъни 5 ни айириш керак (пастки қатордаги доирачаларни олиб кўяди ва иккинчи қаторга ёзади (15—5)). Биз 5 ни айирдик, аслида 6 ни айиришимиз керак эди (ёзувда кўрсатади). Яна нечани айиришимиз керак? (6—бу 5 ва 1.) Ёзувда 6 дан 5 га қараб пастта стрелкача кўйилади ва 1 рақами ёзилади. Демак, энди 10 дан 1 ни айиришимиз керак (битта доирачани олиб кўяди ва ёзувда яна битта минус ишораси ёзади). Энди нечта доирача колганини хисоблаймиз ва ёзамиз (15—5==10, 10—1=9, юкориги қаторга 9 ёзилади). Доскада куйидаги ёзув ҳосил бўлади:

$$15-6=9$$

$$15-5-1$$

Ўқитувчи тушунтиришидан кейин доскага 11—8 мисол ёзилади ва ўкувчига (зарур холларда ўкувчилар ва ўқитувчи ёрдамида) уни набор полотносида квадратлар ёрдамида ечиш тавсия қилинади.

Сўнгра болалар шахсий полотно билан ишлашга ўтадилар. Бундай топшириқ бажарилади: 14 та тўгаракчадан 7 та тўгаракчани айириш керак. Иш юкорида синф набор полотноси ёрдамида бажарилгандек бажарилади. Доскада ёзувни (ўкувчи айтиб туради) ўқитувчи бажаради, болалар оғзаки ишлайдилар.

Дастлабки мустаҳкамлаш учун аввал дарсликдаги расмлар бўйича иш олиб борилади. Болалар расм билан танишадилар ва 11—3 мисолининг ёзувини тушунтирадилар. Бундай тушунтирадилар: 11 та байроқчадан дастлаб 1 тасини айирамиз, 10 та байроқча қолади. Энди яна 2 та байроқчани айиришимиз керак, чунки 3 бу 1 ва 2 дир. 10 дан 2 ни айирсак, 8 та байроқча қолади. Демак, 11 дан 3 ни айирсак, 8 қолади (ҳосил бўлади).

Шундан кейин болалар бошқа расмни қарайдилар ва юқоридагига ўхшаш тушунтирадилар: 14 дан 5 ни айириш керак. Қандай қилиб осон айириш мумкин? 10 ҳосил бўлиши учун аввал 4 ни айирамиз, энди 1 ни айириш қолди, чунки 5 бу 4 ва 1 дир. 14 дан 4 ни айирамиз, 10 қолади. 10 дан 1 ни айирсак, 9 ҳосил бўлади. Демак, 14 дан 5 ни айирсак, 9 қолади.

Бошқа ҳолларга ҳам худди шундай тушунтиришлар берилади.

20 ичидаги икки хонали сондан бир хонали сонни бўлаклаб айириш усулини ўрганиш билан бир пайтда болаларга бошқа усул билан — икки хонали сондан бир хонали сонни айиришни қўшиш ва айириш орасидаги ўзаро боғланишни билишга асосланган усул таништирилади.

Ишни синф набор полотносидан фойдаланиб ўтказиш мумкин.

Ўқитувчи полотно чўнтакларига 12 та квадрат солиб қўяди ва сўрайди: «Полотнода нечта квадрат бор?» Болалар юқориги қаторда 10 та, пастки қаторда 2 та квадрат борлигини айтадилар. «Биз 12 та квадратдан 5 та квадратни айиришимиз керак. Буни қандай осон бажариш мумкин?» Бу мисолни олдинги дарсда ўрганилган усул ёрдамида ечгандан кейин ўқитувчи бундай дейди: «Болалар, айтингчи, 12—бу 5 ва яна неча?» (12—бу 5 ва 7.) Агар 12—бу 5 ва 7 бўлса, у ҳолда 12 дан 5 ни айирсак, неча ҳосил бўлади? 12 дан 7 ни айирсак-чи? Болалар билан биргаликда хulosага келинади: агар 12—бу 5 ва 7 эканини билсак, у ҳолда бу ердан айиришга доир мисолни ечишимиз жуда осон: йигинидан қўшилувчилардан бирини айирсак, иккинчи қўшилувчи ҳосил бўлади. Ўқитувчи болаларга энди улар айиришни турлича — ўзларига осон кўринган усул билан бажаришлари мумкинлигини айтади.

Болалар ўқитувчи айтган расмларни қараб чиқиб, 14 дан 6 ни икки хил усулда айирадилар: дастлаб 4 ни, кейин 2 ни (расмда шундай кўрсатилган) ва 14 сонининг тарки-

бини эслайдилар: 14— бу 6 ва 8, агар 14 дан 6 ни айирсак, 8 қолади, 14 дан 8 ни айирсак, 6 қолади.

Бир хонали сонларни қўшиш жадвалидан фойдаланиб, айришга доир мисоллар тузиш бўйича ҳам катта иш ўтказилиди.

Дарсликдаги жадвал қуйидагича:

9+2	8+3	7+4	6+5	11
9+3	8+4	7+5	6+6	12
9+4	8+5	7+6		13
9+5	8+6	7+7		14
9+6	8+7			15
9+7	8+8			16
9+8				17
9+9				18

Болалар жадвалнинг юқори сатрини қараб чиқадилар.

«Қўшишга доир мисолларни ўқинг» ($9+2$, $8+3$, $7+4$, $6+5$). Тўртбурчак ичига олинган сонни кўрсатади (Бу сонлар жуфтининг йигиндиси). Бу сатр нима билан тугайди? («Дарчали» айришга доир мисол билан: $11-\square=\square$).

Айришга доир мисоллар тузамиз. Бу сатрдаги қўшишга доир биринчи мисолни ўқинг ($9+2$). Йигинди нимага teng? (11).

Сўнгра ўқитувчи болаларга қўшиш жадвалидан фойдаланиб айришга доир мисолларни қандай тузиш мумкинligини кўрсатади. Масалан, $9+2=11$ эканини билган ҳолда қўшишга доир битта мисол ($2+9=11$) ва айришга доир иккита мисол тузиш мумкин ($11-2=9$, $11-9=2$). Караб чиқилган мисолларнинг тўртлигига китобда намуна берилган.

Жадвал бўйича 11 сонининг таркиби такрорланади, мос айриш ҳоллари каралади. Худди шундай 12 (13, 14, 15, 16, 17, 18) сони учун ҳам такрорланади. Масалан:

$$\begin{array}{llll} 9+3=12 & 8+4=12 & 7+5=12 & 6+6=12 \\ 3+9=12 & 4+8=12 & 5+7=12 & 12-6=6 \\ 12-3=9 & 12-8=4 & 12-7=5 & \\ 12-9=3 & 12-4=8 & 12-5=7 & \text{ва } x. k. \end{array}$$

Машқ тариқасидаги мисолларни қўплаб бажариш ўқувчиларга 20 ичидаги қўшиш ва айриш натижаларини згаллашга имкон беради.

8- Б О Б. «ЮЗЛИК» МАВЗУСИНИ ҮҚИТИШ МЕТОДИКАСИ

«Юзлик» мавзуси курснинг энг катта мавзуларидан бири. Уни ўрганиш иккинчи синфда бошланиб, учинчи синфда тугалланади.

Икки хонали сонларни номерлашни ва улар устида арифметик амаллар бажаришни қуидаги сабабларга кўра алоҳида қилиб ажратилган.

Биринчидан, бу ерда ўқувчиларда биринчи таркибли саноқ борлиги — ўнлик тўғрисида тушунча шаклланади. Шунинг учун икки хонали сонларни оғзаки ва ёзма номерлашни ўзлаштириш исталган кўп хонали сонларни номерлашни ўрганишда зарурый босқич бўлиб ҳисобланади.

Иккинчидан, ўқувчилар 100 ичидаги сонлар устида арифметик амалларни ўрганаар эканлар оғзаки ҳисоблашнинг асосий усулларини эгаллайдилар ва шу билан бирга уларнинг асосида ётувчи арифметик амаллар хоссаларини ўзлаштирадилар ($3+9=9+3$, $40+16=40+(10+6)==(40+10)+6$, $14\cdot 3=(10+4)\cdot 3=10\cdot 3+4\cdot 3$ ва бошқ.). Шундай қилиб, икки хонали сонлар устида амалларни ўрганиш болаларда назарий билимлар ва ҳисоблаш малакаларини шакллантиришнинг маълум босқичидан иборатдир.

Учинчидан, 100 ичидаги сонлар устидаги арифметик амалларни ўрганиш жараёнида ўқувчилар қўшиш жадвали ва қўпайтириш жадвалини ёд оладилар.

Қўшиш ва қўпайтиришнинг жадвал ҳолларини пухта билиш оғзаки эмас, балки ёзма ҳисоблашлар малакасини эгаллаш учун базадир. Шундай қилиб «Юзлик» мавзусида амалларни ўрганиш ўқувчиларни келгусида ҳисоблашнинг ёзма усулларини қарашга тайёрлайди.

Мазкур мавзуда қуидаги масалалар ўрганилади: 100 ичидаги сонларни номерлаш, қўшиш ва айриш, қўпайтириш ва бўлиш. Арифметик амалларни ўрганиш билан узвий боғланишда содда ва таркибли масалаларни ечишга ўргатилади.

1- §. 21—100 ИЧИДА СОНЛАРНИ НОМЕРЛАШ

100 ичидаги сонларни номерлашни ўрганиш 20 ичидаги номерлашни ўрганишга ўхшайди (тайёргарлик иши, оғзаки номерлаш, ёзма номерлаш). Методик ишлар юкоридаги-

нинг худди ўзидир. Бунда янги ёндашиш қуидагидир: бу ерда болаларда сонларни уларнинг турган қаторидаги ўрнийга караб тақкослаш (46 сони 47 дан кичик, чунки 46 сони 47 дан олдин келади) шунингдек, берилган сонлардаги ўнликлар ва бирликлар сонини тақкослаш (52 сони 49 дан катта, чунки 52 да 5 та ўнлик, 49 сонида эса фақат 4 та ўнлик бор; 59 сони 52 дан катта, чунки бу сонларнинг ўнликлари бир хил бўлиб, бирликлар эса 59 да 52 дагига қараганда кўп) малакалари шакллантирилади.

Дастлаб болалар 10, 20...100 сонларининг ўнликлар сонини санаш ва номлари билан танишадилар. Аввал нарсаларни битталаб, жуфтлаб, бешталаб, ўнталаб санаш мумкинлиги тақорланади. Сўнгра ўқитувчи болаларга: «Мана бу чўпларни (столда 100 та чўп ва ўнталикларни боғлаш учун 10 та резинка ип бор) ўнталаб санайсизлар дейди. Ана шундай қиссан, столдаги чўпларни тез санаб чикиш мумкин», дейди.

Болалар чўпларни ўнта-ўнта қилиб боғлаб санайдилар: 1 та ўнталик, 2 та ўнталик ва ҳ. к. Улар устида турли амаллар бажарадилар (ўнталикларни қўшадилар, олиб қўядилар), бошқа микдорда ўнталиклар ҳосил қиласадилар.

Шундан сўнг яхлит ўнталикларнинг номларини ўрганишга киришадилар.

Битта ўнлик олинг. Унда нечта чўп бор? (Ўнта.) 2 та ўнлик олинг. Унда нечта чўп бор? (Йигирмата.)

Яна битта ўнлик қўшамиз. Ҳаммаси бўлиб нечта ўнлик ажратдик? (3 та ўнлик). Учинчи ўнликни тўпламдан чиқариб оламиз, нечта алоҳида чўпларни ҳосил қиласадим? (10.) Бу чўпларни битталаб 20 га қўшамиз. Болалар, Сиз эса овоз чиқариб нечта ҳосил бўлганини айтиб туринглар (21, 22, ... 30). Демак, 3 та ўнлик — бу 30 та бирлиkdir (сонни доскага ёзиб, ҳамма жўрлигига ўқиш мумкин). Кейин яна битта ўнлик суриб қўйилади, 40 ҳосил бўлади ва ҳ. к.

100 сони билан таништиришда ўқитувчи ўнта-ўнта қилиб боғланган ўнталикларни битталаб қўйиб чиқади, болалар эса ўқийдилар: ўн, йигирма, ... тўқсон, юз. Ўқитувчи бу дасталарни бирлаштириб унинг остига 100 сони ёзилган рамка қўяди (ёки доскага 100 сонини ёзади). Болалар кўринг, 100 сони қандай ёзилади. Бу ерда ҳаммаси бўлиб, нечта рақам бор? (3.) Қандай сонлар? (1, 0, 0.) Бу ерда ўнта ўнлик бор (кўли билан кўрсатади), шунинг учун ҳам сонда 10 ва ўнг томонда ноль қўшиб ёзилган.

Сўнгра болалар столларига қўйиб чиқкан 10 та боғлам

чүплар (гугурт чүплари) караб чикилади, ўнта ўнталык битта юзликни ҳосил қилиши яна тақрорланади (ёзиш мүмкін: 1 юзлик=10 та ўнл.) Чапроқда 9 та боғлам қўйи-лади (Болалар: 9 та боғлам, 9 та ўнл.— бу 90 сони), охирги боғлам ечилади ва болалар битталаб санайдилар: 91, 92, ... 99, 100 (доскада биринчи ёзув тагига 1 юзлик=100 бирлик деб ёзилади).

Учинчи сатрда ўртароқда ўқитувчи 100 сонини (кал-лиграфик түғри килиб) ёзади ва 100 сони ёзувида ноллар алоҳида бирлар ва алоҳида ўнлар йўқлигини, 1 раками эса сонда 1 та юзлик борлигини кўрсатади.

Ўнликлар ва бирликлардан иборат икки хонали сонларнинг ҳосил бўлишини ўнталыклар боғламлари ва алоҳида бирликлардан фойдаланиб кўрсатиш мүмкін. Нечта боғламлар — ўнталыклар бор? (3.) Улар қандай сонни ҳосил қиласди? (30.) Алоҳида бирликлар нечта (6.) 3 та ўнталык ва 6 та алоҳида бирлик қандай сонни ҳосил қиласди? (36.) Тескари масалани ҳам қўйиш мүмкін: масалан, 18 ва 81, 27 ва 72 сонлари нечта боғламлар — ўнталыклар ва алоҳида бирликлардан тузилган ва х. к. Боғламлар — ўнталыклар ва алоҳида бирликлар билан бундай амалий ишлар ҳар қандай икки хонали сонни ўнликлар ва бирликлар йиғиндиси ($61=60+1$ ва х. к.) кўринишда тасвирлаш каби муҳим амални эгаллаш учун асос бўлади. Бу амални эркин бажара олиш ўқувчи сонлар устида арифметик амалларни бажаришни ўрганишида бошланғич нукта бўлиб хизмат қиласди.

Бу босқичда болалар бир хонали ва икки хонали сонлар билан танишадилар, иккита ракам билан ёзилган ҳар қандай сон (40, 32, 75, 81) — икки хонали, учта ракам ёрдамида ёзилган 100 сони — уч хонали сон эканини билиб оладилар.

Кўйидаги машқларни бажариш бир хонали ва икки хонали сонларнинг фарқини яхши билиб олишга хизмат қиласди:

1) сонлар қаторидан дастлаб бир хонали, сўнгра икки хонали сонларни ёзиб чиқинг: 2, 13, 8, 17, 15, 6, 11, 10;

2) 4 та исталган бир хонали сон ёзинг ва ҳар қайси сонни 10 га ортириинг; қандай сонлар ҳосил бўлди? Уларни қандай аташ мүмкін?

3) 1 ва 2, 7 ва 3, 9 ва 4 ракамлар ёрдамида дастлаб бир хонали, сўнгра икки хонали сонларни ёзинг;

4) фақат битта 7 ракамидан фойдаланиб, бир хонали ва икки хонали сон ёзинг (7, 77).

Бундай машқларни бажаришни сонларнинг ўнли таркибини аниқлаш ва уларнинг натурал қатордаги ўрнини аниқлаш билан қўшиб олиб бориш фойдалидир. Шу билан бир қаторда кейинги масалаларни қарашга йўналтирилган махсус машқлар ҳам киритилади, уларни ёзма равишда бажариш сонларни ёзишнинг позицион принципи укувларини кўллашга хизмат қиласди. Масалан:

1) Мисолларни ечинг: $10 + 7$, $16 - 6$, $\square + 5 = 15$, $\square + 10 = 17$;

2) сонлар қаторида ёзилмаган сонларнинг ўзини ёзинг: 40, \square , \square , 43, \square , \square , 46, \square , 48, \square , \square ;

3) 30, 32, 34, 36, 38 сонларни ёзинг. Ҳар бир сон тагига саноқда ундан кейин келадиган сонни ёзинг, сонларни жуфт-жуфт қилиб таққосланг (30 ва 31, 32 ва 33 ва х. к.);

4) куйидаги сонларни ўсиб бориш тартибида ёзинг: 8, 18, 12, 14, 20, 16, 10, 6. Бир хонали сонларнинг остига битта чизиқча, икки хонали сонларнинг остига иккита чизиқча чизинг.

Юз ичида сонларни номерлаш устида ишлаш натижасида ўқувчилар 1—100 ичида нарсаларни санашни, сонларни ўкиш ва ёзишни, бир хонали ва икки хонали сонларни таққослашни ўрганишлари керак.

2- §. 100 ИЧИДА ҚЎШИШ ВА АЙРИШ

Қўшиш ва айриш. Дастурга кўра 100 ичида сонларни қўшиш ва айришни ўрганишда ўқувчилар қўшиш ва айришнинг барча ҳоллари учун ҳисоблаш усулларини ўрганиб-гина қолмай, маълум назарий билимларни ҳам эгаллашлари керак. Улар сонни йигиндига, йигиндини сонга қўшиш; йигиндидан сонни, сондан йигиндини айриш; қўшиш ва айриш компонентлари ва натижалари орасидаги ўзаро боғланишдир.

Дастур материални ўрганишга шундай ёндашишни белгилайдики, бунда назарий билимлар етакчи роль ўйнайди. Қўшиш ва айришни ўрганишда бу роль арифметик амалларнинг ҳисоблаш усулларининг асосини ташкил этувчи хоссалардан иборат бўлади.

Тўрт йиллик бошлангич мактабда 100 ичида қўшиш ва айриш системасини қараб чиқамиз.

Болалар дастлаб қавсларни киритиш билан танишадилар. Қавсли ифодаларни киритишга тайёргарлик мақсадида ўқитувчи иккита-учта ифодага 2 тадан карточка тайёрлайди. Масалан, $7 + (8 + 5)$ ифодага у $8 + 5$ ва $7 + 13$

дан иборат 2 та карточка тайёрлайди. Ўқитувчи набор полотносига $8+5$ ёзувли карточкани қўяди. Бу ёзувнй «йифинди» сўзидан фойдаланиб ўқишини айтади: йифиндини хисобланг. «Энди 8 ва 5 сонларининг йифиндисига 7 ни кўшинг» (набор полотносига «+» ва 7 рақамли карточкалар қўйилади ($13+7=20$)).

Кўйидаги ҳоллар ҳам худди шундай кўрилади: «10 ва 3 сонларининг айирмасига 8 ни кўшинг», «10 ва 2 сонларининг айирмасидан 3 ни айиринг». Ана шундай тайёргарлик ишидан сўнг ўқитувчи болаларни қавслар билан таништиришга ўтади.

Болалар, 8 ва 3 сонларининг айирмасига 2 ни қўшишимиз керак. Мана бу карточкага қаранг (набор полотносида масалан, ҳаворанг фонда $8-3$ ёзувли карточка кўйилади), бу ёзув нимани билдиради (8 ва 3 сонларининг айирмасини). Бу айирмага 2 сонини қўшамиз (+ ишора-сини қўяди, оқ фонда 2 сони ёзилган карточкани қўяди). Айирмани хисобланг (5 ҳосил бўлади), айирмага 2 ни қўшинг, неча ҳосил бўлади? (7.) Тўғри, 7 ҳосил бўлади. Келинг, бу мисолни ёзамиз. 8 ва 3 сонларининг айирмасини қандай ёзамиз (ўқитувчи болалар айтиб турганда доскада ёзади: $8-3$). Айирмага қандай сонни қўшиш керак? (2 сонини.) Бизда $8-3$ ёзилган карточка йўқ. Шунинг учун мен 8 ва 3 сонларининг айирмаси $8-3$ ни доирача билан ўраб кўяман (ҳосил бўлган $8-3$ ёзувни ўрайди: $\boxed{8-3}$). Бу айирмага 2 ни қўшаман (+ ишора ва 2 сонини ёзади: ушбу ёзув ҳосил бўлади: $\boxed{8-3} + 2$). Яна бир марта нима ёзилганини ўқинг (8 ва 3 сонларининг айирмасига 2 ни кўшинг). Дафтарда бундай ёзувлар ёзганда доирачанинг юқори ва остки кисмларини чизмасдан унинг факат бир кисми чизилади (ўқитувчи доирачанинг остки ва юқори кисмларини ўчириб ташлаб, ён томондаги ёйларни қолдиради), факат қавслар қолдирилади. Қавслар дастлаб 8 ва 3 сонларининг айирмасини топишни, сўнгра унга 2 ни қўшиш кераклигини англа-тади. Доскадаги ёзувни яна бир марта ўқиймиз. (Ўқиди.) Энди бошқа топшириқни бажарамиз: 8 сонидан 3 ва 2 сонларининг йифиндисини айиринг (Ўқитувчи набор полотносига 8 сони ёзилган оқ карточкани, «—» ишорани ва, масалан, пушти фонда ёзилган $3+2$ ёзувли карточкани қўяди). Қаранг бу ерда оқ карточкада ёзилган сондан пушти рангдаги сонни айриш керак. Пушти карточкадаги ёзув нимани билдиради? 3 ва 2 сонларининг йифиндиси қандай топилади? У нимага teng? 8 дан нечани айриш

керак? Натижада қайси сонни ҳосил қиласыз? Бу мисолни ёзамиз.

Үқувчилар айтиб турадилар, үқитувчи ёзади: 8 сонидан (8 ни ёзади) сонлар йигиндини айириш («—» ишорани ёзади) керак. Йигиндини айиришни кандай күрсатиш керак? (Қавслар ёрдамида). Чап томонга қавс ёзаман (очаман), $3+2$ ни ёзаман, кейин ўнг томонга қавс ёзаман (қавсни беркитаман). Қаранг, кандай ёзув ҳосил бўлди: $8 - (3+2)$. Үқинг-чи, нима ёзибмиз (8 сонидан 3 ва 2 сонларининг йигиндини айиринг).

Шундай қилиб, доскада устма-уст ушбу иккита ёзув ҳосил бўлади:

$$\begin{aligned} & (8-3)+2 \\ & 8-(3+2) \end{aligned}$$

— Бу мисолларни таққосланг. Улар нимаси билан ўхшаш, уларнинг фарқи нимада? (Амаллар бир хил сонлар устида бажарилади, амал ишоралари ҳам бир хил, бироқ қавслар бошқа-бошқа жойга қўйилган; биринчи мисолда сонлар айрмасига сонни қўшиш керак, иккинчи мисолда эса сондан икки сон йигиндини айириш керак). Келинг, бу мисолларни ечамиз. 8 ва 3 сонлари айрмасига 2 ни қўшсак, неча ҳосил бўлади? Қандай ечдик? (8 ва 3 нинг айрмасини топдик — бу 5, 5 га 2 ни қўшдик, 7 ҳосил бўлди.)

— 8 дан 3 ва 2 нинг йигиндини айирсак, неча ҳосил бўлади? Қандай ечдик? (3 ва 2 нинг йигиндини ҳисобладик, у 5 га teng, 8 дан 5 ни айирдик, 3 ҳосил бўлди.) Үқитувчи доскадаги ёзувни тугаллади:

$$\begin{aligned} & (8-3)+2=7 \\ & 8-(3+2)=3 \end{aligned}$$

Нима учун ҳар хил натижалар ҳосил бўлди? (Бир хил сонлар устида амалларни ҳар хил тартибда бажардик.) Кўрсатинг.

Дастлаб яхлит сонларни қўшиш ва айириш ҳоллари киритилади. Бу ҳоллар учун ҳисоблаш усуллари, илгаригидек, ўнликлар сонини кўрсатувчи бир хонали сонларни қўшиш ва айиришга келтирилади. Масалан, 30 га 20 ни қўшиш учун 3 та ўнликка 2 ўнликни қўшиш кифоя, 5 та ўнлик ёки 50 ҳосил бўлади.

Сўнгра болалар қўшилувчиларни уларнинг йигиндиси билан алмаштиришни ўрганишга киришадилар ва бу хосса ёрдамида мисолларни турли усуллар билан ечишни ўрганадилар. Бу пайтга келиб үқувчилар сонлар йигиндиси ва сон-

лар айрмаси математик ифодаларини ўзлаштиришлари керак, тегишли атамалар ёрдамида бир ва икки амалли, қавслар иштирок этган математик ифодаларни ўқий ва ёза билишлари (масалан, ўндан 5 ва 3 сонларининг йифиндинисини айриш), $10 - (5 + 3)$ кўринишидаги ёзув билан танишишлари, икки хонали сонларни яхлит ўнликлар ва алоҳида бирлар йифиндиси билан алмаштиришни ($35 = 30 + 5$) билишлари керак.

Кўшилувчиларни уларнинг йифиндиси билан алмаштиришни ўрганишни кўргазмали воситалар ёрдамида олиб борилади (масалан, столга турли катталиктаги ва рангдаги коптокларни кўйиб чикиш, «патнисларда» турли ўлчам ва рангдаги геометрик шаклларни гурухларга бўлиб чикиш мумкин). Дарсликда расмлар (43- расм) тавсия қилиниб, мавзуни тушунтириш чоғида уларни худди шундай ҳажмий нарсалар билан алмаштириш мумкин.



$$(5+2)+1=8$$

$$5+(2+1)=8$$

43- расм.

Расмни, ундан ҳам яхшиси натурал нарсаларни ва уларга тегишли ёзувларни қараб чиқаётган ўқувчилар кўшишнинг бу хоссаси билан танишадилар, чунки расм ечишнинг ҳар бир қадамини, ҳар бир бажарилаётган амални кўрсатади. Бу эса натижани топишнинг ҳар хил усулларини осон ўзлаштиришга имкон беради. Масалан, биринчи $(5+2)+1=8$ ёзувни ва масалага берилган расмларни қараб чиқар эканлар, болалар мисолнинг чап томонини ўқийдилар (5 ва 2 сонлари йифиндисига 1 ни кўшиш) ва ҳар бир сон қандай тасвиранганини тушунтирадилар (биринчи кўшилувчи 5 та резинка коптокни, иккинчиси 2 та футбол тўпини, кўшиш керак бўлган сон эса 1 та болалар коптогини тасвиirlайди). Болалар иккинчи ёзув $5+(2+1)=8$ ни қараб чиқиб, дастлаб 2 ва 1 нинг (футбол тўпи ва болалар коптоги) йифиндисини топадилар, сўнгра уни 5 га (резинка коптокларга) кўшадилар.

Сүнгра иккита құшни ёнма-ён қүшилувчиларни улар-нинг йигиндиси билан алмаштириш хоссасини құллашга доир машқлар келтирилади, улар ҳисоблаш усулларини үзлаштиришга тайёрлайди. Масалан, «Иккита құшни қүшилувчини уларнинг йигиндиси билан алмаштириб, қулай усул билан ҳисобла: $5+9+1$, $3+14+6$, $30+50+4$ ».

100 ичида қүшиш ва айириш усуллари, асосан, сонлардан бирини хона қүшилувчилари йигиндиси билан алмаштириш, сүнгра бирларни бирларга, ўнларни ўнларга қүшиш ва бирларни бирлардан, ўнларни ўнлардан айиришга келтирилади.

Бу усулларнинг моҳияти шундаки, күпдан-күп машқларни бажариш жараёнида ўқувчиларда амалларни маълум бир қатъий кетма-кетликда бажариш малакаси ишлаб чиқилади-ки, бу қүшиш ёки айиришнинг янги-янги ҳоллари учун мустақил равишда усуллар топишга ёки битта ҳол учун турли усуллар топишга ва ҳисоблаш усулларини асослаб беришга олиб келади.

$47+2$ ҳол учун бу усуллар амалда қандай бўлишини кўрсатамиз.

Доскада мисол ёзилган: $47+2$. Ўқувчилар уни ўқийдилар, сўнгра сонларни ўнталик чўплар ва алоҳида чўплар ёрдамида дарслик иловасида берилган доирачали полоскалар ёрдамида тасвирлайдилар (хамма ўқувчилар ўз парталарида, битта ўқувчи доскада ишлайди).

47 сонини абакда тасвирлаш керак. 47 сонида нечта ўнлик ва нечта бирлик бор? (4 та ўнлик ва 7 та бирлик.) Абакка чўплар қўйинг. (Ўқувчи 4 боғлам — ўнлик ва 7 та алоҳида чўп қўяди, боғламлар ва алоҳида чўплар бир хил рангда.) Бошқа рангда нечта чўпимиз бор? (2 та.) Уларни абакнинг қаерига қўйишимиз керак? (Алоҳида чўплар турган жойга.) 7 та қизил чўп ёнига 2 та яшил чўп қўйинг.

Ўқитувчи ўқувчи бажарган амалларни доскада ёзиб боради:

$$47+2=$$

$$40+7+2$$

Ўнликлар ҳаммаси бўлиб нечта бўлди? (4 та ўнлик бор эди, 4 та ўнлик қолди, биз уларга тегмадик: қўшмадик ҳам, айирмадик ҳам). Бирлар нечта бўлди? (9 та.) Нима учун 9 та бўлиб қолди? (7 та эди, биз яна 2 та қўшдик, $7+2=9$.)

Ўқитувчи болаларнинг эътиборини ёзувнинг иккинчи қаторига қаратади, дастлаб бирлар қўшилишини кўрсата-

ди. 7 бирликка күшаман 2 бирликни — мен охирги күшилувчиларни йиғинди билан алмаштираман ($7+2=9$). Энди 9 сонини 40 га күшамиз ва жавоб 49 ни ҳосил қиласиз. Уни юқориги қаторда ёзамиз.

Доскадаги ёзув қуидаги күринишни олади:

$$\begin{array}{r} 47+2=49 \\ 40+(7+2) \end{array}$$

Үқитувчи бу ёзув бўйича барча мулоҳазаларни тиклашга ёрдам беради, бунда у қуидаги қадамларни таъкидлаб ўтади:

1) мисолимиздаги 47 ни иккита күшилувчи 40 ва 7 га ажратамиз, $40+7+2$ мисол ҳосил бўлади;

2) кейинги иккита күшилувчини уларнинг йиғиндиси билан алмаштирамиз (бирларни бирларга күшамиз, $7+2=9$);

3) ҳисоблашни тугатамиз ва жавобни ҳосил қиласиз ($40+9=49$).

Бу дарсдан ўқувчилар қоида чиқарадилар: исталган мисолда бирлар ҳар доим бирларга кўшилади.

Кейинги дарсларда $30+24$ ва $24+30$ каби ҳоллар қаралади. Юқоридагидек мулоҳаза юритиб, болалар абакнинг ўнликлар «чўнтагида» (иккала ҳолда ҳам) 3 та сариқ ва 2 та яшил ўнталик, бирликлар «чўнтагида» 4 та бирлик борлигини кўрадилар.

Үқитувчи абакда бўлаётган жойлаштиришларни доскага ёзиб қўяди:

$$30+24=$$

$$30+20+4$$

Ўнликлар нечта бўлди? (30 — бу 3 та ўнталик, 24 да 2 та ўнталик ва 4 та бир бор.) Демак, ўнталиклар 3 та ва 2 та; ҳаммаси бўлиб, 5 та. Бирлар нечта? (Ҳаммаси бўлиб 4 та бир, биз бирларни кўшмадик ва айирмадик.)

Үқитувчи болаларнинг дикқатини ёзувдаги иккинчи қаторга қаратар экан, бу мисолда бирлар кўшилмаслигини, улар фақат 4 та эканини, сариқ ва яшил ўнталиклар кўшилишини кўрсатади. У дейди: 3 та ўнликка кўшамиз 2 та ўнликни. Мен биринчи иккита кўшилувчини йиғинди билан алмаштираман (30 ва 20 сонларини қавсга олади). У нимага тенг? ($30+20=50$). Энди 50 га 4 ни қўшиб, жавобни

хосил қиласыз: 54. Уни юқориги қаторга ёзиб қўямыз. Дос-
кадаги ёзув қўйидагича бўлади:

$$30+24=54$$

$$(30+20)+4$$

Ўқитувчи, олдинги дарсдагидек, бу ерда ҳам ўқувчи-
ларга ёзув бўйича мулоҳазаларни тиклашга ёрдам беради:

1) мисолимиздаги 24 ни иккита қўшилувчи — 20 ва 4 га
ажратамиз, $30+20+4$ мисолни ҳосил қиласиз;

2) ўнликларни ўнликларга қўшамиз — биринчи иккита
қўшилувчини уларнинг йигиндиси билан алмаштирамиз
 $(30+20=50)$;

3) ҳисоблашни тугатамиз ва жавобни ҳосил қиласиз:
 $(50+4=54)$.

Бу дарслардан боъалар ўзларига қоида чиқарадилар:
исталган мисолларда ўнликлар ҳар доим ўнликларга қў-
шилади.

Кейинги дарсларда режа бўйича мисоллар муфассал
тушунтириш билан ўқитувчи раҳбарлигига ечилади.

Бу узун мулоҳазаларни қисқартириш малакаларни
шакллантиришда муҳимдир. Масалан, усул билан танишган-
дан 2—3 та дарсдан кейинок ўқувчиларни қисқа тушунти-
риш билан таништириш тавсия этилади. Ўқитувчи бундай
дейди: «Қисқача тушунтиришга ҳаракат қиласиз. Дилда
сонни йигинди билан алмаштиринг, ҳосил бўлган мисолни
ўкинг, овоз чиқариб эса факат бирларни бирларга ёки
ўнларни ўнларга қўшганда ҳосил бўладиган сонларни
айтинг». Ўқувчининг тахминий мулоҳазаси: 45 га 3 ни
қўшиш керак; 3 ни 5 га қўшаман, 8 ҳосил бўлади. Ёзув:
 $45+3=48$. Бирок ўқувчилар қийналиб қолганларида амал-
лар кетма-кетлигини ҳар доим айтиб беришлари учун
вақти-вақти билан муфассал тушунтиришни талаб қилиб
туриш керак.

Усул ўзлаштириб олингач, ҳисоблаш малакасини
шакллантириш бўйича маҳсус иш ўтказилади. Шунинг
учун ҳар қайси дарсга турли шаклларда ҳисоблашга доир
машқлар киритилади: мисоллар ечиш, жадвалларни тўлди-
риш, ифодаларни таққослаш ва ҳ. к. Янги усулларни ўргана
борилар экан уларни илгари ўрганилган усуллар билан
аралаштириб қўшиб туриш керак, бу усулларни аралаш-
тирганда йўл қўйиладиган хатоларнинг олди олинади.

Навбатдаги ҳар бир ҳисоблаш усули устида ҳам ўз-
каби ишлар олиб борилади. Уларни киритиш тартиби

ва ўрганишнинг ўзига хос томонларини кўриб чиқамиз.

Навбатдаги усуллар $32+8$ ва $50-4$ ҳоллари учун очиб берилади. Бу ҳоллар олдинроқ ўрганилганларидан кескин фарқ қилмайди, шунинг учун ўқувчиларни ўзлари усулларни топишлари мумкин: биринчи ҳолда бирлар сони йигиндинси ўнликни ташқил этади, уни ўнликларга қўшиш керак. Иккинчи ҳолда камаювчи қулай қўшилувчилар йигиндинси билан алмаштирилади (40 ва 10), 10 дан 4 айирилади, натижа 40 га қўшилади. Бундай мисолларни ечиш кетма-кетлиги қуидагича: камаювчини қулай қўшилувчилар йигиндинси билан алмаштириш, ҳосил бўлган ифодани ўқиш ва унинг қийматини аниклаш. Сўнгра ҳисоблаш усулининг қискача тушунтирилиши ва ҳисоблаш малакаларини шаклантиришга қаратилган машқлар берилади.

Навбатдаги айириш усулидан $90-67$ кўринишдаги мисолларни ечишда фойдаланилади. Бу ерда ўқувчилар камаювчини ўнликлар ва бирликларга ажратадилар ҳамда 90 дан 60 ни ва яна 7 ни айириш керак бўлган мисолни, яъни $90-60=7$ ни ҳосил қиласидилар. Сўнгра ўнликлардан ўнликларни айирадилар ($90-60=30$) ва натижадан 7 ни ҳам айирадилар ($30-7=23$). $80-54$ мисолни ечишда бола қуидагича мулоҳаза юритиши мумкин: 80 дан 54 ни айириш керак, демак, 80 дан 50 ва яна 4 ни айириш керак: 80 дан 50 ни айирсак 30 , ундан 4 ни айирсак, 26 ҳосил бўлади, демак, $80-54=26$. Мисолни ечиш ёзуви қуидагича ёзилади: $80-54=(80-50)-4=30-4=26$.

Кўшиш ва айиришнинг юкорида кўрилган усулларини ўзлаштириб олгач, болалар $34+9$ ва $45-8$ кўринишдаги мисолларни ечишга киришадилар.

$34+9$ ҳол учун болаларни иккинчи қўшилувчини шундай иккита қулай қўшилувчига ажратишга ўргатиладики, бунда биринчи қўшилувчи (34) энг яқин яхлит сонга (40 га) тўлдирилсин. 34 га нечани қўшсак, энг яқин яхлит сон чиқади? (6.) 9 ни 6 ва яна нечага ажратамиш? (3 га.) Ушбу ифода ҳосил бўлади: $34+6+3$. Энди $34+6$ йигиндини қавсга оламиз, бу 40 дир ва 40 ва 3 , бўлади 43 .

$45-8$ ҳол олдинги ҳолдагидек қаралади. Фақат ўнликлар қолиши учун 45 дан нечани айириш керак? (5 ни.) 5 ни айирдик, берилишига кўра 8 ни айиришимиз керак эди. Яна нечани айиришимиз керак? 8 — бу 5 ва яна неча? (3.) Доскада ёзилади:

8 ни бўлиб айирамиз. Дастреб 5 ни, кейин 3 ни айирамиз. $45 - 5 = 3$ мисолни ҳосил қиласиз. 45 дан 5 ни айирамиз (қавсларни қўямиз), натижада 40 чиқади. $40 - 3 = 37$. Доскадаги ёзув: $45 - 8 = (45 - 5) - 3 = 37$.

Икки хонали сонларни ўнликдан ўтмасдан қўшиш ва айиришни ўрганишда ($42 + 36$, $78 - 61$ кўринишдаги ҳоллар) предметли (нарсали) абакдан фойдаланилади.

Хар қайси (42 ва 36) сонда нечта ўнлик ва бирлик борлиги аниқланади. Биринчи қўшилувчи предметли абакнинг юқори токкасига тўртта ўнталик боғлам ва иккита алоҳида чўп шаклида «қўйилади». Иккинчи қўшилувчи унинг тагига қўйилади. Ўқитувчи иккинчи қўшилувчида нечта ўнликлар ва бирликлар борлигини сўрайди (3 та ўнл. 6 та бирл.) ва боғламлар ҳамда алоҳида чўпларни кўрсатади. Болалар айтиб турадилар, ўқитувчи доскада ушбу ёзувни ёзади:

$$42 + 36 =$$

$$30 \quad 6$$

36 ни бўлаклаб қўшамиш: дастреб 30 ни қўшамиш (3 та боғлам ўнликлар остига қўйилади). Яна нечани қўшиш керак? (6 ни.) Ўқитувчи абакда 6 та алоҳида чўп қўяди. Доскадаги ёзув давом эттирилади, бир сатр пастга ушбу ифода ёзилади: $(42 + 30) + 6$. Ўқитувчи қавс ичидаги йигинди нимага teng, deb сўрайди (72). Яна 6 қўшамиш. Неча ҳосил бўлади? ($72 + 6 = 78$.) Тасвирлашга (расмга) кайтиб, ўқитувчи биринчи қўшилувчида нечта ўнлик борлигини сўрайди, иккинчи қўшилувчида-чи? Ҳосил бўлган йигиндида нечта ўнлик бор? Биринчи қўшилувчида нечта бирлик бор эди? Иккинчи қўшилувчида-чи? Ҳосил бўлган йигиндида-чи? Кўл ҳаракати билан ўқитувчи ўнликлар ва бирликларни қўшишни кўрсатади: «Ҳозир мен сизларга йигиндини анча осон топиш учун мисолларни қандай ёзишни кўрсатаман».

Сонлар бирининг остига бири — ўнликлар ўнликлар остига, бирликлар эса бирликлар остига ёзилади (кўрилаётган мисол ёзуб кўрсатилади). Сонларнинг чап томонига плюс (кўшув) белгиси ёзилади, сонлар остига чизиқча тортилиб, ундан пастга йигинди ёзилади. Қўшиш бирликлардан бошланади. Бирликлар бирликлар остига ёзилган. Айтинг-чи, биринчи қўшилувчида нечта бирлик бор? Иккинчи қўшилувчида-чи?

$$\begin{array}{r} + 42 \\ + 36 \\ \hline 78 \end{array}$$

Бирликларни қўшамиз. Бирликлар остига 8 ни ёзамиз. Энди ўнликларни қўшамиз ($4 \text{ ўнл.} + 3 \text{ ўнл.} = 7 \text{ ўнл.}$) 7 ни ўнликлар остига ёзамиз. Энди йигинди нимага тенг эканини ўкиш керак (йигинди 78 га тенг).

Шундан кейин доскага «Эсдалиқ»: плакати осиб қўйилади. У болаларга ёзма қўшишни бажаришда ёрдам бериши керак:

- 1) Ёзаман ...
- 2) Бирликларни қўшаман ...
- 3) Ўнликларни қўшаман ...
- 4) Жавобни ўқийман ...

78—64 кўринишдаги мисол ҳам шундай ечилади. Ўқитувчи 8 та алоҳида чўпдан 4 тасини олиб қўяди, 7 та ўнликдан эса 6 та ўнталик — боғламни олиб қўяди ва тегишли тушунтиришларни келтиради:

$\begin{array}{r} 78 \\ - 64 \\ \hline 14 \end{array}$ Мисолни устун шаклида ёздик. Бирликларни айрамиз ($8 - 4 = 4$). Ўнликларни айрамиз ($7 \text{ ўнл.} - 6 \text{ ўнл.} = 1 \text{ ўнл.}$). Жавобни ўқиймиз (14).

Икки хонали сонларни ўнликдан ўтиб қўшиш ва айиришда бирданига қўшишнинг ёзма усули қаралади. Ўқитувчи дарсликда келтирилган тушунтириш намунасидан фойдаланиб, мисолни (масалан, $49 + 28$) доскага ёзади ва айрим ўкувчиларни жалб қилиб тушунтиради. «Мисолни ёзаман: $49 + 28$, бунда ўнликларни ўнликлар остига, бирликларни бирликлар остига ёзамиз. Бирликларни қўшаман: 9 бирл. + 8 бирл. = 17 бирл. 17 бирл. — бу 1 та ўнл. ва 7 та бирл. 7 бирликни бирликлар остига ёзаман, 1 та ўнликни эса ўнликларга қўшиш керак. Ўнликларни қўшамиз: $4 \text{ ўнл.} + 2 \text{ ўнл.} = 6 \text{ ўнл.}$ $6 \text{ ўнл.} + 1 \text{ ўнл.} = 7 \text{ ўнл.}$ Ўнликлар остига 7 ёзаман. Жавобни ўқийман: йигинди 77 га тенг».

Қўшишнинг $41 + 39$ ҳоли ҳам шундай қаралади. Йигиндиси 100 га тенг бўлган қўшишга доир мисолларни ечишда ўкувчининг мулоҳазалари қуйидагича бўлиши керак: «68 га 32 сонини қўшиш керак. Ўнликларни ўнликлар остига, бирликларни бирликлар остига устун шаклида ёзаман. Бирликларни қўшаман: 8 бирл. + 2 бирл. = 10 бирликни ҳосил қиласан. 10 бирлик — бу 1 та ўнлик ва 0 та бирлик. Бирликлар остига 0 ни ёзаман, 1 та ўнликни эса ўнликларга қўшиш керак. Ўнликларни қўшаман: $6 \text{ ўнл.} + 3 \text{ ўнл.} = 9 \text{ ўнл.}$, $9 \text{ ўнл.} + 1 \text{ ўнл.} = 10 \text{ ўнл.}$ 10 ўнл. — бу 1 та юзлик. Ўнлик тагига 0 ёзаман, юзлик ўрнига эса 1 ёзаман. Жавобни ўқийман: йигинди юзга тенг».

Икки хонали сондан икки хонали сонни айришда 40—26 ва 51—37 каби иккита ҳол кўрилади. Ҳар иккала ҳолда ҳам тушунтиришлар бир хил. 51—37 мисолни кўрамиз. Ўкувчининг тушунтириши: «Мисолни устун қилиб ёзаман — ўнликларни ўнликлар остига, бирликларни бирликлар остига. Бирликларни айраман: 1 дан 7 ни айриб бўлмайди. 5 та ўнликдан 1 тасини «қарз»га оламан (буни эсдан чиқармаслик учун 5 рақами устига нуқта қўяман). 1 та ўнл. ва 1 та бирл.— бу 11 та бирл. 11 бирл.—7 бирл.= =4 бирл. Бирлар остига 4 ёзаман. Ўнликларни айраман: 5 та ўнлик бор эди. 1 та ўнликни бирликларни айришда «қарз»га олиб турдик. 4 та ўнлик қолди. 4 ўнл.—3 ўнл.= =1 ўнл. Ўнликлар остига 1 ёзаман. Жавобни ўқийман: айрма 14 га тенг».

Болалар 100 ичида сонларни қўшиш ва айриш билан бир пайтда ифода ва унинг қиймати билан танишадилар.


Ўқитувчи куйидагича йўл тутиши мумкин. Доскада куйидаги ёзув тайёрланади:

$$\begin{array}{r} 16+4 \\ 20+40 \\ 90-30 \\ 35-3 \end{array}$$

Юқориги қатордаги ёзувни ўқинг ($16+4$). Бу — ифода. Иккинчи (учинчи) сатрдаги ёзувни ўқинг. Бу ҳам ифода. Доскада турли сонли ифодалар ёзилган. Уларнинг номларини такрорлаймиз. (16 ва 4 сонларининг йигиндиси; 90 ва 30 сонларининг айрмаси). Бу ёзувларни кўчириб олинг. Энди бу устундаги йигиндиларнинг тагига чизиб чиқинг ($16+4$ — йигинди, $20+40$ — йигинди). Агар бу йигиндиларда ҳисоблашларни бажарсак, бу ифодаларнинг қийматини топган бўламиз. Биринчи мисолни ечинг, бу ифоданинг қийматини топинг. Қандай жавобни ҳосил килдингиз. 20 сони — $16+4$ ифоданинг қиймати. Ифоданинг ўқинг. Унинг қийматини айтинг. Унинг қийматини дафтариғизга ёзиб олинг (доскада ҳам ёзув ёзилади). Айрмалар ҳам худди шундай қаралади.

Болаларни ифодалар ва уларнинг қийматлари билан таништириб бўлгач, ўқитувчи иккита энг содда ифодани, уларнинг қийматларини таққослаш асосида, солиштириш (таққослаш) ни тушунтиришга ўтади.


Тушунтиришда у ричагли тарозидан ёки ясама тарозидан (44- расм) ва бир хил ўлчамли ва турли рангдаги бир



44- расм.

хил кубиклардан фойдаланиши мумкин. Чапда — бир хил рангдаги 5 та кубик, ўнгда бошқа рангдаги 6 та кубик. Ўнг томон босиб кетди. Нима учун? Қаерда күп? Бундай тажрибадан кейин доскада $5 < 6$, $6 > 5$ ёзув пайдо бўлади.

Энди тарозининг чап ва ўнг паллаларига 6 тадан кубик кўямиз. Тарози мувозанатда бўлади: икки томонда бир хил. Агар ўнг томондан 2 та кубик олинса, нима бўлишини тарозисиз қандай билиш мумкин? Ўнг томонда 6 та кубик бор эди, иккитасини олиб кўйдик, 4 та қолади. Демак, чап томонда 6 та, ўнг томонда эса 2 таси кам б та, яъни 4 та бўлади; 6 4 дан катта, демак, 6 сони 6—2 дан катта. Сўнгра ўқитувчи чиқарилган хulosани тасдиқловчи тажриба ўтказади (45- расм).



45- расм.

Доскада бундай ёзилади:

$$\begin{array}{l} 6 \dots 6-2 \\ 6 \dots 4 \end{array}$$

Агар $6 > 4$ бўлса, 6 сони 6—2 дан катта, яъни $6 > 6-2$. Бу ердан янги ҳол — иккита ифодани таққослашни қарашга ўтиш осон. Бунинг учун тарозининг ҳар қайси палласига, масалан, 4 тадан (турли рангдаги) кубик кўямиз. Тарози мувозанатда. Сўнгра паллаларнинг бирига 3 та, иккинчисига 1 та кубик (бошқа, учинчи рангдаги кубикларни) кўшамиз. Кўйидаги машқ тузилади ва ёзилади:

$4+3 \dots 4+1$. Болалар тарозига қарайдилар ва ифодалар орасига қандай белги қўйиш кераклигини аниқлайдилар. Сўнгра ҳисоблашлар асосида тушунтириш берилади.

Доскада тегишли ёзувлар:

$$\begin{array}{r} 4+3 \dots 4+1 \\ 7 \dots 5 \end{array}$$

Агар $7 > 5$ бўлса, $4+3$ ифода $4+1$ ифодадан катта, яъни $4+3 > 4+1$.

Дафтардаги ёзувлар қўйидагича бўлиши мумкин:

$$\begin{array}{ll} 6 \dots 6 - 2 & 4+3 \dots 4+1 \\ 6 > 4 & 7 > 5 \\ 6 > 6 - 2 & 4+3 > 4+1 \end{array}$$

Бирок, шу вақтдан бошлабоқ, болаларга таққослашларни ҳисоблашларни бажармай, мавжуд кузатишлардан фойдаланиб бажаришни, шундан кейингина «фараз»ни ҳисоблаш билан текшириб қўришни тавсия қилиш керак. Масалан, $7+2 > 7+1$, чунки чап томонда 7 га ўнг томондагига қараганда қўпроқ қўшилган, демак, чап томонда қўпроқ бўлади; $5-2 < 5-1$, чунки чап томонда 5 дан ўнг томондагига қараганда қўпроқ айрилди, шунинг учун чап томонда камроқ қолади.

Кейинроқ тенглик ва тенгсизлик қатнашган топшириклар киритилади, уларда ўқувчиларга тушириб қолдирилган сонларни тиклаш талаб қилинади, масалан:

$$4+2 < \square, 9-2 > \square, 6+\square = 8, 4+2 < 4+\square, 4+5 = \square + 4, 10-2 > 10-\square.$$

Бу ерда тенгсизликка бир нечта сонни қўйиш мумкинлиги, бу қийматларда тенгсизлик тўғри бўлиб қолаверишга болаларнинг эътиборини бошидан бошлабоқ қаратиш керак.

Шундай қилиб, «100 ичидаги қўшиш ва айриш» мавзуини ўрганиш натижасида ўқувчилар биринчидан, 100 ичидаги исталган сонлар устида амаллар бажаришнинг онгли малакаларини эгаллашлари керак; бу — қўшиш ва айришга доир исталган мисолни тегишли назарий билимлар (номерлаш, амаллар хоссалари ва х. к.) дан фойдаланган ҳолда бажара билиш ва ечишни тушунтириб бериш деган сўздир;

Иккинчидан, ҳисоблаш малакаларини эгаллаган бўлишлари керак, яъни 100 ичидаги исталган сонларни қўшиш ва айриш натижаларини тез ва тўғри топишлари, бир

хонали сонларнинг (ўнликдан ўтиб) йигиндисини ёддан билишлари керак. Учинчидан, ифодаларни уларнинг қийматларини таққослаш асосида таққослашни билишлари керак.

3- §. 100 ИЧИДА КЎПАЙТИРИШ ВА БЎЛИШ

Жадвалли кўпайтириш ва бўлишнинг мустажкам ҳисоблаш малакаларини шакллантириш — бошланғич математика курсининг энг мураккаб масалаларидан биридир. Бу масалани ечишнинг замонавий методикасида катта тайёргарлик иши олдин келади, унинг мақсади ҳисоблаш малакаларини онгли шакллантиришдан иборат.

«Юзлик» мавзусида мазкур бўлим бўйича қуйидаги масалалар киритилган: жадвалли бўлиш ва кўпайтириш, 0 ва 1 билан кўпайтириш ва бўлиш ҳоллари, қолдиқли бўлиш, жадвалдан ташқари кўпайтириш ва бўлиш.

Кўрсатилган барча масалалар устида ишлаш услубини бирма-бир очиб берамиз.

Жадвалда кўпайтириш ва бўлиш. Мазкур мавзууни ўрганишда фақат жадвал натижаларинигина ўзлаштиришни таъминлаб қолмай, балки берилган амаллар ҳақидаги шундай назарий билимларни ўзлаштиришни таъминлаш зарурки, улар бир томондан, ҳисоблаш укувлари ва малакаларини шакллантириш асоси бўлади, иккинчи томондан, уларнинг ўзи кўлланиш жараёнида ўзлаштирилади.

Шунинг учун жадвалда кўпайтириш ва бўлишни ўрганиш икки босқичга ажратилади. Биринчи босқичда кўпайтириш ва бўлиш амалларининг ўзи ҳақидаги тушунчалар шакллантирилади, уларнинг баъзи хоссалари, натижалар ва бу амалларнинг компонентлари орасидаги боғланишлар ва алоқалар, шунингдек, амалларнинг ўzlари орасидаги боғланишлар очиб берилади. Иккинчи босқичда асосий эътибор ўқувчиларнинг кўпайтириш ва бўлишнинг жадвалдаги ҳолларини ўзлаштиришга қаратилади.

Ҳар бир босқич устида алоҳида тўхталамиз.


Биринчи босқичда даставвал кўпайтириш ва бўлишнинг маъноси очиб берилади. Болалар қўшиш ва кўпайтириш амаллари орасидаги алоқани ўзлаштиришлари, кўпайтиришдаги ҳар бир компонентнинг маъносини тушуна билишлари керак (қўшилувчи қилиб олинаётган сон — кўпаювчи; бир хил қўшилувчилар нечталигини кўрсатувчи сон — кўпайтувчи).

Бўлишнинг аниқ маъноси буюмлар тўпламини бўлиш бўйича амалий ишлар ўtkазиш йўли билан тушунтирилади.

Бунда, болалар бўлишнинг икки турини тушуниб олишлари керак: мазмунига кўра бўлиш ва тенг қисмларга бўлиш, яъни биринчи ҳолда нима маълум, ҳаммаси бўлиб нечта буюмни бўлиш керак ва ҳар бир қисмда нечта буюм борлигини билиш, бундай қисмлар нечта бўлишини топиш керак; иккинчи ҳолда эса нечта буюмни бўлиш кераклиги ва нечта тенг бўлакка бўлиши кераклиги маълум, ҳар бир қисмда нечта буюм борлигини билиш керак.

Кўпайтириш ва бўлишни ўрганиш бошида уларни алоҳида қараб чиқиши керак, чунки бу ерда муҳими кўпайтириш ва бўлиш орасидаги ўзаро боғланишни очиб кўрсатиш эмас, балки шу амалларнинг аниқ маъносини кўрсатишидир.

Болаларни даставвал кўпайтириш (кейин эса бўлиш) амалини киритиш з а р у р л и г и г а қаратиш мақсадга мувофиқдир. Бунга дарсликдаги расм (46-расм) ёрдам беради, унда 5 кубча тасвирланган бўлиб, уларнинг ҳар бирида 3 тадан доирача чизилган. Бу расмга қараб ўқувчилар, расмда ҳаммаси бўлиб нечта доира тасвирланган, деган саволга доираларни оддийгина—битталаб санаш йўли билан деб осон жавоб беришлари мумкин, шунинг учун қўшиш амалини, кейин эса кўпайтириш амалини ёзиш бу ерда масалани ечишнинг ҳақиқий воситаси эмас, балки ўқувчилар энди «дарсда» ўтадиган бироз шартлилик сифатида иштирок этади. Лекин дарсликнинг кейинги бетида 2 тийинлик (4 тий.) танга тасвирланади, кейин эса расмдаги бешта қўғирчоқнинг пулини ҳисоблаш таклиф этилади, уларнинг ҳар бири остида 2 сўм нархи ёзилган. Бу ҳолда битталаб ҳисоблаб бўлмайди, ҳақиқатан ҳам ўқувчилар бир хил қўшилувчиларни қўшишлари керак бўлади.



46-расм.


Бирок ўқитувчи ўқувчиларга берилган тўпламдан бир хил қўшилувчиларни ажратиш зарурлигини (ёки қулайлигини) сездира олса, бу ишни янада фойдали ташкил этиши мумкин. Бу мақсад учун кўпайтиришни киритишга оид тайёргарлик ишини қўйидагича ташкил этиш мумкин.

Набор полотнога бир қаторга жуда кўп (таксминан, 25 та) буюм расмлари тизиб қўйилади. Ўқувчиларга ўз

жойларида ўтирган ҳолда бу буюмларни санаб чиқиш таклиф этилади. Ҳамма бу ишни бажариш анча вақт олишига ишонч ҳосил қилишади. Шунда ўқитувчи суратларни бештадан қилиб, бир-биридан ажратади. Шундан кейин ўқувчилар суратларни бешталаб санашади. Кейин қуидаги саволларга жавоб беришади: нима учун санаш аңча осонлашди? Бунинг учун ўқитувчи нима иш килди?

Шу тарзда курилган машғулотда тенг қўшилувчиларнинг ташкил этилишининг амалий маъноси намоён бўлади.

Объектларни тенг миқдордаги гурухларга бирлаштириш қулий эканлиги ғоясини кўпайтириш амалини киритиш жараёнида ҳам амалга ошириш фойдалидир. Масалан, ўқувчиларга масалаларга оид расмлар остидаги текстни ёзиб (47-расм), тасвирланган буюмларни қулий усул билан санаб чиқиш тавсия этилади. Бир хил қўшилувчилар йигиндинини ҳисоблагандан сўнг «Сонларни қўшишни ҳали яхши билмайдиган биринчи синф ўқувчиси бу буюмларни кандай ҳисоблади?» деб сўраш фойдали. (У буюмларни битталаб санаган бўлар эди.) Бу савол амал усулининг янгилигини таъкидлайди, иккинчи томондан эса бу усулга янги, янада юқори даража берилади.



47- расм.

2- синфда кўпайтириш ва бўлишнинг амалий мазмунини ана шундай тушунтирилади.

Болалар ўзлари кўпайтириш оркали тавсифлашга мос келадиган ҳолатни яратишга интилишлари керак. Масалан, партада саноқ чўпларини шундай жойлаштириш керакки, у кўпайтириш ёзувига тўғри келсин. Бундай «умумий» топшириқнинг бажарилишини баҳолаб, ўқитувчи ҳар бир ўқувчи жойлаштирган саноқ чўпларнинг миқдори билан қизиқмасдан, балки уларнинг жойлашиши тўғрилиги билан (гурухлар сонининг бир хиллиги билан) қизиқади.

Бошқа ҳолда ўқувчилар ўқитувчининг кўрсатмасига биноан аввал чап томонга 8 та чўп, ўнг томонга 4 та чўп

қўйишади ва қўшиш амалини ёзишади. Кейин уларга шу чўпнинг ўзини партага уларни кўпайтириш амали ёрдамида ҳисоблаш осон бўладиган қилиб жойлаштириш таклиф этилади. Жойлаштиришнинг турли вариантлари муҳокама қилинади ва ёзилади. Бунда фақат турли вариантларнигина эмас ($4 \cdot 3$, $6 \cdot 2$), балки буюмларни жойлаштиришнинг ҳар хил шаклига доир тузилган бир хилларини ҳам муҳокама қилиш керак: чўпларни қатор-қатор қилиб ҳам, тўп-тўп қилиб ҳам жойлаштириш мумкин. Шу билан бир нарсанинг — teng қўшилувчиларни ажратишнинг муҳимлиги таъкидланади.

Болаларда иккى кўпайтувчи орасидаги вазифанинг тақсимланишини тушунмаслик ҳоллари кўп учрайди, бунинг олдини олишга қаратилган топшириқларга ўқитувчи катта аҳамият бериши керак: болалар масалалар ечишда бу ёзувдан тўғри фойдалана олишмайди.

Шунинг учун болаларг`а (дарсда, сайдар пайтида, куни узайтирилган гурухда, бунга қулай бўлган истаган пайтда) куйидаги кўринишдаги топшириқларни тавсия этиш лозим.

1. Воҳид кўчада чиройли уйни кўриб, унинг кўча томонидаги деразаларини санамоқчи бўлди. Уларни $6 \cdot 4$ кўринишда санаш осон экан. Воҳид кўрган уйнинг расмини чизинг. Математика дарсида бизни уйнинг чиройли экани кизиқтирмасдан, фақат деразалар сони, уларнинг жойлашиши қизиқтиради. Бундай машқларни бажаришда болаларга шуни сингдириш керакки, агар $6 \cdot 4$ ёзуви берилган бўлса, у ҳолда б сони қўшилувчи тарзида 4 марта олинади. Демак, уй тўрт қаватли бўлиб, ҳар бир қаватда б тадан деразаси бор экан.

2. Тақсимчаларда олмалар турибди. Уларни $4 \cdot 3$ тарзида санаш қулай экан. Парта устига чўпларни, олмалар қандай жойлашган бўлса, шундай қилиб ёйинг (ёки дафтарингизга олмалар каби доирачалар чизинг). Бундай топшириқни бажаришда ўқувчи аввал ифодада берилган сонларнинг қайси бири тақсимчалар сонини, қайси бири ҳар бир тақсимчадаги олмалар сонини англашишини тушуниб олиши керак. Топшириқ бажарилгандан сўнг ифодада ўзгариш қилиш ($5 \cdot 3$) ва ўқувчиларга ўз расмларини ҳам шунга мос равища ўзгартиришни (янгисини чизмасдан, аввалгисини ўзгартиришни) таклиф этиш фойдалидир. Кейин ёзувга яна ўзгартириш киритилади ($5 \cdot 4$) ва расм яна ўзгартирилади. Ўқувчилар олдида бир топшириқни иккинчисига ўзгартириш шунча миқдордаги мустақил топшириқлардан

күпроқ даражада таълимий самара беришини таъкидлаб ўтамиз.

3. 6·3 ифодага мос келадиган байроқчалар чизинг.

Авалги топшириклардан фарқли ўлароқ буюмларнинг мавжуд тўпламини айнан шу усулда санашнинг қулилиги ҳақида эслатилмайди.

4. 4·5 ёзувига оид буюмларни дилда расмини чизинг. Бу ёзувга умумий изоҳ берилади: бу ерда гап олма солинган вазалар ҳақида боради. Нечта вазанинг расмини чизиш керак? (5) 4 сони нимани англатади? (Ҳар бир вазада 4 тадан олма бор.)

Кейин ёзувни ўзгартириш фойдалидир. Бунга изоҳ берилади, бу ерда ҳам ваза ва олмалар ҳақида гапирилади. Нечта ваза расмини чизиш керак? (2) Ҳар бир вазага нечтадан олма расмини чизиш керак? (Биттасига 4 та олма, бошқасига —5.)



$$3+2+1$$



$$3+3+3$$

48- расм.

Шуни эсда тутиш керакки, ўқувчиларнинг аниқ тўпламлар устида тегишли амалларни бажаришдаги тажрибасини кенгайтириш учун буюмлар жуфтлари, учликлари ва бошқаларни санашга алоҳида эътибор берилади.

Бир хил ва ҳар хил қўшилувчиларнинг йиғиндисини топишга доир масалалар (мисоллар) таклиф этилади.

З та кутичанинг ҳар бирида б тадан қалам бор. Кутичаларда ҳаммаси бўлиб нечта қалам бор?

Биринчи кутичада З та қалам, иккинчисида б та, учинчисида 8 та қалам бор. Кутичаларда ҳаммаси бўлиб нечта қалам бор? Бундай масалаларни (мисолларни) буюмлар ёки расмлар билан ифодалаш мақсадга мувофиқдир. Тескари машқларни ҳам киритиш керак: берилган расмларга кўра қўшишга доир масалалар (мисоллар) тузинг (48- расм).

Қўшишга доир мисоллар ва масалалар ечиш жараёнида ўқувчилар бир хил қўшилувчили йиғиндилар борлигини сезишида ва бундай қўшилувчилар нечталигини топишади. Сўнгра бир хил қўшилувчиларни қўшишга доир мисолни қисқача, шу билан бирга кўпаяювчи ва кўпайтувчининг аҳамиятини ўзлаштириб ($7+7+7=21$; $7 \cdot 3=21$) ёзишини ўрганишида. Бунда кўпайтириш белгиси — нуқта киритилиди ва қуйидаги ифодалар берилади: 7 тадан 3 марта олинса, 21 ҳосил бўлади; кейинроқ эса бу қуйидагича ифодаланади: 7 ни 3 га кўпайтирилса, 21 ҳосил бўлади.

Кейин тескари амал бажарилади — қиска ёзув, анча узун ёзувга алмаштирилади, яъни аслида кўпайтма йиғинди билан алмаштирилади ($2 \cdot 4=?$ $2+2+2+2=8$, $2 \cdot 4=8$).

Кўпайтиришнинг сўз билан ифодаланиши билан арифметик ёзуби орасидаги боғланишини ўрнатиш учун бундай машқларни таклиф этиш керак: кўпайтиришга доир мисолларни ўқиши, шунга ўхшаш мисолларни ўқитувчи, кейин ўқувчи айтиб турганда ёзиш.

Кўпайтиришнинг қўшиш билан боғланишини аниқлаш учун расмга кўра мисоллар тузиш фойдалидир (49- расм).

$$\begin{array}{r} 4+4+4+4+4=20 \\ 4 \cdot 5=20 \end{array}$$

Шу вақтнинг ўзида бир хил қўшилувчиларнинг йиғиндисини топишга доир оддий масалаларни ечиш таклиф килинади.

«Салим 2 тийиндан 4 та дафтар сотиб олди. У ҳамма дафтарга неча тийин тўлаган?»



49- расм.

$$\text{Ечилиши: } 2+2+2+2=8$$

$$2 \cdot 4 = 8$$

Ж а в о б: 8 тийин.

Қандай шартлар бажарылғанда йиғиндини күпайтма билан алмаштириш мүмкін ва қаңон алмаштириш мүмкін эмаслигини ўқувчиларға күрсатиш мұхимдір. Бу — бир хил ва ҳар хил қүшилувчили мисолларни ечиш йўли билан амалга оширилади.

1. $5+5+5+5$ қүшишни күпайтириш билан алмаштириңг. $2+3+4+6$ мисолда қүшишни күпайтириш билан алмаштириш мүмкінми? (Йўқ.). Нима учун? (Қүшилувчилар ҳар хил. Қүшилувчилар бир хил эмас.) Қүшишни ҳар доим ҳам күпайтириш билан алмаштириш мүмкінми? (Ҳар доим мүмкін эмас.) Қандай ҳолларда қүшишни күпайтириш билан алмаштириш мүмкін? (Қүшилувчилар бир хил бўлганда.)

2. Бир хил сонлар билан расмлар бўйича қўшишга ва күпайтиришга доир мисоллар тузинг (50- а, б расм).



$$4+2=6$$

50- а расм.



$$4 \cdot 2 = 8$$

50- расм.

Бу мисоллар нимаси билан ўхшаш ва нимаси билан фарқ килишини аниқланг.

Берилган мисолларга кўра ($4+3$ ва $4 \cdot 3$) расм чизинг, натижаларни топинг ва мисолларни таққосланг.

3. Бир хил сонли иккита масала ечинг, бунда бир ҳолда бу сонлар қўшилувчилар бўлади, иккинчи ҳолда — қўпайтувчилар бўлади ва аксинча, берилган ечимларга кўра ($7+3=10$ ва $7 \cdot 3=21$) масалалар тузинг. Масалаларни, шунингдек, уларнинг ечимларини таққосланг.

Кўпайтириш амалининг аниқ маъносини ўзлаштиришга тенгликни ва тенгсизликни ифодаловчи маҳсус машқлар ёрдам беради:

а) Ифодаларни таққосланг ва $>$ ёки $<$, $=$ белгисини кўйинг:

$$8 \cdot 2 * 8 \cdot 3$$

$$17 \cdot 5 * 17 \cdot 4$$

$$4+4+4 * 4 \cdot 2$$

$$3 \cdot 4 * 2 \cdot 4$$

$$6 \cdot 3 * 6 \cdot 6 + 6$$

$$4 \cdot 7 + 4 * 4 \cdot 9$$

Охириги топширикни бажаришда ўқувчи келтирган тушентиришни келтирамиз: «Чапда еттита тўрт ва яна битта тўрт — ҳаммаси бўлиб 8 та тўрт бор, ўнг томонда эса улар 9 та. Чапда тўртлар ўнгдагидан кам, демак, чапда кам чиқади, белги қўямиз: $<$.

б) Ёзувни тугалланг: $9+9+9+9=9 \cdot \square$; $8+8+8>8 \cdot \square$; $7+7+7+7<7 \cdot \square$.

Шуни айтиб ўтиш керакки, машқларга факат бир хонали кўпайтувчиларгина киритилмасдан ($4 \cdot 3$), балки икки хонали кўпайтувчилар ҳам киритилади ($12 \cdot 3$). Бу иш ўқувчиларнинг мазкур босқичда ўзларига таниш бўлган кўпайтириш ва қўшиш орасидаги ўзаро алоқадан амалий фойдаланишлари, қўшишнинг турли ҳолларини бажаришда машқ килишлари ва шу билан кўпайтириш амалининг аниқ маъносини яхширок ўзлаштириб олишлари ва биратула қўшиш малакаларини мустаҳкамлашлари учун қилинган.

Мазкур босқичда бўлиш кўпайтиришга боғланмаган ҳолда қараб чиқилади. Бу ерда болалар асосан тўпламлар устида амаллар бажариш тажрибасини эгаллашлари керак: берилган буюмлар тўпламини (12 та доирача) 3 тадан доирачага бўлишга (мазмунига кўра бўлиш) ёки «тeng бўлакларга бўлиш» ни бажариш (берилган буюмлар тўпламини teng қисмларнинг маълум сонига бўлиш) ва тегишли ёзувни расмийлаштиришни (12 : 3=4) ўрганишлари керак.

Аввал ўқувчилар мазмунига кўра бўлиш билан танишадилар, бир неча дарсдан кейин эса teng қисмларга бўлиш билан танишадилар. Бўлишнинг икки тури билан танишишнинг бундай тартиби қўйидагича мулоҳазаларга асосланади. Биринчидан, амалда мазмунига кўра бўлиш teng қисмларга бўлишдан осон; иккинчидан, мазмунига кўра бўлиш teng қисмларга бўлишнинг таркибий бўфини ҳисобланади. Буни мисолда кўрсатамиз.

18 та доирачани б та teng қисмга бўлиш керак бўлсин. Аввал 18 дан «ҳар бир қисмга» биттадан кўйиш мумкин бўлган доирачалар оламиз, яъни б та оламиз, кейин яна б ва яна б та доирача оламиз. Шундай қилиб, ҳар бир қисмда 18 та доирачада б та доирачадан нечта бўлса, шунча доирача бўлади, бу «мазмунига кўра» бўлишдир.

Бўлиш амалининг аниқ маъноси масалалар ечиш жараёнида очилади. Ҳар бир масалани ечишда ўқувчилар буюмлар тўпламини бевосита амалда бўлишади: олмаларни вазага солишади, бодрингларни саватга, қаламларни қутига жойлашади ва ҳоказо. Ўқувчилар мазмунига кўра бўлишда ва teng қисмларга бўлишда қандай мулоҳаза юритишини кўрсатамиз.

1) Бувим б та олмани ҳар бир тақсимчага 2 тадан қилиб кўйди. Нечта тақсимча керак бўлди? Ўқувчилар б та олма санашади. Ундан 2 тасини олишади, яна 2 та ва яна 2 та олишади. Бу олмаларни тақсимчаларга кўйишади. З ҳосил бўлади. Ечилиши: 6 : 2=3. Жавоб: 3 та тақсимча. Бу ҳолда бўлиш бундай ўқилади: б ни 2 га бўлинса, З ҳосил бўлади.

2) «Ўқитувчи 10 та дафтарни 5 ўқувчига баравардан бўлиб берди. Ҳар бир ўқувчи нечтадан дафтар олган?»

— Ҳар бир ўқувчига 1 тадан дафтар бериш учун нечта дафтар керак?

— 5 та дафтар олинг ва ҳар бир ўқувчига 1 тадан дафтар беринг.— Иккинчи марта 5 та дафтар олинг ва ҳар бир ўқувчига иккинчи дафтарни беринг. Ҳамма дафтар тарқатиладими?

— Ҳар бир ўқувчи нечтадан дафтар олган?

Е ч и л и ш и: 10 : 5 = 2. Ж а в о б: 2 тадан дафтар олган.

Бўлишнинг ёзуви бу ҳолда бундай ўқилади: 10 ни 5 та бир хил қисмга бўлинса, 2 тадан чиқади.

Бўлиш натижалари, кўпайтиришдагидек, мазкур босқичда ёдлаб олинмайди.

Кейинчалик машқлар бироз мураккаблаштирилади:

1) Бир хил кўпаючили (3·4 ва 3·5) ёки бир хил кўпайтирувчили (6·5 ва 7·5) мисоллар жуфтини таққосланг. Таққослаш жаравёнида ўқувчилар қайси мисолда натижакатта ва қанча катта эканини, бир мисол натижасидан фойдаланиб, иккинчисининг натижасини қандай ҳосил қилиш мумкинлигини аниқлашлари керак.

3·4 ва 3·5 мисолларнинг биринчи жуфтини таққослашда ўқувчилар қуйидаги тарзда мулоҳаза юритишади: «Иккинчи мисолда натижакатта ва қанча катта эканини, бир мисол натижасидан фойдаланиб, иккинчисининг натижасини қандай ҳосил қилиш мумкинлигини аниқлашлари керак.

Иккинчи мисоллар жуфти 6·5 ва 7·5 ни таққослаганда ўқувчилар бундай мулоҳаза қилишади:

«Биринчи мисолда 6 сони қўшилувчи қилиб 5 марта олинади ($6+6+6+6+6$). Иккинчи мисолда 7 сони қўшилувчи қилиб 5 марта олинади ($7+7+7+7+7$). Иккинчи мисолда ҳар бир қўшилувчи биринчидан битта ортиқ, бундай қўшилувчилар ҳам бешта. Демак, 5 бирлик ортиқ ҳосил бўлади ($6 \cdot 5 = 30$, $7 \cdot 5 = 6 \cdot 5 + 5 = 30 + 5 = 35$, $7 \cdot 5 = 35$). Бўлишга доир ҳам шунга ўхшашибор мисоллар жуфтлари тавсия қилинади ($15 : 3$ ва $18 : 3$, $12 : 3$ ва $12 : 4$).

Кўпайтириш ва бўлишга доир шунга ўхшашибор мисоллар кўпайтма ёки бўлинманинг бу амаллар компонентларидан бирининг ўзгаришига боғлиқ ҳолда ўзгариш характеристерини кузатишга имкон беради.

2) Қуйидаги кўринишдаги мисолни икки усул билан ечинг: $6 \cdot 4 + 6$, $6 \cdot 4 - 6$, $6 \cdot 8 + 6 \cdot 2$. Биринчи усул: биринчи мисолда 24 кўпайтмага 6 қўшилади, иккинчи мисолда ўша кўпайтмадан 6 айрилади, учинчисида 48 кўпайтмага 12 кўпайтма қўшилади. Иккинчи усул: биринчи мисолда ($6 \cdot 4 + 6 = 6 + 6 + 6 + 6 + 6$) 6 сони қўшилувчи қилиб 5 марта олинади, иккинчи мисолда ($6 \cdot 4 - 6 = 6 + 6 + 6 + 6 - 6$)

фақат 3 марта, учинчи мисолда эса $(6 \cdot 8 + 6 \cdot 2) = 6 + 6 + 6 + 6 + 6 + 6 + 6 + 6 + 6 + 6$ 10 марта олинади.

3) Бир хил сонлар билан турли амалли түрттә мисолни таққосланг: $15 + 3$, $15 - 3$, $15 \cdot 3$ ва $15 : 3$, мисоллар нимаси билан ўхшаш, нимаси билан фарқ килади, қайси мисолда жавоб энг катта, қайсинасида энг кичик, бу мисолларни натижанинг ортиб бориши тартибида ёзинг.

Бу даврда ўкувчилар амалларнинг номи билан, шунингдек, кўпайтириш ва бўлиш компонентлари ва натижалари билан танишадилар: кўпаювчи, кўпайтирувчи (кейин кўпайтувчилар), кўпайтма, кейинчалик — бўлинувчи, бўлувчи, бўлинма.

Бу ерда болалар «кўпайтма» ва «бўлинма» атамалари фақат амал натижаларини англашмасдан, балки тегишли ифодани: $4 \cdot 30$, $20 : 5$ ва ҳоказо англашишини билиб олишади.

Санаб ўтилган атамаларни жадвалга ёзиш фойдалидир:
Кўпайтиришда сонлар қандай аталишини ёдингда тут:

5	·	3	=	15
кўпаювчи		кўпайтирувчи		кўпайтма
$5 \cdot 3$ — бу ҳам кўпайтма				

Бўлишда сонлар бундай аталади:

8	:	4	=	2
бўлинувчи		бўлувчи		бўлинма
$8 : 4$ — бу ҳам бўлинма				

Янги атамаларни ўзлаштириш учун қуийдаги машқлар тавсия этилади:

1) $7 \cdot 4 = 28$ мисолида кўпаювчи, кўпайтирувчи, кўпайтма ни айтинг.

2) $4 \cdot 3$ мисолни ҳар хил ўкинг. (Кўпаювчи 4, кўпайтирувчи 3. Биринчи кўпайтувчи 4, иккинчи кўпайтувчи 3. 4 билан 3 сонларининг кўпайтмасини топинг. 4 ни 3 га кўпайтиринг. 4 тадан 3 марта олинг. 4 сони қўшилувчи килиб 3 марта олинади.)

3) Диктовка остида (айтиб турилганда) мисол ёзинг.

Аввал мисолларни ўқитувчи айтиб туради, кейин ўқувчилар айтиб туришади. Мисоллар ҳар хил ўқилади.

4) Жадвални тўлдиринг:


Кўпаювчи	3	4	5
Кўпайтирувчи	2	3	2
Кўпайтма			

Жадвалда нима маълум? Нима номаълум? Ҳисобланга ва бўш катакларни тўлдиринг. Жадвал бўйича кўпайтиришга доир мисоллар тузинг. Тескари масала ҳам берилади: кўпайтиришга доир бир устун мисол ечилгандан сўнг уларни жадвалга ёзиш таклиф этилади.

Бўлишга доир ҳам худди шунга ўхшаш топшириқлар бериш лозим.

Кўпайтириш амалини ўрганишдаги кейинги босқич — кўпайтманинг ўрин алмаштириш хоссасини тушунтиришdir. Бу хоссани билиш даставвал кўпайтириш амалини тушуниш учун, ундан ташқари, бу хоссани билиш ёддан билиш зарур бўлган ҳоллар сонини деярли икки марта камайтириш имконини беради. Икки мисол (3·3 ва 3·8) ўрнига ўқувчилар факат биттасини ёдда сақлаб қолишади.

Кўпайтиришнинг ўрин алмаштириш хоссасини ўқувчиларнинг ўзлари «очишлари» мумкин, бунда катаклар (доирачалар, тугмачалар, юлдузчалар ва ҳоказолар) қатори кўринишидаги маълум кўрсатмали намуналардан фойдаланилади (51- расм).



51- расм.

Ўқувчиларга ҳаммаси бўлиб нечта катак (доирача, тутмача) расми солинганини икки усул билан билиш ($4 \cdot 3 = 12$ ва $3 \cdot 4 = 12$) ва олинган мисолларни таққослаш таклиф этилади: улар нимаси билан ўхшаш (кўпайтувчилар бир хил, кўпайтмалар тенг), нимаси билан фарқ қиласди (кўпайтувчиларнинг ўринлари алмашган). Буни $4 \cdot 3 = 3 \cdot 4$ кўринишида ёзиш мумкин. Шунга ўхшаш бир нечта топшириклар бажарилгандан сўнг хулоса ифодаланади: «кўпайтувчиларнинг ўрнини алмаштиришдан кўпайтма ўзгармайди». Мазкур хосса умумий ҳолда ҳарфлар ёрдамида бундай ёзилади: $a \cdot b = b \cdot a$.

Кўпайтманинг ўрин алмаштириш хоссасини ўзлаштиришга қуидаги машқлар ёрдам беради.

1) Биринчи мисолнинг натижасидан фойдаланиб, иккинчи мисолнинг натижасини хисобланг:

$$8 \cdot 6 = 48$$

$$9 \cdot 4 = 36$$

$$15 \cdot 2 = 30$$

$$6 \cdot 8 =$$

$$4 \cdot 9 =$$

$$2 \cdot 15 =$$

2) Юлдузчалар ўрнига $>$, $<$ ёки = белгисини қўйинг:

$$6 \cdot 3 * 3 \cdot 6$$

$$7 \cdot 4 + 5 * 5 \cdot 7$$

$$2 \cdot 9 * 9 \cdot 3$$

$$8 \cdot 7 - 8 * 7 \cdot 8$$

3) Юлдузча ўрнига ёзилмаган амал ишорасини қўйинг:

$$7 * 2 = 2 \cdot 7$$

$$3 \cdot 4 = 4 * 3$$

4) Ташлаб кетилган сонларни ўрнига қўйинг:

$$2 \cdot 5 = 5 \cdot \square$$

$$7 \cdot \square = 2 \cdot 7$$

$$4 \cdot 5 = \square \cdot 4$$

$$\square \cdot 6 = 6 \cdot 4$$

Кўпайтиришнинг ўрин алмаштириш хоссаси киритилгандан сўнг кўпайтувчиларнинг тартибини инобатга олмаслик учун айниқса яхши шароит яратилади — барibir натижа бир хил бўлади. Бу пайтда яна расм солишга қайтиш фойдалидир. Масалан, $4 \cdot 3$ ва $3 \cdot 4$ ифодаларга изоҳ берилади: биринчи ифодада қатиқли шиша ҳакида, иккинчисида эса лимонадли шиша ҳакида гапирилади. Қайси бири кўп: қатиқ қўйилган пиёлаларми ёки лимонад қўйилган пиёлаларми? Ўқувчилар ўрин алмаштириш хоссасига таяниб қатиқ ва лимонад микдори бир хил деб жавоб беришади. Қатиқ ва лимонад шишалари расмини солиш ва ҳар бирига ундаги пиёлалар микдорини ёзиб қўйиш тавсия қилинади. Расмларни вариантлари бўйича бажариш мумкин: қатиқли шишаларни баъзи бир ўқувчилар, лимонадли шишаларни бошқалари чизади. Расм солингандан қейин


тасвирлардаги фарқнинг сабаблари аниқланади ва масалалардаги натижалар бир қил бўлса ҳам, уларнинг мазмуни турлича экани таъкидланади.

Бўлишда ҳам шунга ўхшаш машқлар ўтказилади.

Кўпайтириш ва бўлишнинг жадвал ҳолларини ўрганишда яхши шароит яратиш учун кўпайтириш ва бўлиш орасидаги боғланиш тушунтирилади, шунингдек, бўлишнинг икки тури умумлаштирилади. Бу билимларга таяниб, ўқувчилар кўпайтиришнинг ҳар бир ҳоли асосида бўлишнинг мос ҳолларини олишлари мумкин: $7 \cdot 3 = 21$, $21 : 7 = 3$, $21 : 3 = 7$. Бу масалаларни ўз вақтида ўзлаштириш ўқувчиларни бўлишнинг учта «жадвалини» (тeng қисмларга бўлиш, мазмунига кўра бўлиш, «умумлаштирилган» кўринишда бўлиш) ёдан билиш бўйича маҳсус ишнинг зарурлигидан ҳалос қиласди.

Кўпайтириш ва бўлиш орасидаги боғланиш қуидаги тарзда очиб борилади:

Ўқувчилар расм (52- расм) бўйича аввал кўпайтиришга доир мисол тузишади. 4 тадан коптоқнинг расми неча марта солинган? Ҳамма коптоқлар нечта? Ечимни кўпайтириш билан ёзинг. Кейин бўлишга доир иккита мисол тузилади. 12 та коптоқни 4 тадан қилиб бўлсак, нечта бўлади? Агар 12 та коптоқни teng уч қисмга бўлсак-чи?



52- расм.

Ечилишининг ёзуви: $4 \cdot 3 = 12$

$12 : 4 = 3$

$12 : 3 = 4$

Кейин ўқувчилар бўлишга доир мисолларни кўпайтиришга доир мисол билан таққослашади ва 2- мисолда кў-

пайтма (12) кўпаювчи (4) га бўлинган ва кўпайтирувчи (3) ҳосил қилинган; 3- мисолда кўпайтма (12) кўпайтирувчи (3) га бўлинади ва кўпаювчи (4) ҳосил қилинади. Шунга ўхшаш бир қанча машқлар бажарилгандан сўнг ўқувчилар хулоса чиқаришади: агар икки соннинг кўпайтмаси кўпайтиувчилардан бирига бўлинса, у ҳолда иккинчи кўпайтиувчи ҳосил бўлади.

Ўқувчиларнинг кўпайтириш ва бўлиш орасидаги ўзаро боғланишни ўзлаштиришларига эришиш учун бундай машқларни тавсия қилиш лозим.

1) Кўпайтиришга доир мисолга кўра бўлишга доир иккита мисол тузинг, масалан: $3 \cdot 7 = 21$, $21 : 3 = 7$, $21 : 7 = 3$.

2) Мисолларни намунага кўра ечинг:

$$\begin{array}{lll} 7 \cdot 2 = 14 & 8 \cdot 3 = & 6 \cdot 4 = \\ 14 : 7 = 2 & \dots \dots & \dots \dots \\ 14 : 2 = 7 & \dots \dots & \dots \dots \end{array}$$

3) Факат берилган сонлардан фойдаланиб, масалан, 3, 7, 2 га кўпайтириш ва бўлишга доир тўртта мисол тузинг ($3 \cdot 7 = 21$, $7 \cdot 3 = 21$, $21 : 7 = 3$, $21 : 3 = 7$).

Қуйидаги кўринишдаги 4 устун мисолларни ечинг:

$$\begin{array}{llll} 2 \cdot 8 & 8 \cdot 2 & 16 : 2 & 16 : 8 \\ 9 \cdot 3 & 3 \cdot 9 & 27 : 9 & 27 : 3 \\ 5 \cdot 4 & 4 \cdot 5 & 20 : 5 & 20 : 4 \end{array}$$

Ўқувчилар кўшишдан фойдаланиб, биринчи устундаги мисолларни ечишади, кейин кўпайтиришнинг ўрин алмаштириш ҳоссасидан фойдаланиб, иккинчи устундан мисолнинг натижасини топишади, ниҳоят, кўпайтириш ва бўлиш орасидаги ўзаро боғланишни билганликдан фойдаланиб, учинчи ва тўргинчи устундаги мисолларни ечишади.

Ўқувчилар бўлишнинг икки турини умумлаштиришга мазмунига кўра бўлишга ва тенг бўлакларга бўлишга доир бир хил сонлар қатнашган иккита содда масаланинг ечимларини таққослаш йўли билан келтирилади: «8 та доирачани 2 та доирачага бўлинг ва ечимини ёзинг. 8 та доирачани 2 та тенг қисмга бўлинг ва ечимини ёзинг. Ечимларни ва жавобларни таққосланг. Жавоблар нимаси билан ўхшаш ва улар нимаси билан фарқ қиласди?»

Дидактик материал билан ишлаш жараёнида бўлишнинг икки тури орасидаги боғланишни кўрсатиш керак: тенг қисмларга бўлиш ҳолларида 2 тадан доирача оламиз ва уларни биттадан 2 та тенг қисмга бўламиз. Демак, ҳар бир қисмда 8 да 2 сони неча марта бўлса, шунчадан доирача бўлади. Аввал кўрсатиш анча осон бўлган масалалар

берилади (сабзиларни боғлаш, нокларни тақсимчаларга жойлаш ва ҳоказо). Кейинчалик яна ҳам қийин масалалар тавсия қилинади.

1) 12 сўмга 4 м бир хил газлама сотиб олинади. Шу газламанинг 1 метри неча сўм туради?

2) 12 сўмга бир метри 4 сўмдан газлама сотиб олинди. Неча метр газлама сотиб олинган?

Хар бир масаланинг ечими ва жавоби ёзилгандан сўнг масалалардаги, ечимлардаги ва жавоблардаги ўхшашлик ва фарқ аниқланади. Берилган бир хил сонларга (12 ва 4) ҳамда жавоблардаги бир хил сонларга (3) алоҳида зътибор берилади. Бир қанча шунга ўхшаш машқларни бажаргандан сўнг ўқувчилар иккала ҳолда — тенг бўлувчиларда ва тенг бўлинувчиларда ҳам тенг бўлинмалар ҳосил бўлади деган фикрга келтирилади.

Иккинчи босқичда олинган билимларга таянган ҳолда ўқувчилар жадвалда кўпайтириш ва бўлишни ўрганишади.

Бироқ ўқитувчи шуни эсда тутиши керакки, биринчи ва иккинчи босқичлар вақт бўйича бўлинмайди. Улар умуман, параллел ҳолда ўрганилади, бир-бирининг ичига сингиб кетади. Қўлланмада ҳар бир масалани ўрганиш услугиб уни ўқитувчи янада мақсадга мувофиқ идрок қилиши учун алоҳида баён қилинади.

Янги программага кўра 2 ва 3 сонлари билан жадвалда кўпайтириш доимий кўпаючи бўйича алоҳида ўрганилади ($2 \cdot 3$, $2 \cdot 4$; $2 \cdot 5$ ва ҳоказо). Бу ҳолда жадвални тузишда ҳар бир кейинги мисолнинг натижасини олдингисидан фойдаланиб ҳосил қилиш осон (агар $3 \cdot 2 = 6$ бўлса, у ҳолда $3 \cdot 3 = 3 \cdot 2 + 3$).

2 сонини кўпайтириш жадвали билан танишишда (дастлабки тўртта ҳол) ўқитувчи уни доскага ёзади, болалар эса ўқишиади: «2 ни 2 га кўпайтириш, 2 ни 3 га кўпайтириш» ва ҳоказо. Ўқитувчи бундай дейди: «Бу мисолларнинг натижаларини ҳисоблаб, биз 2 сонига кўпайтириш жадвалини ҳосил қиласиз, уни ёдда саклаш керак. Агар 2 ни 2 га кўпайтирилса, неча ҳосил бўлишини қандай билиш мумкин? ($2+2=4$, демак, 2 ни 2 га кўпайтирасак, 4 ҳосил бўлади.) Буни ёзаман. Агар 2 ни 3 га кўпайтирилса, неча ҳосил бўлишини қандай билиш мумкин? ($2+2+2=6$, демак, 2 ни 3 га кўпайтирасак, 6 ҳосил бўлади.) Биринчи мисол натижасидан фойдаланиб, 2 ни 3 га кўпайтирганда неча ҳосил бўлишини қандай билиш мумкин? ($2 \cdot 2 = 4$ ва яна $2 \cdot 2$ га 2 ни қўшиш керак, 6 ҳосил бўлади.) Агар 2 ни 4 га кўпайтирилса, неча ҳосил бўлишини билинг (2 сонини қўшилувчи

килиб 4 марта оламиз, бу $2+2+2+2=8$, демак, $2 \cdot 4=8$, б 6 га 2 ни қўшиш мумкин, 8 ҳосил бўлади, бу $2 \cdot 3$ ва яна 2.)

Иккини 5 га, 6, 7, 8, 9 га кўпайтириш жадвалини тузиша-да кўпайтмани ҳосил бўлишининг бошқа усули ҳам кўрса-тилади (қўшилувчиларни гурухлаш). Натижада болалар иккига кўпайтиришнинг бутун жадвалини ҳосил қилишади.

$2+2$	$2 \cdot 2=\square$
$2+2+2$	$2 \cdot 3=\square$
$2+2+2+2$	$2 \cdot 4=\square$
$2+2+2+2+2$	$2 \cdot 5=\square$
$\underline{2+2+2+2+2+2}$	$2 \cdot 6=\square$
$\underline{\underline{2+2+2+2+2+2+2}}$	$2 \cdot 7=\square$
$\underline{\underline{\underline{2+2+2+2+2+2+2+2}}}$	$2 \cdot 8=\square$
$\underline{\underline{\underline{\underline{2+2+2+2+2+2+2+2+2}}}}$	$2 \cdot 9=\square$

Учга, тўртга, бешга, олтига, еттига, саккизга, тўққизга кўпайтириш жадвали худди шунингдек тузилади ва ўрганилади.

Кўпайтириш жадвалини тузишда кўрсатмали қўлланма сифатида квадрат сантиметрларга бўлинган квадрат де-циметрдан фойдаланиш мумкин. «Бурчаклик» ёрдамида бир хонали сонларнинг истаган кўпайтмаси белгиланади, расмда 8 ва 4 сонларнинг кўпайтмаси тасвирланган (бир қаторда 8 квадрат, бундай қаторлар 4 та). Мазкур кўпайтмани турлича белгилаш мумкин.

Сўнгра ҳар бир мисолдан кўпайтиришга доир яна битта мисол (кўпайтиришнинг ўрин алмаштириш хоссасига асосан) ва бўлишга доир иккита мисол тузилади (кўпайтириш билан бўлиш орасидаги боғланиш асосида).

Масалан:

I	II	III	IV
$3 \cdot 2=6$	$2 \cdot 3=6$	$6 : 3=2$	$6 : 2=3$
$3 \cdot 3=9$	$3 \cdot 3=9$	$9 : 3=3$	$9 : 3=3$
$3 \cdot 4=12$	$4 \cdot 3=12$	$12 : 3=4$	$12 : 4=3$
$3 \cdot 5=15$	$5 \cdot 3=15$	$15 : 3=5$	$15 : 5=3$

Кўпайтиришга доир мисоллар турлича ўқилади, шу жумладан, қисқача ҳам ифодаланади. Масалан: 3 тадан 5 марта олинса, 15 ҳосил бўлади, уч карра беш — ўн беш: 3 ни 5 га кўпайтирилса, 15 ҳосил бўлади; 3 ни 5 марта орттирилса, 15 ҳосил бўлади; биринчи кўпайтувчи 3, иккинчиси 5, натижа — 15, 3 ва 5 сонларнинг кўпайтмаси 15 га тенг.

Бўлишга доир мисолларни болалар бундай ўқишиади: 12 ни 3 га бўлинса, 4 чиқади; 12 ва 3 сонларнинг бўлинмаси

4; бўлинувчи 12, бўлувчи 3, бўлинма 4; 12 ни 3 марта камайтирилса, 4 ҳосил бўлади.

Юқорида келтирилган тўртта устун мисоллардан фақат иккинчиси ёдланади.

Ёдлаб олиш керак бўлган кўпайтириш жадвалининг асосий ҳолларини келтирамиз:

2·2													
3·2	3·3												
4·2	4·3	4·4											
5·2	5·3	5·4	5·5										
6·2	6·3	6·4	6·5	6·6									
7·2	7·3	7·4	7·5	7·6	7·7								
8·2	8·3	8·4	8·5	8·6	8·7	8·8							
9·2	9·3	9·4	9·5	9·6	9·7	9·8	9·9	9·9	9·9				

Бу жадвалларга 1 ва 10 сонлари билан кўпайтириш ҳоллари киритилмаган. Бир хил кўпайтувчили иккита кўпайтириш ҳолларидан (2·3 ва 3·2) жадвалга фақат биттаси киритилган. Агар, биринчидан, 2 ва 5 сонлари қатнашган кўпайтириш жадвали ёдда осон қолишини, иккинчидан, бир хил кўпайтувчили деярли ҳамма кўпайтмалар (3·3, 4·4 ва ҳоказо) ёдда осон қолишини, учинчидан, турлича сабабларга кўра (ритм, қофия) яна бошқа кўпайтмалар тез ёдда қолишини ҳам ҳисобга олинса, у ҳолда айтиб ўтилган ҳолларни олиб ташлагандан сўнг 36 та асосий ҳолдан жадвалда кўпайтиришнинг ўкувчилар дикқатини алоҳида жалб қилиш керак бўлган тахминан ўн-ўн бешта ҳол қолади.

Жадвалларни ўрганиш жараёнида ва кейинроқ ҳам жадвал натижаларини ёдлаб олишга доир маҳсус машқларга катта эътибор бериш керак.

1) Кўпайтириш ва бўлишга доир бир хил сонли тўртта мисол тузинг ($4\cdot3=12$, $3\cdot4=12$, $12:4=3$, $12:3=4$); жадвалларни тартиб билан ва ҳар жойидан такрорланг, хотира бўйича кўпайтиришнинг асосий ҳолларини тузинг (юқорига қаранг).

2) Берилган кўпайтмага (24) мос кўпайтувчилар танланг (8 ва 3, 6 ва 4), ўйланган сонни топинг (агар уни 8 га кўпайтириб, 72 ҳосил қилинган бўлса) ва бошқалар.

3) Жадвалдан фойдаланиб, $15:3$, $28:7$, $56:8$ бўлинмаларни топинг.

4) Биринчи (иккинчи ва ҳоказо) сатрдаги ҳар бир кейинги сон аввалгисидан неча бирлик катта? Нима учун айни бир сонга катта?

5) Биринчи сатрдаги ҳар бир сонни иккинчи сатрда унинг остида турган сонга қўшиг. Нима учун шу устундаги учинчи сатрда турган сон ҳосил бўлади?

6) Тўртингчи сатрдаги, бешинчи сатрдаги (айни бир устунда) сонларни ҳосил қилиш учун қайси иккита сатрдаги сонларни қўшиш керак?

7) Тўртингчи сатрдаги сонлардан учинчи сатрда унинг остида турган сонларни айтинг. Сиз қайси сатрдаги сонларни ҳосил қилдингиз? Нима учун?

Устунларга нисбатан шунга ўхшаш машқларни назарда тутиш керак. Шундай қилиб, «Жадвалда кўпайтириш ва бўлиш» мавзуини ўрганиш натижасида ўқувчилар, биринчидан, назарий билимларнинг маълум ҳажмини ўзлаштиришлари керак: кўпайтириш амали ҳақида бир хил қўшилувчиларнинг йифиндисини топиш сифатидаги тушунча, тенг қисмларга бўлиш ва мазмунига кўра бўлишнинг аниқ маъноси, кўпайтириш ва бўлиш компонентлари натижаларининг номи, бўлишнинг икки турини умумлаштириш; бўлиш кўпайтиришга тескари амал сифатида, кўпайтма ва маълум кўпайтuvчига кўра номаълум кўпайtuvчини топиш (коида); номаълум бўлинувчини ва бўлувчини топиш (коида), кўпайтиришнинг ўрин алмаштириш хоссаси, бирни ва бирга кўпайтириш, бирга бўлиш ва бўлинувчига тенг натурал сонга бўлиш.

Иккинчидан, ўқувчилар бир хонали сонларни кўпайтиришни ёддан билишлари, жадвалда кўпайтиришнинг малакаларини тўла автоматлаштиришга эришиш, жадвалда бўлиш натижаларини бўлиш ва кўпайтириш орасидаги ўзаро боғланиш асосида жуда тез топиш кўникмасини эгаллаш.

Учинчидан, ўқувчилар қўйидаги баъзи ҳисоблаш усулларини ўзлаштириб олишлари керак: кўпайтиришга доир мисолларни қўшиш билан ечиш, кўпайtuvчиларни ўрин алмаштириш усули, бир хил қўшилувчиларни группалаш (гурухлаш) усули.

0, 1 ва 10 сонлар билан кўпайтириш ва бўлиш. Бошлангич синфларда 1 ва 10 га кўпайтириш ҳамда бўлиш, нолни ва нолга кўпайтириш, нолни бўлиш ва ҳисоблашларни бажаришда тегишли билимларни қўлланиш малакалари яхшилаб ишлаб чиқилиши керак.

Биринчи босқичда ўқувчилар 1 ва 10 сонлари билан кўпайтириш ва бўлиш ҳолларини ўзлаштирадилар ($1 \cdot 3 = 3$, $3 \cdot 1 = 3$, $3 : 3 = 1$, $3 : 1 = 3$, $10 \cdot 3 = 30$, $30 : 3 = 10$, $30 : 10 = 3$). Бу ҳоллар жадвалдан олиб ташланади, натижада ёдлаб

олиш керак бўладиган ҳоллар сонини камайтиради. Натижаларни ёдда сақлагандан кўра 1 ва 10 сонлари билан кўпайтиришнинг умумий усулларини ўзлаштириш осон.

Аввал бирни ўзидан катта сонга кўпайтириш ҳоли олинади ($1 \cdot 2$, $1 \cdot 4$, $1 \cdot 6$ ва ҳоказо). Бу ҳолда натижажа қўшиш билан топилади ($1 \cdot 2 = 1 + 1 = 2$). Кейин ўқувчиларга ечилган мисолларга дикқат билан қараш ва уларда умумий нарсани сезишга ҳаракат килиш таклиф этилади. Бу ишнинг бориши жараёнида ўқувчилар ўқитувчи раҳбарлигига хуласалар чиқарадилар, агар кўпаювчи 1 га teng бўлса, у ҳолда кўпайтма кўпайтирувчига teng бўлади. Шунга ўхшаш мисоллар шу хулоса асосида ҳал қилинади.

Кейин ўқувчилар 1 га кўпайтириш қоидаси билан танишадилар. Агар кўпайтирувчи 1 га teng бўлса, у ҳолда кўпайтма кўпаювчига teng бўлади. Масалан: $4 \cdot 1 = 4$, $12 \cdot 1 = 12$, $a \cdot 1 = a$. Бу ерда кўпайтиришни қўшиш билан алмаштириш усулидан фойдаланиб бўлмайди. Шунинг учун болаларга қоидани маълум қилиш ва бундан кейин ҳисоблашларда фойдаланиш керак.

Бўлинувчига teng бўлган сонга бўлиш ($3 : 3 = 1$) бўлишнинг аниқ маъноси асосида очиб берилади; 3 та қаламни 3 қутичага баравардан бўлиб қўйинг; у ҳолда ҳар бир қутичада биттадан қалам бўлади.

Бирга бўлиш кўпайтириш ва бўлиш орасидаги ўзаро боғланиш асосида киритилади: $1 \cdot 4 = 4$ эканини билган ҳолда $4 : 1 = 4$ эканини топамиз.

10 ни кўпайтиришда ($10 \cdot 2 = 20$) ўқувчилар ҳисоблаш усулидан фойдаланишади; 10 ни 2 га кўпайтириш учун 1 ўнликни 2 га кўпайтириш мумкин; натижада 2 ўнл. ёки 20 ҳосил бўлади, 10 га кўпайтирганда ($2 \cdot 10 = 20$) болалар кўпайтиришнинг ўрин алмаштириш хоссасидан фойдаланишади. Бўлишда ($20 : 2 = 10$ ва $20 : 10 = 2$) кўпайтириш ва бўлиш орасидаги ўзаро боғланишни билишдан фойдаланилади.

Шундан сўнг кўпайтириш ва бўлишнинг маҳсус ҳоллари караб чиқилади: бу нолни нолга teng бўлмаган сонга кўпайтириш, нолга кўпайтириш, нолни бўлишдир ($0 \cdot 4$, $4 \cdot 0$, $0 : 4$).

Аввал нолни истаган сонга кўпайтириш олинади ($0 \cdot 5$, $0 \cdot 2$, $0 \cdot 7$), натижажа қўшиш билан топилади ($0 \cdot 2 = 0 + 0 = 0$). Шунга ўхшаш бир қатор мисолларни ечиб, ўқувчилар ҳар доим нолни истаган сонга кўпайтирганда кўпайтма нолга teng бўлишини сезишади.

Агар кўпайтирувчи нолга teng бўлса, у ҳолда натижани қўшиш амали билан топиб бўлмайди. Шунинг учун

ўқитувчи ўқувчиларга иккинчى қоидани айтади: «Истаган сонни нолга күпайтирганда жүпайтма нолга тенг бўлади».

Сўнг иккала қоида ҳисоблашга доир турлича машкларни бажаришда қўлланилади.

Нолни нолга күпайтириш ҳолини алоҳида қараб чиқиш керак. Иккала қоидадан истаганидан фойдаланиб, күпайтмада нолни ҳосил қиласиз.

Нолни нолга тенг бўлмаган истаган сонга бўлиш ($0 : 6$) күпайтириш билан бўлиш орасидаги ўзаро боғланиш асосида қараб чиқилади. Ўқувчилар бундай мулоҳаза юритишади: нолни б га бўлиш учун шундай сонни топиш керакки, уни б га күпайтирганда (ёки б ни изланаетган сонга күпайтирганда) нол ҳосил бўлсин. Бу $0 \cdot 6 = 0$, $6 \cdot 0 = 0$. Демак, $0 : 6 = 0$. Шунга ўхшаш мисолларни ечишда ўқувчилар доимо нолни нолга тенг бўлмаган истаган сонга бўлишда бўлинма нолга тенг бўлишини сезишади. Бундан кейин ўқувчилар бу холосадан фойдаланишади.

Маълумки, нолга бўлиш мумкин эмас. Бу ҳол болаларга маълум қилинади.

Ўқувчилар эгаллаган билимлар мунтазам равища мустаҳкамланиб туриши, такомиллаштирилиши керак. Шунинг учун ўқитишнинг бутун кейинги даври давомида 0 ва 1 сонлари билан бажариладиган амаллар билан боғлиқ машқлар ўқитувчининг кўзи олдида туриши ва даврий равища дарсга киритилиши керак. Бунда анча содда ҳоллардан янада мураккабларига ўтилади, бунда ўқувчилар ўзлаштирган билимларини янада мураккаб шароитларда, бошқа материалда қўлланишларига эришиш лозим.

Фараз қилайлик, ўқитувчи аввал ўқувчиларга анча енгил топшириклар тавсия қилган бўлсин: «Блокнот 5 тийин туради. Агар Мухтор шундай блокнотлардан 3 тасини сотиб олса, қанча пул тўлайди? 2 та блокнот сотиб олса-чи? 1 та блокнотга-чи? 0 та блокнотга-чи?»

Дарчаларни тўлдиришга доир мисоллар:

$$\square + 4 = 4$$

$$7 - \square = 7$$

$$10 \cdot \square = 10$$

$$16 + \square = 16$$

$$18 - \square = 18$$

$$\square \cdot 10 = 0$$

$$\square \cdot 21 = 21$$

$$\square : 4 = 0$$

$$4 \cdot \square = 0$$

$$\square : 4 = 8$$

ёки дарчалардаги амал ишораларини тўлдиришга доир мисоллар:

61 □ 0=61	0 □ 23=23
61 □ 0=0	0 □ 23=0
42 □ 1=42	0 □ 14=14
42 □ 2=40	0 □ 14=0
42 □ 1=43	14 □ 0=14

Куйидаги кўринишдаги мисолларни тузиш учун бериладиган топшириклар анча қийиндир.

1. Жавобида 1 чиқадиган (0 чиқадиган) бўлишга доир мисоллар тузинг.

2. Жавобида 1 чиқадиган (0 чиқадиган) кўпайтиришга доир мисоллар тузинг.

3. Жавобида б 6 чиқадиган иккита бир хонали сонларни кўпайтиришга доир учта мисол тузинг ($3 \cdot 2$; $6 \cdot 1$, $1 \cdot 6$).

4. 7, 9 ва 16 сонларини биттаси 1 га teng бўлган икки соннинг кўпайтмаси кўринишида ёзинг ($7=7 \cdot 1$, $9=1 \cdot 9$, $16=16 \cdot 1$).

Бундан кейин янада мураккаб машқлар киритилади, бунда 0 ва 1 қатнашган ҳоллар икки-уч амалли ифодаларда учрайди:

1. Хисоблашларни бажаринг:

54 · 0	54—0	0 · 0 : 72
54 · 1	54—1	0 : 23 · 91
54 : 1	54+0	9 : 1+0
0 · (97—92)	0 · (100—99)	38 · 1—75 · 0
(17+18) · 0	56 : (87—80)	(71+23) : (71+23)
(24+0) : 4 : 1	(73—73) · 16	1 · 26+74 · 1

2. Мисолларнинг қайси бирларини ечиб бўлмайди:

7 · (100—90)	(99—99) : (22+18)
92 : (80+12)	(45+40) : (100—5)
16 : (0+8)	9 · (39—39)
0 : (33—17)	(7 · 5+0) : (77—76)

0 ва 1 сонлари билан кўпайтириш ва бўлишга диккат-эътиборни кучайтириш ўқитувчининг ишидаги муҳим жиҳатлардан биридир. Бу ҳолларни қараб чиқиш услубини такомиллаштириш оғзаки ва ёзма ҳисоблаш маданиятини кўтаришга имкон беради, бу эса бошланғич таълимнинг асосий вазифаларидан биридир.

Қолдиқли бўлиш. Ўқувчилар янги мавзуни яхшилаб ўзлаштириб олишлари учун олдин ўтилганлардан бўлишнинг моҳияти; қолдиқсиз бўлишнинг жадвал , ҳоллари каби масалаларни билиш зарур.

Қолдиқли бўлиш билан биринчи танишишни тенг қисмларга бўлишга доир содда масаланинг тегишли ёзувларини доскада бажариб ечишдан бошлаш лозим. Масалан, ўқитувчи набор полотносининг учта қаторига б 6 та доирачани баравардан бўлиб қўйишни ва ҳар бир қаторда нечта доирача бўлишини топишни тавсия қилиш мумкин. Болалар бунинг учун 6 ни 3 га бўлганда 2 чиқишини, яъни ҳар бир қаторда 2 тадан доирача бўлишини тушунтиришади. Олинган яққол намунадан фойдаланиб, ўқитувчи болаларга «ҳар бир» дегани нима эканини эслатади, бунда қўйидаги саволларни беради: «Биринчи қаторда нечта доирача бор? Иккинчи қаторда-чи? Учинчи қаторда нечта? Нима учун?»

Кейин муаммоли характердаги масала тақлиф этилади. Масалани амалий намойиш қилиб кўрсатиб ечиш мақсадга мувофиқдир: «Қизчада 7 та открытка бор эди. Қизча открыткаларни учта дугонасига баравардан тақсимлаб тақдим қилишга аҳд килади. Бу ишни бажаришда унга ёрдам беринг».

Ўқувчилар 7 ни 3 та тенг бўлакка ажратиб бўлмаслигини билишади. Улар бу муаммонинг ечилишини қидира бошлашади ва қизча б 6 та открыткани дугоналарига совға қиласди, еттинчиси эса ўзида қолади деган хulosага кельшади (агар керак бўлса, ўқитувчи ёрдамида). Ўқувчиларнинг қолдикли бўлиш билан танишиши ана шундай бошланади.

Мустаҳкамлаш учун бир нечта шунга ўхшаш масалалар ечилади, бунда болалар бўлишда ҳосил бўладиган қолдик бўлинадиган сондан кичик (бўлувидан кичик) бўлиши керак, деган хulosага келтирилади.

Янги материал билап танишишга тайёрланиш учун кўпайтириш жадвалидан берилган сонга бўлинувчи сонлар қаторини такрорлаш мухимдир. Масалан, 2 га қолдиқсиз бўлинадиган сонларни айтишни тақлиф этиш мумкин ва ҳоказо.

Бундай ўйинни тақлиф қилиш мумкин: ўқитувчи кетма-кет сонларни, масалан, 1 дан 30 гача сонларни айтади. Ўқувчилар уни дикқат билан тинглашади ва у масалан, 3 га қолдиқсиз бўлинадиган сонни айтганда кўлларини кўтаришади (ёки 3 га бўлиш натижасини англатувчи ракамли карточкани кўтаришади).

Ўқувчилар маҳсус ташкил этилган кузатишлар асосида ўзлари хулоса чиқаришлари жуда фойдалидир. Бу ишни қўйидагича ўтказиш мумкин: ўқувчилар ўқитувчи тақлиф этган мисолларни, масалан, 30, 31, 32, 33, 34, 35,

36, 37, 38, 39, 40 сонларини 3 га бўлишади, кейин 4 га, кейин эса 5 га ва 6 га бўлишади. Мисоллар оғзаки ёзувларсиз ечилади. Ўқитувчи доскага бўлувчи ва қолдиқни жадвал кўринишида ёзади (агар қолдиқ бир неча марта тақрорланса, у ёзува тақрорланмайди):

Бўлувчи	Қолдиқ
3	0, 1, 2
4	0, 1, 2, 3
5	0, 1, 2, 3, 4
6	0, 1, 2, 3, 4, 5

Ўқувчилар бўлувчи ва қолдиқларни таққослаб, бўлувчи қолдиқдан катта бўлиши кераклиги ҳақида хулоса чиқаришади. Бу ерда ўқувчилар нима учун қолдиқ бўлувчига тенг ёки ундан катта бўлмаслигини тушунтиришлари муҳимдир.

Хулоса чиқаришга тайёрланиш учун бундай машқдан фойдаланиш мумкин:

2 га бўлинг:

18, 19, 20, 21, 22, 23, 24

3 га бўлинг:

16, 17, 18, 19, 20, 21, 22, 23

Чақирилган ўқувчиларнинг бири 2 га бўлинадиган сонларнинг остига чизади, иккинчиси 3 га қолдиқсиз бўлинадиган сонларнинг остига чизади, бўлишда чиқадиган қолдиқларни текширади. Ёзув бундай кўринишни олади:

18, 19, 20, 21, 22, 23, 24

1 1 1

16, 17, 18, 19, 20, 21, 22, 23

1 2 1 2 1 2

Хулосани мустаҳкамлаш ва онгли ўзлаштириш учун турли хил машқлардан фойдаланилади. Масалан:

1. Агар бўлувчи 6 га тенг бўлса, бўлишда қандай қолдиқлар қолади?

2. 7 га бўлганда қандай энг катта қолдиқ қолиши мумкин?

3. 8 га бўлганда қолдиқда 7, 8, 9 чиқиши мумкинми? Нима учун?

Хатонинг олдини олиш учун мисолни ечмасдан олдин қандай энг катта қолдик қолиши мумкинлигини аниклашга болаларни ўргатиш керак. Шу мақсадда шундай машқлар тавсия килинадики, унда берилган мисоллар орасидан қолдик 4 дан катта бўлмаганларини танлаб олиш ва ечиш керак: 16 : 6, 25 : 8, 22 : 3.

Бундай машқлар бажарилгандан сўнг ёзма равища қолдики бўлиш ўтказилади. Ўқитувчи, масалан, 3 та токчага 7 та доирачани жойлаштириши таклиф қиласди. Ҳамма доирачаларни 3 та токчага баравардан жойлаштириш мумкин эмаслиги аникланади. Ҳамма токчада баравардан доирача бўлиши учун уларнинг ҳар бирига 2 тадан доирача кўйиш керак, лекин бунда 1 та доирача ортиб қолади. Шундан кейин доскага 7 та ўқувчи чақирилади ва уларга бир жуфтдан тизилиб туриш таклиф қилинади. Бунда 3 та жуфт ҳосил бўлади, лекин битта бола жуфтсиз қолади. Ҳар бир масалани қараб чиқищда, у бўлиш амали билан ечилиши таъкидлаб ўтилади. Ўқитувчи масаланинг ечилиши қандай ёзилишини доскада кўрсатади. Бунда ёзувдаги ҳар бир қадам масалани таҳлил қилиш йўли бўйича бажарилади:

1. Неча жуфт ҳосил бўлишини билиш учун қайси амални бажариш керак? (7 ни 2 га бўлиш керак) Ёзув: 7 : 2.

2. Неча жуфт ҳосил бўлди? (3 жуфт.) Ёзув тўлдирилади: 7 : 2 = 3.

3. 7 та боланинг ҳаммаси жуфт-жуфт бўлиб туришдими? (Йўқ, факат 6 та бола жуфт-жуфт бўлиб турибди.) Ўқитувчи биз ҳақиқатан қайси сонни 2 га бўлганимизни кўрсатиш учун (6 сонни) 7 сони остига 6 сонини ёзишни таклиф қиласди.

Ёзилиши: 7 : 2 = 3
6

4. Қанча одам жуфтсиз қолганини билиш учун 7 дан 6 ни айриш керак. 1 чиқади. Ёзув бундай кўринишни олади: 7 : 2 = 3
—
6
1

5. Бу ёзув, 7 ни 2 га бўлиб, биз 3 ни ва яна қолдиқда 1 ни ҳосил қилганимизни кўрсатади. Буни эсдан чиқармаслик учун биз буни ҳозирча бундай ёзамиз:

—
7 : 2 = 3 (қолдик 1).
—
6
1

Бу ёзув күйидагиша үқилади: еттини иккига бўлганда 3 чиқади ва қолдиқда 1 қолади.

Ўқувчилардан бирортаси доскада бажарилган ёзув қандай үқилишини яна бир марта такрорласин, шундан сўнг масалада қўйилган саволга жавоб берсин.

Ёзма қолдикли бўлиш ёзуви билан танишиб, болалар қолдикли бўлиш алгоритмини ўзлаштиришга киришишади.

Мулоҳазалар бундай бўлиши мумкин: $60 : 8$.

1. Бўлинувчидан кичик ва бўлувчига қолдиқсиз бўлинувчи, бўлинувчига энг яқин сонни топиш керак. Бу сон 56.

2. 56 ни 8 га бўлиб, 7 ни ҳосил қиласиз.

3. Қолдиқни биламиз. Биз 56 ни бўлдик, аммо 60 ни бўлиш керак эди. $60 - 56 = 4$. Демак, қолдиқ 4.

4. Қолдиқни бўлувчи билан таққослаймиз. Қолдиқ бўлувчидан кичик. Демак, 56 бўлувчи тўғри танланган. Ечилишини ёзамиз:

$$\begin{array}{r} 60 : 8 = 7 \text{ (қолдиқ 4)} \\ - \frac{56}{4} \end{array}$$

Ўқувчи ҳар бир амални тўғри бажариш учун у нимани билиши ва уddaлаши керак? Энг қийин амал — бўлувчига қолдиқсиз бўлинадиган, берилганга яқин бўлинувчини танлашдир. Унинг бажарилиши учун кўпайтириш жадвалини, берилган сонга бўлинувчи сонлар қаторини яхши билиш керак.

Шу муносабат билан қўйидаги машқлар фойдалидир:

1. 2 га, 3 га, 4 га, 5 га ва ҳоказога қолдиқсиз бўлинадиган ҳамма сонларни айтинг.

2. Берилган сонлар орасидан 5 га, 8 га ва ҳоказога қолдиқсиз бўлинадиган сонларни танланг.

Масалан, 56, 63, 72, 78, 81, 90 сонлари орасидан 8 га қолдиқсиз бўлинадиганларини танлаб олиш керак.

3. 52 сонига энг яқин, лекин ундан кичик ва 8 га қолдиқсиз бўлинадиган сонни айтинг.

Маълумки, бунинг учун кўпайтириш жадвалини жуда яхши билиш зарур. Бу ўқитувчига турли хил машқларни бажаришда уни мунтазам такрорлаш вазифасини юклайди.

Қолдиқни бўлувчи билан таққослаш ҳам анча қийин амалдир. Бу ерда ўқувчилар фақат қолдиқ бўлувчидан кичик бўлиши кераклигини билишлари мухим эмас. Улар нима учун бўлинувчига энг яқин сонга бўлиш мумкинлигини тушунтиришлари керак. Бу амални қолдикли бўлиш уку-

вии шакллантиришда эътиборсиз қолдириб бўлмайди. Агар ўкувчиларни доим уни мустақил бажаришга ўргатилса, бу кўп хонали сонларни бўлишни бажаришда хатоларнинг олдини олишга ёрдам беради.

Машқ қилиш тарзидаги топширикларни бажаргандан сўнг болаларга қолдикили бўлишга бағишланган материалини тушуниб олиш осон бўлади. Доскада қолдикили бўлишга доир мисолнинг ечилиши ёзилгандан сўнг

$$\begin{array}{r} \text{[(масалан, } - 49 : 6 = 8 \text{ (колд. 1)]} \\ \underline{- 48} \\ 1 \end{array}$$

ўқитувчи бутун синфга савол беради: ечимнинг тўғрилигини қандай текшириш мумкин? Болалар қолдиқ ва бўлувчини таққослаш кераклигини, қолдиқ бўлувчидан кичик бўлиши кераклигини (1 қолдиқ 3 дан кичик) тушунишлари учун етарлича тайёрланган бўлишлари керак. Ўқитувчи доскага ёзади: 1) $1 < 8$ ва бу текширишнинг биринчи ва жуда муҳим қадами эканини тасдиқлайди. Энди бўлиш тўғри бажарилаёттанини текшириш керак. Биз бўлишни қандай текширамиз? Кўпайтириш билан. 8 ни 6 га кўпайтирасак, 48 ҳосил бўлади. Бу биз 6 га бўлган сондир. Доскага ўқитувчи текширишнинг иккинчи қадамини ёзади: 2) $8 \cdot 6 = 48$. Лекин бизда яна 1 қолдиқ қолди. 48 га бирни қўшамиз, 49 чиқади. Бу сон бўлинувчидир. Доскага текширишнинг учинчи қадами ёзилади: 3) $48 + 1 = 49$.

Бажарилган ёзувлар бўйича қолдикили бўлишни текширишнинг асосий босқичлари такрорланади: 1) қолдиқ билан бўлувчини таққослаймиз. Қолдиқ бўлувчидан кичик бўлиши керак. 2) Ҳосил қилинган бўлинмани бўлувчига кўпайтирамиз. 3) Олингана кўпайтмага қолдиқни қўшамиз. Агар бунда бўлинувчи ҳосил бўлмаса, ечимида хатога йўл қўйилган бўлади.

Кейинги дарсларда болалар $60 : 44$, $71 : 23$ ва ҳоказо кўринишидаги ҳоллардаги қолдикили бўлиш билан танишадилар. Бу ҳолларни қараб чиқишдан олдин $44 : 20$, $51 : 17$ ва ҳоказо кўринишидаги олдинроқ қараб чиқилган бўлишнинг тегишли ҳолларини такрорлаш зарур, болаларга қолдикили бўлишда бўлувчига қолдиқсиз бўлинадиган, бўлинувчига энг яқин бўлган кичик сонни топиш кераклигини яна бир марта эслатиш керак, бунда ҳар гал ҳосил қилинадиган қолдиқ бўлувчидан кичик экани текширилади.

Бундан кейин машқ қилиш жараёнида оғзаки ҳисоблашларда ва қолдикили бўлишга доир мисолларни оғзакӣ ечишда ҳар доим ҳам ечилишининг тўғрилигини текшириш-

нинг ҳамма учала қадамини бажаришни мажбурий равиша талаб қилиш лозим эмас, лекин ҳар гал жуда бўлмаганда унинг биринчи қадамини бажариш керак (қолдиқни бўлувчи билан таққослаш). Қолдиқли бўлишга доир ҳар бир мисолни ечишда бундай таққослашнинг зарурлигига болалар ўргатилган бўлишлари керак.

Табийки, қолдиқли бўлишни ўзлаштириш бўйича иш бу боскичда тугалланмаслиги керак. Тегишли машқлардан бошланғич мактабни тугатгунча мунтазам фойдаланиш зарур. Факат шу шарт бажарилгандагина қолдиқли бўлишнинг мустаҳкам ва онгли қўникмасини ишлаб чиқиш мумкин.

Машқлар келтирамиз.

$$1. \begin{array}{r} - 31 : 4 = 6 \\ \underline{24} \\ 7 \end{array} \text{ (колд. 7) Ўқитувчи қандай хатога йўл қўйган.}$$

Мисолни тўғри ечинг.

2. 5 га бўлинганда қолдиқда 2 ни берадиган бир нечта мисол айтинг.

3. Қолдиқли бўлишга доир шундай мисол ўйлаб топингки, унда қолдиқ 5 га teng бўлсин:

$$\begin{array}{r} - \square : \square = \square \\ \underline{\square} \\ 5 \end{array} \text{ (колд. 5)}$$

4. Қолдиқли бўлишга доир мисол тузинг, бунда бўлинувчи 65, қолдиқ 2 га teng бўлсин:

$$\begin{array}{r} - 65 : \square = \square \\ \underline{\square} \\ 2 \end{array} \text{ (колд. 2)}$$

5. Қолдиқли бўлишга доир мисол тузинг, унда бўлинувчи 43, бўлинма 9 га teng бўлсин:

$$\begin{array}{r} - 43 : \square = 9 \\ \underline{\square} \\ \square \end{array} \text{ (колд. } \square\text{)}$$

6. Қолдиқли бўлишга доир мисол тузинг, унда бўлинувчи 41, бўлинма 8 ва қолдиқ 1 га teng бўлсин:

$$\begin{array}{r} - 41 : \square = 8 \\ \underline{\square} \\ 1 \end{array} \text{ (колд. 1)}$$

7. Бўлувчи 6, бўлинма 7 ва колдиқ 4 га тенг бўлган колдиқли бўлишга доир мисол тузинг:


$$\begin{array}{r} \boxed{} : 6 = 7 \text{ (колд. 4)} \\ - \frac{42}{4} \end{array}$$

«Колдиқли бўлиш» мавзунин ўрганиш катта тарбиявий, таълимий ва амалий аҳамиятга эга, яъни бўлиш ҳақидаги тушунчани кенгайтиришга олиб келади ва болаларни кўп хонали сонларни бўлишни ўрганишга тайёрлайди. Ундан ташқари, бу мавзу болаларни математикадан билимларини турли хил амалий масалаларни ечишга кўлланишни ўрганиш учун кенг имкониятлар яратади.

Бу мавзуни ўрганиш тарбиявий жihatдан математикани амалиёт билан алоқасини курсатишга ёрдам беради.

Жадвалдан ташқари кўпайтириш. 100 ичидаги жадвалдан ташқари кўпайтириш $30 \cdot 2$ ва $36 \cdot 2$ кўринишдаги ҳоллар учун турли ҳисоблаш усуллари ёрдамида ўрганилади. Биринчи, ҳол ўнликларни кўпайтиришга келтирилади ва шундай қилиб, 30 — бу 3 та ўнлик эканини тушунишни ва кўпайтириш жадвалини билишни (3 ўнл. $\cdot 2 = 6$ ўнл. ёки 60) талаб қиласди.

$2 \cdot 30$ ҳолларда болалар кўпайтиришнинг ўрин алмаштириш хоссасидан фойдаланишади ($2 \cdot 30 = 30 \cdot 2$), кейин 3 ўнлик 2 га кўпайтирилади. $36 \cdot 2$ кўпайтмани ҳисоблаш усули кўпайтиришнинг йифиндисига нисбатан тақсимот хоссасини билишни талаб қиласди. Болалар учун бу хосса йигиндини қонга кўпайтиришнинг мумкин бўлган 2 хоссаси сифатида қараб чиқилади (53- расм).



53- расм.

Ўқитувчи бундай дейди: «Ҳар бир тақсимчада 4 та олма ва 3 та нок бор. Тақсимчалар 5 та. Ҳамма тақсимчада нечта мева бор?»

Болаларнің мұлоқазалари: «Битта тақсимчада нечта мева борлигини санаш мүмкін ($4+3=7$). Кейин ҳамма тақсимчада нечта мева борлигини санаш мүмкін ($7\cdot 5=35$).

Үқитувчи ечимни доскага ёзади: $(4+3)\cdot 5=7\cdot 5=35$ — йиғиндини сонга күпайтирганда аввал сонларнинг йиғинди-сина топиш (қавс ичидағи амални бажариш), кейин эса йиғиндини сонга күпайтириш мүмкін.

Лекин бошқача ечиш ҳам мүмкін: тақсимчаларда ҳам-маси бўлиб нечта олма борлигини топиш, кейин ҳамма тақсимчада нечта нок борлигини ва ниҳоят, тақсимча-ларда ҳаммаси бўлиб нечта мева борлигини топиш. Бунда ечилиши куйидагича бўлади: $(4+3)\cdot 5=4\cdot 5+3\cdot 5=20++15=35$. Бу ерда аввал ҳар бир қўшилувчи сонга кү-пайтирилади, кейин йиғиндилар қўшилади. Бу йиғиндини сонга күпайтиришнинг иккинчи усули.

Болалар аниқ мисолларда йиғиндини сонга күпайтириш-нинг кулагай усулини таңлашни ўрганишади:

$(6+4)\cdot 9$. Бу ерда йиғиндини топиш кулагай ($6+4=10$), чунки уни 9 га күпайтириш осон ($6+4=10$, $10\cdot 9=9\cdot 10=90$).

$(10+6)\cdot 5$. Бу ерда ҳар бир қўшилувчини 5 га күпай-тириш кулагай, чунки 16 ни 5 га күпайтиришни ҳали бил-маймиз ($10+6=16$, $16\cdot 5=?$). Шунинг учун бундай ҳи-соблаймиз: $(10+6)\cdot 5=10\cdot 5+6\cdot 5=50+30=80$. Шундан сўнг болаларга 4 та 20 тийинлик танга ва 4 та 5 тийинлик чака кўрсатиш (54- расм), ҳаммаси неча тийин бўлишини ҳисоблашни ва буни мисол тарзида ёзишни таклиф қилиш кулагай.



54- расм.

$$25 \cdot 4 = ?$$

$$\begin{array}{r} 20 \\ + 5 \\ \hline \end{array}$$

$$25 \cdot 4 = (20+5) \cdot 4 = 20 \cdot 4 + 5 \cdot 4 = 80 + 20 = 100.$$

Шунга ўхшаш мисолларни ечишда болалар мuloҳаза юритишиади, масалан,

$$\begin{array}{ll} 24 \cdot 3 & 24 \text{ ни } 3 \text{ га кўпайтириш учун } 24 \text{ ни ўнлик} \\ 24 \cdot 3 = (20 + & \text{ва бирликлар кўринишида ифодалаймиз,} \\ + 4) \cdot 3 = & \text{бу } 20 + 4 \text{ бўлади; ҳар бир кўшилувчини} \\ = 20 \cdot 3 + 4 \cdot 3 = & \text{3 га кўпайтирамиз:} \\ = 60 + 12 = 72 & \\ 20 \cdot 3 = 60, 4 \cdot 3 = 12, \text{ бу сонларнинг йифиндисини топамиз:} \\ 60 + 12 = 72, \text{ демак, } 24 \cdot 3 = 72. & \end{array}$$

Сўнгра болалар ўрганиш машқларидан сўнг ўзлари 2 · 38 мисолни қандай ечиш кераклигини тушунтишиади (кўпайтувчиларнинг ўрнини алмаштирамиз: $2 \cdot 38 = 38 \cdot 2 = (30 + 8) \cdot 2 = 30 \cdot 2 + 8 \cdot 2 = 60 + 16 = 76$. Демак, $2 \cdot 38 = 76$).

Жадвалдан ташқари бўлиш. Жадвалдан ташқари бўлишда куйидаги кўринишдаги ҳоллар карапади: $60 : 3$, $100 : 2$, $80 : 20$, $64 : 4$ ва $64 : 16$. Яхлит сонларни бир хонали сонга бўлиб, болалар жадвалдан ташқари кўпайтиришдагидек мuloҳаза юритишиади: « 80 — бу 8 та ўнлик, 8 ўнл. : $2 = 4$ ўнл. ёки 40 ».

$80 : 20$ кўринишдаги бўлишда болалар уларни ўнликлар каби бўлишиади. 8 ўнликни 2 та ўнликдан килиб бўлинганда 4 чиқади.

$80 : 2$ ва $80 : 20$ кўринишдаги мисолларни тақкослашга алоҳида эътибор бериш лозим. Болалар кўпинча уларни чалкаштишиади ва бундай хатога йўл кўйишиади: $80 : 20 = 40$. Бу турдаги хатоликларнинг олдини олиш учун бу ҳолларни тақкослаб, таниш бўлган кўрсатмалиликдан фойдаланишга (чўплар боғламларига) кайтиш керак.

Бўлишнинг кейинги усусларини ўзлаштириш мақсадида ўқитувчи куйидаги кўринишдаги жуда кўп тайёргарлик машқларини ўтказади:

1. Ҳар бир сон учун шундай бўлувчини танлангки, бўлинмада 10 сони ҳосил бўлсин: 30 , 40 , 50 , 60 , 70 , 80 .

Топширик ёзма равишда бажарилади:

$$30 : 3 = 10, \quad 40 : 4 = 10 \text{ ва ҳоказо}$$

2. 30 , 40 , 80 сони қандай бир хонали сонларга бўлиниади?

Топширикни бажаришда 1 сонини ҳам ҳисобга олиш керак, яъни дафтардаги ёзув бундай кўринишида бўлади: $30 : 1 = 30$, $30 : 2 = 15$, $30 : 3 = 10$, $30 : 5 = 6$, $30 : 6 = 5$.

3. Йифинди 6 га бўлиниши учун 30 га қандай бир хонали сонни кўшиш мумкин? Йифинди 8 га бўлиниши учун 40 га

қандай бир хонали сонни қўшиш мумкин? Йигинди 5 га бўлиниши учун 50 га қандай бир хонали сонни қўшиш мумкин?

4. 3 га, 4 га, 5 га, 6 га бўлинадиган ва 0 билан тугайдиган энг катта сонни айтинг.

Шундай қилиб, жадвалдан ташқари бўлишни ўрганишга тайёрланиш олдин ўтилган ҳамма мавзуларни ўрганиш жараёнида, кўпайтириш ва бўлишнинг жадвал холларини ўзлаштиришдан бошлаб мунтазам ва максадга йўналтирилган ҳолда ўтказилиши керак. У ҳолда йигиндини сонга бўлишнинг хоссаси билан танишиш ва бу хосса асосида ҳисоблаш усуllibарини бундан кейин шакллантириш ўкувчиларда кийинчиликлар туғдирмайди.

Болаларни 64 : 4 кўринишидаги ҳолларда бўлиш усуllibари билан таништириш учун улар билан йигиндини сонга бўлиш усуllibари қараб чикилади. Йигиндига нисбатан бўлишнинг тақсимот хоссаси билан таништириш одатда кўрсатмали тарзда берилади, бунда биринчи кўрсатмали намойиш доскада бажарилади, кейин шунга ўхшаш мулоҳазалар юритиб, болалар дарслик бўйича йигиндини сонга бўлишнинг икки усулини таҳлил қилишади ва шунга ўхшаш усул билан йигиндини сонга бўлишга доир мисолларни ечишни ўрганишади (бу мисолларнинг биринчиси бу сонга ҳар бир қўшилувчини бўлиш имконини кўзда тутади, аммо биринчи дарсларда ёк шундай ҳоллар киритилади, уларда икки қўшилувчининг йигиндиси сонга бўлинади, уларнинг ҳар бири эса бу сонга бўлинмайди). Шундай қилиб, энг бошиданоқ болаларнинг дикқати йигиндини сонга бўлишнинг қараб чикилган усуllibаридан иккаласи ҳам ҳар доим ҳам мумкин бўлавермаслигига, лекин доимо, қўшилувчилардан ҳар бири бўлинганда уларнинг йигиндисини «бўлаклаб» бўлиш, кейин олинган натижаларни қўшиш мумкинлигига қаратилади.

Болаларни қараб чикилган хоссанинг масала ва мисолларни самарали усул билан ечишга қўлланишда машқ қилдириб, уларнинг дикқатини йигиндини «бўлаклаб» бўлиш усулидан тез-тез фойдаланиш, ечимни енгиллаштиришга қаратиш керак (масалан, болалар шундай қилиб $45+81$ сонлар йигиндисини 9 га бўлишлари мумкин, бу коидани билмасдан эса бу сонларнинг йигиндисини 9 га умуман бўла олишмайди).

Икки хонали сонни бир хонали сонга бўлиш ҳоллари ечимга битта умумий ёндашиш билан бирлаштирилади, бўлинувчи ҳар бири бўлувчига бўлинадиган қўшилувчилар

йифиндиси билан алмаштирилади, сүнгра йифиндини сонга бўлиш қоидаси кўлланилади, бунда ҳар бир кўшилувчи сонга алоҳида бўлинади ва ҳосил қилинган натижалар кўшилади. Бу усулни яхшилаб ўзлаштириш учун болалар куйидагиларни билиб олишлари мумкин:

а) сонни икки кўшилувчининг йифиндисига турли усуллар билан ажратишни (бунда ҳар бир кўшилувчи берилган сонга бўлинниши керак). Масалан, 52 сонини 4 га бўлиш учун уни $32+20$, $28+24$, $40+12$ йифинди билан алмаштириш мумкин;

б) бўлинувчини сонларнинг йифиндиси билан алмаштиришнинг мумкин бўлган усулларидан ҳисоблаш учун энг осон бўладиган сонларни танлаш. Келтирилган мисолда бу $52=40+12$ холидир. Айни шу асосда $46:2$, $65:5$ кўринишидаги бўлишлар ҳоллари қараб чиқилади. Кейин $70:2$, $(60+10):2$, $96:4$ ҳоллари қараб чиқилади. Бундай ҳолларда хона кўшилувчилари кулай бўлмасдан, бошқалар кулайдир, лекин бунда умумий ёндашиш сакланади, болалар ҳам ўшандай изоҳ беришади: а) бўлинувчини ҳар бирини шу сонга бўлиш кулай (ҳаммасидан осон) бўладиган икки кўшилувчининг йифиндиси билан алмаштирамиз; б) ҳар бир кўшилувчини алоҳида шу сонга бўламиз ва ҳосил бўлган натижаларни кўшамиз. Мазкур ҳолда бўлинишни бажаришда муҳими бўлинувчини бўлиш керак бўлган энг кулай кўшилувчиларни танлай олишдир. $70:2$ кўринишидаги ҳоллар учун биринчи кўшилувчи сифатида бўлувчига бўлинадиган ўнликлар сонини олиш керак. Масалан, $70:2$, $(60+10):2$, $100:4=(80+20):4$ ва ҳоказо. 72 ни 3 га бўлганда ҳам худди шундай йўл тутамиз: 3 га бўлинадиган энг катта ўнликлар сони, мазкур ҳолда шунинг учун 72 ни $60+12$ йифинди билан алмаштириш кулай. Болалар кулай кўшилувчиларни мустакил танлаб олишни ўрганиб олишлари учун янги мисолларни қараб чиқицдан олдин айнан ана шундай машқлар қараб чиқилиши керак.

Икки хонали сонни икки хонали сонга бўлиш кўникмасини шакллантириш 100 ичидаги кўпайтириш ва бўлиш жадвалларини яхшилаб билишга, икки хонали сонни бир хонали сонга кўпайтириш кўникмасига, кўпайтириш ва бўлиш орасидаги боғланишни тушунтиришга таянади. Икки хонали сонни икки хонали сонга бўлишда бўлинмани топишнинг тўғрилигини ўқувчилар бўлиш ва кўпайтириш амаллари билан текшира олишлари керак. Масалан:

$$\begin{aligned}45 : 15 &= 3 \\15 \cdot 3 &= 45 \\45 : 3 &= 15\end{aligned}$$

Икки хонали сонни икки хонали сонга бўлишнинг асосий усули бўлинмани синашлар усули билан танлашдан иборат. Масалан, 51 ни 17 га бўлиш керак. Бундай савол қўйилади: 51 ҳосил бўлиши учун 17 сонини қандай сонга кўпайтириш керак? 2 га кўпайтириб кўрамиз ($17 \cdot 2 = 34$, тўғри келмайди). 3 га кўпайтириб кўрамиз: $17 \cdot 3 = 51$, демак, $51 : 17 = 3$. Бу усулни қарааш вақтида болаларни бўлинмани танлашга самарали ёндашишга ўргатиш муҳим, чунки сонларни кетма-кет танлаш кўпинча ортиқча кўпол мулоҳазаларга олиб келади. Бўлинмани танлашни енгиллаштирувчи усуллар мавжуд. Масалан, агар ўқувчи 7 сонини кўпайтиришда ҳосил бўладиган сонлар қаторини яхши билса, у ҳолда у 51 сонини 17 га бўлишда 3 сонини дарҳол синашига ишонч ҳосил қилиш осон, чунки 7 сонини фақат 3 га кўпайтирганда бир билан тугайдиган сон ҳосил бўлади. 72 ни 18 га бўлганда, шунга ўхшаш дарҳол синаб кўриш билан 4 сонини сезиш осон ва ҳоказо. Ушбу 44 : 11; 99 : 11 кўринишидаги мисолларда бўлинма қандай бўлишини дарҳол сезиш осон.

48 : 24, 99 : 33 кўринишидаги ҳоллар учун бўлинувчнинг ва бўлувчининг ўнликлари сонини тақкослаб, биринчи ҳол учун дарҳол 2 сонини, иккинчи ҳол учун 3 сонини синаб кўришни сезиш осон. Бир қанча мисолларни турли хил усуллар билан ечилишини қараб чиқамиз:

Бўлинмани синаш усули билан танлаш

$$91 : 13$$

91 ҳосил бўлиши учун 13 ни қандай сонга кўпайтириш кепаклигини ўйлаб кўрамиз.

Аввал 13 сонини 2 га кўпайтириб кўрамиз. 26 ҳосил бўлади. 2 сони тўғри келмайди. 13 ни 3 га кўпайтириб кўрамиз: $13 \cdot 3 = 39$, бизда эса 91 бўлиши керак. 3 сони ҳам тўғри келмайди.

Бўлинмани бўлинувчи ва бўлувчининг охирги рақамидан фойдаланиб, кўпайтириш жадвалини билиш билан топиш.

91 сони 1 рақами билан тугайди. 13 сони 3 рақами билан тугайди. Учга кўпайтириш жадвалини эслаймиз. 3 сонини қандай сонга кўпайтирасак, кўпайтма 1 рақами билан тугайди? Бу сон 7 дир, чунки $3 \cdot 7 = 21$. У бўлинма сифатида тўғри келадими, текширамиз: $13 \cdot 7 = 91$.

4 сонини текширамиз.
 $13 \cdot 4 = 52$. 4 сони түғри келмайды.

Кейинги 5 сонини синааб күрамиз.
 $13 \cdot 5 = 65$. 5 сони түғри келмайды.

6 ни текширамиз.
 $13 \cdot 6 = 78$. Бу 6 сони ҳам түғри келмайды.

7 сонини күйиб текширамиз:
 $13 \cdot 7 = 91$. Демак, $91 : 13 = 7$.

98 : 14

Танлаш усули ёрдамида бўлинмани топиш учун ўқувчи олтита сонни текшириб кўриши зарур:

$$14 \cdot 2 = 28$$

$$14 \cdot 3 = 42$$

$$14 \cdot 4 = 56$$

$$14 \cdot 5 = 70$$

$$14 \cdot 6 = 84$$

$$14 \cdot 7 = 98$$

Демак, $98 : 14 = 7$

Демак, $91 : 13 = 7$.

Бу ҳолда бўлинмани танлаб олиш учун қўпайтиришга доир фақат битта мисолни ечиш кифоя бўлди. Синаш усули билан ечилигандага эса қўпайтиришга доир олтита мисолни ечишга түғри келган эди.

Бўлинмани бўлинувчинг ва бўлувчининг охирги рақами ҳамда тўртни қўпайтириш жадвали бўйича топиш учун ўқувчи бор-йўги иккита сонни 2 ва 7 ни текшириб кўриши зарур, чунки

$$14 \cdot 2 = 28$$

$$14 \cdot 7 = 98$$

Демак, $98 : 14 = 7$.

4 сонини 2 га қўпайтирилганда ва 7 га қўпайтиргандага қўпайтмалар 8 рақами билан тугайди.

Икки хонали сонни икки хонали сонга бўлишда бўлинмадаги рақамни танлашда амаллар сонини қисқартириш математика курсининг муҳим масалаларидан бирини янада муваффақиятли ўзлаштиришга имкон беради.

9- Б О Б. «МИНГ» МАВЗУСИНИ ЎҚИТИШ МЕТОДИКАСИ

Сонларни 1000 ичидаги номерлаш ва бу сонлар устида арифметик амаллар бажариш куйидаги сабабларга кўра алоҳида ажратилади.

Биринчидан, бу ерда синф тушунчаси шакллантира бошланади (бирлар, ўнлар, юзлар I синфи — бирлар синфини ташкил этади). Кейинги синflар (IV синф — минг-

лар синфи, VII синф — миллионлар синфи ва ҳоказо) биринчига ўхшаш тузилади, фақат уларда ўнлар ва юзликларга бошқа бирликлар гурухланади. Кўп хонали сонларни номерлашни ўзлаштириш ҳақиқий асос бўлиши учун болалар уч хонали сонларни оғзаки ва ёзма номерлашни мустаҳкам ва онгли равишда ўзлаштириб олишлари керак.

Иккинчидан, «Минг» бўлимидә ҳисоблашларнинг оғзаки усулларини ўрганиш асосан тугалланади. Аввалги ўқитиш босқичлари каби ҳисоблаш усуллари арифметик амаллар назариясига таянган ҳолда очиб берилади (хоссалар, усуллар ва тескари амалларнинг ўзаро боғланиши). Назарий билимлар ўқувчиларга фақат ҳозир уч хонали сонлар учун қўлланиладиган, аввал ўрганилган ҳисоблаш усулларини изоҳлабгина қолмай, балки янги ҳисоблаш усулларини «очишга» имкон беради. Шундай қилиб, 1000 ичидаги арифметик амалларни ўрганиш оғзаки ҳисоблаш кўникмаларини эгаллаш учун, шунингдек, арифметик амаллар ҳақидаги билимларни чукурлаштириш учун зарурдир.

Учинчидан, мазкур бўлимда ҳисоблашларнинг ёзма усуллари устида иш бошланади. Ўқувчилар қўшиш ва айришнинг ёзма усуллари билан таништирилади, чунки сонларнинг бу соҳасида муҳим ҳолларни караб чиқиш ва бу амалларнинг ёзма алгоритмларини тўлиқ очиш мумкин, шунингдек, ёзма усулларнинг оғзаки усуллардан қўшиш ва айришнинг мураккаб ҳолларига нисбатан қўлланилгандаги афзаллигини кўрсатиш мумкин. Тажрибанинг кўрсатишича, кўпайтириш ва бўлишнинг ёзма усуллари билан танишишни «Кўп хонали сонлар» бўлимидан ўргангунча колдирган яхши. 1000 ичидаги ёзма усулларни қўлланишнинг максадга мувофиқлигини ва уларнинг оғзаки усуллардан афзалликларини ҳар доим ҳам кўрсатишнинг иложи бўлавермайди. Ҳисоблашларнинг ёзма усулларини ўрганишнинг бир жойга тўпланганлиги (ёзма кўпайтириш ва бўлиш — «Минг» бўлимида, ёзма кўпайтириш ва бўлиш — «Кўп хонали сонлар бўлимида») ёзма ҳисоблаш кўникмаларини шакллантириш учун қулай шароит яратади.

1- §. НОМЕРЛАШ

1000 ичидаги сонларни номерлашни ўрганишга тайёргарлик ишини «Минг» бўлимига ўтмасдан анча олдин бошлаш максадга мувофиқдир. Уч хонали сонларни номерлашни ўзлаштириш икки хонали сонларнинг ҳосил бўлиши принципларини ва икки хонали сонларни ёзишни

тушунишга асосланади, шунинг учун биринчи юзлик сонларини номерлашни олдиндан такрорлаш керак, бунда оғзаки машқларга қуидагича мазмундаги 1—2 тадан топшириқ киритиш лозим:

1. Хона бирликларини таққослаш: ўнликда нечта бир бор? Юзликда нечта ўн бор? Ўн сони бирдан неча марта катта? Юз сони ўндан неча марта катта? ва ҳоказо.

2. Икки хонали сонларнинг ўнли таркиби: 4 ўнл. ва 6 бирл.; 8 ўнл. 35 бирликдан иборат сон айтинг ва ҳоказо.

3. 1—100 сонларининг натурал кетма-кетлиги: 10 (20, 30 ва ҳоказо) сонидан бошлаб 1 тадан (3 тадан, 5 тадан, 7 тадан, 10 тадан) қўшинг; сонлар қаторини давом эттириинг: 47, 48, 49 . . . ; сонлар қаторида 9(99) сонининг қўшниларини айтинг, бу сонлар қандай ҳосил бўлади?

4. Биринчи юзлик чегарасидан чиқадиган сонларни айтиш бўйича қуидагича машқларни ҳам бажариш мумкин:

а) санашни давом эттириинг: 96, 97, . . . , . . . , . . . ; 70, 80, 90, . . . , . . . , . . . ; 96, 98, . . . , . . . , . . .

б) 34 дан кейин қандай сон келади? 134 сонидан кейинчи? 234 дан кейин-чи? 46 сонидан олдин қандай сон туради? 146 сонидан олдин-чи? 346 сонидан олдин-чи? 52 сонининг қўшниларини айтинг; 152 сонининг қўшниларини, 452 сонининг қўшниларини айтинг.

Санаб ўтилган машқлар юздан катта сонлар мавжудлигини, бундай сонлар қўплигини, уларнинг ҳосил бўлиши ва аталиши болаларга таниш бўлган сонларга ўхшаш эканини ўкувчилар тушуниб олишларига ёрдам беради.

Тўрт хонали сонларни номерлашни ўрганиш уч хонали сонларни номерлаш бўйича билим ва кўникмаларга таяниб олиб борилиши керак. Масалан, биринчи дарсда янги саноқ бирлиги — минг билан таништиришда ишни қуидагиларни такрорлашдан бошлаш керак: 10 бирлик = 1 ўнл., 1 ўнлик — янги саноқ бирлиги, ўнларни худди бирлар каби санаш мумкин, юзларни худди бирлар, ўнлардек санаш мумкин. Буларнинг ҳаммасини чўтда намойиш қилиш фойдали, бунда 1 тадан, 10 тадан, 100 тадан кўшиб ва айриб санаш ва ҳар гал тегишли саноқ бирликлари хисоб чўтининг қайси симига қўйилишини аниқлаш лозим. Бундан, 10 та юз мингни ташкил этишга, минг — янги саноқ бирлиги бўлиб, у ҳам бирлар каби саналишини айтиш керак.

Болалар буларни яхши тушуниб олишлари учун дастлаб бу ҳолатни яққол намойиш қилишдан фойдаланиш керак.

Фараз қилайлик: биринчи катта боғлам юз — ўнта кичкина боғламлардан — ўнликлардан ҳосил бўлсин. Боғланган ўнтиликлардан иборат дастлабки «юзта» чўпни ўқитувчи болалар олдида битта боғламга бирлаштиради, кейинги боғламлар юзликлар олдиндан тайёрлаб қўйилиши мумкин. Ўқитувчи юзталаб санаб, битта юзалик, иккита юзалик ва ҳоказолар қандай аталишига ўкувчилар диккатини жалб қиласди. Бу номларни ўқитувчининг кўрсатмасига кўра улар учун янги бўлган бу сон туркумлари қандай ҳосил бўлишини кузатишиади. Болаларни бирликлар, ўнликлар, юзликлар билан санаш асосида келтириладиган асосий холоса саноқдаги ҳар бир 10 бирлик янги, янада йирикрок саноқ бирлигини ташкил этишига келтиришдир.

Чўплардан ташқари, болалар юз ичидаги номерларни ўрганишда ва амаллар бажаришда қўлланана бошлаган қўлланмадан фойдаланиш мақсадга мувофиқдир. Бу Н. С. Попова¹ таклиф этган «Квадратлар ва тасмалар» қўлланмасидир. У қалин қофоздан тайёрланади: бирлар квадратлар билан ($1\text{ см} \times 1\text{ см}$) белгиланади, ўнлар — ҳар бирида 10 та шундай квадратчалар бўлган тасма билан, юзлар эса ҳар бирида ўнтадан тасма бўлган катта квадратлар билан белгиланади.

Бундан бир неча марта катта ўлчами шундай қўлланмадан синфда намойиш қилинадиган қўлланма сифатида фойдаланиш мумкин (55-расм). Ўкувчилар у ёки бу кўрсатмали қўлланмаларга асосланиб, 10 та ўнликни санашади ва уларни битта юз билан алмаштишиади. Кейин юзликлар саналади (1 юз, 2 юз, 3 юз ва ҳоказо). Юзликларни қўшиш ва айришга доир масалалар ва мисоллар ечилади ($3\text{ юз} + 4\text{ юз}; 8\text{ юз} - 5\text{ юз}$ ва ҳоказо). Бу машқлар асосида юзлар ҳам ҳудди ўнлар ёки бирлар каби хисобланиши ҳакида холоса чиқарилади. Санаш жараёнида болалар саноқ (хона) қўшилувчилари орасидаги муносабатни аниқлашади ва ёзишиади.


10 бирлик 1 ўнни ташкил этади.

10 ўнлик 1 юзни ташкил этади.

10 юзлик 1 мингни ташкил этади.

Бундан кейинги намойиш қилишлар учун абакдан фойдаланиш мумкин, у бир, ўн, юз хоналарга мос келувчи

¹ Н. С. Попова. Арифметика ўқитиш методикаси. М., Учпедгиз, 1956, 278-бет.




55- расм.

Юзлар	Үнлар	Бирлар

56- расм.

учта графага бўлинган жадвалдан иборат (56- расм). Ҳар бир граfadаги чўнтакчаларга боғламлар — юзта чўп, боғламлар — ўнта чўп ва алоҳида чўплар солинади, бу истаган уч хонали сонни ҳосил қилиши ҳақида аниқ тасаввур беради. Кейинчалик чўплар боғламлари ўрнига юз, ўн, бирни тасвирловчи карточкалардан (57- расм) фойдаланиш мумкин ва улар ёрдамида 1000 ичидаги истаган сонни ҳосил қилиш мумкин. Агар болаларда ҳам шундай шахсий абак

бор бўлса, у ҳолда ўқувчилар билан турли хил мустакил ишлар ўтказиш мумкин, бу ишлар ўқитувчи вазифа қилиб берган сонларни ўқувчиларнинг ўзлари тузишига ёрдам беради.



57- расм.

Ўқувчилар абакда уч хонали сонларни чикаришни ўрганишлари биланоқ 100 дан 1000 гача бўлган натурал сонлар қаторини тўлдиришга киришишади. Ўқитувчи сонлар қаторидаги ҳар бир кейинги сонни ҳосил қилишни болалар билан бирга эслайди ва бу билимларни сонларнинг ўнги соҳасига кўчиради.

У қуйидаги машқлардан фойдаланиши мумкин:

1. Мен сонларни айтаман, сизлар кейинги сонларни айтасиз (9, 10, 19, 30, 99, 100, 199 ва бошқалар).
2. Мен сонни айтаман, сизлар эса ундан кейин келадиган 3 та сонни айтинг (8, 59, 98, 387, 499 ва бошқалар).
3. Мен сонни айтаман, сизлар эса шу соннинг қўшниларини айтинг (10, 100, 200, 350, 400 ва бошқалар).
4. 798 ва 805, 849 ва 860 сонлари орасидаги ҳамма сонларни айтинг. 100 билан 200, 300 билан 500, 100 билан 1000 сонлари орасида нечта сон бор? ва ҳоказо.

Болаларнинг диккатини тегишли сонларнинг ҳосил бўлиши хусусиятларига қаратиш, ўқувчиларни зарур умумлаштиришларга олиб келиш муҳимдир, бунда улар моҳиятни тушуниб олиб, факат хотирага эмас, балки шу билимга таянган ҳолда, 100 дан 10000 гача бўлган сонларнинг кетма-кетлигини ва уларнинг аталишини ўзлаштириб олишлари керак.

Натурал қатордаги сонларни ҳосил қилишда рулеткадан фойдаланиш муҳим аҳамиятга эга, унда болалар 1 дан 1000 гача бўлган ҳар бир сонни (1 см га teng бўлимни бирлик қилиб олиб) аниқ кўришади.

Рулетка бўлганда натурал сонлар кетма-кетлиги тушун-часини шакллантирувчи машқлардан фойдаланиш мумкин:

1. Рулетканинг узуонлиги 380 см бўлган қисмини кўрса-

тинг. Унга (ундан) 1 см дан (10 см дан, 100 см дан) қўшиб (айриб) сананг.

2. Тасманинг узунлиги 400 см бўлган қисмини кўрсатинг. Агар тасма 1 см узайтирилса (қисқартирилса), унинг узунлиги қанча бўлади?

3. Рулеткада 489 ва 500 сонларини топинг. Бу сонларнинг қайсиниси катта? Қайсиниси кичик? Қанча кичик ёки катта?

4. 700 дан битта кам сонни айтинг ва рулеткада кўрсатинг; бу сонлар қаторининг қаерида туради? Унга нисбатан 700 сони қандай аталади?

5. Мисолларни оғзаки ечинг ва жавобни рулеткада кўрсатинг:

$$449+1, 850-1, 300-1, 599+1.$$

Ўқувчилар бу топширикларни бажаришда «Ўнлик» ва «Юзлик» бўлимларини ўрганишда олинган натурал сонлар кетма-кетлиги ҳакидаги билимларидан фойдаланишлари муҳимдир. Шунинг учун болалар ўз жавобларини аввал ўзлаштирилган хулосаларга таянган ҳолда асослашлари керак (саноқда ҳар бир кейинги сон олдингисидан битта ортиқ; агар 1 айрилса, у ҳолда саноқда аввалги деб аталувчи сонни ҳосил қиласиз ва ҳоказо). Бу ҳолда ўқувчиларда натурал сонлар қатори ҳакида тўғри тушунча шаклланади, чунки улар 100 дан 1000 гача бўлган сонлар қатори 1 дан 100 гача бўлган сонлар қатори каби қурилишига ишонч ҳосил қиласидар.

Оғзаки номерлашни ўрганиш жараёнида ўқувчилар уч хонали сонларнинг ўнли таркибини ўзлаштириб олишлари, бу сонлар юз, ўн ва бирларни санаш натижасида ҳосил бўлганини тушуниб олишлари керак. Сонларни хона сонларидан ташкил қилиш машқлари шу мақсад учун хизмат қиласиди (3 та юз 5 та ўн 7 та бир; 5 та юз 5 та ўн; 2 та юз 3 та бирдан иборат сонни айтинг ва квадратчалар ҳамда тасмачалар ёрдамида тасвиirlанг), шунингдек берилган сонларни хона сонларига ажратишга оид тескари машқлар ҳам шу мақсад учун хизмат қиласиди (725 сонида, 420, 305 сонларида нечта юз, ўн ва бир бор?).

Уч хонали сонларнинг ўнли таркибини билиш ушбу: $100+20$, $100+5$, $348-300$, $348-40$, $348-8$, $100+20+5$, $348-40-8$ ва ҳоказо кўринишдаги қўшиш ва айришни бажаришда қўлланилади, булар номерлашни ўрганишда киритилган эди ва аввал кўрсатмали қўлланмалардан фойдаланиб бажарилади. Ўқувчилар натижанингина айтмас-

дан, балки ҳисоблаш усулини тушунтиришлари мухимдир. Масалан, $200+5$, 200 —бу 2 та юз; 2 та юз билан 5 бирлик 205 бирликни ёки 205 сонини ташкил этади; $348-40$, 348 —бу 3 та юз 4 та ўн 8 та бир, агар 4 та ўн айирилса, у ҳолда 3 юз 8 бирлик, яъни 308 сони ҳосил бўлади.

Шунга ўхшашиб топшириқларни бажаришда болалар сондаги у ёки бу хона бирликларининг умумий миқдорини айтишни ўрганишади (юзлар ҳаммаси бўлиб нечта? Ўнлар ҳаммаси бўлиб нечта? Алоҳида бирлар ҳаммаси бўлиб нечта?). Масалан, 684 сонида — юзлар 6 та, ўнлар 8 та, бирлар 4 та. Агар ҳамма ўнлар, яъни юзлар ичига кирган ўнлар ҳам саналса, у ҳолда бу сонда 68 та ўн (6 та юзда 60 та ўн ва 8 та алоҳида ўн, жами 68 та ўн) бўлади. 684 сонида бирлар 684 та (6 та юзда —600 та бир, 8 та ўнда —80 та бир, яна 4 та алоҳида бир; ҳаммаси бўлиб, $600+80+4=684$).

Болалар у ёки бу сонда ҳаммаси бўлиб нечта бир (ўн) борлигини тез ва хатосиз аниқлай олишларига эришиш керак, чунки истаган хонадаги бирларнинг умумий миқдорини ажратса олиш кўникмаси анча кичик бирликларда ифодаланган сонларни анча йирик бирликларда ифодаланган сонлар билан алмаштириш учун зарурдир (3 сўм 20 тийин= 320 тийин, 785 тийин= 7 сўм 85 тийин, 6 м 05 см= 605 см ва ҳоказо), шунингдек, кўпайтириш ва бўлишни бажаришда ҳам керакдир.

Оғзаки номерлашни ўрганиш жараёнида ёзма номерлашга тайёргарлик иши бошланади. Шу мақсадда икки хонали сонларни ёзма номерлаш такрорланади: ўқувчилик сонларни диктовка остида ёзишади, улар сонлар қандай ракамлар билан ёзилганини ва бу сонлардаги (67, 76, 60, 70, 100) ҳар бир ракам нимани англатишини тушунтиришади; бирлар ўнгдан чапга қараб ҳисобланганда биринчи ўринга, ўнлар эса иккинчи ўринга ёзилиши ҳакидаги коидани такрорлашади.

Ёзма номерлашни ўрганишда уч хонали сонлар болаларга олдиндан таниш бўлган ракамлар ёрдамида ёзилишини, лекин ҳар бир хона бирликлари эса сондаги ўзининг аник ўрнида ёзилишини кўрсатиш керак.

Намойиш килиш учун номерли жадвалдан (58-расм) ва юзликларни (100 , 200 , $300 \dots 900$), ўнликларни (10 , 20 , $\dots 90$), бирликларни (1 , 2 , \dots , 9) тасвирловчи карточкалардан фойдаланиш мақсадга мувофиқдир. Ҳар бир ўқув-

<i>Юзлар</i>	<i>Үнлар</i>	<i>Бирлар</i>
5	6	7
9	4	0
3	0	9
8	0	0

58- расм.

чида шундай карточкалар түплами бўлиши керак (59- расм). Масалан, ўқитувчи номерли жадвалда 567 сонини тасвирилашни таклиф этсин. Партада ўтирган ўқувчилар ҳам шу сонни түпламдан фойдаланиб тузишади. Улар 500 сонини тасвирловчи карточкани олишади, унинг устига 60 сонини тасвирловчи карточкани шундай қўйишадики, у биринчи соннинг ёзувидаги иккита 0 рақамини бекитадиган килиб, 7 рақамли карточкани қўйишади. Сўнгра бу сон, таҳлилдан сўнг (унда нечта юзлик, ўнлик, бирлик, бор; юзликлар, ўнликлар, бирликлар ўнгдан нечанчи ўринга ёзилади) дафтарларига ёзилади. 940, 309, 800 сонларининг ёзуви ҳам, яъни у ёки бу хона («хона» атамаси болаларга айтилмайди) бирликлари бўлмаган сонлар ҳам худди шунга ўтшаш караб чиқилади.



59- расм.

Бу машқлар асосида қўйидаги хулоса чиқарилади: ўнгдан чапга караб санаганда — бирликлар — биринчи, ўнликлар — иккинчи, юзликлар — учинчи ўринга ёзилади; агар сонда ўнликлар ёки бирликлар бўлмаса, унинг ўрнига ноль ёзилади.

Карточкалардан фойдаланиш уч хонали сонларни ёзишида болалар жуда кўп йўл қўядиган хатоларнинг олдини олишга ёрдам беради, масалан, болалар 740 сонини 70040 тарзида, ёки 304 сонини 3004 тарзида ёзишади. Бу хатолар ўқувчиларнинг сонлар ёзуvida рақамларнинг қийматини ёмон ўзлаштирганларидан далолат беради. Шунинг учун улар билан уч хонали сонларни тасвирилаш учун нима сабабдан бир карточка иккинчиси устига қўйилишини ва буни

кандай килиш кераклигини тушунтириш айникса мұхимдир. Бунга қуидаги күринишдаги машқлар ёрдам беради: $900+90=990$, $380-80=300$, $540-500=40$, $400+20+3=423$ ва ҳоказо.

Үқитувчи болаларнинг нутқини жуда дикқат билан кузатиши керак. Уларнинг сон билан рақамни чалкаштириб юборишиларига йўл қўймаслиги керак. Масалан, 200 сони ҳақида гапирганда унда 20 та ўнлик борлигини, унда ҳаммаси бўлиб 206 та бирлик борлигини, сондаги 0 рақами ўнликларнинг айрим бирликлари йўқлигини кўрсатишини айтиш мумкин, аммо 0 рақами сонда ўнликлар умуман йўқлигини билдиради, деб айтиб бўлмайди ва ҳоказо.

Рақамларнинг турган ўрнига кўра кийматига алоҳида эътибор берилади. Масалан, 666 сонида ўнгдан чапга қараб ҳисоблаганда биринчи 6 рақами айрим бирликлар микдорини, иккинчи 6 рақами ўнликлар микдорини, учинчи 6 рақами эса юзликлар микдорини англатади. Болалар айни бир рақам ёрдамида турли хил бир хонали, икки хонали, уч хонали сонларни ёзиш мумкинлигини кўришади.

Болалар, масалан, 3, 30, 300 кўринишидаги сонлардаги фарқ ва ўхшашикни аниқлашга ўргатилади. Бу ерда 3 рақами бир ҳолда оддий бирликларни англатса, иккинчи ҳолда ўнликлар микдорини, учинчи ҳолда юзликлар микдорини кўрсатади.

Таққослаш учун 356, 306, 350 ва ҳоказо кўринишидаги сонларни ҳам тавсия қилиш қизиқарлидир.

Ёзма номерлаш бўйича билим ва укувларни ўзлаштиришга қуидагича топширикларни бажариш ёрдам беради:

1) 346, 643, 364, 634, 463 сонларни ёзувидаги ҳар бир рақам нимани англатади?

2) 586, 59, 508, 905, 556, 354 сонларидан ҳар бирининг ёзувида 5 рақами нимани билдиради?

3) 74, 77, 737, 777, 700, 1000 сонларидан ҳар бирининг ёзувида ҳаммаси бўлиб нечта рақам ва нечта ҳар хил рақам фойдаланилган?

4) 0, 1, 5 рақамлари билан олтита уч хонали сон ёзинг.

5) 2 ва 3 рақами ёрдамида иложи бўладиган ҳамма бир хонали, икки хонали ва уч хонали сонларни ёзинг.

Ёзуvida ноллар қатнашган сонларга алоҳида эътибор бериш керак. Шундай бир махсус машқлар бериш керакки, уларни бажаришда ўқувчилар бундай сонларнинг ёзилишини таҳлил қилишсин. Масалан:

1) Кўйидаги сонларни ёзинг: 46 ва 406, 203 ва 230, 40 ва 400, 100 ва 1000. Бу сонлар нимаси билан ўхаш ванимаси билан фарқ қилишини аникланг.

2) Сонларни таққосланг, нукталар ўрнига $>$ ёки $<$ белгисини кўйинг: 30 ... 300, 706 ... 76, 40 ... 204.

3) Тушиб қолган сонларни ёзинг: ..., 340, ..., ... 799, ...

4) Мисолларни ечинг: $149+1$, $199+1$, $250-1$, $600-1$.

5) Берилган сонлар қаторини давом эттиринг: а) 295, 296, 297, ...; б) 907, 906, 905, ...; в) 610, 620, 630 ...

Номерлашни ўрганишни тугаллаб, болаларнинг мазкур бўлим бўйича олган билимларини системага келтириш керак. Бир неча марта қўйидагича топшириқ қиритиш мумкин — берилган сон ҳакида (масалан, 254, 505, 800) болаларнинг билган нарсаларининг ҳаммаси ҳакида сўзлаб бериш. Масалан, 244 сони ҳакида бундай дейиш мумкин: бу сон 2 та юз 4 та ўн ва 4 та бирдан иборат, ундаги ўнлар миқдори — 4 та, ҳамма бирликлар 244 та, бу сонни хона қўшилувчиларининг йигиндиси кўрининишида ифодалаш мумкин, яъни $200+40+4$; сонлар қаторида у 243 сонидан кейин ва 245 сонидан олдин туради; 244 сони уч хонали. Уни ёзиш учун 3 та ракам керак бўлган, турли ракамлар иккита (2, 4).

Шундай қилиб, 1000 ичида сонларни номерлашни ўрганиш натижасида ўқувчилар буюмларни битталаб қўшиб санаш йўли билан ҳам, буюмларни ўнталик ва юзтатлик гурухларга ажратишдан фойдаланиб ҳам санаш кўнинка масини эгаллашлари керак. Болалар сонларни айтишни, ёзишни ва ўқишини ўрганишлари, бу сонларнинг юзлик, ўнлик ва бирликлардан ҳосил қилинишини аниқ тасаввур қилишлари керак. Ниҳоят, маълум билимлар доирасини ўзлаштириб олиш талаб қилинади: **ўнли саноқ системаси ҳакида** (хона бирликларининг номи, уларнинг нисбати, сонларнинг ўли таркиби, сон хона қўшилувчилари йигиндиси сифатида, сондаги истаган хона бирликларининг умумий миқдори); **сонларни ёзишнинг позицион принципи ҳакида** (уч хонали сонларни ёзиш қоидаси, сонларни

ёзишда нолнинг аҳамияти); сонларнинг натурал кетма-кетлиги ҳақида (сонларнинг натурал қаторда ташкил этилиши, жойлашиш тартиби, кетма-кет сонларнинг миқдорий муносабати).

Ва ниҳоят, болалар уч хонали сонлар қаторидаги энг кичик ва энг катта сонни ўзлаштириб олишлари керак. Буни яққол бундай тасвирлаш мумкин:

1, 2, 3, 4, 5, 6, 7, 8, 9

10, 11, 12, . . . , 98, 99

100, 101, 102, . . . , 997, 998, 999

1000 сони тўрт хонали сон, бунда 1 мингликлар бирлигини ифодалайди.

2- §. 1000 ИЧИДА ҚЎШИШ ВА АЙРИШ (ОҒЗАКИ УСУЛЛАР)

Номерлашни ўрганишда ўқувчилар хона қўшилувчила-ридан уч хонали сонлар ҳосил қилиш билан ва сонларни хона қўшилувчиларига ажратиш билан бевосита боғлик қўшиш ва айришнинг энг содда ҳоллари билан танишишган эди. Энди минг ичига оғзаки қўшиш ва айришнинг қолган ҳолларини қараб чиқиши керак. Ҳисоблаш усулларини очиб беришнинг назарий асоси худди юз ичидаги сонлар учун каби сонни йиғиндига қўшиш ва йиғиндини сонга қўшиш қоидалари, шунингдек, тегишли айриш қоидалари ҳисобланади. Бу усулларни билиш 100 ичига амалларни ўрганишда ишлаб чиқилгани учун бу ерда уларнинг янги сонли материалда кўлланиши устида гап боради.

Фараз килайлик, 400 ва 200 сонларини қўшишда ўқувчи факат 400— бу 4 та юзлик, 200 эса 2 та юзлик эканини тушунса ва улар билан бирликлар каби амал бажариш мумкинлигини тушунса, у факат 4 ва 2 сонларини осонгина қўшиб қўйиши керак. Шу асосда айриш ($400 - 200$; 4 юз — 2 юз), қўпайтириш ($400 \cdot 2$; 4 юзни 2 га қўпайтириш) ва бўлиш ($400 : 2$; 4 юзни 2 га бўлиш) ҳоллари ҳам қараб чиқилган.

Ушбу $700 + 20$, $500 + 7$, $400 + 5$, $940 - 40$, $900 + 30$, $470 - 2$, $358 - 60$; $249 - 200$ кўринишдаги ҳоллар номерланган ҳоллар каби қаралади, чунки йиғинди ёки айрма бу ҳолларнинг ҳаммасида уч хонали сонлар юзлик, ўнлик ва бирликлардан қандай ташкил бўлишини тушуниш асосида бўлади.

Ушбу 570 ± 20 ва 570 ± 200 кўринишдаги ҳолларда йигиндини ва айрмани топиш ва бу ҳолларни болаларга таниш бўлган 100 ичидаги бажаришга келтирилиши мумкин (57 ± 2 ўнл.); 57 ± 20 ўнл.). Бу мисолларни ечишнинг бошқа усулини ҳам кўрсатиш лозим.

Аввал мазкур мисолларнинг ечилишига асосланган сонни йигиндига қўшиш ҳамда сонни йигиндидан айриш қоидалари такрорланади. «Юзлик» материалидаги таниш мисолларни бажариб, қоидалар эсга туширилади, масалан, мисолларни энг кулай усуllар билан ечинг: $(40+6)+20$, $(40+6)+2$, $(50+7)-40$, $(50+7)-4$; ҳисоблаш усуllари ни муфассал тушунтириинг: $54+3$, $37-2$, $60+30$, $40-20$ ва ҳоказо. Кейин ўкувчиларга $570+20$, $570+200$ ҳоллари учун ҳисоблаш усуllарини мустақил аниқлаш таклиф килинади. Тегишли кўрсатмали қўлланмалардан (масалан, квадратчалар ва тасмалардан) фойдаланиб, ўкувчилар бу мисолларни қандай ечиш кераклигини кийналмасдан тошиади ва ечилишини муфассал ёзишади:

$$570+200=(500+70)+200=(500+200)+70=770$$

$$570+20=(500+70)+20=500+(70+20)=590$$

Болалар бу усуllар нимаси билан ўхшаш ва нимаси билан фарқ қилишини, нима учун биринчи мисолда сонни 500 га қўшилди, иккинчисида эса 70 га қўшилганини тушунтиришлари керак (юзликларни юзликларга, ўнликларни ўнликларга қўшиш осон).

Кейинги дарсда олдинги иккита ҳолга мос ҳолда $570-200$ ва $570-20$ кўринишдаги айришга доир мисоллар ечилади. Бу ерда сонни 20 ёки 200) йигиндидан ($500+70$) айриш қоидаси қўлланилади. Болаларнинг ўзлари ҳисоблаш усулини белгилашади ва нима учун 1- мисолда берилган сон биринчи қўшилувчидан айрилишини ($500-200$), 2- мисолда эса иккинчи қўшилувчидан айрилишини ($70-20$) тушунтиришади.

$$570-200=(500+70)-200=(500-200)+70=370$$

$$570-20=(500+70)-20=500+(70-20)=550.$$

Қўшиш ва айришнинг қолган ҳоллари ёзма равища қараб чиқилади.

Минг ичидә ёзма құшиш ва айришни ўзлаштириш бу амалдарни истаган катталиқдаги сонлар устида мұваффақиятлы бажариш шартидир. Агар үқувчилар «минг» мавзусидаги материалдан ёзма құшиш ва айришнинг түлік билим ҳамда малакаларини әгаллашса, у қолда кейинчалик уларни мустакил рационале янги шароитларда — күп хонали сонлар билан амаллар бажаришда құллана оладылар.

Ёзма құшиш ва айриш кетма-кет үрганилади.

Ёзма құшишни (устун қилиб) бажаришда аввал икки хонали сонларни құшиш бир қатор қилиб бажарилади, кейин «устун» шаклида бажарилади.

Фараз қилайлық, доскада $32+45$ мисоли ёзилған бўлсин. Бу сонларнинг йифиндиси қандай топилади? Үқувчи бундай мулоҳаза юритади: « 32 га 45 ни құшиш керак. 32 — бу 30 билан 2 , 45 эса 40 билан 5 . Ўнликларни құшамиз ($30+40=70$), кейин бирликларни құшамиз ($2+5=7$), умумий йифиндини топамиз ($70+7=77$), яъни у амалда йифиндини йифиндига құшиш амалини бажаради:

$$32+45=(30+2)+(40+5)=(30+40)+(2+5)=70+7=77.$$

Мулоҳазалар ўтказғандан сўнг шу мисол «устун» шаклида ечилади:

$$\begin{array}{r}
 +32 \\
 +45 \\
 \hline
 77
 \end{array}
 \quad \text{Амални устун шаклида бажариб, болалар бирликларни бирликларга, ўнликларни ўнликларга құшиш қулай экани ҳақида бемалол хулоса чиқаришади.}$$

Үқитувчи доскага янги $532+145$ мисолини ёзади ва уни ҳам аввалги мисол каби $(32+45)$ ечиш мумкинлигини тушунтиради.

$$532+145=(500+30+2)+(100+40+5)=(500+100)+(30+40)+(2+5)=600+70+7=677.$$

Бу ерда юзликларни юзликлар билан, ўнликларни ўнликлар билан, бирликларни бирликлар билан құшилганини тушунтириб, үқитувчи бу мисолни «устун шаклида» ёзишиңи таклиф этади. «Аввал биринчи құшилувчини ёзамиш. Унда нечта юзлик бор? Нечта ўнлик бор? Нечта бирлик бор? Унинг остига иккинчи құшилувчини ёзамиш. Иккинчи құшилувчини биринчи құшилувчи остига қандай ёзамиш?

Албатта, юзликларни юзликлар остига, ўнликларни ўнликлар остига бирликларни бирликлар остига ёзамиз. Қандай күшамиз? Албатта, бирликларни бирликлар билан, ўнликларни ўнликлар билан, юзликларни юзликлар билан күшамиз. 2 бирликка 5 бирликни күшамиз, 7 бирлик ҳосил бўлади. Чизикча остидаги йифиндида бирликлар ўрнига 7 ни ёзамиз. 3 та ўнликка 4 та ўнликни күшамиз. 7 та

$$\begin{array}{r}
 + 532 \\
 + 145 \\
 \hline
 677
 \end{array}$$

йунлик ҳосил бўлади. Йифиндида ўнликлар ўрнида 7 ни ёзамиз. 5 та юзликка 1 та юзликни күшамиз, 6 та юзлик ҳосил бўлади. Йифиндида юзликлар ўрнида 6 ни ёзамиз: йифинди 677 га тенг.

Болалар бундай мисолларнинг устун шаклида ёзилишини ва уларнинг ечилишини бирлаштиришни ($562+416$, 2 бирл.+6 бирл.=8 бирл; 6 ўнл.+1 ўнл.=7 ўнл., 5 юзл.+4 юзл.=9 юзл. йифинди —978) ўзлаштиришади, ёзма кўшиш бирликлардан бошланишини ёзишади.

Кейинги дарсда болалар ўнликдан ўтмасдан уч хонали сонларни айриш билан танишадилар.

$$\begin{array}{r}
 - 679 \\
 - 434 \\
 \hline
 245
 \end{array}$$

9 бирликдан 4 бирликни айрамиз, 5 бирлик чиқади. 4 ни чизикча остида айрмада бирликлар ўрнига ёзамиз. 7 ўнликдан 3 ўнликни айрамиз. 4 ўнлик чиқади. Айрмада ўнликлар ўрнига (хонасида) 4 ни ёзамиз, 6 юзликдан 4 юзликни айрамиз, 2 юзлик ҳосил бўлади. Айрмада юзликлар ўрнига 2 ни ёзамиз. Айрма 245 га тенг бўлади.

Уч хонали сонни икки хонали сонга кўшишга катта аҳамият берилади. Масалан: $52+931$. Бу ерда болаларни сонларни тўғри ёзишга ўргатиш муҳимдир.

Иккита ёзув бўлиши мумкин:

$$\begin{array}{r}
 + 52 \\
 + 931 \\
 \hline
 931
 \end{array}
 \quad \text{ва} \quad
 \begin{array}{r}
 52 \\
 931 \\
 \hline
 931
 \end{array}$$

Нотўғри ёзувдаги хатони жуда синчиклаб аниқлаш муҳимдир (бу ерда юзликлар ўнликлар остига ёзилган, аслида ўнликлар остига ёзилиши керак ва ҳоказо).

Ушбу $427+133$, $363+245$, $236+434$ кўринишдаги мисолларни ечишда нима учун ёзма кўшишни оғзаки хисоблашдагидек юкори хоналардан эмас, балки 1 хона бирликларидан бошлаш керак: ўқувчилар мисоллардан бирини ечишсин ($457+243$), бунда кўшишни юзликлардан бошлаб, бундай кетма-кетликдаги хисоблашлар нокулайлигига ўз-

лари ишонч ҳосил қилишади, чунки юзликлар рақами ва ўнликлар рақамини тузатишга тўғри келади.

Ўнликдан ўтиб қўшишга доир мисолларни ечишдан олдин натижани янада йирикрок бирликларда ифодалаш талаб қилинган. 8 бирл.+6 бирл., 6 ўнл.+7 ўнл. ва шу каби кўринишдаги тайёргарлик машқларини киритиш фойдали.

Худди аввалги босқичлардагидек мисоллар аввал муфассал тушунтирилиб ечилади.

$\begin{array}{r} + 268 \\ \hline 319 \end{array}$ 8 бирликка 9 бирлик қўшилса, 17 бирлик чиқади ёки 1 ўнлик ва 7 бирлик чиқади. 7 бирликни бирликлар остига, 1 ўнликни эса ўнликларга қўшамиз. 6 ўнликка 1 ўнликни қўшамиз, 7 ўнлик ҳосил бўлади, бизда яна 1 та ўнлик бор, уни ҳам қўшсак, 8 ўнлик чиқади. 8 рақамни ўнликлар остига ёзамиз. 2 юзлик ва яна 3 юзлик 5 юзлик бўлади. 5 рақамини юзликлар остига ёзамиз. Йигинди 587.

2—3 дарсдан сўнг тушунтиришни қисқартириш мумкин:
 $\begin{array}{r} + 523 \\ \hline 382 \end{array}$ $3+2=5$, ёзаман 5; $2+8=10$, 0 ни ёзаман, 1 ни юзликларга қўшаман. $5+3=8$, $8+1=9$, 9 ни ёзаман. Ҳаммаси 905. Лекин хатога йўл қўйилса, биринчи дарслардагидек муфассал тушунтиришни талаб килиш лозим.

$254+346$ ва $489+395$ кўринишидаги қўшиш ҳолларини ҳам кўрсатамиз: $4+6=10$, 0 ни ёзаман, 1 ни ўнликларга қўшамиз. $5+4=9$, $9+1=10$, 0 ёзаман, 1 ни юзликларга қўшамиз. $2+3=5$, $5+1=6$. Юзликлар остига 6 ни ёзаман. Ҳаммаси 600.

$\begin{array}{r} + 489 \\ \hline 395 \end{array}$ $9+5=14$, 4 ни ёзаман, 1 ни ўнликларга қўшаман. $8+9=17$, $17+1=18$, 8 ни ёзаман, 1 ни юзликларга қўшаман. $4+3=7$, $7+1=8$, 8 ни юзликлар остига ёзаман. 884 ҳосил бўлди.

Ёзма қўшишни бажаришда ўкувчиларнинг мулоҳазаларини ўзлаштиришдан ташқари, мазкур мавзуни ўрганишнинг ҳамма босқичларида тез ва тўғри ҳисоблаш кўнишкаларини ҳосил қилишга эришиш керак. Бунга куйидагича турли хил машқлар ёрдам беради:

1) Мисолларни ечининг:

$$\begin{array}{r} + 142 \\ \hline 275 \end{array} \quad \begin{array}{r} + 32 \\ \hline 399 \end{array} \quad \begin{array}{r} + 305 \\ \hline 615 \end{array} \quad \begin{array}{r} + 218 \\ \hline 208 \end{array}$$

2) Куйидаги мисолларни қараб чиқинг; улар орасидан тўғри ва нотўғри ечилганларини кўрсатинг, хатони тушунтиринг, тўғри ечининг:

$$+ \frac{367}{113} \quad \underline{- \frac{470}{470}}$$

$$+ \frac{303}{253} \quad \underline{- \frac{506}{506}}$$

$$+ \frac{429}{571} \quad \underline{- \frac{1000}{1000}}$$

$$+ \frac{178}{245} \quad \underline{- \frac{323}{323}}$$

$$+ \frac{23}{447} \quad \underline{- \frac{667}{667}}$$

3) Қуйидаги мисолларда ташлаб кетилған рақамларни ўрнiga ёзинг:

$$+ \frac{464}{326} \quad \underline{- \frac{7.0}{7.0}}$$

$$+ \frac{524}{239} \quad \underline{- \frac{7..}{7..}}$$

$$+ \frac{408}{203} \quad \underline{- \frac{6.1}{6.1}}$$

$$+ \frac{467}{282} \quad \underline{- \frac{.49}{.49}}$$

$$+ \frac{496}{504} \quad \underline{- \frac{.0.}{.0.}}$$

380—247, 904—723 күринишдеги уч хонали сонларни айришда ўкувчилар мисол құшишдагидек устун шаклида ёзилса, соддароқ ва тезроқ айриш мүмкінлегини тушунишади. Дастребки пайтларда айриш муфассал тушунтириб бажарилади.

- 380 Дастреб бир хона бирликларини бошқа хона бирликларига ажратиш эсга олинади:
- 247 1 ўнл.=10 бирл.
1 юзл.=10 ўнл.

Бирликларни айрамиз: нолдан 7 бирликни айриб бўлмайди, 8 ўнликдан 1 та ўнликни оламиз. Буни эсдан чиқармаслик учун 8 рақами устига нукта қўямиз.

1 ўнл.=10 бирл. 10 бирл.—7 бирл.=3 бирл.

(Битта ўнликда 10 та бирлик бор. 10 бирликдан 7 бирликни айрамиз — 3 бирлик қолади. Жавобни бирликлар остига ёзамиз.)

Ўнликларни айрамиз: 8 рақами устида нукта турибди. 1 та ўнликни қарзга олган эдик. 7 ўнл.—4 ўнл.=3 ўнл. 3 та ўнликни билдирувчи 3 рақамини ўнликлар остига ёзамиз. Юзликларни айрамиз:

$$3 \text{ юз} - 2 \text{ юз} = 1 \text{ юз.}$$

Жавоб: 133.

- 904 «1 та юзлик=10 та ўнлик, 1 та ўнлик=10 бирлик эканини эслаймиз. Бирликларни айрамиз: 4 бирл.—3 бирл.=1 бирл. 1 ни бирликлар остига ёзамиз.

Ўнликларни айрамиз: нолдан 4 та ўнликни айриб бўлмайди. 9 та юзликдан 1 та юзликни олиб турамиз, буни эсдан чиқармаслик учун 9 рақами устига нукта қўямиз. 1 юзл.=10 ўнл. 10 ўнл.—4 ўнл.=6 ўнл. 6 ни ўнликлар остига ёзамиз.

Юзликларни айирамиз; 9 рақами устида нүкта турибди, демак, 8 та юзлик қолган. 8 юз.—7 юз=1 юз. 1 ни юзликлар остига ёзамиз. Жавоб: 161.

Машқ тариқасидаги бундай мисолларнинг бир нечтасини бажаргандан сўнг 831—369 кўринишдаги мисоллар кири-тилади, буларда қўшни юкори хонадан битта ёки иккита бирлик «қарз» олишга тўғри келади. Тайёргарлик машқлари сифатида куйидаги каби мисолларни киритиш фойдалидир: 1 ўн. 6 бирл.—7 бирл., 1 юзл. 5 ўнл.—8 ўнл. ва х. к. Шунингдек, турли машқлар ёрдамида ҳар хил хона бирликлари орасидаги муносабатни ва юкори хона бирлигини қўшни хоналар бирликларига майдалашни такрорлаш керак.

—831 Ўкувчи бу мисолни ечар экан 1 та юзликда
—369 10 та ўнлик, 1 та ўнликда эса 10 та бирлик борлигини эслайди. Сўнгра у қуйидагича мулоҳаза юритади: Бирликларни айираман: 1 дан 9 ни айириб бўлмайди. Қўщни хонадаги 3 та ўнликдан 1 тасини «қарз» га оламан (3 рақами устига нүкта қўяди). 1 ўнл. 1 бирл.=11 бирл. 11 бирл.—9 бирл.=2 бирл., жавобни бирликлар остига ёзаман. Ўнликларни айираман: 2 та ўнлик қолган эди. 2 та ўнликдан 6 та ўнликни айириб бўлмайди. 8 та юзликдан 1 та юзликни оламан (8 рақами устига нүкта қўяман). 1 юзл. 2 ўнл.=12 ўнл. 12 ўнл.—6 ўнл.=6 ўнл., жавобни ўнликлар остига ёзаман.

Юзликларни айираман: 7 та юзлик қолган, 7 юзл.—3 юзл.=4 юзл. жавобни юзликлар остига ёзаман. Жавоб: айирма 462.

800—358, 700—206, 1000—427 кўринишдаги мисоллар кийин ҳоллар ҳисобланади. Бунда қийинчиликлар хона бирликларини бир неча марта майдалаш туфайли келиб чиқади (1000—456—бирликлар, ўнликлар ва юзликлар бўлмагани учун 1 та мингликни олиб, уни юзликларга майдалаймиз, 10 та юзлик ҳосил бўлади; 10 та юзликдан 1 тасини оламиз — нүкта қўямыз ва 9 та юзлик қолганини эслаб қоламиз; 1 та юзликни ўнликларга майдалаймиз, 10 та ўнликни ҳосил қиласиз ва х. к.).

—800 Ўкувчининг мулоҳазаси: «1 та юзликда —
—358 10 та ўнлик, 1 та ўнликда —10 та бирлик борлигини эслайман. Бирликларни айираман. Нолдан 8 ни айириш мумкин эмас. Ўнликларнинг бирликлари йўқ. 8 та юзликдан 1 та юзликни оламан (8 рақами устига нүкта қўяман). 1 юзл.=10 ўнлик. Энди менда нол ўрнига 10

та ўнлик бор. 10 та ўнликдан битта ўнликни оламан (0 устига нүкта қўяман).

1 та ўнлик=10 та бирл.; 10 та бирл.=2 бирл.
Жавобни бирликлар остига ёзаман.

Ўнликларни айираман. Бизда 9 та ўнлик қолди. 9 та ўнл.=5 та ўнл.=4 та ўнл. Жавобни ўнликлар остига ёзаман.

Юзликларни айираман: 7 та юзлик қолган эди. 7 юзл.=—3 юзл.=4 юзл. Жавобни юзликлар остига ёзаман. Айирма: 442.

Бундай кўринишдаги дастлабки мисолларни ечишда юзликлар, ўнликларни «қарзга олишни» нол устига нүкта кўйиш фойдалидир:

$$\begin{array}{r} 1\overset{1}{0} \quad 1\overset{1}{0} \\ - 1 \quad 0 \quad 0 \quad 0 \\ \hline 3 \quad 5 \quad 6 \end{array} \qquad \begin{array}{r} 1\overset{1}{0} \\ - 9 \quad 0 \quad 0 \\ \hline 7 \quad 0 \quad 2 \\ \hline 1 \quad 9 \quad 8 \end{array}$$

Кейинрок болалар юзликлар, ўнликларни «қарзга олишни» 10 сонини нол тепасига ёзмасдан эслаб қолишга ўрганиб кетадилар:

$$\begin{array}{r} 1\overset{1}{0}\overset{1}{0} \\ - 189 \\ \hline 811 \end{array} \qquad \begin{array}{r} 7\overset{1}{0}\overset{1}{0} \\ - 43 \\ \hline 657 \end{array}$$

Ёзма айришни ўрганишнинг ҳар бир босқичида хисоблаш малакаларини ҳосил қилиш учун бундай машқлардан етарлича бериш керак. Бу машқларни бажариш жараёнида ўқувчиларнинг мулоҳазалари иложи борича қисқа, хисоблашлар эса тез бажарилиши керак. Машқларга мисоллар келтирамиз:

1) мисолларнинг ечилишини тушунириинг:

$$\begin{array}{r} 265 \\ - 51 \\ \hline \end{array} \qquad \begin{array}{r} 724 \\ - 603 \\ \hline \end{array} \qquad \begin{array}{r} 902 \\ - 384 \\ \hline \end{array} \qquad \begin{array}{r} 600 \\ - 249 \\ \hline \end{array}$$

2) мисолларни устун шаклида ёзинг ва ечинг:

$$813 - 15, \quad 700 - 208, \quad 301 - 196$$

3) мисолларни ечинг ва натижани қўшиш билан текширинг:

$$560 - 237, \quad 808 - 49, \quad 300 - 124$$

4) мисолларни ечинг ва натижани айриш билан текширинг:

5) нотүғри ечилган мисолларнинг ечилишини тушунтиринг ва уларни түғри ечинг:

$$\begin{array}{r} -\frac{407}{156} \\ \hline 251 \end{array} \quad +\frac{398}{212} \quad -\frac{635}{204} \quad +\frac{542}{26} \quad +\frac{603}{245} \quad -\frac{821}{348} \quad \hline \begin{array}{r} 600 \\ 401 \\ 702 \\ 303 \\ 583 \end{array}$$

6) тушириб қолдирилган рақамларни ёзинг:

$$\begin{array}{r} +\frac{4 \square 8}{\square 6 \square} \\ \hline 6 \ 4 \ 1 \end{array} \quad \begin{array}{r} -\frac{70 \ 3}{24 \square} \\ \hline 54 \ 8 \end{array}$$

7) нүкталар ўрнига қандай белги қўйиш керак:

$$400 - 247 \dots 301 - 140; \quad 904 - 541 \dots 525 - 159?$$

Бу пайтга келиб ёзма ҳисоблашлар билан ечиладиган тенгламаларни ва 2—3 амалли мисолларни ечиш ҳам киритилади.

4- §. 1000 ИЧИДА КЎПАЙТИРИШ ВА БЎЛИШ

1000 ичидаги сифатида кўпайтириш билан таништиргандан сўнг болаларни яхлит юзликлар ва ўнликларни бир хонали сонга кўпайтириш ва бўлишни оғзаки бажариш билан таништирилади; кўпайтириш ва бўлишга доир мисоллар оғзаки ечилади. Сўнгра ўқувчилар 1000 ичидаги ёзма кўпайтириш ва бўлишга ўтадилар. Уч хонали сонларни кўпайтириш ва бўлиш усуллари кўп хонали сонларни қўшиш ва айириш усулларидан кескин фарқ қиласи ҳамда анча мураккабдир. Яхлит юзликлар ва ўнликларни бир хонали сонга оғзаки кўпайтиришда бўлинувчини юзлик ёки ўнликнинг бирликлари сифатида ифодалайдилар.

$$\begin{array}{ll} 90 \cdot 4 & 90 - \text{бу } 9 \text{ та ўнлик. } 9 \text{ ўнл. } \cdot 4 = 36 \text{ ўнл. ёки} \\ & 360. \text{ Демак, } 90 \cdot 4 = 360. \end{array}$$

$$\begin{array}{ll} 80 : 2 & 80 - \text{бу } 8 \text{ та ўнлик. } 8 \text{ ўнл.} : 2 = 4 \text{ ўнлик ёки } 40. \\ & \text{Демак, } 80 : 2 = 40. \end{array}$$

240 · 3 240 — бу 24 та ўнлик. 24 ўнл. · 3. Бу ерда ўқувчи 100 ичидаги жадвалдан ташқари кўпайтириш усулларидан фойдаланади:

$$24 \cdot 3 = (20 + 4) \cdot 4 = 20 \cdot 3 + 4 \cdot 3 = 60 + 12 = 72. \quad 24 \text{ ўнл. } \cdot 3 = 72 \text{ ўнл. Демак, } 240 \cdot 3 = 720.$$

270 : 9

270— бу 27 та ўнлик. 27 ўнл. : 9=3 ўнл.
270 : 9=30.

300 · 3

300— бу 3 та юзлик. 3 юзл. · 3=9 юзл. 300 · 3=900.

800 : 4

800— бу 8 та юзлик. 8 юзл. : 4=2 юзл.

800 : 4=200. Кўпайтириш ва бўлиш жадвалларини билган болаларда кўпайтириш ва бўлишнинг бу усуллари унчалик кийинчилик туғдирмайди.

Болаларни кўпайтиришнинг ёзма усуллари билан таништиришдан олдин яна бир бор йифиндини сонга кўпайтиришнинг хоссасини эслаш зарурдир:

$$24 \cdot 2 = (20 + 4) \cdot 2 = 20 \cdot 2 + 4 \cdot 2 = 40 + 8 = 48.$$

$$324 \cdot 2 = (300 + 20 + 4) \cdot 2 = 300 \cdot 2 + 20 \cdot 2 + 4 \cdot 2 = 600 + 40 + 8 = 648.$$

Сонларни кўпайтириш ($24 \cdot 2$ ва $324 \cdot 2$) натижаларини олгач, ўқитувчи бу мисолларни устун шаклида ёзиб ечиш қулай (киска) роқ эканини айтади. 24 соннинг таркибини таҳлил қилгандан сўнг ўқитувчи бу мисолни куйидагича ёзиши мумкин:

$$\begin{array}{r}
 2 \text{ та ўнл. } 4 \text{ бирл.} \\
 \times \quad \quad \quad 2 \\
 \hline
 4 \text{ та ўнл. } 8 \text{ бирл.} = 48
 \end{array}$$

Бу ёзувдан кўринадики, икки хонали сонни кўпайтириш бу соннинг ҳар бир хонасини бирликлардан бошлаб, кўпайтиришга келтирилади. Уч хонали сонни бир хонали сонга кўпайтиришнинг қуйидаги ёзуви бўйича ҳам мулоҳазалар худди юқоридагидекдир: 324 ни 2 га кўпайтириш $\times \frac{324}{2}$ керак. Иккинчи кўпайтириш (2) ни биринчи кўпайтириш (324) нинг бирликлари остига ёзамиш. Чизикча чизамиш. Чап томонга «х» белги қўямиз (болаларга кўпайтириш амали фақат нукта билангина эмас, балки бундай белги билан ҳам белгиланишини тушунтириб кетиш керак). Ёзма кўпайтиришни бирликлардан бошлаймиз. 4 бирликни 2 га кўпайтирамиз, 8 та бирлик ҳосил бўлади (4 бирл. · 2 = 8 бирл.). 8 ни бирликлар остига ёзамиш. Ўнликларни кўпайтирамиз: 2 та ўнл. · 2 = 4 та ўнл. 4 та ўнликни ўнликлар остига ёзамиш. Юзликларни кўпайтирамиз: 3 та юзл. · 2 = 6 та юзл. 6 юзликни юзликлар остига ёзамиш. Кўпайтма 648.

Бир хонали сонга ёзма кўпайтириш ҳоллари аста-секин кийинлаштириб борилади. Дастреб бирликларда, сўнгра

ўнликларда хона бирлигидан ўтиш сони киритилади. Масалан: 127 · 3, 231 · 4.

$\times \frac{127}{3} \quad 127 \text{ ни } 3 \text{ га кўпайтириш керак. Мисолни устун шаклида ёзамиз. Биринчи кўпайтувчи}$
 $\underline{381} \quad 127.$ Бирликлар остига иккинчи кўпайтувчини ёзамиз. Кўпайтиришни бирликлардан бошлаймиз. 7 бирликни 3 га кўпайтирамиз, 21 бирлик ҳосил бўлади ($7 \text{ бирл.} \cdot 3 = 21 \text{ бирл.}$). 21 бирл. = 2 ўнл. 1 бирл., 2 та ўнлик ва 1 та бирлик. 1 бирликни бирликлар остига ёзамиз, 2 та ўнликни эслаб қоламиз, уни кейин ўнликларга кўшамиз.

Ўнликларни кўпайтирамиз. 2 та ўнликни 3 га кўпайтирасак, 6 та ўнлик ҳосил бўлади, бундан ташқари яна 2 та ўнлик (дилдаги) бор ($2 \text{ ўнл.} \cdot 3 = 6 \text{ ўнл.}; 6 \text{ ўнл.} + 2 \text{ ўнл.} = 8 \text{ ўнл.}$), 2 та ўнликни 6 та ўнликка кўшамиз, 8 та ўнлик ҳосил бўлади. 8 ўнликни ўнликлар остига ёзаман.

Юзликларни кўпайтирамиз. 1 юзл. ни 3 га кўпайтираман, 3 юзл. ҳосил бўлади ($1 \text{ юзл.} \cdot 3 = 3 \text{ юзл.}$). 3 юзликни юзликлар остига ёзамиз. Кўпайтма: 381.

$\times \frac{231}{4} \quad 231 \text{ ни } 4 \text{ га кўпайтириш керак. Мисолни устун шаклида ёзамиз. Биринчи кўпайтувчи } 231.$
 $\underline{924} \quad \text{Уни ёзамиз. Бирликлар остига иккинчи кўпайтувчини ёзамиз.}$

Дастлаб бирликларни кўпайтирамиз. 1 бирликни 4 га кўпайтирамиз, 4 бирлик ҳосил бўлади: $1 \text{ бирл.} \cdot 4 = 4 \text{ бирл.}$ 4 ни бирликлар остига ёзамиз. Ўнликларни кўпайтирамиз. 3 ўнликни 4 га кўпайтирилса, 12 ўнлик ҳосил бўлади, бу 1 юзл. ва 2 ўнл. ($3 \text{ ўнл.} \cdot 4 = 12 \text{ ўнл.}, 12 \text{ ўнл.} = 1 \text{ юзл. } 2 \text{ ўнл.}$). 2 ўнликни ўнликлар остига ёзаман, 1 та юзликни эса дилда сақлаймиз. Бу юзликни юзликларга кўшамиз. Юзликларни кўпайтирамиз, 2 юзликни 4 га кўпайтирамиз, 8 юзлик ҳосил бўлади, яна 1 та юзлик бор, ҳаммаси бўлиб, 9 та юзлик. 9 ни юзликлар остига ёзамиз. Кўпайтма: 924.

Мисолларни муфассал ечишни тушунтиришдан ўқитувчи раҳбарлигига қисқача тушунтиришга (бунда хона бирликларининг номлари айтилмайди) ўтадилар, масалан,

$\times \frac{241}{3} \quad 241 \text{ ни } 3 \text{ га кўпайтириш керак. } 1 \text{ ни } 3 \text{ га кўпайтираман. } 3 \text{ ни бирликлар остига ёзаман.}$
 $\underline{723} \quad 4 \text{ ни } 3 \text{ га кўпайтираман, } 12 \text{ ни ҳосил қиласман, } 2 \text{ ни ёзаман, } 1 \text{ ни эсда сақлайман. } 2 \text{ ни } 3 \text{ га кўпайтираман, } 6 \text{ ҳосил бўлади, «дилдаги» билан } 7 \text{ бўлади. Уни юзликлар остига ёзаман.}$
Кўпайтма 723.

Бир хонали сонни уч хонали сонга кўпайтиришда кў-

пайтиришнинг ўрин алмаштириш хоссасидан фойдаланилади: $7 \cdot 112 = 112 \cdot 7$.

$\begin{array}{r} \times 112 \\ \hline 7 \\ \hline 784 \end{array}$ 7 ни 112 га кўпайтириш керак. Бу 112 ни 7 га кўпайтириш деган сўздир. Мисолни устун шаклида ёзаман. Биринчи кўпайтувчи қилиб 112 ни ёзаман. Иккинчи кўпайтувчи учун 7 сонини ёзаман. Кўпайтиришни бошлайман. Даствор бирликларни кўпайтираман ...

Бир хонали сонга кўпайтиришни ўргангандан сўнг ёзма бўлишга тайёргарлик бошланади. Даствор болалар бўлиш амали ҳақида билганларини такрорлайдилар: бўлиш — бу кўпайтириш амалига тескари амалдир. Агар 48 ни 16 га бўлишимиз керак бўлса, биз шундай сонни тошишимиз керакки, 16 ни бу сонга кўпайтирганда натижада 48 ни бериши керак. Болаларни бўлишнинг ёзма белгиси $\underline{\underline{|}}$ (бурчак) билан таништириллади ва қолдикли бўлишга доир (маълум ҳоллар) бир нечта мисол ечилади:

$$\begin{array}{r} -16 | 5 \\ -\frac{15}{1} \end{array} \qquad \begin{array}{r} -44 | 6 \\ -\frac{42}{2} \end{array}$$

Бу мисолларни ечишда болалар бўлинувчи бўлиш белгисининг чап томонига, бўлувчи бўлиш белгиси ичига ёзилишини аниқлайдилар. Бўлиш белгисининг чизиқчаси остига бўлинма ёзилади. Бўлинувчи остига бўлувчи бўлинган сон, чизиқча остига эса қолдик ёзилади. Бўлинувчи билан бўлувчи бўлинган сон орасига «—» (минус, айирув) белгиси кўйилади.

Ана шундай ўтказилган тайёргарлик ишидан сўнг бир хонали сонга бўлиш билан танишишга ўтилади.

Масалан, 426 ни 2 га бўлиш мисоли қаралаётган бўлсин. Даствор болалар ўқитувчи раҳбарлигида йифиндини сонга бўлиш хоссасидан фойдаланиб, бўлишни бажарадилар:

$$426 : 2 = (400 + 20 + 6) : 2 = 400 : 2 + 20 : 2 + 6 : 2 = 200 + 10 + 3 = 213.$$

$$804 : 4 = (800 + 4) : 4 = 800 : 4 + 4 : 4 = 200 + 1 = 201.$$

$$\begin{array}{r} -426 | 2 \\ -\frac{4}{2} \\ -\frac{2}{6} \\ -\frac{6}{0} \end{array}$$

Бу ечилишларни таҳлил қилиб чиқилгач, ўқитувчи ёзма бўлиш усулини қараб чиқишни бошлайди:

426 ни 2 га бўлиш керак. Бўлишга доир бу мисолни устун шаклида ёзамиз. Бўлинувчи 426, бўлувчи 2. Бўлинувчидаги 4 та юзлик, 2 та ўнлик ва 6 та бирлик бор. Юзликларни бўлишдан бошлаймиз.

4 юзлик 2 га бўлинади, 2 чиқади ($4 \text{ юзл.} : 2 = 2$ юзл.). 2 ни бўлинмага ёзамиз. Қайси сонни бўлганимизни аниклаймиз ($2 \cdot 2 = 4$). 4 ни юзликлар остига ёзамиз. Айирамиз, неча қолганини аниклаймиз (ҳеч қандай сон қолмайди). Чизиқча остига ўнликларни ёзамиз. Бизда 2 та ўнлик бор. 2 та ўнликни 2 га бўламиз ($2 \text{ ўнл.} : 2 = 1$ ўнл.), 1 ҳосил бўлади. Бўлинмага 1 ни ёзамиз (2 юзликдан кейин), нечта ўнликни бўлганимизни аниклаймиз. Бунинг учун 2 ни 1 га кўпайтирамиз, 2 чиқади, уни ўнликлар остига ёзамиз. Бўлинмаган нечта ўнлик қолганини билиш учун айирамиз (ҳеч нима). Чизиқча остига 6 бирликни ёзамиз. 6 бирликни 2 га бўла-миз, 3 бирлик чиқади. 3 ни бўлинмага ёзамиз (1 дан кейин). Нечта бирликни бўлганимизни аниклаймиз. 2 ни 3 га кўпайтирамиз, 6 ҳосил бўлади. Уни 6 рақами остига ёза-миз. Нечта қолганини билиш учун айирамиз (ҳеч нима). Бўлишга сон қолмади. Шунинг учун чизикча остига 0 рақамини ёзамиз. Бўлинма: 213.

Мисолни ечишни бундай тушунтиргандан сўнг (ўкувчилар уни дафтарларига ёзмайдилар) ўқитувчи бўлиш алгоритмини тушунтиришга, яъни тўлиқ бўлмаган (тўлиқмас) бўлинувчиларни ҳосил қилиш укувини, бўлинманинг рақамлари сонини аниклашга, ҳар қайси ҳисоблаш амалини тушунтиришга киришади: бўлинманинг тегишли рақамини топиш учун тўлиқмас бўлинувчи бўлувчига бўлинади; бўлинманинг топилган рақами бўлувчига кўпайтирилади (нечта бирлик (юзлик, ўнлик) ни бўлинганлигини билиш учун); бу хонанинг нечта бирлиги ҳали бўлинмаганлигини билиш учун ҳосил бўлган кўпайтмани тўлиқмас бўлинувчидан айирилади; бўлинмадаги рақам тўғри топилганлиги текширилади.

936 3
 ...
 Масалан, 936 ни 3 га бўлиш керак бўлсин.
 Бу мисолни устун шаклида ёзамиз. Бўлинувчи 936, унда 9 та юзлик, 3 та ўнлик, 6 та бирлик бор. 9 та юзни 3 га бўлиш мумкин, демак, бўлинмада учта рақам бўлади — юзлар, ўнлар ва бирлар. Бўлинмада учта нукта қўямиз — бу ҳар қайси нукта ўрнига рақам ёзишимизни эслаб туриш учун. Бўлишни бошлаймиз.

$$\begin{array}{r} 936 \\ - 9 \\ \hline 312 \end{array}$$

 Юзликларни бўламиз. $9 \text{ юзл.} : 3 = 3$ юзл.

$$\begin{array}{r} 3 \\ - 3 \\ \hline 0 \end{array}$$

 Бўлинмага 3 ни ёзамиз. Нечтани бўлганимизни аниклаймиз. Кўпайтирамиз:

$$3 \cdot 3 = 9$$
. Уни юзликлар остига ёзамиз.
 Айирамиз: $9 - 9 = 0$. Юзликлар бутунлай бўлинади. Ўнликларни бўламиз, 3 ўнл. : $3 = 1$ ўнл. 1 ни бўлинмада ўнликлар ўрнига ёзамиз. Бўлинмаган нечта

ўнликлар қолганини аниқлаймиз. Ўнликларни ҳам бутунлай бўлдик. Бирликларни бўламиз. 6 бирл. : 3=2 бирл. 2 ни бўлинмада бирликлар ўрнига ёзамиш. Нечта бирликини бўлганимизни аниқлаймиз. 3 ни 2 га кўпайтирамиз ($3 \cdot 2 = 6$). Бирликларни ҳам бўлиб бўлдик. Чизиқча остига 0 ни ёзамиш. Бўлинма: 312.

Текшириш: $312 \cdot 3 = 936$.

Бўлиш усуллари қийинлаштириб борилади.

$$\begin{array}{r} 729 | 3 \\ -\frac{6}{12} \\ -\frac{12}{9} \\ -\frac{9}{0} \end{array}$$

Бўлинувчи 729, унда 7 та юзлик, 2 та ўнлик, 9 та бирлик бор. Бўлувчи 3. Юзликларни 3 га бўлиш мумкинлигини аниқлаймиз. 7 юзл. : 3=2 юзл. Кўпайтирамиз: $3 \cdot 2 = 6$ юзл. 6 юзл. ни айарамиз. $7 - 6 = 1$ (юзл.) Яна битта юзликни бўлиш қолди. 1 юзл. ва 2 ўнл. 12 ўнл. га teng. Ўнликларни бўламиз. $12 : 3 = 4$ ўнл. $4 \cdot 3 = 12$ (ўнл.) — бўлдик.

Бирликларни бўламиз. $9 : 3 = 3$ (бирл.). Кўпайтирамиз: $3 \cdot 3 = 9$. Айарамиз: $9 - 9 = 0$. Қолдик қолмади. Бўлинмани ўқиймиз: бўлинма 243. Текширамиз:

$$\begin{array}{r} 243 \\ \times \quad 3 \\ \hline \end{array}$$

729 тўғри ечилган.

$$\begin{array}{r} 978 | 3 \\ -\frac{9}{7} \\ -\frac{6}{18} \\ -\frac{18}{0} \end{array}$$

Энди болаларни қисқароқ мулоҳаза юритишига ўргатилади. Бу мисолда 9 та юзлик бўлинади. Жавобда уч хонали сон. Учта нуқта қўямиз. Юзликларни бўламан: $9 : 3 = 3$ (юзл.)

Кўпайтираман: $3 \cdot 3 = 9$.

Айраман: $9 - 9 = 0$. Қолдик йўқ.

Ўнликларни бўламан: $7 : 3 = 2$ (ўнл.) — қолдик бор. Кўпайтираман: $2 \cdot 3 = 6$. Айраман: $7 - 6 = 1$ (ўнл.) 1 та ўнликни ҳам бўлиш керак. Бирликларни бўламан: 1 ўнл. ва 8 бирл. 18 бирл. га teng. $18 : 3 = 6$ (бирл.) Кўпайтираман: $6 \cdot 3 = 18$ (бирл.). Айраман: $18 - 18 = 0$ (қолдик йўқ).

Бўлинма: 326.

$$\begin{array}{r} 279 | 9 \\ -\frac{27}{31} \\ -\frac{9}{0} \end{array}$$

Бўлинувчи 279, унда 2 та юзлик, 7 та ўнлик, 9 та бирлик бор. Бўлувчи 9. 2 юзл. ни 9 га ҳеч бўлмагандан биттадан юзлик бўладиган қилиб бўлиш мумкин эмас.

Демак, жавобда 2 та ракам — ўнликлар ва бирликлар бўлади.

Ўнликларни бўламан: 2 юзл. ва 7 ўнл. 27 ўнл. ни беради, $27 : 9 = 3$ (ўнл.) Кўпайтираман: $3 \cdot 9 = 27$ (ўнл.). Айраман: $27 - 27 = 0$ (қолдик йўқ).

Бирликларни бўламан: $9 : 9 = 1$ (бирл.). Кўпайтираман:

$1 \cdot 9 = 9$. Айираман $9 - 9 = 0$ (колдиқ йўқ). Бўлинма: 31.

100 ичидаги бир хонали сонга кўпайтириш ва бўлиш ана шундай бажарилади.

10- Б О Б. «КЎП ХОНАЛИ СОНЛАР» МАВЗУСИНИ ЎҚИТИШ МЕТОДИКАСИ

Кўп хонали сонларни алоҳида қилиб берилишига сабаб, 1000 дан катта сонларни номерлашнинг ўзига хос хусусиятлари бор: кўп хонали сонлар факат хона тушунчасига эмас, балки синфлар тушунчасига ҳам таяниб ҳосил қилинади, номланади, ёзилади. Бу муҳим тушунчани очиб бериш керак.

Масалаларни қараб чиқиш тартиби қуйидагича: номерлаш, ёзма қўшиш ва айириш, ёзма кўпайтириш ва бўлиш. Ишнинг ўзига хос томони шундан иборатки, кўрсатилган барча масалаларни ўрганишда ўқитувчи ўқувчилар ўқитишининг бундан илгариги босқичларида ҳисоблаш системалари, натурал сонлар қатори, арифметик амаллар, уларнинг хоссалари, амаллар орасидаги ўзаро боғланиш, компонентлар ўзгарганда натижаларнинг ўзгаришига нисбатан тўплаган кузатишлари ва айрим хулосаларини умумлаштиришга эришади. Бу билимлар кўп хонали сонларни ўқиш ва ёзиш, оғзаки ва ёзма ҳисоблашларни бажариш учун асос бўлади.

1- §. КЎП ХОНАЛИ СОНЛАРНИ НОМЕРЛАШ

1000 дан катта сонларни номерлашни ўрганиш ўзига хос хусусиятга эга. Бундан олдинги барча сонларни ўрганишда ўринли бўлган предметларни бевосита санашга асосланган ҳолда кўп хонали сонларни ҳосил қилиш, уларни оғзаки номерлаш мумкин эмас. Предмет кўргазмаликни шартли кўргазмаликка алмаштиришга тўғри келади: сон чўтга солинади ёки номерлаш жадвалида белгиланади. Иккала ҳолда ҳам кўргазмалик сонни ҳосил қилиш ва белгилашни намойиш этади ва шартлилик элементига эга бўлади: чўтдаги бир хил соққалар, айни бир хил рақамлар чўтда ва номерлаш жадвалида жойлашишига қараб ёзувда ҳар хил сонни билдиради (масалан, 333333 сони ва 3 бирлик, 3 ўнлик, 3 юзлик ва ҳоказо). Дарсда кўргазмали воситалардан фойдаланаётганда буни ҳисобга олиш зарур.

Иккинчи ўзига хос хусусияти шундан иборатки, 1000 дан катта сонларни номерлаш бирликларни икки ёқлама гурухлашга асосланади: қуий хонанинг 10 бирлиги ундан

кейинги юқори хонанинг 1 бирлигини ташкил этади, куйи синфнинг 1000 бирлиги ундан кейинги юқори синфнинг 1 бирлигини ташкил этади. II синф бирлиги — минг ва бу бирликлар билан уларни I синф бирликлари каби ўнликларга, юзликларга, мингликларга гурухлаб содда бирликлар каби санаш мумкин. Кўп хонали сонлар турли синфлар бирликларини санаш натижасида ҳосил бўлади, шунинг учун улар «синфлар бўйича» ўқилади ва ёзилади, ҳар бир синф ичидаги эса соннинг ҳосил килиниши, аталиши ва ёзилиши 1000 ичидаги сонларни ҳосил қилиш, аташ ва ёзишдаги каби амалга оширилади. Масалан, агар мингларни санаб 115 ни, кейин бирларни санаб 125 ни ҳосил қилсак, 115125 сони ҳосил бўлади. Бирликларни синфлар бўйича гурухлашнинг мавжудлиги кўп хонали сонларни номерлашни ўрганиш тартибига маълум из қолдиради: болаларни бир йўла минглар синфининг учта хона бирликлари билан таништириш мақсадга мувофиқ, бунда бирликларнинг ҳосил бўлиши ва аталиши I синф бирликларининг ҳосил бўлиши ва аталиши билан ўхшаёт эканини таъкидлаш керак; сўнгра II синф хона сонларининг ҳосил бўлиши ва ёзилишини (5 минг, 20 минг, 600 минг) ва II синф бирликларидан тузилган синф сонлари (25 минг, 320 минг, 761 минг)ни (яъни яхлит мингликларни) қараш ва ниҳоят, тўрт хонали, беш хонали ва олти хонали сонларни номерлашни ўрганишга киришиш керак. Бу ерда саноқ системасининг ғояси ўз аксини топади: мингликлар худди оддий бирликлар каби саналади, кўп хонали сонларни номерлашни ўрганиш эса мазкур ҳолда 1000 ичидаги номерлашга доир билимларга таянади.

Кўп хонали сонларни номерлашни ўрганишга доир тайёргарлик ишларини анча илгари бошлаш керак. Бунда ўқитувчи иккита мақсадни кўзда тутиши зарур: биринчидан, ўкувчиларнинг бундан олдинги сонларни номерлашни қарашда олган билимларини мустаҳкамлашга, иккинчидан, ўкувчиларда янги мавзуга доир маълум мақсадни шакллантириш ва қизиқиш уйғотиши зарур.

Бунда шу нарсани қатъий ёдда тутиш керакки, номерлашни ўрганиш масаласи ўкувчиларнинг ўнли саноқ системаси, сонларнинг натураген кетма-кетлиги ва кўп хонали сонларнинг таркиби ҳақидаги тушунчаларини кенгайтириш ва шу асосда кўп хонали сонларни ўқиш ва ёза олиш кўникмаларини шакллантиришдан иборат.

Бу мавзу бўйича ишнинг муваффакиятли бўлиши 1000 ичидаги сонларни номерлашнинг ўзлаштирилиши ва мустаҳ-

кам ўрганиб олинишига бевосита боғлик, чунки ўнли саноқ системасидаги ҳар қандай синф сонлари тузилишининг ягона принципи биринчى мингликдаги сонлар билан танишишда олинган билимларни исталган күп хонали сонлар билан ишлашда қўллашга имкон беради.

Янги мавзуни ўрганиш янги саноқ бирликлари (минг, ўн минг, юз минг бирликлари) нинг киритилиши ва синф тушунчаси билан танишишдан бошланади.

Болалар билан санашдан фойдаланиб, мингнинг ҳосил бўлиши такрорланади (10 та юзлик 1 мингни ташкил этади ёки бошқача — саноқда 999 сонидан кейин ундан бир бирлик катта сон келади, бу минг сонидир). Сўнгра санаш жараёнида янги саноқ бирликлари киритилади: 10 минг ёки 1 та ўн минг, 10 та ўн минг ёки 1 та юз минг, 10 та юз минг ёки 1 миллион. Янги саноқ бирликлари нинг номини номерлаш жадвалига ёзиб олиш ўқитувчи учун ҳам, ўқувчилар учун ҳам фойдали. Бу жадвалга асосланган ҳолда синф тушунчасини киритиш мумкин: дастлабки учта хона бирликлари, яъни бирлар, ўнлар, юзлар — биринчи синфни ёки бирлар синфини ташкил этади, навбатдаги учта хона бирликлари, яъни минглар, ўн минглар, юз минглар бирликлари эса иккинчи синфни ёки минглар синфини ташкил этади. Тақкослаш билан шу нарсани осон аниклаш мумкинки, бу синфларнинг ҳар бирида учтадан хона бор, ҳар бир навбатдаги хона бирлиги ундан олдинги хона бирлигидан 10 марта ортиқ, бирлар синфида ўнлаб ва юзлаб «оддий» бирлар саналади ва гурухланади, минглар синфида эса минглаб «оддий» бирлар саналади ва гурухланади. Сўнгра бу ва бундан кейинги дарсларда II синф бирликлари (II синф сонлари)дан тузилган сонлар ўрганилади, масалан, 35000, 135000, 109000, 280000 ва ш. к. Улар чўтга ташланади, номерлаш жадвалига ёзилади (60-расм). Ўқувчи хоналар ва синфлар жадвалини чизиш билан синфларнинг ўхшашлигини ва фарқини аниклайдилар.

Бу сонларнинг алоҳида хона сонларидан ташкил топишига доир машқлар (2 та ўн минг ва 8 та минг — бу 28 минг), шунингдек, берилган сонни уни ташкил этувчи хона сонларига ажратишга доир машқлар (472 минг сонида 4 та юз минг, 7 та ўн минг ва 2 та минг бор), берилган сонни хона қўшилувчилари йифиндисига алмаштириш (903 минг=900 минг+3 минг), сонларнинг ўнли таркибига оид билимларга асосланган ҳолда қўшиш ва айришга доир машқлар (80 минг+4 минг; 807 минг—800 минг ва

II синф - минглар синфи			I синф - бирлар синфи		
Юз минглар	Чи минглар	Бир минглар	Юзлар	Чи лар	Бирлар
2	4	3	5	1	5
7	9	4	6	8	3
4	8	7	3	6	2

60- расм.

х. к.) бажарилади. Бу машқларнинг барчаси болаларга II синф сондари 1000 ичидаги сонларнинг ҳосил бўлиши, ёзилиши ва ўқилишига ўхшаш эканини тушунтиришга ёрдам беради.

Кўп хонали сонлар одатда турли синф сонларидан тузилган. Сонда шу таркибий кисмларни (ҳар бир синф сонларини) ажратса олиш кўп хонали сонларни ўқиш ва ёзишда асос деб ҳисобланади. Шунинг учун кўп хонали сонларни хона кўшилувчилари йигиндиси билан алмаштиришга доир машқлар билан бир каторда ўқувчиларни сонни турли синф сонлари йигиндиси (синф кўшилувчилари, масалан, $41709 = 41000 + 709$) билан алмаштиришга ўргатиш муҳимдир. Кўп хонали сонлар синфлар бўйича ўқилади ва ёзилади. Дарсликда кўп хонали сонни ўқиш ва ёзиш учун нима қилиш кераклиги ҳакида тушунтириш берилган. Тушунтиришнинг алоҳида қадамларининг бажарилишини болаларнинг амалий ишлари билан кўшиб олиб бориш фойдали: ўқишда синфларни бир-биридан ёй ёки чизикча билан ажратиш, ёзишда эса синфларни учта рақамни ёзиш ўрни, юкори синфдан ташкари) керак.

Болаларни сонларни ёзишга машқ қилдира бориб, сон билан рақамнинг фарқи ҳакида таъкидлаб ўтиш зарур: рақамлар ёрдамида сонлар ёзилади; сонлар бир-биридан рақамларининг сони бўйича фарқ қиласди: бир хонали, икки хонали, ... олти хонали. Рақамлар ўз қийматига эга бўлиш билан бирга соннинг ёзувидаги ўрнига караб ҳам қийматига эга бўлгани учун айни бир рақамни такрорлаш билан бир хонали, икки хонали ва х. к. сонларни ёзиш мумкин. Номерлашни ўрганишга ажратилган бутун вақт давомида болаларга у ёки бу сонни ёзиш учун ҳамма-

си бўлиб нечта рақам керак бўлганини, бунда неча хил рақамдан фойдаланилганлигини санаб чиқишиларни таклиф этиш, бир хил рақамлар нимани билдиришини, шунингдек, соннинг ёзувидаги 0 рақами нимани билдиришини сўраш керак. Ўқитувчи берган рақамлар ёрдамида турли сонларни ёзиш ва бу сонларни таққослашга доир машқлар фойдали-дир.

Шундай бўлса-да, тажриба қўрсатишйича, ўқувчиларга у ёки бу хона бирлиги қатнашмаган сонларни ёзиш айниқса, қийинлик килади.

Масалан ушбу топшириқ берилган: «II синфнинг 16 та бирлигидан ва I синфнинг 16 та бирлигидан ташкил топган сонни ёзинг». Баъзи ўқувчилар бундай ёзади: 1616. Бу хатонинг сабаби нимада?

Болалар кўп хонали сонларни синфлар бўйича кўргаз-мали равишда оғзаки ёмон қабул килишлари эҳтимол. Бундай хатога йўл қўймаслик учун ўқувчиларни энг олдин ўзларига юқори хона ўнгдан нечанчи ўринда туришини белгилаб олишларини, сондаги рақамлар сонини фикран аниклашларини ўргатиш керак. Бунга куйидаги машқ ёрдам бериши мумкин. Масалан:

Сонда 324 минг бор. Бу сонда нечта рақам бор? (Бола таъкидлайди: 324... — сонда 6 та рақам бор.)

Ўқитувчи шу ўринда бу сон 324000 кўринишда тасвир-ланиши шарт эмаслитини, унда I синфнинг бошқа рақамлари ҳам бўлиши мумкинлигини, масалан, 324745, 324 084, 324 120 ва ҳоказо, бирок уларнинг ҳаммасида 324 минг борлигини тушуниради.

Сонда 3 минг бор. Сонда ҳаммаси бўлиб нечта рақам бор? (3...) Сонда 40 минг бор. Сонда ҳаммаси бўлиб нечта рақам бор? (40...) .

Ўқувчилар кўп хонали сонларни хатосиз ёзишлари учун кўп хонали сонларнинг таркибига кўпроқ эътибор бериш зарур. Ўқувчилар хоналар учлигини кўриб тургандек уларни аниқ тасаввур қилишлари керак. Агар ўқитувчи куйидагича топшириқ берса яхши бўлар эди: «47 минги бор бўлган сонларни ёзинг». Бу топшириқ турлича жавоб бериш имконини беради, чунки ўқувчилар қўрсатилганча мингга эга бўлган 3—4 та сон тузадилар: 47 000, 47256, 47083, 47160. Лекин топшириқни бошқача бериш ҳам мумкин: «209315 сонни ўқинг. Сонда нечта минг бор? (209 та минг) 209 та минги бор бўлган бошқа сон ёзинг (209 560, 209010 ва х. к.). Бу топширикларнинг ҳар қайсисини бажариб бўлгандан кейин, албатта, ҳар

бир сонда нечта рақам борлигини аниқлаш керак. Худди шу ўринда тескари топшириқ ҳам тавсия этилади: «б та рақамли сон ёзинг. Қайси бири юқори хона?» Болалар таваккалига б та рақам ёзишлари мумкин, жумладан, 123456. Кейин ўнгдан чапга 3 тадан хона ажратилади, бу сонда нечта синф борлиги айтилади, сон ўқилади ва бу сондаги юқори хона айтилади (агар сонда 123 минг бўлса, у ҳолда юқори хона юз минг бўлади).

Баъзи синфларда айрим ўқувчилар ўқитувчи айтиб турганда сонларни ёзишда ортиқча ноль ёзиб кўйиш каби хатоларга йўл кўядилар. Масалан, 832 минг 421 сонини ёзишда 832000421 каби ёзишлари, яъни минг сўзи билан бирга ортиқча учта ноль, миллион сўзи билан бирга ортиқча б та ноль ёзиб кўйишлари мумкин, айниқса, агар 52 минг 30 сонини ёзиш керак бўлса, 5200030, 7 миллион 2 сонини ёзиш керак бўлса, 7000002 ёзиб кўядилар. Бу ўқувчилар соннинг таркибини яхши билмайдилар. Шунга ўхшаш хатоларга йўл кўймасликни огоҳлантириш мақсадида қўидаги кўринишдаги машқлардан фойдаланиш мумкин. Сонни ёзинг:

735 минг	735000
735 минг 2 бирлик	735002
735 минг 42 бирлик	735042
735 минг 642 бирлик	735642

Рақамлар таркиби бўйича ўхшаш сонларни таққослаш асосида таҳлил қилиш билан боғлиқ машқлар ҳам фойдали бўлиши мумкин:

а) 529473 ва 52900473.

Бу сонларда нима умумий? Нимаси билан фарқ қилинади?

б) 26013013; 26130130; 261313

Бу сонлардан қайси бири катта? Қайси бири кичик?

Рақамнинг соннинг ёзувидаги ўрнига кўра қийматини тушуниш соннинг ўнг томонига нолларни кўшиб ёзиш (сондан нолларни олиб ташлаш) йўли билан сонни 10, 100, 1000 марта орттириш ва камайтиришга асосланган. Ўнг томондан сонга битта ноль кўшиб ёзиш билан берилган сондан 10 марта катта сонга эга бўламиз; шунга ўхшаш, соннинг ўнг томонидан иккита нолни олиб ташлаш билан берилган сондан 100 марта кичик сонга эга бўламиз, чунки ҳар бир рақам икки ўрин ўнгга сурилади ва мос равишда

үзи илгари англатган хона сонидан 100 марта кичик хона сонини англатади.

Күп хонали сонларни таққослашни ўқитишида турли ҳоллар қаралади:

— санокда ёнма-ён турган сонларни таққослаётганда болаларга олдиндан маълум бўлган ушбу билимларга таяниш мумкин: санокда олдин учрайдиган сон кичикдир;

— турли микдордаги рақамлар билан ёзилган сонларни (яъни юқори хонасида турли номдаги бирликларга эга бўлган сонларни) таққослаётганда қўйидаги хуносадан фойдаланиш мумкин: рақамларнинг умумий микдори кам бўлган сон кичикдир (масалан, исталган беш хонали сон энг кичик олти хонали сондан ҳам кичикдир);

— бир хил микдордаги рақамлар билан ёзилган сонлар таққослананаётганда бир хил номдаги бирликлар юқори хонадан бошлаб таққосланади. Масалан: 86924 ва 87031, таққослашни ўн минглардан бошлаймиз: улар тенг бўлгани учун мингларга ўтамиз; 6 минг 7 мингдан кичик, демак, 86924 сони 87031 сонидан кичик.

Кўриниб турганидек, кўп хонали сонларни таққослашдаги барча ҳолларда номерлаш бўйича олинган билимларга суюнилади, шунинг учун бу машқлардан билимларни мустаҳкамлашда фойдаланиш ва ўқувчиларга таққослаш усулларини тушунтириб беришни таклиф этиш (қандай таққослаймиз, ёки «==», «>», «<» белгилар тўғри қўйилганини ким исботлаб беради ва ш. к.) ва бунда факат белгиларни қўйиш билан чегараланмаслик мухимдир.

Кўп хонали сонларни номерлашни ўрганишда болалар бир неча саноқ бирликларини билиб олганларидан кейин ўқувчиларни майда бирликларни йирикроқ бирликлар билан алмаштиришга ва аксинча, йирик бирликларни майдароқ бирликлар билан алмаштиришга ўргатиш масаласи қўйилади. Масалан, мингликлар билан берилган сонни бирликлар билан ифодалаш мумкин ($36 \text{ минг} = 36000$); бирликларда берилган сонни юзликлар билан ифодалаш мумкин ($47000 = 47$ юзлик) ва ҳоказо.

Кўп хонали сонларни ўқиш ва ёзиш кўнималарини шакллантириш ҳар бир дарсда тавсия этиладиган турли машқлардан системали равишда фойдаланишга ёрдам беради. Уларни қўйидаги кетма-кетликда бажариш мумкин:

1) Сонларни таққосланг: 8242 . . . 8422
3030 . . . 3003

2) Сонларни ортиб бориш тартибида ёзинг:
3904, 52765, 52675, 60050, 3704, 60200.

Минглар синфининг тагига чизинг.

3) Сонларни диктовка остида ёзинг:

532325, 71049, 5000005, 9000090.

II синф бирликларининг тагига чизинг.

4) Соннинг қўшниларини кўрсатинг:

..., 4000, ...

..., 7999, ...

..., 100000, ...

5) 256 та юзликни ўз ичига олган бешта сон ёзинг.

Уларни ортиб бориш тартибида жойлаштиринг. I синф бирликларининг тагига чизинг.

6) Ёзувни тугалланг:

54372— ... юзлик

490830— ... ўнлик

7) Сонларни таққосланг: 456817 ... 45600817

867000031 ... 862031

60140000 ... 6000014

8) 6, 3, 0, 5 рақамларидан фойдаланиб, бешта тўрт хонали сон ёзинг. Уларни камайиб бориш тартибида жойлаштиринг.

9) Ёзув тўғри бўлиши учун керакли ракамларни қўйинг:

2437<26 324>5324

58 ...<58 119 834900<8 ... 90

Бу машқлар, биринчи навбатда, сонлар ҳақидаги тўғри тушунчаларни шакллантиради (сон қандай саноқ бирликларидан фойдаланилганига боғлиқ), шунингдек ёзма ҳисоблашларни ўрганишга тайёргарлик вазифасини бажаради. Масалан, 3400·9 кўринишдаги кўпайтиришда биринчи кўнайтиувчини ёки 34 юзликни ифодалайди; кўп хонали сонларни бўлишда юкори хона бирликлари ажратилади ва ҳосил бўлган сон — тўлиқмас бўлинувчи айтилади. Бундан ташқари, миқдорлар (катталиклар) ўзгарганда ва улар устида амаллар бажарилганда шу билимлардан фойдаланилади. Шунинг учун номерлашдаёқ сонлар билан алмаштиришларни бажаришга ўхшаш катталикларни алмаштиришларни бажаришни талаб этувчи машқлар киритилади: 9800 сонида ҳаммаси бўлиб неча юзлик бор? 6300 тийинда ҳаммаси бўлиб неча сўм бор? 7300 см да неча метр бор? ва ҳоказо. Бу ерда номерлашга доир билимлар қўлланилаётганлиги сабабли бу машқларни тушунтиришлар билан бажариш мақсадга мувофиқдир (100 тийин 1 сўмни ташкил этади; 6300 тийин неча сўмни ташкил этишини билиш учун 6300 сонида неча юзлик борлигини айтиш керак).

Кўп хонали сонларни номерлаш бўйича ишларни якунлаётиб, яна бир марта миллион ҳақидаги тушунчага мурожаат этиш керак. Саноқдан фойдалана туриб юзта мингни санашда (10 та юз минг миллионни ёки мингта мингни ташкил этади) ва битталаб санашда (энг катта олти хонали сондан кейин энг кичик етти хонали сон — миллион келади) миллионнинг ҳосил бўлиши кўрсатилади. Миллион еттинчи хона бирлиги — чўтда пастдан еттинчи симда ташланади, 1 рақами ва иккита синфнинг бўш хоналари ни белгиловчи иккита учталик ноллар ёрдамида ёзилади. Болалар миллионнинг канчалик катта эканини тасаввур этишлари учун қуийдагича ёрқин мисолларни қараш фойдали: агар китобнинг 100 бети 1 см бўлса, 1 миллион бетли китобнинг қалинлигини тасаввур этиш. Инсон миллион кун яшай олиш-олмаслигини аниқлаш (10 йилда борйўғи 3650 кун 100 йилда эса тахминан 36500 кун, 1000 йилда тахминан 365000 кун миллионнинг ярмидан камроқ кун ўтади) ва ҳоказо.

Сонларни ёзиш ва ўқиши учун тарбияда бебаҳо хисобланган вақтли матбуотдан олинган билишга оид сонли материаллардан фойдаланиш зарур. Сонли материалларни тўплашга ўқувчиларнинг ўзларини ҳам жалб этиш фойдалиdir.

Миллион ичиди сонларнинг натурал кетма-кетлиги ҳақида тўғри тасаввурларни шакллантириш мақсадида дастлабки дарсларнинг ўзидаёқ маълум бўлган битталаб, ўнталаб, юзталаб, мингталаб ва ҳоказо қўшишга (айришга) доир, берилган сонга нисбатан ундан бевосита олдин ва бевосита кейин келувчи сонларни аниқлашга доир, $\square \pm 1$ кўринишдаги мисолларга доир, барча тўрт хонали (беш хонали, олти хонали) сонлар ичидан энг каттасини ва энг кичигини аниқлашга доир машқларни киритиш керак. Бундан ташкари, болаларнинг сонларнинг натурал қатори («натурал қатор» атамасини ҳозирча киритмаслик мумкин) ҳақидаги билимларини умумлаштириш мақсадга мувофиқдир. Ўқувчи дастлаб сонларнинг бу қаторини ёзиб ва унинг давомини кўп нукталар билан белгилаб (1, 2, 3, 4, 5, 6. . .), ўқитувчи раҳбарлигида санашда қўлланиладиган сонлар қатори бирдан бошланишини, ундағи ҳар бир навбатдаги сон ўзидан олдин келувчи сондан битта ортиқ эканини; берилган ихтиёрий сондан кейин келувчи сонни ҳосил қилиш учун унга бирни қўшиш керак эканини, ҳосил бўлган сонга яна бирни қўшиш мумкин эканини ва ҳоказони аниқлайди. Демак, сонларнинг бу

қаторида охирги энг катта сонни айтиш мумкин эмас — сонлар қатори чексиздир.

Номерлашни ўрганиша жараёнида ўқувчилар сонни 10, 100, 1000 марта орттириш ва камайтириш билан танишадилар. Сонга битта, иккита, учта ва ҳоказо нолни қўшиб ёзиш (сондан нолларни олиб ташлаш) билан болалар соннинг ёзувидаги ҳар бир рақамнинг қиймати уни чапга (ўнгга) суриб бориш билан мос равишида 10, 100, 1000 ва ҳоказо марта ўзгаришини, соннинг ўзи эса шунча марта ортишини (камайишини) кўрадилар. Шундай қилиб, сонни 10, 100, 1000 ва ҳоказо марта орттириш ва камайтиришга доир машқларни бажаришда ўқувчилар сонлар ёзувининг позицион принципи ҳақидаги билимларини қўллайдилар ва мустаҳкамлайдилар.

Миқдор (катталил)ларни (узунлик, масса, вакт) ўрганиша жараёнида номерлаш бўйича билимларни мустаҳкамлаш давом эттирилади: номерлаш бўйича саволлар оғзаки машқларга киритилади, алоҳида сонлар қўйидаги схема бўйича таҳлил қилиш учун таклиф этилади: 1) соннинг таркиби; 2) саноқда берилган сондан олдин келувчи ва ундан кейин келувчи сон; 3) ёзувнинг ўзига хос хусусиятлари.

Шундан кейин, кўп хонали сонларни номерлашнинг асосий масалалари қараб бўлингач, ўқувчиларнинг берилган мавзу бўйича билимларини системалаштириш мақсадга мувофиқдир. Шу мақсадда болаларга бирор берилган сон ҳақида (сон доскага ёзиб қўйилади) нимани билсалар шуни айтишни таклиф этиш мумкин. Болаларнинг жавобларини умумлаштириб бориб, жадвал кўринишида тузиш мумкин бўлган қатор топшириклар тузиш керак.

Сонни таҳлил қилиш схемаси

1. Сонни ўки.

2. Бу сонда ҳар бир хонанинг ва ҳар бир синфнинг ҳаммаси бўлиб нечта бирлиги бор?

3. Бу соннинг ҳар бир хонасида ҳаммаси бўлиб нечта бирлик бор?

4. Сонни унинг хона қўшилувчилари йиғиндиси кўринишида ёз.

5. Саноқда берилган сондан кейин келувчи сонни ва ундан олдин келувчи сонни айт.

6. Рақамлари сони берилган соннинг рақамлари сонига teng бўлган энг катта ва энг кичик сонни айт.

7. Берилган сонни ёзиш учун ҳаммаси бўлиб нечта рақам керак бўлган? Улар орасида нечта турли рақам бор?

8. Берилган соннинг барча рақамлари билан ёзилган энг катта ва энг кичик сонни айт.

Ўкувчилар бу схемадан фойдаланиб, бундан буён ўқитувчи тавсия этган сонларни (4009, 70099 ва ҳоказо) тавсифлайдилар ва шу билан номерлаш бўйича билимларини такрорлайдилар ва мустаҳкамлайдилар.

2- §. КЎП ХОНАЛИ СОНЛАРНИ ҚЎШИШ ВА АЙРИШ

Кўп хонали сонларни қўшиш ва айриш шу нарса билан анча енгиллашадики, бу мавзуни ўрганиш учун зарур бўлган деярли барча усуллар у ёки бу даражада болаларга таниш. Шунинг учун ўқитувчининг вазифаси, энг аввало, ўкувчиларнинг илгари эгаллаган билимларини такрорлаш, аниклаштириш ва системалаштиришдан, сўнгра эса бу билимларни сонларнинг янги, анчагина кенг соҳасига кўчиришдан иборат.

Мазкур мавзуни ўрганиш ишининг қандай ўзига хос хусусиятлари бор?

Биринчи навбатда болалар билан биргаликда қўшиш ва айриш амаллари мазмунини аниклаштириб олиш зарур.

Қўшиш амалининг мазмуни бутун ўкув йили давомида, дастлаб буюмлар билан амалий ишлар ўtkазиш асосида, кейин эса турлича матнли масалаларни ечишда очиб борилади. Мавзу бўйича биринчи дарсда ишни мана шундан бошлаш зарур. Ушбу масала тавсия этилади: «Она бир жўяқдан 8 та бодринг, иккинчи жўяқдан эса 7 та бодринг узди. Она ҳаммаси бўлиб нечта бодринг узган?» Масалага доир расм чизинг, бунда жўякларни тўғри тўртбурчак шаклида тасвирланг, ҳар бир бодринг ўрнига доирача чизинг (расм синф доскасида ва дафтарда чизилади). Икки жўяқдан ҳаммаси бўлиб нечта бодринг узилганини қандай билиш мумкин? Равшанки, болалар бунинг учун 8 га 7 ни қўшиш керак, 15 ҳосил бўлади, деб жавоб берадилар. Сўнгра ўқитувчи мана шу схематик расм бўйича бошқача мазмундаги яна 2—3 та (вазадаги олмалар ҳақида; тўғарак машғулотларида қатнашувчи ўғил болалар ва кизлар ҳақида ва ҳоказо) масала тузишни тавсия этади. Савол қўйилади: «Нима учун бу масалалар қўшиш билан ечилади?» Барча ҳолларда буюмларнинг берилган иккита гурухини бирлаштириш ва иккала гуруҳда ҳаммаси бўлиб нечта предмет борлигини аниклаш талаб этилиши тушунтиради. Масаланинг жавоб ва саволини расм бўйича ва предметларни санаш ёрдамида олиш мумкинлигини, бунда

санаш жараёнида бирорта ҳам буюмни қолдириб қетмаслик, шунингдек уларнинг ҳеч бирини икки марта санаб юбормаслик муҳим эканини эслатиб ўтиш фойдали. Шундай сўнг куйидаги кўринишдаги масалани тавсия этиш мақсадга мувофиқ: «Мактаб мусобақаларида бизнинг синфдан 11 та югурувчи ва 20 та узунликка сакровчи катнашади. Мусобақаларда бизнинг синфдан ҳаммаси бўлиб нечта ўкувчи катнашган?» Болалар нима учун бу масалани берилган сонларни қўшиш билан ечиш мумкин эмаслигини тушунтиришсин. (Айрим ўкувчилар бир вактда ҳам югуриши, ҳам узунликка сакраши мумкин, шунинг учун бу сонларни кўшганда улар икки марта саналиб колади.) Болалар диккатини доскада намойиш этилган масала қўшишга доир асосий масала эканига қаратамиз. Кўшиш билан ечиладиган бошқа барча кўринишдаги масалалар шу кўринишдаги масалага келтирилиши мумкин. Бу нарса сонни бир неча бирликка орттиришга доир масала намунасида (улар асосий масалага, масалан, куйидаги мулҳаза асосида келтирилади: «Иккинчисида биринчисидагидан 7 та кўп, демак иккинчисида биринчисида қанча бўлса, шунча ва яна 7 та») ва маълум айриувчи ва айирма бўйича камаювчини топишга доир масала намунасида (улар асосий масалага, масалан, куйидаги мулҳаза асосида келтирилади: «Агар омбордан 56 т сабзавот олиб кетилгандан кейин унда 136 т сабзавот қолган бўлса, у ҳолда дастлаб омборда қолган сабзавотлар ва яна ўша олиб кетилган сабзавотлар, яъни 136 т ва яна 56 т сабзавот бўлган») кўрсатилилади.

Айришга доир (қолдиқни топиш: сонни биринчисига келтириладиган бир неча бирликка камайтириш; биринчисига келиши мумкин бўлган сонларни айрмали таққослаш ва номаълум кўшилувчи ва айриувчини топишга доир) содда масалалар ҳам шунга ўхшаш батафсил қараб чиқилади. Дафтарда кўшиш каби (синф доскасида) биринчи масалага (қолдиқни топишга доир масалага) ва унинг ечимиға доир расм берилади, қолган масалалар эса оғзаки бажарилади.

Мана шу биринчи дарснинг ўзида ёзма қўшиш ва айриш алгоритми (коидаси) такрорланади.

Бу алгоритмларни такрорлашни миллион ичидаги сонлар билан мисоллар ечишдан фойдаланиб ўтказиш мумкин. Дастлаб доскада амаллар тушунтиришлар билан бажарилади:

$$+ \underline{362}$$

$$+ \underline{3246}$$

$$+ \underline{32074}$$

$$- \underline{794}$$

$$- \underline{2435}$$

$$- \underline{24260}$$

$$- \underline{312}$$

$$- \underline{12471}$$

Бу мисолларни доскада ва дафтарда ечгандан сўнг қуидаги кўринишдаги мисолларни ечиш мумкин: $237452 + 156397$, $4768 - 1536$, сўнгра болалар шунга ўхшаш мисолларни шарҳлайдилар ва мустақил ечадилар.

Кўп хонали сонларни кўшиш ва айриш усулларининг бундан бўён мураккаблашиб боришини кузатиб бориш учун болаларнинг кўшиш ва айришнинг ёзма алгоритмларини онгли ўзлаштириш бўйича бажарадиган ишларининг кетмакетлигини қараб чиқамиз.

Болаларга таниш бўлган алгоритмлар миллион ичидаги сонларга тарқалади. Бу биринчи дарснинг ўзидаёқ бажарилади. Агар болалар шу пайтгача миллион ичидаги сонларни ўқиш ва ёзишни яхши ўрганиб олган бўлсалар, уларнинг синфлар бўйича ҳамда хоналар бўйича таркибини билсалар, у ҳолда уларни $47\ 632 + 71394$, $9580 - 1365$ кўринишдаги мисолларни ечишни тушунтириш кийнамайди.

Биз юқорида кўрганимиздек, биринчи дарсда беш-олти хонали сонларни хонадан (синфдан) ўтмай ва ўтиб кўшиш ва айриш алгоритми ишлаб чиқилади. Ҳисоблаш учун дастлаб ёзилишида бир хил миқдордаги рақамларни ўз ичига олган сонларни тавсия этиш мақсадга мувофиқдир. Бу — болалар диққатини асосий мақсадга қаратишга имкон берувчи энг содда ҳолдир. Бу дарсда кўп хонали сонларни кўшиш ва айриш уч хонали сонларни кўшиш ва айриш каби бажарилишини болалар онгига етказиш мухимдир.

Навбатдаги дарсда ёзилишида турли миқдордаги рақамларни ўз ичига олган сонларни кўшишни қандай бажариш қулагилигини такрорлаш фойдали, масалан, $6816 + 24597$, $85656 - 1292$. Бу кўшишнинг ўрин алмаштириш хоссасини такрорлаш билан бирга амалга оширилади. Кўшилувчи-ларнинг ўринларини алмаштириш нафақат ҳисоблашларнинг тўғрилигини текширишга имкон беради, балки устун килиб ёзишда анча қуай кўринишга эга бўлади. Кўшиш учун сонлар шундай таъланадики, уларда хоналардан ўтиш такрорланиши керак.

Мавзу бўйича учинчи дарсда айришда камаючининг ёзувида ноль учрайдиган ҳол такрорланади. Болаларга 1000 ичидаги айришда таниш бўлган ҳоллардан миллион ичидаги

сонлар билан шунга ўхшаш мисолларни қарашга ўтиш мүмкін. Бунда турли мисолларда камаювчилардаги ноль турли хоналарда учрашини кузатиб бориш керак, масалан, 263056—194247; 608112—57865 ва х. к.

Езма хисоблашларда алгоритмларни күллашни болалар учун янги бўлган хусусий ҳоли — камаювчининг ёзувида кетма-кет бир нечта ноль бўлган ҳол қаралади. Бу анчагина кийин ҳолдир. Улар батафсил тушунтиришни талаб этади.

Айиришнинг 1000—147, 90001—147, 900002—569 ва ҳоказо кўринишдаги ҳолларни киритишга багишиланган янги дарсга тайёрланиш учун синф билан ва доскада ёзиш билан фронтал иш ўтказиш жараёнида хона бирликлари орасидаги муносабатларни (кўргазмалилик учун чўт ҳамда хоналар ва синфлар жадвалидан фойдаланиб) такрорлаш зарур.

Олдин синф доскасида қуйидагича кўринишга эга бўлган ёзув бажарилади:

1 та миллионда ... та юз минг бор; 1 та миллионда 9 та юз минг ва ... та ўн минг бор

1 та юз мингда ... та ўн минг бор; 1 та юз мингда 9 та ўн минг ва ... та минг бор

1 та ўн мингда ... та минг бор; 1 та мингда 9 та юз ва ... та ўн бор

1 та мингда ... та юз бор

ва ҳоказо 1 та юзда 9 та ўн ва ... та бир бор.

Кейин иш қуйидаги кетма-кетликда бажарилади:

а) болалар ўқитувчи раҳбарлигида биринчи устундаги ёзувларни давом эттирадилар ва иккинчи устунда тушириб қолдирилган ёзувларни тўлдирадилар;

б) болалар оғзаки хисоблашлар тартибида номерлашга оид билимлар асосида ечиладиган 1000—1, 10000—1 ва шунга ўхшаш кўринишдаги мисолларни ечишга машқ қила-дилар (бундай мисолларни уларга тескари мисоллар билан жуфтлиқда тавсия этиш фойдали:

999+1, 9999+1 ва ҳоказо);

в) болалар кўп хонали сонларни чўтга ташлашга машқ қилдирилади. Масалан: 208, 3450, 700024, 80000, 470600 ва бошқалар.

Шундай тайёргарликлардан сўнг амалларнинг янги ҳолларини қарашга ўтиш мүмкін. Синф доскасида ва дафтарда қуйидаги мисоллар ёзилади:

$$\begin{array}{r} \underline{-400} \\ \underline{27} \end{array} \quad \begin{array}{r} \underline{-8000} \\ \underline{864} \end{array} \quad \begin{array}{r} \underline{-30002} \\ \underline{535} \end{array} \quad \begin{array}{r} \underline{-200001} \\ \underline{64345} \end{array}$$

(доскада илгари ёзилган ёзувлардан иккинчи устунни сақлаб қолиш фойдали, бу ёзувлардан тушунтиришларда фойдаланилади).

Түшүнтириш: айиришни бирликлардан бошлаймиз, лекин 0 дан 7 ни айириш мүмкін эмас. 400 соннинг ўнлар хонасида 0 турибди. Демак, 1 та юзликни олишга түғри келади, буни бир боғламга 10 тадан қилиб ва бундай 10 та боғламни юзлик қилиб боғланған саноқ таёқчалари ёрдамида күрсатиш мүмкін (ўқитувчи 1 та юзлик таёқчаларини күрсатади). Бу нечта ўнталик? (Битта юзликда 10 та ўнлик бор.) 7 бирликни айириш учун 1 та ўнликни олиш етарли (күрсатади). Биз олтандык юзликда, нечта ўнлик қолди? (9 та ўнлик.) 400 сонида мавжуд бўлган тўртта юзликдан биттасини олдик — сўзида давом этади, ўқитувчи — буни эсдан чиқармаслик учун 4 раками устига нукта кўямыз (нукта кўяди). Тўртта юзликдан биз олган битта юзликни ўнликлар билан алмаштирамиз. Битта юзликда 10 та ўнлик бор. Бу 10 та ўнликдан бирликларни айириш учун битта ўнликни олишимиз керак. У ҳолда ўнлар хонасида шу ўнликни олишимиз керак, у ҳолда ўнлар хонасида 9 та ўнлик қолади. Шуни ёзамиз (ўнлар хонасидаги 0 раками устига 9 ракамини ёзади). Энди биз олган ўнликдан 7 бирликни айрамиз ($10 - 7 = 3$), 3 ни бирлар хонаси остига ёзамиз, 9 та ўнликдан 2 та ўнликни айрамиз, 7 ўнлик ҳосил бўлади (ёзади). 4 раками устидаги нукта 1 та юзлик олинганини билдиради, демак, юзликдан 3 та қолган. Юзликлар хонаси остига 3 ёзилади. Шундан сўнг яна чўтга мурожаат этиш ва болаларга чўтга масалан, 32015 сонини ташлаб, унда 1 та мингни юзликларга алмаштиришни таклиф этиш фойдали (IV симга «мингликлар»нинг битта соққаси суриб қўйилади, учинчи симда юзликларнинг 10 та соққаси ташланади). Чўтда 50000 дан 6 ни қандай айириш кўрсатилади (1 та ўн минг ўнта минг билан алмаштирилади. Шу 10 та мингдан 1 та минг 10 та юз билан, шу 10 та юздан 1 та юз 10 та ўн билан, мана шу 10 та ўндан 1 та ўн 10 та бир билан алмаштирилади. Бу 10 та бирдан эса 6 бирлик айирилади). Болалар ечишни бир сонни иккинчисининг тагига ёзив ва камаювчидаги ноллар устига 9 ракамини сонда нечта минглик, юзлик, ўнлик ва бирлик қолганини кўрсатувчи ёзув билан бажарадилар.

Бу ерда энг муҳими болаларнинг камаювчида ноллар ўрнида нима учун 9 рақамлари ҳосил бўлаётганини тушунтиришлари ва буни асослаб беришларидадир. Бу тушунниб етганликни текшириш учун доскага яна бир-икки ўкувчини (кам тайёргарликка эга бўлган) чақириш ва уларга шунга ўхшаш (уч-тўртта ноллар билан тугайдиган сондан бир хонали сонларни айришга доир) мисолларни ечишни таклиф этиш фойдалидир. Анча яхши тайёргарликка эга бўлган болалар эса доскада икки ва уч хонали сонларни айришга доир мисоллар ечсин. Биринчи дарсда тушунтиришлар хона номларини айтиш билан бир хона бирлигидан ундан кейин келувчи қуий хона бирлигига ўтишни кўрсатиш билан ҳар сафар батафсил берилиши керак.

Бундан буён тайёргарлик машқларига миллион ичидаги сонларни ёзма қўшиш ва айриш алгоритмини кўллашнинг турли ҳолларига (1—2—3 хона ўтиш билан, қўшилувчиларда ва камаювчида кетма-кет ҳамда кетма-кет бўлмаган ноллар билан, шунингдек айрилувчида ноллар бўлган ҳолларга) доир мисолларни киритиш зарур.

Ёзма ҳисоблашлар алгоритмларига доир билимларнинг бундан буёнги кенгайтирилиши бир неча кўп хонали сонларни ёзма қўшиш усусларини қараш билан боғлиқ. Улар болалар бир неча сонни қўшишда бу сонларнинг ўринларини алмаштириш ва турли усуслар билан гурухларга бирлаштириш мумкин эканлиги ҳақидаги коидалар билан танишганларидан кейингина киритилади. Болалар бу усусларни бир неча қўшилувчини оғзаки қўшишда кўллаганлар, энди эса ўқитувчи ёзма ҳисоблашларни енгиллаштириш учун бу коидалардан қандай фойдаланиш мумкин эканини кўрсатади.

Болалар ўзлаштириб олишлари керак бўлган асосий коида куйидагидир: бир неча қўшилувчиларни қўшишда иккита қўшилувчини қўшишдаги каби иш тутиш мумкин: қўшилувчиларнинг бирини иккинчисининг остига одатдаги-дек ёзилади (бирликлар бирликлар остига, ўнликлар ўнликлар остига ва ҳоказо) ва сонлар хоналар бўйича қўшилади. Болаларни мана шу холосага келтириш учун синф доскасида (бевосита ўқитувчи иштирокида) бир неча қўшилувчи йифиндисини топишнинг турли усусларини қараш фойдалидир. Масалан: 400581+26532+6119.

Ўқитувчи кўрсатилган амалларни қандай тартибда бажариш кераклигини сўрайди. Доскага чақирилган ўкувчи дастлабки иккита қўшилувчининг йифиндисини ҳисоблайди,

кейинги ўқувчи эса ҳосил бўлган натижага учинчи кўшилувчини қўшади. Кейин ўқитувчи сўрайди. «Биз икки сон йифиндисини қандай топамиз?» Агар зарурат бўлса, унинг ёрдамида ушбу жавоб олинади: «Биз уларни бирини иккинчисининг остига ёзамиз ва хоналар бўйича олдин бирларни, кейин ўнларни ... қўшамиз. Бу усулдан бир нечта қўшилувчиларни қўшишда ҳам фойдаланиб кўрамиз». «Бунинг учун нима қилиш керак?» Доскада қуидаги ёзув ҳосил бўлади (биринчи сафар учун буни ўқитувчи бажаргани маъкулроқ):

400581 (Ўқитувчи бундай ҳолларда иккинчи «+»
+ 26532 белгиси қўйилмаслигини тушунтиради).
6119

Доскага чакирилган ўқувчи ҳисоблашларни батафсил тушунтиришлар билан бажаради. Ҳосил бўлган натижани биринчи усул билан ечишда ҳосил бўлган натижа билан таққослади. Кейин ечиш учун сонларни устун қилиб ёзиш қулай бўлиши учун қўшилувчиларнинг ўринларини алмаштириш фойдали бўладиган мисоллар тавсия этилади. Масалан: $293 + 834009 + 45607$. Қўшилувчилардан қайси бирини биринчи, қайси бирини иккинчи, қайси бирини учинчи ёзиш қулай бўлишини ва нима учун шундай бўлишини болаларнинг ўзлари тушунтиришга харакат қилиб кўрсинлар. (Биринчи бўлиб энг катта сонни ёзиш қулай, чунки бу ҳолда унинг остига бошқа сонларни мингликлар мингликлар остига, юзликлар юзликлар остига ва ҳоказо тушадиган қилиб ёзиш осон бўлади.)

Уч-тўрт қўшилувчининг йифиндисини топишга доир машқларга унчалик кўп вақт ажратмаган ҳолда, баъзида болалар тегишли кўнилмаларни эгаллайдиган мисолларни киритиш зарур. Улар 20 ичидаги оғзаки қўшиш кўнилмаларини сайқаллаштириш учун яхши восита бўлиб хизмат килади.

Навбатдаги босқич — миқдорларни (катталикларни) қўшиш ва айриш. Ўтган йиллар давомида болалар турли-туман миқдорлар билан танишганлар (нарх, узунлик, масса ва ҳоказо). Ўкув йили бошида битирувчи синфларда бу билимлар кенгайтирилади ва системалаштирилади. Хусусан, ҳар бир катталиктининг (миқдорнинг) ўрганилган ўлчов бирликлари орасидаги муносабатларга доир билимларни мустаҳкамлашга катта эътибор берилади.

Болаларни миқдорларнинг бир номдаги бирликлар билан ифодаланган қийматини бошқа номдаги бирликларга ўтказишга системали равишда машқ қилдириш ҳам катта аҳамиятга эга. Буни ушбу мисолда кўрсатамиз: 3 км 62 м

ни метрларда ифодалаш талаб этилади. Топширикни бажаришда ўкувчи қуидагича мuloҳаза юритиши мумкин: «1 км да 1000 м бор, демак 3 км — бу 3000 м, 3000 м ва 62 м — бу 3062 м». Тескари амални бажаришда кичик бирликлардан катта бирликларга ўтишда мuloҳазаларни икки ёқлама усул билан олиб бориш мумкин. Масалан, 835 кг ни центнер ва килограммларда ифодалаш талаб этилади. Ўкувчи қуидагича мuloҳаза юритиши мумкин: «1 ц — бу 1 та юзталик кг, 835 кг да 8 юз кг бор. Демак, 835 кг бу 8 ц 35 кг». Иккинчи усул: 1 ц 100 кг га тенг, берилган сонда неча центнер борлигини билиш учун 835 ни 100 га бўлиш керак, 8 ва 35 қолдик қолади. Демак, 835 кг — бу 8 ц 35 кг».

Шу каби масалаларни бажаришда болаларга кичикроқ метрик ўлчовлардан каттароқ ўлчовларга ўтиш усули — сонни «сурин» усулини амалий равишда кўрсатиш фойдалидир. Келтирилган мисол учун 835 кг ёзувида рақамлар юзликларни ўнликлар ва бирликлардан ажратиш билан «сурилади»: 8 та юзлик кг — бу 8 ц.

Болалар учун вакт ўлчови бирликларида ифодалангандикдорлар (катталиклар) нинг қийматларини алмаштириш анча қийиндири, чунки бу ерда 60 (ёки 12) га кўпайтириш ёки бўлишга доир амалларни бажариш талаб этилади. Бундан ташқари, метрик ўлчовларни қарашда ўзлаштирилган гайриконуний бу кўринишлар бу ҳоллардаги мисолларда типик хато ҳисобланади. Бу қийинчиликларни ҳисобга олган ҳолда, бундай хатоларга йўл қўймаслик ҳақида огоҳлантириш максадида кундалик машқларга бирбири билан таққослаш учун бир томондан вакт қийматларни, иккинчи томондан узунлик ва масса қийматларини алмаштиришни киритиш керак. Ўлчов бирликлари орасидаги муносабатларга оид билимларни ва караб чиқилган алмаштиришларни бажариш кўникмасини яхши ишлаб чикиш 4-синфнинг асосий масалаларидан биридир.

Микдор (катталик)ларни ёзма кўшиш ва айиришни бажаришга келганда, у ҳолда дарсликда улардаги қийинчиликлар фақатгина бир ўлчов бирликларини бошқа ўлчов бирликларига айлантиришни талаб этувчи содда ҳоллар билан чегараланганди.

Фақат қуидаги кўринишдаги ҳолларгина қаралади:

$$+ \begin{array}{r} 74 \text{ м } 13 \text{ см} \\ + 23 \text{ м} \\ \hline \end{array} \quad - \begin{array}{r} 65 \text{ м } 48 \text{ см} \\ - 21 \text{ см} \\ \hline \end{array} \quad + \begin{array}{r} 12 \text{ соат } 35 \text{ мин} \\ + 22 \text{ мин} \\ \hline \end{array} \text{ ва х. к.}$$

Бундай машқларнинг маъноси болаларни ўлчов бирлик-ларининг аталишига эътибор билан қарашга ўргатишдан иборатдир.

Болалар матнли масалаларни ечишда албатта, бу ҳоллар билан чегараланмаган микдорларни қўшиш ва айиришни бажариш зарурлигига дуч келадилар. Ҳар бир шундай матнли масалани ечишда ўқувчиларга масала шартига кирувчи микдорларни масаланинг сонли маълумотли амалларини одатдагича бажариш учун айни бир номдаги бирликлар билан (энг кичик ўлчов бирлигида) ифодалашни тавсия этиш керак. Мавзу устида ишлаш жараёнида, кейин эса бутун ўкув йили давомида амалларни бажариш тартиби ҳақидаги қоидаларни ўрганиш бошланғич мактабларнинг бити्रувчи синфидаги ўқитишининг энг муҳим масалаларидан бири эканини ўқитувчи ёдда тутиши керак.

Бу синфда на факат илгари ўрганилган қоидаларни такрорлаш, балки уларни 3—4 амални ўз ичига олган ифодалар қийматларини ҳисоблашда ишонч билан қўллашни таъминлаш ҳам зарур. Бундан ташқари, дастур талабларига мос равишда бу синфда болалар бир эмас икки жуфт қавсларга эга бўлган анчагина мураккаб ифодаларга (масалан, $200 - (34 + 576) + (98 - 84)$ ва ҳоказо кўринишдаги), шунингдек, қавс ичидаги бир эмас икки амал киритилган ифодалар (масалан, $450 - (120 - 90 + 16)$ ва ҳоказо кўринишдаги) тааллуқли бўлган анчагина мураккаб қоидаларни эгаллашлари (ўрганишлари) керак.

Амалларни бажариш тартиби қоидалари устида ишлаш ўқитувчи томонидан алоҳида эътиборни талаб этади, чунки уларнинг ҳамма болалар томонидан ўзлаштиришига машқларни системали равишда бажариш билангина эришиш мумкин. Бу машқлар, одатда, оғзаки ҳисоблашлар учун машқлар асосида курилиши керак, шунинг учун уларнинг максадга мувофик ва турли-туман бўлиши ҳар бир дарсга тайёрланишда бундай машқларни танловчи ўқитувчига ҳар томондан боғлик, бу эса болаларда мос кўнікмаларни ҳосил қилиш учун жуда муҳимдир.

Дарсликда шундай машқларга намуналар зарур кетма-кетликда берилган. Улар устида ишлаш методикасини кўрсатамиз. Ишни доскада қуйидаги кўринишдаги ифодаларни ёзишдан бошлаш керак (уларни яхшиси устун қилиб ёзган маъқул):

$63 + 17 + 50 + 24$	$64 : 8 : 2 : 2$
$92 - 40 - 22 - 16$	$2 \cdot 3 \cdot 4 \cdot 2$
$47 + 50 - 35 - 20$	$42 : 6 \cdot 4 : 2$
$74 - 34 + 18 - 28$	$4 \cdot 6 : 8 \cdot 5$

Доскага чақирилған болалар амаллар қандай тартибда бажарилиши кераклигини ва нима учун ҳар бир амал белгиси устига бу амал тартиб бўйича нечанчи бўлиб бажарилишини кўрсатувчи ракам қўйилишини тушунтирадилар. Бу барча ҳолларда амаллар қандай тартибда бажарилганини солишириб, болалар қоидани яна бир марта ифодалайдилар: «Агар қавссиз ифодада фақат қўшиш ва айириш амалларигина ёки фақат кўпайтириш ва бўлиш амалларигина қатнашса, у ҳолда амаллар қандай тартибда ёзилган бўлса, улар шу тартибда чапдан ўнгга томон бажарилади».

Шундан сўнг қандай ҳолларда қавссиз ифодаларда амаллар тартиби ўзгаришини сўраш фойдали бўлади. Агар ўқувчиларнинг ўзлари шуларга мос мисоллар келтира олмасалар, у ҳолда шундай мисолларни ўқитувчи уларга таклиф этади. Масалан,

$$25 + 49 : 7 - 8 \quad 100 - 42 + 36 : 6 \quad 63 - 60 + 18 \cdot 2 \\ 38 - 7 \cdot 5 + 6 \quad 12 + 15 \cdot 2 \cdot 3 \quad 9 \cdot 4 - 18 : 6$$

Ушбу қоида текшириб кўрилади: «Қавссиз ифодаларда аввал тартиб билан (чапдан ўнгга) кўпайтириш ва бўлиш амаллари, кейин эса қўшиш ва айириш амаллари бажарилади.

Қавсли ифодаларда амаллар бажариш тартиби ҳақидаги қоида ҳам шунга ўхшаш тақрорланади. Бунда қуидаги кўринишдаги мисолларни қараш фойдалидир: $(70 - 30) + 27 : 9$, $60 - (90 - 64) : 2$ ва ҳоказо.

Болалар бу барча қоидаларни тақрорлаб, 3-синфда фойдаланган ушбу эслатмани ёдга олишлари керак: исталған ифодада амаллар тартибини аниклаш учун қуидагиларни ёдда тутиш керак:

1) агар қавслар бўлса, аввал қавслар ичидаги амал бажарилади;

2) тартиб билан кўпайтириш ва бўлиш бажарилади;

3) тартиб билан қўшиш ва айириш бажарилади.

Ўқитувчи олдиндан тайёrlаб қўйилган, масалан, қуидаги мисолларни доскага ёзди ёки мисолли плакатни осиб қўяди:

$$(540 - 360 : 9) : 5 \cdot 2 \quad 420 : 6 + 13 \cdot 10 \\ 1000 - (720 : 8 - 4 \cdot 10) \quad 64 \cdot 10 : 8 \cdot 3 \\ 20 \cdot 8 - 20 \cdot (200 - 195) \quad 120 - 18 \cdot 5 + 720$$

ва болаларга қавсли ва қавссиз ифодаларда амаллар қандай тартибда бажарилишини айтиб беришларини сўрайди.

Күйидаги кўринишдаги топшириқлар амаллар тартибини англаб етишга жуда яхши ёрдам беради. Қавсларни шундай қўйки, натижада тенгликлар тўғри бўлсин:

$640 - 480 : 4 + 360 = 400$, $640 - 480 : 4 + 360 = 880$ ва ҳоказо.

Шунга ўхашаш машқларни колектив бўлиб (доскада ва дафтарда ёзиб) бажаргандан сўнг икки жуфт қавсни ўз ичига олган ифодалардаги амаллар тартиби каралади. Масалан: $300 - (94 - 90) \cdot (35 - 10)$, $12 + 2 \cdot 9 - (34 - 16) + (80 - 20)$ ва ҳоказо.

Кўйидагича хулоса чиқарилади: аввал биринчи қавсдаги амал, кейин иккинчи қавсдаги амал бажарилади ва шундан кейингина қолган амаллар бажарилади. Иккинчи мисол бўйича ўқувчиларнинг мулоҳазаси: $12 + 2 \cdot 9 - (34 - 16) + (80 - 20)$ ифоданинг қийматини ҳисоблаш керак. Амаллар тартиби ҳакидаги қоида бўйича аввал биринчи қавсдаги ифоданинг қийматини ҳисоблайман ($34 - 16 = 18$) қавснинг устига жавобни ёзаман. Кейин иккинчи қавсдаги ифоданинг қийматини ҳисоблайман ($80 - 20 = 60$), қавснинг устига жавобни ёзаман. Энди тартиб бўйича қўпайтириш ва бўлишни бажараман. 2 ни 9 га қўпайтираман, 18 ҳосил бўлади. 2 \cdot 9 сонлар устига 18 сонини ёзаман. Тартиб билан қўшиш ва айиришни бажараман: 12 га 18 ни қўшаман, 30 ҳосил бўлади; 30 дан 18 ни айираман, 12 ҳосил бўлади, 12 га 60 ни қўшаман, 72 ҳосил бўлади.

Бу мисолнинг доскадаги ёзуви қўйидагича кўринишга эга бўлади:

$$12 + 2 \cdot 9 - (34 - 16) + (80 - 20) = 72$$

Навбатдаги қадам — қавс ичидаги бир эмас иккита амал катнашган қавсли ифодаларни қарашдан иборат. Масалан, $34 + (60 - 20 - 15) - (40 - 8 \cdot 4)$. Таҳлил ўтказилади. Биринчи қавсдаги амалларни биринчи бажарамиз. $60 - 20 - 15$ ифодада амаллар тартиб бўйича бажарилади: $60 - 20 = 40$, $40 - 15 = 25$, 25 сонни қавс устига ёзилади. Иккинчи қавсдаги ифоданинг қийматини ҳисоблаймиз: $40 - 8 \cdot 4$. Бу ерда аввал қўпайтириш керак ($8 \cdot 4 = 32$), кейин эса 40 дан 32 ни айириш керак, 8 ҳосил бўлади. 8 сонини иккинчи қавснинг устига ёзамиш. Қавслардан кейин қўпайтириш ва бўлиш амаллари йўқ. Тартиб бўйича қўшиш ва айиришни бажарамиз: $34 + 25 - 8 = 51$. Бутун ифоданинг қиймати 51 га тенг. Бундай ҳолларда амаллар тартиби батафсил таҳлил килингандан сўнг болаларга дарсликда келтирилган

ифодаларнинг қийматларини мустақил ҳисоблаш таклиф этилади.

Бундан кейин ҳар бир дарсда амалларни бажариш тартиби ҳақидаги билимларни мустаҳкамлаш учун 2—3 та мисол киритиш фойдали. Бундай ишлар учун унча катта бўлмаган сонларни танлаган маъкул, бунда тавсия этиладиган ифодалар таркиби бўйича турли-туман бўлишига ва ўрганилган коидаларни ўзгарган шартларда қўллашни талааб этишига эътибор бериш керак. «Амаллар тартибига доир» мисоллар ўқувчиларнинг мустақил ёзма ишлари учун ҳам тавсия этилиши мумкин. Бундай ҳолда улар ҳисоблашларнинг на фақат оғзаки, балки ёзма усулларидан ҳам фойдаланиш зарурати билан боғлик бўлиши мумкин. Бундай ҳолларда ёзувлар қўйидагича кўринишга эга бўлиши мумкин:

$$\begin{array}{cccc} 987 & \begin{matrix} 4 \\ - (109 + 163 \cdot 4) \\ \times 163 \\ \hline 652 \end{matrix} & \begin{matrix} 2 \\ + 109 \\ \hline 652 \end{matrix} & \begin{matrix} 1 \\ + 17 \cdot 10 \\ \hline 17 \cdot 10 = 170 \end{matrix} \\ 1) & 2) & 3) & 4) \\ \hline & & & \begin{matrix} 6 \\ + 394 \\ \hline 761 \end{matrix} \\ & & & 226 \end{array}$$

$$\begin{array}{cc} 5) & \begin{matrix} 226 \\ + 170 \\ \hline 396 \end{matrix} & 6) & \begin{matrix} 396 \\ + 394 \\ \hline 790 \end{matrix} \end{array}$$

(Тавсия этилган мисолда жавоб кўзда тутилган амалларнинг охиргиси бажарилгандан сўнг ёзилади.)

Ёзма қўшиш ва айиришни ўрганишни кўрсатилган тартибда бажариб, ҳам битта амалга, ҳам 3—5 та амалга доир мисолларни танлашга амалий ёндашишни қўллаб, ўқитувчи ўз ўқувчиларининг ҳисоблаш кўникмаларини шакллантиришда маълум муваффакиятларга эришиши мумкин.

3- §. КЎП ХОНАЛИ СОНЛАРНИ КЎПАЙТИРИШ

Кўп хонали сонларни кўпайтириш ва бўлиш жараёнида ўқувчилар оғзаки ва ёзма кўпайтириш ва бўлишнинг асосий усулларини ўзлаштиришлари; мос ҳисоблаш малака ва кўникмаларини эгаллашлари; кўпайтириш ва бўлиш амаллари ҳақидаги, уларни хоссалари, амал компонентлари ва натижалари орасидаги ўзаро муносабатлар ҳақидаги билимларини кенгайтиришлари, чукурлаштиришлари ва системалаштиришлари керак.

Кўп хонали сонларни кўпайтириш ва бўлиш қўшиш ва айиришга нисбатан анча мураккабдир. Кийинчилик

кўпайтувчи ва бўлувчилардаги ракамлар сонининг ортиши билан ортиб боради, шунинг учун кўп хонали сонларни кўпайтириш ва бўлиш куйидаги босқичлардан ўтади:

- а) бир хонали сонга кўпайтириш ва бўлиш;
- б) хонали сонга кўпайтириш ва бўлиш;
- в) икки хонали ва уч хонали сонларга кўпайтириш ва бўлиш.

Бир хонали сонга кўпайтириш. Кўп хонали сонларни бир хонали сонларга кўпайтириш ўрганилаётганда ўқувчилар билан илгари ўрганилган материал такрорланади ва умумлаширилади, шундан кейин янги ҳоллар учун бир хонали сонга ёзма кўпайтириш усуллари киритилади: тўрт хонали, беш хонали ва олти хонали сонларни бир хонали сонга кўпайтириш; ўртасида ёки охирида ноллар бўлган сонларни бир хонали сонга кўпайтириш, бир хонали сонларни кўп хонали сонга кўпайтиришнинг кўпайтувчиларнинг ўринларини алмаштиришга асосланган усуллари.

Кўрсатилган иш қандай амалга оширилади?

Биринчидан, кўпайтиришнинг умумий маъноси бир хил кўпайтувчиларни кўшиш сифатида қаралади, бир сонни иккинчи сонга кўпайтириш, бу биринчи сонни кўшилувчи сифатида иккинчи сонда нечта бирлик бўлса, шунча марта олиш демакдир.

Иккинчидан, кўпайтириш компонентлари **таърифи** киритилади.

«Кўшилувчи бўлиб такрорланувчи сон кўпаювчи деб аталади». «Нечта бир хил кўшилувчи олинганини кўрсатувчи сон кўпайтирувчи деб аталади». «Кўпаювчи ва кўпайтирувчи кўпайтувчи деб аталади».

Учинчидан, ноллар ва бирлик билан кўпайтиришнинг барча ҳоллари такрорланади, шунингдек куйидаги умумлашган холосалар ифодаланади: «Агар икки кўпайтувчидан бири бирга тенг бўлса, у ҳолда кўпайтма иккинчи кўпайтувчига тенг бўлади», «Агар кўпайтувчилардан бири нолга тенг бўлса, у ҳолда кўпайтма ҳам нолга тенг бўлади».

Арифметик амаллар устида ишлашнинг олдинги босқичларидаги каби кўпайтиришни ўрганишнинг мазкур босқичида ҳисоблаш усуллари ўқувчилар томонидан **кўпайтманинг мос хоссаларини** тушуниш асосида шаклланади.

Жумладан, бир хонали сонга ёзма кўпайтиришда $(1245 \cdot 6 = (1000 + 200 + 40 + 5) \cdot 6)$ таксимот қонунидан фойдаланилади (йигиндини сонга кўпайтириш). Кўп хонали сонни яхлит ўнликларга ва яхлит юзликларга кўпайтиришда группалаш хоссасига — сонни кўпайтмага кўпайтириш

га асосланилади: $237 \cdot 60 = 237 \cdot (6 \cdot 10)$. Икки хонали ва уч хонали сонга кўпайтиришда иккинчи кўпайтувчими йигинди кўринишида тасвирлашга, яъни сонни йигиндига кўпайтиришни кўллашга ҳам тўғри келади: $237 \cdot 64 = 237 \cdot (60 + 4)$ (бунда таксимот қонуни, группалаш қонуни сўзлари болаларга маълум қилинмайди).

Шунга боғлиқ равишда бундан буён ўқувчиларнинг кўпайтманинг хоссалари ҳақидаги билимларини чуқурлаштириш ва кенгайтириш зарурати пайдо бўлади:

а) кўпайтманинг ўрин алмаштириш хоссасининг уч ва ундан ортиқ кўпайтувчиларга татбиқи қаралади. Масалан:

$$5 \cdot 3 \cdot 2 = 5 \cdot 2 \cdot 3, \quad 2 \cdot 7 \cdot 5 \cdot 9 = 2 \cdot 5 \cdot 7 \cdot 9$$

б) йигиндида иккитадан ортиқ кўшилувчи бўлган ҳол учун таксимот қонуни кўлланилади. Масалан, $(3000 + 200 + 40 + 3) \cdot 4 = 3000 \cdot 4 + 200 \cdot 4 + 40 \cdot 4 + 3 \cdot 4$, шунингдек — $364 \cdot (200 + 60 + 4) = 364 \cdot 4 + 364 \cdot 60 + 364 + 200$;

в) кўпайтманинг группалаш хоссаси киритилади (сонни кўпайтмага кўпайтириш).

Ёзма кўпайтириш бир хонали сонга кўпайтиришдан бошланади. Икки хонали $(13 \cdot 4)$ сонни ва яхлит уч хонали сонни бир хонали сонга оғзаки кўпайтиришни болалар илгари ўрганишган. Оғзаки кўпайтиришдан ёзма кўпайтиришга ўтишни шундай ўтказиш керакки, бунда ўқувчилар бир хонали сонга оғзаки кўпайтириш усулининг ҳам, ёзма кўпайтириш усулининг ҳам моҳияти бир хил бўлса-да, оғзаки ҳисоблаш қийин бўлгандагина ёзма кўпайтиришга мурожаат этилишини тушунсанлар. Ёзма усулда ҳам, оғзаки усулда ҳам йигиндини сонга кўпайтириш қоидасидан фойдаланилади.

Тайёргарчилик ишларига биринчи навбатда батафсил тушунтиришларни ва батафсил ёзувлари билан ечиладиган топшириқларни киритиш зарур: 1) икки хонали сонни бир хонали сонга кўпайтириш: $13 \cdot 4 = (10 + 3) \cdot 4 = 10 \cdot 4 + 3 \cdot 4 = 40 + 12 = 52$; 2) яхлит уч хонали сонларни бир хонали сонга кўпайтириш: $170 \cdot 5 = (100 + 70) \cdot 5 = 100 \cdot 5 + 70 \cdot 5 = 500 + 350 = 850$; 3) хонали сонларни бир хонали сонга кўпайтириш: $400 \cdot 6 = 4$ та юзлик $\cdot 6 = 24$ юзлик $= 2400$; 7 та юзлик $\cdot 5 = 35$ та юзлик $= 3$ та минглик 5 та юзлик.

Ўқувчилар бу мисолларни еча бориб, йигиндини сонга кўпайтириш қоидасини такрорлайдилар, шунингдек хонали

сонни бир хонали сонга кўпайтириш кўникмасини мустаҳкамлайдилар.

Тайёргарлик даврида, шунингдек, бир неча қўшилувчилар (иккитадан ортиқ)нинг йигиндисини сонга кўпайтиришни ҳам қараш зарур. Бунинг учун олдин унча катта бўлмаган сонларга доир машқлар берилади. Масалан: $(8+5+4) \cdot 2 = 8 \cdot 2 + 5 \cdot 2 + 4 \cdot 2$. Ўқувчилар олдига куйидаги масала қўйилади: йигиндида иккита эмас, учта, тўртта ва ҳоказо қўшилувчи бўлган янги ҳолларда уларга маълум бўлган хосса қўлланишга эгами ёки йўқми эканини текшириш. Берилган бир нечта tengлиknинг чап ва ўнг қисмидаги ифодаларнинг қийматларини ҳисоблаб, болалар бир неча қўшилувчининг йигиндисини сонга кўпайтиришни ўша қоида билан бажариш мумкин эканига ишонч ҳосил қиласидилар: ё йигиндини топиб, уни сонга кўпайтирилади, ёки йигиндининг ҳар бир қўшилувчисини сонга кўпайтириб, ҳосил бўлган натижалар қўшилади.

Кўпайтманинг таҳсимот қонунини ўқувчилар уч хонали ва тўрт хонали сонларни бир хонали сонга кўпайтиришга мустақил қўллай олади. Масалан: $213 \cdot 2 = (200 + 10 + 3) \cdot 2 = 200 \cdot 2 + 10 \cdot 2 + 3 \cdot 2 = 400 + 20 + 6 = 426$. Вакт-вакти билан бундай мисолларни тушунтиришлар билан бажариш фойдали, бунда ёзув сатрда берилади.

Тайёргарлик ишларидан кейин ёзма кўпайтиришга ўтиш тавсия этилади. Биринчи мисол сифатида уч ёки тўрт хонали сонларни бир хонали сонга кўпайтиришнинг шундай ҳолларини олган маъқулки, бунда ўнликдан, юзликдан ўтишлар бўлсин ва уларни оғзаки ҳисоблаш кийин бўлсин. Масалан: $2937 \cdot 3$.

Ўқувчилар ўқитувчи бошчилигида доскада ечишнинг тўла ёзилишини бажарадилар. Масалан, $2937 \cdot 3 = (2000 + 900 + 30 + 7) \cdot 3 = 2000 \cdot 3 + 900 \cdot 3 + 30 \cdot 3 + 7 \cdot 3 = 6000 + 2700 + 90 + 21 = 8811$.

Ўқувчилар тушунтиришади: бу ерда 2937 сонини хона қўшилувчилари йигиндиси билан алмаштиридик; 2000, 900, 30 ва 7 сонлари йигиндисини 3 га кўпайтириш мисоли ҳосил бўлади; ҳар қайси қўшилувчини 3 га кўпайтирамиз ва 6000, 2700, 90 ва 21 натижаларни қўшамиз, 8811 чиқади.

Ўқитувчи тўрт хонали, беш хонали ва олти хонали сонларни бир хонали сонга кўпайтиришда, уч хонали сонларни кўпайтиришдагидек бир хонали сонни биринчи кўпайтувчи бирликлари остига ёзиб, «устун» килиб ёзишни бажариш

ва кўпайтиришни бирликларни кўпайтиришдан бошлаш мумкинлигини тушунтиради.

× 2937 Чакирилган ўкувчи ечишни «устун» қилиб
 3 ёзади ва тушунтиради: 3 сонини 7 сони тагига
8811 ёзаман; 7 та бирликни 3 га кўпайтираман,
21 та бирлик чиқади, бу 2 та ўнлик ва 1 та бирлик, 1 ни
бирликлар остига ёзаман, 2 та ўнликни дилда сақлайман;
3 та ўнликни 3 га кўпайтираман, 9 та ўнлик чиқади, 9 та
ўнликка дилдаги 2 та ўнликни кўшаман. 11 та ўнлик бў-
лади, 11 та ўнлик бу 1 та юзлик ва 1 та ўнлик; 1 та ўнликни
(1 рақамини) ўнликлар тагига ёзаман, битта юзликни
дилда сақлайман; 9 та юзликни 3 га кўпайтираман, 27 та
юзлик чиқади, дилдаги 1 та юзлик билан 28 та юзлик бўлади,
28 та юзлик бу 2 та минглик ва 8 та юзлик, 8 ни юзликлар
остига ёзаман, 2 та мингликни дилда сақлайман; 2 та минг-
ликни 3 га кўпайтираман, 6 та минглик чиқади, дилдаги
2 та мингликни кўшаман, 8 та минглик бўлади, 8 ни минг-
ликлар остига ёзаман, 8811 сони хосил бўлади.

Бундай ишни бажаргандан кейин болалар дарсликдан
коидани ўқишади ва шу коидага доир келтирилган мисолларни
карашади. Шундан кейин ўқитувчи раҳбарлигида
ўкувчилар доскада ва дафтарларида беш хонали ва олти
хонали сонларни бир хонали сонга кўпайтириш мисоллари-
ни «устун» қилиб ёзиб, ечадилар. Бунда ўкувчилар биринчи
кўпайтувчининг ҳар бир хонаси бирлигини (шу бирликни
улар бир хонали сонга кўпайтирадилар) айтиб, тушунти-
риб берадилар.

Шундан кейин ўқитувчи мисоллар ечишда қилинадиган
қисқа мулоҳаза билан ўкувчиларни танишитиради. Масалан,
63524 сонини 8 га кўпайтирища қисқа мулоҳаза бундай
бўлиши мумкин: 4 ни 8 га кўпайтираман (тўрт карра 8)
32 чиқади, 2 ни ёзаман, 3 ни дилда сақлайман; 2 ни 8 га
кўпайтирилса, 16 бўлади, дилдаги 3 билан 19 бўлади, 9 ни
ёзаман, 1 ни дилда сақлайман; беш карра саккиз 40 га
тeng, дилдаги 1 билан 41 бўлади, 1 ни ёзаман, 4 ни эса
дилда сақлайман, 3 кўпайтирув 8, 24 бўлади, 4 бор эди, 28 бў-
лади; 8 ни ёзаман, 2 ни дилда сақлайман; 6 кўпайтирув
8, 48 бўлади, дилдаги 2 билан 50 бўлади, 50 ни ёзаман.
508192 сонига эга бўлдик.

Қисқа тушунтириша кўпайтирилаётган хона бирликла-
ри айтилмайди.

Фронтал иш бажарилгандан кейин, болалар мисолларни
мустакил ечадилар, тушунтиришларни олдин овоз чиқариб
кейин овоз чиқармай иchlарида тушунтирадилар.

Дарсликда белгилаб берилган ўрганилган хилдаги мисоллар ечиб бўлингач, биринчи кўпайтувчининг ёзувида ўртасида ёки охирида ноллар бўлган 30069·8 ва 48500·5 кўринишидаги ҳоллар учун кўпайтириш усули киритилиди.

Кўпайтиришнинг биринчи ҳоли усули билан таништиришга тайёргарлик сифатида нолни кўпайтириш ва нолни кўшиш қоидасини такрорлаш керак, бунда ўқувчиларга бундай машқларни бериш керак: 0 ўнл. 4+0 юзл. 8; 0 ўнл. 5+4 ўнл; 0 юзл. 4+3 юзл. ва ҳоказо. Шундан кейин ўқувчилар ўқитувчи бошчилигига кўпайтиришни устун қилиб ёза оладилар ва тегишли мисолларнинг ечилишларига олдин тўла, кейин эса қисқа тушунтириш бера оладилар.

Масалан, 804 ни 9 га кўпайтириш керак:

$\begin{array}{r} \times 804 \\ \underline{9} \\ 7236 \end{array}$	<p>Тўла тушунтириш бундай бўлади: кўпайтувчи 9 ни биринчи кўпайтувчининг бирликлари остига ёзаман; 4 та бирликни 9 га кўпайтираман, 36 та бирлик чиқади, бу 3 та ўнлик ва 6 та бирлик, 6 бирликни бирликлар остига ёзаман, 3 та ўнликни эса дилда сақлайман; 0 та ўнликни 9 га кўпайтираман, 0 та ўнлик чиқади ва яна 3 та ўнлик бор эди, жами 3 та ўнлик, 3 ни ўнликлар остига ёзаман ва ҳоказо.</p>
--	---

Қисқа тушунтириш: тўрт карра тўккиз 36,6 ни ёзаман, 3 ни дилда сақлайман, 0 кўпайтирув 9, 0 чиқади, 0 га дилдаги 3 ни кўшаман, 3 ни ёзаман, саккиз карра тўккиз 72, 72 ни ёзаман, кўпайтма: 7236.

Бундай усулларни мустаҳкамлашда болалар берилган турдаги мисолларга ўхшаш мисолларни ўзлари ўйлаб топсалар, янада яхши бўлади.

Болаларни 4900·7 кўринишдаги ҳоллар учун кўпайтириш усуллари билан таништиришга тайёрлашдан олдин сонларни алмаштиришга доир бир нечта машқ бажариш керак: «270 сонида ҳаммаси бўлиб нечта ўнлик бор? 17000 сонида неча юзлик бор? 32 та ўнликда нечта бирлик бор? 56 та юзликда нечта бирлик бор?» Шунингдек 40·6 кўринишдаги ҳоллар учун кўпайтириш усулларини эслаш керак.

Тайёргарлик ишларидан кейин ўқитувчи доскада топшириқ тайёрлайди:

$$\begin{array}{r}
 900 \cdot 6 \\
 \hline
 9 \text{ юзл. } 6 = 54 \text{ юзл.} \\
 900 \cdot 6 = 5400
 \end{array}
 \qquad
 \begin{array}{r}
 35\ 000 \cdot 2 \\
 \hline
 35 \text{ минг. } 2 = 70 \text{ минг} \\
 35\ 000 \cdot 2 = 70\ 000
 \end{array}$$

Ўқитувчи ёзуви диққат билан қараб, ечишни тушунтиришни сўрайди. Ўқитувчи албатта ўқувчининг гапириб

беришига эришмоғи керак. 900 ни 6 га кўпайтириш керак. 900 бу 9 та юзлик, 9 та юзликни 6 га кўпайтираман, 54 та юзлик ёки 5400 ҳосил бўлади; демак, 900 ни 6 га кўпайтирилса, 5400 бўлади.

Энди болаларга бундай мисолларнинг «устун» қилиб ёзилишини кўрсатиш керак. Бундай мисолларни доскага ёзиш мақсадга мувоғик:

$$\begin{array}{r} \times 690 \\ 7 \\ \hline 4830 \end{array} \quad \begin{array}{r} \times 2900 \\ 3 \\ \hline 8700 \end{array} \quad \begin{array}{r} \times 74000 \\ 5 \\ \hline 370000 \end{array}$$

Болаларнинг эътиборлари иккинчи кўпайтувчининг биринчи кўпайтувчи тагига қандай ёзилишига қаратилади: ноллар иккинчи кўпайтувчи ракамидан ўнгда қолиши керак, чунки ўнликларни (юзликларни, мингликларни ва ҳоказо) кўпайтирамиз; ўнликлар (юзликлар, мингликлар ва ҳоказо) сонини бир хонали сонга кўпайтирамиз, ўнликларга (юзликларга, мингликларга ва ҳоказо) эга бўламиз, уларни бирликларда ифодалаймиз, яъни ҳосил бўлган кўпайтманнинг ўнг томонига битта (иккита, учта ва ҳоказо) ноль ёзамиз.

Болалар бир нечта мисолни ўқитувчи бошчилигида ечадилар, ечимни «устун» қилиб ёзадилар ва олдин тўла тушунтириш берадилар, кейин эса қисқа тушунтириш берадилар. Масалан, 2900·3 ни қарайлик.

Тўла тушунтириш: кўпайтувчи 3 ни 9 нинг тагига ёзаман; 2900 сонида 29 та юзлик бор; 29 та юзликни 3 га кўпайтираман; 9 карра 3—27, 7 ни ёзаман, 2 ни эслаб қоламан; икки карра уч 6 ва яна икки 8 бўлади, 8 ни ёзаман, 87 та юзлик ёки 8700 бўлади.

Шуни таъкидлаймизки, бунда 29 ни 3 га кўпайтиришда қисқа тушунтириш берилади, чунки 29·3 кўринишдаги ҳол билан ўқувчилар таниш. Бундан кейин назарда тутиш керакки, агар усул ўз ичига илгари ўрганилган бошқа усулни олса, у ҳолда охирги усулга бериладиган тушунтириш қисқа бўлиши керак.

2900 ва 3 сонларини кўпайтириш усулига бериладиган қисқа тушунтириш: тўққиз карра уч бу 27, еттини ёзаман, 2 ни эсда сақтайман, икки карра уч бу 6 ва яна икки, жами 8, 8 ни ёзаман; ўнг томонга иккита ноль ёзаман, 8700 сони ҳосил бўлади.

Бу усуллар ҳақидаги билимларни мустаҳкамлаш ва хисоблаш кўникмаларини шакллантириш худди олдиндагидек ташкил килинади.

6·4508 кўринишдаги ҳол учун усул кўпайтувчилар ўринларини алмаштиришдан иборат, бу кўп хонали сонни бир хонали сонга кўпайтиришга келтирилади, бу ҳоллар учун кўпайтириш қоидалари ўқувчиларга таниш.

Кўпайтириш усулларининг ўрганилган турлари ҳақидаги билимларни мустаҳкамлаш ва ҳисоблаш кўникмаларини шакллантириш босқичида кўпайтиришнинг қаралган бир амалли ва бир нечта амалли барча ҳоллари ечиш учун киритилади. Охирги ҳолда, арифметик амалларнинг бажа-рилиши тартибини аниклагач, ифодани таҳлил қилиш муҳимдир.

Масалан, оғзаки ҳисоблашларга ушбу кўринишдаги мисолларни киритиш мумкин:

а) Ҳисобла: $(960 - 120 \cdot 5) \cdot 2$

$$240 \cdot 5 = 250 \cdot 4$$

б) Жавоб тўғри бўлиб чиқиши учун керакли ўринларга қавслар қўй:

$$1500 - 150 \cdot 2 \cdot 5 = 0$$

$$60 : 4 \cdot 5 = 3 \text{ ва } x. k.$$

Хонали сонга кўпайтириш. Ўқувчилар бир хонали сонга кўпайтиришни мустаҳкам ўзлаштириб олганларидан сўнг 10, 100, 1000 га, кейин эса 30, 300, 3000 га кўпайтириш усуллари қаралади.

10, 100, 1000 га кўпайтириш бу ерда такрорлаш тартибида қаралади. Бу усул биринчи марта сонларни номерлашни ўрганишда кўриб ўтилган эди.

Дастлаб ўқувчилар ўқитувчи бошчилигига илгари эгалланган билимларни янги шартларда кўллашга доир катор мисолларни ечадилар:

$$3 \cdot 10 = 30 \text{ (ўқувчилар бундай мисолни еча оладилар).}$$

$$10 \cdot 10 = 100 \text{ (номерлаш асосида: юзда ўнта ўнлик бор).}$$

$$17 \cdot 10 = 170 \text{ (} 10 \cdot 10 + 7 \cdot 10 \text{) (йигиндини сонга кўпайтириш қоидаси).}$$

$$100 \cdot 10 = 1000 \text{ (номерлаш асосида: мингда 10 та юзлик бор).}$$

$$117 \cdot 10 = 1170 \text{ (} 100 \cdot 10 + 10 \cdot 10 + 7 \cdot 10 \text{ — йигиндини сонга кўпайтириш қоидаси ёки 1 та ўн } 117 = 117 \text{ та ўн } 1170 = 1170 \text{ — кўпайтманинг ўрин алмаштириш хоссаси, шунингдек тегишли хона бирликларини майдалаш ва ўзгартириш.}$$

Кўпайтма санаб ўтилган усулларнинг ихтиёрий биттаси билан ҳисоблангандан кейин, ўқитувчи болаларга ҳар кайси мисолдаги кўпайтма билан кўпайтувчини ўзаро таққослаб кўришни тавсия этади. Бундай ишдан кейин ўқувчи ушбу қоидани келтириб чиқаради: «Сонни 10 га

күпайтириш учун бу соннинг ўнг томонига битта нолни ёзиб кўйиш керак».

Исталган сонни бир ва ноль (ноллар) билан ифодаланган сонга күпайтириш ҳар доим сатр қилиб ёзилади: $10270 \times 10 = 102700$.

100, 1000 га күпайтиришда ҳам шунга ўхашаш иш бажарилади. Масалан, кўйидагича жадвал тузилади:

$8 \cdot 100 = 800$	Бу мисолларни ечишда ўқувчи кўпайтманинг ўрин алмаштириш хоссасидан фойдаланади, бунда у 1 та юзликни берилган сонга кўпайтиради.
$10 \cdot 100 = 1000$	
$16 \cdot 100 = 1600$	
$30 \cdot 100 = 3000$	
$53 \cdot 100 = 5300$	

Ўқувчилар 100 га кўпайтиришда ҳар қайси мисолдаги кўпайтманинг ёзуви кўпаювчининг ёзувидан фақат ўнгда турган иккита ноль билан фарқ қилишини пайқайдилар ва 10 га кўпайтиришга ўхашаш исталган сонни 100 га кўпайтириш қоидасини ифодалайди.

Иккала (10 га ва 100 га кўпайтириш) жадвалда ҳам охирида учта ноли бор кўпайтмалар борлигини таъкидлаб ўтамиз. Бундай мисоллар нотўғри умумлаштиришларни ҳосил қилиб қўймаслик ҳақида огоҳлантириш учун атайлаб берилган: 10 га (100 га) кўпайтирганда кўпайтмада ўнг томонда битта (иккита) ноль бўлиши керак. Баъзида улар кўп ҳам бўлиши таъкидлаб ўтилади.

Яхлит ўнликларга ва яхлит юзликларга кўпайтириш.
Яхлит ўнликларга кўпайтириш масаласи кўп хонали сонларни кўпайтиришда асосий масала ҳисобланади ($14 \cdot 30 = 14 \cdot (3 \cdot 10) = (14 \cdot 3) \cdot 10 = 42 \cdot 10 = 420$), чунки яхлит юзликка ҳам худди шунга ўхашаш кўпайтирилади: $18 \cdot 300 = 18 \cdot (3 \cdot 100) = (18 \cdot 3) \cdot 100 = 54 \cdot 100 = 5400$; шунингдек, исталган хонали ва яхлит сонга ҳам шундай кўпайтирилади: $134 \cdot 230 = 134 \cdot (23 \cdot 10) = (134 \cdot 23) \cdot 10$. Бундан ташқари, яхлит ўнликларга ва яхлит юзликларга кўпайтириш икки хонали ва уч хонали сонларга кўпайтиришнинг таркибий қисмига киради, масалан: $436 \cdot 278 = 436 \times (8 + 70 + 200) = 436 \cdot 8 + 436 \cdot 70 + 436 \cdot 200$. Бошқача айтганда, яхлит ўнликларга кўпайтиришда ўзлаштирилган ҳисоблаш усулидан кўп хонали сонларни кўпайтиришнинг бошқа барча ҳолларида фойдаланилади. Кўпайтманинг группалаш хоссаси (сонни кўпайтмага кўпайтириш қоидаси) ва бу хоссага асосланган ҳисоблаш усули кўйидаги сабабларга кўра айрим қийинчиликларга эга.

Биринчидан, яхлит ўнликларга кўпайтириш ($14 \cdot 30$) ўқувчиларга маълум бўлган яхлит ўнликларни кўпайтиришга ($30 \cdot 4$) шу маънода ўхашшки, иккала ҳам

яхлит сонлар билан иш кўришга тўғри келади. Лекин яхлит сонга кўпайтиришда кўпайтманинг гурухлаш хоссасидан фойдаланишга тўғри келади ($14 \cdot 30 = 14 \cdot 3 \cdot 10$). Яхлит сонларни кўпайтиришда эса бир хона бирликларини бошқа хона бирликларига алмаштиришдан фойдаланилади ($30 \cdot 4 = 3 \text{ ўнл.} \cdot 4 = 12 \text{ ўнл.} = 120$). Иккала мисолда ҳам айни бир сон (30) экани, лекин уларни ҳар хил қарашга тўғри келиши келиб чиқади: агар 30 сони кўпаювчи бўлса, уни 3 ўнлик сифатида қараш керак, агарда 30 кўпайтирувчи бўлса, уни уч ва ўннинг кўпайтмаси сифатида қараш керак.

Иккинчидан, яхлит ўнликларга кўпайтириш усули икки хонали сонга кўпайтириш усулига ўхшаш: у ҳолда ҳам, бу ҳолда ҳам кўпайтувчини иккита сон билан (уларнинг йигиндиси ёки кўпайтмаси билан) алмаштиришга, кейин эса бу сонлардан кўпайтувчилар сифатида фойдаланишга тўғри келади. Масалан:

$$124 \cdot 30 = 124 \cdot (3 \cdot 10) = 124 \cdot 3 \cdot 10$$

$$124 \cdot 13 = 124 \cdot (3 + 10) = 124 \cdot 3 + 124 \cdot 10$$

. (мазкур ҳисоблаш усуllibаридаги ўхшашиклар бир хил ифодаланганигини таъкидлаб ўтамиз). Ҳисоблаш усуllibаридаги тафовутлар эса кавс ичидағи сонлар кўпайтувчига нисбатан қандай роль ўйнаши билан тушунтирилади, яъни улар қўшилувчилар ёки кўпайтувчилар бўлиши мумкин.

Учинчидан, яхлит ўнликларга кўпайтиришнинг ҳисоблаш усулини айни бир мисолни ечишда бир вақтнинг ўзида кўпайтиришнинг болаларга маълум бўлган бошқа ҳисоблаш усуllibаридан ҳам албаттга фойдаланиладиган шартларида ўзлаштиришга тўғри келади. Ҳақиқатан, ўкувчи, масалан, 35 ни 40 га кўпайтиришда куйидаги амалларни бажаради: $35 \cdot 40 = 35 \cdot 4 \cdot 10 = (30 + 5) \cdot 4 \cdot 10 = (5 \cdot 4 + 30 \cdot 4) \cdot 10 = = (20 + 120) \cdot 10 = 140 \cdot 10 = 1400$.

Ечилишида рационал фойдаланиш сифатида фақат биргина кетма-кет кўпайтириш усулидан фойдаланиладиган яхлит ўнликларга кўпайтиришга доир мисоллар тузиш мумкин эмас.

Янги мавзунинг таъкидлаб ўтилган ўзига хос хусусиятлари уни ўрганишда маълум из қолдиради. Кўпайтиришнинг гурухлаш хоссаси ва кетма-кет кўпайтириш усули устида муваффақиятли ишлаш таниш материаллар устида бир вактда турли режадаги ишларни таклиф этади: илгари ўрганилган хоссаларни ва уларга асосланган усуllibарни

такрорлаш, шунингдек улар билан қарама-қарши қўйилган янги хоссаларни ва янги ҳисоблаш усувларини очиш зарур.

Яхлит ўнликларга кўпайтиришга ўтишдан олдин сонни кўпайтмага кўпайтириш қоидасини киритиш керак.

Сонни кўпайтмага кўпайтиришнинг турли усувлари билан танишишда бу усувларни конкрет (аниқ) мисолларда қараш керак, шундан кейин болаларни умумий холосага олиб келиш керак. Масалан, ушбу ифодаларнинг қийматларини топиш тавсия этилади:

- 1) $6 \cdot (4 \cdot 2) = 6 \cdot 8 = 48$ Ўқувчилар бундай мuloҳаза
2) $6 \cdot (4 \cdot 2) = (6 \cdot 4) \cdot 2 = 48$ юритадилар: 1) 6 ни 4 ва 2
3) $6 \cdot (4 \cdot 2) = (6 \cdot 2) \cdot 4 = 48$ сонлари кўпайтмасига кўпайтириш керак, кўпайтмани топаман, 8 ҳосил бўлади, 6 сонини шу кўпайтмага (8 га) кўпайтираман. 48 ҳосил бўлади.

2) Бу ерда 6 сонини 4 ва 2 сонлари кўпайтмасига кўпайтиришда 6 сонини биринчи кўпайтувчи 4 га кўпайтиридик ва ҳосил бўлган кўпайтма 24 ни иккинчи кўпайтувчи 2 га кўпайтиридик, яна 48 ҳосил бўлди.

3) Бу ҳолда 6 сонини 4 ва 2 сонлари кўпайтмасига кўпайтиришда 6 сонини иккинчи кўпайтувчи 2 га кўпайтиридик ва ҳосил бўлган натижа 12 ни биринчи кўпайтувчи 4 га кўпайтиридик, яна 48 ҳосил бўлди.

Ўқувчилар дарсликдаги шунга ўхшаш машқларни бажаришда ҳам шундай мuloҳаза юритадилар. Шундан кейин улар ушбу саволга жавоб бера оладилар: «Сонни кўпайтмага қандай кўпайтириш мумкин?»

Шундан кейин ўқувчиларга сонни кўпайтмага кўпайтириш талаб этиладиган ва бу ифоданинг қийматини учта усул билан ҳисоблаш мумкин бўлган ўз ифодаларини тузишли таклиф этиш керак.

Мустаҳкамлаш учун берилган ифоданинг қийматини кулагай усул билан ҳисоблашга доир машқлар таклиф этилади. Бу ҳолда ўқувчилар берилган ифоданинг қийматини учта усул билан хаёлан топадилар ва улардан энг қулаганини ажратиб оладилар. Бунда кўпайтиришнинг болаларга маълум усувларини бажаришга олиб келадиган усул кулагай ҳисобланади. Масалан, $12 \cdot (5 \cdot 7)$ ҳол учун $(12 \cdot 5) \times 7$ усул; $17 \cdot (4 \cdot 10)$ ҳол учун $(17 \cdot 4) \cdot 10$ усул қулагай усул бўлади.

Берилган ҳар бир ифоданинг қийматини топишдан кейинги янги мавзуни ўрганишга тайёргарлик мақсадида болалардан бу ерда қандай сонга кўпайтирганимизни (35 га, 40 га) ва бу сонни қандай тасвиirlаганимизни (5 ва

7 ёки 4 ва 10 сонлари кўпайтмаси кўринишда) сўраш фойдали. Шу вақтнинг ўзида шунингдек 10 га ва 100 га кўпайтириш усулларини такрорлаш керак.

Дастлаб кўпайтиришнинг иккинчи кўпайтувчини кўпайтмага алмаштиришга ва ҳосил бўлган ифоданинг қийматини қулай усул билан ҳисоблашга олиб келадиган оғзаки усул қаралади.

Ўқувчиларга қуйидаги ҳисоблаш усулларини тушунтириш таклиф этилади:

$$24 \cdot 30 = 24 \cdot (3 \cdot 10) = (24 \cdot 3) \cdot 10 = 72 \cdot 10 = 720$$

$$35 \cdot 18 = 35 \cdot (2 \cdot 9) = (35 \cdot 2) \cdot 9 = 70 \cdot 9 = 630$$

Ўқувчилар тушунтирадилар: 24 ни 30 га кўпайтириш керак; 30 сонини 3 ва 10 сонлари кўпайтмаси билан алмаштиридик, бундай мисол ҳосил бўлади: 24 ни 3 ва 10 сонлари кўпайтмасига кўпайтириш; 24 ни биринчи кўпайтувчи 3 га кўпайтириш ва натижа 72 ни иккинчи кўпайтувчи 10 га кўпайтириш қулайроқ, натижада 720 ҳосил бўлади.

35 · 18 ҳоллар учун ҳисоблаш усули шунга ўхшаш тушунтирилади.

Шундан кейин шу усулдан фойдаланиб, ўқувчилар $16 \cdot 30$, $25 \cdot 16$ ва ҳоказо ҳоллардаги кўпайтмани ҳисоблайдилар: иккинчи сонни қулай кўпайтувчилар билан алмаштирадилар, кейин ҳосил бўлган ифоданинг қийматини ҳисоблайдилар. Бунда улар дастлаб овоз чиқариб мулоҳаза юритадилар, кейин эса ичларида мулоҳаза юритиб, факат натижани ёзадилар.

Сонни йигиндига кўпайтиргандаги усул билан янги усулни аралаштириб юбормаслик учун бу усулларни тақкослаш керак. Ўқувчиларга қуйидаги ҳисоблаш усулларини тушунтириб беришни таклиф этиш мумкин:

$$15 \cdot 40 = 15 \cdot (4 \cdot 10) = (15 \cdot 4) \cdot 10 = 60 \cdot 10 = 600$$

$$15 \cdot 14 = 15 \cdot (10 \cdot 4) = 15 \cdot 10 + 15 \cdot 4 = 150 + 60 = 210$$

Шундан кейин усулларнинг муҳим фарқи нимада эканлиги маълум бўлади (биринчи ҳолда 40 сони 4 ва 10 сонлари кўпайтмаси билан алмаштирилди ва биринчи кўпайтувчига кўпайтирилди, иккинчи ҳолда эса 14 сони хона қўшилувчилари йигиндиси билан алмаштирилди ва йигиндига кўпайтирилди).

Дарслиқдаги шунга ўхшаш машқларни, шунингдек ифодаларни тақкослашга доир машқларни бажаришда шундай мулоҳаза юритилади.

Ноллар билан тугайдиган сонларга ёзма кўпайтириш усуллари билан танишишда, дастлаб ўқувчиларнинг ўzlари оғзаки усулдаги каби ёйиб ёзишни бажарсиналар:

$$254 \cdot 30 = 254 \cdot (3 \cdot 10) = 254 \cdot 3 \cdot 10 = 7620$$
$$426 \cdot 200 = 426 \cdot (2 \cdot 100) = 426 \cdot 2 \cdot 100 = 85200$$

Ўқитувчи бундай ҳолларда ечишни ёзма бажариш кулайрок эканини тушунтиради. Бунда сонлар иккинчи кўпайтиувчининг ноллари биринчи кўпайтиувчининг бирликларидан ўнгроқда турадиган қилиб устун шаклида ёзилади. Олдин 254 сонини 3 га кўпайтирилади ва ҳосил бўлган натижани 10 га кўпайтирилади. 254 ни 3 га кўпайтирамиз: 3 карра 4 12, 2 ни ёзамиз, 1 ни дилда сақлаймиз; уч карра беш 15 ва дилдаги 1 билан 16 бўлади, олтини ёзамиз, 1 ни дилда сақлаймиз; уч карра 2 6, дилдаги 1 билан 7 ҳосил бўлади, 7 ни ёзамиз; 762 ҳосил бўлди; 762 ни 10 га кўпайтирамиз, бунинг учун ҳосил бўлган соннинг ўнг томонига битта ноль ёзив кўямиз. Кўпайтма 7620 га teng.

426 · 200 ҳоли учун ҳисоблаш усулини ўқувчилар ўқитувчи бошчилигида батафсил тушунтирадилар. Олдин ечишнинг умумий режаси белгилаб олинади (426 ни 2 га кўпайтирилади ва натижани 100 га кўпайтирилади, кейин 426 ни бир хонали сон бўлган 2 га кўпайтирилади (бунда қиска тушунтиришдан фойдаланилади, чунки бир хонали сонга кўпайтириш ўқувчилар томонидан илгари ўзлаштирилган) ва ҳосил бўлган натижа 100 га кўпайтирилади).

Езув куйидагича бажарилади:

$$\begin{array}{r} \times \frac{254}{30} \\ \hline 7620 \end{array} \quad \begin{array}{r} \times \frac{426}{200} \\ \hline 85200 \end{array}$$

Ноллар билан тугайдиган сонга кўпайтириш усулини мустаҳкамлаш босқичида, ўқувчиларга мисолларни дастлаб батафсил тушунтиришлар билан, кейин эса қиска тушунтиришлар билан ечиш таклиф этилади.

Батафсил (тўла) тушунтириш келтирилган эди, қисқача тушунтириш, масалан, $546 \cdot 30$ ҳол учун бундай бўлади: уч карра олти 18, саккизни ёзаман, 1 ни дилда сақлайман; уч карра тўрт 12, дилдаги 1 билан 13 бўлади ва ҳоказо, 1638 ҳосил бўлади, нолни қўшиб ёзаман, 16380 ҳосил бўлади. Бундан кейин мисолларни ечишда ўқувчилар қиска тушунтиришни аввал овоз чиқариб бажарадилар, кейин эса ичларида бажарадилар.

Энди такқослаш учун бир жуфт мисол — яхлит ўнлик-

ларга (яхлит юзликларга) ёзма кўпайтириш ва яхлит сонларни бир хонали сонларга ёзма кўпайтириши таклиф этиш фойдали:

$$\begin{array}{r} \times 1960 \\ \hline 4 \\ \hline 7840 \end{array} \quad \begin{array}{r} \times 259 \\ \hline 80 \\ \hline 20720 \end{array} \quad \begin{array}{r} \times 24300 \\ \hline 4 \\ \hline 97200 \end{array} \quad \begin{array}{r} \times 247 \\ \hline 400 \\ \hline 988000 \end{array}$$

Кўпайтманинг иккала кўпайтувчининг охирида ноллар бўлган ҳоллар алоҳида қаралади.

Дастлаб оғзаки кўпайтириш усулини қараш мақсадга мувофиқ. Масалан, 70 ни 60 га кўпайтириш керак, 7 та ўнликни 6 га кўпайтирамиз ва ҳосил бўлган сон — 42 та ўнликни 10 га кўпайтирамиз, 420 та ўнлик ёки 4200 ҳосил бўлади. Ёзилиши:

$$70 \cdot 60 = 7 \text{ ўнл.} \cdot (6 \cdot 10) = 7 \text{ ўнл.} \cdot 6 \cdot 10 = 42 \text{ ўнл.} \cdot 10 = 420 \text{ ўнл.} = 4200.$$

Ёзма кўпайтиришда ўқитувчи сонларни иккинчи кўпайтувчининг нолдан фарқли рақами биринчи кўпайтувчининг ўнгдан нолдан фарқли биринчи рақамининг остида турадиган килиб устма-уст ёзилишини тушунтиради. Масалан, 4900 ни 70 га кўпайтириш керак; сонларни устма-уст шундай ёзамиш:

$\begin{array}{r} \times 4900 \\ \hline 70 \\ \hline 343000 \end{array}$	Тушунтириш: 49 та юзликни 70 га кўпайтирамиз: 49 ни 7 га кўпайтирамиз ва натижани 10 га кўпайтирамиз; 7 га кўпайтирамиз: етти карра тўққиз 63, учни ёзамиш, 6 ни дилда сақлаймиз; етти карра тўрт 28, дилдаги 6 билан 34 бўлади, 34 ни ёзамиш; 343 та юзлик ҳосил бўлди; уларни 10 га кўпайтирамиз — ўнг томонга битта ноль ёзамиш, 3430 та юзлик ҳосил бўлади, уларни бирликларда ифодалаймиз, ўнгта иккита ноль ёзиб кўямиз, 343000 ҳосил бўлди.
--	--

Ўқувчилар бу ҳолда 49 ни 7 га кўпайтирганимизни ва ҳосил бўлган кўпайтманинг ўнг томонига олдин битта ноль, кейин иккита ноль, ҳаммаси бўлиб учта ноль ёзиб кўйганимизни, яъни иккала кўпайтувчида ҳаммаси бўлиб нечта ноль бўлса, шунча ноль ёзиб кўйишимизни пайқайди.

Шунга ўхшаш бир нечта мисолларни ечгандан кейин ноллар билан тугайдиган сонларни кўпайтиришда нолларни эътиборга олмай, улар кўпайтирилиши ва ҳосил бўлган кўпайтмага ўнг томондан иккала кўпайтувчида ҳаммаси бўлиб нечта ноль бўлса (уларнинг ёзувларининг охирида), шунча ноль ёзиб кўйилиши маълум бўлади. Бундан буён ўқувчилар мана шу мулоҳазага асосланадилар.

Ўрганилган усулларга доир билимларни мустаҳкамлаш ва ҳисоблаш кўникмаларини ишлаб чиқиш учун кўпайти-

ришнинг қараб чиқилган ҳолларини ўз ичига олган бир ва ундан ортиқ амалли ифодаларнинг қийматларини топишга доир топшириклар тавсия этилади.

Икки хонали ва уч хонали сонларга кўпайтириш. Икки хонали ва уч хонали сонларга кўпайтиришда кўпайтувчилярни хона қўшилувчиларига ажратиш усули қўлланилади. Бунда турли ҳоллар бўлиши мумкин: $234 \cdot 15 = 234 \cdot 5 + 234 \cdot 10$ — кўпайтирувчини йигиндига алмаштирамиз; $436 \cdot 248 = 436 \cdot 8 + 436 \cdot 4 \cdot 10 + 436 \cdot 2 \cdot 100$ — кўпайтиришни $(200 + 40 + 8)$ йигиндига алмаштиришдан ташқари баъзи қўшилувчиларни кўпайтмага алмаштиришга ($40 = 4 \cdot 10$, $200 = 2 \cdot 100$) тўғри келади. Бундай ёндашишда кўпаювчи устида бажариладиган барча амалларни шу кўпаювчини бир хонали сонга ва хона бирлигига кўпайтиришга, яъни ўқувчилар биладиган ҳолга келтириш мумкин.

Икки хонали сонга ёзма кўпайтиришни ўргангунга қадар айрим мисолларни ечишда ўқувчига ёки фақат кўпаювчини ($24 \cdot 3 = 20 \cdot 3 + 4 \cdot 3$), ёки фақат кўпайтирувчини ($6 \cdot 14 = 6 \cdot 10 + 6 \cdot 4$) хона қўшилувчиларига ажратиш билан боғлиқ ишларни бажаришга тўғри келган эди. Энди эса иккала кўпайтувчи икки хонали ёки уч хонали сон бўлганда ($87 \cdot 46$, $346 \cdot 32$, $734 \cdot 216$ ва ҳоказо) бир вақтда кўпаювчини ҳам, кўпайтирувчини ҳам хона қўшилувчиларга ажратиш усули билан боғлиқ ишларни бажаришга тўғри келади. Бунинг устига хонали сонга кўпайтириш усулини ҳам қўллашга, яъни айни бир мисолни ечишда кўпайтиришнинг барча асосий ҳисоблаш усулларини қўллашга тўғри келади.

Мазкур масалалар устида бажариладиган ишлар кетмакетлигини қараймиз.

Дастлаб болалар билан яна бир марта сонни йигиндига кўпайтиришнинг турли усуллари қараб чиқилади. Буни расм бўйича (61-расм) ёки ўқитувчи столида шунга ўхшаш жойлаштирилган бирор-бир буюмлар бўйича бажариш мумкин.

Мазкур ҳолда ўқитувчи сўрайди: «Шарлар ҳаммаси бўлиб нечта? Бу саволга неча хил усул билан жавоб бериш мумкин?» Болалар ёрдамида сон билан йигиндининг кўпайтмасини топишнинг икки усули ёзилади:


I у с у л

$$4 \cdot (3+2) = 4 \cdot 5 = 20$$

$$4 \cdot (3+2) = 4 \cdot 3 + 4 \cdot 2 = 12 + \\ + 8 = 20$$

II у с у л

Ўқувчилар натижаларни тақослаб, сонни йигиндига турлича кўпайтириш мумкин эканига ишонч ҳосил қила-
232



61- расм.

дилар: йіғиндини ҳисоблаш ва унга берилган сонни күпайтириш мумкин ёки сонни ҳар бир қүшилувчига күпайтириш ва ҳосил бўлган натижаларни қўшиш мумкин. Ўқувчилар бу холосага берилган ифоданинг қийматини турли усуллар билан топиш билан келадилар.

Мустаҳкамлаш учун ўқувчиларга сонни йиғиндига күпайтиришга доир ўз мисолларини тузишни ва натижани ҳар хил усул билан топишни таклиф килиш мумкин. Шу мақсадда берилган ифодалар қийматини қулай усул билан ҳисоблашга доир машқлар таклиф килинади. Бу ерда маълум усулларни қўлланишга келтириладиган ёки анча осон усулга келтириладиган усул ҳам қулай усул ҳисобланади.

Кейин ўқувчилар икки хонали сонни икки хонали сонга оғзаки күпайтириш билан таништирилади. Уларга берилган ёзув бўйича ҳисоблаш усулини тушунтириш таклиф килинади, масалан: $21 \cdot 14 = 21 \cdot (10 + 4) = 21 \cdot 10 + 21 \cdot 4 = 210 + 84 = 294$.

Тушунтириш: 21 ни 14 га күпайтириш керак; 14 сонини хона қўшилувчилари 10 ва 4 йиғиндиси билан алмаштирилди; 21 ни 10 га — биринчи қўшилувчига күпайтирилди, сўнгра 21 ни 4 га — иккинчи қўшилувчига күпайтирилди, топилган 210 ва 84 натижалари қўшилди, 294 чиқди.

$7 \cdot (10 + 4)$; $8 \cdot (5 + 3)$; $6 \cdot (20 + 5)$ ифодалар қийматини ҳар хил усул билан ҳисоблаб, ўқувчилар юкоридагига ухшаш тушунтириш берадилар. Шундан кейин уларга $18 \cdot 13$, $60 \cdot 15$ ва шу каби қўринишдаги мисолларни ечиш

таклиф қилинади. Ўқувчилар иккинчи кўпайтuvчини хона кўшилувчиларининг йигиндиси билан алмаштирадилар ва сонни йигиндига кўпайтирадилар. Бунда улар ечилган мисолда килинганидек, ҳар бир амалнинг бажарилишини тушунтирадилар.

Баъзи ўқувчилар бу усулни илгари қаралган сонни кўпайтмага кўпайтиришга асосланилган усул билан аралаштириб юборадилар.

Масалан, 34 ни 12 га кўпайтиришда улар 34 ни 10 га кўпайтирадилар ва чиқсан 340 натижани 2 га кўпайтирадилар, натижада 680 чиқади. Бундай тушунмовчиликнинг олди니 олиш учун бу усулларни тақкослаш керак. Шу мақсадда $11 \cdot 50$ ва $11 \cdot 15$ кўринишдаги мисолларни тушунтириб ечиш таклиф қилинади. Бундай ёзув ҳосил бўлади:

$$11 \cdot 50 = 11 \cdot (10 \cdot 5) = 11 \cdot 10 \cdot 5 = 110 \cdot 5 = 550$$

$$11 \cdot 15 = 11 \cdot (10 + 5) = 11 \cdot 10 + 11 \cdot 5 = 110 + 55 = 165$$

Ўқувчилар биринчи ҳолда сонни кўпайтмага кўпайтирганликларини, яъни биринчи кўпайтuvчига кўпайтиридик, натижани иккинчи кўпайtuvchiga кўпайтиридик, иккинчи мисолда эса сонни йигиндига кўпайтиридик, яъни уни ҳар бир кўшилувчига кўпайтириб, кўпайтмаларни кўшдик.

Шу мақсадда дарсликда тўғри тенгсизликларни тошига доир машқлар ($18 \cdot 10 + 18 \cdot 3$ ва $18 \cdot 30$; $13 \cdot 7 \cdot 10$ ва $13 \cdot 70$ ва х. к.) таклиф қилинади. Берилган тенгликлардаги ифодаларни тақкослаб, болалар иккинчи тенглик тўғри эканини кўрадилар: ўнг қисмida 13 ни 70 га, чап қисмда эса 13 ни 7 ва 10 сонлари кўпайтmasигa, яъни буни ҳам 70 га кўпайтиридик; биринчи тенглик нотўғри, чунки чап қисмда 18 ни 10 ва 3 сонлари йигиндисигa, ўнг қисмда эса шу сонларнинг кўпайтmasигa ($10 \cdot 3 = 30$) кўпайтирилмоқда. Ўнг қисмдаги ифодани тенгликлар тўғри бўладиган қилиб алмаштиришни таклиф қилиш мумкин. Ўқувчилар ифодани ёзишлари мумкин: $18 \cdot (10 + 3)$. Бошқа тенгликлар билан ҳам шундай иш ўтказилади.

Икки хонали сонга ёзма кўпайтириш усулига оғзаки усулдан ўтиш мумкин: ўқувчиларга 59 ни 86 га кўпайтиришни таклиф қилиб, улардан усулни тўла ёзишни талаб қилиш мумкин. Улар бундай ёзадилар: $59 \cdot 86 = 59 \cdot (80 + 6) = 59 \cdot 80 + 59 \cdot 6$.

Ўқитувчи ҳосил бўлган кўпайтмаларни оғзаки топиш кийин эканини, шу туфайли ҳисоблашларни ёзма бажариш кераклигини айтади:

$$\begin{array}{r} \times 59 \\ \hline 80 \\ \hline 4720 \end{array}$$

$$\begin{array}{r} \times 59 \\ \hline 6 \\ \hline 354 \end{array}$$

$$\begin{array}{r} + 4720 \\ 354 \\ \hline 5074 \end{array}$$

Ўқитувчи 4720 ва 354 кўпайтмалар тўлиқсиз кўпайтмалар деб аталишини, бу кўпайтмаларни қўшиб, 59 ва 86 сонларининг кўпайтмасини топишни тушунтиради. Ўқитувчи бу мисолнинг ечимини «устун» қилиб қандай ёзиш кераклигини кўрсатади ва ечимни тушунтиради:

$\begin{array}{r} \times 59 \\ \hline 86 \\ + 354 \\ \hline 5074 \end{array}$	бирликларни бирликлар, ўнликларни ўнликлар тагига ёзамиз, 59 ни бирликлар сони б га кўпайтирамиз. Биринчи тўлиқсиз кўпайтмага эга бўламиз; 59 ни 80 га кўпайтирамиз, иккинчи тўлиқсиз кўпайтмага эга бўламиз; тўлиқсиз кўпайтмаларни қўшамиз. 59 ни 6 га кўпайтирамиз, 6 карра 9 бу 54, 4 ⁴ ни ёзаман, 5 ни эсада сақлайман ва x. k.
---	---

59 ни 80 га кўпайтирамиз: 59 ни 8 га кўпайтирамиз ва натижа охирига ноль ёзамиз. 59 ни 8 га кўпайтирамиз: 9 карра 8 бу 72, иккинчи ўнликлар остига ёзаман (бирликлар ўрнини ноль учун қолдирамиз), 7 ни эса эслаб қоламан ва x. k.; бирликлар остига ноль ёзамиз: 4 га 0 тўрт, 5 га 2—етти ва x. k.

Шундан кейин ўқувчиларга дарсликда берилган тушунтиришни ўқиши таклиф қилиш мумкин. Ўқувчилар эътиборини топшириқ мисолида ажратиб берилган учта тушунтиришга қаратиш керак, бу тушунтиришлар кейинчалик тушунтиришлар учун план бўлиб хизмат қиласди; уларни алоҳида катта қоғозга ёзиб, синфга осиб қўйиш мумкин:

- 1) бирликлар сонига кўпайтираман;
- 2) ўнликлар сонига кўпайтираман ва натижани ўнликлар остига ёза бошлайман;
- 3) тўлиқсиз кўпайтмаларни қўшаман.

Кўп хонали сонни икки хонали сонга кўпайтириш усулiga доир билимларни мустаҳкамлаш учун ўқувчилар олдин дарсликда берилган ечими тушунтирадилар:

$$\begin{array}{r} \times 36 \\ \hline 47 \\ \hline 252 \\ 1440 \\ \hline 1692 \end{array}$$

$$\begin{array}{r} \times 36 \\ \hline 47 \\ \hline 212 \\ 144 \\ \hline 1692 \end{array}$$

$$\begin{array}{r} \times 47 \\ \hline 36 \\ \hline 282 \\ 141 \\ \hline 1692 \end{array}$$

Хар бир иккинчи кўпайтма (иккинчи ва учинчи мисолларда) охирига нима учун ноль ёзилмаганилиги аникланади. Бундай холосага келинади: ноль билан биринчи

түлиқсиз күпайтма бирликларини құшишда биринчи түлиқсиз күпайтма бирликлари ҳосил бўлади (биринчи мисолга қаранг). Шу сабабли, дейди ўқитувчи, иккинчи түлиқсиз күпайтма охирига нолни ёзмасликка келишдик, ўнликлар сонига күпайтириб эса иккинчи түлиқсиз күпайтмани биринчи түлиқсиз күпайтма ўнликлари тагига ёза бошлиймиз. Бундан кейин ўқувчилар бу нолни ёзмайдилар.

Шундан кейин ўқувчиларга күпайтиришни мустақил бажариш топширилади, бунда тушунтиришлар аста-секин камая боради. Масалан, 428 ни 37 га күпайтириш керак. Тушунтириш:

$$\begin{array}{r} \times 428 \\ \underline{37} \\ 2996 \\ 1284 \\ \underline{15836} \end{array} \quad \begin{array}{l} 428 \text{ ни бирликлар сонига күпайтираман: } 7 \text{ карпа } 8 - \text{ бу } 56, 6 \text{ ни ёзаман, } 5 \text{ ни эслаб коламан ва ҳоказо; биринчи түлиқсиз күпайтма } 2996, \\ 428 \text{ ни ўнликлар сонига күпайтираман: } 3 \text{ карра } 8 - \text{ бу } 24, 4 \text{ ни ёзаман, } 2 \text{ ни эслаб коламан ва ҳоказо; иккинчи түлиқсиз күпайтма } 12840. \end{array}$$

Түлиқсиз күпайтмаларни құшаман: 6, 9 га 4 — бу 13, 3 ни ёзаман, 1 ни эслаб коламан ва ҳоказо. Күпайтма 15836.

Кейинчалик тушунтириш янада қисқаради: 428 ни 37 га күпайтираман: 7 карра 8 — бу 56, олтини ёзаман, 5 ни эслаб коламан ва ҳоказо: 3 карра 8 — бу 24, 4 ни ёзаман, 2 ни эслаб коламан, 3 карра 2 — бу 6 ва яна 2, бу 8 ва ҳоказо. Күпайтма 15836.

Вакт-вакти билан ҳисоблаш усулини асослашга қайтиб туриш керак — болалардан берилган сонни қандай сонлар йигиндисига (иккинчи күпайтувчининг хона қўшилувчилари йигиндисига) күпайтирилганини ва ҳар бир қўшилувчига күпайтиришдан нима олинганини (түлиқсиз күпайтмалар) сўраш керак.

Кейинни дарсларда күпайтиришга доир мисоллар мураккаблаштирилади: уч хонали, тўрт хонали сонларни икки хонали сонларга күпайтирилади, шунингдек, охирида ёки ўртасида ноллар бўлган сонга күпайтирилади.

$$\begin{array}{r} \times 4080 \\ \underline{37} \\ + 2856 \\ \hline \underline{1224} \\ \hline 150960 \end{array} \quad \begin{array}{l} \text{Ушбу ҳолни қараймиз: } 4080 \cdot 37 = 408 \cdot 37 = 150960 \\ \text{ликини } 37 \text{ га күпайтираман: } 7 \text{ карра } 8 - \text{ бу } 56, \\ 6 \text{ ни ёзаман, } 5 \text{ ни эслаб коламан ва ҳоказо.} \\ 3 \text{ карра } 8 - \text{ бу } 24, 4 \text{ ни ёзаман, } 2 \text{ ни эслаб коламан; } 6, \text{ бешга тўрт} - \text{ бу } 9 \text{ ва ҳоказо.} \end{array}$$

Ўнлик ёки 150960 ҳосил бўлади.

Шунга ўхшаш бир неча мисол ечилгандан кейин; бир хонали сонга күпайтирилгандагидек ўқувчилар, агар биринчи күпайтувчи ноль билан тугаса, у ҳолда сонлар нолга эътибор бермай күпайтирилади ва натижа охирига биринчи

күпайтувчиде неча ноль бўлса, шунча ноль ёзилади, деган хулоса чиқарадилар. Бундан кейин кўпайтмаларни бундай ҳолда топиша ўқувчилар шу хуносага амал қиласдилар.

Бу ҳолларда ҳам иккинчи кўпайтувчи биринчи кўпайтувчи остига, бир хонали сонга кўпайтирилганда гидек ёзилишига ўқувчилар дикқатини жалб килиш керак.

Усулларга доир билимларни мустаҳкамлаш ва икки хонали сонга кўпайтиришнинг ҳисоблаш малакасини шакллантириш учун ўқувчиларга ҳисоблашларга доир ҳар хил машқлар таклиф қилинади.

Ва ниҳоят, болалар уч хонали сонга кўпайтириш билан таништирилади. Ўқитувчи дарс бошлангунча доскага икки хонали ва уч хонали сонга кўпайтириш намуналарини ёзиб қўйса, мақсадга мувофик бўлади, масалан:

$$\begin{array}{r} \times 536 \\ 48 \\ \hline 4288 \\ + 2144 \\ \hline 25728 \end{array}$$
$$\begin{array}{r} \times 536 \\ 248 \\ \hline 4288 \\ + 2144 \\ \hline 1072 \\ 132928 \end{array}$$

Болалар бу намуналарни карашади, уларни бир-бири билан таққослашади, уч хонали сонга кўпайтириш усулининг хусусиятларини аниклашади. Ўқувчилар олдин кўпайтиришнинг икки усулидаги ўхашликларни таъкидлайдилар (иккаласида ҳам бир сон иккинчисининг остига бир хилда ёзилади кўпайтириш бирликларни кўпайтиришдан бошланади, тўлиқсиз кўпайтмаларни ёзишда ҳар бир навбатдаги ёзув бир хона чапга сурилади), сўнгра фарқларни таъкидлайдилар: сонни юзликлар хонаси бирликларига кўпайтиришда учинчи тўлиқсиз кўпайтма ҳосил бўлади, бунда юзликларни белгиловчи сон ҳосил бўлади, у юзликлар тагига ёзилади.

Тушунтириш худди икки хонали сонга кўпайтиришдагидек тузилади: олдин болалар ечиш тартибини (планини) айтадилар. 536 ни 8 га кўпайтираман, 536 ни 40 га кўпайтираман, 536 ни 200 га кўпайтираман, топилган тўлиқсиз кўпайтмаларни кўшаман. Шундан кейин қисқача тушунтирилади (яъни қайси хона бирлиги кўпайтирилаётганлиги айтилмаслиги керак).

Болалар бир неча мисолни доскада ечадилар. Шундан кейин уларга кўпайтиришнинг энг қиска тушунтирилиши берилади. Масалан:

$$\begin{array}{r}
 \times 549 \\
 \times 387 \\
 + 3843 \\
 + 4392 \\
 + 1647 \\
 \hline
 212463
 \end{array}
 \quad \text{етти карра түккиз} - 63, 3 \text{ ни ёзаман, 6 ни} \\
 \text{эслаб қоламан, етти карра түрт} - 28, \text{ дилдаги} \\
 \text{6 билан} 34 \text{ бўлади, 4 ни ёзаман, 3 ни эслаб} \\
 \text{қоламан; етти карра беш} - 35, \text{ дилдаги} 3 \\
 \text{билиан} 38 \text{ бўлади, 38 ни ёзаман ва ҳоказо.} \\
 \text{Кўпайтма} 212463.$$

Навбатдаги босқич ўртасида ноль бўлган сонни кўпайтириш ҳолини қараш ($656 \cdot 402$ ва ҳоказо) ва бундай сонларга кўпайтириш хусусиятларини тушунтиришдан иборат. Ўқувчи ҳар бир мисолда иккита тўлиқсиз кўпайтувчининг ҳар бирини ва натижавий кўпайтмани айта олиши, бу кўпайтувчиларнинг ҳар бири қандай ҳосил бўлганини гапириб бера олиши ҳамда нега иккинчи тўлиқсиз кўпайтма юзликлар остига ёзилишини тушунтириб (бу жуда муҳим) беришлари (юзликларга кўпайтирамиз) керак.

Икки хонали ва айникса, уч хонали сонларга кўпайтиришни ўрганишнинг дастлабки босқичларида мисолларни ечиш билан бирга ўқувчилар барча ечимларни айтмасдан, фақат унинг планини айтадиган, бу плánни сонли формула кўринишида ёзил, лекин амалларнинг ўзини бажармайдиган машқларни қараш фойдаидир.

$$375 \cdot 42 = 357 \cdot 2 + 357 \cdot 40$$

$$217 \cdot 354 = 217 \cdot 4 + 217 \cdot 50 + 217 \cdot 300$$

Бундай ёзув ёрдамида ўқувчиларнинг дикқати ҳисоблаш усулига ва шу усул асосида ётувчи хоссага мужассамланади.

Шунингдек ўқувчилардан ҳар бир тўлиқсиз кўпайтма қандай сонларни кўпайтиришдан ҳосил бўлганини, иккинчи ва учинчи тўлиқсиз кўпайтмаларни қандай қилиб турлича ёзиш ва ўқиш мумкин эканини, тўлиқсиз кўпайтувчилардан қайси бири катта (кичик) эканини сўраш керак.

Сонли формула ёки ечиш плани бўйича мисол тузиш зарур бўлганда тескари машқларни ҳам таклиф қилиш мақсадга мувофик:

$$73 \cdot 2 + 73 \cdot 80 = 73 \cdot 82$$

$$109 \cdot 5 + 109 \cdot 20 + 109 \cdot 300 = 109 \cdot 325$$

Кўпайтирувчини қўшилувчиларга ажратиш ва кўпайтирувчини кўпайтувчиларга ажратиш усулларини дифференциялаш мақсадида кўпайтманинг тақсимот ва гурухлаш хоссаларини ўзлаштиришга ёрдам берадиган қуйидаги машқларни таклиф этиш фойдали.

1) Ўқувчиларга бундай мўлжал билан тузилган жуфт

мисолларни ечиш усулини айтиш тақлиф қилинади, бунда ўхшаш тафовутлар сифатида усуулар фарқи қатнашади. Масалан, 318 ни 16 га ёзма қандай кўпайтирилади? (Жавоб: «318 ни 6 га кўпайтириш, 318 ни 10 га кўпайтириш, ҳосил бўлган натижаларни қўшиш керак»). 318 ни 60 га қандай кўпайтириш керак? (Жавоб: «318 ни 6 га кўпайтириш ва ҳосил бўлган натижани 10 га кўпайтириш керак»)

2) Кўпаювчи аниқ сон кўринишида берилмайдиган ҳолдаги анча умумий характерга эга машқлар. Масалан: исталган сонни 19 га ёзма қандай кўпайтирилади? (Жавоб: «Бу сонни 9 га кўпайтириш, шу соннинг ўзини 10 га кўпайтириш ва ҳосил бўлган натижаларни қўшиш керак».) Исталган сонни 40 га қандай кўпайтирилади? (Жавоб: Бу сонни 4 га кўпайтириш ва ҳосил бўлган натижани 10 га кўпайтириш керак».)

3) Кўпайтирувчини ажратиш усулига нисбатан тескари машқ (бунда сонлар бир хил, усуулар эса турлича бўлади): «Агар $356 \cdot 4 + 356 \cdot 10 = 356 \cdot 14$ » «Агар $356 \cdot 4$ га кўпайтирасак, у ҳолда $356 \cdot 10$ га кўпайтирасак ва ҳосил бўлган натижани 10 га кўпайтирасак, у ҳолда $356 \cdot 4 + 356 \cdot 10 = 356 \cdot 14$ » «Агар $356 \cdot 4$ га кўпайтирасак ва ҳосил бўлган натижани 10 га кўпайтирасак, у ҳолда $356 \cdot 4$ га кўпайтирган бўламиш?» (Жавоб: $356 \cdot 4 + 356 \cdot 10 = 356 \cdot 14$) 4) Бир амалга доир жуфт мисолларни оғзаки ва ёзма ечиш (25×12 ва $25 \cdot 20$, $12 \cdot 15$ ва $12 \cdot 50$, $94 \cdot 60$ ва $94 \cdot 16$ ва ҳоказо) ва бир неча амалларга доир жуфт мисолларни ёзма ечиш: «Нима катта ва қанча катта: $346 \cdot 7 \cdot 10$ кўпайтмами ёки $346 \cdot 7 + 346 \cdot 10$ кўпайтмалар йигиндисими?»

5) Бир хил жавобли мисолларни топишга доир маҳсус танланган мисолларни ечиш ($42 \cdot 2 + 42 \cdot 8$; $24 \cdot 7 + 24 \cdot 3$; $42 \cdot 11 - 42$; $24 \cdot 12 - 24 \cdot 2$ ва ҳоказо). Бу топширикни ўқувчилар турлича бажаришлари мумкин. Биринчи усул — ҳамма мисолларни ечиш, кейин эса ҳосил бўлган жавобларни таққослаш. Иккинчи усул — мисолларни таққослаш ва уларни ечмасдан ҳамма жавобларда ёки 24 сони, ёки 16 сони 10 марта қатнашишини таъкидлаш.

6) Мисолларни турли усуулар билан ечиш:

$$32 \cdot 15 = 32 \cdot (10 + 5); \quad 32 \cdot 15 = 32 \cdot 5 \cdot 3; \quad 32 \cdot 15 = 15 \cdot (30 + 2); \\ 32 \cdot 15 = 15 \cdot 8 \cdot 4; \quad 32 \cdot 15 = 15 \cdot 4 \cdot 4 \cdot 2 \text{ ва ҳоказо.}$$

Кўйидаги мисолларни фақат энг қулай усууллар билан ечиш:

$$63 \cdot 2 \cdot 50 = 63 \cdot 10062 \cdot 18 + 38 \cdot 18 = 100 \cdot 18$$

$$47 \cdot 70 + 47 \cdot 30 = 47 \cdot 100 \quad 73 \cdot 7 - 13 \cdot 7 = 60 \cdot 7$$

$$45 \cdot (8+2) + 45 \cdot 5 = 45 \cdot 15 \quad 58 \cdot 13 - 58 \cdot 3 = 58 \cdot 10$$

Ўқитувчи доскага тенгликларнинг факат ўнг кисмини ёзади.

Ҳисоблаш усулларини ўзлаштириш мақсадида болалар дастлаб доскада, кейин тушунтириш билан ва ниҳоят, мустакил ишлайдилар.

4- §. КҮП ХОНАЛИ СОНЛАРНИ БҮЛИШ

Күп хонали сонларни бўлиш кўпайтириш билан параллел равишда ўрганилади: бир хонали сонга кўпайтиришдан кейин бир хонали сонга бўлиш киритилади, хонали сонларга кўпайтиришдан кейин хонали сонларга бўлиш келади, икки хонали ва уч хонали сонларга кўпайтиришдан кейин кетма-кет икки хонали ва уч хонали сонларга бўлиш ўрганилади.

Кўпинча катта кийинчиликлар билан боғлиқ бўлган бўлиш алгоритмини ўзлаштириш секин боради, шунинг учун ўқитувчи томонидан алоҳида эътиборни талаб этади.

Оғзаки ҳисоблашлар учун машқлар танлашда жадвалда кўпайтириш ва бўлиш ҳолларини киритиш зарур, бунда улардан 7·9, 56:8 ва ҳоказо кўринишдаги ҳолларга алоҳида эътибор бериш талаб этилади. 7, 8, 9 сонлари билан кўпайтириш ва бўлиш ҳоллари ўзлаштириш учун анча кийинdir ва улар ўқувчиларнинг ҳисоблаш ишларида жуда кам учрайди.

Турли амалларни кетма-кет бажаришни машқ қилиш учун «занжирли ҳисоб»ни кўзда тутиш фойдали, бунда ўқувчиларга катор ҳисоблаш ишларини бажариб, факат охирги натижани айтиш таклиф этилади, масалан: 48 ни 6 га бўлиш; 1 га кўпайтириш; 9 га кўпайтириш; 30 ни айриш ва ҳоказо. Бу етарли микдордаги маҳсус танланган мисоллагуни унча кўп бўлмаган вақт оралиғида ечиш имконини берадиган ажойиб усулдир. У онгни тарбиялайди, хотирани ўстиради. Унинг амалий ишларга доимий юритилиши бир ҳисоблаш операциясидан иккинчисига енгил ўтишни таъминлайди, бу эса кўп хонали сонларни ёзма бўлишни бажаришда муҳимдир.

Ёзма бўлиш. Ёзма бўлиш ўз-ўзидан мураккаб арифметик амалдир, шунинг учун уни ўзлаштириш ҳам маълум кийинчиликларга эга.

Ўқувчилар ишларидаги кўпгина хатолар айнан бўлишга тўғри келади, яъни баъзан бўлинувчининг бошқа рақами «олиб туширилади», баъзида бўлинманинг рақами нотўғри

танланади, баъзида бўлинмада ноль тушиб қолади, баъзан бўлинма учун танланган синов рақамининг бўлувчига кўпайтмаси нотўғри ҳосил қилинади ва ҳоказо.

Типик хатоларни, ёзма бўлишни ўрганишнинг ўзига хос хусусиятлари ва қийинчиликларини ҳисобга олиб бориш ўқитувчига бу амални ўқитишнинг анча самарали йўллари ни танлаш ва асослашга ёрдам беради.

Кўп хонали сонларни бўлишни ўрганишнинг баъзи ўзига хос хусусиятлари ва қийинчиликларини қўрсатамиз.

1) Қўшиш ва кўпайтиришда, баъзида айришда ҳам амал соннинг позицион принципига асосланган ёзувининг ўзида ажратиб қўрсатилган хона қўшилувчилари устида бажарилади. Масалан, 387 сонини 3 га кўпайтириш қўидагича бажарилади: $387 \cdot 3 = (300 + 80 + 7) \cdot 3 = 7 \cdot 3 + 80 \times 3 + 300 \cdot 3$. Ёзма бўлишда эса кўп ҳолларда хона қўшилувчилари билан мос келмайдиган сонлар билан иш кўришга тўғри келади. Масалан, $387 : 3 = (300 + 60 + 27) : 3 = 300 : 3 + 60 : 3 + 27 : 3$ мисолда бўлинувчи 300, 60, 27 сонлари йифиндисига алмаштирилади. Бу ажратиши мисолни ечиш жараёнида ҳосил қилишга тўғри келади. Бу сонларни қулай қўшилувчилар деб аташ қабул қилинган. Шундай қилиб қулай қўшилувчилар — бу бўлинманинг хона қўшилувчиларини бирин-кетин ҳосил қилиш учун бўлинувчини ажратишга тўғри келадиган бўлувчига каррали сон. Биз аввал бўлинманинг рақамини танлаш учун бўлинувчидан ажратадиган сонлар тўлиқмас бўлинувчилар дейилади. Бизнинг мисолда бу 300, 60, 27 сонлари. Баъзи ҳолларда қулай қўшилувчилар тўлиқмас бўлинувчилар билан бир хил бўлиб қолишини таъкидлаб ўтамиз. Масалан, ушбу $4256 : 14$ мисолда биринчи тўлиқмас бўлинувчи ва шу билан бирга қулай қўшилувчи 4200, охирги тўлиқмас бўлинувчи ва қулай қўшилувчи 56.

Ўқувчиларда қулай қўшилувчилар ҳакидаги тушунча ҳам бошқа арифметик амалларни, ҳам оғзаки бўлишни ўрганиш билан боғлиқ равишда ёзма бўлишни ўрганишга қадар шаклланади. Тўлиқмас бўлинувчилар ҳакидаги тушунча эса ўқувчилар учун янги тушунчадир. Қулай қўшилувчилар ва тўлиқмас бўлинувчилар тушунчаларини бир-бири билан таққослаш асосида қараш мақсадга мувофиқ.

2) Кўпайтириш кўпаювчига нисбатан ҳам, кўпайтирувчига нисбатан ҳам тақсимот хоссасига эга. Бўлишда эса тақсимот қонуни фақат бўлинувчига нисбатан қўллашишга эга, бўлувчига нисбатан эса қўлланишга эга эмас

(йиғиндини сонга бўлиш мумкин, лекин сонни йиғиндига бўлиш мумкин эмас). Психологик нұқтаи назаридан «қўлланишга эга ва қўлланишга эга эмас» деган факт фикрларининг ўзи янги материални ўзлаштириш учун қийинлик туғдиради.

Ундан ташқари шуни таъкидлаш керакки, фақат кўпайтиришнингина эмас, балки қўшиш ва айиришни ўрганишда ҳам ўкувчига факат биринчи компонентнингина эмас. балки иккинчи компонентни (иккинчи қўшилувчини, айирилувчини, кўпайтмани) ҳам қўшилувчиларга (кўпинча хона қўшилувчиларига, айрим ҳолларда қулай қўшилувчиларга) ажратиш билан боғлиқ бўлган ҳисоблаш усуслари ни қўллашга тўғри келади: $40 + 19 = 40 + (10 + 9)$; $53 + 26 + + 53 + (20 + 6)$; $60 - 18 = 60 - (10 + 8)$; $82 - 17 = 82 - (12 + 5)$; $34 \cdot 18 = 34 \cdot (10 + 8)$. Факат бўлишдагина шунга ўхшаш ҳисоблаш усуслари йўқ.

Ҳисоблаш усулига мос келувчи «йўқлик» фактининг ўзини ўрганиш обьекти қилиш зарур. Акс ҳолда (агар бунга эътибор берилмаса) ушбу кўринишдаги хатолар юзага келади:

$$260 : 12 = 260 : (10 + 2) = 260 : 10 + 260 : 2 = 26 + 130 = 156.$$

3) Ҳозиргина таъкидлаб ўтилган хусусият қуйидагига олиб келади. Бўлишга доир айни бир мисолни ечишда айни бир сонга турлича қарашга тўғри келади. Агар 48 сони бўлувчи бўлса, уни хона қўшилувчиларига ажратиш ўринисиз.

<u>12624</u>	<u>48</u>	Агар бўлинманинг рақамларини текширишда бўлувчи 48 кўпайтувчи сифатида қатнашса, у ҳолда уни хона қўшилувчилари йиғиндиси кўринишида ифодалаш мумкин. Бу факт бўлишни ўрганишда қўшимча қийинчилик келтириб чиқаради.
<u>96</u>	<u>263</u>	
<u>302</u>		
<u>288</u>		
<u>144</u>		
<u>144</u>		
<u>0</u>		

4) Сонни кўпайтмага бўлиш қоидаси билан боғлиқ ишлар янада мураккаброқдир. Бўлишнинг айни бир компонентасига (бўлувчига) нисбатан бу қоида баъзан қўлланишга эга, баъзан қўлланишга эга эмас. Натурал сонлар соҳасида бу қоида факат қолдиқсиз бўлиш учун қўллашибга эга. Масалан: $480 : 80 = 480 : (10 \cdot 8) = 480 : 10 : 8$. Бошқа мисолни қараймиз: $570 : 80$. Унинг ечилишини қуйидагича ёзиш мумкин: $570 : 80 = 570 : (10 \cdot 8) = (570 : 10) : 8$. Иккинчи босқичда натурал сонларни бўлиш қоидасига кўра қуйидагига эга бўламиз: $57 : 8 = 7$ (1 колдиқ). Аслини олганда эса 570 сонини 80 га бўлганда кол-

дикда 1 эмас 10 қолади. Бундан умуман олганда кетма-кет бўлиш усули хато усул деган хулоса келиб чиқмайди. Уни қўлланиш натурал сонлар чегарасидан четга чиқади. Бошқача айтганда, ёзув қуйидагича бўлиши керак: $570 : 80 =$
 $= (570 : 10) : 8 = 7 \frac{1}{8}$. Шундай қилиб, агар касрдан фойдаланилса, усул ўз кучида қолади. Бошлангич мактаб ўқувчилари касрлар устида амаллар бажаришни ўрганишмайди, шунинг учун шунга ўхшаш ҳолларда бошқа йўлдан боришга тўғри келади. Табиийки, бу алоҳида ҳол ва бошқача йўл алоҳида эътибор ва маҳсус ўрганиш предмети бўлиши керак. Кўпайтиришда кетма-кет кўпайтириш усули (яъни сонни кўпайтмага кўпайтириш) чегарасизdir. Демак, бўлишга нисбатан шунга ўхшаш ишлар ҳар доим ҳам ўринли бўлавермайдиган вазиятлар билан иш кўришимизга тўғри келади, бу амалнинг қийинлиги, хусусан, мана шу билан ҳам боғликдир.

5) Икки ҳонали ва уч ҳонали сонларга бўлишда кўпинча бўлинманинг синов рақами деб аталувчи рақам билан иш кўришга тўғри келади. Бундай ҳолларда, бошқа арифметик амаллардан фарқли равишда фараз қилинган натижани бирданига ўз ўрнига ёзмасдан, олдин синов рақамлари устида текшириш ишлари ўтказиш керак. Энг аввал ўқувчи бўлувчи яхлитланганда бўлинманинг рақамлари қандай ва нима учун ўзгариши мумкин эканини тушуниши керак. Ўқувчи бўлувчини ўзидан катта яхлит сон билан яхлитлаганда эса, аксинча камайиши мумкин эканини тушуниб етиши керак. Мазкур ҳолда ўқувчига тескари боғланиш билан (бўлинманинг бўлувчининг ўзгаришига боғлиқ равишда ўзгариши), бошлангич мактабларда ҳозиргача кам эътибор берилган масала билан иш кўришга тўғри келади. Ёзма бўлишни ўрганишга доир тайёргарлик ишлари ўтказиш вақтида шу масалалар билан шугулланиш керак.

6) Узундан-узун ҳисоблашларни оғзаки бажаришга тўғри келгани учун ҳам бўлинманинг синов рақамини текширишда қийинчиликлар юзага келади. Масалан, 49329 сонини 567 га бўлишда дастлаб бу сонни 9 га бўлишга тўғри келади, 9 кўп эканига ишонч ҳосил қилинганидан кейин 567 ни 8 га кўпайтирилади. Сўнгти босқичда ($567 \cdot 7$) кўпайтириш бажарилади. Агар болалар ўз вақтида бўлинманинг рақамларини текширишнинг рационал усулларига ўргатилмаса, улар ҳисоблашларни ёзма равишда бажаришга

— 49329 | 567
— 4536 87
— 3969
— 3969 0

(дафтар ва китоб мұқовалари ва ҳоказога ёзишга) одатланиб қоладилар. Номерлашдан бўлиш алгоритмини муваффакиятли ўрганиш учун қуидаги кўникмаларни

ажратиш керак: ҳар қайси хонадаги алоҳида бирликлар сонини айтиш, ҳар бир хонадаги бирликларнинг умумий сонини айтиш, соннинг юқори хона бирликларини айтиш; соннинг юқори хона бирликлари номи бўйича шу сонни ифодаловчи рақамлар сонини аниқлаш; исталган хона бирликларини исталган кути хона бирликларига майдалаши бажара олиш ва тескари алмаштириш-айлантиришни бажара олиш. Мос машқлар олдинроқ номерлаш масаласини баён этиш пайтида берилган эди.

Кўп хонали сонни бир хонали сонга бўлиш. Кўп хонали сонларни бир хонали сонга бўлишни ўрганишда кўпайтиришни ўрганишдаги каби биринчи навбатда илгари ўрганилган материал тақрорланади ва умумлаштирилади. Шундан кейин кўп хонали сонларни бир хонали сонга бўлишга доир мисоллар қуидаги тартибда қаралади: ҳар бир хона қўшилувчиси бўлувчига бўлинадиган сонларни бўлиш усули (396 : 3); хона қўшилувчилари бўлувчига бўлинмайдиган ва тўлиқмас бўлинувчини ажратишга тўғри келадиган сонларни бўлиш усули (576 : 4); бўлинма ёзуви нинг ўртасида ёки охирида ноллар бўлган ҳоллар учун бўлиш усули (15250 : 5, 6048 : 3).

Мазкур масалаларни ўрганиш услуби қандай?

Бу темани ўрганиш учун багишлиланган биринчи дарсда илгари ўрганилган материалларни тақрорлаш ва умумлаштириш керак. Махсус танланган машқларни бажара бориб, болалар қуидагиларни тақрорлашлари керак:

а) бўлишнинг кўпайтириш билан боғланиши: масалан, 63 ни 7 га бўлиш деб шундай сонни топишга айтиладики, бу сонни бўлувчига кўпайтирганда бўлинувчи ҳосил бўлади;

б) бўлишнинг компонентлари ва натижалари орасидаги боғланиш: агар бўлувчини бўлинмага кўпайтирилса, бўлинувчи ҳосил бўлади, агар бўлинувчини бўлинмага бўлинса, бўлувчи ҳосил бўлади;

в) 1 ва 0 сонлари билан бўлиш қоидлари;

г) бўлиш билан ечилмайдиган содда масалалар;

д) йиғиндини сонга бўлиш хоссаси ва жадвалдан ташкари бўлишнинг шу хоссага асосланган усули;

е) колдикли бўлиш усули.

Колдикли бўлиш усулини, масалан $42 : 5 = 8$ (2 қолд.)

мисолни ечишда тақрорлаётіб, шу ернинг ўзида қолдиқ-ли бўлишнинг болаларга бўлинмада ноль ҳосил бўлади-ган янги ҳоли тушунтирилади. Бу бўлинманинг ёзуvida ноль бўлган ҳолларда ёзма бўлишни бажаришга тайёргар-лик хисобланади. Бу усул билан бундай танишириш мум-кин. Ўқувчиларга 4 сонини 7 га бўлишдаги бўлинмани ва қолдиқни топиш таклиф этилади. Бунинг учун доирача-лар, таёқчалар ёки бошқа саноқ материалларидан фой-даланган маъкул. Болалар қўлларига 4 та доирача олади-лар ва уларни teng 7 та кисмга (хеч бўлмагандан биттадан) ажратишга ҳаракат қиласилар. Маълум бўладики, ҳатто биттадан ажратишга ҳам доирачалар етмас экан. Бўлинма-га 1 сонини ёзиш мумкинми? (Йўк.) Нима учун? (Доира-чалар битталаб ажратишга етмади.) Агар доирачалар ет-магани учун бўлинмага 1 сонини ёзиш мумкин бўлмаса, у ҳолда бўлинмада ноль ва қолдиқда 4 қолади. Текшириш бажарилади:

$$1) \ 4 < 7, \ 2) \ 0 \cdot 7 = 0, \ 3) \ 0 + 4 = 4.$$

Шундан сўнг дарсликдаги шунга ўхшашиб мисоллар ечи-лади, лекин ҳар қайси мисолнинг ечилишини намойиш қилиш керак. Кейинги дарсларда эса шунга ўхшашиб машқ-лар намойиш этилмай бажарилади.

Янги материал сифатида 426 : 2 кўринишдаги ҳоллар учун оғзаки бўлиш усули киритилади. Дастлаб ўқувчилар йигиндини сонга бўлиш хоссасини тақрорлайдилар ва умумлаштирадилар, масалан:

$$(14+7+21) : 7 = 42 : 7 = 6, \ (14+7+21) : 7 = 14 : 7 + 7 : 7 + 21 : 7 = 6$$

Шунга ўхшашиб машқларни бажаришда ўқувчилар бу хосса уч ваундан ортиқ қўшилувчилар йигиндиси учун ҳам ўринли эканига ишонч ҳосил қиласилар ва йигиндини сонга бўлишнинг икки усулини айтадилар (дастлаб қўшилувчилар йигиндиси топилади ва ҳосил бўлган сон бўлувчига бўлинади; ҳар бир қўшилувчи бўлувчига бўлинади ва ҳосил бўлган натижалар кўшилади). Бир нечта мисолга изоҳ берилади ва мустақил ечилади.

Кейин ўқувчилар хоссага таянган ҳолда 693 : 3 ва 960 : 2 ҳоллар учун ечиш усулини қўйидагича тушунтира-дилар: 693 сонини хона қўшилувчилари йигиндиси билан алмаштирилди, ҳар бир қўшилувчини 3 сонига бўлдик ва ҳосил бўлган натижаларни қўшди (960 сонини 800 ва 160 қулагай қўшилувчилар йигиндисига алмаштирилди ва ҳоказо).

Бўлиш усуллари ҳақидаги билимларини мустаҳкамлаш учун ўқувчилар яна 1—2 та мисолни ёйиб ёзиб ва батада тушунтириб ечадилар, масалан, 842 : 2; 800 ни 2 га бўламан, 400 ҳосил бўлади; 40 ни 2 га бўламан, 20 ҳосил бўлади, 2 ни 2 га бўламан. 1 ҳосил бўлади, бўлинма 421. Ёзув: 842 : 2=421. Шундан кейин ўқувчилар мисолларни еча бориб муҳокамаларни олдин овоз чиқариб, кейинчалик эса ичларида қисқача мулоҳаза юритадилар. Алоҳида ҳолларда мисол ечилгандан кейин ўқувчиларга улар қандай кўшилувчилар йигиндисини бўлганликларини айтиб беришларини таклиф этиш мумкин.

Ёзма бўлиш усули (9522 : 5) дастлаб уч хонали сонлар учун, кейинроқ эса тўрт хонали, беш хонали ва олти хонали сонлар учун киритилади, бунда биринчи навбатда бўлинмада бўлинувчида нечта рақам бўлса, шунча рақам чиқадиган ҳоллар қаралади (792 : 3), кейин эса бўлинмада бўлинувчидагидан битта рақам кам чиқадиган ҳоллар қаралади (196 : 7).

Тайёргарлик босқичида болаларга бундай кўринишдаги қолдиқли бўлишга доир оғзаки машқлар таклиф этилади: «Бўлинмада ва қолдиқда нечта ўнлик ёки нечта юзлик ҳосил бўлишини аниқла: 8 ўнл. : 5; 6 ўнл. : 5; 24 ўнл. : 7; 61 ўнл. : 8. Бунда ўқитувчи на факат бирликларни, балки ўнликларни, юзликларни ва ҳоказоларни ҳам қолдиқли бўлиш мумкин эканини таъкидлайди.

Ёзма бўлиш усуллари билан танишишда унга оғзаки усулдан ўтиш маъқул. Масалан, 861 : 7. Болалар ўқитувчи бошчилигига қулай кўшилувчиларни ажратадилар ва ҳосил бўлган йигиндини 7 га бўладилар: 861 : 7=(700+140+21) : 7=700 : 7+140 : 7+21 : 7=100+20+3=123.

Бўлишни бундай бажариш қийин экани аниқланади. Ўқитувчи тушунтиради: «Бўлишни ечилишини «устун» қилиб ёзиш билан ёзма бажариш ҳам мумкин (ёзиб кўрсатади), бунда қулай кўшилувчилар бирданига ажратилмайди, дастлаб тўлиқсиз бўлинувчи ажратилади. Юқори хона бирлигидаги сонни — 8 юзликни оламиз, бу биринчи тўлиқсиз бўлинувчи; 8 ни 7 га бўламиз, бўлинмада нечта юзлик бўлишини аниқлаймиз, 1 ҳосил бўлади, бўлинмада шунча юзлик бўлади, уларни чизиқча остига ёзамиз; бўлинмада яна ўнликлар ва бирликлар бўлади, яъни уч хонали сон ҳосил бўлади (бўлинмада ўнликлар ва бирликлар рақамлари ўрнига нуқталар қўйиш мумкин); нечта юзликни бўлганимизни аниқлаймиз: 1 ни 7 га кўпайтирамиз, 7

хосил бўлади; яна нечта юзликни бўлиш қолганини аник-
лаймиз, 8 дан 7 ни айрамиз, 1. хосил бўлади, биз ҳали яна
шунча юзликни бўлмадик, бу қолдиқни бўлувчи билан
таққослаймиз, юзликлар 7 тадан кам қолган, демак, юзлик
рақамини тўғри топганимиз. Иккинчи тўлиқсиз бўлинувчини
хосил қиласиз: 1 та юзлик бу 10 та ўнлик ва яна 6 та ўнлик
ҳаммаси бўлиб 16 та ўнлик — бу иккинчи тўлиқсиз бў-
линувчи; бўлинмада нечта ўнлик бўлишини топамиз: 16 ни 7
га бўламиз, 2 хосил бўлади ва ҳоказо». Мисолнинг ёзи-

$$\begin{array}{r} - 861 \\ - 7 \\ \hline - 123 \\ - 16 \\ \hline - 14 \\ - 21 \\ \hline 0 \end{array}$$

лиши бир вақтда ҳам доскада, ҳам дафтарда олиб борилади. Ўкувчилар бу ёзувни «сатрда» ёзиш билан таққослайдилар ва қулай қўши-
лувчиларни топадилар: 7 юзл. ёки 700, 16 ўнл. ёки 160 ва 21.

Олдиндан қоғоз варагига ёки доскага ушбу топширикли эслатмаларни ёзиб қўйиш

фойдали:

биринчи тўлиқсиз бўлинувчини топаман . . .

бўламан . . .

кўпайтираман . . .

айраман . . .

қолдиқни бўлувчи билан таққослайман . . .

иккинчи тўлиқсиз бўлинувчини топаман . . . ва ҳ. к.

Бундай усуllар ҳақидаги билимларни мустаҳкамлаш учун ўкувчилар ўқитувчи бошчилигида дарсликда берилган мисолларни «эслатма»дан фойдаланиб, дарсликдаги намуна бўйича ечилишини овоз чиқариб батафсил тушунириш билан ёзма равища ечадилар.

Навбатдаги дарсларда бўлишнинг олдинги усулидан фақат биринчи тўлиқсиз бўлинувчи икки хонали сон бўлиши, яъни юқори хонанинг иккита рақами билан ёзилиши ва демак, бўлинмада бўлинувчидагидан битта ракам кам бўлиши билан фарқ қиласиган $477 : 9$ кўринишдаги усули қаралади.

Бу усулни киритишга тайёргарлик босқичида ушбу кўринишдаги машқлар қаралади: «428 сонида ҳаммаси бўлиб нечта ўнлик бор? 8347 сонида ҳаммаси бўлиб нечта юзлик бор? ва ҳоказо. 835, 2946 ларда тагига чизилган сонлар нимани англатади?»

Айтиб ўтилган ҳоллар учун бўлиш усули билан танишишда, масалан, $477 : 9$ мисолида 4 та юзликни (юқори хона бирлигини) юзлик хосил бўладиган қилиб ³ га бўлиш мумкин эмаслиги, у ҳолда ўнликлар бўлиниши.. улар бўлинувчидаги 47 та — бу биринчи тўлиқсиз бўлин вчи экан-

лиги аниқланади. Кейин аввалги ҳоллардаги каби «эслатма» топширикларга мос равища мулоҳаза юритилади. Ечишдан кейин бу ерда ҳам берилган мисолни ечишда 9 га бўлганда кулай қўшиувчилар (450 ва 27) ни ажратиш фойдали.

Олдинги ҳоллардаги каби усуллар ҳақидаги билимларни мустаҳкамлаш учун ечишни ўқувчилар «эслатма»га асосланган ҳолда ёзма бажарадиган ва мулоҳаза юритадиган мисоллар тавсия этилади. Ўқитувчи нечта тўлиқсиз бўлинувчи ажратилган бўлса, бўлинмада ҳар доим шунча рақам бўлишини таъкидлайди. Бу босқичда тўрут хонали, беш хонали ва олти хонали сонлар бўлинади. Бир нечта мисоллар батафсил тушунтиришлар билан ечилгандан сўнг, ўқитувчи қисқача тушунтириш киритади. Масалан, 6755 ни 7 га бўлишда бундай мулоҳаза юритамиз: биринчи тўлиқсиз бўлинувчи 67 юзл., бўлинмада уч хонали сон бўлади; 67 ни 7 га бўламиз, 9 ҳосил бўлади; 9 ни 7 га кўпайтирамиз, 63 ҳосил бўлади, 67 дан 63 айрамиз, 4 ҳосил бўлади, бу 7 дан кичик; 45 ни 7 га бўламиз, 6 ҳосил бўлади ва ҳоказо. Ўқувчиларнинг бўлишини бажаргунча бўлинмадаги рақамлар сонини аниқлашлари, ечиш бажарилгандан кейин бўлинмада ўшанча рақам ҳосил бўлган ёки бўлмаганлигини текширишлари жуда муҳимдир.

Шу ернинг ўзида бўлишни бўлинмани бўлувчига кўпайтириш йўли билан текширишни ва кўпайтиришни кўпайтмани бир хонали кўпайтувчига бўлиш ёрдамида текширишни киритиш керак.

Шундан кейин бўлинманинг охирида ноллар бўладиган 3780 : 6 кўринишдаги ҳоллар учун ечиш усули киритилади.

Тайёргарлик даврида нолни бўлиш (0 : 4) усулини такрорлаш, шунингдек кўпайтиришни сонни алмаштиришда бажаришни такрорлаш зарур: «1 та ўнликда нечта бирлик бор? 32 та ўнликда-чи? 547 та ўнликда-чи? 3 та юзликда-чи? 42 та юзликда-чи? 724 та юзликда-чи? ва ҳоказо».

Усуллар билан танишишда ўқувчиларнинг ўзлари ёзиш — 3780 | 6 лари мумкин: Бу усулни тушунтиришни ўқувчилар «эслатма»га асосланган ҳолда олиб — 36 | 630 борадилар. Бўлинманинг охирги рақамини то — 18 | 0 пиб, 0 ни 6 га бўлинади ва ноль ҳосил бўлади. Ўқитувчи бу ерда ҳамма ўнликлар бўлинганини, бўлинмада 63 ўнл. ҳосил бўлганини; 0 | 0 уларни бирликларда ифодалаш учун 63 сонининг ўнг томонига битта ноль ёзиб қўйиш кераклигини тушунтиради.

Шундан кейин ўқувчилар «узун» ёзувларни бажарып, шунга ўхшаш мисолларни ечадилар. Бунда улар ҳар сафар ҳамма ўнликлар бўлингандан бўлинмада ўнликлар ҳосил бўлишини ва уларни бирликлар билан ифодалаш учун ўнликлар сонига ўнг томондан битта ноль ёзиб қўйиш кераклигини; агар ҳамма юзликлар бўлинса, у ҳолда бўлинмада юзликлар ҳосил бўлишини, уларни бирликларда ифодалаш учун юзликлар сонига ўнг томондан иккита нолни қўшиб ёзиб қўйиш кераклигини таъкидлайдилар ва ҳоказо.

Шундан кейин ушбу қисқа ёзувни қўрсатиш мумкин:

$\underline{-} \quad 20800$	$\underline{\quad 18}$	Бунда мухокама қўйидагича бўлиши мумкин: «...
$\underline{-} \quad 16$	$\underline{2600}$	ҳамма юзликлар бўлинди,
$\underline{-} \quad 48$	$\underline{\quad 26}$	26 та юзлик ёки 2600 ҳосил бўлди».
$\underline{-} \quad 48$	$\underline{\quad 0}$	Ёйиб ёзиш ва батафсил мулоҳаза

юритиш яхши ўзлаштириб олингандан кейингина қисқа ёзув ва мос мулоҳазаларни бериш керак.

Бўлинманинг ёзувида ноль ўртада келадиган 1535 : 5 кўринишдаги ҳоллар учун бўлиш усувлари билан танишишда қолдик бўлишнинг бўлинмада ноль ҳосил бўладидиган (4 : 7) илгари киритилган оғзаки усулини ўзлаштириш талаб этилади.

Бундай ҳоллар учун бўлишнинг ёзилиши қўйидагича:

$\underline{-} \quad 1535$	$\underline{\quad 5}$	Тушунтириш: биринчи тўлиқсиз бўлинувчи
$\underline{-} \quad 15$	$\underline{307}$	15 та юзлик, 15 ни 5 га бўламиз, 3 ҳосил
$\underline{-} \quad 3$	$\underline{\quad 0}$	бўлади; 3 ни 5 га кўпайтирамиз, 15 ҳосил
$\underline{-} \quad 0$	$\underline{\quad 35}$	бўлади, ҳамма юзликлар бўлинди. Иккинчи
$\underline{-} \quad 35$	$\underline{\quad 0}$	тўлиқсиз бўлинувчи 3 та ўнлик: 3 та ўнликни
		5 га бўламиз, 0 ҳосил бўлади, нолни 5 га
		кўпайтирамиз, 0 ҳосил бўлади, 0 ни 3 дан айирамиз, 3
		ҳосил бўлади. Учинчи тўлиқсиз бўлинувчи 35 та ўнлик,
		35 ни 5 га бўламиз, 7 ҳосил бўлади, 7 ни 5 га кўпайтирамиз,
		35 ҳосил бўлади, бўлинма 307.

Бундай ёзиш ва мулоҳаза юритиш бўлинманинг ракамлари тушиб қолиши каби хатоликлар ҳақида огоҳлантиради (1535 : 5=37). Шунга ўхшаш хатоликлар ҳақида огоҳлантириш, шунингдек, бўлишни бажаришгача бўлинмадаги ракамлар сонини аниқлашга ёрдам беради (уларнинг ўринларини нуқталар билан белгилаш фойдали). Нотўғри ечилган мисолларни таҳлил қилиш ҳам шу мақсадда ҳизмат қиласи: ўқувчиларга берилган нотўғри ечимлар орасидан тўғри ечимни топиш таклиф этилади.

Шундай қилиб, бир хонали сонга ёзма бўлишни ўрганишда ўқувчилар бўлиш алгоритмини ўзлаштириб олиш-

лари — түлиқсиз бўлинувчиларни ҳосил қила олишлари, бўлинмадаги рақамлар сонини аниқлай олишлари, ҳар бир ҳисоблаш операциясининг маъносини тушунишлари керак, түлиқсиз бўлинувчи бўлинувчига бўлинмадаги тегишли рақамни топиш учун бўлинади; бўлинманинг топилган рақами бўлувчига тегишли хонанинг нечта бирлиги бўлинганини аниқлаш учун қўпайтирилади; ҳосил бўлган сонни шу хонанинг яна нечта бирлигини бўлиш қолганини аниқлаш учун айирилади; қолдиқ билан бўлувчи бўлинманинг рақами тўғри танланганилигига ишонч ҳосил қилиш мақсадида таққосланади.

Хонали сонларга бўлиш. Дастрлаб 10 га ва 100 га қолдиксиз бўлиш ҳоллари қаралади, ундан кейин 10 ва 100 га қолдиқли бўлиш ҳоллари киритилади.

Бўлишнинг шу ҳоллари устида ишлаш жараёнида болалар мисоллар ечишнинг ўзларига маълум бўлган бир нечта усулларини мустақил равишда кўллай оладилар, ўзлари тегишли хulosалар чиқара оладилар.

Ноль (ноллар) билан тугайдиган сонлар учун 10 га бўлиш қоидасини келтириб чиқариш учун болаларга маълум бўлган усуллардан фойдаланиб, бир нечта мисол ечамиз.

$$60 : 10 = 6 \text{ (жадвал бўйича)}$$

$$100 : 10 = 10 \text{ (номерлашга асосан)}$$

$$190 : 10 = 19 \quad (100 : 10 + 90 : 10 - \text{йиғиндини сонга бўлиш})$$

$$1000 : 10 = 100 \text{ (номерлашга асосан)}$$

$$1120 : 10 = 112 \quad (1000 : 10 + 100 : 10 + 20 : 10 - \text{йиғиндини сонга бўлиш}).$$

Бўлинма ҳар хил усул билан ҳисобланганда, ўқитувчи болаларга ҳар қайси мисолдаги бўлинма билан бўлинувчини ўзаро таққослашни тавсия этади. Шундай ишдан кейин ўқувчилар хulosalар чиқарадилар:


Ноль (ноллар) билан тугайдиган сонни 10 га бўлиш учун унинг ўнг томонидаги битта нолни олиб ташлаш керак.

Кўп хонали сонни ноллар билан тугайдиган сонга бўлишни ўрганишда дастлаб кўпайтмага бўлишнинг турли усуллари қаралади ва шу асосда бўлишнинг бўлувчини қулай кўпайтувчиларга алмаштиришга олиб келадиган оғзаки усули очилади. Кейин 10 ва 100 га қолдиқли бўлиш ҳоллари учун ноллар билан тугайдиган сонларга ёзма бўлиш усули киритилади. Бўлишнинг бўлинманинг ёзувида ноль бўлган ҳоли алоҳида қаралади.


Шу вақтнинг ўзида тўртингчи пропорционал сонни тошишга доир ва қарама-қарши йўналишлардаги ҳаракатга доир янги турдаги масалаларни ечиш бўйича иш олиб борилади.

Бу масалалар устида ишлаш услубини қараймиз.

Сонни кўпайтмага бўлиш билан танишишини дарслик бўйича ўтказиш мумкин: берилган кўргазмага (62-расм) суюнган ҳолда сонни кўпайтмага бўлишнинг турли усуларини қараш керак:



$$32 : (2 \cdot 4) = 32 : 8 = 4$$



$$32 : (2 \cdot 4) = (32 : 2) : 4 = 16 : 4 = 4$$



$$32 : (2 \cdot 4) = (32 : 4) : 2 = 8 : 2 = 4$$

62-расм.

1) $32 : (2 \cdot 4)$ мисолида кўпайтмани ҳисоблаш мумкин, 8 ҳосил бўлади, берилган 32 сони унга бўлинади, 4 ҳосил бўлади. Бу усул 8 та тенг қисмга бўлинган кесма билан тасвирланган;

2) берилган 32 сонини биринчи кўпайтuvчи 2 га бўлиш ва натижа 16 ни иккинчи кўпайтuvчи 4 га бўлиш мумкин. Бу усул олдин 2 та тенг қисмга, кейин эса бу қисмларнинг ҳар бирини тенг 4 қисмга бўлинган, яъни ҳаммаси бўлиб 8 та тенг қисмга бўлинган иккинчи кесма билан тасвирланган;

3) берилган 32 сонини олдин иккинчи кўпайтuvчи 4 га бўлиш ва натижа 8 ни биринчи кўпайтuvчи 2 га бўлиш мумкин, 4 ҳосил бўлади. Учинчи кесмани олдин 4 та тенг қисмга бўлдик, кейин эса қисмлардан ҳар бирини яна 2 та тенг қисмларга бўлдик, яъни яна 8 та тенг қисмга бўлдик.

Кейин ўқувчилар дарсликда берилган сонни кўпайтмага турли усуллар билан бўлишга доир бошқа мисолларни таҳдил қиласидилар, шундан кейин сонни кўпайтмага қандай бўлиш мумкин эканлиги ҳақида умумий холосага келадилар.

Мустаҳкамлаш учун ўқувчиларга сонни кўпайтмага бўлишга доир ўз мисолларини тузишни ва уни турли усуллар билан ечишни таклиф қилиш мумкин.

Шундан кейин болалар дарсликдан берилгандар нинг қийматларини қулай усууллар билан топишга доир машкларни бажарадилар, масалан: $80 : (5 \cdot 4)$, $140 : (4 \cdot 7)$, $7200 : (100 \cdot 9)$ ва ҳоказо. Бу ерда ҳисоблашлар маълум бўлган ва анча осон усуулларидан фойдаланишга олиб келадиган усул қулай усул бўлади. Масалан, $80 : (5 \cdot 4) = 20$ ифоданинг қийматини ҳисоблаш ва 80 ни шу сонга бўлиш қулай, 4 ҳосил бўлади (аслида бу ерда ўкувчилар кетма-кет бўлишни ҳам бажаришлари мумкин), $7200 : (100 \cdot 9) = 80$ ифоданинг қийматини топиш учун эса кетма-кет бўлишни бажариш қулай: $7200 : 100 = 72$ ва $72 : 9$, чунки ўкувчилар 7200 ни 900 га бўла олмайдилар.

Ҳар бир ҳолда ифоданинг қиймати топилгандан сўнг ўкувчилардан қандай сонга бўлганликларини (20 га, 900 га) ва бу сон кўпайтма кўринишида қандай ифодаланганини сўраш керак. Бунда $120 : (10 \cdot 3) = 40$ кўринишдаги ифодалар нинг қийматларини топишга алоҳида эътибор бериш керак, чунки бу ноллар билан тугайдиган сонларга бўлиш усууларини ечишга бевосита тайёрлади.

Кейин бўлишнинг бўлувчини кўпайтма билан алмаштиришга ва шу кўпайтмага бўлишга олиб келадиган оғзаки усули ўрганилади.

Ўкувчига ўқитувчи томонидан доскага ёки плакатга ёзилган ҳисоблаш усулини тушунтириш таклиф этилади, масалан:

$$630 : 90 = 630 : (10 \cdot 9) = 630 : 10 : 9 = 7$$

$$540 : 18 = 540 : (9 \cdot 2) = 540 : 9 : 2 = 30$$

Тушунтириш. 630 ни 90 га бўлиш керак: 90 сонини 10 ва 9 сонлари кўпайтмасига алмаштиридик, бундай мисол ҳосил бўлди: 630 ни 10 ва 9 сонлари кўпайтмасига бўлиш; 630 ни 10 га бўлиш ва натижа 63 ни 9 га бўлиш қулайроқ, 7 ҳосил бўлади.

Ўкувчилар $540 : 18$ мисолни, шунингдек, дарсликда берилгандар мисолларни ечиш усууларини шунга ўхшаш тушунтирадилар.

Энди мисолларни тушунтиришлар билан мустақил ечишни таклиф этиш мумкин. Ўкувчилар бўлувчини алмаштириш керак бўлган қулай кўпайтuvчilarни ўзлари танлашлари керак. Масалан, $600 : 20$ ҳолда ўкувчилар 20 сонини 10 ва 2 сонлари кўпайтмаси билан алмаштирадилар, кейин 600 сонини 10 га бўладилар ва ҳосил бўлган натижа 60 ни 2 га бўладилар. Бунда дастлаб тўла тушунтириш бери-

лади, кейин қисқа тушунтириш берилади. Қисқа тушунтиришга келиш учун болаларга сонни күпайтмага ўзлари алмаштиришларини, улар қандай сонга бўлишларини ва неча ҳосил бўлганини айтишларини тавсия этилади. Масалан, 320 ни 80 га бўламан, дастлаб 320 ни 10 га бўламан, 32 ҳосил бўлади, 32 ни 8 га бўламан, 4 ҳосил бўлади. Ёзув: $320 : 80 = 4$. Кейинроқ ноллар билан тугайдиган сонларга бўлиш ҳоллари учун қисқа тушунтиришлар киритилади: 320 ни 80 га бўлиш учун 32 ни 8 га бўлиш етарли, 4 ҳосил бўлади.

Бу усувларга оид билимларни мустаҳкамлаш ва ҳисоблаш кўникмаларини ишлаб чиқиш одатдаги йўл билан амалга оширилади.

10 ва 100 га қолдиқли бўлиш усули 3- синфда бир хонали сонга қолдиқли бўлиш усули қандай киритилган бўлса, шундай киритилади: бўлинувчидан 10 га ёки 100 га бўлинадиган энг катта сон олинади, уни бўлинади, кейин бу сонни бўлинувчидан айриш билан қолдик топилади.

Усул билан танишишга тайёргарлик сифатида маҳсус машқлар киритилади:

а) Қолдиқли бўлишга доир мисолларни тушунтиришлар билан ечиш: $35 : 9$, $74 : 8$. Ўқувчилар бир хонали сонга қолдиқли бўлиш усулининг худди ўзини қайтарадилар.

б) 10 га ва 100 га қолдиқсиз бўлишга доир мисоллар ечиш: $120 : 10$, $45500 : 100$. Ўқувчилар бунда 10 га ва 100 га бўлиш қоидасини тушунтирадилар.

в) Берилган икки сондан (156 ва 150 , 800 ва 834 ва шунга ўхаш) 10 га, 100 га бўлинадиган сонни танлаш ва нима учун танланган сон бўлинишини тушунтириш (соннинг ёзувида охирида битта ноль ёки иккита ноль бор).

г) 2 га, 4 га, 10 га, 100 га бўлганда қандай қолдиқлар қолиши мумкин эканини айтиш. Бу ҳолда ўқувчилар ўзларига маълум бўлган муносабатнинг худди ўзини айтадилар: қолдик ҳар доим бўлувчидан кичик бўлади.

Усул билан танишишда дастлаб унча катта бўлмаган сонларни бўлишни бажариш маъқулроқ (100 ичидা).

Тушунтириш: 43 ни 10 га бўлиш керак: 43 сони 10 га қолдиқсиз бўлинмайди: бу сондан 10 га бўлинадиган энг катта сонни оламиз: бу 40 ; 40 ни 10 га бўламиз, 4 ҳосил бўлади, бу бўлинма, 40 ни 43 дан айрамиз, 3 ҳосил бўлади, бу қолдиқдир. Ёзилиши: $43 : 10 = 4$ (3 қолдик).

Текшириш: 1) $3 < 10$, 2) $4 \cdot 10 = 40$; 3) $40 + 3 = 43$.

Шунга ўхаш муроҳаза юритиб, ўқувчилар дарслик бўйича 10 га ва 100 га қолдиқли бўлиш усулини тушунти-

ришлари ва 1524 : 10, 158923 : 100 кўринишдаги тегишли мисолларни ечишлари мумкин. Шундан кейин уларга бўлинувчидан бўлинма ёзилган рақамлар остига бир чизик, қолдиқ ёзилган рақамлар остига икки чизик чизишни таклиф этиш керак. Ўқувчилар 10 га қолдиқли бўлишда қолдиқ бўлинувчи бирликлари рақамини кўрсатишни, бўлинувчининг қолган рақамлари билан бўлинма ёзилишини; 100 га қолдиқли бўлишда қолдиқ бўлинувчининг охирги икки рақами билан ёзилишини, бўлинувчининг қолган рақамлари билан ёзилган сон бўлинмани кўрсатишни тъқидлайдилар. Бундан бўён 10 га ва 100 га қолдиқли бўлишда ўқувчилар мана шу холосаларга асослашишлари керак.

Ноллар билан тугайдиган сонларга бўлишда олдин қолдиқсиз ва қолдиқли бўлишнинг бўлинмада бир хонали сон ҳосил бўладиган ҳоллари қаралади (540 : 90, 653 : 10 ва шунга ўхшаш).

Қолдиқсиз бўлиш ҳоллари илгари қаралган эди, уларни усулни ёйиб ёзиш билан тақрорлаш керак. Масалан, ўқувчиларга ушбу ҳисоблаш усулларини тушунтириш таклиф этилади:

$$360 : 40 = 360 : (10 \cdot 4) = 360 : 10 : 4 = 9 \\ 2700 : 900 = 2700 : (100 \cdot 9) = 2700 : 100 : 9 = 3$$

Тўла тушунтиришлардан кейин ўқувчилар қисқа тушунтиришларни айтсинлар: 2700 ни 900 га бўлиш керак. 2700 ни 100 га бўламан, 27 ҳосил бўлади, $27 : 9 = 3$.

Шунга ўхшаш қатор машқлар бажарилганидан кейин қолдиқли бўлишни бажаришга киришилади. Иш ўқитувчи бошгилигига олиб борилади. Масалан, 125 ни 30 га бўлиш таклиф этилади.

Бўлинмада нечта рақам бўлади? (Битта.) Уни қолдиқсиз бўлишда қандай топган бўлсак, шундай топинг. (125 ни 10 га бўламиз ва ҳосил бўлган 12 сонини 3 га бўламиз, 4 ҳосил бўлади.) Нечани бўлганимизни аниқланг (30 ни 4 га кўпайтирамиз, 120 ҳосил бўлади). Қандай қолдиқ колишини аниқланг (125 дан 120 ни айирамиз, 5 ҳосил бўлади). Қолдиқни бўлувчи билан таққосланг (5 сони 30 дан кичик). Демак, бўлинманинг рақамини тўгри топганимиз.

Ёзилиши: $\begin{array}{r} 125 \\ \underline{- 120} \quad 4 \\ \hline 5 \end{array}$

Энди дарслик бўйича қолдикли бўлиш усулини ҳал қилиш керак (245 : 60; 810 : 400; 2150 : 60 ва ҳоказо), шундан кейин ўқувчилар бир нечта мисолни ўқитувчи бошчилигида ва бир нечта мисолни мустақил ечадилар. Рақамларни танлашда улар олдин дарсликда келтирилганига ўхшаш тушунтириш берадилар, кейин қиска тушунтириш берадилар, масалан: «184 ни 80 га бўлиш учун 18 ни 8 га бўлиш етарли ёки 1900 ни 400 га бўлиш учун 19 ни 4 га бўлиш етарли».

Кейин бўлинмада кўп хонали сон бўлган ҳоллар учун ноллар билан тугайдиган сонларга ёзма бўлиш усули киритилади (6020 : 70; 33210 : 90 ва ҳоказо). Усулни қарашга қадар усулнинг бўлинмани топишдаги қиска мулоҳазасини такрорлаш керак (32 ни 80 га бўлиш учун 32 ни 8 га бўлиш етарли, 4 ҳосил бўлади).

Бу усулни тушунтириш дарсликда берилган. Бу ҳолларда мулоҳаза юритишида болаларга бир хонали сонга бўлишда фойдаланилган «эслатма» ёрдам беради.

Масалан, 6020 ни 70 га бўлиш керак. Ўқувчининг мулоҳазаси:

— 6020 | 70 6020 ни 70 га бўлиш керак. Биринчи тўлиқсиз бўлинувчи 602 ўнлик, 602 ни 70 га бўламиз. Бунинг учун 60 ни 7 га бўламиз, 8 ҳосил бўлади — бўлинмада шунча ўнлик бўлади.

— 560 | 86 0
— 420 560 ни 86 га кўпайтирамиз, 560 га эга бўламиз — шунча ўнликни бўлдик. 560 ни 602 дан айирамиз, 42 ҳосил бўлади — яна шунча ўнликни бўлишимиз керак. Қолдиқни бўлувчи билан таққослаймиз: ўнликлар 70 дан кам қолди, демак, ўнликлар рақамини тўғри топганимиз.

Иккинчи тўлиқсиз бўлинувчи — 420 бирлик. 420 ни 70 га бўламиз. Бунинг учун 42 ни 7 га бўламиз, 6 ҳосил бўлади — бўлинмада шунча бирлик бўлади, 70 ни 6 га кўпайтирамиз, 420 га эга бўламиз. Ҳамма бирликларни бўлдик.

Жавобни ўқиймиз: бўлинма 86 га тенг.

Шундан кейин 33210 ни 90 га бўлиш тавсия этилади.

«Эслатма» топшириқларига кўра болалар биринчи тўлиқсиз бўлинувчини топадилар ва бирданига бўлинма рақамлари сонини аниқлайдилар; биринчи тўлиқмас бўлинувчини бўлувчига бўлиб, бўлинманинг юқори хона рақамини топадилар. Бўлувчини бўлинманинг топилган рақамига кўпайтириб, бу хонанинг нечта бирлиги бўлинганини аниқлайдилар; тўлиқсиз бўлинувчидан ҳосил бўлган кўпайтмани айириб, бу хонанинг яна неча бирлиги бўлин-

маганини аниқлайдилар; ҳосил бўлган сонни бўлувчи билан таққослаб, бўлинманинг рақами тўғри танлаңганми ёки йўқми эканини аниқлайдилар; иккинчи тўлиқсиз бўлинувчини ажратадилар ва барча операцияларни такрорлайдилар.

Кўп хонали сонларни ноллар билан тугайдиган уч хонали сонларга (300 га, 800 га ва ҳ. к.) бўлиш бўйича ишлар ҳам худди шундай олиб борилади. Бу ҳолларни киритишга тайёргарлик $2500 : 500$, $720 : 200$ кўринишдаги мисолларни оғзаки ечиш бўлади. Бунда тўла тушунтиришлар билан бирга ўқувчилар қисқа тушунтиришлар берадилар. «2500 ни 500 га бўлиш учун 25 ни 5 га бўлиш етарли, бунда яна 5 ҳосил бўлади», «720 ни 200 га бўлиш учун, 7 ни 2 га бўлиш етарли, 3 ҳосил бўлади». Шундан кейин ўқувчилар, масалан, $20400 : 300$ мисолни ечишни тушунтирадилар (бунда «эслатма»дан фойдаланадилар).

20400 ни 300 га бўлиш керак. Биринчи тўлиқсиз бўлинувчи 2040 ўнлик, бўлинмада иккита рақам бўлади.

20400 ни 300 га бўламиз, бунинг учун 20 ни 3 га бўламиз, б ҳосил бўлади — бўлинмада шунча ўнлик бўлади.

300 ни 6 га кўпайтирамиз, 1800 ҳосил бўлади — шунча ўнликни бўлдик.

1800 ни 2040 дан айирамиз, 240 ҳосил бўлади — яна шунча ўнликни бўлишимиз керак.

Қолдикни бўлувчи билан таққослаймиз: ўнликлар 300 дан кам қолган, демак, ўнликлар рақамини тўғри топгандиз.

Иккинчи тўлиқсиз бўлинувчи 2400 ва ҳоказо.

Усулга доир билимларни мустаҳкамлаш ва ҳисоблаш кўнижмасини ишлаб чиқиш учун, илгари қилинганидек, ўқувчилар бўлишга доир мисолларни олдин овоз чиқариб, кейин ичларида тушунтириш билан ечадилар.

Бўлинувчининг ёзувида ноллар бўлганда ноллар билан тугайдиган сонларга бўлиш ҳоллари учун усулларни ($43600 : 40$) болалар бир хонали сонга бўлишдаги усулларга ўхшаш ўзлари тушунтиришлари мумкин.

19500 ни 30 га бўлишда ўқувчилар бўлинманинг юзлик ва ўнлик рақамлари топилгандан кейин, ҳамма ўнликлар бўлинди, 65 ўнлик ёки 650 ҳосил бўлди, деб айтадилар.

425400 ни 600 га бўлишда ўқувчилар бундай мулоҳаза юритадилар: биринчи тўлиқсиз бўлинувчи 4254 юзлик, 4254 ни 600 га бўламиз, бунинг учун 42 ни 6 га бўламиз, 7 ҳосил бўлади: 600 ни 7 га кўпайтирамиз, 4200 ҳосил бўлади — шунча юзликни бўлдик; 4200 ни 4254 дан айирамиз, 54 ҳосил бўлади — шунча юзликни бўлиш қолди;

$$\begin{array}{r}
 700 \\
 - 45 \\
 \hline
 250 \\
 - 480 \\
 \hline
 480 \\
 - 480 \\
 \hline
 0
 \end{array}
 \quad
 \begin{array}{r}
 28800 \\
 - 240 \\
 \hline
 2800 \\
 - 480 \\
 \hline
 36 \\
 - 36 \\
 \hline
 0
 \end{array}
 \quad
 \begin{array}{r}
 422400 \\
 - 420 \\
 \hline
 240 \\
 - 240 \\
 \hline
 0
 \end{array}$$

Чилар биринчи ва иккинчи ҳолда бўлинмада уч сон ҳосил бўлиши кераклигини, бу ерда икки хонали бил бўлганини, учинчи мисолда бўлинмада тўрт сон бўлиши кераклигини, бу ерда уч хонали сон бўлганини айтишлари керак. Ўқитувчи хатоларни и ва бу мисолларни тўгри ечишини таклиф этади. Ал бўлганидек, болаларни ечимни текширишга тез аши керак.

Тувчи мавзуни ўрганиш натижасида болалар кўп сонларни ноллар билан тутайлиган сонларга оғза ёзма кўпайтириш ҳамда бўлиш усусларини яхши тиришилари кераклигини, уларни сонни кўпайтмага ириш ва бўлиш хоссаларига сунянган ҳолда асосслий ари кераклигини эсда тутиши керак. Тайёргарлик арини бажариш натижасида улар кўп хонали сонларни ноллар билан тугайдиган сонларга кўпайтириш ва кўнникмаларини эгаллашлари керак.

Уч хонали сонларни икки хонали ва уч хонали сонларга тутайлиган сонларни икки хонали сонларни тутайлиган сонларни икки хонали сонга колдиксиз ва колдиклиши ҳоллари ўрганилади; бунда бўлинманинг ракам-бир синашнинг ўзидаёт топиладиган ҳоллар назарда лади; шундан кейин бўлинманинг ракамлари бир неча ш натижасида топиладиган ҳолларда бўлиш ҳоллари, ингдек, бўлинмада ноллар бўлганда бўлиш ҳоллари каралади.

Янги материални ўрганиш билан бир вактда илгари нилган хисоблаши усусларига иисбатан хисоблаш кўнниклари такомиллаштириллади, илгари караган хилдаги ма-ларни ечиш малакалари мустаҳкамланади ва илгари нилган материал мустаҳкамланади.

Айтиб ўтилган янги масалаларни ўрганиш услубини аймиз.

Уч хонали сонни, бўлинмада бир хонали сон чиқадиган ларда, икки хонали сонга колдиксиз бўлиш усули бичи ўргатилади (445 : 89, 581 : 83 ва х. к.).

Бу ҳолда бўлинманинг ракамларини топишда муҳим и нарса пайдо бўлади: бўлувчига эмас, балки унга яқин а сонига бўламиз. Кўп ҳолларда бўлувчидан кичик

54 қолдик 600 дан кичик, дема түғри топғанмиз; иккинчи тұліксі 540 ни 600 га бўламиз, ноль ҳоси. айрамиз, 540 ҳосил бўлади. Бу ўнликлар ракамини түғри топған бўлинувчи 5400 бирлик ва ҳоказо.

Бу ерда иккинчи тұліксиз бўли мумкин эканини, лекин бу операция кераклигини таъкидлаб ўтамиз.

45600 ни 40 га бўлишда бўлинм ва охирида ноллар ҳосил бўлади, келтирилган иккала мулоҳазаларни ў:

Бундан буён тушунтириш янада к Масалан, 4560 ни 60 га бўлишда ўқлоҳаза юритадилар;

— 4560 60	биринчи тұліксиз бўлину
— 420 76	линмада иккита ракам б
— 360	бўламан, 7 ҳосил бўлади,
— 360 0	раман, 420 ҳосил бўлади айраман, 36 ҳосил бўлади; 36 сони 60 д тұліксиз бўлинувчи 360 ва ҳоказо.

Ноллар билан тугайдиган сонларга қ маҳсус қараш керак (3570 : 90; 22900 : 30 мулоҳаза қолдиқсиз бўлишдаги каби бўла

Бунда қолдиқли бўлишнинг бўлинманлар бўлган қийин ҳолларига алоҳида эъзрак. Олдин болаларга мисолларнинг ечи этиш керак:

$$\begin{array}{r} 30562 | 60 \\ - 300 \quad 509 \\ \hline 562 \\ - 540 \\ \hline 22 \end{array} \qquad \begin{array}{r} 58142 | 70 \\ - 560 \quad 830 \\ \hline 214 \\ - 210 \\ \hline 42 \end{array}$$

Шундан кейин олдин ўқитувчи бошчил эса мустақил ечиладиган синов мисол ва киритиш мумкин.

Хатога йўл қўйишнинг олдини олиш учун м берилган ечилишларидағи хатоликларни тоғ топширикларни тавсия этиш фойдали. Масалашларни бажармасдан нотўғри ечимларни тоғ этилади:

бўлган энг яқин хона сонини олиш керак, агар рақам тўғри келмаса, у ҳолда бу ишончли рақамдан катта бўлади ва уни бўлувчига кўпайтирилганда бўлинувчидан катта кўпайтма ҳосил бўлади, шу сабабли рақамнинг тўғри келмаслиги айирмасдан ҳам кўриниб қолади.

Демак, усулни киритишга қадар берилган икки хонали сонга нисбатан энг яқин хона сонини топишга доир машқларни киритиш керак. Ўқувчиларга, масалан, 53 сонига нисбатан катта ёки кичик хонали сонни айтиш (бу 50 ва 60) таклиф қилинади.

Усулни бундай киритиш мумкин:

581 ни 83 га бўлиш керак. Бўлинмада нечта рақам бўлади? (Битта.) Бўлинма рақамини топиш учун 83 га эмас, балки энг яқин хона сонига бўламиз. Шу сонни айтинг (80). 581 ни 80 га бўлинг. (58 ни 8 га бўламиз, 7 чиқади). Бу синаш рақами, у ишончсиз бўлиши мумкин, чунки 83 га бўлиш керак эди, аммо 80 га бўлдик; бу рақамни дарҳол ёзишмайди, балки олдин текширишади.

Текширинг. ($83 \cdot 7 = 581$.) 7 рақами тўғри келади. Уни бўлинмага ёзамиз. Бундай ёзув ҳосил бўлади:

— 581 | 83 Шундан кейин ўқувчилар дарсликда берилган
— 581 | 7 тушунтиришни ўқийдилар, сўнгра бўлишни
 0 бажарадилар ($651 : 93$, $576 : 72$, $546 : 91$,
420 : 84 ва ҳ. к.), ечимни бундай тушунтиришади:
— 576 | 72 576 ни 72 га бўлиш керак, 576 ни 70 га бў-
— 576 | 8 ламан, бунинг учун 57 ни 7 га бўламан, 8
 0 чиқади; бу рақамни тёксираман: 72 ни 8 га
кўпайтираман, 576 чиқади ($70 \cdot 8 = 560$, $2 \cdot 8 = 16$, $560 + 16 =$
 $= 576$). 8 рақами тўғри келади, уни бўлинмага ёзаман.

Шундай машқларнинг бир қисмини ўқувчилар ўқитувчи бошчилигигида, бир қисмини мустақил бажарадилар.

Уч хонали сонларни, бўлинмада бир хонали сон чиқадиган ҳолда, икки хонали сонга қолдиқли бўлиш ҳам қолдиқсиз бўлишдагидек бажарилади ($445 : 73$, $260 : 32$ ва ҳ. к.). Ўқувчилар дарсликдан олдин бундай бўлиш на муналарини қарайдилар ва уларнинг ечилишини тушунтирадилар. Масалан, 445 ни 73 га бўлиш учун 445 ни 70 га бўламиз, бунинг учун 44 ни 7 га бўламиз, 6 чиқади. Текширамиз: $73 \cdot 6 = 438$; 438 ни 445 дан айирамиз, 7 колади, бу 73 дан кичик, бўлинма 6, қолдик 7.

Бошқа мисолларни ечишда шунга ўхшаш тушунтириш берилади.

Шундан кейин ўқитувчи қиска тушунтиришни киритади. Масалан, 382 ни 95 га бўлиш учун 38 ни 9 га бўламиз, 4

чиқади, 95 ни 4 га күпайтирамиз, 380 бўлади ($90 \cdot 4 = 360$, $5 \cdot 4 = 20$, $360 + 20 = 380$); 380 ни 382 дан айрамиз, 2 қолади, бу 95 дан кичик, бўлинма 4, қолдиқ 2. Ечим устун қилиб ёзилади, баъзи ҳолларда текшириш бажарилади:

Текшириш:

$$\begin{array}{r} 382 \\ - 380 \\ \hline 2 \end{array}$$

1) $2 < 95$

2) $\times \frac{95}{4}$
380

3) $380 + 2 = 382$

Бўлинмада кўп хонали сон ҳосил бўладиган ҳолда кўп хонали сонни икки хонали сонга қолдиқсиз бўлиш ($2814 : 67$, $178353 : 57$ ва ҳ. к.) олдин ўқитувчи бошчилигига бажарилади. Масалан, 4088 ни 73 га бўлиш керак. Биринчи тўлиқсиз бўлинмани айтинг (408 ўнлик). Бўлинмада нечта рақам бўлади? (Иккита.) Бўлинманинг ўнликлар рақамини қандай топиш керак? (408 ни 57 га бўлиш керак, бунинг учун 40 ни 7 га бўламиз, 5 бўлади.) 5 рақами тўғри келишини қандай текшириш керак? (73 ни 5 га кўпайтириш керак, 365 чиқади, 365 ни 408 дан айриш керак, 43 қолади, бу 73 дан кичик, 5 рақами тўғри келади.) Шуни ёзамиш:

— 4088 | 73 Иккинчи тўлиқсиз бўлинмани айтинг. (438
— 365 бирлик.) Бўлинманинг бирликлари рақамини
— 438 қандай топиш керак? (438 ни 73 га бўлиш
— 438 керак, бунинг учун 43 ни 7 га бўламиз, 6
0 чиқади.) Шу рақамни текширинг (73 ни 6 га кўпайтирамиз; $70 \cdot 6 = 420$; $3 \cdot 6 = 18$, $420 + 18 = 438$; ҳамма бирликлар бўлинди; 6 рақами мос келади). Ёзамиш. Бўлинмани қайтаринг (56).

Энди ўқувчиларга дарсликда берилган мисолларнинг ечилишини, юқорида келтирилган планни қўлланиб, тушунтиришни таклиф қилиш мумкин. Ўқувчилар келтирилган мисоллардан биринчисини бундай тушунтирадилар: «Бу ерда 2814 сонини 67 га бўлдик. Биринчи тўлиқсиз бўлинувчи 281 ўнлик, бўлинмада иккита рақам бўлади. Ўнликлар рақамини топиш учун 281 ни 67 га бўлиш керак, бунинг учун эса 28 ни 6 га бўлиш мумкин, 4 чиқади; шу рақамни текширамиз: $67 \cdot 4 = 240$, $7 \cdot 4 = 28$, $240 + 28 = 268$) 268 чиқади, 268 ни 281 дан айрамиз, 13 қолади, бу 67 дан кичик, демак, 4 рақами тўғри келади. Иккинчи тўлиқсиз бўлинувчи 134 бирлик; бўлинманинг рақамини топиш учун 134 ни 67 га бўлиш керак; бунинг учун эса 13 ни 6 га бўламиз, 2 чиқади; шу рақамни текширамиз; $67 \cdot 2 = 120$, $7 \cdot 2 = 14$,

$120+14=134$), 134 чиқади, ҳамма бирликлар бўлинди, 2 рақами тўғри келади. Бўлинма 42.

Ўқувчилар бўлинманинг тўғри топилганини қандай текшириш мумкинлигини айтишади. (Бўлувчини бўлинмага кўпайтириш керак, агар бўлиш тўғри бажарилган бўлса, кўпайтма бўлинувчига тенг бўлади.)

Навбатдаги дарсларда беш, олти хонали сонларни икки хонали сонга бўлиш бажарилади ва тушунтиришлар тобора қисқаради. Масалан, 178353 ни 57 га бўлишда ўқувчилар бундай мулоҳаза юритишади: биринчи тўлиқсиз бўлинувчи 178 минглик, бўлинмада 4 та рақам бўлади; 178 ни 57 га бўламан ($17 : 5 = 3$), 3 чиқади, 57 ни 3 га кўпайтираман, 171 бўлади, 171 ни 178 дан айираман, 7 қолади, 3 рақами тўғри келади; иккинчи тўлиқсиз бўлинувчи 73 юзлик ва x. k.

Шундан кейин бўлинманинг рақамлари бир неча синаш натижасида топиладиган бўлиш ҳоллари қаралади.

Олдин уч хонали сонларни икки хонали сонга бўлишади.

$$\begin{array}{r} 376 \mid 47 \\ - \underline{376} \quad 8 \\ \hline 0 \end{array}$$
 Масалан, 376 ни 47 га бўлиш керак. Бунинг учун 37 ни 4 га бўламиз, 9 чиқади; текширамиз: 47 ни 9 га кўпайтирамиз ($40 \cdot 9 = 360$, $7 \cdot 9 = 63$, $360 + 63 = 423$), 423 чиқади; 423 сони 376 дан катта, демак, бўлинмада 9 рақамидан кичик сон бўлади; 8 рақамини синааб кўрамиз: 47 ни 8 га кўпайтирамиз ($40 \cdot 8 = 320$; $7 \cdot 8 = 56$, $320 + 56 = 376$), 376 чиқади, 8 рақами тўғри келади.

Сўнгра тўрт-беш хонали сонларни икки хонали сонга, бир ёки бир нечта рақамни бир неча синаш йўли билан топиладиган ҳолда, бўлиш ҳоллари қаралади.

Бунда ўқувчиларга бўлинма рақамини текширишнинг осонроқ усулини кўрсатиш мумкин. Масалан: 1254 ни 38 га бўлиш керак; биринчи тўлиқсиз бўлинувчи 125 ўнлик, бўлинмада иккита рақам бўлади, 125 ни 38 га бўламиз, бунинг учун 12 ни 3 га бўламиз, 4 чиқади; шу рақамни текширамиз: $30 \cdot 4 = 120$, 125 дан 120 ни айирамиз, 5 қолади,

$$\begin{array}{r} 1254 \mid 38 \\ - \underline{114} \quad 33 \\ \hline 0 \end{array}$$

8 \cdot 3 = 24, 5 дан катта сон чиқади: 4 рақами мос келмайди, 3 рақамини оламиз ва уни синааб кўрамиз: $30 \cdot 3 = 90$, 125 дан 90 айирамиз, 35 қолади, 3 \cdot 8 = 24, 35 дан кичик сон чиқди.

3 рақами тўғри келади. Кўриб турибмизки, бўлинманинг рақамини бундай текширишда бўлувчини бўлинмага кўпайтиришнинг ҳамма кўпайтмаларини топишнинг кераги йўқ, факат бўлувчининг ўнликлари сонини бўлинма рақамига кўпайтириш ва топилган кўпайтмани тўлиқсиз бўлинувчидан айриш етарли (буни оғзаки бажариш осон, топилган айрмани бўлувчи бирликлари сони ва бўлинма

рақами күпайтмаси билан таққослаш керак, бу күпайтма айрмадан кичик ёки унга teng бўлиши керак, агар у айрмадан катта бўлса, у ҳолда рақам тўғри келмайди.

Шуни таъкидлаймизки, бўлинма рақамини топишда кўпинча олдин топилган бўлувчини бўлинма рақамига кўпайтмаси ёрдам беради. Масалан, қаралган мисолда 38 ни 3 га кўпайтиришда 114 чиқкан эди, иккинчи тўликсиз бўлинувчи ҳам 114 га teng, демак, бўлинманинг бирликлари рақамини —3 ни бирданига ёзиш мумкин. Бунга ўқувчилар эътиборини қаратиш муҳимдир.

Бу усулни билганликни мустаҳкамлаш ва ҳисоблаш кўникмасини пухталаш олдинги ҳоллардагидек тузилади.

Иккинчи ўнлик сонларига бўлиш ҳолларини алоҳида қараш керак. Бунда умумий усулдан фойдаланиш мақсадга мувофиқ, чунки бунда кўплаб синаш керак бўлади. Шу сабабли бу усулларни қарашга қадар тайёргарлиқ сифатида иккинчи ўнлик сонларига, бўлинмада бир хонали сон чиқадиган ҳолда ($64 : 20$, $78 : 30$, $545 : 40$ ва ҳ. к.), қолдиқли бўлишнинг оғзаки усулини киритиш керак.

Бу ҳолларда бўлиш усули бўлинманинг рақамини танлашга келтирилади. Масалан, 73 ни 16 га бўлиш керак. Бўлинмани танлаймиз: 2 рақами тўғри келмайди, 3 рақами тўғри келмайди, 4 рақами тўғри келади:

$$16 \cdot 4 = 64, \quad 73 - 64 = 9, \quad 73 - 16 = 4 \quad (9 \text{ қолдик}).$$

Бундай ҳолларда бўлинма рақамини топишни осонлаштириш учун дастлабки вактларда 12 дан 19 гача бўлган сонларнинг бир хонали сонларга кўпайтириш жадвалидан фойдаланиш керак, бу жадвални ўқувчиларнинг ўзлари тайёрлайдилар ва алоҳида коғоз варагига ёзиб оладилар, ўқитувчи эса плакат шаклида ёзади ва уни синфга осиб кўяди.

Олдин бу жадвал бўйича қолдиқсиз бўлиш амалга оширилади. Масалан, 112 ни 14 га бўлишга ҳаракат қилинади. 112 сонини жадвалдан қидирамиз, уни учинчи сатрдан топамиз. 112 ни ҳосил қилиш учун 14 ни қандай сонга кўпайтириш кераклигини қараймиз, бу 8, демак, $112 : 14 = 8$.

Ўқувчилар бу жадвалдан фойдаланиб, қолдиқли бўлишда ҳам бўлинмани танлашлари мумкин. Масалан, 130 ни 14 га бўлиш керак бўлсин, учинчи сатрдан 130 га энг яқин бўлиб, ундан кичик сонни топамиз, бу 126; уни 14 га бўламиз, 9 чиқади, 126 ни 130 дан айрамиз, 4 қолади, бу қолдик, демак, $130 : 14 = 9$ (4 қолд.).

Ўқувчилар бу жадвалдан кўп хонали сонларни, бир нечта тўлиқсиз бўлувчи ажralадиган ҳолда, иккинчи ўплик сонларига бўлишда ҳам фойдаланишлари мумкин. Аммо болалар кейинчалик зарур ҳисоблашларни оғзаки бажара оладиган бўлишлари учун тавсифланган жадвалдан фойдаланишдан воз кечишлари керак.

Бўлинма ёзилишининг ўргасида ёки охирида ноллар бўладиган ҳолларда кўп хонали сопларни икки хонали сонга бўлиш усулларини тушунтиришни (17640 : 35, 96048 : 24, 34860 : 42 ва х. к.) ўқувчилар ўқитувчи бошчилигида таҳлил қилишлари мумкин. Мисолни ўкинг (17640 ни 35 га бўлиш керак). Биринчи тўлиқсиз бўлинувчини айтинг (176 юзлик). Бўлинмада нечта ракам бўлади? (Учта.) Бўлинманинг юзликлари рақамини қандай топиш мумкин? (17 ни 3 га бўлиш керак, 5 чиқади.) 5 раками тўғри келишини текшириб кўринг. ($30 \cdot 5 = 150$, $5 \cdot 5 = 25$, $150 + 25 = 175$, бу 176 дан кичик, 5 раками тўғри келади. Ёки: $30 \cdot 5 = 150$, $176 - 150 = 26$, $5 \cdot 5 = 25$, бу 26 дан кичик, 5 раками тўғри келади.) Иккинчи тўлиқсиз бўлинивчини айтинг. (14 ўнлик.) Бўлинманинг юзликлар рақамини топинг (14 ни 35 га бўлиш керак, ноль ҳосил бўлади. 0 ни 35 га кўпайтириш керак, ноль чиқади. 0 ни 14 дан айрамиз, 14 қолади; 14 сони 35 дан кичик, 0 рақами тўғри келади).

Учинчи тўлиқсиз бўлинувчини ҳосил қилинг (140 бирлик). Бўлинманинг бирликлар рақамини топинг (14 ни 3 га бўлинса, 4 чиқади. Шу рақамни текширамиз: $35 \cdot 4 = 140$. Ҳамма бирликлар бўлинди. 4 рақами тўғри келади) ва х. к.

Ўқитувчи болаларнинг эътиборини 35 ни нолга кўпайтирганда 0 чиқишига, 14 дан 0 ни айрсак, 14 чиқишига, шу сабабли нолни ёзмаслик мумкинлигига, аммо иккинчи тўлиқсиз бўлинувчи 14 ўнлик, учинчи тўлиқсиз бўлинувчи эса 140 бирлик эканини эсда тутиш кераклигига қаратади. Энг яхшиси бу мисол ечилишининг қисқа ёзувини дарҳол караш керак:

— 17640 | 35 Ўқитувчи бу ҳолда қандай мулоҳаза юритишиш кераклигини ва ечимни қисқача қандай ёзиш кераклигини тушунтиради (...), иккинчи тўлиқсиз бўлинувчи 14 ўнлик, 14 ни 35 га бўламиз, ноль чиқади, учинчи тўлиқсиз бўлинувчи 140 бирлик ва х. к.).

Күйидаги мисолларни тўла ва қисқа ёзувлари бўйича ўқувчиларнинг ўзлари тушунтирадилар (уларни ўқитувчи доскага ёзади):

$$\begin{array}{r} 96048 | \frac{24}{4002} \\ -\underline{96} \\ \underline{0} \\ -\underline{48} \\ \underline{48} \\ \hline 0 \end{array}$$

$$\begin{array}{r} 96048 | \frac{24}{4002} \\ -\underline{96} \\ \underline{48} \\ \hline 0 \end{array}$$

$$\begin{array}{r} 34860 | \frac{42}{830} \\ -\underline{336} \\ \underline{126} \\ -\underline{126} \\ \hline 0 \end{array}$$

$$\begin{array}{r} 34860 | \frac{42}{830} \\ -\underline{336} \\ \underline{126} \\ -\underline{126} \\ \hline 0 \end{array}$$

Шундан кейин ўқувчилар дарсликда берилган мисолларни ечишга киришадилар ($32429 : 67$, $20944 : 56$ ва х. к.), бунда бир-икки мисолнинг ечилиши олдин тўла ёзилади, кейин эса қисқа ёзилади, бошқа мисолларнинг ечилиши қисқа ёзилади.

Хатоларнинг олдини олиш учун, бошқа ҳоллардаги каби, нотўғри ечимларни таклиф килиш керак, ўқувчилар улардаги хатоларни топишлари керак. Дарсликда шундай машқлар киритилган. Ҳар қайси ҳолда тўлиқсиз бўлинувчини ажратиб ва бўлинманинг рақамлари сонини аниклаб, ўқувчилар ечимда хатога йўл қўйилганини, яъни бўлинма рақамларининг сони керагидан кам ёки ортиқ эканини дарҳол айтишлари керак. Шундан кейин улар бу мисолларни ечадилар, хатоларни топадилар ва тушунтирадилар, масалан, бўлинманинг ёзилишида ноль тушириб қолдирилган бўлиши мумкин ёки ($2622 : 46 = 417$ мисолида) ўнликлар рақами ишончли рақамдан кичик, шу сабабли қолдик қолгани, бу қолдик бўлувчидан катта ($78 > 46$), бу қолдиқни бўлувчига бўлиб, бўлинмадан ортиқча рақам чиққанини тушунтирадилар.

$$\begin{array}{r} 322920 | \frac{46}{7020} \\ -\underline{322} \\ \underline{92} \\ -\underline{92} \\ \hline 0 \end{array} \quad \begin{array}{r} 2622 | \frac{46}{417} \\ -\underline{184} \\ \underline{78} \\ -\underline{46} \\ \underline{322} \\ -\underline{322} \\ \hline 0 \end{array}$$

Бундай машқлар ўтказиш учун ўқитувчи синф ўқувчи-ларидан бирортаси нотўғри бажарган ечимни олиши мумкин.

Уч хонали сонга бўлиш бўлинмада бир хонали сон чиқадиган ҳолни қарашдан бошланади. Икки хонали сонга бўлишда фойдаланилган усулнинг ўзидан фойдаланилади. 3003 ни 429 га бўлиш керак бўлсин. Биринчи тўлиқсиз бўлинувчини айтинг (3003). Демак, бўлинмада бир хонали сон чиқади. 3003 ни 429 га эмас, балки энг яқин хона сони 400 га бўламиз, бунинг учун 30 ни 4 га бўламиз, 7 чиқади. Шу рақамни текширамиз: $429 \cdot 7 = 2800$; $20 \cdot 7 = 140$, $9 \cdot 7 = 63$, $2800 + 140 + 63 = 3003$.

Ёки кўпайтириш устун қилиб бажарилади).

Кейинги дарсда бўлинмада икки хонали сон чиқадиган ҳолда уч хонали сонга бўлиш ҳоллари қаралади. Масалан, 8372 ни 364 га бўлиш керак. Биринчи тўлиқсиз бўлинувчини айтинг (837 ўнлик). Бўлинмада иккита рақам бўлади. Бўлинманинг ўнликлари рақамини топамиз, 837 ни 364 га бўламиз, бунинг учун 8 ни 3 га бўламиз, 2 чиқади, Ѣзувлари текширамиз: 364 ни 2 га кўпайтирамиз, 728 чиқади, 728 ни 837 дан айирамиз, 109 қолади, бу 364 дан кичик, 2 рақами ишончли. Иккинчи тўлиқсиз бўлинувчини топамиз, бу 1092 бирлик. 1092 ни 300 га бўламиз, бунинг учун 10 ни 3 га бўламиз, 3 чиқади, шу рақамни текширамиз: 364 ни 3 га кўпайтирамиз, 1092 чиқади, ҳамма

$\begin{array}{r} 8372 \\ - 364 \\ \hline 728 \\ - 23 \\ \hline 1092 \\ - 1092 \\ \hline 0 \end{array}$	бирликлар бўлинди, 3 рақами тўғри келади. Бўлинма 23. Бўлинмада уч-тўрт хонали сон чиқадиган ҳолда уч хонали сонга бўлишда ўқитувчи олдиндан доскага, масалан, бундай Ѣзувларни тайёрлайди:
---	--

$$\begin{array}{r} 46998 | 746 \\ - 4476 \\ \hline 2238 \\ - 2238 \\ \hline 0 \end{array}$$

$$\begin{array}{r} 97672 | 421 \\ - 842 \\ \hline 1347 \\ - 1263 \\ \hline 842 \\ - 842 \\ \hline 0 \end{array}$$

Ўқувчиларга бу мисоллардаги ўхшаш томонларни (кўп хонали сонларни уч хонали сонларга бўлинади, бўлинманинг рақамлари сони топилади, тўлиқсиз бўлинмалар аниқланади) ва фарқларни (иккинчи мисолда учинчи тўлиқсиз бўлинувчи пайдо бўлади, чунки биринчи тўлиқ-

сиз бўлинувчи юзликларда ифодаланган — 976 юзлик) топиши таклиф қиласди.

Бўлинмада тўрт хонали сон чиқадиган ҳолларда бўлиш усуллари шунга ўхаш қаралади.

Масалан, ўқувчига 287308 ни 124 га бўлиш таклиф қилинди. Мулоҳаза: Биринчи бўлинувчини аниқлаймиз. 287 минглик 124 га бўлинади, демак, бўлинмада 4 та рақам бўлади. 287 ни 124 га эмас, 100 га бўламиз, бунинг учун 2 ни 1 га бўламиз, 2 ҳосил бўлади. Бу синов рақами, уни бўлинмага бирданига ёзиш мумкин эмас, чунки биз 100 га бўлдик, аслида 124 га бўлиш керак эди. Шунинг учун олдин олинган 2 рақами тўғри келиш-келмаслигини оғзаки текшириб кўриш керак.

Текширамиз: 124 ни 2 га кўпайтирамиз, 248 ҳосил бўлади, $248 < 287$, демак, 2 рақами тўғри келади. Энди уни бўлинмага ёзиш мумкин.

Иккинчи тўлиқсиз бўлинувчи 393 юзлик ва ҳоказо.

Мазкур мулоҳазаларни ўқувчи ёзма бўлишни ўрганишда фойдаланадиган бўлишнинг барча усулларини умумлаштирувчи қўйидаги схемаси енгиллаштиради.

Схема

1. Бўлинувчи ва бўлувчини ўқи.
2. Мисолни ёз.
3. Биринчи тўлиқсиз бўлинувчига ажрат.
4. Бўлинманинг юқори хонасини аниқла.
5. Бўлинманинг рақамлари сонини аниқла.
6. Бўлинманинг рақамлари ўрнига нукталар қўй.
7. Бўлинманинг юқори хона рақамини топ.
8. Бу хонанинг неча бирлиги бўлинганини бил.
9. Бу хонанинг неча бирлиги бўлинмаганини бил.
10. Бўлинманинг рақами тўғри танланганми ёки йўқми эканини текшири.

11. Бўлишни мисолни ечиб бўлгунча шу тартибда давом эттири.

12. Бўлинмани айт.

Яна бир мисолнинг шу умумлаштирувчи схема бўйича мулоҳаза намунасини келтирамиз.

— 125256 408 1) Бўлинувчи 125256, бўлувчи 408.
— 1224 307 2) 125256 ни 408 га бўлиш керак.
— 2856 2856 3) Биринчи тўлиқсиз бўлинувчи юзликнинг бирликлари. 125 мингни натижада минг 0

чиқадиган қилиб 408 га бўлиб бўлмайди. 125 мингни юзликларга майдалаймиз ва 2 юзликни қўшамиз, 1252 юзликка эга бўламиз. Бу биринчи тўлиқсиз бўлинувчи бўлади.

4) 1252 юзликни ҳар бир қисмида юзлик ҳосил бўладиган қилиб 408 та тенг қисмга бўлиш мумкин. Демак, бўлинманинг юкори хонаси юзлик.

5) Юзликлар ўнгдан учинчи ўринда туради, демак, бўлинмада учта рақам бўлади.

6) Бўлинмадаги учта рақам ўрнига учта нукта қўямиз.

7) 1252 юзликни 408 га эмас, 400 га бўламиз, бунинг учун 12 ни 4 га бўламиз, 3 ҳосил бўлади.

8) Нечта юзликни бўлганимизни аниқлаймиз. Бунинг учун 3 юзликни 408 га қўпайтирамиз, 1224 га эга бўламиз.

9) Яна нечта юзликни бўлиш қолганини аниқлаймиз. Бунинг учун 1224 юзликни 1252 юзликдан айирамиз, 28 юзликка эга бўламиз.

10) Бўлинманинг рақами тўғри ёки нотўғри танланганини текширамиз. Қолдик билан бўлинувчини таққослаймиз: қолдик 28 юзликни юзлик ҳосил бўладиган қилиб 408 га бўлиш мумкин эмас, демак, 3 рақами тўғри топилган.

11) 28 юзликни ўнликларга майдалаймиз, 280 та ўнликка эга бўламиз. 5 та ўнликни қўшамиз, 285 ўнликка эга бўламиз. 285 ўнликни ҳеч бўлмаганда битта ўнлик ҳосил бўладиган қилиб 408 га бўлиш мумкин эмас. Демак, бўлинмада бирорта ҳам ўнлик бўлмайди, ўнликнинг ўрнига поль қўямиз.

285 ўнликни бирликларга майдалаймиз (ёки 285 ўнликни бирликларда ифодалаймиз), 2850 бирликка эга бўламиз. 6 бирликни қўшамиз, 2856 бирликка эга бўламиз.

2856 бирликни 408 га бўламиз, бунинг учун 28 ни 4 га бўламиз, 7 га эга бўламиз. Бу синов рақамини текширамиз. $7 \cdot 408 = 408 \cdot 7 = 2856$. Рақам тўғри, уни бўлинмага ёзамиш.

12) Бўлинма 307.

Борган сари мулоҳаза қисқалашиб боради ва бир неча дарсдан кейин юкорида таҳлил қилинган мисолни ўқувчилар қисқача тушунтирадилар.

Бўлинувчи 125256, бўлувчи 408. Биринчи тўлиқсиз бўлинувчи 1252 юзлик. Бўлинмада уч хонали сон ҳосил бўлади. 12 ни тўртга бўламиз, 3 ҳосил бўлади. 3 ни 408 га қўпайтирамиз, 1224 ҳосил бўлади. Айирамиз, 28 ҳосил бўлади. Иккинчи тўлиқсиз бўлинувчи 285. Бўлинмайди.

Бўлинмага 0 қўямиз. Учинчи тўлиқсиз бўлинувчи 2856. 28 ни 4 га бўламиз, 7 ҳосил бўлади. Кўпайтирамиз. Айира- миз. 0 қўлади. Бўлинма 307.

Шундай қилиб, кўп хонали сонларни кўпайтириш ва бўлишни ўрганиш жараёнида бошланғич мактаб ўқувчилари, биринчидан, сонни кўпайтириш ва бўлиш қоидаларини ўзлаштиришлари, иккинчидан, кўпайтириш ва бўлиш амал- ларининг маъноси ҳақидаги, бу амаллар компонентлари билан натижалари орасидаги муносабатлар, боғланишлар ва боғликликлар ҳақидаги, кўпайтма ва бўлинманинг хос- салари ҳақидаги билимларини системалаштиришлари ва чукурлаштиришлари; учинчидан, кўпайтириш ва бўлишнинг асосий ҳисоблаш усулларини ўзлаштириш ва шунингдек, кўп хонали сонларни кўпайтириш ва бўлишни бажариш кўникмаларини эгаллашлари керак.

III. МАТЕМАТИК МАСАЛАЛАРНИ ЕЧИШГА ҮРГАТИШ

Бола мактабдаги машғулотларнинг биринчи куниданоқ масала билан учрашади. Биринчи синф ўқувчилари билан қилинадиган дастлабки сұхбатларнинг бирида ўқитувчи ўқувчи қандай ҳәтий тажриба ва билимга эга эканини аниклаш мақсадида энг содда масалага мурожаат қиласы. Масалан: «Сенинг 4та қаламинг бор эди, сен яна битта қалам олдинг. Сендаги қаламлар нечта бўлди?»

Мактабда ўқитишнинг бошидан охиригача математик масалалар ўқувчиларга математик тушунчаларни түғри шакллантиришга, уни ўраб турган мухитнинг ўзаро алоқадорлигининг турли томонларини чуқурроқ аниклашга ёрдам беради, ўрганилаётган назарий қоидаларни кўлланиш, кузатилаётган ҳодисаларда ҳар хил сонли боғланишларни ўрнатиш имконини беради. Шу билан бирга масалалар ечиш бола тафаккурининг ривожланишига ёрдам беради.

«Математик масала» ўзи нима?

Математик масала бу боғлиқли ихчам ҳикоя бўлиб, унда баъзи катталикларнинг қийматлари киритилган бўлиб, уларга боғлиқ ва масала шартида улар билан маълум муносабатлар орқали боғланган бошқа катталикларнинг қийматлари изланади.

Аммо ўқитувчилар масаланинг бошқа таърифини ҳам биладилар: «масала — бу сўзлар билан ифодаланган савол бўлиб, унинг жавоби арифметик амаллар ёрдамида олиниши мумкин». Шуни таъкидлаймизки, бу таъриф фақат арифметик масалаларга тааллуклидир.

Масала тушунчасини тор маънода қараб, унда қуйидаги таркибий элементларни ажратиш мумкин:

а) масаланинг шарти — сюжетнинг сўзлар билан баёни бўлиб, унда сон қийматлари масала таркибига кирувчи катталиклар орасидаги функционал боғланиш ошкор

(сонлар ёрдамида) ҳолда ёки ошкормас шаклда (сўзлар ёрдамида) кўрсатилган бўлади;

б) масаланинг саволи — бунда бир ёки бир неча катталиктининг номаълум қийматларини билиш таклиф қилинади.

Шундай қилиб, ҳар қандай арифметик масалада номаълум (излананаётган) сон (ёки бир нечта излананаётган сон) ва берилган сонлар (улар иккитадан кам бўлмаслиги керак) дан иборат элементлар албатта бўлиши керак экан.

Шарт ва савол — масаланинг асосий элементлариридир. Сонли (ёки ҳарфий) маълумотлар масала шартида берилган; излананаётган микдор ҳар доим масала саволига кирган бўлади. Аммо бъязи ҳолларда масала шундай ифодаланган бўлиши мумкинки, унда савол шартнинг бир кисмини олади ёки бутун масала савол шаклида баён қилинади.

Матнли масалаларнинг асосий хусусияти шундан иборатки, уларда излананаётган сонни топиш учун берилган сонлар устида қандай амал (ёки амаллар) ни бажариш кераклиги тўғридан-тўғри кўрсатилмайди. Шу сабабли масала текстида берилган сонлар билан излананаётган сон орасидаги боғланишни кўрсатувчи бирор билвосита кўрсатмалар бўлиши ва бу боғланиш керакли арифметик амалларни танлаш ва улар тартибини аниқлаши керак.

Масаланинг тўла ечими шартнинг анализидан (тахлилидан); амалларнинг бажарилиш тартибини кўрсатувчи пландан; катталиктининг у ёки бу қиймати қандай амал билан топилиши ва нега шу амал билан топилишини тўшунтиришдан; арифметик амалларни бажариш ва жавобдан иборат бўлади. Шунингдек, масала ечилишига текшириш ва олинган жавобнинг яроқли ёки яроқсиз эканини аниқлаш ҳам киритилади.

Шуни таъкидлаш керакки, масаланинг тўла ёзма ечилиши жуда катта жойни эгаллайди ва тез ёзиш кўникмасини бўш эгаллаган боланинг анча вақтини олади, шу сабабли I—IV синфларда кам кўлланилади. Аммо бошланғич синфларда масала ечимига бериладиган тўла оғзаки тушунтиришни қўллашга уриниш керак.

Ўкувчиларга бериладиган таълимда масалалар ва уларнинг ечимлари вакт бўйича ҳам, боланинг ақлий ривожланишига таъсири бўйича ҳам муҳим ўринни эгаллайди. Ечилаётган масаланинг роли ўқитувчининг у ёки бу масалани ечиш учун бериб, ундан қандай педагогик мақсадни кўзлаганига боғлиқ.

Кўпинча масалалар ўқувчиларга уларнинг билимларини тўлдириш, малакаларни эгаллаш, кўникмаларни такомилаштириш ва пухталаш учун берилади. Ўқувчининг масалани мустақил ечишидан унда кўникма ва малакаларнинг таркиб топиши учунгина эмас, балки тескари алоқа ўрнатиш (ўқувчи-ўқитувчи) учун ҳам фойдаланилади, бу эса ўқитувчига ўрганилаётган материални ўқувчи қандай ўзлаштиришини кузатиш ва унинг муваффакиятларини текшириш имконини беради.

Билимларни текширишда масала ўқувчи тафаккурининг ривожланиши ҳақида фикр юритиш, керакли амалларни тўғри танлаш, ҳисоблаш кўникмалари ҳақида фикр юритиш имконити беради.

11- б о б. СОДДА МАСАЛАЛАР БИЛАН ИШЛАШ МЕТОДИКАСИ

1- §. Содда масалалар турлари. Уларнинг аҳамияти

Математик масалалар содда ва таркибли масалаларга ажратилади. Битта амал билан ечиш мумкин бўлган масалалар содда масалалар жумласига киритилади. Бир нечта содда масаладан тузилган ва шу сабабли икки ёки ундан ортиқ амал ёрдамида ечиладиган масалалар таркибли масалалар дейилади.

Ҳар қандай содда масалага доир иккита тескари масала тузиш мумкин, яъни иккита шундай масала тузиш мумкинки, уларнинг ҳар бирига ўша сюжет бўйича изланяётган сон берилган сонлардан бири сифатида, изланяётган сон сифатида эса тўғри масала шартидан маълум бўлган сон катнашади. Масалан, «Ховлида 5 та киз ўйнаётган эди. Уларнинг иккитаси уйига кетди. Ховлида нечта киз қолди?» масалага иккита тескари масала тузиш мумкин. Биринчиси: «Ховлида бир нечта киз ўйнаётган эди. 2 та киз уйига кетганидан кейин ховлида 3 та киз қолди. Олдин ховлида нечта киз ўйнаётган эди?». Иккинчиси: «Ховлида 5 та киз ўйнаётган эди. Бир нечта киз уйига кетганидан кейин ховлида 3 та киз қолди. Нечта киз уйига кетган?» Бу масала берилган биринчи масалага нисбатан, шунингдек иккинчи масалага нисбатан ҳам тескари масаладир. Аммо биринчи масалани ҳам иккинчи ва учинчи масалаларга нисбатан тескари масала сифатида қараш мумкин.

Бундан ташқари, содда масалалар орасидан билвосита ифодаланган масалалар ажратилади. Масалан, қуйидаги

масала шундай масалалар жумласига киради: «Стол устида 7 та қалам бор. Булар кутидаги қаламлардан 4 та ортиқ. Күтида нечта қалам бор?». Бу масала шартида «ортик» дейилгән, масала эса айириш билан ешилади ($7 - 4 = 3$).

Содда масалаларнинг асосий турларини қўйидагича тақсимлаш бошланғич мактабда кўлланиш учун кулаги:

1. Арифметик амаллар мазмунини очишга доир масалалар: йифиндини, қолдиқни топишга доир масалалар, бир хил кўшилувчилар йифиндисини топишга доир масалалар, бўлишга (мазмунига кўра бўлишга ва тенг қисмларга бўлишга) доир масалалар.

2. Амалнинг номаълум компонентларини (кўшилувчи, камаювчи, айириловчи, кўпайтувчи, бўлинувчи, бўлувчи) топишга доир масалалар.

3. Бир неча бирлик (ёки бир неча марта) «ортик» (ёки «кам») муносабати билан боғлик масалалар; сонни бир неча бирлик (ёки бир неча марта) орттириш (ёки камайтириш)га доир бевосита (ёки билвосита) ифодалангандаги масалалар; сонларни айримали (ёки каррали) тақкослашга доир масалалар.

4. Катталикларнинг пропорционал боғланишларига доир масалалар.

Ҳамма турдаги содда масалалар ўқувчи учун қўйидаги мақсадларда керак бўлади:

1) математик масаланинг структураси (таркиби) билан танишиш, яъни унинг шарти, берилганлари, саволи, иззанаётган миқдори билан; масаланинг ечими, саволи, жавоби, амал билан, шунингдек «ортик, кам, қанча бўлса, шунча, тенг, орасида ва x. к.» атамалари билан (булар математик муносабатларни ифодалайди) танишиш:

2) болаларда масала саволига жавоб бериш учун баъжариш керак бўладиган амалларни танлашга онгли муносабатда бўлишни тарбиялаш (масалалар амаллар мазмунини очишга ёрдам беради):

3) шартга кирган катталиклар орасидаги элементар функционал муносабатларни биринчи марта кўриш, амаллар компонентлари орасидаги боғланишларни тушиниш;

4) ҳар хил математик машқларни ҳаёт билан боғлаш, бу болаларнинг фанга бўлган қизиқишларини орттиради, қўникмаларни эгаллаш жараёнини жонлантиради;

5) содда масала текстини ўзgartириш устида ишлаш ўқувчига кўпроқ абстракт математик тушунчаларни эгаллашади.

беради. Масалан, ушбу «Малика 7 та дафтар сотиб олди. Дафтар 2 тийин туради. Малика қанча пул тұлаған?» масалалынг турини, масалан, «Дафтарнинг баҳоси 2 тийин. 7 та дафтар қанча туришини билинг» каби анча абстрактрок тушунчаларни киритиш билан ўзгартыриш мүмкін;

6) ўқувчини ҳар хил таркибли масалаларни ечишга тайёрлаш;

7) бола онгига математика асосларини жойлаш, унинг билим доирасини көнгайтириш, тафаккурни ривожлантириш ва тартибга солиш, ирода ва талабчанликни тарбиялаш.

2- §. Болаларни содда масалалар билан таништириш

Болалар әнг олдин танишадиган дастлабки масалалар, табиийки, болалар учун тушунарлы бўлиши керак. Йиғинди ва қолдиқни топишга доир масалалар шундай масалалар жумласига киради. Бундай масалаларни ечиш билан таништиришни параллел олиб бориш мақсадга мувофик.

Бундай масалаларга қуйидаги масалалар намуна бўлади:

1. Малика 2 та қўғирчоқ ва битта коптот расмини чизди. Малика нечта ўйинчоқ расмини чизган?

2. Шухрат жўяқдан 5 та помидор узди. Тушликда 3 та помидорни ейиши. Нечта помидор қолди?

3. Стол устида 5 та катак ва шунча бир чизикли дафтар бор. Стол устида ҳаммаси бўлиб нечта дафтар бор?

Содда масалаларнинг қийинлиги бўйича иккинчи тури бу сонни бир неча бирлик ортириш ёки камайтиришга доир масалалардир. Шу хилдаги масалалар намуналари:

1. Ботирда 7 та, Салимда эса ундан 3 та ортиқ китоб бор. Салимда нечта китоб бор?

2. Озода 5 та эртак, Гўзал эса ундан 2 та кам эртак ўқиди. Гўзал нечта эртак ўқиган?

3. Мақсуда 5 см ли кесма чизди. Сўнгра уни 2 см узайтириди. Кесма узунилиги қанча бўлди?

4. Қодирнинг варрак учун 10 м ли лентаси бор эди. У лентани 3 м қисқартириди. Лентанинг узунилиги қанча қолди?

Содда масалаларнинг навбатдаги қийинроқ тури бу номаълум қўшилувчини топишга доир масалалардир. Масалан: «Тақсимчада 6 та нок ва бир нечта олма бор. Меваларнинг ҳаммаси 9 та. Тақсимчада нечта олма бор?»

Шундан кейин сонларни айирмали таққослашга доир ва «Нечта ортиқ?» ва «Нечта кам?» саволли икки хил масала келади. Мисол учун ушбу масалани келтирамиз: «Олимда

5 та, Искандарда эса 3 та ўйинчоқ бор. Олимнинг ўйинчоклари Искандарнинг ўйинчокларидан нечта ортиқ?». Шу шартниңг ўзига иккинчи саволни бундай ифодалаш мумкин: «Искандарнинг ўйинчоклари Олимнинг ўйинчокларидан нечта кам?»

Шундан кейин ўқувчилар номаълум камаювчи ва номаълум айрилувчини топишга доир масалаларни ечиш билан таниширилади. Бу хил масалалар 1-синф ўқувчиларига исмисиз сонлар билан ҳам, сюжетли ҳолда ҳам таклиф қилинади. Олдин бундай масала ечилиши мумкин: «Номаълум сондан 6 айрилди ва 4 ҳосил бўлди. Номаълум сон нимага teng?»

Шундан кейин сюжетли, масалан, қуидаги масалалар ечилади:

1. Ўтлоқда 12 та ғоз ўтлаб юрган эди. Бир нечта ғоз дарахтлар орасига кириб кетганидан кейин ўтлоқда 6 та ғоз қолди. Нечта ғоз дарахтлар орасига кириб кетган?

2. Кутида бир нечта қалам бор эди. Ундан 4 та қалам олингандан кейин кутида 3 та қалам қолди. Кутида нечта қалам бўлган?

Шундан кейин болалар бир нечта бир хил қўшилувчилар йигиндисини топишга доир масалалар билан танишадилар. Улар бу йигиндини қўшиш билан топадилар.

Бир нечта бир хил қўшилувчилар йигиндисини топишга доир масалаларни ечишдан шу хилдаги масалаларни қўшиш билан эмас, балки қўпайтириш билан ечишга ўтадилар, бошқача айтганда, қўпайтмани топишга доир содда масалаларни ечишади, масалан: «Ошхонада ҳар бирида 3 л дан 4 банка мева шарбати бор. Бу банкаларда неча литр шарбат бор?».

Бу хилдаги масалалардан кейин болалар мазмунига кўра бўлишга доир ва teng қисмларга бўлишга доир масалалар билан танишадилар. Масалан: «Бувида 10 та сабзи бор эди. У сабзиларни бештадан қилиб боғлади. Неча боғ сабзи ҳосил бўлди?» деган масала мазмунига кўра бўлиш билан, «12 та қаламни 3 та ўқувчига баравардан бўлиб беришди. Ҳар қайси ўқувчи нечтадан қалам олди?» деган масала эса teng қисмларга бўлиш билан ечилади.

Кийинлиги бўйича масалаларнинг навбатдаги группаси бу номаълум қўпайтувчини топишга доир масалалар, ундан кейин эса номаълум бўлинувчи ва бўлувчини топишга доир масалалардан иборатdir. Болаларга бу хил масалалар билан бир вақтда баҳо, қанча туриши ва миқдори орасидаги энг содда функционал боғланишлардан фойда-

ланиладиган масалалар берилади. Масалан: «Икки пачка туз учун 14 тийин тұлашди. Тузни қандай баҳода сотиб олишган?»

Шундан кейин болалар карралы таққослашга доир масалалар билан танишадилар. Ушбу масалалар бундай масалаларға мисол бўла олади: «Гулзор устида 8 та ниначи ва 2 та капалак учиб юрибди. Ниначилар капалаклардан неча марта кўп? Капалаклар ниначилардан неча марта кам?» ва «Ошхонада бир кунда 80 кг картошка ва 8 кг сабзи ишлатилди. Сабзига қараганда нечта марта кўп картошка ишлатилган?»

Шундан кейин иккинчи синф ўқувчилари сонни бир неча марта катталаштириш ва кичиклаштиришга доир содда масалаларни ечиш билан танишадилар. Масалан: «Тўтилар 8 та, кантарлар эса 4 марта кам.. Кантарлар нечта?» ва «Опаси 9 ёшда, у укасидан 3 марта катта. Укаси неча ёшда?»

Болалар билвосита ифодаланган масалаларни катта қийинчилеклар билан ечадилар (тўғри масалаларга нисбатан), шу сабабли ҳамма хилдаги билвосита ифодаланган содда масалалар кейинроқ ечилади. Бундай масалалар 3 ва 4-синфларда ечилади. Ўқувчиларни масала шартида ишлатиладиган «кўп» («ортик»), «кам» сўзлари асосида амал танлашларига йўл қўймаслик учун билвосита ифодаланган масалалар ечишни бевосита ифодаланган масалаларни ечиш билан аралаштириб олиб бориш керак.

Соннинг улушини ва улушкига кўра соннинг ўзини тошишга доир масалалар билан III синф ўқувчилари сонларни қарралы таққослашни ўргангандаридан кейин танишадилар. Улушларга доир энг элементар масалалар қаралади. Шундай масалаларга мисол: «Китоб 60 бетли. Бола китобнинг 1/3 қисмини ўқиди. Бола неча бет ўқиган?» ва «Малик шеърнинг ярмини ёд олди. У 18 сатрни ёд олди. Бутун шеър неча сатрдан иборат?»

Шундан кейин ўқувчилар вактга доир содда масалаларни ечиш билан танишадилар. «Бола уйидан соат 8-у 30 минутда йўлга чиқди ва соат 8-у 50 минутда мактабга етиб келди. Бола йўлга неча минут сарфлаганини соат модели ёрдамида топинг».

3- §. Кўшиш ва айришга доир содда масалаларнинг тузилиши ва ечилиши билан таништириш

Болаларни содда масала билан таништиришнинг дастлабки босқичида ўқитувчи олдида бирданига бир қанча мураккаб муаммолар пайдо бўлади:

- 1) болалар онгига масала билан боғлиқ бўлган аниқ тушунчаларга (шарт, савол, жавоб ва ҳ. к.) доир иккимачи сигналлар (математик атамалар ва улар учун нотаниш бўлган баъзи сўзлар) кириши ва мустаҳкамланиши керак;
- 2) масалада берилган сонларни ва изланаштиришган сонни кўра олиш малакасини ҳосил қилиш;
- 3) амаллар ва уларнинг компонентларини онгли танлашга ўргатиш.

Кўрсатилган муаммоларни ҳал қилишни маълум тартибда жойлаштириб бўлмайди. Болалар билан шуғулланишда кўпчилик ҳолларда натижаларга кетма-кет эмас, балки эришилган ютуқларни бир неча йўналишда ривожлантириш ва кенгайтириш билан бир вактнинг ўзида бир қанча мақсадга бирданига эришишга тўғри келади. Иш усуллари ва услубларини баён қилишда биз уларни энг тушунарли бўладиган тартибда жойлаштирамиз. Аммо амалий иш жараёнида ўқитувчи бу усул ва услублардан бошқа тартибда фойдаланишга, ҳатто ўқувчиларга тушунтирилаётган материалга қараб, уларнинг баъзиларини кўшиб олиб боришга тўғри келади.

Болалар беш ичидаги санашишнинг баъзи малакаларини эгаллаб олганларидан кейин, уни ўрганишни давом эттириш билан бир вактда масалалар ва уларни ечиш билан таништириш ишини олиб бориш керак. Бу таништиришни ҳаракат билан бажариладиган масалалардан бошлаш маъқул. Ўқитувчи столдан чап кўлига 2 та дафтар олади ва «чап кўлимда 2 та дафтар бор» — дейди, сўнгра ўнг кўлига яна 2 та дафтар олади ва «ўнг кўлимда яна 2 та дафтар бор. Иккала кўлимда нечта дафтар бор?» — дейди. Келтирилган масалага ўхшашиб масалаларни ўқувчилар ўқитувчи кўрсатмаси бўйича бажаришади: «Карим шкафдан 3 та китоб ол, столдан яна 2 та китоб ол. Сен нечта китоб олдинг?» Санашни ўрганишга ёрдам берадиган машқларни ҳар куни ўтказиш фойдали. Шу билан бир вактда олдин расмларга қараб, ундан кейин эса расмлар ва сонлар бўйича масалалар тузиш ва ечишга ўтиш мумкин.

Болалар ҳаракатли масалаларни ечишни ўзлаштириб олганларидан ва шундай масалалардан бирини ечиб бўлган-

ларидан кейин ўқитувчи бундай дейиши мумкин: «Биз сизлар билан масала ечдик, энди яна битта масала ечамиз. Тингланг, мен масалани ўқиб бераман» — масала шартини ўқыйди, болалар эса уни ечишади.

Болалар масала шартини, саволини қандай ажратишни тушунишлари учун ўқитувчи уларга ушбу масалани беради: «Ойниса 3 та олма узди (3 та олма расмини кўрсатади), сўнгра яна 2 та олма узди (2 та олма расмини кўрсатади)». Ба болалардан: «Бу масаладан нимани билиш мумкин ёки нима ҳақда сўраш мумкин» лигини айтишни сўрайди. Ўқувчилар жавоб беришади: «Ойниса ҳаммаси бўлиб қанча олма узган?» Болалар масала саволи билан шу йўсинда танишадилар. Ўқитувчи бундай дейиши мумкин: «Бу масаланинг саволи. Унга қандай жавоб бериш мумкин ёки Ойниса ҳаммаси бўлиб нечта олма узганини қандай билиш мумкин?». Ўқувчилар бунинг учун 3 билан 2 ни кўшиш керак деб жавоб беришлари ва қўшишни карточка-лар ёрдамида бажарилари керак:

$$3 + 2 = 5$$

Масалани яна бир марта ўқиб чиққандан кейин ўқувчилардан бирига масалада нима ҳақда сўралмоқда, деб савол бериш, иккинчисига саволни тақорлашни, учинчисига масалада нима маълумлигини айтишни таклиф қилиш керак, сўнгра бир қанча ўқувчига масала шартини тақорлашни таклиф қилиш керак. Шундай машқлардан кейин болалар масаланинг шарти ва саволини қандай ажратиш кераклигини тушунадилар.

Ўқитувчи «шарт», «амал», «масала», «савол», «ечилиши», «жавоби» тушунчалари таърифини бўрмайди. Бу тушунчаларни болалар амалий равища ўзлаштирадилар. Айтиб ўтилган тушунчалар (атамалар) нинг номлари битта дарсда эмас, балки секин-аста ишланиб бориши керак. Ўқувчилар уларни машғулотлар давомида эслаб қоладилар: олдин улар ўқитувчидан эшитган тегишли тушунчаларнинг номлари ўртасидаги боғланишни аниклайдилар, шундан кейин улар учун янги бўлган атамаларни ўзлаштирадилар ва бу тушунчаларни ўзларининг лугат бойликларига қўшадилар, яъни болалар бу сўзларни ўз нутқларида маъносига тушунган ҳолда қўллана бошладилар.

Навбатдаги дарсларнинг бирида ўқувчилар берилган ва изланаётган сон билан танишадилар. Дарслик расмларидан қоғоз варакларига чизиб, осиб қўйилган расмлар ёки олдиндан тайёрлаб қўйилган ўйинчоқлардан фойдаланиб,

ўқитувчи масала тузади: «5 та балиқ сузіб юрган зди (расмдан 5 та балиқни күрсатади ёки уларни доскага илиб күяди). Улардан 2 таси қармоққа илинди (уларни күрсатади ёки 2 та балиқни ажратиб күяди.) Сузыб юрган нечта балиқ қолди?». Болалар билан биргаликда масалани саволлар бўйича такрорлашда ўқитувчи олдин «Биз нимани биламиз?», «Бизга нима маълум?», «Шартда нима берилган?» каби ифодаларни, кейин эса «Нимани топиш керак?», «Нимани билиш керак?», «Нима номаълум?» ибораларини ишлатади. Такрорлашни умумлаштириб, ўқитувчи ушбуларни таъкидлайди: «Бу масалада 5 та балиқча сузіб юргани, улардан 2 таси қармоққа илингани маълум, аммо нечта балиқ қолгани номаълум — буни билиш керак, масалада шу ҳақда сўралмокда».

Рақамлар кассасидан ўқувчилар олдин масала шартида берилган сонларни (5 ва 2) топадилар. Бунда ўқитувчи бу сонлар шартдан маълум — улар берилган эканини яна бир марта таъкидлайди. Шундан кейин сўрайди: «Номаълумни топиш учун нима қилиш керак, яъни нечта балиқ қолганини билиш учун нима қилиш керак?». Бу савол муҳокама қилинганидан кейин болалар карточкалардан

5 - 2 =

ёзувни тузадилар. Расмлардан фойдаланиб топадилар:

5 - 2 = 3

Масала билан таништиришда тескари тартибдан фойдаланиш мумкин, яъни ўқувчиларни олдин масалада берилганлар ва изланаетган билан, ундан кейин эса масаланинг шарти ва саволи билан таништириш мумкин.

Киритилган атамалардан ўқитувчи кейинги машғулотларда фойдаланади, улардан ўқувчилар ҳам ўз ишларида аста-секин фойдалана бошлидилар.

Маълумки, ҳар қандай текстли масалани ечиш жараёни бир нечта босқичдан иборат:

1. Масалани ўзлаштириш ва унинг дастлабки таҳлили.
2. Ечимни излаш ва ечиш режасини тузиш.
3. Ечишни бажариш ва масала саволига жавоб бериш.
4. Ечимни текшириш ва зарур бўлса, уни тўғрилаш.

Масала саволига жавобни узил-кесил ифодалаш.

Масала ечишнинг биринчи босқичи мазмунини қараймиз.

Биринчи босқичда ўқувчининг асосий вазифаси масалани тушиниб олишдан иборат. Ўқувчи куйидагиларни аниқ тасаввур қилиши керак: Бу масала нима ҳақда? Ма-

салада нима маълум? Нимани топиш керак? Берилганлар (сонлар, катталиклар, катталикнинг қийматлари) ўзаро қандай боғланган? Берилганлар ва номаълумлар, берилганлар ва изланаётганлар қандай муносабатлар билан боғланган? Изланаётган нима бўлиши мумкин: сонми, муносабатми, бирор тасдиқми?

Текстли масалани ечишнинг биринчи босқичини бажаришнинг мумкин бўлган қуидаги усулларини ажратиш мумкин:

1. Масалада тавсифланган ҳаётий вазиятни тасаввур килиш, унда фикран (мумкин бўлса) қатнашиш.

2. Масала текстини маъноли қисмларга бўлиш.

3. Масала текстини қайта ифодалаш, яъни, масаладаги барча муносабат ва боғланишларни ҳамда уларнинг микдорий характеристикаларини сақлаб қолиб, масалани ошкорроқ ифодалаш.

4. Масалада тавсифланган вазиятни: а) реал предметлар; б) предмет моделлар; в) расм ёки чизма шаклидаги график моделлар ёрдамида тасвирлаш.

Юқорида санаб ўтилган усулнинг ҳар бири масалани ўқиш ёки тинглашдан бошланади. Масалани тушуниш, демак, уни ечишга доир қилинадиган ишларнинг самардорлиги унинг қандай ўқилиши ёки тингланишига боғлиқ.

Масалани ўқишдан қилинадиган асосий талаб — бу барча сўзларни, сўз бирюзларини тўғри ўқиш, тиниш белгиларига тўғри амал қилишдан иборат. Шунга эътибор бериш керак.

Масалани ўқишдан қилинадиган иккинчи талаб — бу мантикий ургуларни тўғри кўйишдан иборат. Мантикий ургу масалани ўқишда унинг тушунилишига катта таъсир қиласди. Айниқса унинг масала саволига тўғри қўйилиши муҳимдир, чунки унда ҳар хил сўзларни ажратиш бу саволни юзага келтирган вазиятни ҳар хил характеристлайди ва ё масалани тушунишга ёрдам беради, ёки тушунишга тўскинлик қиласди. Шуни мисолда кўрсатамиз.

Масаланинг саволи бундай бўлсин: «Гулдонда нечта сариқ гул бор?» Бу савол мантикий ургуни энг камида учта усулда қўйилиши билан ўқилиши мумкин: 1. Гулдонда нечта сариқ гул бор? 2. Гулдонда нечта сариқ гул бор?

3. Гулдонда нечта сариқ гул бор?

Ургу билан ажратилган сариқ сўзи бу саволни келтириб чиқарган вазиятда сўз гулдондаги ҳар хил рангли гуллар хақида бораётганини билдиради. Бунда сариқ гуллар сони бошқа рангдаги гуллар сони билан бирор муносабат орқали боғланган. Гуллар сўзини ажратиш масалада гуллар

ва яна гулдондаги бошқа қайдайдыр предметлар (масалан, гулнинг баңлари, шохчалари ва ҳ. к.) ҳақида сўз боради деб фараз қилиш имконини беради. Агар саволда гулдонда сўзи ургу билан ажратилган бўлса, у ҳолда, равшанки, гулдонда ва яна бошқа бирор идишда сариқ гуллар бўлади ёки ҳали гулдонга қўйилмаган деган маънони билдиради. Бунда гулдондаги гуллар сони гулдондан ташқаридаги гуллар сони билан маълум муносабатда бўлади.

Агар саволни ўқищдан олинадиган вазият характеристики масала шартидаги характеристика билан бир хил бўлса, у ҳолда бундай ўқиш масалани яхши тушунишга имкон беради. Акс ҳолда масаланинг тушунилиши қийинлашади. Худди шунинг учун ҳам болаларни масала саволига мантикий ургуни тўғри қўйишга ўргатиш мухимдир. Масала саволи бўйича бу саволни келтириб чиқарувчи вазиятга характеристика беришга ўргатишнинг аҳамияти ундан ҳам кам эмас.

Кўйида бундай ўқитишига имкон берадиган машқларни келтирамиз.

1. Масала саволини ўқиши: «Салим байрамга нечта қизил фонарча тайёрлади?». Агар бу савол қуйидаги вазиятга оид бўлса, унда тегишли сўзларни ажратиш: а) Байрамга Салим фонарчалар ясади. У меҳнат дарсида 2 та сариқ фонарча, ундан 4 та ортиқ қизил фонарча тайёрлади; б) Салим байрамга қизил фонарчалар ясади. У 4 та фонарчани уйида, 5 тасини эса меҳнат дарсида тайёрлади; в) Салим 10 та қизил фонарча ясади, қолган 6 тасини синглисисининг туғилган кунига совға қилиш учун ясади; г) Байрамга Салимнинг 7 та қизил фонарчаси бор эди. 4 та фонарчани унга совға қилишган эди, қолганларини байрамга ўзи ясади.

2. . . каби савол қўйиш мумкин бўлган вазият (масала шартини) ўйлаб топинг.

Савол олдин бир сўзни, кейин бошқа сўзни ажратиш билан ўқилади. Савол доскага ёзиб қўйилиши мумкин ёки кодоскоп билан проекцияланиши мумкин. Кейинги ҳолларда керакли сўзнинг тагига чизиб қўйилади.

Кўйидаги тавсиялар масалани тинглашда яхши идрок қилишга имкон беради, бу тавсиялар билан ўкувчиларни таништириш фойдали: масалани биринчи тинглашда унда баён қилинган вазиятни бутунича тасаввур қилиш ва масала саволини эслаб қолиш керак: масалани қайта тинглашда масала саволига мос келадиган ва ечимни излашда асосий

нарса бўлиши мумкин бўлган маълумотни ажратиш ва эслаб қолиш керак.

Масалани ечувчи уни тасаввур қилишга доир амалларни бажарганидан кейин масалани тушунган бўлиши мумкин. Агар масала таниш хилдаги масалалардан бўлса ва бу масалани қандай ечишни билса, шундан кейингина у ечимни излашга ёки уни ечишга киришади.

Агар масала тасаввур қилинганидан кейин ҳам ечувчи учун ҳали ҳамма нарса аён бўлмаса, у бирор усулга кирувчи бошқа амалларни бажариши мумкин.

Айтилган усуллардан биринчиси — масалада тавсифланган вазиятни тасаввур қилиш усули — аслида масалани тасаввур қилиш амалларига киради, яъни масалани ўқиши ёки тинглашда бажарилади. Аммо масала вазиятидаги ҳамма компонентларни, барча боғланишларни қайта тиклаш шу амаллардан кейин ҳам амалга оширилиши мумкин. Бундай қайта тиклашнинг вазифаси вазиятнинг асосий миқдорий ва сифатий характеристикаларини ажратишдан иборат.

Масалани тўла ва аниқ тасаввур қилиш малакасини ўқувчиларга маҳсус ўргатиш керак. Бунинг учун маҳсус машқларни бажаришни таклиф қилиш мумкин, масалан:

1. Масалада тавсифланган вазиятни масала тексти бўйича тасаввур қилиш. Масала ўқилганидан бир-икки минут ўтганидан кейин ўқитувчи икки-уч ўқувидан улар нимани тасаввур қилганиликларини гапириб беришни (картинани оғзаки тасвирлаш) сўрайди. Ўқитувчи тасаввур қилиш сифатини таҳлил қиласи, болалар эътиборини тасаввур қилиниши шарт бўлган муҳим ва яхшиси ўтказиб юбориш керак бўлган номуҳим деталларга қаратади. Шундай машқлардан бир қанчаси бажарилганидан кейин ўқувчиларнинг ўзлари ўртоқларининг тасаввурларидағи хикояларни мустақил равишда изоҳлашлари мумкин.

2. Ўқувчилардан бири масалани товуш чиқармай ўқийди ва сўнгра у масалада нима ҳақида гап бораётганини қандай тасаввур қилганини гапириб беради. Қолган ўқувчилар унинг гапи бўйича масала текстини тузадилар.

Баъзи масалаларни тушунмоқ учун ўзини шу масалада тавсифланган вазиятда қатнашувчи деб фикран тасаввур қилиш фойдали. Бу усул кўпчилик болаларга масала мазмунини тез тушуниб олиш имконини беради. Аммо болалар бу усулларни эгаллаб олишлари учун улар бу усулнинг имкониятларини билишлари ва шу имкониятлардан фойдаланишга интилишлари керак. Бунинг учун дарсларнинг

бирида ўқитувчи бу усул ҳакида аник мисолда гапириб беради ва уни қандай амалга оширишни гушунтириб беради. Масалан, бундай масалани олиш мүмкін: «Бир бола 12 тийинга альбом сотиб олди. У кассага 20 тийинлик танга берди. Бола қанча қайтим олган?» Ўқитувчи ҳар қайси ўқувчига ўзи магазиндан альбом сотиб олган теб тасаввур қилишни таклиф қилади. Шундан кейин бир нечта ўқувчи қандай қилиб «альбом сотиб олишгани»ни гапириб беришиади. Болалар бу усул масалани гушунишга ёрдам беришига, шу сабабли уни ўрганиш фойдали эканига ишонч ҳосил қиладилар. Ўқувчилар бу усулни ўзлаштиришлари учун ўқитувчи уларга бир нечта масалани гаклиф қилади.

Навбатдаги усул масала текстини маъноли қисмларга ажратиш ва шу асосда ечимни излаш учун зарур маълуоматларни ажратишдан иборат. Бу усулни қўлланиш масала мазмунини гушунишни ҳам, эслаб қолишни ҳам гаъминлади. Буни мисолда тушунтирамиз.

Ўқитишининг ҳар хил босқичида ва ҳар хил масалалар учун масала текстини маъноли қисмларга бўлиш ҳар хил бажарилиши мүмкін. Масалан, масалалар билан таништиришнинг биринчи дарсларида ва кейинги дарсларида кўпгина содда масалаларни ечишда улар текстини куйидаги қисмларга бўлиш фойдали: а) ҳодиса бошланишини тавсифловчи: «Боғда б туп олма бор эди»; б) масала объекtlари билан бажарилган амалларни тавсифловчи: «З туп олма қуриб қолди»; в) ҳодисанинг охирги моменти, одатда масала саволида гапириладиган амал натижаларини тавсифловчи: «Боғда неча туп олма қолди?» («Боғда б туп олма бор эди. З туп олма қуриб қолди. Боғда неча туп олма қолди?» масаласини анализ қилишда.)

Бошка содда масалаларни ечишда ўзаро маълум муносабатлар билан боғланган предметлар тўплами, катталиктининг иккита қиймати ва ҳ. к. тавсифи ажратилади. Масалан: «Каримнинг 8 та, Саиднинг бундан 3 та кам маркаси бор. Саидда нечта марка бор?» масаласи учун бу ажратиш қўйидагидек кўринишда бўлиши мүмкін:

Каримда 8 та марка.

Саидда 3 та марка кам.

— Саидда нечта марка бор?

Бундай қисмларга ажратишдан кейин ечимни излаш ҳар бир ҳолда нимани билиш мүмкін ва билиш кераклигини ва буни қандай амалга ошириш кераклигини аниқлашдан иборат бўлади:

Амалда ўқитувчи масала мазмуни устида коллектив равишда ишлашда тавсифланган усулдан фойдаланади. Аммо масалани дастлабки таҳлил қилишнинг бу усули ўқувчининг ўз фаолияти усули бўлиб қолиши керак, бунинг учун эса ўқувчини бунга маҳсус ўргатиш керак, яъни масалалар ечишда бу усулни қўлланишнинг фойдасини кўрсатиш керак. Бунинг учун бир нечта масалани ечишда усул таркибига кирган амалларни ўқитувчи кўрсатмаси бўйича бажаришади. Шундан кейин ўқитувчи бу амалларни бажариш масалани яхши тушунишга ёрдам беришига ва, демак, ечимни излашни осонлаштиришга ўқувчилар эътиборини қаратади. Масала ечишни ўрганиш учун масала текстини маъноли қисмларга ажратишни ўрганиш фойдали, деган холоса чиқарилади. Бунинг учун ўқувчилар ўқитувчи ёрдамида масалалар бўйича қандай топширикларни бажариш кераклигини аниқлайдилар, шундан кейин таклиф килинган масалалар текстлари устида ишлай бошлайдилар.

Топшириклар тахминан бундай бўлиши мумкин:

1. Бир нечта масала текстини маъноли қисмларга бўлиш.
2. Масала тексти ажратилган қисмлар билан берилган. Бу қисмлар тўғри ажратилганини аниқлаш керак. Бундай ажратиш масалани тушенишга ёрдам берадими?
3. Бир масала текстининг ўзи доскага икки марта ёзилган, аммо ҳар қайси ёзувда у қисмларга ҳар хил ажратилган. Қайси ажратиш масалани тушенишга ёрдам беради, қайсиниси тўқсинглик қиласди? Нега?
4. Ўқитувчи томонидан ўқилган масала текстини қисмлар бўйича тақорлаш.
5. Масала текстлари ёзилган карточкалар тарқатилади. Ўқувчилар бу текстларни вертикал чизиқлар билан маъноли қисмларга бўлишади ва ўзаро текшириш учун карточкаларни алмашинадилар.

Ўқувчиларга ўзаро текширишда бир-бирларига нима учун айни қисмларни ажратганикларини тушинтиришларини тавсия этиш мумкин.

Бу хил машқлар етарлича бажарилганидан кейин ўқувчиларга бир қатор масалаларни дастлабки босқичда қаралган усулни қўлланиб ешиш таклиф қилинади.

Масала текстини қисмларга ажратиш бу текстни бошқача ифодалаш билан кузатилса, кўпинча самаралироқ бўлади. Бошқача ифодалашнинг мақсади номухим деталларни ташлаб юбориш, масаланинг муҳим элементлари мазмунини очиш ва аниқлаштиришдир. «Эрталаб магазинда 30 та китоб жавони бор эди. Кечкурун 12 та жавон қолди.

Бир кунда нечта китоб жавони сотилган?» масаласини анализ қилишда айтилган усулнинг қўлланишини кўрсатамиз.

Агар бу масала тексти бундай ифодаланса, унинг ечими ни излаш осон бўлади: «30 та китоб жавони бор эди. 12 та китоб жавони қолди. Нечта китоб жавони сотилган?»

Бошқача ифодалаш натижаси ёзувда (масаланинг кисқа ёзувида) акс этиши мумкин, ҳосил бўлган текстни оғзаки айтиш билан ҳам кифояланиш мумкин.

Масалани мақсадга мувофик равища бошқача ифодалашга ўргатиш масала ечишга ўргатишнинг муҳим аспектларидан биридир. Ҳали содда масалаларни қарашдаёқ ўқувчилар масалаларни бошқача ифодалашнинг дастлабки тажрибасига эга бўладилар. Бунинг учун ўқитувчи масалани идрок қилиб олганларидан кейин асосий элементларни ажратиб, масала шарти ва саволини айтишни таклиф қиласди ва буни амалга оширишда болаларга ёрдам беради. Бир қадар вакт ўтиб, болалар бироз тажрибага эга бўлганларидан кейин ўқитувчи бу усулни тушиниб олиш ва ўзлаштириш объекти қиласди. Буни, масалан, бундай суҳбат натижасида қилиш мумкин.

— Болалар, сизлар кўпгина текстли масалаларни ечишда масала мазмунини унда асосий элементларни ажратиш билан беришни таклиф қилишимга, эҳтимол, аҳамият бергандирсиз. Бунда баъзан масала текстида бўлмаган янги сўзлардан фойдаланингизга ва, аксинча, берилган текстда мавжуд бўлган сўзларни тушириб қолдирингизга тўғри келади. Буларнинг ҳаммасини сиз масалани яхши тушиуниш учун қилдингиз. Тўғрироғи эса масалада гапириладиганларнинг ҳаммасини тушиниш учун қилдингиз, масалада ҳамма нарсани тушиниш эса масалани муваффақиятли ечишнинг асосий шартидир. Сиз бугун қиладиган ишингизнинг мақсади масалалар текстларини яхшироқ тушиниш учун уларни бошқача ифодалаш (бошқача айтиш) дан иборат.

Кириш суҳбатидан кейин ўқитувчи масала таклиф қиласди, ўқувчилар эса масалани ечишни излашни осонлаштирадиган шаклда бериш топширигини бажарадилар. Ўқувчиларни шундай топшириқларни тузишга жалб қилиш керакки, бу топшириқларни бажариш уларга кўйилган мақсадга эришишларида ёрдам берсин. Ўқитувчининг дарсга танлайдиган масалалари болаларга таниш боғланишларни ўз ичига олиши керак: берилганлари етишмайдиган ва берилганлари ортиқча бўлган масалаларни киритиш фой-

дали. Ҳамма масалаларнинг ечимлари ҳам тўла бажарилмайди.

Кейинги дарсларда тегишли топшириқларни бажариш ва масалалар ечишда ўқувчиларнинг қаралаётган усул билан дастлабки таҳлил қилиш малакаси мустаҳкамланади, шунингдек улар масала текстини бошқача ифодалаш ва уни маъноли қисмларга ажратиш малакасини оладилар. Шундан кейин иккала усулни ўргатиш бир пайтда олиб борилади, кийинрўқ масалалар бўйича топшириқлар бажаришда ва янги хил масалаларни ечишда такомиллаштирилади.

Дастлабки таҳлилнинг навбатдаги усули бу моделлаштиришdir. Модель масалани тушинишгагина ёрдам бериб колмай, балки ечимни излаш воситаси бўлиб ҳам хизмат қиласиди. Ечишни модельнинг ўзида унинг элементлари устидага маълум амалий ёки бошқа ҳаракатларни бажариш билан ҳам амалга ошириш мумкин.

Моделнинг қўлланишини масала ечишнинг биринчи босқичидагина кўрсатамиз.

Масалани ечишдаги биринчи қадам — масала мазмунини тушиниб етишга ва асосий боғланишларни ажратишга ёрдам берадиган модель тузишдан иборат.

Моделлаштиришнинг ҳар хил усуллари маълум. Бу усуллардан энг соддаси масалада тавсифланган вазиятни ҳар хил предметлар (чўплар, доирачалар ва х. к.) ёрдамида ёки график равишда (расм, чизма) амалда тиклаштирилди. Бу усулни баъзида масалани «драммалаштириш» деб ҳам атасади. Масалан, ушбу масала қаралади: «Лолада 6 та, Ҳакимада 4 та қалам бор. Иккала қизда қанча қалам бор?» Доска олдига иккита қизча чиқди. Улардан бирининг қўлида 6 та, иккincinnининг қўлида 4 та қалам бор. Масала вазиятини бу хил тиклаш, табиийки, болалар масалани идрок қилишларида пайдо бўлган тасаввурларини тўлдиради ва аниқлаштиради. Ўқувчиларни бу усулни мустақил қўлланишга (тегишли масалалар учун) ўргатиш фойдали. Бунинг учун ўқувчиларга бу усулнинг баъзи масалаларга қўлланишининг мақсадга мувофиқлигини, уни қўлланиш имкониятларининг чегараланганини кўрсатиш керак.

Ўқувчиларни масалаларнинг предмет моделларини тузишга ўргатишга тайёргарлик улар саноқ материали билан ишлананаётган биринчи дарслардаёқ бошланади. Мақсадга йўналтирилган бу ўргатиш масала билан танишгандан ва масала мазмунини амалда тиклаш усули билан танишгандан кейин дарҳол бошланади.

Дарсларнинг бирида ўқувчиларга оғзаки ечиш учун

шундай сонли масала таклиф қилинади, бу сонлар билан арифметик амаллар бажариш уларга ҳали қийинлик қиласы: «Мактаб боғига 4 туп олма ва 6 туп нок күчати ўтқазиши. Мактаб боғига ҳаммаси бўлиб неча туп кўчати ўтқазишиган?» Ўқувчиларнинг бир кисмида қийинчиликлар пайдо бўлишидан фойдаланиб, ўқитувчи масала мазмунини, масалан, ҳар хил рангли доирачалардан фойдаланиб тасвирашни таклиф қиласи. Болалар ўқитувчи бошчилигида тегишли сондаги икки хил рангдаги доирачаларни танлаб олишади ва уларни ўз парталарига мос равишда жойлаштирадилар. Энди ўқувчиларнинг ҳаммаси масала саволига жавобни қийналмай топадилар. Ўқитувчи масалани тушиниш ва унинг саволига тез жавоб топишда ўқувчиларга доирачалар ёрдам берганини таъкидлайди. Хулоса чиқарилади: масала ечишни ўрганиш учун масала мазмунини ҳар хил предметлар ёрдамида тасвирашни ўрганиш фойдалидир.

Шундан кейин ўқувчилар ўқитувчи бошчилигида бир неча масаланинг предмет моделини ясайдилар. Бунда ўқитувчи ҳар гал қандай предметларни олиш маъкул, уларни қандай жойлаштириш қулай, предметларнинг ҳар бир группаси нимани билдиришини аниқладайди. Якунлаш учун ўқувчилар текстини ўқитувчи ўқиган масала моделини мустақил равишда тузадилар.

Кейинги дарсларда бундай топшириқларни бериш мумкин:

1. Масалада нима ҳақида гапирилаётган бўлса, шуни доирачалар (ёки бошқа предметлар) ёрдамида тасвиранг. Қизил рангли доирачалар нимани билдиради? Сарик рангли доирачалар-чи?


2. Фланелеграфдаги кўк тўғри тўртбурчаклар Тўлқиндаги дафтарларни, яшил тўғри тўртбурчаклар Даминдаги дафтарларни билдиради. Масала тузинг. Масалада сонини билиш талаб қилинаётган дафтарларни кўрсатинг.

3. Фланелеграфда бир нечта масаланинг предметли моделлари берилган. Ўқитувчи масала текстини ўқийди, ўқувчилар эса мос моделни кўрсатишлари керак.

4. Масалаларни, улар моделларини олдиндан тузиб (масалалар мазмунини математик набордан олинган геометрик фигуralар ёрдамида тасвиirlаб) ечинг.

График моделлар — бу расмлар ва чизмалар. Расм масалани тушунишга, унинг ечимини излашга ёрдам беради.

Расм шундай ҳам бўлиши мумкинки, у бўйича арифметик амалларни бажармай, масалада қўйилган саволга осон жавоб бериш мумкин бўлади. Масалан, «Мактаб олдига



63- расм.

9 туп терак, ундан 4 туп кам чинор экишди. Неча туп чинор экишган?» масаласини расм кўринишида бериш мумкин (63- расм).


Масалаларга доир бу хил расмларни бажариш мала-касини беришни предметли модельларни ясашга ўргатиш бўйича бир неча дарсдан кейин бошлаш мумкин. Бундай расмлар предмет модель ўрнини босади. Бу хил расмларни ясашга (чишишга) ўргатиш предмет модельларни ясашга ўргатишлек ўргатилади. Ўқувчилар масалага доир расмни масалани ечишини ўрганиш учунгина бажараётганларини тушиниб олишлари мухимdir.

Ўқувчиларни масалаларга доир расмлар бажариш мала-касига ўргатища бу расмлар қўлланишининг чегаралан-ганини ҳисобга олиш зарур. Масалан, катта сонларни ва бошқа нарсаларни ўз ичига олган масалалар учун бундай расм тузиш мақсадга мувофиқдир.


Қаралган усулларнинг ҳаммаси билан ўқувчиларни 1-синфдаёк таништириш керак. Кейинги синфларда бу усулларни масалалар ечишга қўлланиш малакалари такомил-лаштирилади. Агар ўқувчиларнинг ўзлари масалани таҳлил қилиш усулларини эгаллаб олишга интилишмаса, у ҳолда қаралган усулларнинг исталган биринчи босқичини ўқитувчи бошчилигига бажариш билан масалалар ечиш кам самара беради.

Юкорида кўрсатилганидек, иллюстрациялар ва ҳар хил шартли схемалар содда масалаларни ечишга ёрдам беради. Дарсда 1- масалага доир иллюстрацияни (1- синф математика дарслиги, 58- бет) караб, ўқитувчи болалардан бу расмда нима тасвирланганини гапириб беришни сўрайди. Болалар тушинтирадилар: «2 та қалам ётибди, яна қутида бир нечта қалам бор». Ўқитувчининг «Кути устида қўйилган-8 сони нимани билдиради», деган саволига кўра болалар бу сон қутида нечта қалам ётганини билдиришини фаҳмлашлари керак. Шундан кейин ўқитувчи болалар эътиборини ўнгдаги ёзувга ($8 : 2 = \square$, $10 - 2 = \square$) қаратади ва бу иллюстрация бўйича иккита масала ифодалайди.

Иккинчи синфда эса ўқитувчи, доскага иллюстрацияни



8



? , 3 та кам

64- расм.

осиб қўйиб (64- расм), болалардан бу иллюстрацияни дикқат билан қарашни сўрайди ва унга доир масала тузиш топширигини беради. Шундан кейин ўқитувчи сўрайди:

— 8 сони нимани билдиради? Иккинчи кутидаги савол белгиси нимани билдиради?

— Бу кутидаги қаламларнинг номаълум сони.
— Расмда яна нима ёзилган?
— Биринчи кутидагидан 3 та қалам кам.
— Бу масалада гап нима ҳақида бормоқда?
— Қаламли кутилар ҳақида.
— Бу кутилар ва қаламлар ҳақида нима маълум?
— Биринчи кутида 8 та, иккинчи кутида бундан 3 та кам қалам бор.

— Нимани билиш керак?
— Иккинчи кутида нечта қалам борлигини.
— Энди бутун масалани айтиш мумкин. Мен бошлайман, сизлар эса давом эттирасиз. «Бир кутида 8 та қалам бор... Баҳодир сен давом эттир!
— Иккинчи кутида эса бундан 3 та кам қалам бор.
— Нимани сўраш мумкин?
— Иккинчи кутида нечта қалам бор?
— Масалани қисқа ёзамиш:

I — 8 та к.
II — ?, 3 та кам.

— Масалани қандай амал билан ечиш керак?
— Айириш билан.

Шундан кейин болалар мустақил ёзадилар ва топадилар: $8 - 3 = 5$.

Содда масала қисқа ёзувининг шакли ҳар хил бўлиши мумкин. Қандай шаклни танлаш масала таркиби ва мазмунига боғлик. Ёзув шаклини танлаб, берилганларни ва изланётганларни шундай жойлаштириш керакки, улар орасидаги боғланишлар энг тушунарли бўлиб кўриниб турсин. Масалан, юкорида таҳлил қилинган масалани устун шаклида ёзиш қулай, бу ҳолда ёзув математик мазмунни ёрқин ифодалайди, берилганлар билан изланётганлар орасидаги боғланиш ёрқин кўриниб туради. «Парпи 4 та, Малик эса 5 та балиқча тутди. Болалар ҳаммаси бўлиб нечта балиқча тутишди?» масаласида қисқа ёзувни бир сатрга жойлаштириш ва берилганларни катта қавс билан бирлаштириш қулай: 4 б., 5 б. Қавс ва унинг остидаги савол белгиси ?

бу ҳолда берилганлар билан изланётган орасидаги боғланишни ифодалайди. Ўқитувчи болалар эътиборини катта қавсга қаратади (катта қавс ўрнига ўрта қавсни қўйиш мумкин, ўрта қавсни ёзиш болалар учун осон). У болаларга бундай дейди: «Қавс балиқлар сонини қўшиш, бирлаштириш кераклигини билдиради, савол белгиси эса балиқларнинг умумий сони номаълумлигини, уни топиш кераклигини билдиради». Шундай кейин ўқитувчи бу ёзув бўйича болаларга бир нечта савол беради: «4 сони нимани билдиради? 5 сони чи? Қавс нимани кўрсатади? Савол белгиси нимани билдиради?» (У ҳамма балиқлар қанчалиги номаълум эканини билдиради.) Масалани ечишга болалар уни тўла такрорлаганларидан кейин киришадилар.

1- синфдан бошлаб, иллюстрациялардан ташқари, шартли белгилардан ҳам фойдаланилади. Масалан «Наиманинг 4 та қўғирчоги бор. Лоланинг қўғирчоқлари ҳам шунча. Наима билан Лоланинг қўғирчоқлари биргаликда нечта?» масаласига (1- синф математика дарслигининг 72- бетидаги 2- масала) доир расмда Наиманинг қўғирчоқларини қизил доирачалар билан, Лоланинг қўғирчоқларини эса қўқ рангли доирачалар билан белгиланади.

Болага масалани тўғри ечиш учун амал танлашда қандай ёрдам бериш керак? Аввало масалани таҳлил қилиш керак, таҳлил ҳақида биз юкорида гапирган эдик. Болаларни масалада айтилган конкрет вазиятни тасаввур қилишга, берилганлар билан изланётган орасидаги боғланишни тушунишга ўргатиб бўлганидан кейин ўқитувчи оддий набор полотносидан фойдаланиши мумкин, унинг алоҳида чўнтакларига бир хил предметларнинг мос сонларини қўйиш керак бўлади. Ўқитувчи масалани ўқийди: «Кизча қўзиқо-

рин тераётир. У дарахт остидан 4 та кўзиқорин топди...»
Шу вақтнинг ўзида расмдаги тиркишга ёки полотнога 4 та кўзиқорин қўяди. «Бута ёнидан эса яна 3 та кўзиқорин топди» — расмда бута остига 3 та кўзиқорин жойлаштиради. «Кизча ҳаммаси бўлиб нечта кўзиқорин топди ва узид олди?»

Болалар олдиларидағи мавжуд кўп предметлар тўпламларини кузатиб, масалани такрорлашади. Ўқитувчи эса уларга бу масалани ечиш учун нима мухим эканини айтишини таклиф қиласи. Агар болалардан бирортаси қизча дарахт ва бута остидан кўзиқоринлар топиши мухимлигини кўрсатса, у ҳолда ўқитувчи, бошқа ўқувчиларни жалб қилган ҳолда, бу масалада 4 та кўзиқорин ва 3 та кўзиқорин топилгани мухим эканини, ҳаммаси бўлиб нечта кўзиқорин топилганини билиш кераклигини, масала моҳияти шундан иборат эканига ҳамма болаларни ишонтириши керак.

Бу масалани ечишда ўқитувчи ўқувчиларнинг тасаввурларига мурожаат қилиши мумкин.

— Болалар, мана қизча 4 та кўзиқорин топди ва узди (ўқитувчи кўзиқоринларни суғуради ва кутига солади), сўнгра бута ёнига келди ва яна 3 та кўзиқорин узди ва уларни кутига солди. (Ўқитувчи 3 та кўзиқоринни суғуради ва уларни кутига солади.) Қизча узган кўзиқоринларнинг ҳаммасини кутига соганидан кейин ундаги кўзиқоринлар сони қандай ўзгарди? (Ортди, кўп бўлди, кўшилди — дейишади болалар.) Нечтага? (З тага.)

Шундай қилиб, масала саволига жавоб бериш учун 4 ва 3 сонлари билан нима қилиш керак? (Уларни кўшиш керак: 4 га 3 ни кўшиш керак.) Шуни ёзамиз. Ўқитувчи ёзади: $4+3=7$.

Шундан кейин ўқитувчи ўқувчиларнинг биридан масаланинг шарти ва саволини такрорлашни сўрайди. Шу билан бир вақтда расмга ёки полотнога кўзиқоринчалар қўйилади. Болалар масалани қандай ечишни бошқатдан айтишлари керак.

— Энди, болалар, масаланинг ечилишини дафтaringизга ёзинг.

Шундан кейин ўқитувчи шарти ўзгартирилган масалани ўқийди: «Кизча кўзиқорин термоқда. У дарахт остидан 3 та, бута остидан 4 та кўзиқорин топди. Кизча қанча кўзиқорин топди?»

Ўқитувчи шартни ўқиш билан бир вақтда иллюстрацияни берилганларга мос келтиради — дарахт остига 3 та, бута остига 4 та кўзиқорин қўяди.

Болалар шартни таҳлил қилиб ва қўлланмани кўздан кечириб, бу масала ҳам қўшиш билан ечилишини аниқлайдилар ва топадилар: $3+4=7$.

Бу икки масала ечилгандан кейин ўқитувчи болалар эътиборини иккинчи масала шартидаги берилганларнинг ўзгаришига қаратади, бунда у иккинчи масала шартини биринчи масала шарти билан таққослайди, ечилган масалалар саволларини бир-бирига қарши кўяди. Бунда саволлар ўзгармаганини таъкидлайдилар.

Масала текстидаги шартда берилганларга мос келувчи айрим маъноли қисмларни ажратиш масалани қисқача тўғри ёзиш ва арифметик амалларни тўғри танлашга ёрдам беради. Конкрет мисол қарамиз. Олдиндан доскага ёзиб кўйилган ушбу «Донхўракда 7 та күшча бор эди. Яна бир нечта күшча учиб келди. Ҳаммаси бўлиб донхўракка 10 та күшча кўнди. Донхўракка нечта күшча учиб келди?» масалани ўқиб, ўқувчилар ўқитувчи бошчилигида биринчи маълумот ҳақида нима айтилган бўлса, ҳаммасини ажратишади, яъни масаланинг биринчи маъноли қисмини аниқлайдилар ва уни вертикаль чизик билан ажратиб кўядилар. Шундан кейин шартнинг иккинчи ва учинчи маъноли қисмларини ажратадилар. Масала маъноли қисмларга бундай бўлингандай бўлади: «Донхўракда 7 та күшча бор эди. | Яна бир нечта күшча учиб келди. | Донхўракка ҳаммаси бўлиб 10 та күшча кўнди. | Донхўракка нечта күшча учиб келди?»

Шундан кейин болалар ажратилган ҳар бир қисмда энг муҳим сўзлар ва сонларни ажратадилар. Ўқувчилар ушбуларни таъкидлайдилар: «7 та күшча бор». | «Бир нечта күшча учиб келди». | «Ҳаммаси 10 та күшча». | «Нечта учиб келди?». Шундан кейин масалани қисқа ёзиш болаларга қийинлик қилмайди:

$$\left. \begin{array}{l} \text{Бор эди — 7} \\ \text{Учиб келди — ?} \end{array} \right\} \quad \text{Ҳаммаси 10 та}$$

Масаланинг қисқа ёзуви ва қилинган таҳлил ўқувчиларнинг амални тўғри танлашларига ёрдам беради. Улар нечта қүшча учиб келганини билиш учун 10 дан 7 ни айриш лозимлигини фахмлайдилар: $10-7=3$.

Содда масалани ечишда амал танлашга онгли яқинлашишни мустаҳкамлаш учун болаларга ҳар хил амаллар билан ечилиувчи бир нечта ўхшаш масалани таклиф қилиш керак. Масалан:

1. Вазада 7 та олма бор эди. Болалар 3 та олмани ейишиди. Вазада нечта олма қолди?

Болалар масаланы тақрорлаб, унда маъноли қисмларни ажратишиди. «бор эди —7», «ейишиди —3», «қанча қолди?» Амални танлашда улар бундай мулоҳаза юритадилар: «3 та олмани еганларидан кейин олмалар кам қолди, шу сабабли 7 дан 3 ни айриш керак».

Бу масаладан кейин ўқувчиларга бошқа масала тақлиф килинади.

2. Вазада олмалар бор эди. Болалар ундан 3 та олмани олишиди, шундан кейин вазада 7 та олма қолди. Олдин вазада нечта олма бўлган? (Бу масала биринчи масалага нисбатан тескари масалага ўхшайди, аммо ундай эмас) Масаланинг шарти ва саволини қараб, болалар ўқитувчи тақлифиға кўра, маъноли қисмларни ажратишиди, масалани қисқа ёзишиди, амал танлаб, мулоҳаза юритадилар: «Вазадан 3 та олмани олгандан кейин унда 7 та олма қолди. Агар бу олмалар жойига қўйилса, у ҳолда вазадаги олмалар ортади ва олдиндагисича бўлади. Демак, дастлаб вазада нечта олма бўлганини билиш учун берилган сонларни қўшиш — еттига учни қўшиш керак: $7+3=10$. Дастлаб вазада 10 та олма бўлган». (Шартни таҳлил қилишдан олдин болаларга «дастлаб», «олдин» сўзларининг мазмуни тушинарли ёки тушинарсиз эканини аниқлаш керак, агар тушинарли бўлмаса, у ҳолда уларнинг мазмунини тушинтириб бериш керак.)

Бу масала ечимини излашда шартли предмет кўрсатмалиликка мурожаат қилиш мумкин, масалан, бир қоғоз ёки картон листига (бу ваза) 7 та кубча (олма) қўйиш, 3 та кубчани қўлига олиш (болалар олган олма) мумкин. Бу ҳолда болаларнинг мулоҳазаси бундай бўлиши мумкин: «Вазадан 3 та олма олишиди, вазада 7 та олма қолди. Бошда вазада қанча олма бўлганини билиш учун 7 га 3 ни қўшиш керак».

Кейинги масала ҳам олдинги иккитасига ўхшайди, аммо уларнинг биттасига ҳам тескари масала эмас.

3. Вазада 7 та олма бор эди. Болалар ундан бир нечта олмани олишиди. Шундан кейин вазада 3 та олма қолди. Болалар нечта олма олишган?

Энг содда таҳлил ўқувчиларга ечимни айтиб беради: 7 — бу 3 ва 4. Масала айриш билан ечилади, чунки вазада бир нечта олмани олганларидан кейин олмалар кам қолди — қолдиқни топиш керак.

Ушбу «Олим билан Юсуф бодринг узишди. Олим 4 та, Юсуф эса 7 та бодринг узди. Юсуф Олимга қараганда нечта ортиқ бодринг узди?» — масаланинг шарти билан танишириб ва унинг шартини таҳлил қилиб, болалар 7 сони 4 дан катта эканини аниқлайдилар. Шундан кейин болалар бундай кўрсатишади: масалада бир сон иккинчисидан қанча ортиқ эканини билиш талаб қилинмоқда, буни билиш учун эса катта сондан кичик сонни айриш керак, яъни $7 - 4 = 3$.

Бу масала ечилганидан кейин унинг саволини ўзгартириш ва бундай ифодалаш керак: «Олим Юсуфдан нечта кам бодринг узган?». Янги масаланинг шарти ва саволини такрорлаб, ўқувчилар ким кам бодринг узганини айтишлари керак.

— Олим Юсуфдан кам бодринг узгани сизга қаердан маълум? (Шартда айтилган.) Олим узган бодринглар сони билан Юсуф узган бодринглар сонини таққослаш билан шундай холоса чиқариш мумкинми? (Ҳа.) Нега? (Чунки тўрт еттидан кичик.) 4 сони 7 дан қанча камлигини қандай амал билан билиш мумкин? (Айриш билан.)

Шундан кейин болалар ўқитувчи назоратида мустақил ёзадилар: $7 - 4 = 3$. Охирги икки масаланинг шарти ва саволини таққослаш фойдали, бунинг натижасида $7 > 4$, $4 < 7$ экани қайд қилинади (огзаки). Бунда ўқитувчи болалар эътиборини бу иккала тенгсизлик учун айриш бир сон иккинчи сондан қанча катта ёки кичик эканини аниқлаш имконини беради.

Кўрсатилган масалалар жуфтини қараш кейинчалик ўқитувчига шунга ўхшаш масала шартини ўқиш билан болаларга бу шартга доир саволнинг ҳар хил вариантларини ўйлаб топишни таклиф қилиш имконини беради. Маълум шартга нисбатан саволни ўзгартириш билан болани битта ҳодисанинг ўзини ҳар хил томондан караб кўриш мумкинлигини ўйлаб кўришга мажбур қилувчи машқдир.

Ўқитувчи ўз ўқувчиларининг олға боришларини дикқат билан кузатиб бориши керак ва у, агар ўз ўқувчилари берилган масалани мустақил таҳлил қила олишларини ва мустақил еча олишларини пайқаса, шартни муфассал қараш босқичини тушириб қолдириши мумкин. Ўқувчиларнинг кучлари етадиган материал билан ишлашларида уларга зўрлаб ёрдам беришнинг кераги йўқ. Болаларни масала мазмунни билан таниширилгандан кейин «Масалани қандай ечиш кераклигини ким билади?» деб сўраш фойдали.

Болаларга муваффақиятли таълим беришда мустақил

равиша содда масалалар тузиш малакаси катта аҳамиятга эга. Таркибли масалаларни ечишда ўкувчиларнинг содда масалалар топиш ва уларнинг кетма-кет қаторини мустақил тузишларига тўғри келади. Агар ўкувчи содда масала тузиш малакасига эга бўлса, у ҳолда бундай ўкувчини таркибли масала ечишга ўргатиш осон. Содда масалаларни ечишда болаларни уларга доир ҳар хил саволларни ўйлаб топишга ва саволларга доир мос маълумотларни танлашг‘а мажбур қилинишининг сабаби мана шунда.

4- §. Кўпайтириш ва бўлишга доир масалалар

Дастурга мувофиқ қўшиш ва айришга доир ҳамда кўпайтириш ва бўлишга доир содда масалалар бир-биридан вакт бўйича ажратилган. Кўпайтириш ва бўлиш иккинчи ўкув йилига ўтказилган.

Болаларни кўпайтириш ва бўлиш билан таништиришга қадар конкрет масалаларда бир нечта бир хил қўшилувчиларни қўшиш ва сондан тенг айрилувчиларни айришни қараш тавсия қилинади.

II синфда ўкувчилар кўпайтириш ва бўлиш билан танишишни бир нечта бир хил қўшилувчини қўшишга доир масалаларни ечишдан бошлайдилар.

Ўқитувчи дафтарда 1 см га 2 та катак сиғса, 6 см га нечта катак сиғишини топишни таклиф қиласи. Болалар ҳар қайсиси 2 катакдан иборат ёнма-ён турувчи тўғри тўртбурчаклар чизишади, ҳаммаси бўлиб 6 та тўғри тўртбурчак чизишади, улардаги катаклар сонини хисоблашади. Шундан кейин ечимни йигинди шаклида ёзишади:

$$2+2+2+2+2=12$$

Ўқитувчи бу амални қисқароқ амал — кўпайтириш билан алмаштириш мумкинлигини тушинтирганидан кейин бундай ёзишади: $2 \cdot 6 = 12$.

Болалар кўпайтириш ва мазмунига кўра бўлиш ҳамда қисмларга бўлиш билан танишганларидан кейин уларнинг содда масалалар билан ишлаш соҳаси анча кенгаяди. Энди болаларга ечиш учун тўрт амалнинг ҳаммасига доир тўғри масалаларни ҳам, тескари масалаларни ҳам бериш мумкин.

Кўпайтириш ва бўлишга доир содда масалалар билан ишлаш қандай боришини қараймиз. Биринчи навбатда, кўпайтириш ва бўлишга доир содда масалалар болалар

билан амалда ечилади. Болалар ўз столларида (парталариде) қуйидаги деңгээл топширикларни бажаришади:

а) Партага 2 та доира қўйинг. Бундан ўнгроққа яна 2 та доира қўйинг, чапроққа яна 2 та доира қўйинг. Ҳар қайси группада нечта доира бор? Группалар (тўпламлар) нечта? Ҳамма доира нечта? Қандай қилиб билдингиз? ($2+2+2=6$ ёки $2 \cdot 3=6$)

б) 10 та квадрат олинг, уларни 2 тадан қилиб ёйинг. Неча марта 2 тадан квадрат ҳосил бўлди? Бу масалани ёзма қандай ечиш мумкин? ($10 : 2 = 5$)

в) 12 та учбурчак олинг, уларни учтадан қилиб ёйинг. Қандай қилиб ёясиз? (3 та учбурчак олиб, учта қисмга биттадан қўйиб чиқамиз. Яна 3 та учбурчак олиб, 1 тадан қўйиб чиқамиз ва ҳ. к.) Сиздаги қисмлар нечта? Ҳар қайси қисмда нечтадан учбурчак бор? (4 тадан.) Бу масалани қандай ёзиш мумкин? ($12 : 3 = 4$)

Ўқитувчи ечимни доскага ёзиши мумкин бўлса-да, ҳамма иш оғзаки бажарилади.

Кейинги дарсларда болалар билан бир хил сюжетли, аммо маълумотлари алмаштириб қўйилган иккита масала қаралади. Буни дарснинг бир қисмида кўрсатамиз.

Болалар 6 та квадратни бир қатор ва шунча квадратни бир қатор қилиб олдинги қатор остига қўйишади. Ўқитувчи шу ишни фланелеграфда бажаради. Қатордаги квадратлар нечта? Бундай қаторлар нечта? Ҳамма квадратлар нечталигини қандай ҳисоблаш мумкин? ($6 + 6 = 12$.) Қўшишни кўпайтириш билан алмаштиринг ($6 \cdot 2 = 12$).

Ёзишда болалар биринчи ўринга 6 сони ёзилишини, чунки қўшилувчи эканини, ундан кейин кўпайтириш белгиси қўйилишини ва иккинчи ўринга бундай қўшилувчи нечталигини кўрсатувчи сон ёзилишини тушинтирадилар.

Шундан кейин эътиборни квадратлар устунларига қаратади. Ҳар қайси устундаги квадратлар нечта? (2 та.) Бундай устунлар нечта? (6 та.) Ҳамма квадратлар нечта? ($2+2+2+2+2+2=12$.) Қўшишни кўпайтириш билан алмаштиринг ($6 \cdot 2 = 12$). Иккала ифодани таққосланг: $6 \cdot 2$ ва $2 \cdot 6$. Улар нимаси билан ўхшаш? Фарқи нимада? Бу ифодаларнинг қиймати ҳақида нима дейиш мумкин?

Биринчи марта бу ифодада тўхтамаслик керак. Бу кириш кузатишдир. Унинг мақсади бола онгига фақат бирор конуниятни белгилашдан иборат.

Кўпайтиришнинг ўрин алмаштириш хоссасини узил-кесил чиқаришга бироз кейинроқ — мисол ва масалалар ечишда кўпайтиришнинг ўринларини алмаштиришдан

күпайтма ўзгармаслиги аникланишига доир бир қатор күзатышлар ўтказғандан кейингина мурожаат қилиш керак.

Шундан кейин ўқитувчи бўлишга доир бир хил сонли иккита масалани ечишни таклиф қиласди, бу масалаларнинг бири мазмунига кўра бўлишга, иккинчиси эса тенг кисмларга бўлишга доир бўлади.

Болалар биринчи масалани ўқишиади: «Узунлиги 12 м бўлган ходани ҳар бири 4 м дан бўлган бўлакларга бўлишди. Нечта бўлак ҳосил бўлди?». Ўқитувчи нукталар билан расм чизишни таклиф қиласди. Ўқувчилар ҳар бир метрни нукта билан белгилаб, дафтарга 12 та нукта қўядилар. Ҳар бир қисм неча метрга тенг? 4 м дан олгандек бўламиз. 4 нукта тагини чизамиз, уларни пастга қўямиз ва берк чизик билан ўраб чиқамиз. Яна 4 нукта тагини чизамиз, уларни пастроқка қўямиз ва берк чизик билан ўраб чиқамиз ва х. к. (65- расм). Нечта марта 4 м дан ҳосил бўлди? Тўғри, 12 м да 4 метрдан 3 марта бор. Китобда берилган расмга қаранг. Масалани тўғри ечибмиزمи? Бу қаердан кўринади?



65- расм.



66- расм.

Масала ечилишини дафтарга ёзамиз: $12 : 4 = 3$. Жавоб: 3 та бўлак.


Ўқувчилар бошқа масалани ўқишиади: «Узунлиги 12 м бўлган ходани 4 та тенг бўлакка бўлишди. Ҳар қайси бўлакнинг узунлиги қандай?» Мулоҳаза юқоридагидек ўтказилиди. Болалар бу масала бўйича нукталар билан расм чизалилар. Қандай узунликда хода арралашди? Ҳар қайси метрни нукта билан белгилаб, бир қаторга 12 та нукта қўямиз. Нечта тенг бўлак ҳосил бўлди? (4.) Пастга 4 та берк чизик

чизамиз. Ҳар бир бўлакка 1 м дан тегиши учун неча метр керак? (4.) 4 нуқта тагига чизамиз ва ҳар қайси берк чизиқда 1 тадан нуқта белгилаймиз. Охиригача шундай белгилаб борилади. Биз ҳамма метрларни олдикими? (Ҳа.) Ҳар қайси бўлак неча метрдан бўлди? (3 м дан, баравардан.) (66 - расм.) Китобда берилган расмга қаранг. Масалани тўғри ечибмизми? Бу қаердан кўринади?

Масала ечилишини дафтарга ёзамиш: $12 : 4 = 3$. Жавоб: 3 метрдан.

Кейинроқ болаларни ҳар хил турдаги боғланишлар билан таништиришга киришадилар. Дарсликларда баҳоси, миқдори, қанча туриши; битта предметнинг массаси, предметлар сони, умумий масса; битта предметга материал сарфи, предметлар миқдори, ҳамма предметларга материал сарфи; битта идишнинг ҳажми, идишлар сони, умумий ҳажми ва ҳ. к. орасидаги пропорционал боғланишлар ўринли бўлган масалалар учрайди.

Масалан, пропорционал боғланишга доир: «Ҳар қайси тақсимчада 5 тадан олма бор. Учта тақсимчада нечта олма бор?» масаласини ечишда ушбу топшириқ берилади: «Масала бўйича расм ишла ва масалани еч» (67-расм)



67- расм.

Расмга (67-расм) қараш ўқувчиларга кўпайтириш амали мазмунини тушинишга ва кўпайтиришни қўшиш билан алмаштириш орқали масала саволига жавоб беришга ёрдам беради. Кўпайтиришни қўшиш билан алмаштириш мазкур босқичда зарурдир, чунки ўқувчилар ҳали бу босқичда кўпайтириш жадвалини тузиш ва ёд олишга киришмаган.

Ечим ёзилади: $5 \cdot 3 = 15$ (о.)


$$5 + 5 + 5 = 15 \text{ (о.)}$$

Одатда шу билан иш тугайди. Ўқувчиларнинг масалада берилган катталиклар орасидаги боғланишларни англаб этиш ва ўзлаштиришлари нуқтаи назаридан бу етарли эмас. Бу хилдаги масалаларни ечишда қаерда, яъни битта тақсимчада ёки учта тақсимчада, иккита ёки тўртта тақсимчада кўплигини аниқлаш фойдали бўларди. Ва ҳ. к.

Шу мақсадда ўқитувчи ўқувчиларга иккита тақсимчада, учта тақсимчада, түртта тақсимчада ётган олмалар расмларини чизиши ва шу расмларни ўзаро таққослаши маъкул бўлади.

Амалга оширилган иш қўпайтириш амалининг мазмунинигина эмас, балки масалада берилган катталиклар орасидаги боғланишларни тушинишга ҳам ёрдам беради.

Дарсликда мазкур иш ушбу масалада ўз аксини топган: «Битта дафтар 3 тийин туради. 5 та дафтар неча тийин туради? 4 та дафтар-чи? 2 та дафтар-чи?». Аммо бунда у абстракт характерга эга, чунки олинган натижа билан берилганлар орасидаги боғланишни расмда (68-расм) шартли кўрсатиш мумкин.



68- расм.

Бу ерда энг олдин боланинг ҳаётий тажрибасига, унинг товарлар сотиб олиш ҳақидаги реал тасаввурларига таяниш керак. Бунинг устига шуни хисобга олиш керакки, ҳамма болада ҳам бундай тасаввурлар бўлмайди, улар ривожланиш даражаси паст бўлган болаларда ҳам йўқ.

Пропорционал боғланишга доир содда масалалар устида ишлашни ташкил қилишда энг олдин болаларга масалада берилган вазиятни равшан тасаввур қилиш ҳамда ўз олдиларига «Жавобда у катта сон оладими ёки кичик сон оладими?» саволини қўйишга ёрдам берадиган усуллардан фойдаланиш майқул.

Кўйидаги усулларни шундай усуллар жумласига киритиш мумкин:

- масалани кўрсатмали интерпритациялаш;
- ўйланган масалани амалий ечиш;
- берилганлардан бирини ўзгартириш, сўнгра бу маълумотнинг ўзгаришига боғлик равиша масала жавобининг қандай ўзгаришини анализ қилиш;
- таққослашни якунлаш.

Бу усулларнинг ўзгаришини ушбу масалани ечишда кўрсатиш мумкин: «Бувимнинг 12 та сабзиси бор эди. Бувим уларни 3 тадан қилиб боғлади. Нечта боғлам ҳосил бўлди?»

Олдин масала «ўйналади». Столда 12 та сабзи турибди. Энг бўш ўкувчи чақирилади. Ўқитувчи ундан масалани амалий ечишни талаб қиласди. Камол 3 та сабзи олади ва уларни ажратиб қўяди, сўнгра яна 3 та сабзи олади ва ҳ. к. Мустакил жавоб беради—4 боғлам.

Дафтарга 12 та чўпни чизиш топшириғи берилади. Булар бизнинг сабзиларимиз. (Доскада ҳам 12 та чўп бўлади.) Шундан кейин ўқитувчи сабзиларни боғлам-боғлам қилишни сўрайди. Буни шартли қандай қилишни кўрсатади. Ўқувчилар ишни дафтарларида бажаришади (69-расм). Езишади:



69- расм.

$$12 : 3 = 4 \text{ (боғлам).}$$

Шундан кейин яна 12 та чўп чизиш ва уларни 4 тадан қилиб боғлаш тақлиф қилинади (70-расм).



70- расм.

Бу ишни ўқувчилар мустақил бажарадилар. Улар ёзиши:

$$12 : 4 = 3 \text{ (боғлам).}$$

Шундан кейин ўқувчилар сабзиларни 2 тадан қилиб боғлайдилар ва дафтарларига расм чизадилар (71-расм) ва тегишли ёзуви бажарадилар: $12 : 2 = 6$ (боғлам).



71- расм.

Хулоса чиқарилади: «Дафтарингизда 3 та расм бор. Биз сабзиларни қандай қилиб боғлашни қарадик. Қайси ҳолда кўп боғлам ҳосил бўлди? (Охиригина ҳолда.) Нега, сиз нима деб ўйлайсиз? (Бунда бир боғламдаги сабзилар энг кам.) Демак, ҳар бир боғламда сабзи қанча кам бўлса, боғламлар шунча... (кўп) бўлади. Ҳар қайси боғламда сабзи кўп бўлса, боғламлар шунча... (кам) бўлади.»

Аслида бу тескари пропорционал боғланиш мисолидир, буни ҳозирча ўқувчилар интуитив англаш етадилар. Аммо бу ишни системали равишда ўтказилса, уларнинг эътиборлари бундай анализ ўтказишга тортилади, бу катталиклар орасидаги боғланишларни онгли тушинишларига ижобий таъсир кўрсатади.

Ўқувчиларнинг ўзлари катталиклар орасидаги боғланишларни кузата олишлари учун оғзаки ишда қуйидаги жадвалдан фойдаланиш мумкин:

Масса	1 кг	2 кг	3 кг	4 кг	5 кг	6 кг	7 кг
Баҳоси	10 тий	20 тий	30 тий	40 тий	50 тий	60 тий	70 тий

Жадвал маълумотларидан фойдаланиб, оғзаки ечиш учун, масалан, бундай масала тузадилар: 1 кг картошка 10 тийин туради. 2 кг, 3 кг, 4 кг картошкага қанча туради? Шундан кейин болалардан жадвални давом эттириш сўралади. Жадвал маълумотларини анализ қилиш ўқувчиларни мустақил хулоса чиқаришга олиб келади: «Қанча кўп картошка сотиб олинса, шунча кўп пул тўланади».

Ўқитувчи ўқувчиларга 6 кг картошка 2 кг картошкадан неча марта кўплигини, 6 кг картошка 2 кг картошкадан

нече марта қиммат туришини таққослашни таклиф қилади. 6 кг ва 3 кг га доир; 8 кг ва 4 кг га доир; 8 кг ва 2 кг га доир саволлар ҳам шунга ўхшаш аниқланади. Баъзи ўқувчилар холосани мустақил чиқарадилар: «Нече марта кўп картошка сотиб олинган бўлса, шунча марта кўп пул тўланади».

Бундай ишни баҳоси, миқдори ва қанча туриши (жами пули) катталикларини қараш билан ҳам ўтказиш мумкин. Масалан: «20 тийинга 10 та қалам олиш мумкин; 20 тийинга 5 та ўчиригич олиш мумкин; 20 тийинга 2 та чизгич сотиб олниш мумкин».

Болаларга амалларни бажармай туриб нима қиммат туришини, яъни қалам, ўчиригич ёки чизгич қиммат туришини айтиш таклиф қилинади.

Кўпчилик болалар топшириқнинг уддасидан чиқадилар. Мана баъзи жавоблар: «Энг қиммати чизғич. 20 тийинга фақат 2 та чизгич сотиб олиш мумкин. Қаламлардан 10 та, чизғичлардан эса фақат 2 та сотиб олиш мумкин».

Катталикларни (баҳоси, миқдори, қанча туриши (жами пули)) ўз ичига олган масалаларни ечишда ўқувчилар кўпинча баҳо ва жами пули катталикларини адаштириб юборишади ва бу амални нотўғри танлашга сабаб бўлади. Шу боисдан ўқувчилар масалада берилган вазиятни аник тасаввур қилишлари жуда муҳимдир.

Кўпинча шу мақсадда «Магазин» ўйинидан фойдаланилади. Доскада қаламлар, чизгичлар, ручкалар боғламлари, дафтарлар пачкалари «Баҳоси 4 т», «Баҳоси 5 т», «Баҳоси 2 т», «Баҳоси 10 т» ёрликлари билан осилиб туради. Ўйин жараёнида болалар мустақил равишда қанча туришини топишга доир масалалар тузишади ва маълумотларни жадвалга ёзишади:

Баҳоси	Миқдори	Қанча туриши	Ечишиши
4 т	3 та қалам	?	$4 \cdot 3 = 12$ (т.)
5 т	4 та чизғич	?	$5 \cdot 4 = 20$ (т.)
2 т	6 та дафтар	?	$2 \cdot 6 = 12$ (т.)
10 т	5 та ручка	?	$10 \cdot 5 = 50$ (т.)

Олдин эътибор предметларнинг қанча туриши битта предметнинг баҳоси ва предметлар миқдорига боғлиқлигига қаратилади.

Шундан кейин вазият ўзгартирилади. Предметларнинг ёнинг уларнинг қанча туришини кўрсатувчи табличка осиб кўйилади. Ўқувчилар қанча туриши ва миқдорига кўра ҳар

бир предметнинг баҳосини топишга доир масала тузиш топширигини олишади.

Оғзаки ишда кўпинча «Саволни тугалла» ўйинидан фойдаланилади. Бунинг мазмуни шундан иборатки, масалан, болалар, «битта қалам 3 тийин турса, ...» жумласини болалар «Бешта қалам қанча туради?» деб давом эттиришлари керак.

Шундай қилиб, пропорционал боғланишга доир масалаларни ечишда болаларда масалада қаралаётган катталиклар орасида ўрнатилиши мумкин бўлган боғланишлар характеристи ҳақида аниқ тасаввурлар шаклланган бўлиши зарур. Бу иш кейинчалик таркибли масалаларни ечишда килинадиган ишларга асос бўлиши керак.

12 - б о б. ТАРКИБЛИ МАСАЛАЛАР БИЛАН ИШЛАШ МЕТОДИКАСИ

Биринчи синф ўқувчилари содда масалаларни ўзлаштириб олганларидан кейин, яъни улар шарт ва саволни ажратиши ўрганиб олганларидан кейин маълум ва номаълумларни қўйналмай ажратадиган бўладилар, ечишнинг дастлабки кўникмаларини оладилар, шундан кейин секинаста дарсга таркибли масалалар киритила борилади.

1-8. Таркибли масалаларни ечишга тайёрлаш.

Таркибли масалаларни ечишга тайёрлаш содда масалаларни ечишдаёқ бошланади, бунда таркибли масала билан танишириш функциясини бажариб қолмай, балки уларнинг ривожланишларига ижобий таъсир ҳам кўрсатилади.

Энг олдин берилган масала шартига савол кўйиш билан боғлик бўлган топширикни айтиш керак. Берилган маълумотлардан фойдаланиб, қандай саволга жавоб бериш мумкинligини тўғри аниқлаш малакаси таркибли масала устида бундан кейин ишлашда муҳимдир. Бу малака ҳамма ўқувчидаги ишни ўқувчиларнинг кучлари етадиган материалдан фойдаланиб, яъни содда масалалардан фойдаланиб илгарирок ўтказиш керак.

Дарсликда берилган шартга савол кўйишга доир материал анчагина. Масалан, «Тепаликда 8 та ўғил бола ва 5 та қиз бола сирпанаётган эди. 4 та қиз уйига кетиб қолди. Ушбу амалларни бажариш билан нимани билиб оласан: $8+5$, $8-5$, $5-4$ ».

Ўқувчиларни таркибли масалаларни ечишга тайёрлашда

берилгандарни етишмайдиган масалаларни ечиш маълум роль ўйнайди.

Бу хил масалалар олдин математика дарслигида бундай кўринишда берилади: «Малик 10 та мисол ечиши керак. У \square та мисолни ечиб бўлди. У яна нечта мисол ечиши керак?». Қўйилган саволга жавоб бериш учун маълумотлар (айни ҳолда битта маълумот) етишмайди. Бу маълумотни ўқувчиларнинг ўзлари киритишларига имкон бераб, уларнинг эътиборларини киритилаётган маълумот масаланинг шартида берилган маълумотларга боғлиқ бўлишига қаратиш керак. Чунончи, масалан, «дарча» га 11, 12 сонларини қўйиб бўлмайди, чунки ўқувчи бор-йўғи 10 та мисол ечиши керак эди. Аслида таркибли масалаларни ечишда ҳам шундай вазият ҳосил бўлади. Масалан, масаланинг асосий саволига (масалан, икки амалли масаланинг) жавоб бериш учун битта маълумот етишмайди. Бу маълумотни масалада берилган бошқа маълумотлардан фойдаланиб топиш керак. Бунда энди вазият анча мураккаб бўлади. Шунинг учун ҳам айни маълумотлари етишмайдиган масалаларни ечиш бу малакани аста-секин эгаллаш ва ўқувчилар таркибли масалаларни ечишда юритадиган мулоҳазаларни яратиш имконини беради.

Шунга ўхаша топшириқ бошқачароқ шаклда бундай берилган: «Масалаларни тўлдир ва уларни еч:

1) Қўёnlар учун бир бosh карам ва бир сават сабзи келтиришди. Сабзилар карамдан 2 кг ортиқ эди. Қўёnlарга неча килограмм сабзи келтиришган?

2) Арчада 10 та яшил чирок (лампочка) ёниб турибди, қизил чироклар эса яшил чироклардан камроқ. Арчада нечта қизил чироқ бор?

Таркибли масалаларни ечишга тайёрлашда икки саволли масалалар алоҳида ўрин тутади. Масалан: «Дурадгор 8 та китоб токкаси, ундан 3 та кам ошхона токкаси ясади. Дурадгор нечта ошхона токкаси ясаган?» Берилган топшириқка асосланиб, у билан ишлашга ижобий яқинлашиш мумкин. Масалан, ўқувчиларга саволларни бошқача тартибда бериш ва олдин қайси саволларга жавоб бериш кераклигини ёки берилган саволлардан қайсина исига ўқувчилар жавоб бера олишларини аниqlаш керак. Бу мисол ўқувчиларга бу саволларнинг ўзаро боғлиқ эканликларини тушуниш имконини беради. Бу омилни яхши ўзлаштириш учун ўзаро боғлиқ бўлмаган иккита саволли масалани ечиш учун бериш керак ва ўқувчилар эътиборини шу ҳолга қаратиш керак. Масалан, бундай масалани бериш мумкин:

«Биринчи токчада 6 та, иккинчи токчада эса 8 та китоб бор. Иккала токчада нечта китоб бор? Бир токчадаги китоблар бошқа токчадаги китоблардан нечта ортиқ?»

Иккинчиси биринчисининг давоми бўлган ўзаро боғлиқ иккита содда масалани ечиш топшириги ўқувчилар учун анча қийинлик қиласди. Шунга қарамай бундай топшириклар ҳам таркибли масалани ечишга тайёрлаш ва ечиш босқичида фойдалидир. Бундай топширикка мисол келтирамиз:

1) «Салимнинг 6 та эртакли ва 4 та болалар ашуласи ёзилган пластинкаси бор. Салимнинг ҳаммаси бўлиб нечта пластинкаси бор?»

2) «Салимнинг 10 та пластинкаси бор эди, ўртоғига битта пластинкасини совға қилди. Собирда нечта пластинка қолди?».

Биринчи масалани ечиб, жавобда 10 та пластинка топилгандан кейин болаларнинг эътиборини 10 та пластинка нимани билдиришига қаратиш керак. Бунинг учун масаланинг саволига тўла жавоб бериш керак: «Салимда 10 та пластинка бор». Тўла жавобни доскага ёзиш фойдали. Иккинчи масала текстини таҳлил қилишда ўқувчилар эътиборини иккинчи масаланинг шарти биринчи масала саволига олинган жавобдан бошланаётганига қаратиш керак.

1) Бир цехда 10 та, иккинчи цехда эса ундан 4 та кам станок бор. Иккинчи цехда нечта станок бор?

2) Бир цехда 10 та, иккинчи цехда эса □ та станок бор. Иккала цехда нечта станок бор? каби масалада иккита содда масала билан ишлашнинг янада қизиқарли усули берилган.

Бу топшириқда иккита методик усулнинг қурамасидан фойдаланилган, яъни ўзаро боғланган иккита содда масалани ечиш ва берилган маълумотлари етишмайдиган масалани ечишдан фойдаланилди. Иккинчи масалада етишмайтган маълумотни тўлдириш учун биринчи масалани ечиш керак. Бундай иш таркибли масалаларни ечишга тайёрлаш ва ечишдагина фойдали бўлмай, балки бундай масалалар билан ишлашда ҳам фойдали.

Кўйилган саволга жавоб бериш учун зарур бўлган керакли маълумотларни танлаш малакасини шакллантириш учун «мавқум маълумотли» масалаларнинг ҳам фойдаси катта. Масалан: «Валида 6 та, Лолада ундан 2 та кам значок бор, Камолда эса 3 та значок бор, Вали билан Камолда нечта значок бор?»


Бундай масалани бериш ҳам ўринли: «Дарахтда 10 та күш ўтирган эди. 3 та қүш, кейин яна 2 та қүш учиб кетди. Нечта қүш учиб кетди?» Бу хил масала билан ишлаш бундай топширик билан түлдирилиши мумкин: «Бу масалада жавоб бериш мумкин бўлган яна савол ўйлаб топинг». (Дарахтда нечта қүш қолган?)

2-§. Таркибли масала билан танишиш

Таркибли масала билан таништиришда ҳар хил методик усуllibардан фойдаланиш мақсадга мувофиқ.

1. Масалани, масалан, бирданига ечишга киришиш мумкин. Мисол тариқасида ушбу масалани келтириш мумкин: «Биринчи кутида 6 та қалам, иккинчи кутида 2 та кам қалам бор. Кутилардаги ҳамма қалам нечта?»

Ўқитувчи масала шартини гапириб берар экан, биринчи кутида нечта қалам борлигини (6 та) кўрсатади; берк кутини кўрсатади ва ундан қаламлар 2 та камлигини айтади (72-расм). Саволни ифодалаб, ўқитувчи бир кутини иккинчисига яқинлаштиради. Шундан кейин болалар масалани ўқитувчининг саволлари бўйича такрорлашади, ўқитувчи эса ишнинг боришида доскада схематик расм бажаради: «Биринчи кути ҳақида нима маълум? (Биринчи кути расмида 6 та қ. ёзуви пайдо бўлади). Иккинчи кутида қанча қалам борлиги маълумми? (Иккинчи кутига савол



6 та қалам

? , 2 та кам

72-расм.

белгиси қўйилади). Иккинчи кутидаги қаламлар ҳақида нима маълум? (Расм остидаги ёзув: 2 та қ. кам.) Масалада нима ҳақида сўралмоқда? (Иккала қути катта қавс билан бирлаштирилади ва унинг остига савол белгиси қўйилади.) Расм тайёр бўлганидан кейин болалар у бўйича масалани такрорлашади, бунда ҳар бир сон нимани билдиришини ва масаланинг саволи нималигини тушунтиришади.

Шундан кейин муҳокама қилиниб, болалар масаланинг ечилишига келтирилади: «Биринчи кутида нечта қалам борлигини биз биламизми? Иккинчи кутида-чи? Иккала кутидаги қаламлар нечталигини бирданига (бир амал билан) била оламизми? Нега била олмаймиз? (Иккинчи кутида нечта қалам борлиги номаътумлиги сабабли била олмаймиз.) Иккинчи кутида нечта қалам борлигини бирданига била оламизми? (Била оламиз.) Бунинг учун нима қилиш керак? Нега? 2 ни айриш билан нимани билиб оламиз? (Иккинчи кутида қанча қалам борлигини билиб оламиз.) Иккала кутида биргаликда қанча қалам борлигини билиш учун бундан кейин нима қилиш керак? (Биринчи кутидаги қаламлар сони билан иккинчи кутидаги қаламлар сонини қўшиш керак.) Шунда биз масаланинг асосий саволига жавоб бера оламизми? (Ха.) Масаланинг ечилишини доскага ва дафтарларга ёзишади. Ўқитувчи тушунтиради ва ёзувни қандай бажаришни кўрсатади: олдин биз нимани билиб олишимиз керак? Қайси амал билан? (Сатрнинг ўртасига биринчи амални ёзамиз, бунинг учун 1 рақамини кўямиз, бу рақамдан ўнгрокқа нукта кўямиз, нуктадан бир катак сурилиб, биринчи амалнинг ечилишини ёзамиз: $6 - 2 = 4$ (қ.)) Шундан кейин биз шимани билиб оламиз? Қандай амал билан? (Топилган натижага яна 6 ни қўшдик.) Иккинчи амални ёзамиз. Бунинг учун биринчи амалнинг остига (1 рақами остига) 2 рақамини ёзамиз, ундан кейин нукта кўямиз, ундан бир катак сурилиб, иккинчи амалнинг ечилишини ёзамиз: $4 + 6 = 10$ (қ.). Ўқувчилар масаланинг жавобини айтадилар.

Ечимнинг ёзилиши бўйича болалар биринчи амал билан нимани билганликларини, иккинчи амал билан нимани билганликларини ва масаланинг саволига қандай жавоб бериш мумкинлигини яна бир марта тушунтиришлари мумкин.

Масаланинг ечилиши бундай қўринишга эга бўлади:

$$1. \ 6 - 2 = 4 \quad (\text{қ.})$$

Жағоб: 10 та қалам.

2. «Таркибли масала» түшүнчесини түшүнтириш учун бошқа усулдан ҳам фойдаланиш мүмкін.

Үқитувчи масала текстини беради, уни қисқа ёзув билан таъминлады: «Мунира, Васила, Сирожиддин ва Карим бок-қа борищди. Мунира 4 та ёнғоқ, Васила ундан 2 та ортиқ, Сирожиддин эса Василага қараганда 1 та кам, Карим эса Сирожиддиндан 3 та ортиқ ёнғоқ топди. Карим нечта ёнғоқ топган?»

M. — 4 та ё.

B. — M. дан 2 та ортиқ ё.

C. — B. дан 1 та кам ё.

K. — ?, C. дан 3 та ортиқ ё.

Сұхбат ўтказилади.

— Қаранг,— дейди үқитувчи,— масалада биттагина савол бор: Карим нечта ёнғоқ топган?

Үқитувчи бу саволни қисқа ёзувда қизил ранг билан ажратади.

— Карим топган ёнғоқлар ҳақида нима дейилган? Карим Сирожиддиндан 3 та ортиқ ёнғоқ топган. (Аммо Сирожиддин нечта ёнғоқ топганини ҳам билмаймиз. Келинг савол белгисини құямыз.)

Қисқа ёзувда тегишли савол белгиси қўйилади.

— Сирожиддин ҳақида нима дейилган? (Сирожиддин Василадан 1 та кам ёнғоқ топган.) Аммо биз Васила нечта ёнғоқ топганини ҳам билмаймиз. Васила ҳақида нима дейилган? (Васила Мунирадан 2 та ортиқ ёнғоқ топган.) Демак, учинчи савол пайдо бўлди. Бу саволлардан қайсини сига биз жавоб бера оламиз? Охирги қўйган саволимизга жавоб бера оларми?

Буни үқитувчи таъкидлайди, ўқувчилар эса қисқа ёзувдан тегишли савол белгиси кўрсатишади. Үқитувчи қисқа ёзувнинг олдинги икки сатрини ўраб қўяди.

— Васила нечта ёнғоқ топганини қандай билиш мүмкін? Ўқувчилар аслида сонни бир неча бирлик орттиришга доир содда масалани еча оладилар. Үқитувчи қисқа ёзув ёнига амални ёзади ва жавоб б нинг остига чизади:

1) $4+2=6$ (ё.)

— Ким 6 та ёнғоқ топган? (Васила.) Энди биз Сирожиддин нечта ёнғоқ топганини била оламизми?

Амални ёзиш олдингига ўхшаш бажарилади:

2) $6-1=5$ (ё.)

— Энди биз масаланинг асосий, қизил ранг билан ажратилган саволига жавоб бера оламизми?

Учинчи амал ёзилади: 3) $5+3=8$ (ё.)

Бу ишни аниқ бир хилдаги масаланинг ечилишини тушунтириш деб баҳоламаслик керак. Бу методик усул, холос, ўқитувчи бундан таркибли масала тушунчасини тушунтириш учун фойдаланиши мумкин. Мазкур усуудан фойдаланиш ўқитувчидан катта маҳорат талаб қиласди, албатта. Бу ўйин элементи ҳам (ажратилган саволларга жавоб беришда ютиб чиқиши), бу ўқувчиларни масала саволига жавоб излашда ўқувчиларни активлаштирувчи сұхбатнинг эмоционал бүёғи ҳам, ўқувчиларни мулоҳазага максимал жалб қилиш ҳам, масала қысқа ёзувины ўқиши (ўқитувчи бошчилигіда) ҳам, арифметик амални таңлаш ҳамдир. Ўтказилган иш бутунича таркибли масалани ечишга яқынлашишга доир тасаввурни шакллантиради ва ўқувчилар олдин әгаллаб олган билимлар, малакалар ва күнникмаларга таянади, шу сабабли мазкур ишни ўтказиш бутунлай ўқитувчи раҳбарлигіда бўлиши мумкин.

Таркибли масала билан таништиришнинг биринчи дарсидан кейиндоқ таркибли масалани уйда ечишга бериб бўлмайди, бунинг учун болалар олдин таркибли масаланинг ечилишини ёзиш малакасини әгаллаб олишлари керак.

Ўқувчиларни таркибли масала билан таништиргандан кейин тавсифланган иш усууллари ўз аҳамиятларини йўқотмасликлари керак. Дарсларда таркибли ва содда масалаларни ечибгина қолмай, балки таркибли масалаларни ечишга тайёрлашда фойдаланилган ҳар хил методик усууллардан ҳам ижодий фойдаланиш керак. Масалан, ўқувчиларни таркибли масалалар билан таништирилгандан кейин, иккинчи дарсада бундай ишни ташкил қилиш мумкин:

Доскага иккита содда масала тексти ёзib қўйилади.

1. Бўёқчи бир квартирада 6 эшикни, иккинчи квартирада 4 та эшикни бўяши керак. Бўёқчи қанча эшикни бўяши керак?

2. Бўёқчи 10 та эшикни бўяши керак. У 7 та эшикни бўяб бўлди. У яна нечта эшикни бўяши керак?

Ўқитувчи олдин синфнинг содда масалани ечиш бўйича (фронтал ёки мустақил, оғзаки ёки ёзма) ишни ташкил қиласди. Шундан кейин у мураккаб (таркибли) масала текстини беради: «Бўёқчи бир квартирада 6 та, иккинчи квартирада 4 та эшикни бўяши керак. У 7 та эшикни бўяб бўлди. Бўёқчи яна нечта эшикни бўяши керак?».

Ўқувчилар эътиборини берилган таркибли масала би-

лан содда масалалар орасидаги боғланишга қаратиш учун содда масалалар текстидан таркибли масаланы ажратиш (тагига чизиш ёки ўраб қўйиш билан) фойдали. Мазкур усул таркибли масалаларда содда масалаларни кўришга ёрдам беради. Кейинчалик баъзи таркибли масалаларни ечишда таркибли масалада содда масалаларни ажратиш фойдали бўлади.

Дарсларга факат содда ва таркибли масалаларни ечишнигина эмас, балки шунингдек уларни таққослашни, таркибли масалаларни ечишга йўналтирилган ҳар хил топшириқлардан ижодий фойдаланишни ҳам киритиш керак. Масалан, «5 сўмга машина, 3 сўмга барабан ва 4 сўмга милтиқ сотиб олишди. Бу йўинчоқларнинг ҳаммаси неча сўм туради?» Масала билан ишлашни бундай ташкил қилиш мумкин. Олдин берилган шартга ҳар хил саволлар тақлиф қилиш керак, бу саволларга болалар оғзаки фронтал иш вақтида жавоб беришади: машина билан барабангага қанча пул тўлашган? Милтиқ билан барабангага қанча пул тўлашган? Машина билан милтиқга қанча пул тўлашган? Машина барабандан неча сўм қиммат туради? Милтиқ барабандан неча сўм қиммат туради?

Ўтказилган фронтал иш берилган таркибли масаланинг ҳар хил усуллар билан ечилиш имкониятини тушунишга имконият беради:

1 - у с у л	2 - у с у л	3 - у с у л
1) $5+3=8$ (сўм)	1) $5+4=9$ (сўм)	1) $3+4=7$ (сўм)
2) $8+4=12$ (сўм)	2) $9+3=12$ (сўм)	2) $7+5=12$ (сўм)

Ажратилган вақтда ўқувчиларга мустақил ечиш учун таркибли масалани бериб, ўқитувчи ишнинг боришини кузатиб туради. Шундан кейин доскада берилган масаланинг учта усул билан ечилиши очилади, бунда ўқитувчи ҳар бир ўқувчи ўзи танлаган усулни топишини тақлиф қиласди.

Бундан кейинги иш вазиятга қараб ўтказилади. Агар учала усул ҳам ўқувчиларнинг ишларида ўз аксини топган бўлса, у ҳолда ўқитувчи ҳар бир усулни тушунтириб беришни тақлиф қиласди. Бунинг учун ўқитувчи топшириқни мустақил уddaрай олмаган ўқувчиларни чақиради. Топшириқни мустақил уddaлаган ўқувчилар уларни текшириб турадилар, уларга йўналтирувчи саволлар бериш билан ёрдам берадилар. Улар, масалан, ушбуларни сўрашади: 5 сони нимани билдиради? 3 сони нима ни билдиради? Агар 5 га 3 ни қўшсак, биз нимани биламиз? Ва ҳ. к.

Ердам бериш шакли ўқитувчи томонидан масалани ечиш учун таклиф қилинган усуллардан исталганини мұхокама қилиш пайтида күрсатилиши мүмкін. Бажарилған иш ўқувчиларни иккінчи топширикни бажаришга тайёрлайды: «Олдинги маълумотларнинг ўзидан фойдаланиб, бундай ечиладиган масалалар туз: $5+3$, $5-3$, $4-3$, $4+4$ ».

Таркибли масалалар билан ишлашда тайёр ечимларни анализ қилиш билан боғлиқ топшириқлардан фойдаланиш керак. Масалан: «Ёзувларни қара ва уларнинг ҳар бири қайси масалага тегишли эканини тушунтир: $(3+2)+3$, $3+2$.

1) Биринчи бидонда 3 л, иккінчи бидонда ундан 2 л ортиқ сут бор. Иккінчи бидонда неча литр сут бор?

2) Биринчи бидонда 3 л, иккінчи бидонда ундан 2 л ортиқ сут бор. Иккала бидонда қанча сут бор?»

Бу топширикни бажаришдан олдин масалалар текстларини таҳлил қилиш ва таққослашга доир иш ўтказиш керак, бу иш давомида ўқувчилар масалаларнинг шартлари бир хил, уларнинг саволлари дагина фарқ борлигини таъкидлайдылар.

Содда масалаларни ечишга алоҳида эътибор бериш билан бирга уларни ўқувчилар мустақил ечишларини ташкил қилиб, бу ишни таркибли масалаларни ечиш малакасининг шаклланиши билан оқилона қўшиб олиб бориш керак.

Масалан, ўқувчиларга «Қизча 8 тийинга блокнот сотиб олди. У 20 тийиндан қанча қайтим олади?» масаласини мустақил ечиш учун таклиф қилиб, уни фронтал текшириш билангина ёки шу мақсадда масаланинг индивидуал доска-даги ечилишидан фойдаланиш билан чекланмаслик керак. Масала мустақил ечиб бўлинганидан кейин, топширикнинг уддасидан чиқа олмаган ўқувчиларни масалани роллар бўйича ўйнашга таклиф қилиш фойдали. Харидор қўлида 20 тийинликни ушлаб туради (20 тийиннинг демонстрацион моделидан фойдаланилади), сотувчидаги эса тангалар набори бор. У харидорга қайтим бериши керак. Буни қандай қилиш мүмкін? Ўқувчилар йигиндида 12 тийинни берадиган ҳар хил чақалар наборини айтишади.

Шундан кейин ўқитувчи столида яна битта предмет, масалан, 3 тийинлик дафтар пайдо бўлади.

Ўқитувчи синфга мурожаат қиласи: «Агар қизча 3 тийинга яна битта дафтар сотиб олса, у 12 тийиндан кўп қайтим оладими ёки кам қайтим оладими?»

Таркибли масала «ўйналган» идан кейин ўқитувчи шартни түлдиради: «Қизча 8 тийинга блокнот ва 3 тийинга дафтар сотиб олди. У 20 тийиндан қанча қайтим олади?» ва сўрайди: «Бу масала дарсликда берилган масаладан нимаси билан фарқ қиласди?» (Бу мураккаб масала, унинг саволига жавоб бериш учун иккита амални бажариш керак.)

Шундай қилиб, дарсда содда ва таркибли масалаларни ечиш режалаштирилар экан, дарсликда берилган топширикларга нисбатан ҳар хил методик усувлардан фойдаланиш керак.

3-§ Масаланинг қисқа ёзувини тузиш

Масалани ечиш ҳар доим унинг шарти ва унга қўйилган савол билан танишишдан бошланади. Болалар етарлича тез ўқишни ўрганиб олгунларига қадар масала шарти ва унга қўйилган саволни ўқитувчи гапириб беради ёки ўқиб беради. Аммо болалар тез ўқиш малакасини эгаллаб олганларидан кейин, одатда таркибли масалаларни ечишни бошлашга қадар улар бу кўникмани эгаллаб олган бўладилар, масалани ўқишни ўқувчилардан бирига таклиф қилиш, баъзи ҳолларда эса ҳамма ўқувчига товуш чиқармай ўқишини таклиф қилиш мумкин. Ўқиш жараёни таркибига текст сўзларини товуш чиқариб ёки товуш чиқармай ўқишига эмас, балки ўқилганлар мазмунини шундай тушуниш ҳам кирадики, унда ҳар бир сўз тўғри ва аниқ айтилсин, мантикий урғу ва тўхталишлар (паузалар) зарур ўринларга тушсин, бутун ўқиш эса аниқ ва ифодали бўлсин. Агар масала текстида болаларга нотаниш сўзлар ёки иборалар учраса, у ҳолда буларни ўқиш бошланишигача тушунтириб бериш тавсия этилади. Бу иш шунинг учун керакки, ўқилган текстни тингловчиларнинг ҳаммаси бутунича идрок қилишлари лозим.

Болаларни масалани ўқишга ўргатиш учун ўқитувчи уларни масалани ўқиш бўйича машқ қилдириши керак. Масала билан таништиришда ҳар хил усул ва услублардан фойдаланиш мумкин:

- 1) ўқитувчи ўқийди ёки гапириб беради, ўқувчилар эса тинглашади;
- 2) ўқитувчи ўқийди, болалар эса дарслик текстини кўзлари билан кузатиб турадилар;
- 3) болаларнинг ҳаммаси овоз чиқармай ўқишиади, сўнгра ҳаммалари баланд товуш билан айтишиади ёки

болалардан биттаси масала мазмунини боғлиқли ҳикоя қилиб беради;

4) ўқитувчининг чақириши бўйича бир ўкувчи шартни ўқийди, қолган болалар текстни дарслидан кузатадилар;

5) ўқитувчининг чақириши бўйича ўкувчилардан бири масалани баланд овоз билан ўқийди, қолган болалар ўқишни тинглаб қабул қилишади;

6) ўкувчилар масалани товуш чиқармай (кўзлари билан) ўқишиади, сўнгра эса ўқитувчининг саволлари бўйича масаладаги берилганларнинг ҳар бири нимани билдиришини тушунтириб беришади.

Уй вазифаси сифатида ўкувчиларга бериладиган масалалар кўп ҳолларда дарсда кўрсатилган усууларнинг биридан фойдаланиб ўқилиши керак. Бунда ўқиб бўлинганидан кейин ўқитувчи қисқа суҳбатда болаларга тушунарсиз бўлган жойларини тушунтириб беради. Ўқилган масала мазмунини ўкувчилар қандай тушунганликларини текшириш учун уларга масала мазмунига доир бир нечта савол бериш керак, бу ўкувчиларнинг масала мазмунини қанчалик тушунганликларинигина аниқлаш эмас, балки шу билан бирга масалани такрорлаш имконини ҳам беради.

Масала мазмунига доир саволларни ҳар хил тузиш керак. Ўқитишининг биринчи босқичида уларни соддароқ шаклда бериш керак, масалан: «Синфга нечта ўкувчи келган? Нечта ўкувчи келмаган?» Шундан кейин саволлар бироз қийинлаштирилади, масалан, «12 кг сони нимани билдиради?» Бу савол тўла жавоб беришни талаб қиласи. Машғулотлар жараёнида саволларни ўзгартириб туриш тавсия этилади.

Масала текстини ўқиши иложи борича кам такрорлаш керак, масалан, биринчи ўқишида текст бузилган ҳолда уни такрорлаш мумкин. Вактни такрорлашга сарфламаслик учун болаларни масала текстини бир марта ўқишидаёқ эслаб қолишга ўргатиш керак. Агар масала шартини ўкувчилар етарлича яхши тушунишмаган бўлса, у ҳолда масалани ўқитувчи саволлари бўйича такрорлаш керак, шундан кейин ўкувчилардан бири уни боғлиқли ҳикоя тарзида гапириб беради.

Масала мазмунини такрорлашни ҳар хиллаштириб бориш керак. Такрорлашнинг энг содда усули — саволларга жавоб беришдан бошлаб, болаларни секин-аста масала мазмунини ўз сўзлари билан боғлиқли ҳикоя қилиш тарзида гапириб беришга ўргатиш керак. Таркибли масалани такрорлашда одатда унинг қисқа ёзувидан фойдаланилади.

Мазмуни унча қийин бўлмаган масалани маълумотларни ёзмасдаи тақрорлашни таклиф қилиш мумкин.

Агар масалани дарсда биргаликда қарап назарда тутилса, у ҳолда масала маълумотларини масала ўқитувчи ёки ўқувчилардан бири томонидан ўқилаётганда доскага ёзиш мумкин. Бу ёзувдан одатда масалани тақрорлашда фойдаланилади; у масаланинг қисқа ёзуви бўлади. Масаланинг қисқа ёзуви унинг текставий мазмунини соддлаштириш, номухим нарсаларни ташлаб юбориш ва микдорлар орасидаги боғланишларни очиш имконини беради.

Ҳамма масалалар учун ҳам қисқа ёзув зарурми? Йўқ, албатта. Шундай содда масалалар борки, уни ҳамма болалар тез ечишади. Бу ҳолда қисқа ёзувни бажариш мақсадга мӯвофиқ эмас.

Қисқа ёзувни тузишда омилкорона раҳбарлик қилиш, бу ишда ўқувчиларнинг мустакилликларини борган сари ошириш шунга олиб келиши керакки, аввало берилган сон маълумотларни ўйламай-нетмай қўшиш, кўпайтиришдан олдин масалага доир кичик схема ёки расм чизишади, бу уларга масаланинг математик мазмунини тушуниш, идрок қилиш имконини беради.

Масалага доир қисқа ёзув тузишда қуидаги қоидаларга амал қилиш керак:

1. Қисқа ёзув масала мазмуни билан танишилгандан кейин тузилади ва ечиш йўлларини излашнинг муҳим воситаси бўлиб хизмат қиласди. Ўқувчилар қисқа ёзувга асосланиб, ўқитувчи бошчилигида масалани таҳлил қилишади.

2. Қисқа ёзув ихчам, аниқ бўлиши ва микдорлар орасидаги боғланишларни айний акс эттириши керак. У ҳар хил шаклда, яъни жадвал тарзида, чизма, расм, схема кўринишида ва ҳ. к. тасвирланиши мумкин.

3. Қисқа ёзувнинг ҳар бир янги кўринишини ўқувчилар ўқитувчи бошчилигида бажарадилар.

4. Дарснинг мақсадлари ва масаланинг қийинлик дараҷасига қараб, қисқа ёзувни ўқитувчи ёки ўқитувчи бошчилигида ўқувчи доскада бажариши мумкин.

Кўпгина содда масалалар биттагина катталиктин ўз ичига олади, бу катталиктининг қийматлари битта сонли тенглик билан боғланган бўлади. Масалан, «Бир кесманинг узунлиги 10 см, иккинчи кесманинг узунлиги эса биринчи кесма узунлигидан 3 см узун. Иккинчи кесма узунлиги қанча?» масаласида битта катталик—узунлик бўлиб, иккин-

чи кесма узунлиги биринчи кесма узунлиги билан 3 см нинг йигиндисига тенг.

Бу хилдаги масалаларни ечишда предметли ва схематик кўрсатмалиликдан фойдаланиш маъқул.

Баъзи таркибли масалалар ҳам битта катталикни ўз ичига олади, аммо унинг сон қийматлари орасида бир қанча боғланишлар борлиги пайқалади. Масалан, ушбу масалани қараймиз: «Болалар боғчасига икки бидонда сут келтиришиди, бир бидонда 32 л, иккинчи бидонда эса 30 л сут бор. Тушлик учун 40 л сут ишлатишиди. Неча литр сут қолди?». Бу ерда иккита боғланиш ўрнатилади: биринчи боғланиш келтирилган ҳамма сут ҳажмини, тушликка ишлатилган ва қолган сут миқдорларини боғлайди, иккинчи боғланиш эса ҳамма сут ҳажмини ҳар бир бидоннинг ҳажми билан боғлайди.

Бу икки боғланишни акс эттириш учун масалага доир қисқа ёзувни бундай тузиш керак. Одатда, биринчи боғланиш учун бор эди, ишлатишиди, қолди сўзларидан фойдаланишади, иккинчи боғланиш учун эса катта қавс ёки вертикал чизикдан фойдаланилади. Иккинчи боғланишга мос келадиган қисқа ёзувни бундай бажариш ҳам мумкин эди:

$$\begin{array}{l} \text{I б.} — 32 \text{ л} \\ \text{II б.} — 30 \text{ л} \end{array}$$

Аммо масала таркибли эканини ҳисобга олиб, бу боғланишни ихчамроқ ифодалаш мумкин, у ҳолда бутун масалани қисқа шаклда бундай кўринишида ёзиш мумкин:

$$\begin{array}{l} \text{Келтиришиди} — 32 \text{ л ва } 30 \text{ л} \\ \text{Ишлатишиди} — 40 \text{ л} \\ \text{Қолди} — ? \end{array}$$

Бошлангич синфлар математика курсига бир неча катталикни тавсифловчи таркибли масалалар киритилган. Ҳар хил боғланишлар турли катталикларни боғлаганликла-ри учун бу хилдаги масалалар кўпинча ўқувчиларда қийинчиликлар туғдиради. Масалан, «Ўқувчилар бир кунда 1200 кг узум узишиди. Шундан 200 кг ни мактаб учун қолдириб, қолган узумларни яшикларга жойлаб шаҳарга юборишиди, бунда ҳар бир яшикка 10 кг дан узум кетди. Шаҳарга неча яшик узум жўнатишган?» масаласида иккита ҳар хил катталик, яъни узум массаси ва яшиклар сони бор. Масаланинг биринчи қисмида бир кунда терилган узум массаси

жўнатилган ва қолган узум массаси билан боғланмоқда. Масаланинг иккинчи қисмига бошқа хил катталик, яъни яшиклар миқдори киради. Бунда жўнатилган ҳамма узум массаси билан яшиклар миқдори орасидаги боғланиш ҳар бир яшикка 10 кг дан узум кетади шартида қаралади.


Бу катталиклар тўғри пропорционал боғланишда, уларни қисқа ёзувда ёнма-ён жойлаштириш мумкин.

Биринчи боғланишни аёний қилиш учун узишди, қолдиришди, жўнатишди сўзларидан фойдаланиш мумкин, аммо бу ҳолда қисқа ёзув жуда катта бўлар эди. Шу сабабли умумий масса сўзлари тагига катта қавс чизиш ёки вертикаль чизик кўйиш ва унинг қаршисига 1200 кг ни ёзиш керак.

Айтилганларни ҳисобга олганда қисқа ёзувнинг кўриниши бундай бўлиши керак:

Битта яшик массаси	Яшиклар сони	Умумий масса
10	?	200 кг 1200 кг ?

Катталиклар орасидаги боғланишларни аниқлашга график моделлар ҳам ёрдам беради. График моделлардан содда масалаларни ечишда ҳам, таркибли масалаларни ечишда ҳам қўлланиш мумкин. Бунда фақат ҳаракатга доир масалаларнига эмас, балки бошқа хил масалаларни ечиш ҳам назарда тутилади. Масалан, ушбу масалага доир қисқа ёзув чизма кўринишида бажарилиши мумкин (73-расм): «Идишдан 5 та банканинг ҳар бирига 2 кг дан асал қўйиши. Шундан кейин идишда яна 3 кг асал қолди. Идишда неча килограмм асал бўлган?»




73- расм.

«Бир тўп матодан 12 та болалар костюми тикиш мумкин. Бунда ҳар бир костюмга 2 м дан мато сарфланади. Катталарнинг ҳар бир костюмига 4 м дан мато кетса, шу тўпдан

нечта катталар костюми чиқади?» масаласида битта маҳсулотта мато сарфи, маҳсулотлар сони ва ҳамма маҳсулотга мато сарфи орасидаги боғланишларни ҳам чизма ёрдамида осон ўрнатиш мумкин (74-расм).


Ушбу масалани қараймиз: «Тикив устахонаси 300 м жун газлама олди. Ундан 100 та бир хил костюм тикиш мумкин. 120 м газламадан костюмлар тикиб бўлишиди. Яна нечта костюм тикиш керак?»



74- расм.

Газлама миқдори ва ундан тикиш мумкин бўлган костюмлар сони (костюмларга бир хил миқдорда газлама сарф қилинганда) ўзаро тўғри пропорционал боғланган. Олинган, ишлатилган ва қолган газлама орасида бошқача боғланиш мавжуд: олинган газламанинг умумий миқдори ишлатилган ва қолган газлама йигиндисига тенг. Бу масала-га доир қисқа ёзув жадвал шаклида бажарилиши мумкин, лекин кўпчилик ўқитувчилар чизма шаклидаги бошқа хил қисқа ёзувлардан ҳам муваффақиятли фойдаланишмокда (75-расм). Чизмани ўқитувчи доскада бажаради, шу билан бир вактда ўқувчиларга масала мазмунига доир саволлар беради. Қисқа ёзув бу шаклнинг афзаллиги унинг аёний ва соддалигидадир, жадвал шакли эса анча мураккаб.

300 м



75- расм.

Шундай қилиб, қисқа ёзув, агар у содда, аёний, мантикий бўлса, масаладаги катталиклар орасида боғланишларни ўрнатишга имкон беради, демак унинг ечилишини осонлаштиради.

Кийинроқ таркибли масалалар билан ишлаш методи-

каси яна бир босқични, яъни масалани ечишга тайёрлашни ўз ичига олиши керак.

Ўқитиш методикасида кўпчилик ўқитувчилар масалани ўқишидан олдин масала мазмунига мос равишда кичкина тарбиявий сухбат ўтказади, аммо бу билан чекланиб бўлмайди. Агар ечиш жараёнида арифметик амалларни бажаришда қийинчилкларга учрашса, у ҳолда тайёрлаш машқлари сифатида дарсга шундай мисолларни киритиш керак.

Миқдорлар орасидаги янги боғланишларнинг мазмунини очиб берадиган содда масалаларни ечиш билан ечиладиган баъзи таркибли масалаларни ечишга тайёрлаш ҳам катта аҳамиятга эга.

Таркибли масалаларни, айниқса бир қанча ҳар хил миқдорлар турли боғланишда бўлган масалаларни ечишдаги қийинчиллик уларда кўпинча янги катталикларнинг мавжудлиги ва улар орасида номаълум боғланишларнинг бўлиши билан тушунтирилади.

Ўқувчилар бу катталикларни яхши тасаввур қилишлари ва улар орасидаги боғланишларнинг мазмунини англаб олишлари учун ўз ичига болаларга нотаниш катталикларни олган содда масалаларни ечиш учун бериш керак, бу нотаниш катталиклар, масалан, ҳаракат тезлиги, сарф нормаси, меҳнат унуми ва бошқалар бўлиши мумкин.

Ҳар хил жинсли катталиклар қатнашган содда масалалар айниқса муҳим аҳамиятга эга, бу хил масалаларни ечиш катталиклар орасидаги боғланишларни ўзлаштириш имконини беради ва вакт, тезлик, масофа, меҳнат унуми, иш вақти, умумий иш унуми ва ҳоказо катталиклар қатнашган таркибли масалалар устида ишлаш учун яхши тайёрланиш базаси бўлиб хизмат қилади.

Чунончи, «Битта ўрдак 6 ойда 30 кг дон ейди. 55 кг дон неча ойга етади?» масаласини ечиш олдидан оғзаки тайёрлаш машқларига ушбу содда масалани киритиш мумкин: «Битта товук 7 ойда 21 кг дон ейди. Товук бир ойда неча килограмм дон ейди?»

Шундай қилиб, таркибли масалаларда катталиклар орасидаги боғланишларни ўрнатиш тайёрлаш функциясини бажарувчи содда масалаларни ечиш билан анча осонлашади.

Таркибидаги катталиклар ҳар хил боғланишлар билан боғланган баъзи таркибли масалаларнинг мазмуни бу масалаларни иккита масалага ажратиш имконини беради, бу масалаларнинг ҳар бири бошланғич масаладан анча осон бўлади, чунки уларнинг математик структураси (тузилиши)

катталиклар орасидаги битта ёки иккита боғланишга эга бўлади.

Ушбу масалани мустақил ечиш учун таклиф қилиш мумкин: «3 та 16 қаватли уй қурилмоқда. Ҳар қайси қаватда 20 тадан квартира бўлади. Ҳамма квартиralарнинг 270 таси бир хонали, 540 таси икки хонали, қолганлари уч хонали бўлади. Бу уйларда нечта уч хонали квартира бўлади?». Агар ўқитувчи болалар қийналиб қолишганини пайқаса, уларга ёрдам бериши керак, бунинг учун масала шартини икки қисмга бўлиш ва ҳар қайси қисм бўйича масала тузиш керак.

Бунинг учун ўқувчиларга масала шартини икки қисмга ажратиш ва биринчи қисм бўйича масала тузишни таклиф қилиш мумкин. Ўқувчилар бу топшириқни осонгина бажарадилар ва бундай масала оладилар: «3 та 16 қаватли уй қурилмоқда. Ҳар қайси қаватда 20 тадан квартира бўлади. Учала уйда ҳаммаси бўлиб нечта квартира бўлади?». Бу масалани ўқувчилар мустақил ечадилар.

Ўқувчилардан биринчи масалага жавоб олганидан кейин ўқитувчи иккинчи масалани тузиш топшириғини беради. Уни бажариб, болалар ушбу масалага эга бўладилар: «960 та квартирадан 270 таси бир хонали, 540 таси икки хонали, қолганлари уч хонали. Уч хонали квартиralар нечта бўлган?». Бу масалани ҳам ўқувчилар мустақил ечадилар ва биринчи масаланинг давоми сифатида ёзадилар.

Куйидаги масалани ечиш кўпчилик ўқувчилар учун қийинлик қиласди: «Бир мактабнинг ўқувчилари 80 т темир-терсак, иккинчи мактаб ўқувчилари эса унинг 5/8 қисми қадар темир-терсак йигишган. Йигилган ҳамма темир-терсакдан заводда рельс тайёрланшиди. Агар ҳар 10 т темир-терсакдан 70 м рельс тайёрланса, у ҳолда қанча рельс тайёрланган?» Бу масалада иккита мактаб ўқувчилари йикқан темир-терсак массалари иккита боғланиш билан, темир-терсак массаси билан рельслар узунлиги пропорционал боғланиш билан боғланган.

Бу ўринда ўқувчилар масаланинг қисқа ёзувини ўқитувчи бошчилигига доскада ва дафтарларда бажаришлари қулай, бу қисқа ёзув масалани икки қисмга бўлишга ёрдам беради:

I м. — 80 т

II м. — ?, 80 т нинг 5/8 қисми

10 т дан — 70 м

? дан — ?

Таҳлил жараёнида ўқитувчи ўқувчиларга шартнинг биринчи қисми бўйича тузган масалаларини ечишни таклиф

килиши мумкин: «Бир мактабнинг ўқувчилари 80 т темир-терсак, иккинчи мактаб ўқувчилари эса шу миқдорнинг 5/8 қисмини йигиди. Иккала мактабнинг ўқувчилари ҳаммаси бўлиб неча тонна темир-терсак йиғишган?»

Шундан кейин у доскада савол белгиси ўрнига жавобда ҳосил бўлган 130 т сонини ёзишни ва қисқа ёзувнинг иккичи қисми бўйича масала тузишни таклиф қилади:

10 т дан — 70 м

130 т дан — ?

Бу хилдаги масалани болалар кўп марта ечишган. Улар бундай мулоҳаза юритишиади: «130 т темир-терсакдан неча метр рельс тайёрлаш мумкинлигини билиш учун бир тоннадан неча метр рельс тайёрлаш мумкинлигини билиш керак. Буни билиш осон, чунки 10 т дан 70 м рельс тайёrlаниши шартдан маълум, демак, бир тоннадан 10 марта кам, яъни ($70 : 10$) м рельс тайёrlанади. У холда 130 т дан бундан 130 марта кўп рельс тайёrlанади, шу сабабли ҳосил бўлган сонни 130 марта орттириш керак». Масала ечилишининг ёзилишини икки қисмга ажратмаслик керак, чунки асосий мақсад бутун масалани ечишдан иборат, уни икки қисмга бўлиш эса шу мақсадга эришиш воситаларидан бириди.

Шундай қилиб, масалалар таркиби катталикларни ўқувчиларнинг тўғри ажратса олишлари ва улар орасидаги боғланишларни тўғри ўрната олишлари масалаларни мудаффакиятли ечиш имконини беради. Бунинг учун масала қисқа ёзувини шундай туза олиш керакки, у катталиклар орасидаги боғланишларни очиш (аниқлаш) имконини берсин.

4-§. Таркибли масалаларни ечишда мулоҳаза юритиш усуllари

Математика ўқитиш методикасида масалалар ечишда мулоҳазалар юритишининг аналитик ва синтетик усуllари мавжуд. Агар масалани ечишда ўқувчи сон маълумотлардан бошлаб изланётган маълумотта қараб таҳлил килган бўлса, у фикрлашнинг синтетик усулидан фойдаланган ҳисобланади. Агар таҳлил изланётган миқдордан маълум миқдорларга қараб олиб борилса, ўқувчи аналитик фикр юритган бўлади. Масалалар ечишнинг кўрсатилган усуllари билан танишиш учун ушбу масалани қараймиз: «Ошхонага 7 кунга 78 кг ун берилган. Олдинги 5 кунда

ҳар куни 12 кг дан ун ишлатилган. Агар бир хилда сарфланса, қолган икки кунда қанчадан ун ишлатиш керак?»

Үқувчилар масалани ўқиб чиқиб, уни қисқа ёзадилар:

$$78 \text{ кг} : \left\{ \begin{array}{l} 5 \text{ кун } 12 \text{ кг дан} \\ 2 \text{ кун ? дан} \end{array} \right.$$

Берилганлар орасидаги боғланишларни тушуниб етиш учун ўқувчилар масалани шу ёзув бүйича қайтаришади. Шартни қайтаришда унни икки хил сарфлашганини ўқувчиларнинг кўришлари мухимдир: олдинги 5 кунда 12 кг дан сарфлаб, қолган унни икки кунга баравар бўлишган. Масала шартидан иккита сон, яъни 12 кг ва 5 кун ўзаро боғланганини кўриш мумкин, шу сабабли ўқувчилар масалани ечишда шартдан иккита сонни танлашади, улар орасида қандай боғланиш борлигини аниқлашади (бир кунда 12 кг дан ун ишлатилган, бундай кунлар эса 5 та), бу оралик саволга қандай амал билан жавоб топишни кўрсатишади ва амални бажаришади: $12 \cdot 5 = 60$ (кг). Шундан кейин ўқувчилар масала шартидан ва топилган натижадан (60 кг) яна иккита ўзаро боғланган сонни ажратишади (78 кг ун бор эди, 5 кунда эса 60 кг ун ишлатилган), улар орасидаги боғланишни аниқлашади, саволни ифодалашади, амални кўрсатишади ва ҳисоблашларни бажаришади ($78 - 60 = 18$ (кг)).

Навбатдаги босқичда ўқувчилар масала шартида берилганлардан ва ҳисоблаш натижасида топган натижаларидан фойдаланиб, бундай мулоҳаза юритадилар: «18 кг ун қолган, уни 2 кунга тенг бўлиш керак, демак, қолган кунларнинг ҳар бирида неча килограммдан ун сарфлашганини топиш мумкин». 18 кг ни 2 кунга тенг тақсимлаш учун бўлиш амалини бажариш керак. Ўқувчилар ёзишади ва ҳисоблашади ($18 : 2 = 9$ (кг)).

Ўқитувчининг «Бу амални бажариб нимани топдингиз?» деган саволига ўқувчилар «Қолган 2 куннинг ҳар бирида 9 кг ундан ишлатилган» деб жавоб беришади.

- Масалада нимани билиш талаб қилинган эди?
- Масалада айни шу саволга жавоб топиш талаб қилинган.
- Масала ечилибдими?
- Ҳа, ечилибди: биз масаланинг саволига жавоб топдик — 9 кг, қолган кунларнинг ҳар бирида 9 кг дан ун ишлатилган.

Ечиб бўлинганидан кейин янги масала тузиб, масалан, бундай масала тузиб ва уни ечиб, текшириш ўтказиш фойдали: «Ҳафтанинг олдинги 5 куни ошхонада 12 кг дан, қолган икки куни эса 9 кг дан ун ишлатилди. Бир ҳафтада қанча ун ишлатилган?»

Тузилган масала ечимини $12 \cdot 5 + 9 \cdot 2$ ифода кўринишида ёзиш ва унинг $12 \cdot 5 + 9 \cdot 2 = 78$ қийматини топиш қулай.

Келтирилган тавсифдан масалани берилганлардан изланаётганга қараб ечиш усулининг (синтетик усульнинг) моҳияти қуидагидан иборат экани кўринади: масалани таҳжил қилинганидан ва берилганлар билан изланаётган миқдор орасидаги боғланиш аниқланганидан кейин масала шартидан бевосита боғлиқ иккита катталик танлаб олинади, улар орасидаги боғланиш аниқланади, содда масала тузилади ва ечилади. Шундан кейин бу ечиш натижаси билан асосий масала шартини яна қарашибади. Бу ишни янги содда масаланинг саволи бошланғич масаланинг асосий саволи билан бир хил бўлгунча давом эттирилади. Охирги содда масаланинг ечими узил-кесил жавобни беради.

Масалалар ечишнинг қараб чиқилган йўли ўзининг соддадек бўлиб кўриниши ҳамда мақсадга мувофиқ изчилиги билан кўпчилик ўқитувчиларни ўзига ром қиласи. Ўқувчилар учун эса ечишнинг бу йўли кўпгина яширин нокулайликларга эга. Ўқувчи ечишга доир бўлмаган саволлар ва амалларни масала ечимига киритади, булар эса ечишни қийинлаштиради ва чалғитиб юборади. Кўпинча бундай қийинчилклар, айниқса маълумотлари ортиқча бўлган масалаларни ечишда пайдо бўлади. Шу хусусиятни ҳисобга олиб, вақти-вақти билан ўқувчиларга маълумотлари ортиқча бўлган масалаларни ечиш учун бериб туриш керак. Шундай ҳоллар юз берадики, ўқувчи масала шартининг ҳамма берилганларидан ёки берилганларнинг деярли ҳаммасидан фойдаланади, аммо масаланинг асосий саволига жавоб чиқмайди. Масала ечилишини берилганлардан изланаётганга қараб излашда ҳамма нарса иккита катталикнинг қийматларини тўғри танлашга боғлиқ. Аммо бу жуфтни танлаш ва амалга нисбатан савол қўйиш кўп жиҳатдан ихтиёрийлик элементларини ўз ичига олади. Мана шунинг учун ечишнинг кўрсатилган йўли жавоб топилиб, текшириб кўрилмагунча ишларнинг тўғри бораётганига ишонишга имкон бермайди.

Бу усул билан масала ечилишининг боришини тартибга солиш учун навбатдаги сонлар жуфтини танлаб, уларга нисбатан бажариладиган амал танлангандан кейин бундай

савол қўйиш тавсия этилади: «Бу нима учун керак?» Бу саволни ойдинлаштириш ўқувчига масала ечилишининг ақалли энг яқин истиқболини кўриш имконини беради. Бу эса жуда муҳим. Аммо бу ёрдамчи қадам масала ечилишининг боришига доир тўла истиқболни (перспективани) бермайди.

Масалани изланаётгандан берилганларга қараб (аналитик яқинлашиш) таҳлил қилишда иш бошқача. Масаланинг мазмуни ва унинг қиска ёзуви билан яхши танишилгандан кейин ўқувчиларнинг эътиборлари (дикқатлари) асосий саволга қаратилади. Уларга «Масала саволига жавоб бериш учун нимани билиш керак?» лигини айтиш таклиф қилинади. Ўқувчилар масалага тегишли ҳамма маълумотларни яна бир марта қараб чиқишади ва топишади: «Қолган кунларнинг ҳар бирида қанчадан ун сарфлаш кераклигини билиш учун маълум сондаги кунлар сонига қанча ун қолишини билиш керак. Кунлар сони шартда кўрсатилган—2 кун, шу 2 кунга қанча ун қолиши номаълум — буни топиш керак».

— 2 кунга қанча ун қолганлигини билиш учун нимани билиш зарур?

— Бунинг учун ун миқдорини билиш керак, бу эса шартдан маълум, шу билан бирга олдинги 5 кунда қанча ун сарфланганини билиш керак.

— Олдинги 5 кунда қанча ун сарфланганини айтиш учун нимани билиш талаб қилинади?

— Бунинг учун бир кунда қанча ун сарфланганини (бу маълум — 12 кг) ва неча кун сарфлашганини билиш керак, бу ҳам маълум (5 кун).

Таҳлил тамом бўлди. Ўқувчилар ечиш планини тузишга киришадилар. Бу ўринда таҳлилда юритилган мулоҳазаларга тескари йўналишда мулоҳаза юритишади, яъни синтетик мулоҳаза юритишади (мана шунинг учун бу усулни аналитик-синтетик усул деб аташади).

Тескари йўл бундай: 5 кун давомида ҳар куни 12 кг дан ун сарфлангани шартдан маълум, демак 5 кунда ишлатилган умумий ун миқдорини топиш мумкин: ҳамма ун 78 кг эди, 5 кунда эса (12·5) кг ун ишлатишган, сонларнинг бу жуфтидан неча килограмм ун қолганини топиш мумкин. Қанча ун қолганини ва бу қолган унни неча кунга бўлиш кераклигини билиб олинганидан кейин масаланинг асосий (бош) саволига жавобни биламиз, яъни:

$$1) \quad 12 \cdot 5 = 60 \text{ (кг)}$$

$$2) 78 - 12 \cdot 5 \text{ ёки } 78 - 60 = 18 \text{ (кг)}$$

$$3) (78 - 12 \cdot 5) : 2 \text{ ёки } 18 : 2 = 9 \text{ (кг)}$$

Масалани изланаётгандан берилганларга қараб таҳлил килиш ва ечишнинг (асосий саволдан бошлаб ечишнинг) хусусияти шундан иборатки, бунда ўқувчи масаланинг асосий саволидан бошлаб шаргнинг бошланғич маълумотларига қараб йўналиб, гескари йўналишда йўл очиб боради.

Қаралган усул мантиқан жиддий, унда ҳар бир қадам асосланган, шу сабабли ихтиёрий амал танлаш бутунлай мумкин эмас. Аммо масалани изланаётгандан берилганларга қараб ечиш, айниқса масала учта амалли бўлганда жуда чарчатиб қўяди: чунки ўқувчи масалани ечишнинг бутун режасини топиши, эслаб қолиши ва хотирасида саклаб туриши керак, шу билан бирга ечишнинг боришидаги белгиланган кетма-кетлигини иккинчи босқичда алмаштириш—бошини оёғига алмаштириб қўйиш (ағдариб қўйиш) керак. Агар ечишни схема тузиш ва ёзиш билан кузатиладиган бўлинса, бу хотира юкини енгиллаштиради, у ҳолда бу ишга қўп вақт кетади. Бундан ташқари ҳамма масала ҳам бу усул билан ечилавермайди.

Масалалар ечишнинг қараб чиқилган иккита усулини таққослаб, яна шуни таъкидлаш керакки, изланаётгандан берилганларга қараб бориш аклий хулосаларнинг таркибан ўзаро боғланган, бир-биридан келиб чиқадиган ихчам занжиридан иборат. Бу мулоҳазаларнинг сабабий-шартний кетма-кетлиги масала ечилишининг тўғри боришини танлашга ёрдам беради. Аммо мулоҳазалар юритишнинг бу усули II — IV синф ўқувчилари учун ҳали одатий эмас, кийин ва ҳар доим ҳам тўла тушунарли бўлавермайди. Қаралаётган усулнинг кўлланиш қийинчилиги шундан иборат.

Ечишнинг берилганлардан изланаётганда қараб бориш йўли ўзига тескари йўлга нисбатан соддароқдир. Ўқувчи бу усулдан фойдаланар экан ўз-ўзига масала берилганлари бўйича нимани топиш мумкин, деган савонни беради, шу билан бирга дастлабки вақтларда масалани ечиш учун амал кераклигини ўйлаб кўрмайди ҳам, бу ҳол кўпинча ўқувчини сохта йўлга олиб боради. Масала ечилишига бундай яқинлашишда тафаккурнинг кам зўрикиши, мулоҳазалардаги енгилликлар ечимнинг ишончли бўлишини таъминлашга салбий таъсир кўрсатади.

Ўқитувчи ечишнинг у ёки бу усулининг афзаллиги масаласини қараётганда дидактика принципларидан келиб

чиқиши керак. Маълумки, бу принциплар қуйидаги қоидаларни ўз ичига олади: ўқитишда осондан қийинга қараб, маълумдан номаълумга қараб бориш керак ва иккинчидан, ўқитишда боланинг шундай ақлий зўриқишини таъминлаш керакки, унинг фикри, фикрлаши тобора ривожланиб борсин.

Масалани изланаётгандан маълумларга (берилганларга) қараб бориш усули билан ечишга болаларни секин-аста ўргатиб бориш керак. Ўз-ўзидан равшанки, содда масалаларни ечишда бу усулдан фойдаланимайди. Содда масалада иккита берилган ва битта савол бор. Аммо бу содда масалаларни ечишда тафаккур шаклида таҳлил элементи йўқ деган гап эмас. Ишнинг дастлабки босқичларидаёқ масала ва унинг элементлари билан таниширилгандан кейин, илгари айтилганидек, масала шарти таҳлилини ўтказиш, чунончи нима берилганини, нимани билиш талаб қилинаётганини ўрнатиш, масаланинг маъноли қисмларини кўрсатиш, масаланинг берилганлари билан изланаётган микдори бир-бири билан қандай боғланишда эканини аниглаш ўқувчилар учун фойдалидир. Масала ечиб бўлинганидан кейин эса, баъзан берилган сонлардан бири ўзгарганда натижа қандай ўзгаришини кузатиш фойдалидир. Келтирилган таҳлил элементлари болаларни ўзаро боғланишларни излаш, хар қандай ҳәётий вазиятда, айниқса бу вазият масала предмети бўлган ҳолларда сабаб-оқибат муносабатларини ўрнатишга ўргатади.

Ходиса ва муаммоларга эришишдаги аналитик-синтетик яқинлашишнинг бу биринчи қадамлари болалар онгида секин-аста муҳрланади ва ривожланади.

Таркибли масалаларни ечишга ўтишда таҳлилнинг роли анча ортади. У мураккаброқ ва ҳар томонламалироқ бўлиб қолади. Бу вактда ўқитувчи болаларда мантикий тафаккур қобилияtlарини ривожлантириш заруратини ва уни хусусийдан умумийга олиб боришни унутмаслиги керак.

Масалаларни ечишда уларни шундай танлаш тавсия этиладики, осон масала таркибли масаладан олдин ечилсин, аммо шу билан бирга таркибли масалани ечишнинг бирор қалитини ўз ичига олсин. Осон масалани аниқ йўл билан ечишни берилганлардан изланаётганга бориш йўли билан қарап керак, бунда шартни таҳлил қилишда ҳам, катталиклар орасидаги боғланишларни аниглашда ҳам, навбатдаги амал учун сонлар жуфтини танлашда ҳам таҳлилнинг баъзи элементларидан фойдаланиш керак. Бунда ҳар доим

танланган амал нима учун керак эканини ва у нимага олиб келишини қараш керак.

Берилгандардан изланаётганга бориш йўли хато ечимга олиб келадиган ҳолларда, асосий саволни ҳал қилиш перспективаси унча тушунарли бўлмаган ҳолда изланаётгандан берилгандарга бориш йўлидан фойдаланиш мақсадга мувофик.

Масалаларни берилгандардан номаълумга бориш усули билан ечиш билан биринчи танишишда икки амалли масалаларни, масалан, бундай масалани танлаш қулай: «Ота қизига кўйлак учун баҳоси 4 сўмлик материалдан 3 м сотиб олди, шундан кейин унинг яна 38 сўм пули қолди. Отанинг неча сўм пули бўлган?»

Ўқувчилар масала билан танишиб, унда маъноли қисмларни ажратишади ва қисқа ёзишади:

$$\left. \begin{array}{l} 4 \text{ сўмдан } 3 \text{ м} \\ 38 \text{ сўм қолди} \end{array} \right\} ?$$

Ўқитувчи савол беради: «Бу масалани бир амал билан ечиш мумкинми?» Бундай қилиш мумкин эмаслигини аниклаб, ўқувчилар эътиборини масаланинг асосий саволига тортади: «Отанинг неча сўм пули бўлган?»

— Бу саволга жавоб бериш учун нимани билиш керак?
— Ота неча сўм сарфлаган ва унда неча сўм қолган?
(Масаланинг шартидан отанинг 38 сўм пули қолганлиги маълум.)

- Ота неча сўм сарфлагани маълумми?
- Йўқ. Аммо буни шартда берилгандарга кўра топиш мумкин.
- Қандай берилгандар буни билишга ёрдам беради?
- Ота ҳар бир метри 4 сўмдан 3 м материал сотиб олди.
- Бу масалани қандай ечиш мумкин? — деб, ўқитувчи болалар фикрларини режа тузишга ўтказади.
- Ота олдин 3 м материал учун қанча тўлаганини биламиз, бунинг учун 4 сўмни 3 га кўпайтириш керак.
- Тўғри. Ота материалга қанча тўлаганини билиб олгандан кейин нимани топиш керак?
- Отанинг қанча пули борлигини билиш керак. Бунинг учун отада қолган пул билан унинг материалга тўлаган пули йигиндисини топиш керак.

Ечишни (1) $4 \cdot 3 = 12$ (сўм); 2) $38 + 12 = 50$ (сўм) ўқувчилар мустақил бажара оладилар.

Масаланинг ечилишини яна бир марта таҳлил қилиш ва унда болалар ўзлари бажарган амалларни қандай тушунтиришларини аниқлаш керак.

Яна бир неча икки амалли масалани шундай усул билан ўқувчилар билан қарашади ва ечишади, шундан кейин бу ечиш усулини кийинроқ масалаларга қўлланиш мумкин.

Ечилишининг биринчи қисми етарлича аниқ бўлган масалалардан баъзиларини ўқувчилар изланаётгандан берилганларга қараб бориш усулига катъий амал қилмай, иккала усулдан биргаликда фойдаланиб ечадилар, яъни масаланинг бошини берилганлардан изланаётганларга қараб бориш билан ечадилар, шундан кейин эса изланаётгандан берилганга қараб бориш усули билан таҳлил қиласидар. Бундай бўлишига тўла йўл қўйилиши мумкин. Мисол учун қўйидаги масалани қараймиз: 2-синф ўқувчилари учун олдин 54 та, кейин эса 39 та дафтар сотиб олишди. Дафтарларнинг ҳаммасини ўқувчиларга баравардан бўлиб беришди. Агар синфда 18 та қиз ва 13 та ўғил бола бўлса, ҳар қайси ўқувчи нечтадан дафтар олган?

Болалар масаланинг шарти билан танишганларидан кейин дарҳол олдин қанча дафтар сотиб олинганини билиш керак дейишади. Бунинг учун қўшиш амалини бажариш керак: $54+39=93$ (даф.). Шундан кейин ўқитувчи масаланинг асосий саволини эслашни таклиф қиласи ва сўрайди:

— Ҳар қайси ўқувчи нечтадан дафтар олғанини топиш учун нимани билиш керак?

— Тарқатилган ҳамма дафтарлар сонини ва ҳамма ўқувчилар сонини билиш керак,— деб жавоб беришади болалар.— Ҳамма дафтарлар сонини биринчи амал билан билиб олдик, ҳамма ўқувчилар сонини топиш учун 18 билан 13 ни қўшиш керак.

— Иккинчи амал билан нимани топиш керак?

— Агар синфда 18 та қиз ва 13 та ўғил бола бўлса, синфдаги ҳамма болалар сонини топиш керак. Бунинг учун қўшамиз: $18+13=31$ (ўқ.).

— Шундан кейин нимани биламиз?

— Ҳар қайси ўқувчи нечтадан дафтар сотиб олган? Бунинг учун бўлишни бажарамиз: $93 : 31 = 3$ (даф.).

Масала ечилишини тақрорлаб, бажарилган ечим бўйича бутун таҳлилни бажариш фойдалидир. Масалада ҳар қайси ўқувчи нечтадан дафтар олғанини билиш керак эди. Бунинг учун ҳамма ўқувчилар қанчалигини ва ҳаммаси бўлиб қанча дафтар сотиб олинганини билиш керак эди. 54 ва 39 сонларини қўшиш билан қанча дафтар сотиб олинганини

билиш мумкин. Ҳамма ўқувчилар сонини топиш учун қиз болалар сонини ўғил болалар сонига қўшиш керак.

Изланаётгандан берилганларга бориш йўли билан масалалар ечишни ўзлаштиришдаги навбатдаги боскич таркибли масалани ечишнинг тескари йўналишини (таҳлилни) тўла оғзаки разбор қилиш билан ечишдан иборат бўлади, шундан кейин ечиш режасини оғзаки тузиш (синтез) ва масала саволига жавоб олиш учун ҳамма амалларни бажариш амалга оширилади. Масаланинг ечилишини текшириб, янги масала тузиш фойдали, бу масала таркибига жавоб берилган сифатида, берилганлардан бири эса изланаётган сифатида киради. Масалан, қаралган масалани текшириш учун қўйидаги масалани тузиш ва ечиш мумкин: «18 та қиз ва 13 та ўғил бола ўқийдиган синф учун ҳар бир ўқувчига 3 тадан дафтар сотиб олиш керак. 54 та дафтар сотиб олишди. Яна нечта дафтар сотиб олиш керак?»

Бу масаланинг ечилишини тушунтиришлар билан амаллар бўйича ёзиш мумкин:

- 1) $18 + 13 = 31$ (бала) — синфдаги ўқувчилар.
- 2) $3 \cdot 31 = 93$ (д.) — шунча дафтар керак.
- 3) $93 - 54 = 39$ (д.) — яна шунча дафтар сотиб олишади.

Жавоб: 39 та дафтар.

Болалар кейинги масалаларни мустақил ечишда ечиш усулини уларнинг ўзлари танлашади. Уларни маълум ечиш йўлидан фойдаланишга мажбур қилиш керак эмас. Улар ўзларининг кучлари етадиган усулдан фойдаланишсин. Универсал усул йўқ. Аммо масалаларни таҳлил қилишда ўқитувчи шуни унутмаслиги керакки, ўқувчи масаланинг ечиш йўлини ўз мулоҳазаларида анализ билан синтез биргаликда келгандагина топа олади, яъни масала маълумотларидан келиб чиқиб, унинг фикри изланаётганга қараб боради, изланаётгандан эса берилганларга боради, ва аксинча. Фақат шундай фикрларнинг биргаликда бориши масала ечилиши жараёнини тўғри ташкил қиласди.

5- §. Типик масалаларни ечиш

Бошлангич (I—IV) синфлар ўқувчилари ечадиган масалалардан қўйидаги хилларини ажратиш мумкин:

1. Тўртинчи пропорционал микдорни топишга доир масалалар.
2. Пропорционал бўлишга доир масалалар.
3. Икки айирма бўйича сонларни топишга доир масалалар.

Бундан ташқари бу синфларда маълум мазмунли масалалар ечилади: а) вақтга доир масалалар; б) ҳаракатта доир масалалар; в) геометрик мазмунли масалалар.

Соннинг улушкини топишга доир ва унга тескари масалани алоҳида қараш керак.

Болалар олдин ва бошқаларидан кўпроқ учратадиган масала тури — тўртинчи пропорционал миқдорни топишга доир масаладир. Бу хилдаги масалага учта боғлиқ (пропорционал) катталиклар киради, масалан: 1) баҳоси, қанча туриши ва миқдори; 2) тезлик, ўтилган йўл ва ҳаракат вақти; иш, иш вақти ва тайёrlанган деталлар миқдори. Бунда битта катталик учун иккита қиймат берилади (масалан, миқдор: бир марта 6 та, иккинчи марта 14 та дафтар сотиб олинган); иккинчи бир катталик учун битта қиймат берилган, иккincinnи эса топиш керак (мисол: биринчи хариднинг қиймати 12 тийин, иккинчи марта қанча тўлашган?); учинчи катталиктининг қийматлари берилмайди, аммо улар бир хил экани айтилади (бизнинг мисолда дафтарларнинг баҳоси кўрсатилмаган, аммо у бир хил). Шундай қилиб, масалага 3 та катталик ва бу катталикларнинг 3 та қиймати киритилади.

Тўртинчи пропорционал миқдорни топишга доир масалаларни ечишда қуйидаги усуллардан фойдаланилади: 1) бирликка тўғри келтириш усули; 2) бирликка тескари келтириш усули; 3) нисбатлар усули.

Шу усулларнинг ҳар бирини қараб чиқамиз.

Бирликка тўғри келтириш усули шундан иборатки, унда олдин пропорционал миқдорлардан бирининг (товар, иш ва ҳ. к.) бир бирлиги қиймати (баҳоси) билиб олинади, сўнгра эса шартда кўрсатилган миқдорнинг қанча туриши топилади. Бунда иккита қиймати берилган катталик бирликка келтирилади. Мисол учун қуйидаги масалани қараймиз: «Ишчи бир хил кундалик иш ҳақи ҳисобидан 6 кун учун 42 сўм олди. Шу ишчи ўша иш ҳақи ҳисобида 25 кун учун неча сўм олади?»

Масалани жадвал тарзида ёзамиз:


1 кунлик иш ҳақи	Иш вақти (кун)	Иш ҳақи (сўм)
Бир хил	6 25	42 ?

Бу масалада вақт катталигининг иккала қиймати ҳам маълум, иш ҳақининг бир қиймати номаълум, бир кунга тўланадиган ҳақ бир хил. Бирликка тўғри келтириш усули билан ечишда олдин биринчи катталик бирлигининг баҳосини ёки қанча туришини, яъни ишчининг бир кунлик даромадини топамиз, сўнгра ишчи 25 кунда неча сўм олишини ҳисоблаймиз.

Болалар бу масалани бўлиш билан ечиб, ишчининг бир кунлик иш ҳақини топадилар: $42 : 6 = 7$ (сўм). Шундан кейин кўпайтириб, ишчининг 25 кунлик иш ҳақини топадилар: $7 \cdot 25 = 175$ (сўм).

Ж а в о б: ишчи 25 кунда 175 сўм олади.

Масалаларнинг ечилишини бу усул билан тушунтириб, предмет кўрсатмалиликдан фойдаланиш мақсадга мувофиқ. Масалан, «б та қалам учун 18 тийин тўлашди. Шундай 10 та



76- расм.

калам учун қанча түлаш керак?» масаласини ечишда ўқитувчи доска олдига чақирилган ўкувчига биринчи марта қанча қалам олишган бўлса, планкага шунча қалам (6) қўйишни ва ёнига қанча туришини ёзишни таклиф қиласди (76- расм). Сўнгра, масаланинг саволига бирданига жавоб бериб бўлмаслигини аниқлагандан кейин (қаламнинг баҳоси маълум эмас), иккинчи планкага 1 та қалам қўйиб, унинг қаршисига савол белгисини қўйиш керак. Кейинги планкага ўкувчи 10 та қалам қўяди ва уларнинг қаршисига ҳам савол белгисини қўяди. Биринчи бундай масала шарти ва ечилишини уни таҳлил қилиб бўлинганидан кейин предмет кўрсатмалилик ёрдамида ёзиш тавсия этилади:

$$\left. \begin{array}{l} 6 \text{ к. } 18 \text{ тийин туради} \\ 10 \text{ к. ? тийин туради} \end{array} \right\} \text{Баҳоси бир хил}$$

Ечилиши: 1) 1 та қалам қанча туради?

$$18 : 6 = 3 \text{ (тийин).}$$

2) 10 та қалам қанча туради?

$$3 \cdot 10 = 30 \text{ (тийин).}$$

Жавоб: 10 та қалам 30 тийин туради.

Эслатма. Ўкувчиларни масалани ёзишнинг ҳар хил шакллари билан таништириш фойдали.

Ўкувчилар масала ечилишини ҳар қайси амални тушунтириб бериш билан такрорлашади — биринчи амал билан 1 та қалам қанча туришини билиб оламиз, 1 та қалам б та қаламга қараганда б марта арzon тургани сабабли 18 тийинни б га бўламиз; иккинчи амал билан 10 та қалам қанча туришини топамиз: 1 та қалам 3 тийин туради, 10 та қалам эса бундан 10 марта ортиқ туради, шу сабабли 3 тийинни 10 га кўпайтириш керак. Бу масаланинг асосий саволига жавобдир.

Бирликка тескари келтириш усули деб аталувчи усул шунга келтириладики, масала шартидаги битта қиймат бўйича берилган катталик бирлигининг мос қиймати топилади. Бу эса масала шартини жадвал тарзида ёзишда ошкор бўлади.

Мисол учун бирликка тўғри келтириш усули билан бирликка тескари келтириш усулини таққослаймиз.

Масала: «Уста б соатда 60 та деталь тайёрлайди. Агар уста бир текисда ишласа, у шундай деталдан 80 тасини қанча вақтда тайёрлайди?»

Масалани жадвал тарзидә ёзамиз:

1 соатлық иш унумы	Иш вакти	Тайёрланган деталь
Бир хил	6 соат ?	60 80

Вақт учун битта қиймат берилгани, тайёрланган деталлар сони учун иккита қиймат берилгани жадвалдан күриниб турибди. Бирликка тескари келтириш усули билан ечиб, биринчи катталиктин (вактни) бирликка келтириш керак, яғни 1 соатда нечта деталь тайёрлаш мүмкінлегини билиш керак.

Бирликка түғри келтириш усули:

1) Уста қанча вақтда 1 та деталь тайёрлайди?

$$6 \text{ соат} = 360 \text{ (минут)}$$

$$360 : 60 = 6 \text{ (минут)}$$

2) 80 та деталь қанча вакт да тайёрланади?

$$6 \cdot 80 = 480 \text{ (минут)}$$

$$480 \text{ минут} = 8 \text{ соат}$$

Бирликка тескари келтириш усули:

1) Уста 1 соатда нечта деталь тайёрлайди?

$$60 : 6 = 10 \text{ (дет.)}$$

2) Уста 80 та детални неча соатда тайёрлайди?

$$80 : 10 = 8 \text{ (соат).}$$

Үқувчилар масалалар ешишнинг каралган икки усули орасидаги фарқни ҳар доим ҳам кўравермайдилар. Улар у усулни ҳам, бу усулни ҳам бирликка келтириш усули деб ҳисобладилар, чунки иккала ҳолда ҳам улар бир катталиктинг иккинчи катталиктинг бирлигига мос келадиган қийматини биладилар. Болалар масалалар ешишнинг бу усуллари орасидаги фарқни болалар хатосиз кўрсатишларига интилиш шарт эмас, болаларнинг масалага кирган катталиклар орасидаги математик боғланишларнинг (пропорционаллик) мазмунларини тушунишлари анча муҳимроқдир, бунинг учун масалалар ешишда бир катталик иккинчи катталиктин қандай бөллиқ эканига эътибор бериш керак.

Болалар масалалар ешишнинг бирликка түғри келтириш усули билан танишиб олганларидан кейин бирликка тескари келтириш усули билан масалалар ешишга киришадилар ва жадвал ёки ифода тарзидаги қисқа ёзуви бўйича мустақил равишда бир нечта масала тузадилар.

Ўқувчилар учун янги бўлган усулни қарашни маълумотлари жадвалга ёзилган масалани тузишдан бошлаш мумкин.

1 та банка сигими	Банкалар сони	Литрлар сони
Бир хил	9 ?	18 30

Бундай масалаларни тузиш тажрибасига эга бўлган болалар ушбу масалани қийналмай оғзаки тузадилар: «18 л сутни 9 та бир хил банкаларга кўйиши. 30 л сутни кўйиши учун шундай банкалардан нечта керак бўлади?»

Масала шартини таҳлил қилишда болалар эътиборларини ҳамма банкаларнинг бир хил эканига, демак, уларнинг сифимлари бир хил эканига қаратиш керак. Шунга асосланиб, болалар қуидагидек мулоҳаза юритишлари керак: 30 л сут учун нечта банка кераклигини билиш учун битта банкага қанча сут кетишини билиш керак. Буни топиш мумкин, чунки масала шартида 18 л сутни 9 та банкага кўйиш мумкин экани айтилган. Бундан ечиш планини тузамиш:

- 1) 1 та банкага қанча сут кетади?
- 2) 30 л сут учун шундай банкалардан нечта керак бўлади?

Ечиши: 30 л сутни кўйиши учун 15 та банка керак бўлади.

Шу масаланинг ўзини тескари масалаларга (улар 3 та) айлантириш ва улардан ақалли биттасининг ечимини ёзиш билан ечиш мумкин. Масалан: «30 л сутни 15 та банкага кўйиши. 18 л сут учун шундай банкалардан нечта керак бўлади?»

- Ечиши: 1) $30 : 15 = 2$ (л.)
 2) $18 : 2 = 9$ (та банка).

Бундай масалаларнинг ечилиши одатда саволлар бўйича бажарилади. Шунга қарамай бир нечта масаланинг ечилишини ифода шаклида ёзиб, шу ифодаларнинг қийматларини хисоблаш тавсия этилади.

Бирликка келтириш (тўғри ва тескари) усулига нисбатан нисбатлар усули факат бутун сонлардан фойдаланиб тўртингчи пропорционал қийматни топишга доир кенг доираадаги масалаларни кўпроқ ечиш имконини беради. Мисол

учун масалани нисбатлар усули билан қандай ечишни қараймиз.

М а с а л а. Темирчилар бригадаси 75 кг пўлатдан 84 та болта тайёрлаши. Шундай болталардан 336 тасини тайёрлаш учун қанча пўлат керак?

Ўқувчилар бу масалани ўзларига таниш бўлган усуллардан биридан фойдаланиб ечишга уринишлари мумкин. Бунда ҳаракатга тўсқинлик қилмаслик керак, аксинча, болалар ўзларидаги бор билимлар таклиф қилинган масалани бутун сонларда ечишга етарли эмаслигига ишонч ҳосил қилишларини таклиф қилиш мумкин. 75 кг ни 84 га бутун марта бўлишнинг мумкинмаслигига, ҳатто килограммларни граммларда ифодалаш билан ҳам, ишонч ҳосил қилганларидан кейин болалар масалага кирган катталиклар орасидаги боғланишларни кўпроқ эътибор билан қарайдиган бўладилар.

Масала қисқа ёзувини (84 та б.—75 кг, 336 та б.—?) таҳлил қилиб, улар қанча кўп болта тайёрланса, шунча кўп пўлат керак бўлишига ишонч ҳосил қиласадилар. 168 та (84·2) болта учун 75 кг эмас, балки $75 \cdot 2$ (кг) пўлат керак бўлади. (84·3) та болта учун ($75 \cdot 3$) кг пўлат керак бўлади ва ҳ. к. Бундан 336 та болта учун қанча пўлат кераклигини топиш учун 84 сони 336 сонида неча марта борлигини топиш керак, бошқача айтганда, 336 сони 84 сонидан неча марта катта бўлса, изланаётган пўлат мидори 75 кг дан шунча марта кўп бўлади.

Чиқарилган натижа масала ечимини анча осон усул билан топиш имконини беради.

1) Тайёрланадиган болталар сони (336) тайёрланган болталар сонидан неча марта кўп?

$$336 : 84$$

2) 336 та болта тайёрлаш учун қанча пўлат керак бўлади?

$$75 \cdot (336 : 84)$$

Ўқувчилар ҳисоблашларни бажариб, ушбу ифоданинг сон қийматини топадилар:

$$75 \cdot (336 : 84) = 300.$$

Жавоб: 336 та болта тайёрлаш учун 300 кг пўлат керак бўлади.

Пропорционал бўлишга доир масалалар асосида тўртинчи пропорционал қийматни топишга доир масалалар ётади.

Шу сабабли пропорционал бўлишга доир масалаларни ечишга тўртинчи пропорционал миқдорни топишга доир масалалар билан танишганларидан кейин киришилади. Иккита сонга пропорционал бўлишга доир масалаларни ечишга ўқувчиларни тўргинчи пропорционал қийматни топишга доир масалани ечиш билан келтириш мумкин. Бу хилдаги масалаларни ечишни ўзлаштириб олган ўқувчиларга ушбу масалани мустақил ечиш учун таклиф қилинади: «Районга биринчи марта 24 та вагонда 768 т ўғит келтирилди. Иккинчи марта 33 та шундай вагонларда канча ўғит келтирилган?» (Жавоб: 1056 т)

Тузилган ифодаларнинг сон қийматларини топамиз: биринчи марта 768·т ўғит келтиришган, иккинчи марта 1056 т ўғит келтиришган. Ўқувчиларга ечимни оддийгина текшириб кўришни тавсия қилиш фойдали, бунинг учун келтирилган ўғитларни кўшиш керак: $768 + 1056 = 1824$, бу масала шартида тўғри келади.

Бу хил масалаларни ечишга бошқа йўл билан ҳам яқинлашиш мумкин. Масалан, «Бир тўпда 5 м, иккинчи тўпда худди шундай 7 м материал бор. Иккала тўп 36 сўм туради. Ҳар қайси тўп неча сўм туради?» масаласини ечишга киришишдан олдин ўқитувчи қуйидаги иккита масалани ечишни таклиф қиласи:

1. 1 м материалнинг баҳоси 3 сўм. 5 м ли ва 7 м ли икки тўп материал қанча туради?

Ечилиши: 1) $5 \cdot 3 = 15$ (сўм); 2) $3 \cdot 12 = 36$ (сўм)

2. 5 м материалга 15 сўм тўланган. 5 м ли ва 7 м ли икки тўп материал қанча туради?

Ечилиши: 1) $15 : 5 = 3$ (сўм); 2) $3 \cdot 7 = 21$ (сўм);
3) $21 + 15 = 36$ (сўм).

Ечишнинг иккинчи варианти: 1) $5 + 7 = 12$ (м);
2) $15 : 5 = 3$ (сўм); 3) $3 \cdot 12 = 36$ (сўм).

Келтирилган иккита масала ечиб бўлинганидан кейин биринчи масалани ечишга киришилади.

Ўқувчилар масала мазмуни билан танишганларидан кейин, унга кирган катталикларни (баҳо, қанча туриши, метрлар миқдори) қараб чиқиб, масалани қисқа жадвал тарзида ёзадилар:

Тўплар	Миқдори (м)	Баҳоси (сўми)	Қанча туриши	Тўпнинг қанча туриши (сўм)
I	5	Бир хил		?
II	7		$\} 36$?

Берилгандар билан изланыётган орасидаги бөлганишни ўрнатғандан кейин, болалар эътиборини материал бир хил бўлса, унинг баҳоси ҳам бир хил бўлишига, шу сабабли тўпда материал қанча кўп бўлса, у шунча қиммат туришига қаратиш керак. Демак, иккинчи тўп биринчисидан қиммат бўлади. Аммо бирор тўп материалнинг қанча туришини бирданига топиб бўлмайди, чунки баҳоси кўрсатилмаган. Материал баҳосини билиш учун ҳамма материалнинг қанча туришини билиш керак — масала шартида у кўрсатилган ҳамда иккала тўпдаги материалнинг метрлари со-нини билиш керак. Бу сонни топиш мумкин, чунки би-ринчи ва иккинчи тўпларнинг ўлчами маълум. Шу таҳлил асосида масалани ечиш режасини тузамиз:

1. Иккала тўпдаги материал метрлари сонини топамиз.
2. 1 м материалнинг баҳосини биламиз.
3. Биринчи тўп материалнинг қанча туришини ҳисоб-лаймиз.
4. Иккинчи тўп материалнинг қанча туришини ҳисоб-лаймиз.

Ечилиши:

- | | |
|---------------------------|-------------------------------------|
| 1) $5+7=12$ (м) | 12 м материал 36 сўм туради. |
| 2) $36 : 12 = 3$ (сўм) | 1 м материал 3 сўм туради. |
| 3) $3 \cdot 5 = 15$ (сўм) | Биринчи тўп материал 15 сўм туради. |
| 4) $3 \cdot 7 = 21$ (сўм) | Иккинчи тўп материал 21 сўм туради. |

Масала ечилишини текшириш: $15 + 21 = 36$. Ҳамма мате-риалнинг топилган қиммати масала шартида берилган сонга мос келади.

Қараб чиқилган масалани ўқувчи бу хилдаги масала-лардан биринчиси сифатида ечадилар. Шу сабабли бу хил характердаги масалаларнинг ҳаммасида барча бөгла-нишларни тушуниб олиш учун текшириш масалаларининг бир неча вариантини қараш максадга мувофиқдир.

Икки айрма бўйича сонларни топишга доир масала-лар қийинлиги даражаси бўйича пропорционал бўлишга доир масалалардан кейин келдиган масалалар жумласига киради. Бу хилдаги масалаларни ечишда иккита айрмани, масалан, предметлар сони айрмасини ва уларнинг қанча туришлари орасидаги айрмани таққослаш амалга оши-рилади.

Ўқувчиларни сонларни икки айрма бўйича топишга доир масалалар билан таниширишни содда масалалар-

дан бошлаш қулай, сүнгра секин-аста қийинроқ масалаларга ўтилади.

Ишни ўқувчиларга ушбу масалани ечишни таклиф қилишдан бошлаймиз: «Үғил бола ва қиз бола бир хил баҳода қоғоз варақлари сотиб олишди. Қиз бола 12 тийин ортиқ тұлади, чунки у үғил боладан 4 та варақ ортиқ сотиб олган әди. Қоғоз варағи қанча туришини топинг?».

Бу масалани ечиш ўқувчиларни қийнамаслиги керак, улар масала саволига жавоб бериш учун тийинлар сонини варақлар сонига бўлиш кераклигини фахмлайдилар, яъни 1 варақ $12 : 4 = 3$ (тийин) туришини тушуниб етадилар.

Шундай кейин бу масала шарти, ўқувчиларни бу ишга жалб қилган ҳолда, мураккаблаштирилади.

Куйидаги масалани коллектив равишида тузиш мумкин: «Үғил ва қиз бола бир хил қоғоз варақлари сотиб олишди. Үғил бола 7 варақ, қиз бола эса 11 варақ қоғоз сотиб олди. Қиз бола үғил болага қараганда 12 тийин ортиқ тұлади. 1 варақ қоғоз қанча туради?»

Масаланинг қисқа ёзуви:

	Варақлар сони	Баҳоси	Қанча туриши
Үғил бола	7		11 варақ қоғоз 7 варақ қоғоздан 12 тийин киммат
Қиз бола	11	Бир хил	

Олдинги масала ечиб бўлинганидан кейин ўқувчиларга қийинлаштирилган масалани ечиш учун олдин қиз бола үғил боладан неча варақ қоғоз ортиқ олганини билиш кераклиги ($11 - 7 = 4$), бундан кейин эса бир варақнинг баҳосини топиш кераклиги ойдинлашиб қолади ($12 : 4 = 3$ (тий.)

Ишни давом эттириб, масалани янада қийинлаштирамиз: «Үғил бола 7 варақ, қиз бола эса 11 варақ қоғоз сотиб олди. Қиз бола үғил болага қараганда 12 тийин ортиқ тұлади. Қоғоз учун қиз бола қанча тұлади ва үғил бола қанча тұлади?»

Масаланинг қисқа таҳлили ва саволи уни жадвал кўринишида ёзиш имконини беради:

	Миндори	Баҳоси	Қанча туриши
Үғил бола			
Қиз бола	7 11	Бир хил	11 варақ 7 варақдан 12 тийин ортиқ туради

Бу масалани ечишда ўқувчилар маълум йўлдан боришиади: 1) қиз бола ўғил боладан неча варак қофоз ортиқ сотиб олганини топишади ($11 - 7 = 4$); 2) бир варак қофоз баҳосини топишади ($12 : 4 = 3$); 3) ўғил бола 7 варак учун қанча тўлаганини ҳисоблашади ($3 \cdot 7 = 21$); 4) қиз бола 11 варак учун қанча тўлаганини ҳисоблашади ($3 \cdot 11 = 33$).

Текшириш натижасида қиз бола ўғил болага нисбатан қанча ортиқ тўлаганини билишади: $33 - 21 = 12$, бу шартда берилганларга мос келади.

Бошлиғич синфларда болалар улушларни ҳосил қилиш ва уларни таққослаш билан, соннинг улушкини топиш ва улушкига кўра соннинг ўзини топиш билан танишадилар. Бу ерда соннинг бир неча улуши ҳақида тушунча, ҳар хил маҳражли касрларни таққослаш ва соннинг улушкини ҳар хил амаллар билан топиш ҳақида тушунчалар берилади.

Соннинг улушлари билан таништириш кўрсатмали кўлланмалардан ва дидактик материаллардан кенг фойдаланиш билан амалга оширилади. Соннинг улушларини топишга доир масалаларни ва бунга тескари масалаларни ечишга қадар ўқувчилар қофоз лентаси, тўғри тўртбурчак, квадрат, доирадан иккidan бир, учдан бир, тўртдан бир, бешдан бир, олтидан бир, саккиздан бир, ўндан бир қисмларни ажратишини ўрганиб олишлари керак.

Шундан кейин улар предметларнинг ҳар хил тўпламмалиридан шундай улушларни бевосита санаш усули билан ажратадилар. Масалан: 16 та дафтарнинг тўртдан бирини топиш — 16 ни 4 га бўлиш ва шундай қисмдан биттасини олиш демакдир.

Соннинг улушкини топишга доир биринчи масалаларни ҳар хил дидактик материаллар билан бажариладиган ҳаракатлар ёрдамида бажариш керак.

Мисол: «Узунлиги 12 см бўлган қофоз лента (буклаб билан) 4 та тенг қисмга бўлинди. Лентанинг тўртдан бир қисмини бўя. Шу қисмнинг узунлигини бил. Буни қандай билиш мумкин?»

Ўқувчилар қофоз лентани бувлаб ва берилган лентанинг тўртдан бир қисмiga жойлашган сантиметрлар сонини сабаб, бу қисм 3 см га тенг эканини топадилар. Ўз ҳаракатларини тушунтириб, улар берилган лентани тўрт қисмга бўлиб, унинг бир қисмини олишганини айтишади, шу сабабли 12 нинг 4 дан бир қисмини топиш учун уни 4 га бўлиш кераклигини айтишади: $12 : 4 = 3$.

Улушлар ҳақидаги дастлабки тасаввурларни мустаҳ-

камлаш учун ушбу масала ечилади: «Узунлиги 45 м бўлган арқоннинг учдан бир қисми қирқиб олинди. Арқоннинг қирқиб олинган қисми неча метрга тенг?»

Арқонни 9 см ли кесма билан тасвирилашни келишиб оламиз (5 м ни 1 см га tengлаштирамиз). Чизмада кесманни сантиметрли чизгич ёрдамида 3 қисмга бўламиз. Бундай қисмдан биттаси бутун кесманинг учдан бирини ташкил қиласди. Шу кузатишга асосланиб, ўқитувчи болаларга савол беради:

— Кесманинг учдан бири қандай топилган? Қандай амал билан?

— Кесма тенг уч қисмга бўлинди ва бир қисми олинди. Енимни ёзишади: $45 : 3 = 15$ (м).

Бундай савол пайдо бўлади: «Берилган масала ечилишини текшириш мумкинми ва буни қандай бажариш мумкин?» Биргаликда ҳаракат қилиб, масала ечилишини текшириш учун тескари масала тузиш кераклигини ва бу масалада 15 м арқон 45 м арқондан неча марта кичиклигини топиш талаб қилиниши кераклигини топадилар: $45 : 15 = 3$. Ўкувчилар хулоса чиқарадилар: 15 сони 45 сонининг учдан бир қисмини ташкил қиласди.

Бу масалага бир неча дарсдан кейин, уни тескари масалага айлантириб қайтиш фойдали. Масалани ўқиб бериб, ўқитувчи ўкувчилардан сўрайди: «Агар арқоннинг учдан бир қисми 15 м бўлса, бутун арқон неча метр?»

Ўкувчилар масаланинг мазмунини тушуниб этишлари учун уларга бир нечта савол бериш мақсадга мувофик: Бутун арқоннинг $1/3$ қисми нимага тенг? Бутун арқонда нечта $1/3$ қисм бор? Бутун арқон ўзининг $1/3$ қисмидан каттами ёки кичикми? Агар арқоннинг $1/3$ қисми узунлиги 15 м га тенг эканлиги маълум бўлса, бутун арқон узунлигини қандай билиш мумкин? Бутун арқон узунлигини топиш учун қандай сонни нечага кўпайтириш керак? (Ўкувчиларга соннинг учдан бир қисмини $1/3$ каср кўринишида ёзилиши берилмайди. Биз қараётган ҳолда бу ўқитувчи-нинг ўқишини осонлаштириш учун қилинди.)

Берилган улушига кўра бутунни топишни ўрганиш конкрет мазмунли бир қатор машқларни бажариш билан кузатилади. Масалан, квадратнинг $1/2$ қисми берилган, бутун квадратни кўрсатинг, доиранинг $1/3$ қисми берилган, бутун доирани тикланг, кутидаги қаламларнинг $1/3$ қисми б та қаламга тенг, бу кутида нечта қалам борлигини топинг ва ҳ. к.

Бу машқлардан кейин бирмунча абстрактрок масалалар-

ни ечиш керак. Ўқитувчи ушбу масалани ўқииди: «Далила китобнинг 1/4 қисмини ўқиди. У ўқиган бетларини санади, 16 бет экан. Китоб ҳаммаси бўлиб неча бетли?» Қисқа ёзуви бўйича ўқувчилар масалани қайтаргандаридан кейин бундай мулоҳаза юритадилар: «Далила 16 бет ўқиди — бу бутун китобнинг 1/4 қисмини ташкил қилади, бутун китоб эса шундай тўртта қисмдан иборат, демак, масалани ечиш учун 16 ни 4 га кўпайтириш керак: $16 \cdot 4 = 64$ (бет).»

Соннинг улушини топишга доир ва улуши бўйича соннинг ўзини топишга доир масалаларни ечиш кўникмасини ҳосил қилиш учун бир нечта масалани тўла таҳдил ва иллюстрациялаш билан ёки предметлар набори билан ечиш керак. Бунда соннинг қисмини топишга доир масалани унга тескари масалага айлантириш фойдали.

Бошлиғич синф ўқувчилари вакт ўлчов бирликлари — секунд, минут, соат, сутка, ҳафта, ой, йил, аср ёки юз йиллик билан танишадилар. Улар календарь вакт оралигини вакт бирликларида ифодалашни ўрганадилар, икки воқеа ўтган оралиқдаги вактни топишга доир масалани, шунингдек олдинги ва кейинги қисқа муддатли ҳодисалар ўтган вактларини (бир неча сутка ёки бир йил ичида) топишга доир масалаларни ечадилар.

Болалар вакт бирликлари билан секин-аста танишадилар ва шу билан бир вактда уларни масалалар ечишга кўлладилар. Болалар вакт ўлчов бирликлари — йил, ой, ҳафта билан таништирилгандан кейин уларга бошланиши ва охири календарда берилган вакт оралигини ифодалашга доир масала берилади. Сутка давомийлиги билан танишгандаридан кейин болалар календарь саналари билан белгиланган вакт оралигини сутка ва соатларда ифодалашни ўрганиб олишлари керак. Масалан: «25 декабрда қўёш соат 9 да чиқади, соат 4 да эса ботади. Бу ёруғлик куни неча соат давом этади?»

Ечиш соат миллари билан ҳисоблаш билан кузатилади.


Соат 9 дан соат 12 гача $12 - 9 = 3$ (соат) ўтади.

Соат 12 дан соат 4 гача 4 соат ўтади.

Эрталабки соат 9 дан кечки соат 4 гача ҳаммаси бўлиб $3 + 4 = 7$ (соат) ўтади.

Бу масалага тескари масала тузамиз. 25 декабрда ёруғлик куни 7 соат давом этади. Шу куни қўёш соат 9 да чиқди. Қўёш соат нечада ботади?

Ечишни иллюстрация билан кузатиш фойдали (77-расм). Бўлинган кесмада саноқ бошини белгилаймиз ва топамиз: 9 соат + 7 соат = 16 соат. Ярим кунгача ҳисоб



77- расм.

кундуз соат 12 гача олиб борилади, шу сабабли ботиш вақтими ҳисоблаш керак: $16 - 12 = 4$ (соат).

Жавоб: 25 декабрда қүёш соат 4 да ботади.

Иккинчи тескари масала: «25 декабрда куннинг давомийлиги 7 соат. Қүёш соат 4 да ботади, шу куни қүёш соат нечада чиқади?»

Бу масалани ечишда олдинги чизмадан фойдалана-миз. Ҳисоб охирини 4 соат деб белгилаймиз ва топамиз:

1) Қүёш чиққандан кундуз соат 12 гача қанча вакт ўтади?

$$7 - 4 = 3 \text{ (соат).}$$

2) 25 декабря қүёш соат нечада чиқади?

$$12 - 3 = 9 \text{ (соат).}$$

Болалар 24 соатлик циферблат ҳақида тасаввур олган-ларидан кейин ва сутка вақтими 0 дан 24 соатгача ҳисоблаш билан танишганларидан кейин юқоридаги масала бошқача ечилади:

кечки соат 4 бу $12 + 4 = 16$ (соат) каби ифодаланади. соат 9 дан соат 16 гача $16 - 9 = 7$ (соат) ўтади.

Тескари масалаларнинг ечимлари бундай бўлади:

Биринчи масала: $9 + 7 = 16$ (соат)

Иккинчи масала: 1) $4 + 12 = 16$ (соат)

$$2) 16 - 7 = 9 \text{ (соат)}$$

Бу ечимлар шунчалик соддаки, уларга изоҳнинг ҳожати йўқ.

Ўқувчиларни сутка ичидаги вақтни ҳисоблашга доир уч хил масаланинг ечилиши билан таништириш керак.

«Тошкентдан Қўқонгacha поезд 8 соатда боради. Поезд Тошкентдан соат 22 да йўлга чиқди. У Қўқонга соат нечада етиб боради?»

Ечилиши:

1) Соат 22 дан сутка охиригача $24 - 22 = 2$ (соат) ўтади.

2) Иккинчи суткада поезд $8 - 2 = 6$ (соат) юради.

Жавоб: поезд Қўқонга иккинчи куни эрталаб соат 6 да етиб боради.

Ўқувчиларнинг ўзлари бу масала бўйича иккита тескари масалани мустақил тузадилар.

Бу масалалардан кейин ўқувчилар билан ҳодисанинг бошланишини, кейин эса ҳодисанинг охирини аниқлашга доир масалаларни (бир йил ичида) ечиш керак, бунда ҳисоблашда табел-календардан фойдаланиш керак.

Масала. Халқ башоратига қараганда, қишки дон (сули ва буғдой) 2 ҳафта гуллайди, 2 ҳафтада дон бўлиб тўлишади ва 2 ҳафтада пишади. Агар қишки сули 13 июнда гуллаган бўлса, унинг ҳосилини йиғишни қачон бошлаш мумкин?

Ечиши:

- 1) Сули гуллаганидан дон бўлиб етишгунча $2+2+2=6$ (ҳафта) ўтади, ёки $6 \cdot 7 = 42$ (кун) ўтади.
- 2) Июнь ойида $30 - 13 = 17$ (кун) ўтади.
- 3) Июлда дон етишиши ва пишиши учун $42 - 17 = 25$ (кун) ўтади.

Жавоб: 25 июлда ҳосилини йиғишга киришиш мумкин.

Бу ечимни текширишни болалар табел-календардан фойдаланиб, кунларни бевосита санаш билан бажарадилар.

Масала. Бодрингни экишдан бошлаб то биринчи ҳосили пайдо бўлгунча 65 сутка керак. Ҳосилни 15 июляда йиға бошлаш учун парникка бодрингни қачон экиш керак?

Ечиши:

- 1) Июлда 15 сутка ўтади.
Июнда 30 сутка ўтади.
Жами 45 сутка ўтади.
- 2) Бундан ташқари, яна $65 - 45 = 20$ (сутка) керак.
- 3) Майда 31 сутка, шу сабабли $31 - 20 = 11$ (сутка).

Жавоб: биринчи ҳосилни 15 июляда йиғиш учун 11 майда бодрингни экиш керак.

Ҳаракат билан боғлиқ масалаларни ечиш методикасида маълум изчилликни назарда тутиш керак.

Олдин болаларнинг ҳаракат ҳақидаги тасаввурлари умумлаштирилади. Шу мақсадда битта жисм ҳаракатини, иккита жисмнинг бир-бирига нисбатан ҳаракатини кузатиш муҳимdir: одам, машина, трамвай ва бошқа нарсалар гоҳ тез, гоҳ секин юриши, баъзан тўхташи, тўғри чизиқли ёки эгри чизиқли ҳаракат қилиши мумкин; икки киши ёки иккита поезд ва бошқа жисмлар бир-бирига қараб ҳаракат қилиши мумкин, бунда улар бир-бирига яқинлашиши, бир-биридан узоқлашиб қарама-карши томонларга ҳаракат қилиши мумкин. Айтилган нарсаларни (вазиятларни) синф шароитида ҳам кузатиш мумкин, бунда ҳаракатни болаларнинг ўzlари намойиш қилишади (экскурсияларда


ҳам шундай кузатишларни ўтказиш фойдали). Шундан кейин ҳаракатга доир масалалар учун чизмаларни қандай бажаришни кўрсатиш керак: масофани кесма билан белгилаш, ҳаракат бошланадиган, учрашиладиган, бориш керак бўлган жойларни (пунктларни) кесмаларда нуқта билан ва мос ҳарф билан, чизикча ёки байрокча билан белгилаш қабул қилинган; ҳаракат йўналиши стрелка билан кўрсатилади. Тескари машқларни ҳам таклиф қилиш фойдали: берилган чизма бўйича тегишли ҳаракатларни бажариш.

Шундан кейин тезлик билан таништириш бўйича маҳсус иш ўтказилади. Бу ишни ҳар хил ўтказиш мумкин, аммо муҳими амалий иш натижасида тезлик хосил бўлишидир. Масалан, ўқувчиларга маълум вакт ичидаги (4—5 минут) юришни, сўнгра ўтилган масофани ўлчашни таклиф қилиш, шундан кейин эса ҳар бир ўқувчи бир минутда қанча масофа ўтганини хисоблашни таклиф қилиш мумкин. Ўқитувчи вакт бирлиги (1 минут, 1 соат, 1 секунд ва х. к.) ичидаги ўтилган масофа нима эканини тушуниради, уни тезлик дейилишини айтади. Шундан кейин бу ерда ўртача тезлик ҳақида тушунча берилади. Энди баъзи мисоллар, яъни автомашина тезлиги, поезднинг тезлиги, самолётнинг тезлиги билан таништириш мумкин. Бунда ўқувчилар, масалан, самолётнинг тезлиги соатига 640 км деган ифодани тушунириб беришлари муҳимдир.

Шундан кейин тезлик, вакт, масофа катталиклари орасидаги боғланишлар очиб берилади. Бу босқичда ишлаш методикаси бошқа пропорционал катталиклар орасидаги боғланишларни очиш кабидир: содда масалаларни, сўнгра таркибли масалаларни ечишда ўқувчилар ушбу боғланишларни ўзлаштиридилар: агар масофа ва ҳаракат вакти маълум бўлса, у ҳолда тезликни бўлиш амали билан топиш мумкин; агар тезлик ва ҳаракат вакти маълум бўлса, у ҳолда кўпайтириш амалини бажариб, масофани топиш мумкин; агар масофа ва тезлик маълум бўлса, у ҳолда бўлиш амалини бажариб, ҳаракат вактини топиш мумкин. Муҳими, бу боғланишларни болалар чиқарган тегишли хуласаларни ёдлаб олиб эмас, балки масалалар ечиш натижасида ўзлаштиришларидаидир. Шу сабабли олдин масала иллюстрациясини бажариш ва болаларнинг тасаввурларига таяниш керак. Масалан, ушбу масала таклиф қилинади: «Велосипедчининг тезлиги соатига 12 км. У шундай тезлик билан 3 соатда қанча масофа ўтади?»

«Велосипедчининг тезлиги соатига 12 км» деган ифода нимани билдиради? (Велосипедчи ҳар бир соатда 12 км дан юрган.) У неча соат йўлда бўлган? (3 соат.) У биринчи соатда қанча йўл ўтган? (12 км.) Иккинчи соатда-чи? (12 км.) Учинчи соатда-чи? (12 км.)

Чизма пайдо бўлади (78- расм).



78- расм.

З соатда ўтилган йўлни қандай билиш мумкин? ($12 \cdot 3 = 36$.) Агар тезлик ва ҳаракат вақти маълум бўлса, масофани қандай топиш мумкин? Тезликни ҳаракат вақтига кўпайтириш керак. Икки-учта масала иллюстрация ёрдамида ечилганидан кейин тасаввурларга асосланиш мумкин; у ҳолда ўкувчилар бундай мулоҳаза юритадилар: биринчи соатда велосипедчи 12 км ўтган, иккинчи соатда ҳам 12 км ўтган, учинчи соатда ҳам 12 км ўтган, ўтилган масофани топиш учун 12 ни 3 га кўпайтириш керак (тезликни вақтга кўпайтириш керак).

Бир нечта дарсдан кейин ўкувчилар дарҳол амал танлашади ва тушунтириш беришади: бунда тезлик ва вақт маълум, демак, масофани топиш мумкин, бунинг учун тезликни вақтга кўпайтириш керак.

Ҳар бир содда масала устида тахминан шундай ишланади, шундан кейин содда масалаларни таркибли масалалар таркибига киритиш мумкин. Таркибли масалалар устида ишлаганда кўпроқ иллюстрациялардан фойдаланиш керак.

Энди учрашма ҳаракатта доир ва қарама-қарши ҳаракатга доир таркибли масалаларни киритиш мумкин. Бу масалаларнинг ҳар бири берилганлар ва излананётганини қараб уч турга бўлинади:

а) жисмлардан ҳар бирининг тезлиги ва ҳаракат вақти берилган, масофа изланади;

б) жисмлардан ҳар бирининг тезлиги ва масофа берилган, ҳаракат вақти изланади;

в) масофа, ҳаракат вақти ва жисмлардан бирининг тезлиги берилган, иккинчи жисмнинг тезлиги изланади.

Олдин учрашма ҳаракатга доир масалалар киритилади, шундан кейин қарама-қарши ҳаракатларга доир масалалар киритилади.

Учрашма ҳаракатга доир масалаларни ечишга тайёрлашда бир вақтда килинадиган ҳаракат ҳақидағи тасаввурни ифодалаш мұхимдір; ўқувчилар агар иккита жисм бир-бирига қараб бир вақтда йўлга чиқса, улар учрашгунга қадар бир хил вақт йўлда бўлиши ва бунда улар ўзлари йўлга чиққан пунктлар орасидаги ҳамма масофани ўтиб бўлишини яхшилаб тушуниб олишлари керак. Шу мақсадларда куйидагидек масала-саволлар киритилади:

1) Иккита қишлоқдан бир вақтда бир-бирига қараб иккита чангичи чиқди ва 40 минутдан кейин учрашишди. Ҳар кайси чангичи йўлда қанча вақт бўлган?

2) Қишлоқдан шаҳарга қараб катер йўлга чиқди ва шу вақтнинг ўзида шаҳардан қишлоққа қараб моторли қайиқ жўнади ва 1 соат 10 минутдан кейин катерни учратди. Катер қайиқ билан учрашгунча қанча вақт йўлда бўлган?

Бундай масала-саволларни ечишни ҳаракатни болаларнинг ўзларига бажартириб, иллюстрациялаш билан кузатиш мумкин.

Учрашма ҳаракатга доир масалаларнинг ечилишлари билан таништиришда уч хил масаланинг ҳаммасини битта дарснинг ўзида киритиш мақсадга мувофиқ, шу билан бирга берилган масалага тескари масалалар тузиш ҳам мақсадга мувофиқ. Бундай усул масала шарти бўйича учрашма ҳаракатдаги жисмлар катталиклар орасидаги боғланишларни ҳар томонлама очиб бериш имконини беради. Конкрет мисол қараймиз.


Масала. Иккита геологик базадан бир-бирига қараб иккита геолог чангиди йўлга чиқди. Биринчиси соатига 10 км, иккинчиси эса соатига 12 км тезлик билан юрди. Улар 3 соатдан кейин учрашишди. Базалар орасидаги масофани топинг.

Масала ўқилганидан кейин унинг ечилиши ўқитувчи бошчилигига изланади. Бу ишни бундай қилиш мумкин.

Базаларни I ва II рақамлари билан белгилаб, иллюстрацияни набор полотносида бажариш мумкин. Полотно олдига иккита ўқувчини («геологлар»ни) чақириш ва уларнинг ҳар бирига 10 ёки 12 сонлари ёзилган учтадан карточка бериш керак.

Геологлар қанча вақт юришади? (3 соат.) Ҳаракатни бошланг. Бир соат ўтди. (Ўқувчилар ўзларига берилган карточкаларни бир вақтда набор полотносига қўядилар.)

Яна бир соат ўтди. (Карточкаларни қўйишади.) Учинчи соат ўтди. (Яна карточкаларни қўйишади.) Геологлар учрашдими? (Учрашишиди.) Нега? (З соатдан юришди.) Учрашиш жойини байроқча билан белгилайман. (Байроқчаларни қўйишади.) Нимани билиш керак? (Бутун масофани.) Уни савол аломати билан белгилайман. Иллюстрация хосил бўлади (79- расм.)



79- расм.

Масала шундай разбор қилинганидан кейин ўқувчиларнинг ўзлари ечишнинг иккита усулини топадилар. Ечилишини алоҳида амаллар бўйича тушунтиришлар билан ёзадилар, кейинроқ эса ифодани ёзиш мумкин.

Биринчи усул:


- 1) $10 \cdot 3 = 30$ (км) — биринчи геолог учрашгунча ўтган йўл;
- 2) $12 \cdot 3 = 36$ (км) — иккинчи геолог учрашгунча ўтган йўл;
- 3) $30 + 36 = 66$ (км) — базалар орасидаги масофа.

Иккинчи усул:

- 1) $10 + 12 = 22$ (км) — геологлар бир соатда шунча яқинлашишган;
- 2) $22 \cdot 3 = 66$ (км) — базалар орасидаги масофа.

Бу усулларни таққослаш фойдали. Ўқувчилар энг рационал усулни кўрсатишсин ва масала нега икки усул билан ечилиши мумкинлигини тушунтириб беришсин.


Кейинчалик бу масалани тескари масалаларга айлантириши осон бўлиши учун доскада ва дафтарларда чизма бажарилади (80- расм).



80- расм.

Чизмани бажаришда қайси геолог учрашгунга қадар күп йўл ўтганини, нега кўп йўл ўтганини аниқлашади.

Шундан кейин ўқитувчи шу чизмадан фойдаланиб, масала шартини ўзгартиради (81- расм).




Ўқувчилар шу чизма бўйича масала тузадилар, сўнgra ўқитувчи раҳбарлигига ечимни излашади, шундан кейин ечим тушунтиришлар билан ёзилади:

1) $10 + 12 = 22$ (км) — геологлар бир соатда шунча яқинлашишган;

2) $66 : 22 = 3$ (соат) — учрашгунча ўтган ҳаракат вақти.

Масала чизма бўйича (82- расм) яна бир марта тескари масалага ўзгартирилади. Ўқувчилар янгидан масала тузадилар, ўқитувчи бошчилигига ечишнинг икки усулини топишади ва уларни ёзиб олишади:



82- расм.

Биринчи усул:

1) $10 \cdot 3 = 30$ (км) — учрашгунча биринчи геолог ўтган масофа;

2) $66 - 30 = 36$ (км) — учрашгунча иккинчи геолог ўтган масофа;

3) $36 : 3 = 12$ (соатига км) — иккинчи геологнинг тезлиги.

Иккинчи усул:

1) $66 : 3 = 22$ (км) — геологлар бир соатда шунча яқинлашишган;

2) $22 - 10 = 12$ (соатига км) — иккинчи геолог тезлиги.

Бу хилдаги масалаларни ечиш малакасини мустаҳкамлаш учун кейинги дарсларда учрашма ҳаракатга доир тайёр масалалар киритилади. Бунда масалани ечгунга қадар учрашув қайси пунктта яқинроқда бўлади ва нега эканини аниқлаш муҳим; ечиб бўлинганидан кейин қуидагидек саволларни бериш фойдали: геологлар йўлнинг ўртасида учрашишлари мумкинми? Қандай шароитларда? Белгиланган жойга қайси геолог олдин келади? Қандай шартларда улар қолган йўлга бир хил вакт сарфлашарди? Ва ҳ. к. Тайёр масалалардан ташқари ижодий характердаги машқларни (масалалар тузиш, уларни алмаштириш ва ҳ. к.) киритиш керак.

Қарама-қарши йўналишлардаги ҳаракатларга доир масалалар устида ҳам шунга ўхшаш ишланади.

Бошланғич мактабда масала ечилишини ўқувчилар дафтарларида тахт қилишга катта аҳамият берилади.

Бошланғич синф ўқитувчилари ишларини кузатиш ўқитувчиларнинг бъзилари ва уларнинг ўқувчилари таркибли масалаларни ечишда ечишнинг ҳар хил шаклда ёзилишини унинг ҳар хил ечилиш усули деб билар эканликларини кўрсатмоқда.

Айтиб ўтилган тушунчаларни аралаштириб юбориш масалани ҳар хил усуллар билан ечиш ҳақиқатдан талаб қилинганда болалар топшириқни ё бутунлай тушунмайдилар, ёки жуда қийналиб тушунишларига олиб келади. Бу эса, ўз навбатида, масалалар устида ишлашнинг бу муҳим турининг, яъни масалаларни ҳар хил усул билан ечишнинг ўргатувчи ва тарбияловчи имкониятларини пасайтириб юборади.

Шу сабабли ўқитувчиларнинг эътиборларини масалани ечиш усули билан ечимни ёзиш шаклларини бир-биридан фарқ қилишга қаратиш кераклигини ўринли деб хисоблаймиз.

Агар масаланинг ечимлари ечиш учун асос қилиб олинган берилганлар ва изланаётган орасидаги боғланишлар билан ёки бу боғланишлардан фойдаланиш кетма-кетлиги билан фарқ қилса, масала ҳар хил усул билан ечилгани хисобланади.

Масалан, ушбу масалани қараймиз: «Мехнат дарслари учун ҳар бир ғалтаги 10 тийиндан 4 ғалтак оқ ип ва худди шу бахода б ғалтак қора ип сотиб олишди. Иплар учун қанча тўлашган?»

Бу масала иккита арифметик усул билан ечилиши мумкин.

Бу усулларнинг аёнийроқ бўлган биринчисида олдин оқ ипларнинг қанча туришини аниқлашади: (10·4) тийин, шундан кейин кора ипларнинг қанча туришини аниқлашади: (10·6) тийин, ва, ниҳоят бу ипларнинг ҳаммаси қанча туришини аниқлашади.

Ҳар бир усул учун ечимнинг ёзилиши бир неча хил бўлиши мумкин. Ҳар қайси ечиш усули учун бу шаклларнинг ҳаммасини кўрсатамиз.

Ечимни режа билан амаллар бўйича ёзиш.

1- у с у л:

1) Оқ иплар қанча туроди?

$$10 \cdot 4 = 40 \text{ (тийин)}$$

2) Корা иплар қанча туроди?

$$10 \cdot 6 = 60 \text{ (тийин).}$$

3) Бу ипларнинг ҳаммасига қанча тўлашган?

$$60 + 40 = 100 \text{ (тийин)}$$

$$100 \text{ тийин} = 1 \text{ сўм.}$$

Жавоб: 1 сўм.

2- у с у л:

1) Ҳаммаси бўлиб неча ғалтак ип сотиб олишган?

$$6 + 4 = 10 \text{ (ғалтак).}$$

2) Бу ипларнинг ҳаммаси учун қанча тўлашган?

$$10 \cdot 10 = 100 \text{ (тийин).}$$

$$100 \text{ тийин} = 1 \text{ сўм.}$$

Жавоб: 1 сўм.

Хозирги вақтда бошланғич мактабда масалалар ечимларининг бу хилда ёзилишидан жуда кам ҳолларда фойдаланилади. Аммо шунга қарамай, бу ёзув шакли билан ўкувчиларни таништириш фойдали ва ундан бошқа шаклларга қараганда камроқ бўлса ҳам, математика дарсларида фойдаланиш керак деб ҳисоблаймиз.

Шу масала ечилишининг бошқа шакилда ёзилишини қараймиз, бу ечимни амаллар бўйича тушунтиришлар билан ёзишдир.

1- у с у л:

1) $10 \cdot 4 = 40$ (тийин) — оқ иплар шунча туроди.

2) $10 \cdot 6 = 60$ (тийин) — кора иплар шунча туроди.

3) $40 + 60 = 100$ (тийин) — ҳамма ип шунча туроди.

$$100 \text{ тийин} = 1 \text{ сўм.}$$

Жавоб: 1 сўм.

2- у с у л:

1) $6 + 4 = 10$ (ғалтак) — сотиб олинган ғалтақлар сони.

2) $10 \cdot 10 = 100$ (тийин) — ҳамма ипнинг қиймати.

100 тийин=1 сүм.

Жавоб: 1 сүм.

Масала ечилишини тушунтиришларсиз амаллар бўйича тахт қилиш ҳам мумкин.

1-усл:

1) $10 \cdot 4 = 40$ (тийин)

10 · 6 = 60 (тийин)

$40 + 60 = 100$ (тийин)

100 тийин=1 сүм

Жавоб: ҳамма ип 1 сүм туради.

2-усл:

1) $6 + 4 = 10$ (гафтак)

2) $10 \cdot 10 = 100$ (тийин)

100 тийин=1 сүм.

Жавоб: ҳамма ип 1 сүм туради.

Шунингдек масала бўйича ифода тузиш ва унинг қийматини топиш мумкин.

1-усл:

$10 \cdot 4 + 10 \cdot 6 = 100$ (тийин)

100 тийин=1 сүм.

Жавоб: ҳамма ип 1 сүм туради.

2-усл:

$10 \cdot (6 + 4) = 100$ (тийин).

100 тийин=1 сүм.

Жавоб: ҳамма ип 1 сүм туради.

Ечишни бу шаклда ёзиш икки босқичда амалга оширилади. Олдин ифода тузилади, шундан кейин ўқувчилар унинг қийматини топадилар, энди ечимнинг ёзилиши тенглик шаклини олади, бу тенгликнинг чап қисмида масала шарти бўйича тузилган ифода, ўнг қисмида эса шу ифоданинг қиймати туради.

$10 \cdot 4 + 10 \cdot 6 = 100$ ёзувни ҳеч ҳам ифода деб бўлмайди, чунки мактабда бу ифодани ўрганишга асос килиб олинган ифода тушунчаси таърифига зидлик қиласади. Математик ифода рақамлардан, ҳарфлардан, арифметик амал белгиларидан ва қавслардан тузилади, аммо математик муносабатлар белгиларини, яъни тенглик, тенгсизлик ва ҳ. к. ни ўз ичига олмайди. Тенглик ишораси билан бирлаштирилган иккита математик ифода тенглик хосил қиласади.

Юқорида келтирилган ёзув тенгликдири, унинг чап қисми масала бўйича тузилган ($10 \cdot 4 + 10 \cdot 6$) ифода-

дан, ўнг қисми эса олдинги ифоданинг қиймати бўлмиш битта сондан иборат (100).

Масаланинг шу шаклда ёзилган ечимини текширишда ўкувчиларга бундай саволларни бериш мумкин:

1. Масала бўйича тузилган ифодани ўқинг.

Бу топширикни бажаришда ўкувчилар тенгликнинг чап қисминигина ўқишлари керак. ($10 \cdot 4$ ва $10 \cdot 6$ кўпайтмаларнинг йигиндиси.) Ифода ўқиб бўлинганидан кейин саволлар бериш мумкин, бу саволларга бериладиган жавоблар ўкувчилар ($10 \cdot 4$ ва $10 \cdot 6$) ифодаларнинг ҳар қайси қисми мазмунини қандай тушунганликларини ва бутун ($10 \cdot 4 + 10 \cdot 6$) ифода мазмунини қандай гашунганликларини кўрсатади: ўн билан тўртнинг кўпайтмаси нимани билдиради? Ўн билан олтининг кўпайтмаси нимани билдиради? Бу кўпайтмаларнинг йигиндиси нимани билдиради?

2. Шу ифода қийматини айтинг. (Масала бўйича тузилган ифоданинг қиймати 100 га teng.)

3. Масаланинг саволига жавоб беринг. (Ҳамма ип 100 тийин, яъни 1 сўм туради.)

Масалалар ечишда тегишли атамаларни ўз нутқида тўғри ишлатиш керак: а) Масалани ечинг ва ечимни амаллар бўйича гашунтиришлар билан ёзинг; б) Масалани икки усул билан ечинг, ҳар бир ечимни тенглик кўринишида ёзинг, бу тенгликнинг чап қисми масала бўйича тузилган ифодадан иборат бўлсин; в) Масалани ечинг ва ечимни олдин амаллар бўйича тушунтиришлар билан ёзинг, сўнгра эса ифода шаклида ёзинг; г) Масалани ечинг ва ечимни режа бўйича амаллар билан ёзинг.

Масала ечими ёзилишининг ҳар бир шакли ва ечишнинг ҳар бир янги усули масалага янгича қарашиб, ечиш жараёнини ойдинроқ тушуниш, берилганлар билан изланадиган орасидаги боғланиш ва муносабатларни чуқурроқ тушуниш имконини беради. Бу эса матнли масаланинг ҳам дидактик, ҳам тарбиявий ва ривожлантирувчи функцияларини тўлароқ амалга оширишга ёрдам беради. Шу сабабли дарснинг конкрет мақсадларига мос равишда ва математика дарсларида матнли масалалардан фойдаланиш мақсадларига мос равишда ечишнинг ҳар хил усулларидан ва масалалар ечилишининг ўкувчилар дафтарларида ҳар хил шаклда ёзилишларидан омилкорона фойдаланиш керак.

Масалада берилган вазиятни тушуниб етиш ва ундан масала ечилишининг ҳар хил усулларини излашда фойдаланиш катта аҳамиятга эга. Буни ҳар хил масалалар мисолларида кўрсатамиз.

Масала: «Болалар лагердан иккита автобусда қайтишиди. Бир автобусда 38 та, иккинчи автобусда ҳам шунча ўқувчи бўлиб, уларнинг 43 таси ўғил бола эди. Лагердан нечта киз бола қайтган?»

Бу масала устида ишлаш вақтида ўқитувчи диққатни «шунча» сўзига тортади ва иккинчи автобусда қанча бола қайтганини аниклади. Шундан кейин кўпчиллик ўқувчи ечишнинг уддасидан осонгина чиқади ва ечишнинг бундай усулини таклиф қилишади: $(38+38)-43=33$ (к. б.) Бу масалани бошқача усул билан ечиш саволи ўқувчиларда ҳам, ўқитувчидаги пайдо бўлмайди. Аммо масалани таҳлил вақтида «43 та ўғил боланинг ҳаммаси битта автобусга сифадими?» дейишнинг ўзи етарли. (Йўқ, битта автобусга 38 та ўғил бола сиғиши мумкин, бошқалари иккинчи автобусда кетади.) Шундан кейиноқ масала ечилишининг иккинчи усули ҳақида таклифлар пайдо бўлади:

- 1) $43-38=5$ (ў. б.)
- 2) $38-5=33$ (к. б.)

Берилган масаланинг икки усул билан ечилиши шуниси билан қизиқки, бу масалаларнинг ечилишини $(38+38)-43=33$ (к. б.) ифода билан ёзилишида унинг қийматини бир усул билангира топиш мумкин. Иккинчи усулга масалада берилган вазиятни таҳлил қилишгина олиб келади. Бунга ўқувчилар эътиборларини қаратиш фойдали. Ушбу масалани қараймиз: «Тикув устахонаси 300 м жун газлама олди. Ундан 100 та бир хил костюм тикиш мумкин. 99 м газламани ишлатишиди. Яна нечта костюм тикишлари керак?»

Масалани таҳлил қилишда савол қўйишни ўйлаб кўриб, ўқувчиларни ечишнинг турли усулларига олиб келиш мумкин. Мумкин бўлган варианtlарни қараймиз.

I вариянт. Битта костюмга қанча газлама кетишини топиш учун қайси берилганлардан фойдаланиш мумкин? ($300 : 100 = 3$ (м).) Шундан кейин қанча костюм тикканларини билиб бўладими? (Бўлади. $99 : 3 = 33$ (кост.))
Масала саволини ўқинг. Унга жавоб бера оламиزمи?

II вариянт. Масалани таҳлил қилиш болаларга бериладиган иккинчи саволнинг ўзгариши билан боғлиқ: неча метр газлама қолганини била оламизми? (Била оламиз. $300 - 99 = 201$ (м)). Масала саволига жавоб бериш учун қандай муҳокама юритиш керак? ($201 : 3 = 67$ (кост.))

Масала: «Бир хил вақтнинг ўзида «Метеор» теплоходи 216 км, пароход эса 72 км ўтди. Агар пароходнинг

тезлиги соатига 24 км бўлса, «Метеор»нинг тезлиги қандай?

Масалани таҳлил қилишда ечиш усулини танлаш саволлар билан қандай йўналтирилишини кўрсатамиз.

1) Масалани биринчи усул билан ечишда таҳлил ушбу саволлар бўйича ўtkазилади: теплоход билан пароход йўлда бўлган вақт ҳакида нимани биламиз? (Масалада пароход билан теплоход бир хил вақт давомида йўлда бўлишгани айтилган.) Вақтни топиш учун қандай катталикларни билиш керак? (Тезлик ва масофа.) Масалада берилганлар бўйича нимани топа оламиз: пароход вақтиними ёки теплоход вақтими? (Пароход вақтини топа оламиз, чунки у 72 км ўтган ва унинг тезлиги соатига 24 км.) Шундан кейин масала саволига жавоб бера оламизми? (Ҳа, бера оламиз. Метеорнинг ҳаракат вақти ўша 3 соатга тенг, у ўтган масофа эса 216 км, демак, унинг тезлигини билиш мумкин.)

2) Масаланинг иккинчи усул билан ечилишини қарашда сұхбат ушбу саволлар бўйича олиб борилади: теплоход қандай масофани ўтган? (216 км.) Пароход қандай масофани ўтган? (72 км.) Теплоход ўтган масофа пароход ўтган масофадан неча марта ортиклигини билиб бўладими? ($216 : 72 = 3$ (марта).) Теплоход ва пароход йўлда бўлган вақт ҳакида нима маълум? (Пароход ва теплоход йўлда бир хил вақт бўлишган.) Сиз нима дейсиз, теплоходнинг тезлиги каттами ёки пароходнинг тезлигими? (Теплоходнинг тезлиги катта, чунки теплоход пароход билан бир хил вақт давомида йўлда бўлган, аммо ундан кўп масофа ўтган.) Теплоходнинг тезлигини билиш учун олинган натижадан фойдаланиш мумкинми? (Ҳа, у пароходнинг тезлигидан 3 марта ортиқ, $24 \cdot 3 = 72$ (соатига км).)

Ҳар хил усул билан ечиш планида қизиқарли бўлган яна битта масалани қараймиз.

М а с а л а: «Ишчига 10 соатда 30 та деталь тайёрлаш топшириги берилган. Аммо ишчи, вақтни тежаб, ҳар 15 минутда биттадан деталь тайёрлашнинг уддасидан чиқди. Ишчи тежалган вақт ҳисобига топширилганидан нечта ортиқ деталь тайёрлади? Масалани ечишда 10 соатни минутлар билан алмаштиринг».

Ўқувчилар 10 соатни минутлар билан алмаштириб, 600 минутта эга бўлишади, шундан кейин масалани таҳлил қилишга киришишади.

Бу масалани таҳлил қилишда ўтказиш мумкин бўлган сұхбатнинг ҳар хил вариантларини қараймиз.

I в а р и а н т. Ишчи битта детални тайёрлаш учун

қанча вақт сарфлаган? (15 мин.) У битта детални қанча вақтда тайёрлашни планлаштирганини била оламизми? Бу саволга жавоб бериш учун масаладаги берилгандарнинг қайсиларидан фойдаланиш мумкин? (30 та детални тайёрлаш учун ишчи 600 минут планлаштирган, битта деталь учун эса $600 : 30 = 20$ (мин.) Ишчи битта детални неча минутда тайёрлади? (15 минутда.) Демак, ишчи катта иш унуми билан ишлаган. Битта детални тайёрлашда у қанча вақтни тежади? ($20 - 15 = 5$ (мин.)) Битта детални тайёрлашда ишчи 5 минут вақтни тежади. У нечта деталь тайёрлашни планлаштирган эди? (30 та деталь.) Ишчи 30 та деталдан қанча вақт тежади? ($5 \cdot 30 = 150$ (мин.) 150 минут тежади.) Масала саволини ўқинг. Энди биз унга жавоб берса оламизми? (Ишчи битта деталь учун 15 минут сарфлаганини ва 150 минут тежаганини билганимиздан кейин масалада қўйилган саволга жавоб бериш мумкин: $150 : 15 = 10$ (д.) Жавоб: 10 та деталь).

II вариант. Ишчи қанча вақт ишлаган? (600 мин.) У битта детални тайёрлашга қанча вақт сарфлаган? (15 мин.) Шу маълумотлардан фойдаланиб, ишчи қанча деталь тайёрлаганини била оламизми? ($600 : 15 = 40$ (д.). Ишчи 40 та деталь тайёрлаган.) У нечта деталь тайёрлашни планлаштирган эди? (30 та д.) Масаланинг саволига жавоб берса оламизми? ($40 - 30 = 10$ (д.). Ишчи топшириқдан ортиқ 10 та деталь тайёрлаган).

III вариант. Ишчи битта детални тайёрлаш учун неча минут сарфлаган? (15 минут.) Ишчи ўзига топширилган деталларни тайёрлаш учун қанча вақт сарфлаганини била оламизми? ($15 \cdot 30 = 450$ (мин.) У 450 минут сарфлаган.) У қанча вақтни тежаган? ($600 - 450 = 150$ (мин). У 150 минут тежаган.) Энди тежалган вақт ҳисобига қанча деталь тайёрлаганини билиш мумкинми? ($150 : 15 = 10$ (д.). У 10 та деталь тайёрлаган.)

IV вариант. Ишчи битта детални тайёрлаш учун қанча вақт сарфлаган? (15 минут.) У 1 соатда қанча деталь тайёрлаганини билиш мумкинми? (1 соат = 60 минут, $60 : 15 = 4$ (д.) У бир соатда 4 та деталь тайёрлаган.) Ишчи неча соат ишлаган? (10 соат.) Бу вақт ичида у нечта деталь тайёрлаган? ($4 \cdot 10 = 40$ (д.) У 40 та деталь тайёрлаган.) Энди масала саволига жавоб бериш мумкинми? ($40 - 30 = 10$ (д.) Ишчи топширилганидан ортиқ 10 та деталь тайёрлаган.)

Шундай қилиб, маеала таҳлилига ҳар хил ёндашиш уни ечишнинг ҳар хил усулларига олиб келади:

1- у с у л:

- 1) $600 : 30 = 20$ (мин.)
- 2) $20 - 15 = 5$ (мин.)
- 3) $5 \cdot 30 = 150$ (мин.)
- 4) $150 : 15 = 10$ (д.)

3- у с у л:

- 1) $15 \cdot 30 = 450$ (мин.)
- 2) $600 - 450 = 150$ (мин.)
- 3) $150 : 15 = 10$ (д.)

2- у с у л:

- 1) $600 : 15 = 40$ (д.)
- 2) $40 - 30 = 10$ (д.)
- 3) $40 - 30 = 10$ (д.)

4- у с у л:

- 1) $60 : 15 = 4$ (д.)
- 2) $4 \cdot 10 = 40$ (д.)
- 3) $40 - 30 = 10$ (д.)

Иккинчи усул ечимнинг рационал усули экани шубҳасиз. Аммо бу ечишнинг бошқа усулларини қараш керак эмас деган гап эмасми? Йўқ.

Биринчидан, бошқа усулларни қарамасдан ўқувчилар қайсинаси рационал ва нега рационал экани ҳақида холоса чиқара олмайдилар. Иккинчидан, ўтказилган иш ривожлантирувчи ва тарбияловчи плаңда, бунинг устига дидактик жиҳатдан фойдали экани маълум, чунки ўқувчиларнинг саволларга берган жавоблари номаълум миқдорни бошқа иккита миқдор бўйича топишга доир ўзига хос машқлар деб қараш мумкин. Бундай машқларни ўқитувчи одатда ўқувчиларга оғзаки саноқ босқичида беради. Мазкур ҳолда улар мақсадга йўналганлик характеристига эга. Бу ишнинг ўргатувчи функцияси шундан иборат. Бундан ташқари масала таҳдилига ҳар хил яқинлашиш имконияти фактининг ўзи билан таниш бўлишлик ўқувчиларнинг ривожланишларида изсиз ўтмайди. Битта масалани тўрт усул билан ечиш имконияти эмоционал сферага таъсир қиласди. Бу қизиқарли ҳамdir. Бунда ҳам қилинган ишнинг тарбиявий аҳамияти кам эмас.

Ўқувчиларнинг юқори даражада тайёр бўлишлари бошқа усулдан — масала ечилишининг тайёр усулларини муҳокама қилиш усулидан фойдаланиш имконини беради.

Масалан, берилган масалани иккинчи усул билан ечиш мумкин, шундан кейин ўқувчиларга ечишнинг яна учта усулини (уларни доскага ёзиш керак) бериш ва ишнинг коллектив формасидан фойдаланиб, ҳар қайси усулни муҳокама қилиш керак. Группавий иш формасидан фойдаланиш ҳам мумкин: ҳар бир қаторга биттадан ечиш усулини тушунтириш топшириғини бериш керак.

Қаралган усулини, масалан, ушбу масалани ечишга кўллаш мақсадга мувофиқ: «Поезд бир шаҳардан иккинчи шаҳарга борища йўлнинг 180 км ини соатига 60 км

тезлик билан ўтди. Қолған йўлни худди шу тезлик билан ўтиши учун 4 соат ортиқ вақт керак бўлди. Поезд ҳаммаси бўлиб неча километр ўтиши керак бўлган?»

Доскага масаланинг учта ечилиш усули ёзилади ва қаторларга ҳар қайси усулни тушунтириш топшириғи берилади:

1- у с у л:

- 1) $180 : 60 = 3$ (соат)
- 2) $3 + 4 = 7$ (соат)
- 3) $60 \cdot 7 = 420$ (км)
- 4) $180 + 420 = 600$ (км)

2- у с у л:

- 1) $60 \cdot 4 = 240$ (км)
- 2) $180 + 240 = 420$ (км)
- 3) $180 + 420 = 600$ (км)

3- у с у л:

- 1) $180 : 60 = 3$ (соат)
- 2) $3 + 4 = 7$ (соат)
- 3) $7 + 3 = 10$ (соат)
- 4) $60 \cdot 10 = 600$ (км)

Шундан кейин қайси усул ўқувчиларга энг тушунарли бўлгани, қайси усул энг рационал экани аниқланади.

Дарснинг мақсадлари ва ўқувчиларнинг тайёргарлик даражаларига қараб масалаларни ҳар хил усуллар билан ечишни ўргатишнинг бошқа йўлларидан ҳам фойдаланиш мумкин. Масалан, бошланғич ечимни давом эттириш усулидан фойдаланиш мумкин. Группавий иш шаклидан фойдаланиб, ечимни тутгатиш ва ҳар қайси амалга тушунтириш бериш топшириғи таклиф қилинади:

1- у с у л:

- 1) $60 \cdot 4 = 240$ (км)
- 2) $180 + 240 = 420$ (км)
- 3)
- 4)

2- у с у л:

- 1) $180 : 60 = 3$ (соат)
- 2) $3 + 4 = 7$ (соат)
- 3)
- 4)

3- у с у л:

- 1) $180 : 60 = 3$ (соат)
- 2)
- 3) $7 + 3 = 10$ (соат)
- 4)

Берилган режа асосида масала ечимини излаш усулидан ҳам фойдаланиш мумкин. Масалан: 1) йўлнинг биринчи қисмида ҳаракат вақтини топиш; 2) йўлнинг иккинчи қисмини ўтиш учун керак вақтни топиш; 3) бутун йўлни


үтиш учун керак вақтни топиш; 4) шаҳарлар орасидаги масоғани топиш.

Масалани аёний интерпретациялаш усулиниң масалаларни ҳар хил усул билан ечишнинг имкониятларини тушуниб етиш учун аҳамияти катта. Масалан, ушбу масалани олайлик: «Тўғри тўртбурчак шаклидаги томорқанинг бўйи 72 м, эни эса бундан 2 марта кичик. Майдоннинг $\frac{3}{4}$ қисмига сабзавот, қолган қисмига картошка экилган. Неча квадрат метрга картошка экилган?»

Бу масалани схематик чизмасиз ечиб, ўқувчилар ечишнинг биринчи усулини таклиф қиладилар:

- 1) $72 : 2 = 36$ (м) — томорқанинг эни.
- 2) $72 \cdot 36 = 2592$ (кв. м) — томорқанинг юзи.
- 3) $2592 : 4 \cdot 3 = 1944$ (кв. м) — сабзавот экилган.
- 4) $2592 - 1944 = 648$ (кв. м) — картошка экилган.

Схематик чизмадан (83- расм) фойдаланиш ечишнинг бошқа усулларини топишга ёрдам беради.



83- расм.

Майдоннинг $\frac{1}{4}$ қисмига картошка экилгани чизмадан яхши кўриниб турибди (ўқувчилар ҳатто амални ёзмасалар ҳам бўлади, чунки бу расмдан яхши кўриниб турибди). Оғзаки мулоҳазалар юритишга уларнинг кучлари етади ва улуш ҳамда каср тушунчаларини ўзлаштириш учун яхши машқ бўлади.

Ўтказилган мулоҳазалар масалани бошқа усуллар билан ечиш имконини беради:

2- у с у л:

- 1) $72 : 2 = 36$ (м) — томорқанинг эни.
- 2) $72 \cdot 36 = 2992$ (кв. м) — томорқанинг юзи (майдони)
- 3) $2592 : 4 = 648$ (кв. м) — картошка экилган майдон юзи.

3- усул:

- 1) $72 : 4 = 18$ (м) — картошка экилган майдоннинг бўйи.
- 2) $72 : 2 = 36$ (м) — картошка экилган майдоннинг эни.
- 3) $18 \cdot 36 = 648$ (кв. м) — картошка экилган майдон юзи.

4- усул:

- 1) $72 : 4 \cdot 3 = 54$ (м) — сабзавот экилган майдоннинг бўйи.
- 2) $72 - 54 = 18$ (м) — картошка экилган майдон узунилиги (бўйи).
- 3) $72 : 2 = 36$ (м) — картошка экилган майдон эни.
- 4) $18 \cdot 36 = 648$ (кв. м) — картошка экилган майдон юзи.

Масалаларни ҳар хил усул билан ечишда масалалар ечимларини таққослаш усулидан ҳам фойдаланиш керак. Бу усул ушбу саволларга жавоб бериш имконини беради: қайси усул рационал? Бир усулнинг иккинчи усулдан афзаллиги нимада?

Ўкувчилар тафаккурининг ривожланишида ва уларда масала ечиш малакасининг шаклланишида масаланинг ечишлишига ҳар хил яқинлашиш имкониятларини тушуниб етиш ва бу яқинлашишлардан энг рационалини танлашнинг аҳамияти катта. Масалаларни ҳар хил усувлар билан ечишга интилиш ҳам курснинг амалий йўналганлигини характерлайди, чунки болалар турмушда учратишлари мумкин бўлган амалий масалалар ҳар хил ечишиш усулларига эга, математика дарслигида берилган масалалардан фойдаланиб, уларни шунга тайёрлаш керак.

Бошланғич математика курсининг вазифаларидан бири матнли масалаларни ечиш малакасини шакллантиришдан иборат. Ечишни текшириш бу таълимотнинг компонентидир.

Амалда ўқитувчилар текширишнинг натижани чамалаш ёки унинг чегараларини аниқлаш, масалани бошқа усул билан ечиш, ечиш натижасининг масала шартига тўғри келишини аниқлаш, масала шарти бўйича тузилган ифодаларнинг (амалларнинг) маъносини аниқлаш ва ҳисоблашларнинг тўғрилигини текшириб кўриш каби ҳар хил усулларидан фойдаланадилар. Охиргисидан ташқари ҳамма усуллар натижани текширишга йўналтирилган ва ўқитувчи учун қийинчиликлар туғдирмайди. Масала амаллари мазмунини аниқлаш ва ҳисоблашларнинг тўғрилигини текшириш билан боғлиқ бўлган текшириш усулини кўриб чиқамиз ва ундан ўқитувчи қандай фойдаланиши кераклиги методикасини кўрсатамиз.

Бошда масалалар ечилишларини қаралаётган усул билан текширишда қилинадиган мулоҳазаларнинг тўла тавсифини берамиз.

Ушбу «Бола 28 тийинга альбом сотиб олди. У кассага 10 ва 20 тийинлик тангаларни берди. Бола қанча қайтим олган?» масаласини ечишда болалар иккита ҳар хил ечим олишди. Кўтчилик ўқувчилар ечимни бундай ёзишди:

- 1) $10+20=30$ (тийин)
- 2) $30-28=2$ (тийин)

Жавоб: бола 2 тийин қайтим олган.

Аммо баъзи ўқувчилар ечимни бундай ёзишган:

- 1) $28+10=38$ (тийин)
- 2) $38-20=18$ (тийин)

Жавоб: бола 18 тийин қайтим олган.

Бутун мулоҳазани тўла келтирамиз (синфда текширилган вақтда булар оғзаки ўтказилади).

Биринчи ечимни текшириш. Биринчи амалдаги ифодани ўқийман: 10 билан 20 нинг йигиндиси (10 га кўшув 20). Масала текстидан 10 сони нимани билдиришини ва 20 сони нимани билдиришини топаман; 10 ва 20 — бу бола кассага берган 10 тийин ва 20 тийин. У ҳолда 10 ва 20 сонларининг йигиндиси, шунингдек натижа 30 бола кассага ҳаммаси бўлиб неча тийин берганини кўрсатади.

Иккинчи амалдаги ифодани ўқийман: 30 билан 28 нинг айирмаси. Бу ифодадаги ҳар қайси сон нимани билдиришини аниқлайман. 30 — бу биринчи амал натижаси, у бола кассага ҳаммаси бўлиб қанча пул берганини кўрсатади, 28 — бу 28 тийин, бола сотиб олган альбомнинг баҳоси, демак кассир боладан шунча тийин олиши керак. У ҳолда 30 — 28 айрма болада қанча пул қолишини кўрсатади ёки бола шунча қайтим олиши кераклигини билдиради.

Иккинчи амал — ечишни ёзишдаги охирги амал. Шу сабабли масала саволини ўқийман: «Бола қанча қайтим олади?» Масаланинг саволида айни охирги амал нимани кўрсатиши сўралмокда. Демак, масалани ечишда амаллар тўғри танланган.

Ҳисоблашларни текширамиз: $10+20=20+10=30$ тўғри; 30 сонидан 28 ни айирдик, 2 қолди. Иккинчи амал

ҳам түғри бажарилган. Масалани ечишда амаллар түғри танлангандылыктын қисоблашлар түғри бажарилгандылыктын үчүн масала түғри ечилген. Масала саволига түғри жавоб — бола 2 тийин қайтим олади.

И к к и н ч и е ч и м и т е к ш и р и ш . Биринчи амалдаги ифодани ўқыйман: 28 билан 10 нинг йигинди (28 қўшув 10). Масала текстидан 10 ва 28 сонлари нимани билдиришини топаман: 28 — бу 28 тийин, бола сотиб олган альбом шунча туради. 10 — бу бола кассага берган 10 тийинлик. Демак, $28+10$ йигинди — бу альбомнинг баҳоси билан бола кассага берган тийиннинг қиймати йигинди. Бу йигинди қаралаётган масалада маънога эга эмас (бу кассир учун ҳам, бола учун ҳам маънога эга эмас, агар биз реал вазиятни тасаввур қиласиган бўлсак, бу йигинди ҳеч бир аҳамиятта эга эмас). Аммо бу биринчи амал нотўғри танланганини билдиради, бу амал натижасида топилган 38 сони маънога эга эмас, у ҳолда иккинчи амал ҳам маънога эга эмас. Масала нотўғри ечилган, бунда биринчи амалда хатога йўл қўйилган.

Дарсда, конкрет синф ўқувчиларининг фикрлаш хусусиятлари ва уларнинг математик тайёрлиги даражасига қараб, мулоҳазалар (асосли қисмни қисқартириш ҳисобига) қиска бўлиши мумкин. Чунончи, масалан, ўқувчиларда ҳисоблаш кўникмалари пухта шакланган синф учун ҳисоблашлар түғри бажарилган дейишнинг ўзи кифоя. Бу ерда биз мулоҳазаларни, китобхон бу мулоҳазаларнинг мантиқини ва қаралаётган текшириш усулининг моҳиятини тушуниб олиши учун, жўрттага тўла келтирдик.

Яна битта мисол келтирамиз.

Масала: «150 та ромни бўяш керак. Бир бўёқчи буни 15 кунда, иккинчи бўёқчи 10 кунда бажара олади. Агар иккала бўёқчи биргаликда ишласа, бу ишни неча кунда бажаради?»

Масалани бошқа-бошқа усул билан ечиб, аммо масала саволига бир хил жавоб олган иккита ўқувчи ечимини оламиз.

Биринчи ўқувчи берган ечим:

- 1) $15+10=25$ (кун)
- 2) $150 : 25=6$ (кун)

Жавоб: иккита бўёқчи биргаликда ишласа, ишни 6 кунда бажаришади.

Иккинчи ўкувчи берган ечим:

- 1) $150 : 15 = 10$ (та ром)
- 2) $150 : 10 = 15$ (та ром)
- 3) $10 + 15 = 25$ (та ром)
- 4) $150 : 25 = 6$ (кун)

Жавоб: иккала бўёқчи биргалиқда ишлаб, ишни 6 кунда бажаришади.

Биринчи ечимни текширамиз. Биринчи амалдаги ифодани ўқийман: $15 \times 10 = 150$ (15 билан 10 нинг йигиндиси). Масала текстига мурожаат қиласан, 15 — бу биринчи бўёқчи мавжуд 150 ромни бўяб бўладиган 15 кун, 10 — бу ўша 150 та ромни иккинчи бўёқчи бўяб бўладиган 10 кун. Равшанки, йигинди маънога эга эмас, чунки у бўёқчиларнинг биргалиқда ишлашларини ҳам, якка-якка ишлашларини ҳам характерламайди. Демак, биринчи амал нотўғри танланган. Берилган 15 кун ва 10 кун бўйича масалани ечиш учун керак бўладиган ҳеч нарсани билиб бўлмайди. Бошқа берилганларни, масалан, 150 та ром ва 15 кунни олиш керак. Шундан кейин масалани ечиш планини излаш давом эттирилади.

Иккинчи ечим шунга ўхшаш текширилади. Биринчи ифодани ўқийман, масала текстидан ундаги ҳар бир сон нимани билдиришини топаман. Ифода нимани билдиришини аниклайман ва унинг қийматини ҳисоблайман ва х. к.

Ўкувчига барча мuloҳазаларни мустақил ўтказиш имконини берамиз. Улар бундай хулоса билан тутгатишлари керак: амалларнинг ҳаммаси маънога эга, охирги амал (охирги амалнинг натижаси) масала саволига жавоб беради; ҳамма ҳисоблашлар тўғри бажарилган, демак, масала тўғри ечилган.

Текшириш арифметик амалларни танлашдаги мuloҳазаларни такрорлагандек туюлади. Ҳақиқатан, амал танлаш билан текшириш орасида умумийлик бор — бу ҳар бир соннинг, амалнинг, фикрнинг маъносига эътибор бериш. Аммо амал танлашда килинадиган мuloҳазаларда фикр масала тексти мазмунидан математик ёзувга қараб боради, ифодаларнинг конкрет сонлар устидаги амалларнинг мазмунини аниқлашда фикр, аксинча, математик ёзувдан конкрет вазиятта қараб боради. Бу тафовут ечувчига ўз ечимиға бошқа томондан, янгича қарашиб имконини беради.

Энди ўз ечимини қаралаётган усул билан текшириш малакасини ўргатиш масалаларида тўхталамиз.

Ўкувчиларда арифметик амалларнинг мазмунларини тушуниш малакасини шакллантириш билан боғлиқ ҳамма

ишни усул билан таништиришга тайёрлаш деб тушуниш керак. Аммо ўқувчиларнинг қуида келтирилган топшириқларни бажаришларини айниқса ажратиб кўрсатиш керак.

1. Ўқитувчи фланелеграфда (набор полотносига) предмет картинкалар билан амаллар бажаради, ўқувчилар эса ўз парталарида қирқма рақамлар ва амал ишораларидан тегишли сонли ифода ёки тенгликни тузадилар.

Масалан, ўқитувчи набор полотносига (катакли тахтачага) 5 та сабзини кўяди. Бироз вақтдан кейин буларнинг ёнига яна 3 та сабзи кўяди ва шу бажарган ишларини рақамлар ва амал ишоралари билан ёзишни сўрайди. Шундан кейин сўрайди: «Сизнинг ёзувингизда 5 сони нимани билдиради? 3 сони-чи? $5+3$ ёзуви-чи?»

Шундан кейин ўқитувчи тенглик белгисини олишни ва набор полотносига қараб ёзишни давом эттиришни таклиф қиласиди ва сўрайди: «8 сони нимани билдиради?»

Бошқа арифметик амаллар, хусусан кўпайтириш ва бўлиш амаллари билан ҳам топширик шунга ўхшаш шундай бажарилади.

2. Ўқитувчи сонли ифода, масалан, $6-4$ ($10:2$ ёки $7\cdot 2+5$ ва х. к.) ифода ёзилган карточкани кўрсатади. Ўқувчилар ўз парталарида фишкалар (доирачалар, квадратлар, чўплар, қофоз полоскалари ва бошقا нарсалар) ёрдамида берилган ифода нимани билдиришини кўрсатишлари керак. Ўқитувчи болалар ишларини кузатиб боради ва бир нечта боладан сўрайди: 6 сони нимани билдиради? 5 сони-чи? $6-4$ ифода-чи? $6-4=2$ ёзуви-чи? 2 сони нимани билдиради?

3. Ўқитувчи содда масала текстини ўқийди, ўқувчилар эса карточкаларга ёки дафтарларига масала саволига жавоб берувчи ифода ёки тенгликни ёзишлари керак. Текшириш вақтида ўқувчилар ифодадаги ҳар бир сон, бутун ифода, натижа — ифоданинг қиймати нимани билдиришини тушунтиришлари керак.

4. Доскага иккита ифода (кўпайтириш ва бўлиш амаллари билан танишилгандан кейин тўртта ифода) ёзиб қўйилади: $10-2$, $10+2$, $10:2$, $10\cdot 2$. Ўқитувчи ҳар қайси сон нимани билдиришини айтади, ўқувчилар эса бу ҳолда ҳар бир ифода нимани билдиришини айтишлари керак. Масалан, ўқитувчи бундай дейиши мумкин: 10 сони тарелкадаги 10 та олмани, 2 сони эса тарелкадаги 2 та нокни билдирсин. $10-2$, $10+2$ нимани билдириши мумкин?

5. Масала тексти ва шу текстдаги сонлардан тузилган бир неча ифода берилган. Ҳар қайси ифода нимани билдиришини аниклаш керак.

6. Саволига $9+6$, $10-4$, $12 : 6$, $7 \cdot 3$ ва бошқа ифодалар жавоб берадиган масалалар тузиш.

Қаралаётган текшириш усулидан фойдаланишнинг навбатдаги қадами бу ўқитувчи раҳбарлигига текширишdir. Ўқувчилар мустақил ечган масалаларни текширишда, ўқувчи доскада бажарган ечимни текширишда, уй вазифасини текширишда айтиб ўтилган усулдан фойдаланишнинг фойдаси катта. Нотўғри ечимлар мавжуд бўлганда тавсифланган текшириш усули жуда фойдали, муҳимдир. Масалан, ўқувчилар «Машина биринчи куни 360 км, иккинчи куни эса шу йўлнинг $\frac{2}{3}$ кисмини ўтди. Ҳар бир 100 км йўлга у 12 л дан бензин сарфлади. Машина икки кунда қанча бензин сарфлаган?» масалани ечишганда уларнинг бир кисми ечимни бундай ёзишди:

- 1) $360 : 3 \cdot 2 = 240$ (км) — машина иккинчи куни ўтган.
- 2) $360 : 12 = 30$ (л) — машина биринчи куни шунча бензин сарфлади.
- 3) $240 : 12 = 20$ (л) — машина иккинчи куни шунча бензин сарфлади.
- 4) $30 + 20 = 50$ (л) — машина икки кунда шунча бензин сарфлади.

Жавоб: 50 л.

Ўқитувчи текширишни бундай ташкил қилди. У бу ечимни доскага ёзди ва ўқувчиларга, ҳар бир амал мазмунини аниклаб, текширишни таклиф қилди: биринчи амални ўкинг. Масала текстидан 360 сони нимани билдиришини топинг. 12 сони нимани билдиришини топинг. (360 км — бу машина биринчи куни ўтган йўл. 12 — машина ҳар 100 км га сарфлайдиган бензин микдори).

— Шунга эътибор берингки, 12 л — бу 360 км га эмас, 100 км га сарфланадиган бензин микдори. 360 нинг 12 бўлинмаси нимани билдиради? (Ҳеч нарсани билдирамайди. Агар 12 л 360 км йўлга сарфланадиган бензин микдори бўлганда эди, у ҳолда бўлинма 1 л бензин сарфлаб, неча километр йўл ўтишни билдирап эди. Берилган масаланинг ечилишида бу амал мазмунга эга эмас.) Иккинчи амалнинг тўғрилиги ҳақида қандай хulosса чиқариш мумкин? (Иккинчи амал нотўғри танланган. Масалани ечиш учун 360 ни 12 бўлишнинг кераги йўқ.)

Шундан кейин тўғри ечим топилади.

Қаралаётган текшириш усулинишнинг қўлланилишида шу

нарса қимматлики, у амал танлангандан кейингина масала текстига мурожаат қилишни талаб қилади. Бу эса баъзида амалиётда учраб турадиган ҳол—сонлар ва амаллар билан механик равишда иш бажаришнинг олдини олади.

Ўқувчилар уйларида етган масалани текшириш бўйича ўқитувчи олдин масала текстини товуш чиқариб ўқишни, ечимни доскага ёзишни ёки уни товуш чиқариб ўқиш ва бошқа ечимлари бор-йўқлигини аниқлашни таклиф қилади. Шундан кейин иш юқорида тавсифланганидек давом эттирилади.

Текширишни ўқитувчи бошчилигида бажариб, болалар бу усульнинг асосий қадамларини амалга ошириш бўйича тажриба тўплайдилар, уни онгли ва мақсадга йўналган ҳолда ўзлаштиришга тайёрланадилар.

Бундай ўзлаштиришга болалар фаолиятининг мақсади масала тўғри ечилганигина билиш учун, бундай текшириш бўйича машқ қилдириш учун нима қилиш ва қандай тартиб-далигини эслаб қолищдан иборат бўладиган дарс бошлаб беради. Бу хил дарсни ўтказиш вақти ўқувчиларнинг тайёрлик даражасига қараб танланади. Ўқувчиларни қаралаётган усулга ўргатиш бўйича ошкор, маҳсус ўргатиш дарсни, мос масалалар танлаб, исталган синфда ўтказиш мумкин. Бу дарснинг мумкин бўлган бориши тавсифини келтирамиз.

Энг олдин шу ҳақда ғамхўрлик қилиш керакки, дарсда шундай ўқув вазияти яратилсинки, ўқувчилар текширишга эҳтиёж сезишин. Буни икки йўл билан амалга ошириш мумкин.

Б и р и н ч и й ў л . Мустақил ечиш учун ўқувчиларнинг бир қисми нотўғри ечадиган масала (буни ўқитувчи билади) таклиф қилинади. Масала ечилганидан кейин ўқитувчи масала саволига жавоб беришни сўрайди. Жавоблар ҳар хил экани кўринади. Аниқ ечимни топиш зарурати пайдо бўлади. Энди ўқувчиларга текшириш намунасини кўрсатишнинг айни вақти келди.

И к к и н ч и у с у л . Ўқитувчи доскага олдиндан битта масаланинг иккита ечимини ёzádi, бу ечимлардан биттаси нотўғри бўлади. Дарсда ўқитувчи унга иккита ўқувчи мурожаат қилиб, ўз баҳсларини ҳал қилиб беришни сўрашганини, уларнинг баҳси бундай: ҳар қайси ўқувчи ўз ечимини тўғри деб тасдиқлашдан иборат эканини айтади. Улар баҳсини ҳал қилиш учун масалани биргаликда ечиб, ҳар бир қадамни асослаб бериш мумкин, албатта, аммо текширишнинг маҳсус усули мавжуд бўлиб, у масала тўғри ечилганини аниқлабгина қолмай, балки нотўғри ечимдаги хатони кўрса-

тиш имконини ҳам беради. Биринчи амални (биринчи амалдаги ифодани) ўқинг. Масала текстини қаранг ва ундан ифодадаги ҳар бир сон нимани билдиришини топинг. Ифода ва унинг натижаси нимани билдириши мумкинлиги ни ўйлаб кўринг. Иккинчи амални (иккинчи амалдаги ифодани) ўқинг. Масала текстига қаранг ва ҳар қайси сон нимани билдиришини айтинг. Иккинчи сон нимани ифодалайди? Ифода ва унинг натижаси нимани белгилаши мумкинлигини ўйлаб кўринг. Хулоса чиқарилмагунча шундай давом эттирилаверади.

Текшириш олдидан мулоҳазалар тартибини эслаб қолишга кўрсатма бериш, ечимнинг тўғри ёки нотўғрилиги хақида хулоса чиқарилганидан кейин ўқувчилардан мулоҳазаларни такрорлашни сўраш (ўқитувчи ҳам бу мулоҳазаларни такрорлаши ва асосий қадамларни эсдалик сифатида ёзиши мумкин).

Дастлабки мустаҳкамлашни ўқувчиларнинг иккинчи ечимни колектив равишда текширишлари тариқасида ўтказиш мумкин, бунда текширишнинг асосий қадамлари доскага ёзилган, шу сабабли нима қилиш кераклигини ўқувчиларнинг ўзлари айтишади, ўқитувчи уларни тегишли қадамларни бажариштагина ундейди: «Биз бу ечимни текширишимиз керак. Салим, сен айтчи, бунинг учун олдин нима қилиш керак? (Биринчи амални ўқиши, ундаги ҳар бир сон нимани билдиришини масала текстидан топиш.) Лола, сен айтчи, буни қандай бажарасан? Энди нима қилиш керак? (Натижа нимани билдиришини аниқлаш керак.) Салтанат, ҳамма мулоҳазани товуш чиқариб бажар...» ва х. к.

Бу ишга якун ясашда болаларга бундай саволларни бериш мумкин: сиз бутун дарсда нимани ўргандингиз? (Масала ечимини текширишни ўргандик.) Сиз бугун ўрганган усул билан масала ечимини текшириш учун нима қилиш керак? (Биринчи амални ўқиши, ундаги ҳар бир сон нимани билдиришини масаладан ўқиши. Агар натижа мазмунга эга бўлмаса, у ҳолда масала нотўғри ечилган бўлади. Агар натижа бирор нарсани билдирса, у ҳолда иккинчи амални ўқиймиз. Яна масала текстига қараймиз, зарурат бўлса, биринчи амал натижасига ҳам қараймиз ва янги натижа нимани билдиришини аниқлаганимиздан кейин масала саволини ўқиймиз. Шундан кейин охирги амал масала саволига жавоб бериши ёки бермаслигини аниқлаймиз.)

Кейинги дарсларда масала ечилишини текшириш малакаси уйда ечилган масалаларни текширишда мустаҳкамлаш усули билан қаралади, бунда ўқитувчи ечимнинг тўғрилигини ечимнинг ёзилишида ҳар бир сон ва амал нимани билдиришини аниқлаш ёрдамида исботлашни сўради. Махсус топшириклар бериш ҳам фойдали: «Ечимнинг ёзилишидаги ҳар бир сон ва амал нимани билдиришини аниқлаб, берилган иккита ечимдан тўғрисини танла». Биз тайёргарлик даври учун тавсия этган машқларни оғзаки машқларга киритиш мақсадга мувофиқ.

Ўқувчилар усул мазмунини етарлича тушуниб олгандаридан кейин ифода ёки tenglik шаклида ёзилган (ифода қийматини ҳисоблагандан кейин) ечимларни текшириш учун бериш мумкин. Бу ҳолда амаллар тартиби ўрнатилади, шундан кейин ҳар қайси амал бўйича ёзгандагидек давом этирилади.

Текширишнинг ўргатилган усулини ўргатиш ўқувчиларда ечимни текшириш малакасинигина шакллантириш учун мухим бўлмай, балки амал танлаш малакасини шакллантириш учун ҳам мухимdir, чунки бу усул яхшилаб ўзлаштирилганда ечуви томонидан текшириш ечим тугаллангандан кейин эмас, балки ҳар бир амал танлангандан кейин бажарилади.

13 - б о 6. БОШЛАНГИЧ МАКТАБДА АЛГЕБРАИК ВА ГЕОМЕТРИК МАТЕРИАЛЛАР. АЛГЕБРАИК ПРОПЕДЕВТИКА

Бошлангич синфлар дастурида алгебра материали мустакил бўлим сифатида ажратилмаган. Бошлангич математика курсида алгебра элементларини ўрганиш арифметикани ўрганиш масалалари билан узвий боғлиқдир. Ҳозир амал қилинаётган дастурга мувофиқ ўқувчилар математик ифодалар, сонли тенгликлар ва тенгламалар ҳакида бошлангич маълумотлар олишлари лозим, ҳарфий символика (белгилаш), ўзгарувчи билан танишишлари, энг содда тенглама ва тенгсизликларни ечиши ўрганишлари керак.

Алгебра материалини ўрганишнинг ҳар бир босқичида ўқитувчи қиладиган ишни кўриб чиқамиз.

1-§. Математик ифодалар

Сонлар ва улар устидаги амалларни белгилайдиган математик символларнинг маълум қоидалар бўйича тузил-

ган кетма-кетлиги математик ифода деб аталади. Ушбу күринишдаги ёзувлар сонли ифодалардир:

$$14+2, 6-4, 5\cdot 4-3, (27-14)+3+5 \text{ ва ҳоказо.}$$

Ушбу күринишдаги ёзувлар ўзгарувчили ифодалардир:

$$a-b, 14+c; b (35-b) : 5.$$

Математика дастурида болаларни математик ифодаларни ёзиш ва ўқишига ўргатиш, амалларнинг бажарилиш тартиби қоидалари билан таништириш, ҳисоблашларни бажаришда улардан фойдаланишга ўргатиш, ифодаларни айнан алмаштириш билан таништириш кўзда тутилган.

Ўқувчиларни сонли ифодалар билан таништиришда услубиётда маълум босқичлар кўзда тутилади.

I босқич. I синфнинг бошидаёқ, кўшиш ва айриш амаллари маъносини ўзлаштириш босқичида болалар бундай ифодаларни ўқийдилар: «Бешга бирни қўшсак, олти ҳосил бўлади», «Саккиздан учни айрилса, беш чиқади». Мисолларнинг ёзувидаги «+» ва «—» белгиларининг маъноси ушбу аломат бўйича ўзлаштирилади: агар кўпаяди-ган (камаядиган) бўлса, демак, қўшамиз (айрамиз), демак «+» («—») белгисини қўйиш керак.

Иккинчи синфда биринчи дарслардан бошлаб ифодаларнинг номлари киритилади:

$$3+2. \text{ Бу } 3 \text{ ва } 2 \text{ сонларининг йигиндиси. У } 5 \text{ га тенг.}$$

$$6-4. \text{ Бу } 6 \text{ ва } 4 \text{ сонларининг айрмаси. У } 2 \text{ га тенг.}$$

Кўшишда сонларнинг номлари (компонентлари): I кўшилувчи, II кўшилувчи ва кўшиш амали натижасининг номи — йигиндига йигирманчи дарс ажратилади. Бу сўзларни ўзлаштириш ва ёдлаб олишга тахминан уч ҳафта ажратилади. Ўқитувчиларнинг эътиборини мана бу фактга қаратамиз: ўқитувчининг «кўшишда сонларнинг номларини айтиб бер», — деган саволига болалар одатда мана бундай жавоб берадилар: «Биринчи кўшилувчи, иккинчи кўшилувчи, йигинди». Ўқитувчи кўпинча ушбу фактни ажратмасдан, бу жавобни тўғри деб топади: кўшишда биринчи ва иккинчи кўшилувчиларгина сонлардир, йигинди эса амал натижасидир. Шу сабабли бу ерда ўқитувчи иккита савол қўйиши лозим: «Кўшишда сонлар қандай аталади?», «Кўшиш натижаси қандай аталади?» ёки бундай сўраши лозим: « $3+2$ ёзувидаги сонларнинг номларини айтиб бер». Бу иш билан ўқувчиларнинг онгидга «ифода» ва «ифоданинг қиймати» тушунчаларини «ажратиш» учун яхши шароит яратилади.

«Биринчи кўшилувчи 5 га иккинчи кўшилувчи 3 ни

кўшиш керак» каби ифодаларга йўл кўймаслик лозим, чунки бу нарса тавталогиядир (такрорлашдир). Кўшиш атамалари ўзлаштирилганидан сўнг айириш атамалари (35-дарс) киритилади. Болалар «камаювчи», «айириловчি», «айирма» атамаларини катта кийинчиликлар билан эслаб қоладилар. Бу сўзларнинг маъноси устида ишлаш, уларни кўрсатмали қилиш лозим. 9 та катта кубни санаб олиш ва бир-бирининг устига кўйиш мумкин. Катта тоғ ҳосил бўлди. Энди 9 дан 3 ни айирамиз — 3 та кубни олиб ташлаймиз—тоғни кичиклаштирамиз, шу сабабли 9 — бу камаювчидир, 3 айириловчидир—3 та кубни олиб ташлайпмиз-да, стол устида бор нарса ва олган нарсамиз орасидаги фарқ қолди, яъни б айирмадир.

Айиришга доир 9—3=6 ва ҳоказо мисолларни ёзаётib, ўқитувчи болаларнинг дикқатини ёзилган мисолда камаювчи энг катта сон эканига қаратади. Бу дарсларда ўқитувчи болаларга математика тилининг хусусиятлари ҳакида сўзлаб беради. Бу қисқа, лўнда тилдир, унда ҳар бир сўз бир кийматли маънога эга. Математик билимларни ўзлаштиришни бош шартларидан бири математик нутқни эгаллашдир. Ҳозир ҳам мактабларимизда математика дарсларида кўп сўзлаш керак эмас, балки кўпроқ мисоллар ечиш лозим деб ҳисоблайдиган ўқитувчилар учраб туради. Болалар санашни билдилар, демак, ҳисоблаш усулларини ўзлаштиридилар, шу билан мақсадға эришилди. Бундай болалар юқори синфларда қийналиб қолишади. Аслида математикани билиш бу унинг атамалари маъносини ўзлаштириш, математик тилни эгаллашдир.

Шу мақсадга деярли ҳар бир дарсда математик диктант ўтказиб туриш яхши хизмат қиласи. Математик нутқнинг ривожланишига турли эслатмалар ёрдам беради. Эслатмалардан бири—мисолни иложи борича турлича ўқишидир:

Мисолни бундай ўқиш мумкин

1. Амал бўйича.
 2. Сонларнинг номи бўйича.
 3. Натижаси бўйича.
 4. . . . та
- { камайтилинг.
ортириинг.


Математик нутқни ривожлантириш учун бундай топшириқ бериш фойдалидир: «Битта мисолнинг ўзини эслатмадан фойдаланиб, ҳар хил усууллар билан ўки».

Навбатдаги дарсларда оғзаки саноқ ишида математик диктант берилиб, унда мисоллар турлича ифодаланади:

1. 5 га 4 ни кўшинг.
2. 6 ва 4 сонларининг йифиндисини топинг.
3. 9 ни 3 та камайтириng.
4. Биринчи қўшилувчи 2, иккинчи қўшилувчи 7, натижани топинг.
5. Камаювчи 7, айирилувчи 3, натижани топинг.
6. 6 ни 2 та орттириng.

Ва ҳоказо.

«+» ва «—» белгилари факат бажарилиши керак бўлган амалларни эмас, балки ифоданинг номини ҳам билдиришига болаларнинг эътиборини қаратиш учун буни бундай кўрсатмали қилиш лозим (84-расм). 5 — бу йифинди, қўшиш натижаси, бироқ «тeng» белгиси $2+3$ ёзуви ҳам йифинди деб аталишини кўрсатиб турибди.



84- расм.

«Йифинди» атамасининг ифоданинг ўзининг номи сифатидаги ва ифода қийматининг номи сифатидаги иккιёклама маъноси ҳам ушбу турдаги масалаларни ечиш жараённида мустаҳкамланади: «Бир ликопчада 2 та олма, иккинчи ликопчада эса 4 та олма бор. Иккала ликопчада ҳаммаси бўлиб қанча олма бор?» Ўкувчилар жавоб берадилар: «Ликопчаларда 6 та олма бор», ёки «Иккала ликопчадаги олмалар сони 2 ва 4 сонларининг йифиндисига teng».

Шунга ўхшаш иш иккинчи синфда, кўпайтириш ва бўлиш амалларини ўрганишда ўтказилади.

«Ифода», «Ифоданинг қиймати» атамалари иккинчи синфда киритилади. Шу вақтдан бошлаб топшириклар ушбу шаклда берилади: «Ифодани ёз ва унинг қийматини ҳисобла», «Ифодаларни таққосла», «Ифодани ўки», «Берилган масала бўйича ифода туз». «Берилган ифода бўйича масала туз» ва ҳоказо.

II боскич. Иккинчи босқичда математик ифодалар билан танишиш кўпинча 1-босқич амаллари деб аталадиган

$$4+5-3, 3+3+3, 8-2-2, 10-(3+4)$$

каби ифодаларга ва 2-босқич амаллари деб аталадиган

$$8 : 2 \cdot 3, 5 \cdot 4 : 10, 3 \cdot 2 \cdot 4, 20 : 2 : 5$$

каби ифодаларга хосдир.

Бундай ифодаларни ҳисоблаш усулларини очиб берәтиб, ўқитувчи математиклар бундай ифодаларнинг кийматларини, уларда амаллар қандай тартибда ёзилган бўлса шу тартибда бажариб ҳисоблашга келишиб олганикларини айтади ва бундай ифодаларни ўқиши ўргатади:

$4+5-3$ — «Тўртга бешни кўшинг ва натижадан учни айиринг»;

$5 \cdot 4 : 10$ — «Бешни тўртга кўпайтинг ва натижани 10 га бўлинг».

III боскич. Бу босқичдаги ифодалар тўрт амалнинг ҳаммасини ўз ичига олади:

$$5 \cdot 3 + 10, 43 - 7 \cdot 6, 4 \cdot 8 + 15 : 5, 27 : 3 - 2 \cdot 4.$$

Бундай ифодаларда ҳам энг содда ифодаларни бирлаштирадиган амаллар белгилари иккиёқлама маънога эга: қандай амални бажариш кераклигини билдиради ва ифодани белгилаш учун хизмат қиласи.

Мураккаб ифодаларни тузиш математик диктант ёрдамида киритилиши мумкин, масалан:

«8 ва 4 сонларининг кўпайтмасини ёзинг, энди эса уни ҳисобламасдан 20 сонини кўшинг. Қандай ифода ҳосил бўлади?»

$8 \cdot 4 + 20$ (8 ва 4 сонларининг кўпайтмасига 20 сонини кўшдик).

Уни қандай тартибда ёзган бўлсак, шу тартибда ҳисоблаймиз. Аввал кўпайтиришни бажарамиз: $8 \cdot 4 = 32$, натижага 20 ни қўшамиз: $32 + 20 = 52$. «+» ишораси нимани билдиради (20 соний билдиради) Биз 20 сонини кўшдик, шунинг учун у қўшилувчи бўлади. 20 ни нимага кўшдик ($8 \cdot 4$ кўпайтмага), демак, $8 \cdot 4$ кўпайтма ҳам бизнинг ифодада қўшилувчи бўлади. Уни бундай ўқиш мумкин: биринчи қўшилувчиси

8 ва 4 сонларининг кўпайтмаси, иккинчи қўшилувчиси эса 20 бўлган йиғинди.

Кўпкарра машқлар жараёнида ўқитувчининг интонациясини дикқат билан тинглаб ва гапнинг тузилишини таҳлил этиб, ўқувчилар мураккаб ифодаларнинг ёзилиш усулини эгаллайдилар, иккала компоненти (ташкил этувчиси) ифодалар орқали берилган ифодалар ёзилади ва ҳисобланади ($5 \cdot 3 + 8 : 2$, $26 : 2 - 3 \cdot 4$ ва ҳоказо).

Содда ифодаларнинг компонентларини алмаштиришга мураккаб ифодани тузишга олиб келадиган топшириклар фойдалидир. Масалан, «42 ва 8 сонларининг айирмасини ёзинг ($42 - 8$). 42 ни иккита бир хонали соннинг кўпайтмаси шаклида ($42 = 6 \cdot 7$) ва 8 ни исталган иккита соннинг бўлинмаси шаклида ($8 = 40 : 5$) ифодаланг. Берилган $42 - 8$ мисолидаги сонларни ҳосил қилинган ифодалар билан алмаштиринг:

$$6 \cdot 7 - 40 : 5$$

Содда ифодадаги натижа қандай аталар эди (айирма)? Янги мураккаб ифодада ҳам у шундай аталади, лекин энди камаювчи ва айрилувчи ҳам ифодалар бўлиб қолди. Янги мураккаб ифодани энди бундай берамиз: «Камаювчиси 6 ва 7 сонларининг кўпайтмаси билан ифодаланган, айрилувчиси эса 40 ва 5 сонларининг бўлинмаси бўлган айирмани топинг».

Ифодани сўнгги амалнинг номи бўйича ҳам бериш мумкин: « 6 ва 7 сонларининг кўпайтмасидан 40 ва 5 сонларининг бўлинмасини айиринг».

Амалларнинг бажарилиш тартиби қоидаларини бирлаштириш III синфда амалга оширилади. Амаллар тартиби қоидаларини киритиш заруратини муаммоли ҳолатни яратиш билан асослаш мумкин:

Доскага карточка қўйилади: $56 - 20 : 2 + 4 \cdot 3$. Ифоданинг қийматини ҳисобланг. Ўқитувчининг интонацияси, гапнинг тузилиши энди ёрдам бера олмайди, шу сабабли ўқувчилар турлича жавоб берадилар.

Кетма-кет топилган жавоблар доскага ёзилади:

1. $56 - 20 = 36$, $36 : 2 = 18$, $18 + 4 = 22$, $22 \cdot 3 = 66$,
2. $20 : 2 = 10$, $56 - 10 = 46$, $4 \cdot 3 = 12$, $46 + 12 = 58$,
3. $20 : 2 = 10$, $56 - 10 = 46$, $46 + 4 = 50$, $50 \cdot 3 = 150$.

— Нима учун ҳамма тўғри ҳисобласа-да, жавоблар ҳар хил бўлади?

— Биз ҳар хил тартибда ҳисобладик.

Демак, амалларни қандай тартибда бажаришни олдиндан келишиб олинмаса, битта ифода бир неча қийматларга эга бўлиб қолади. Мана шунинг учун ҳам амалларнинг тартиби қоидалари керак. Амаллар тартиби қоидалари сонли ифодалар устида тўрт амал билан таништирилганидан сўнг киритилади.

IV боскич. Бу босқичга қавсларни ўз ичига оладиган ифодалар хосдир. Қавсларни киритишга доир дарс шу кўлланманинг «Юзлик» бобида киритилган эди. Бу дарс бўлагининг варианларидан бири мана бундай: Катакли тахтачада

$$\boxed{7} \quad \boxed{2} \quad + \quad -$$

карточкалари кўйилган.

Топшириқ: карточкалардан фойдаланиб, ифодалар тузинг, уларни айтиб беринг.

Ўкувчилар тузадилар: $\boxed{7} + \boxed{2}$, $\boxed{2} + \boxed{7}$ (2 ва 7 сонларининг йигиндиси) $\boxed{7} - \boxed{2}$ (7 ва 2 сонларининг айримаси). Ўқитувчи бу ифодаларни $\boxed{7+2}$ $\boxed{7-2}$ $\boxed{2+7}$ карточкалари билан алмаштиради ва $\boxed{+}$ $\boxed{-}$ $\boxed{10}$ карточкаларини кўшади.

Топшириқ: бу карточкалардан янги ифодалар тузинг ва уларни ўқинг.

Болалар тузишади ва ўқишиади:

$\boxed{10} + \boxed{7+2}$ (10 сонига 7 ва 2 сонларининг йигиндисини кўшиш керак.)

$\boxed{10} - \boxed{2+7}$ (10 сонидан 7 ва 2 сонларининг йигиндисини айриш керак).

$\boxed{7-2} + \boxed{10}$ (7 ва 2 сонлари айримасига 10 сонини кўшиш керак).

Кейин бу ифодаларнинг қийматларини қандай хисобланниши аниқлаштирилади. Ўқитувчи тузишган ифодаларда сонлар йигиндиси (айримаси) «уйчага» қамалган деб тушунтиради. Дафтарларда бундай уйчаларни чизиш нокулай. Шу сабабли уйчанинг полини ва шифтини олиб ташлаймиз, дөврларини эса бир оз эгрироқ қиласиз, қавсларни ҳосил қиласиз. Ифодалар бундай кўринишни олади:

$$10 + (7+2), (7-2) + 10, 10 - (7+2).$$

Амаллар тартибини аниқлаш осон—аввал қавслар ичидаги натижани, кейин иккинчи амални хисоблаймиз. Бу

ифодаларни ўқишин үрганамиз: сўнгти амални ажрат, натижанинг номини айт ва кейин ифодани ўқи:

1. 10 сонига 7 ва 2 нинг ийғиндисини кўшиш керак.
2. 7 ва 2 нинг айирмасига 10 сонини кўшиш керак.
3. 10 сони билан 7 ва 2 сонлари ийғиндиси орасидаги айирмани топиш керак.

Амаллар тартибини бажаришда билимларни мустаҳкамлаш ва чукурлаштириш мақсадида ушбу машқлар таклиф этилади:

1. Қавсларни шундай кўйингки, тенгликлар тўғри бўлсин:

$$25 - 15 : 5 = 2, \quad 3 \cdot 6 - 4 = 6, \quad 24 : 8 - 2 = 4.$$

2. Юлдузчалар ўрнига «+» ёки «-» белгиларини шундай кўйингки, тўғри тенгликлар ҳосил бўлсин:

$$38 * 3 * 7 = 34, \quad 38 * 3 * 7 = 42, \quad 38 * 3 * 7 = 28, \quad 38 * 3 * 7 = 48.$$

3. Юлдузчалар ўрнига амаллар ишораларини шундай кўйингки, тенгликлар тўғри бўлсин:

$$\begin{array}{ll} 12 * 5 * 2 = 4, & 12 * 6 * 2 = 9, \\ 12 * 6 * 2 = 24, & 12 * 6 * 2 = 0. \end{array}$$

4. Ёзилган мисоллар жуфтликларидан амаллар тартиби коидалари бўйича хисобланган мисолларни кўчириб олинг:

$$\begin{array}{ll} 60 - 20 : 4 = 10, & 60 - 20 : 4 = 55, \\ 4 \cdot 3 + 20 : 5 = 16, & 4 \cdot 3 + 20 : 5 = 28. \end{array}$$

Колган ифодаларда қавслардан фойдаланиб, амаллар тартибини шундай ўзгартирингки, улар кўрсатилган қийматга эга бўлсин.

Ушбу эслатма болаларнинг ифодаларни ўқиш ишларини жуда енгиллаштиради:

1. Қайси амал энг кейин бажарилишини аниқланг.

2. Бу амалдаги сонлар қандай ном билан аталишини эсланг.

3. Бу сонлар нима билан ифодаланганлигини ўқинг.

4. Ифодани ўқинг.

Сонли ифодаларни ўқиши ва хисоблаш математик нутқни, мантикий фикрлашни ривожлантиради.

2-§. Ифодаларни айнан алмаштириш

Ифодани айнан алмаштириш бу берилган ифодани киймати шу ифоданинг кийматига тенг бўлган бошқа ифода билан алмаштиришдир.

100 ичидаги арифметик амалларнинг бажарилиши арифметик амалларнинг хоссаларига ва бу хоссалардан келиб чиқадиган натижаларга асосланган.

Сонни йифиндида кўшиш, сонни йифиндида айриш, йифиндини сонга кўпайтириш, сонни йифиндида кўпайтириш ва бўлиш хоссалари билан танишиш натижасида болалар натижани турли усуллар билан топиш мумкин эканлигига ишонч ҳосил қиласидар.

Амалларнинг хоссалари ҳақидаги билимларини ўқувчилар берилган ифодаларни айнан тенг ифодаларга алмаштиришга татбиқ этадилар. Бундай кўринишдаги топшириклар таклиф этилади:

1. Ифодаларнинг қийматларини уч хил усул билан топ:

$$30 + (40 - 20), \quad 90 - (60 + 10) - 4, \quad (20 + 34) - 4.$$

Энг кулагай усулни кўрсат.

2. Тенгликнинг чап томонида ёзилган ифодаларни тақкосла. Уларнинг нимаси ўхшаш, нимаси билан фарқ қиласиди?

$$(10 + 6) + 3 = 10 + (6 + 3) = 10 + 9 = 19,$$
$$(10 + 6) \cdot 3 = 10 \cdot 3 + 6 \cdot 3 = 30 + 18 = 48.$$

3. Бўш жойларни тўлдир ва натижани топ:

$$(30 + 4) + 5 = 30 + (\square + 5) =$$
$$(30 + 4) \cdot 5 = 30 \cdot \square + 4 \cdot \square =$$

4. Куйидаги ифодаларда ёзувни шундай давом эттирики, «тенг» белгиси сақданиб қолсин:

$$[80 : [(4 \cdot 10)] = 80 : 10 \dots,$$
$$50 - (30 + 5) = 50 - 30 \dots \dots \dots$$

5. Ифодаларни тақкосла ва $>$, $<$, $=$ белгиларини қўй:

$$7 + 7 + 7 \cdot 7 \cdot 9, \quad 12 + 12 \cdot 12 \cdot 2, \quad 5 \cdot 4 + 5 \cdot 5 \cdot 5, \quad 8 \cdot 5 - 8 \cdot 8 \cdot 4.$$

Агар қавсли ифодаларда қавслар амаллар тартибига таъсир этмаса, уларни қўймаслик мумкинлигини айнан алмаштиришлар асосида кўрсатиш мумкин.

$$(40+20)+10=40+20+10, (10 \cdot 6) : 4 = 10 \cdot 6 : 4.$$

Бундай топшириқлар таклиф этилади:

1. Тенгликлар түрими, текшириб күр; нотүғри тенгликларда қавсларни шундай күйки, улар түғри тенгликларга айлансын:

$$20 \cdot 9 - 6 : 3 = 140, \quad 20 \cdot 9 - 6 : 3 = 58, \quad 20 \cdot 9 - 6 : 3 = 20$$

2. Ифодаларнинг қийматларини топ:

$$(50 \cdot 4) + (60 \cdot 3), \quad (300 - 50) \cdot 6$$

$$(300 : 6) + (280 : 7), \quad (320 - 120) : 4.$$

Бұ у ифодаларни қавсларсиз ёз ва ҳосил бўлган ифодаларнинг қийматларини хисобла, қайси ифодаларда қавсларни кўймаслик мумкин экан? Айнан алмаштиришлар билан боғлиқ бўлган турли топшириқлар ўқувчиларда математик машқларга қизиқишиг ўйғонишига, кузатувчанликнинг тарбияланишига, фикрларини асослашга, ўзини ўзи назорат килиш ва ўзаро текшириш одатларининг шаклланишига ёрдам беради.

3-§. Ҳарфий ифодалар билан таништириш

$2a+3$, $a+b$, $c-4$ каби ёзувлар ўзгарувчили ифодалар ёки ҳарфий ифодалар деб аталади, ўзгарувчи бу белги (символ) бўлиб, уни сонлар билан алмаштиришга рухсат этилади. Бундай сонлар тўплами ўзгарувчининг қийматлари деб аталади.

Болалар биринчи синфдаёқ ушбу кўринишдаги мисолларни ечадилар:

$$\square \pm 2 \quad \square + 3 \text{ ва } \square \text{оказо.}$$

«Дарча» бу ўзгарувчилир. Бу дарчага турли сонларни кўйиб, ифодаларнинг турли қийматларини топамиз.

Иккинчи синфда «дарчали» («квадратчали») ифодалар билимларни умумлаштириш босқичида

$$\square + 0 = \square, \quad \square - 0 = \square$$

каби ва топшириқларни умумий кўринишда бериш усули

$$\square + \square = \square, \quad \square - \square = \square$$

каби квадратчаларни сонлар билан алмаштириб, «масалалар туз» шаклида берилади. Бирок бу топшириқлар ўзгарув-

чили ифодаларнинг ошкормас кўринишида берилишидир. Тўртйиллик мактабнинг учинчи синфида ўзгарувчини ҳарфий ифодалаш киритилади. Ҳарфий ифодаларни киритиш дарсини бундай ўтказиш мумкин:

Болаларга «Математик ифодаларни тузиш ўйини ўтказилади, деб эълон қилинади. Доскага уч ўқувчи чақирилади ва уларга сонли ва «+» белгили карточкалар берилади. «Сиз, болалар шундай турингки, қўлингиздаги карточкалардан сонлар йиғиндиси ҳосил бўлсин». Болалар туришади ва

7+2

ифодаси ҳосил бўлади. Бу ўқувчиларнинг ҳар бири бу ифодани амал бўйича, сонларнинг номлари бўйича, натижа бўйича (усуллардан бири билан) ўқийдилар.

Сўнгра яна икки ўқувчи доска олдига чақирилади ва улар сонли карточкалар билан илгари чақирилган ўқувчиларнинг олдида туришади.

Ўқитувчи. «Ифода ҳосил бўлиши учун белги нима килиши керак?»

«Белги» бир қадам олдинга юради ва болалар ифодани турлича ўқийдилар. Мана шундай қилиб.

7+7 15+20 ва ҳоказо.

ифодалар тузилади. Болалар катакли тахтачада рақамлар кассаси ёрдамида ўзларининг мисолларини тузадилар ва уни айтиб берадилар.

Бундай ифодаларни бутун мактаб ўқувчилари, ва ҳатто, бутун шаҳар ўқувчилари тузишлари мумкинлиги аниқланади, демак, математик ифодаларни жуда кўп тузиш мумкин экан

Ўқитувчи. «Улар нимаси билан фарқ қиласи?»

Болалар. «Уларда турли сонлар бор?»

Ўқитувчи: «Уларда қандай умумийлик бор?»

Болалар. «Улар иккита соннинг йиғиндисидир».

Ўқитувчи тушунтиради: биринчи кўшилувчини белгилайдиган сонлар ўрнига ҳарф, масалан *a* ни ёзиш мумкин (сафда ўқувчилар биринчи колоннасининг олдида **a** карточкали ўқувчи туради), иккинчи кўшилувчини ифодалайдиган сонлар ўрнига ҳам ҳарфни, масалан, *b* ни ёзиш мумкин (учинчи колоннанинг олдида **b** ҳарфли ўқувчи туради. **+** карточкали ўқувчи бир қадам олдинга чиқади.

Ўқитувчи. Биз *a+b* ҳарфий ифодани ҳосил қил-

дик (ўқииди: a плюс b ёки a ва b сонларнинг йигиндиси). Ҳарфий ифодадан, агар a ва b ҳарфларининг ўрнига сонлар қўйилса, исталган сонли ифодани ҳосил қилиш мумкин.

Ўқитувчи болаларни лотин алфавитининг баъзи ҳарфлари a , b , c , d , m , n , x , y ҳарфлари ва уларнинг та-лаффузи билан танишиди.

Кейин ўқувчилар дарслик бўйича ишлашади ва машқларни таҳдил этишади:

15— b ифодани ўқишиди: «15 ва b сонларининг айирмаси», ҳарфнинг берилган қийматларини айтишади (6, 8, 15, 0).

Ёзувни бундай тахт қилишади:

15— b

$$b=6 \quad 15-6=9$$

$$b=8 \quad 15-8=7$$
 ва ҳоказо.

b ҳарфи яна қандай қийматларни қабул қилиш мумкинligини аниқлаш лозим, у $b=16$, 17 бўлиши мумкини, нега бўла олмайди (айрилувчи камаювчидан катта бўла олмайди).

Ҳарфий ифодалар устида иш олиб бориша турли кўринишдаги машқлар назарда тутилади:

1. Ҳарфий ифоданинг қийматини ҳарфларнинг берилган қийматларида хисоблаш:

а) агар $a=784$, 852 бўлса, $a+808$ ифоданинг қийматини хисобла.

б) агар $k=97$, 59 бўлса, $128-k$ ни хисобла.

в) $b=9$, 25 67 бўлса $209 \cdot b$ ни хисобла.

г) $c=228$, 5796 бўлса, $c : 12$ ни хисобла.

Умумлаштириб, ўқувчи бундай хулоса қиласди: ҳарфий ифоданинг қиймати ифодага кирадиган ҳарфнинг қийматига боғлик.

2. Миқдорлардан бири ҳарф билан берилган масалаларни ечиш. Масаланинг ечимини ҳарфни ўз ичига олган ифода билан ёзиш, ҳарфларнинг қийматларини мустақил танлаш ва ҳарфий ифодаларни хисоблаш:

а) Раъононинг a та китоби бор эди. Унинг туғилган кунида яна 5 та китоб совфа қилишди. Раънода нечта китоб бўлди?

б) Дўконда d та футбол тўпи бор эди. Бир кунда 27 та тўп сотилди. Дўконда нечта тўп қолди?

в) Бригадада x нафар киши бор эди. Бир сменада бригаданинг ҳар бир аъзоси 20 тадан деталь тайёрлади.

Бригада бир сменада қанча деталь тайёрлади?

г) m кг силос 60 та сигирга берилди. Ҳар бир сигирга қанчадан силос берилган?

Бундай күринищдаги топширикларнинг бажарилишини жадвал күринишида ифодалаш мумкин. Масалан, агар $c=16$ 33, 48, $d=14$, 15, 8 бўлса, $c+d$ ва $c-d$ ифодаларнинг қийматларини топинг.

Дафтарда жадвал күринишида ёзилади:

c	16	33	48
d	14	15	48
$c+d$	30	48	96
$c-d$	2	18	0

$c+10$ 25— b күринищдаги ифодалар билан таништиришда ҳаракатланувчи лентали таблодан фойдаланиш мумкин:

35		10		25		1
10		10		25		10
12		10		25		20
8		10		25		4
7	+	10		25	-	25
1		10		25		0
0		10		25		15
c		10		25		b

Ҳаракатланаётган лентани суриб, болаларнинг дикатини миқдорлардан бири ўзгармаслигига, иккинчиси эса ўзгаришига қаратамиз. Шу сабабли биринчи қўшилувчини ҳарф билан, иккинчи қўшилувчини эса сон билан ифодалаш мумкин, $c+10$ ифода ҳосил бўлади (25— b ҳам

шунга ўхшаш). Ўзгармас (бир хил қиймат қабул қиласы) ва ўзгаруучи миқдор (турли қийматлар қабул қиласы) маъносини ўзлаштиришда уч графали жадвални икки графали жадвалга айлантириш ёрдам беради. Масалан, ушбу жадвални түлдиринг:

b	37	37	37	37
d	10	15	0	7
$b+d$				

Биринчи қўшилувчи b бир хил қийматларни қабул қилишини аниқлаганидан сўнг болалар $b+d$ йифинди ўрнига $37+d$ ифодани ёзиб, икки графали жадвалга ўтадилар.

d	10	15	0	7
$37+d$				

Жадвалларни түлдириш ўқитувчига айирма ва бўлинманинг мавжудлик шартига болаларнинг эътиборини қартиш имконини беради. Масалан, бундай топшириқ таклиф қилинади: «Ушбу 0, 1, 15, 20, 23, 40, 50 сонлар қаторидан « b » айрилувчи учун ярокли қийматларни танла ва жадвални түлдир»:

b					
$19-b$					

Топшириқ бажарилганидан сўнг ўқитувчи сўрайди: «20, 23, 40, 50 қийматларни нега танламадингиз? Жадвалнинг қолган катакларини түлдириш учун яна қайси қийматларни қабул қилиш мумкин? 19 қийматни қабул қилиш мумкинми?»

Умумий хулоса чиқарилади: «Айришда камаювчи айирувчидан катта ёки унга тенг».

Ушбу машқни бажаришда ҳам шунга ўхшаш иш олиб борилади: «Берилган 0, 1, 2, 3, 4, 5, 6, 7, 8, 9 сонлар қаторидан бўлувчи учун яроқли қийматларни танла ва жадвални тўлдир».

m					
$18 : m$					

Бундай хулоса чиқарамиз: m нинг 18 қолдиқсиз бўли- надиган қийматлари ярайди, нолга бўлиш мумкин эмас».

Жадвалларни тўлдириш бўйича қилинадиган иш компо- нентлардан бирининг ўзгаришига қараб, амаллар нати- жасининг ўзгаришини кузатишга имкон беради. Масалан: «жадвални тўлдир» топшириғи бажарилади:

c	0	10	100	1000	2000	2000	2000
b	10	10	10	10	10	100	1000
$c \cdot b$							
$c : b$							

Бундай саволлар қўйилади: «Кўпайтма қандай ўзгар- япти? Бўлинма қандай ўзгармоқда?»

Болаларнинг эътиборини « c » нинг қийматлари 0 дан 2000 гача ортганлигига, « b » нинг қийматлари эса ўзгар- масдан қолишига қаратилади. Бунда $c \cdot b$ кўпайтма ва $c : b$ бўлинма ортиб борди. $c = 2000$ ўзгармас бўлганида b нинг ортиши билан (10, 100, 1000) $c \cdot b$ кўпайтма орти, $c : b$ бўлинма эса камайди.

Хулоса: кўпайтувчилардан бири қанча катта бўлса, кўпайтма шунча катта бўлади, бўлинувчи қанча катта бўлса, бўлинма шунча катта бўлади, бўлувчи қанча катта бўлса, бўлинма шунча кичик бўлади.

Ўқувчилар ҳарфий символиканинг маъносини ўзлаш- тиргандаридан сўнг, ҳарфлардан ўқувчиларда шакллан- тириладиган билимларни умумлаштириш воситаси сифа- тида фойдаланиш мумкин. Бу ерда бутун машқлар тизими

конкретликдан абстрактликка ўтиш тамойилига мувофиқ түзилади. Маълум боғланишлар, муносабатлар, хоссалар, алоқалар ва ҳоказоларни сонли мисолларда кўп марта кузатилганидан сўнг тегишли хulosалар, қоидалар ёки формулалар таърифланади ва ҳарфий шаклда ёзилади.

Йигиндининг ўрин алмаштириш хоссаси ва уни умумлашган шаклда ёзиш ишида машқлар кетма-кетлигини кўриб чиқамиз.

1. Ифодаларни таққосланг:

$$30 + 15 * 15 + 30, \quad 35 + 12 * 12 + 35, \quad 21 + 17 * 17 + 21$$

Нима учун ҳамма ифодаларда «=» белгиси қўйилади?

2. Ҳарфларни шундай сонларга алмаштирингки, тўғри тенгликлар ҳосил бўлсин:

$$a + 17 = 17 + a, \quad 35 + a = a + 35, \quad b + 12 = 12 + b.$$

Ўкувчилар турли ҳарфларни танлайдилар ва бунда таққосланаётган ифодалардаги ҳарф бир хил қиймат қабул қилаётганлигини қайд этадилар.

$$3. \quad a + b = 17, \quad b + a =$$

Агар a ва b иккала тенглиқда бир хил бўлса, иккинчи йигинди қандай сонга тенг бўлиши мумкин?

4. $c + d$ ва $d + c$. Агар иккала ифодадаги c ва d нинг қийматлари бир хил бўлса, бу йигиндилар ҳар хил бўлиши мумкинми? c ва d га қийматлар беринг ва ҳосил бўлган йигиндиларни ёзинг.

5. Тўғри тенглиқ ҳосил бўладиган қилиб, ёзувни туталланг:

$$a + b = b +$$

Берилган тенглиқни $a = 18, b = 20; a = 13, b = 40$ бўлганда ёзинг.

6. Ифодаларни таққосланг:

$$c + d * d + c, \quad a + b * b + a, \quad c + a * a + c.$$

Барча машқлар бажарилганидан сўнг қандай хulosага келамиз. Кўпайтиришнинг ўрин алмаштириш хоссасини барча ҳоллар учун қандай ёзиш мумкин?

$$a + b = b + a.$$

Ҳарфнинг математикада символ сифатидаги умумлаштирувчи аҳамияти келгусида ўқувчилар кузатадиган сонли боғланишларни умумлаштиришда ҳарфлардан фойдаланишга ёрдам беради. Ўқитувчи шу мақсадда топширикларни махсус танлайди.

1. Йигиндини топинг. Кузатилаётган боғланишни ҳарфлар ёрдамида ёзинг:

$$3+0; 5+0; 9+0; 11+0; 18+0 \quad (a+0=a).$$

2. Айирмани топинг. Кузатилаётган боғланишни ҳарфлар ёрдамида ёзинг: $5-0; 9-0; 12-0; 48-0 \quad (b-0=b)$.

3. Бўлинмани топинг. Кузатилаётган боғланишни ҳарфлар ёрдамида ёзинг: $15 : 1, 12 : 1, 9 : 1, 17 : 1 \quad (c : 1=c)$.

4. Кўпайтмани топинг. Кузатилаётган боғланишни ҳарфлар ёрдамида ёзинг: $15 \cdot 1, 13 \cdot 1, 27 \cdot 1, 58 \cdot 1 \quad (a \cdot 1=a)$.

5. Ифоданинг қийматини топинг. Кузатилаётган боғланишни ҳарфлар ёрдамида ёзинг: $18-7+7, 13-3+3, 27-10+10, 44-15+15 \quad (a-c+c=a)$.

6. Ифодаларнинг қийматларини топинг. Кузатилаётган боғланишни ҳарфлар ёрдамида ёзинг:

$$18 : 2 \cdot 2, 25 : 5 \cdot 5, 36 : 6 \cdot 6, 42 : 21 \cdot 21 \quad (a : c \cdot c=a).$$


Шунга ўхашаш топширикларни ўқитувчининг ўзи ҳам математика дастурига амал қилган ҳолда тузиши мумкин. Ҳарфий символикадан фойдаланиш бўйича ишни мунтазам ўтказиб бориш керак. У ўқувчилар билимларининг умумлаштириш даражасининг ортишига ёрдам беради, юқори синфларда алгебра курсини ўрганишга тайёрлайди.

4-§. Тенглик, тенгсизлик, тенглама


Тенгликлар, тенгсизликлар ва тенгламалар ҳақидаги тушунчалар ўзаро боғланишда очиб берилади. Улар устидаги иш I синфдан бошлаб, арифметик материални ўрганиш билан узвий қўшиб олиб борилади. I — II синфларда сонли тенглама ва тенгсизлик ҳақида бошлангич тасаввурлар шакллантирилади. Тенглик ва тенгсизликлар ҳақидаги биринчи тасаввурларни болалар тайёргарлик давридаёқ оладилар. Иккита тўплам орасида ўзаро бир қийматли мослик ўрнатиш, бир хил микдорда бўлмаган нарсалар гуруҳларини бир хил микдордаги нарсалар гуруҳларига (икки усул билан) айлантириш ва бир хил микдордаги нарсалар гуруҳларини бир хил микдор бўлмаган нарсалар гуруҳларига айлантириш (икки усул билан)

билин «катта», «кичик», «кам», «тенг» тушунчалари мустаҳкамланади. Иш бундай олиб борилади. Ўқитувчи катакли тахтачада 5 та доирача тайёrlаб қўяди.

Ўқитувчи. «Мен ҳозир доирачалар тагига квадратчалар қўяман, мен квадратчалардан кўп қўяманми ёки кам қўяманми?» Ҳар бир доирачанинг тагига квадратчани қўяди (85-расм). Болалар кўзлари билан ҳар бир квадратчага доирачани мос қўядилар ва квадратчалар доирачалардан кам эканлигини аниқлайдилар («Катта», «тенг» тушунчалари ҳам шунга ўхшаш шакллантирилади).



85- расм.



86- расм.

— Доирачалар қанча бўлса, квадратчалар шунча бўлиши учун нима қилиш керак (Биринчи усулни болалар тез топадилар)?

— Яна квадратчалар қўйиш керак. Ҳар бир доирачанинг тагига квадратча турибди, демак, улар teng.

— Доирачалар ва квадратчаларни яна қандай tengлаштириш мумкин?


Ўқитувчи болаларни ортиқча квадрат доирачаларни олиб ташлаш керак деган фикрга олиб келади.

Кейинги топшириқда фигуralар ихтиёрий тартибда терилган (86-расм). Ўкувчилар фигуralарни сурib, бир-бирининг тагига келтириш мумкинлигини топадилар ва хулоса чиқардилар.

Ўқитувчи гуллар солинган иккита ваза (гулдон) қўяди. Бир вазада оқ гуллар, иккинчи вазада қизил гуллар бор.


Қайси вазадаги гуллар кўп? Ўқувчи вазалардан битталаб гул олиб, уларни жуфтлаб қўяди, қайси вазада гуллар қолган бўлса, ўша вазада гуллар кўп.

Нихоят, фигуранларни кўчириш мумкин бўлмаган ҳолат яратилади. Плакатнинг турли қисмларида қизил учбурчаклар ва кўк доирачалар жойлаштирилган (87-расм). Қайси фигуранлар кўп? Болалар учларига пластилин ёпиштирилган ипчалар ёрдамида фигуранларни туташтириб, бундай хулоса қиладилар: «фигуранлар тенг». Бу босқичда тўпламларни таққослаш саноқ билан олиб борилмаслигини ўқитувчига айтиб ўтамиз. Нарсаларни кўриб қабул қилиш «катта», «кичик», «тенг» тушунчаларини чукурроқ тушунишга ёрдам беради.




87- расм.



Фазовий тасаввурларнинг ривожланиши, нарсаларнинг хоссаларининг мустаҳкамланиши билан бир вақтда «катта», «кичик», «тенг» муносабатларининг шаклланишида Пиаже фигуранлари билан ишлаш катта ёрдам беради. Плакатларда расмлар тайёрланган (88 — 90-расмлар). Якка тартибда ишлаш учун топшириқлар пакетда тарқатилади (91-расм). Ўзаро бир қийматли мослик ўрнатиб, болалар тўғри жавобни топадилар.




88- расм.




89- расм.



90- расм.



91- расм



91- расм

Биринчи ўнлик сонларини номерлашда $>$, $<$, $=$ белгилари киритилади. Ўқитувчи болаларни бундай ўргатади: « $>$ » белгисининг учи доимо кам сондаги нарсалар томонга караб туради». Нарсаларни санашин ўрганилаёттанды бир вактда сонларни таққослаш иши ҳам бажарилади (бешта доирача түртта учбурчакдан кўп, демак, $5 > 4$). Натурал сонлар қаторининг ҳосил бўлишини ўрганиш вақтида бундай қонуният аниқланади: натурал қаторда сон қанча узокда турса, у шунча катта бўлади. Кейинчалик сонларни таққослашда болалар шу хоссага таянадилар. $5 < 7$, чунки саноқда 5 сони 7 сонидан олдин айтилади, $9 > 8$, чунки саноқда 9 сони 8 сонидан кейин айтилади.

Муносабатларни $<>$, $<<$, $<=$ белгилари ёрдамида ёзиб, болалар tengsizliklар ва tengsizliklарни ўқиш ва ёзиши машқ қиладилар.

Бундай қўшимча саволларни бериш фойдалидир: $6 < 7$.

1. Тенгсизликнинг чап томонини, ўнг томонини айтиб бер.

2. Ёзувни ўнгдан чапга, чапдан ўнгга ўқи.

3. Нотўғри ёзувларни ў chir. Улар нима учун нотўғри?

$$9 > 7, 4 > 3, 8 < 9, 7 < 5, 5 > 3, 0 > 4.$$

4. $7 < 5$ да тўғри ёзув ҳосил бўлиши учун 7 нинг ўрнига қандай сонларни ёзиш мумкин?

5. Тўғри ёзув ҳосил бўлиши учун $\square < 7$ дарчага қандай сонларни қўйиш мумкин?

Бу босқичда «Арифметик тарози» фойдалидир. Ричагли тарозининг чап косасига 6 та бир хил шарча, ўнгдаги косасига эса 7 та шундай шарча қўямиз. Нечта шарчанинг массаси оғирроқ, енгилроқ? Массалари тенг бўлиши учун нима қилиш керак (битта шарча қўшиш керак ёки ортиқча шарчани олиш керак)? Сўнгра косачалар олинади. Шайнинга 6 ва 7 рақамлари илинади. 7 рақами 6 ни босиб кетади. 6 рақамига 1 ни қўшиб, мувозанатта келтирамиз.

Наборда рақамлар массалари шундай танланганки, сонлар йиғиндиси мос массалар йиғиндисига тенг.

Кейинчалик, 100, 1000 ичида сонларни номерлашни ўрганишда, шунингдек, күп хонали сонларни номерлашда сонларни таққослаш уларнинг натурал қатордаги ўрнини таққослаш асосида, ёки сонни хона қўшилувлари йиғиндиси билан алмаштириш асосида, ёки сонларни тегишли хона бўйича таққослаш асосида амалга оширилади: $857 > 785$, чунки 8 юзлик 7 юзликдан катта.

Миқдорларни таққослаш аввал нарсаларнинг ўзларини берилган хоссаси бўйича таққослашга таяниб бажарилади, кейин эса миқдорларнинг сон қийматларини таққослаш асосида амалга оширилади, бунинг учун берилган миқдорлар бир хил ўлчовларда ифодалаб олинади. Миқдорларни таққослаш ўқувчиларда қийинчилик туғдиради, шунинг учун II — IV синфларда ранг-баранг машқларни мунтазам таклиф қилиш керак:

1. Тенгликлар тўғрими ёки нотўғрими, текшириб кўр:

$2 \text{ м } 5 \text{ см} = 25 \text{ см}$, $1 \text{ т } 800 \text{ кг} = 4800 \text{ кг}$, $100 \text{ мин} = 1 \text{ соат}$.

2. Тенг миқдорни танлаб қўй:

$7 \text{ км } 500 \text{ м} = \dots \text{ м}$, $3080 \text{ кг} = \dots \text{ т} \dots \text{ кг}$.

3. Сон қийматларни шундай танлаб қўйки, ёзув тўғри бўлсин:

соат $<$ мин, см = дм, кг г $>$ кг.


4. Миқдорларнинг исмларини ёзув тўғри бўладиган қилиб қўй:

$35 \text{ км} = 35000 \dots$, $16 \text{ мин} > 16 \dots$, $17 \text{ т } 500 \text{ ц} < 17500 \dots$

Бунга ўхшашиб машқлар болаларнинг тенг ва тенгмас миқдорлар ҳақидаги тушунчаларнинг ўзларинигина эмас, балки ўлчов бирликлари орасидаги муносабатларни ҳам ўзлаштиришларига ёрдам беради.

Ишнинг навбатдаги босқичи ифодаларни ва сонларни таққослашдан иборат. $3+1>3$, $3-1<3$ каби дастлабки ифодаларни $3=3$ тенгликдан тўпламлар устида тегишли амалларни бажариш билан ҳосил қилинади. Катакли тахтада кўк ва қизил рангдаги 3 тадан доирача қатор қилиб

кўйилади. $3=3$ тенглик тузилади (92-расм). Чапга битта яшил доирача кўйилади. Ифода тузилади. Доирачалар нечта бўлди? $3+1$. Ўнгдаги доирачалар миқдори ўзгардими? Каердаги доирачалар кўп? Белги кўямиз. Ёзувни ўқишиади: уч қўшув бир 3 дан катта. Ифодаларнинг номлари билан танишганларидан сўнг тенгсизликни бундай ўқийдилар: 3 ва 1 сонларининг йиғиндиси 3 сонидан катта.



92- расм.

Кейинчалик ифодани ва сонни (сонни ва ифодани) таққослаш ифоданинг қимматини топиш ва уни сон билан таққослаш асосида бажарилади ва бу иш ёзувда акс эттирилади:

$$5+3>5 \quad 2<6-3 \quad 6=2+4 \\ 8>5 \quad 2<3 \quad 6=6$$

Тўпламлар устида бажариладиган амалий ишларга таяниб, тўпламларни таққослаш, тенгсизликни чапдан ўнгга ва ўнгдан чапга томон ўқиш билан ўқувчилик тенглик ва тенгсизликларнинг асосий хоссаларини ўзлаштирадилар:

агар $a=b$ бўлса, у ҳолда $b=a$,
агар $a>b$ бўлса, у ҳолда $b<a$.

Махсус танланган ифодаларни таққослаш билан ўқувчилик арифметик амалларнинг маъносини англайдилар, амалларнинг махсус ҳоллари ҳақида кузатишларга эга бўладилар:

$17+0 \dots 17, 7\cdot 1 \dots 7, c+1 \dots c, 19-0 \dots 19, 0:5 \dots 0,$
 $c \dots c:1$ ва ҳоказо.

«Үнликда», «юзликда» ва ҳоказоларда амалларни ўрганиш вақтида сонларни ва ифодаларни таққослашга оид машқлар янги сонли материалда берилади, ифодалардаги сонлар ва амаллар белгилари миқдори кўпайтирилади. Иккита ифодани таққослаш деган сўз, уларнинг қийматларини таққослаш демакдир. Шу сабабли иккита ифодани таққослаш ўқувчиларнинг ҳисоблаш малакаларини эгаллашлари билан бирга ўзлаштирилади. «10» концентрида «йигинди» ифодасининг номлари киритилганидан сўнг ушбу иккита мисолни таққослаш таклиф этилади:

$$5+4=9, \quad 5+3=8.$$

Бу мисолларнинг нимаси ўхшаш, нимаси билан фарқ қиласи? Йигиндиларнинг қайси бири катта, нега? Ушбу тенгсизлик тузилади:

$$\begin{aligned} 5+4 &> 5+3 \\ 9 &> 8 \end{aligned}$$

Кейин турли ифодалар таққосланади:

$$2+5*10-2, \quad 1+7*9-2, \quad 10-4*9-3, \quad 10-3*3+5.$$

Ифодаларни таққослаш бўйича ишни шахсий катакли тахтачадан фойдаланиб ташкил этиш мумкин. Ўқитувчнинг айтиб туриши бўйича, ўқувчилар юкори қаторда ифодани терадилар, ҳар бир ифоданинг қийматини топадилар ва пастки қаторда сонли тенгсизликни тузадилар, кейин белгини берилган ифодалар орасига кўчирадилар:

$$\begin{aligned} 2+5 &< 10-2 \\ 7 &< 8 \end{aligned}$$

Катакли тахтачадан фойдаланиш барча ўқувчиларнинг ишини текширишга ёрдам беради, ўқувчиларнинг ишини фаоллаштиради. Ифодаларни таққослашда турли услубий мақсадлар кўзда тутилади. Улардан энг асосийси ҳисоблаш укувларини автоматизм даражасига етказишдир. Масалан, ушбу мисоллар қўшиш ва айриш хоссаларига асосланган ҳисоблаш усуулларини машқ қилишга мўлжалланган:

$$\begin{aligned} 56+30*59-30, \quad 42-7*42+8, \quad 5+9*8+7, \quad 40-6*30+4, \\ 80-47*80-29. \end{aligned}$$

Математика дарслкларида шундай мисоллар ҳам борки, уларда таққослашни компонентларнинг ўзгаришига боғлиқ

равиша амаллар натижаларининг ўзгариши ҳақидаги билим асосида ўтказиш мумкин.

Мисоллар кўрайлик.

1. 38—6 ва 38—4 ни таққосланг.

Бу ерда иккита соннинг айирмалари берилган бўлиб, уларда камаювчилар бир хил. Биринчи айирманинг айрилувчиси иккинчи айирманинг айрилувчисидан катта. Қанча кўп айрсак, шунча кам қолади, демак,

$$38-6 < 38-4$$

Жавобнинг тўғрилиги ифодаларни ҳисоблаш билан текширилади ва тасдиқланади.

2. Таққосланг: $45+3$ ва $45+5$. Иккала ифода ҳам йигинди, уларда биринчи қўшилувчилар бир хил — қанча кам қўшсак, шунча кам ҳосил қиласиз, демак,

$$45+3 < 45+5$$

3. Тўғри тенгсизлик ҳосил бўладиган қилиб сонни танланг:

$$68-4 > 68-\square$$

Иккала ифода ҳам айрма, уларда камаювчилар бир хил. Биринчи айрма иккинчи айрмадан катта бўлиши учун иккинчи айрмадаги айрилувчини орттириш керак, яъни у 4 дан катта бўлиши лозим. Иккинчи айрмадаги айрилувчи 5, 6, 7, ..., 68 қийматларни қабул қилиши мумкин.

Таққослаш усули ёзма ва оғзаки номерлаш ҳақидаги билимга асосланиши ҳам мумкин. Масалан, $19-10$ ва $18-8$ ни таққосланг. Ўнлик айрилганда бирлар қолади, бирлар айрилганда ўнлар қолади, шу сабабли $19-10 < 18-8$.

Ушбу

$$60-20 < 60-10$$

кўринишдаги ифодаларни таққослашда болалар янги саноқ бирликлари сифатида ўнликлар билан санайдилар.

Ҳисоблаш усулларини мустаҳкамлаш мақсадида иккита ифодани таққослашдан фойдаланилганда уларни жойлаштириш тизимини ўйлаб олиш керак. Аввал таққослашда битта ҳисоблаш усули талаб қилинадиган ифодалар каралади:

$$65+2 \cdot 64+3, \quad 65+20 \cdot 65+30.$$

Йиғиндиарни ҳисоблаш сонни йиғиндига қўшиш хосса-сига асосланган. Бундай машқлар дарсликда етарлидир.

Кейинги босқичда ҳар бир томони (чап ва ўнг) битта хоссанинг турли натижаларини татбиқ этишни талаб қила-диган ифодаларни ўз ичига олган машқларни киритиш мумкин.

$$64+4 \cdot 49+7, \quad (60+4)+4 \cdot 49+(1+6).$$

Сонни йиғиндига ва йиғиндини сонга қўшиш қоидаларига асосан

$$\begin{aligned} 60+(4+4) \cdot (49+1)+6, \\ 68 > 56. \end{aligned}$$

Ҳисоблаш усуулларини таққослаш уларнинг мустаҳкам-ланишига ёрдам беради.

Сўнгра турли хоссаларга асосланадиган усууллар ёрда-мида ифодалар таққосланади:

$$\begin{aligned} 49+4 \cdot 69-8, \quad 36+12 \cdot 64-61 \\ 48-3 \cdot 42+3. \end{aligned}$$

Барча концентрларни ўрганишда ифодаларни изчиллик билан таққослашни изчиллик билан амалга ошириш «тeng-лик», «тengсизлик» тушунчаларининг пухта шакланишига ёрдам беради, шунингдек номерлаш ҳақидаги арифметик амалларнинг хоссалари ҳақидаги билимларнинг ўзлаштири-лишига, ҳисоблаш малакаларининг автоматизм даражасига етказилишига ёрдам беради.

Тенгламаларни ечиш. Бошланғич синфларнинг математика дастурига мувофиқ равишда III синфдан бошлаб ушбу кўринишдаги тенгламалар танлаш усули билан ечилади: $7+x=15$, $x+9=14$, $x-4=5$, $10-x=3$, $x \cdot 6=12$, $4 \cdot x=20$, $24 : x=6$, $8 : x=4$.

IV синфда 1000 ичидаги сонлардан фойдаланилади-ган тенгламалар ўрганилади: $1000 : x+312=654$, $421+x=-546$, $792-x=217$, $x-125=500$.

Улар берилган сонлар билан изланаётган сонлар ораси-даги ўзаро алоқаларга асосланиб ечилади. Тенгламалар ёрдамида энг содда масалалар ечилади.

Бошланғич мактаб математика курсида «тенглама» тушунчасининг аниқ таърифи берилмайди. Ўқувчилар бу тушунчани маҳсус танланган машқларни бажариш жа-раёнида тушуниб оладилар.

Ҳозирги замон услубиётида тенгламалар ечишни ўргатища уч босқичда иш олиб борилади:

I босқич: тайёргарлик босқичи;

II босқич: x ҳарфи билан $x+2=5$, $3+x=7$, $x-3=4$, $8-x=5$ каби энг содда тенгламаларда номаълум сонни белгилаш учун қабул қилингән символ сифатида танишиш;

III босқич: тенгламаларни амалларнинг компонентлари ва натижаси орасидаги боғланиш асосида ечиш.

Тайёргарлик иши 1 дан 10 гача бўлган сонлар билан танишириш дарсларида бошланади: «10 ичиди номерлаш» мавзусини ўрганиш вақтидаёк биринчи бешлик ичиди сонларнинг таркибини хотирлаб қолишлари, 10 ичиди қўшиш ва айришни ўрганиш вақтида эса 6, 7, 8, 9 сонларининг таркибини хотирлаб қолишлари лозим.

Расмга таяниб ечиладиган дастлабки дарчали мисоллар пайдо бўлади: $\square + 1 =$, $\square - 1 =$ ва ҳоказо. «Дарча» x номаълумнинг прообразидир.

Мисол. $3 + \square = 5$ — бу энди энг содда тенглама бўлиб, лекин уни қўрсатмалиликка таяниб ечилади. Ўкувчилар оқ ва кўк тўртбурчаклардан иборат полоскалардан қўрсатмалилик қуроли сифатида фойдаланиб, «дарча» ларга тегишли сонларни қўядилар.

Сонлар билан танишилгани сари бу машқлар сонларнинг таркиби асосида ечилади:

$\square + 1 = 4$ (4, бу $3 + 1$), демак, $3 + 1 = 4$, дарчага 3 сонини қўяман;

$9 - \square = 2$ (9 бу 7 ва 2, 2 ни ҳосил қилиш учун 7 ни айриш керак) дарчага 7 ни қўяман;


$\square - 5 = 1$ (5 ва 1 сонларидан 6 сони ҳосил бўлади) дарчага 6 ни қўяман, текшираман: $6 - 5 = 1$.

Шунинг учун ҳам бу босқичда сонларнинг таркибини ёд олиш алоҳида аҳамиятга эга. Бу ишда диаметри 10 см дан бўлган иккита доирадан иборат қўлланма катта ёрдам беради. Қўлланма якка фойдаланиш учундир. Биринчи доирага қизил доирачалар, иккинчи доирага кўк доирачалар ёпиштирилган (ёки чизилган). Уларнинг сони тенг ва изланаётган сонга мосдир. Доиралар радиуси бўйича кирқилади ва бир-бирининг ичига киритилади (93- расм).

Доираларни силжитиб, берилган соннинг, масалан, 9 сони таркибининг барча ҳолларини қўриб чиқиш мумкин.

«9 сонига мос доираларни олинг. 9 сонини қандай тузиш мумкин?»

Болалар 9 сонини ихтиёрий равища терадилар. Доска олдига турлича терган болаларни чақириб, турли усуллар



93- расм.

болалар билан бирга мустаҳкамланади. Кейин мустақил иш берилади, жадвални түлдир:

	9
7	
	1
2	
	6
4	

Бу ишни «Күшнисини айт» ўйини шаклида ўтказиш мумкин. Жадвал бу ҳолда уй шаклида бўлади, сонлар бир қаватдаги дарчаларда яшашади, соннинг кўшнисининомини айтиш керак. Агар ўкувчилар топшириқнинг уdda-сидан чиқа олмасалар, у ҳолда йўлга соладиган саволлар берилади: «9 ҳосил қилиш учун 7 га қандай сонни қўшиш керак? 0, 1, 2 ни синаб кўрамиз. 0 тўғри келмайди, чунки $7+0=7$. 1 сони ҳам тўғри келмайди, чунки $7+1=8$. 2 ни кўяман, $7+2=9$. Демак, бу 2 сонидир.»

Биринчи боскичда тенгламалар бундай ўқиласди:

$\square + 1 = 4$. 4 ни ҳосил қилиш учун қандай сонга 1 ни қўшиш керак?

$9 - \square = 7$. 7 ни ҳосил қилиш учун 9 дан қандай сонни айриш керак?

$\square - 5 = 1$. 1 ни ҳосил қилиш учун қандай сондан 5 ни айриш керак?

Аста-секин дарча ўрнига «номаълум сон» сўзини кири-тамиз: $7 + \square = 15$, $\square - 9 = 6$, $8 \cdot \square = 56$ кўришишдаги мисол-ларни бундай ўқиймиз:

1. 7 га номаълум сонни қўшамиз ва 15 ни ҳосил қила-миз. Бу қандай сон?

2. Номаълум сондан 9 ни айирдик ва 6 ни ҳосил қилдик. Бу қандай сон?

3. 8 ни номаълум сонга кўпайтирдик ва 56 ни ҳосил қилдик. Номаълум сонни топ.

Жавоб ё танлаш йўли билан, ёки соннинг таркиби ҳаки-даги билим асосида топилади.

III синфда IV чоракда «тенглама» тушунчаси ва x но-маълум киритилади. Бу ишни бундай амалга ошириш мум-кин. Катакли тахтачада $5 + \square = 8$ ёзуви, пастрокда 0 дан 10 гача сонлар ёзилган карточкалар қўйилади. Бу мисолни ўқинг (5 га 8 сонини ҳосил қилиш учун қандай сонни қўшиш керак?). Бу ёзувни яна қандай ўқиш мумкин (Биринчи қўшилувчи 5 , иккинчи қўшилувчи номаълум, йигин-ди 8 . Номаълум қўшилувчини топиш керак)? Бизнинг мисолимизда номаълум қўшилувчи «дарча» билан белгилан-ган, математикада эса уни маҳсус ҳарфлар билан белгила-нади. Улардан бири x (икс) ҳарфидир. Дарча ўрнига x қўйилади. Бундай ёзув ҳосил бўлади: $5 + x = 8$. Бундай ёзув тенглама деб аталади.

ПЛАКАТ:

$$\boxed{\begin{array}{c} 5+x=8 \\ \text{ТЕНГЛАМА} \end{array}}$$

Мустаҳкамлаш учун топшириқ берилади: «Ушбу ёзувлар-дан тенгламани ажратинг ва ёзинг: $x - 4$, $x + 3 = 5$, $5 > 3$, $3 + x = 7$, $9 + x$, $8 - 6 = 2$ ».

Ўқитувчи болалардан асослаб беришларини сўрайди: «Нега $x + 3 = 5$, $3 + x = 7$ ёзувларини танладингиз? Нега $x - 4$, $5 > 3$, $9 + x$, $8 - 6 = 2$ ни танламадингиз?»

Тенгламаларни ҳам мисоллар каби ечиш керак. Тенгламани ечиш нимани билдиради?

Тенгламани ечиш, демак, шундай сонни топиш деган сўзки, уни берилган тенгламага қўйилганида тўғри тенглик ҳосил бўлади. Ечиш оғзаки, танлаш йўли билан амалга оширилади. Танлаш усули тенгламани ечишда онгли равишда ва математика нұқтai назаридан тўғри ёндашишни шакллантиради, чунки ўқувчи ўзи танлаган сонни текшириб кўришга йўналтирилган бўлади, яъни у тенгламада x нинг

ўрнига сонни қўйиши ва тўғри тенглик ҳосил бўлиш-бўлмас-лигига ишонч ҳосил қилиши лозим.


Масалан, $x+3=7$ тенгламани ечаётганида ўқувчи бундай мулоҳаза юритади: «1 сони тенгламанинг ечими эмас, чунки $1+3=4$, тенгламада эса 7 берилган; $2+3=5$; 5 сони 7 га тенг эмас» ва ҳоказо.

Агар ўқувчи соннинг таркибини яхши ўзлаштириб олган бўлса, у сонни танлаб, жавобни бериши мумкин, бироқ бу ҳолда ҳам у жавобнинг тўғрилигини исботлаши, яъни x ни берилган тенгламага қўйиши лозим. Бу ҳолда ўқувчи ишни онгли равишда бажараётганинги текшириш учун бундай савол бериш керак: нега энди $x \neq 3$?

Ўқувчилар танлаш усулидан фойдаланиб, номаълум қўшилувчи, камаювчи, айрилувчини топишга доир тенгламаларни дарҳол ечишлари мумкин.

$x-5=3$ кўринишдаги тенгламаларни ечаётганда болаларнинг эътиборини танлашни қандай сондан бошлиш кераклигига қаратиш лозим. Равшанки, бу сон 5 дан катта бўлиши лозим. Сонларнинг таркибини билиш керакли сонни топишга ёрдам беришини болаларга айтиб туриш керак.

Харфининг киритилишини бундай иш ўтказиб, янада кўрсатмалироқ қилиш мумкин. Катакли тахтачада доирачалар турибди (94-расм). Ўнгда нечта доирача турибди (3 карточка қўяди)? Чапда нечта доирача турибди (4 карточкини қўяди)? Ҳаммаси бўлиб нечта доирача борлигини қандай амал ёрдамида билиш мумкин (Кўшиш амали ёрдамида, «+» белгиси қўйилади)? Ифодани ўқиймиз: 4 ва 3 сонларининг йифиндиси.




94-расм.

$5+2$, $6+3$ ифодалар устида ҳам шунга ўхшаш иш олиб борилади, доирачалар сонини галдаги марта ўзгартириб, ўқитувчи ўнг томондаги доирачаларни қофоз вараги билан бекитади (95-расм).

Энди чапдаги доирачалар нечта? Ўнгда-чи (x ҳарфи қўйилади)? Энди ҳамма доирачалар сонини қандай ёзиш мумкин ($5+x$)? Агар ҳамма доирачалар 6 та (7 та, 9 та)



5



X

95- расм.

бўлса, x сони қандай бўлиши мумкин? Бундай ёзув ҳосил бўлади:

$$5+x=6, \quad 5+x=7, \quad 5+x=9.$$

Бундай иш жараёнида ўқувчилар x сон ҳар хил бўлиши мумкинлигини ва у ҳамма доирачалар нечта эканлигига боғлиқлигини англаб олишлари лозим.

Ўқитувчи мисолларнинг бу янги шаклларини тенгламалар деб атайди, тенгламани ечиш дегани нима эканлигини тушунтиради ва танлаш усули билан ечади.


Учинчи синфда ривожлантирувчи таълим мақсадларини назарда тутиб, $8 \cdot x=8$, $7+x=7$, $x+9=9$ кўринишдаги тенгламалар ечилади:

Ечишда бундай мулоҳаза юритилади: « $8 \cdot x=8$, 8 ни номаълум сонга кўпайтиридик ва 8 ҳосил қилдик, демак, 1 га кўпайтиридик, чунки сонни 1 га кўпайтирганимизда ўша соннинг ўзини ҳосил қиласиз. Номаълум сон 1 га teng».

Машқлар оғзаки бажарилади. Энг содда тенгламаларнинг ёзуви IV синфдан киритилади. IV синфда болалар катта сонлар билан иш кўришни ўрганадилар ва энди тенгламаларни танлаш усули билан ечиш ноқулай бўлиб қолади.

Тенгламаларни ечишнинг III босқичи шакллантирилади. Бу вақтга келиб болалар номаълум қўшилувчини, камаювчини, айрилувчини, кўпайтувчини, бўлинувчини, бўлувчини топиш қоидаларини яхши ўзлаштирганлар. Бироқ номаълум компонентни амалларнинг компонентлари ва натижаси орасидаги боғланиш асосида топиш 10 ичдаги сонлар устида киритилади. $4+x=7$ тенгламани шу усул билан ечилишини кўриб чиқамиз. Катакли тахтачада ёзув терилган (96- расм). 4 сонига номаълум сонни кўшдик ва 7 ни ҳосил қилдик. Номаълум қўшилувчини қандай топиш мумкин? (4 та доирача чизилади, факат беркитилган доирачалар қолади. Айтилаётган қоида математик ёзув билан қайд этилади: $x=7-4$

$$x=3.)$$



96- расм.

Тенглама ечилишининг умумий ёзуви доскада ва ўқитувчиларнинг дафтарларида ёзилади: $4+x=7$

$$x=7-4$$

Текшириш: $4+3=7$
 $7=7$

$$x+3$$

Амалларнинг компонентлари ва натижаси орасидаги боғланишни билишларига таяниб тенгламалар ечаётгандариди, болалар олти қоида ҳақидаги билимларини кўллана олишлари керак. Бу қоидалар кўпинча аралаштириб юборилади. Шу сабабли тенгламаларни ечишда бундай хатоликларга йўл кўйилади:

1. Номаълум кўшилувчини топишда йигиндига маълум кўшилувчини кўшиб юборадилар. ($x+20=37$; $x=37+20$; $x=57$).

2. Камаювчини топишда айирмадан айирилувчини айирадилар

$$(x-30=54; x=54-30; x=24).$$

3. Айрилувчини топишда айирмага камаювчини қўшадилар

$$(20-x=14; x=14+20; x=34).$$

4. Номаълум кўпайтuvчини топишда кўпайтмани маълум кўпайtuvchiga kўpaitiyadilar

$$(5x=15; x=15 \cdot 5; x=75 \text{ ёки } 5x=15; x=15-5; x=10).$$

5. Бўлинувчини топишда бўлинмани бўлувчига бўладилар

$$(x : 5=15; x=15 : 5; x=3).$$

6. Болалар ечишни яхши айтиб бера олмайдилар, тенгламаларнинг ечимини текширишнинг маъносини тушунмайдилар

дилар. Шу сабабли ечимнинг ёзуви формал характерда бўлиб қолади. Масалан,

$$\begin{array}{l} 5+x=8 \\ x=8-5 \\ \hline x=2 \end{array}$$

$$\begin{array}{l} x+7=9 \\ x=9-7 \\ \hline x=3 \end{array}$$

$$\begin{array}{l} 16-x=9 \\ x=16+9 \\ \hline x=25 \end{array}$$

$$\begin{array}{l} 5+2=8 \\ 3+7=9 \\ \hline 25-16=9 \end{array}$$

Бундай хатоликлардан қутулиш учун болаларни «Тенг ламаларни қандай ечиш керак?» эслатмаси билан ишлашга ўргатиш керак.

1. Тенгламада нима маълум ва нима номаълумлигини айт.
2. Номаълум сонни қандай топиш қоидасини эсла.
3. Арифметик амални бажариб, номаълум сонни топ.
4. Текшир.
5. Номаълум сонни айт.

Бу эслатма (алгоритмнинг ҳар бир қисми ўзининг алгоритмiga эга).

1. Тенгламани қандай ўқиш керак:
 - а) тенгламада кўрсатилган амалнинг номини айт;
 - б) бу амалдаги соннинг номини айт;
 - в) сонларнинг номларидан фойдаланиб, тенгламани ўки.
2. Номаълум сонни топиш қоидасини танлаш алгоритми:
 - а) кичик сонлар билан ёрдамчи мисол туз;
 - б) ёрдамчи мисолда номаълум сонни қандай амал билан топишни аниқла;
 - в) номаълум сонни топиш қоидасини эсла.
3. Тенгламани ечиш алгоритми:
 - а) қоидани қўлла ва номаълум сонни маълум сонлар орқали ифодасини ёз;
 - б) номаълум соннинг қийматини хисобла.
4. Текшириш алгоритми:
 - а) топилган қийматни тенгламага қўй;
 - б) чап томоннинг қийматини хисобла;
 - в) чап ва ўнг томонларни таққосла.

Дастлабки вақтларда болалардан тўлиқ гапириб ечишни талаб қилиш керак. Ёд олдириш мақсадида савол-жавоб тизими олиб борилади.

Масалан, $x-7=10$. Доскада нима ёзилган (Тенглама)? Уни ўки (Икс айирув 7, тенг 10 га). Бошқача яна қандай

ўқиши мумкин (Номаълум сонни 7 та камайтирилса, 10 ҳосил бўлади)? Қандай амал кўрсатилган (Айириш)? Бу ёзувдаги сонларнинг номларини айт (x — камаювчи, 7 — айриловчичи, 10 — айирма). Камаючини қандай топиш мумкин (Камаючини топиш учун айирмага айриловчи ни қўшиш керак)? Ёзамиш:

$$\begin{aligned}x &= 10 + 7 \\x &= 17.\end{aligned}$$

Қандай текшириш керак? 17 сонини камаювчи ўрнига қўя-
миз, ҳисоблаймиз: $17 - 7 = 10$. Такқослаймиз: $17 - 7 = 10$
ва тенгламада ҳам 10, демак, ечим тўғри.

Шундан сўнг ўқувчи йўл кўрсатувчи саволларсиз ҳам тенгламанинг ечилишини тушунтириб бера олиши керак. Масалан, $x : 8 = 40$. Ўқувчининг тўлиқ тушунтириши бундай бўлади: «Бу тенглама. Унда бўлиш амали бажарилмоқда. x — бўлинувчи, 8 — бўлувчи, 40 — бўлинма. Номаълум бўли-
нувчини топиш учун бўлинмани бўлувчига кўпайтираман: $x = 40 \cdot 8$; $x = 320$. Текшираман: $320 : 8 = 40$, $40 = 40$. Ечим тўғри».

Алгоритмни қўлланиш математик нутқни ривожланти-
ради ва тенгламаларни ечишнинг пухта ва онгли ўзлаш-
тирилган укув ва малакаларини шакллантиради.

Номаълум компонентни излашга доир тенгламани ечиш формал иш бўлиб қолмаслиги учун ушбу топшириқларни бериш фойдалидир:

1. Намуна бўйича мисоллар туз ва уларни еч:

$$12 - 9 = 3, 9 + 3 = 12, 12 - 3 = 9.$$

2. Жадвални тўлдир:

Камаювчи	10		12		13		10
Айриловчи		3		5		7	
Айирма	7	8	9	8	7	6	8

3. Тенгламаларни топ ва уларни еч:

$$x - 8 = 9, 5 + 7 = 12, c + 7, 8 + x = 14.$$

4. Номаълум сони 8 бўлган тенгламаларни айт:

$$x \cdot 2 = 20, 6 \cdot x = 48, x : 2 = 5, 40 : x = 5.$$

5. Ушбу тенгламаларда номаълум кўшилувчининг қийматлари бир хил бўлиши мумкини:

$4+x=5$, $4+x=6$, $4+x=7$, $4+x=8$ (йўқ, чунки биринчи кўшилувчилар бир хил, йиғиндилар эса турлича)?

6. Ушбу тенгламаларда номаълумларнинг қийматлари турли бўлиши мумкини:

$$5+x=7, x+5=7?$$

7. Еттининг ва номаълум соннинг йиғиндиси тўқизга тенг. Тенгламани ёзинг. Йиғинди бешга тенг бўлиши мумкини?

8. Номаълум сонни 3 га ортирилди ва 9 ҳосил қилинди. Тенгламани ёзинг. У йиғинди бешга, олтига, иккига тенг бўлиши мумкини? (5, 6 бўлиши мумкин, 2 эса бўлмайди, чунки йиғинди доимо кўшилувчиларнинг биридан катта ёки тенг).

9. Расмга қараб тенглама тузинг (97- расм). Барча доирачалар сони 5 га, 4 га, 6 га, 9 га тенг бўлиши мумкини?



97- расм.

Бу нарса йиғинди кўшилувчиларнинг биридан катта ёки унга тенг бўлиши мумкинлигини тушуниб олишга ёрдам беради.

10. $2+x=3$, $x+3=7$, $3+x=6$ тенгламалардаги номаълум кўшилувчи 5, 3, 4, 1 сонларининг қайси бирига тенг бўлиши мумкин:

Тенгламаларни ечиш укувини шакллантириш мақсадида турли-туман тенгламаларни ечиш таклиф этилади:

1. $18-x=9$ тенгламани ечинг ва ечимни текширинг.

2. Хато ечилган тенгламаларни топинг ва хатоликни тушунтиринг:

$$\begin{array}{lll} 20-x=8 & x+7=13 & x-8=7 \\ x=20-8 & x=13+7 & x=7-8 \\ x=12 & x=20 & x=1 \end{array}$$

3. x , 7, 10 сонлари билан тенгламалар тузинг, уларни ечинг ва ечимни текширинг.

4. Берилган тенгламалар ичидан номаълумни бўлиш (айириш) билан топиладиган тенгламаларни ажратинг ва ечинг.

5. Берилган тенгламаларда номаълум 5 га тенг бўлган тенгламаларни топинг.

6. Тенгламанинг ечилишини кўринг ва тушириб қолдирлиган белгини кўйинг:

$$\begin{array}{ll} x \cdot 2 = 12 & x \cdot 2 = 12 \\ x = 12 : 2 & x = 12 \cdot 2. \end{array}$$

7. Тенгламаларни ечинг, тенгламаларни ва уларнинг ечимларини таққосланг:

$$\begin{array}{ll} x + 8 = 40 & x \cdot 8 = 40 \\ x - 8 = 40 & x : 8 = 40 \end{array}$$

8. Тенгламаларни ечинг: $x + 18 = 6$, $6 - x = 8$. Бундай тенгламалар ечимга эга эмаслигини ўқувчилар билан биргаликда ҳал қиласиз, чунки биринчи тенгламада йифинди кўшилувчилардан кичик бўлиши мумкин эмас, иккинчи тенгламада эса айрма камаювчидан катта бўлиши мумкин эмас.

IV синфда тенгламалар устида олиб борилаётган ишнинг якунлаш босқичида ушбу назорат ишини таклиф этиш мумкин.

IV синф учун назорат иши

I вариянт

1. Математик диктант (факат жавоблари сатр қилиб ёзилади).

а) 70 ҳосил қилиш учун 36 ни қандай сонга қўшиш керак?

б) Номаълум сонга 13 қўшилди ва 32 ҳосил қилинди. Бу қандай сон?

в) 19 ҳосил қилиш учун 36 дан қандай сонни айриш керак?

г) 8 ҳосил қилиш учун қандай сондан 15 ни айриш керак?

д) Камаювчи 21, айрилувчи номаълум, айрма 17. Номаълум сонни топинг.

II вариянт

1. Аввал қўшилувчи номаълум бўлган тенгламаларни, кейин эса айрилувчи номаълум бўлган тенгламаларни кўчириб ол ва еч.

$$\begin{array}{ll} 30 + x = 27 & x - 36 = 37 \\ x - 16 = 24 & x + 24 = 48 \\ 90 - x = 16 & 72 - x = 18 \end{array}$$

2. Диктант.

а) 26 ҳосил қилиш учун қандай сондан 14 ни айриш керак?

2. Аввал камаювчи номаълум бўлган тенгламалар, сўнгра иккинчи қўшилувчи номаълум бўлган тенгламаларни кўчириб ёз ва еч.

$$\begin{array}{ll} 40+x=77 & x-26=34 \\ x-14=27 & 17+x=49 \\ 6x-x=26 & x+13=50 \end{array}$$

3. 48 ва 96 сонларидан тенглама туз ва еч.

Дастурнинг асосий талабларига ҳатто энг содда тенгламаларни еча олиш укувлари ҳам киритилмаган. Шу сабабли ҳам тегишли топширикларни назариянинг ўрганилган масалаларини ўзлаштириш ва юкори синфларда тенгламаларни ўрганишга тайёргарликка қаратилган машқларнинг турларидан бири деб қараш лозим.

5-§. ТЕНГЛАМАЛАР ТУЗИШ УСУЛИ БИЛАН МАСАЛАЛАР ЕЧИШ

Масалаларни тенгламалар усули билан ечиш ҳам шу мақсадларни кўзда тутади. Масалаларни тенгламалар усули билан ечиш масаланинг мазмунини ўзлаштиришга, уни пухта таҳлил қилишга ёрдам беради. Ўкувчилар берилган ва изланяётган микдорлар қайси амалнинг қандай компонентлари эканлигини аниқлашни ўрганадилар.

Дастлабки вактларда ўкувчилар масаланинг маъноси бўйича тенгламалар тузадилар, тузилган тенглама бўйича амалнинг компонентлари номларини аниқлайдилар, амалнинг қайси компоненти номаълум экани ва масалада нима маълум эканини аниқлайдилар. Дастлабки вактларда масаланинг қисқа ёзувида амалларнинг компонентлари ва натижаси номларини ёзиб қўйиш фойдали бўлади, бу эса болаларни масалага унинг математик тузилиши нұқтаи назаридан қарашларига ёрдам беради.

Тенглама билан ечиладиган дастлабки масалалар бундай кўринишда берилади: «Агар ўйланган сонга 278 ни қўшилса, 450 ҳосил бўлади. Қандай сон ўйланган?»

Масалани таҳлил қилиб, унинг қисқа ёзувини тузамиз:

б) Номаълум сонга 19 қўшилди ва 50 ҳосил қилинди.

в) Агар ўйланган сонни 7 та камайтирилса, 19 ҳосил бўлади. Қандай сон ўйланган?

д) Камаювчи номаълум, айрилувчи 17. Айирма 28. Номаълум сонни топинг.

3. 17 ва 56 сонларидан тенглама туз ва еч.

— Масалада сонлар устида қандай амал бажарилади (Кўшиш амали), «+» белгиси қўйилади.

— Нечта сон қўшилмоқда (иккита сон)?

— Биринчи сон қандай (У номаълум, уни ўйланган)? Номаълум сонни қандай белгилаймиз [x]? «+» белгидан чап томонда карточка қўйилади.

— Иккинчи сон қандай (278)? «+» дан ўнг томонда карточка қўйилади.

— «Ҳосил бўлади» сўзини қандай белги билан белгилаш керак («==» белгиси билан)? 278 дан сўнг қўйилади.

— Неча ҳосил бўлди (450)? 450 карточкани қўямиз.

— Тузилган ифодага дикқат билан қаранг, у қандай аталади (Тенглама)?

— Бу тенглама эканлигини исботланг (ифодада «==» белгиси ва x бор).

Кўшишда сон қандай аталади (Биринчи қўшилувчи, II қўшилувчи)? Ўқитувчи сонларнинг устида компонентларнинг номлари ёзилган карточкаларни ўрнатиб қўяди.

— Кўшиш натижаси қандай аталади (Йигинди)?

Катакли тахтачада бундай ёзув ҳосил бўлди

$$\begin{array}{r} \text{I қўшилувчи} & \text{II қўшилувчи} & \text{Йигинди} \\ x & + & 278 & = & 450 \end{array}$$

— Нима номаълум? Уни қандай топиш мумкин?

Ёзуви: $x=450-278$

$$\begin{array}{r} x=450 \\ -278 \\ \hline 172 \end{array}$$

$x=172$.

Жавоби: ўйланган сон 172.

Энди масалаларни тенгламалар усули билан ечишда унча катта бўлмаган сонли, сюжетли масалалардан фойдаланиш мумкин.

Масалада: «Дилбар З та чизикли ва бир нечта катакли дафтар сотиб олди. У ҳаммаси бўлиб 7 та дафтар сотиб олди. Дилбар нечта катакли дафтар сотиб олган?»

Қисқа ёзуви: Катакли — 3 та дафтар

Чизикли — x та дафтар

Ҳаммаси бўлиб — 7 та дафтар

Масаланинг мазмунига кўра $3+x=7$ тенглама тузилади. Сўнгра амал бўйича тенгламада биринчи қўшилувчи (3) ва йигинди (7) маълум эканлиги, номаълум эса иккинчи

күшилувчи эканлиги аниқланади. Компонентларнинг номларини ўқитувчи масаланинг қисқа ёзуви ёнига ёзади ва у ушбу кўринишни олади:

Катакли — 3 та дафтар — I кўшилувчи

Чизикли — x та дафтар — II кўшилувчи

Ҳаммаси бўлиб — 7 та дафтар — йигинди

Тузилган тенглама номаълум кўшилувчини топиш укуви асосида ечилади, ечим масаланинг маъноси бўйича текширилади ва жавоби ёзилади.

М а с а л а: «Бир неча олмани 4 та вазага баравардан солишибди, ҳар бир вазада 7 та олма бор. Вазаларга нечта олма қўйилган?

Масала шарти бўйича сухбат:

— Масалада нима ҳақида гапирилмоқда (Олмалар ҳақида)?

— Олмаларни нима қилишибди (Вазаларга баравардан қўйишди)?

— Вазаларга нечта олма қўйишди (Номаълумни x билан белгилаймиз)?

— Олмаларни баравардан бўлишибди, уларнинг x сони бу ишда нимадан иборат (Бўлинувчидан иборат)?

— Олмаларни қандай тақсимлашибди (4 та вазага қўйишди, яъни 4 та тенг бўлакка бўлишибди)?

— Бўлувчи нимадан иборат (4, чунки 4 та ваза бор эди)?

— Натижа нимага тенг (Битта вазада 7 та олма бор)?

Натижа қандай аталади (Бўлинма)?

Тенглама тузилади: $x : 4 = 7$.

— Бу тенгламани ўқинг. («Номаълум сонни 4 га бўлинди ва 7 ҳосил қилинди. Номаълум сон нимага тенг?»)

Сўнгра ўқувчилар x ни топадилар, жавобни текширадилар ва ёзадилар.


Шундай килиб, ўқувчилар масаланинг мазмуни устида ишлаш вақтидаёқ, уни одатдаги тилимиздан математика тилига ўтказадилар. Бу тенгламалар тузишда ёрдам беради.

М а с а л а: «Карима гулдонларга гул солди. 3 та гулдонга ҳаммаси бўлиб 18 та гул солди. Ҳар бир гулдонда нечтадан гул бор?

Ўқувчилар ёрдамида доскада хомаки расм чизилади ёки гулдонлар ва гуллар макетлари қўйилади (98-расм).

Сухбат ўтказилади:

— Бизнинг масаламизнинг қисқа ёзувини математика



18 та аттар гул

98- расм.

тилида қандай ўқиши мумкин (x та гулдан 3 марта олишди, 18 хосил бўлди)?

— Бу гап бўйича масала туэйинг:

$$x \cdot 3 = 18.$$

— x , 3, 18 қандай аталади [I кўпайтувчи (x), II кўпайтувчи (3), кўпайтма (18)].

— Номаълум кўпайтувчини қандай топиш мумкин?

$$x = 18 : 3, x = 6$$

Ечимни ва жавобни ёзинг.


Қисқа ёзуви бўйича масалалар тузиш фойдалидир:

Нечтадан — 3 та маркадан — кўпайтувчи

Неча марта — x — кўпайтувчи

Ҳаммаси бўлиб — 15 та марка — кўпайтма

Бу ёзув бўйича болалар масала тузадилар: «Бола альбомнинг бир неча варағига 3 тадан марка ёпиштириди. Ҳаммаси бўлиб, 15 та марка ёпиштириди. Бола альбомнинг неча варағини ишлатди?» (99- расм)



15 та марка

99- расм.

Сухбатдан сўнг $3 \cdot x = 15$ tenglama тузилади ва уни ечилади.

Шуларга ўхшаш масалаларда номаълум бўлинувчини ва номаълум бўлувчини шунга ўхшаш топилади.

1. Бир неча бола меҳнат дарсида 24 та байроқча тайёрлашиди. Ҳар бир бола 4 та дан байроқча ясади. Байроқчаларни нечта бола ясашиди?

2. 24 та байроқчани б та бола баравардан ясашиди. Ҳар бир бола нечтадан байроқча ясаган?

3. Бир неча байроқчани б та бола ясади. Ҳар бир бола 4 тадан байроқча ясади. Болалар ҳаммаси бўлиб нечта байроқча ясашиди?

Номаълум бўлинувчи ва номаълум бўлувчини топишда болалар кўпайтириш билан бўлиш орасидаги, икки тур бўлиш орасидаги боғланишлар ҳақидаги билимларини чукурлаштирадилар, уларни бўлиш натижаларини текширишга татбиқ этадилар, масалаларни тенгламалар усули билан ечишни ўрганадилар.

Тўрт йиллик мактабда 2—3 амалли масалалар тенгламалар усули билан ечилмайди, чунки икки-уч босқичли тенгламаларни ечиш кўзда тутилмайди.

14- Б О Б. ГЕОМЕТРИК МАТЕРИАЛНИ ЎРГАНИШ МЕТОДИКАСИ

Ўқитувчининг муҳим вазифаси геометрик материал мазмунини ўқувчиларнинг 5-синфга ўтиш вақтларида улар эришишлари керак бўлган даражада очиб берадиган методикани, шунингдек бу материални ўрганишнинг етакчи йўналишларини аниқлашдан иборат.

Бошланғич синфларда геометрик материални ўрганиш системаси қўйидагилардан иборат:

1. Геометрик фигуralар (доирачалар, кўпбурчаклар кўпбурчак элементлари) дан санаш объектлари сифатида фойдаланиладиган масалалар. Бу хил масалаларни ечишда асосан зарур атамалар ўзлаштирилади.

2. Геометрик катталиклар (узунлик, юз) ҳақидаги тасаввурларни ва кесмаларни, фигуralар юзларини ўлчаш кўникмаларини шакллантириш билан боғлиқ масалалар.

3. Кўпбурчакларнинг периметрларини, тўғри тўртбурчакнинг юзини топишга доир масалалар.

4. Параметрлари билан берилган фигуralарни (тўғри бурчакли учбурчак, томонлари берилган тўғри тўртбурчаклар ва ҳ. к.) элементар ясашларга доир масалалар.

5. Геометрик фигуralарни катак қоғозда. чизиксиз

силлиқ қоғозда чизгич, гүния ёрдамида (ўлчамларни ҳисбага олмай) элементар ясашга доир масалалар.

6. Фигураларни синфларга ажратишига доир масалалар.

7. Фигураларни қисмларга бўлиш (шу жумладан тенг қисмларга бўлиш) га доир масалалар ва бошқа фигура-лардан фигура тузишига доир масалалар.

8. Ҳарфий белгилашлардан фойдаланиб, геометрик чизмаларни ўқишининг асосий кўникмаларини шакллантириш билан боғлиқ масалалар.

9. Предметлар ёки улар қисмларининг геометрик шаклларини аниқлаш билан боғлиқ масалалар.

Асосий геометрик тасаввурларни ва кўникмаларни шакллантиришига қаратилган масалалар, яъни дидактик ва билиш керак бўлган функцияларни ўзида жамловчи масалалар юқорида ажратилган масалалар гурухларининг асосини ташкил қиласди. Масалаларнинг бир қисми ривожлантирувчи функциялардан ташкил топган.

Ҳар хил табиатли предметлар ва геометрик фигураларнинг моделлари билан иш кўриб, кўп сондаги тажрибалирни бажариб, ўқувчилар уларнинг материалига, рангига, ҳолатига, оғирлигига ва бошқаларга боғлиқ бўлмаган умумий белгиларини (аломатларини) топадилар.

Бунга геометрик намуналарни мужассамлаштириш усулини системали равишда кўлланиш билан эришилади. Масалан, тўтри чизик факат чизгич ёрдамидагина ҳосил бўлмай, балки у ҳаракатланувчи нуктанинг (қалам учйининг) изи, стол қопқофининг қирраси — чети, таранг тортилган ип, қоғоз варагининг буқланиш чизиги, икки текислигинг кесишиш чизиги (масалан, девор текислиги билан шифт текислигининг кесишиш чизиги) ҳамдир. Ўқувчилар моддий жисмларнинг аниқ ҳоссаларидан четлашиб, геометрик тасаввурларни эгаллайдилар.

I синфда фигуралар ва уларнинг номлари билан дастлабки танишириш якунланиши керак, бу иш атрофдаги моддий нарсалар, фигураларнинг тайёр моделлари ва тасвирлари ёрдамида бажарилади. Ўқувчиларда секин-аста фигураларни ўрганиш схемаси, уларнинг ҳар бир фигура ҳоссаларини ўзлаштиришларини осонлаштирувчи анализ ва синтез қилиш схемалари таркиб топади, яъни геометрик ривожланишнинг энг юқори босқичига ўтиш амалга ошади.

Геометрик фигураларни таққослаш ва қарама-қарши кўйиш усулига кўпроқ ўрин бериш керак. I синфда ўқувчилар фигуралар тўпламидан доиралар тўпламини, квадратлар тўпламини, учбурчаклар тўпламини ажратадилар, II

синфда кўпбурчаклар, тўртбурчаклар, III синфда эса тўғри тўртбурчаклар тўпламларини ажратадилар. II синфдан бошлаб фигуralар хоссалари, улар классификацияси (таснифи) аниклаширилади. Фигураларни қарама-қарши қўйишга ва таққослашга (доира — кўпбурчак, доира — учбурчак ва ҳ. к.) катта эътибор бериш керак. II — IV синфларда фигуралар хоссаларини аниклаш учун фигуралар ўзаро жойлашувлари муносабатларидан фойдаланиш самарали усул хисобланади.

Геометрик материални ўрганиш муносабати билан I синфдан бошлаб ўқувчиларда индуктив тафаккур кўникмалари шаклланади: энг содда индуктив хulosалар чиқариш малакаси тарбияланади. Бу билан бир вақтда дедуктив тафаккур кўникмалари ривожланади ва фойдаланилади.

Геометрик материални ўрганишда, I синфдан бошлаб, дастур талабларига мос равишда ўқитувчи қўйидагиларни бажариши керак:

1) болаларнинг фигураларнинг шакллари, ўлчамлари, ўзаро жойлашувлари ҳақидаги тасаввурларини системага солиш ва аниклаш, тегишли атамаларни ва белгилашларни ўзлаштиришга ёрдам бериш, улар билан алоқадор бўлган сўз орқали ифодаларни аниклаш;

2) ўқувчиларда таниш фигураларни бошқа фигуралар билан ҳар хил ҳолатда турганида олиш қобилиятини ривожлантириш, фигураларни қисмларга ажратиш ва бирлаштириш орқали янги фигуралар ҳосил қилиш малакасини шакллантириш;

3) болаларни дастурда назарда тутилган геометрик фигураларни чизишга, уларни чўплардан тузишга, қофоздан киркишга ўргатиш.

Дастурнинг бу талабларини бажариш болаларда геометрик тасаввурлар кўламини яратиш учун зарурдир, кейинчилик геометрик билимлар шу кўлам асосида ривожлантирилади.

Агар ўқитувчи ўрганилаётган материал системаси хусусиятларини тушунибгина қолмай, шу билан бирга унда алоҳида йўналишларни ажрата олса, иш айниқса самарали бўлади. Бу эса машқларнинг мақсадга мос келувчи мазмун ва характеристини белгилашга ёрдам беради.


Геометрик материал устида ишлашнинг асосий йўналишлари мактаб дарслекларида берилган машқлар системасида белгиланган.

Дастурда кўрсатилишича, бошланғич синфларда гео-


метрия элементларини ўрганиш мақсадларига жавоб берувчи иш турларидан бири таниш геометрик фигуранарни атроф шароитда ва чизмада танишга доир машқлардир (хусусан, бу фигура мұрakkabroq конфигурация элементларидан бири бўлган ҳолда ҳам.)

Бу иш ўз ичига мұrakkab фигуранарда (чизмаларда) таниш фигуранарни топиш, бир нечта фигурадан иборат фигураны, бир нечта фигуранинг умумий қисмидан иборат фигураны топиш ёки умумий элементга эга фигуранарни излашга доир машқларни олади. Дарслікларда қўидаги хилдаги машқлар системаси шу масалага бўйсундирилган.

1. Берилган фигуранар орасидан кўrsatilgan хоссаларга эга бўлган фигурани топиш. Масалан, расмга қараб бу фигуранар нима деб аталишини айт. Тўrtburчаклар орасидан тўғри тўrtburchaklarни топ. Тўғри тўrtburchaklar орасидан квадратларни кўrsat (100- расм).




100- расм.




101- расм.

2. Бирор мұrakkab фигурани ташкил этувчи фигуранарни ажратиш. Масалан, расмдан учта учбуручакни топ (101- расм).

3. Мұrakkab чизмадан бир нечта фигурадан ташкил топган фигуранарни излаш. Масалан, чизмада учбуручаклар нечта (102- расм)?



102- расм.



103- расм.

4. Бу чизмада (103-расм) нечта учбурчак бор? Улар номларини ёз.

Бу хил машқларда берилган мұраккаб фигураны ташкил этувчи фигуralарни излаб топиш, шунингдек бир нечта фигураны бирлаштириб ҳосил қилиш мүмкін бўлган фигуralарни излаб топиш талаб қилинади.

Кўрсатилган машқларни бажаришда ўқувчилар қўйидагиларни ўрганиб олишлари муҳимdir: 1) мұраккаб фигурадан уни ташкил этувчи қисмларни ажратиш ва уларнинг ҳар бири фигура эканини тушуниш; 2) бир нечта фигуранинг бирлашиши ёки кесишиши натижасида ҳосил бўладиган янги фигурани кўз олдига келтириш; 3) айни бир фигуранинг ўзи ҳар хил тушунчаларга киритилиши мүмкнлигини ва шу туфайли ҳар хил аталишини тушуниш.

Аммо болаларни юкорида айтилганларни тушунишлари учун уларни секин-аста тайёрлаб бориш керак.

Синфдан синфга ўтилган сари машқлар қийинлаша боради. Масалан, III синф дарслигига чизмадан умумий элементларга эга бўлган фигуralарни топиш талаб қилинадиган машқлар киритилган. Шу муносабат билан ўқитувчидаги масалалар билан ишлашда методик қийинчиликлар пайдо бўлади.

Қуида келтирилган машқлар дарсликларда берилған машқларни бажариш учун услугбий тайёргарликни таъминлади. Ўқитувчи ишини қандай осонлаштириш, шу билан бирга ўқувчиларни бу хил машқларни онгли бажаришга қандай ўргатиш керак?


Машқни бажаришга киришищдан олдин ўқитувчи унинг мақсадини ва машқлар системасидаги ўрнини билиб олади, ўргатиш усууларини белгилайди, йўл қўйилиши мумкин бўлган хатолар ва камчиликларни таҳлил қиласди.

Бунда ўқитувчилар бир ёки бир нечта белгисига кўра фигуранларни танлашга доир машқларни бажаришга катта зътибор берадилар.

Масалан:


1. Расмни қараб чиқ ва айт:

а) ҳамма катта фигуранларни; б) ҳамма штрихланмаган тўртбурчакларни; в) штрихланган кичик квадрат чапдан ўнгга қараб хисоблаганде нечанчи ўринда турибди? (104-расм).



104- расм.

2. Фигураларни қара (105- расм):



105- расм.

а) улардан ҳар бирининг ҳамма номини айт (масалан: 1- кўпбурчак, тўртбурчак, тўғри тўртбурчак; 3- кўпбурчак, квадрат); б) ҳамма тўртбурчакларнинг номерини ёз; в) ҳамма квадратларнинг номерини ёз; г) ҳамма тўғри тўртбурчакларнинг номерини ёз.

Ўқувчилар мураккаб чизмаларни қараща улар ташкил топган фигураларни нисбатан осон топадилар.

Шу билан бирга мураккаб конфигурацияда бир неча фигурадан ташкил топган фигураларни топиш анча қийинлик қиласди. Иш тажрибасини таҳлил қилиб, қийинчи-

ликлар фигура бошқа фигуранинг қисми бўлишини ёки бир нечта фигуналар бирлашмасидан иборат бўлишини тушунмаслик билан боғлиқ деб фараз қилиш мумкин. Икки ёки бир нечта таркибий қисмдан иборат бўлган (тузилган) фигураларни чизмада кўриш қийин, чунки мураккаб фигурани тузувчи фигураларга ажратувчи кесмалар ёки синик чизиклар «халал» беради, бу чизиклар илгари бу тузувчи фигураларни ажратишга ёрдам берар эди.

Қийинчиликларнинг сабабларини аниклагач, ишни топширикларнинг қийинлиги секин-аста ортиб борадиган қилиб ўтказиш керак.

Болалар: «Ҳар қайси чизмада нечта учбуручак ва нечта тўртбурчак тасвирланган (106-расм)?» каби машқни онгли ўзлаштиришлари учун юқоридагидек ишни мақсадга мувофиқ ба жарис кетма-кетлигини кўрсатамиз.

Олдин ўқувчиларга фигуралар тузишга доир машқлар берилади.

3. Фигуралар наборини ўзингга яқин сур. Улардан биттадан тенг томонга эга бўлган иккита тўғри тўртбурчак танла (ўқувчилар тўғри тўртбурчак ва квадратни танлашлари мумкин.) Уларнинг тенг томонларини ёнма-ён қўйиб шундай бирлаштирики, натижада янги фигура ҳосил бўлсин:


а) Қандай фигура ҳосил қилдингиз? (Тўғри тўртбурчак)

б) Тўғри тўртбурчак қандай фигуралардан тузилган? (Иккита тўғри тўртбурчакдан.) Ёки: Сиз янги тўғри тўртбурчак ҳосил қилиш учун қандай фигураларни бирлаштиридингиз?


в) Ҳамма тўғри тўртбурчаклар нечта? (Учта тўғри тўртбурчак: биз иккитасидан учинчисини туздик.)

Бу масалага етарлича эътибор бериш керак, чунки ўқувчилар иккита фигурани бир-бири билан бирлаштириб, янги, берилган иккита фигурадан тузилган учинчи фигурани ҳосил қилиш мумкинлигининг моҳиятини конкрет мисолда осон «илиб» оладилар.

г) Қайси фигуранинг қисми тўғри тўртбурчак бўлади?



a



b

106-расм.

(Тузувчи фигуналардан исталгани күрсатылади.)


Кейинги машқни бажариш учун мәжнат дарсида (ёки уйда) картондан шундай фигуналарни қирқиши (107-расм) мүмкін. Ўқувчилар эътиборларини шунга қаратамзеки, улар биттадан тенг томонга зга.



107- расм.

4. Қирқиб олинган фигуналардан бирини қоғоз варағи устига күйиб, унинг атрофидан қалам юритиб чиқиши. Иккінчи фигураны чизилған фигура устига тенг томонлар устма-уст тушадиган қилиб күйиб, атрофидан қалам юргизиб чиқиши. Ҳосил бўлган фигура контури бўйлаб қалам юритиб чиқиши ва ҳарфлар билан белгилаш.

а) Қандай фигура ҳосил бўлди? (Тўртбурчак, 108-расм.)



108- расм.

б) Бундай тўртбурчак ҳосил қилиш учун қандай фигуналарни бир-бирининг ёнига қўйдингиз? Ёки: Бундай тўртбурчак ҳосил қилиш учун қандай фигуналарни бирлаштирдингиз?

в) Ҳосил бўлган тўртбурчакни иккита фигурага ажратувчи чизикни ҳарфлар билан белгиланг;


г) Қайси кесма учбурчакнинг томони бўлади?

Расмдан $ABCD$ тўртбурчак қарашда квадрат ва учбурчакнинг умумий томони бўлган CN кесмани пайқамаганимиздек гуюлади.

Шундай қилиб, фигуранар моделларини бир-бирига, улар умумий томонга эга бўладиган қилиб яқинлаштириб, янги фигура ҳосил қилиш мумкин, бунинг учун биринчи икки фигура тузувчи фигура бўлади. Янги фигура ҳосил қилиш учун иккитагина эмас, балки учта ва ундан кўп фигуранарни бирлаштириш мумкин. Бу хил ишда мураккаб фигуранарни чизмалардан қарашгина эмас, балки бу фигуранар тасвирларини ясаш ёки дидактик материалдан фойдаланиб, уларни тузиш ҳам мухимdir.

5. Чўплардан икки учбурчакни шундай тузингки, уларнинг бир томони умумий бўлсин.

6. Тўғри тўртбурчак ва исталган учбурчакни уларнинг бир томони умумий бўладиган қилиб чизиш (масалан, 109- расмга қаранг).




109- расм.

- а) Биз қандай фигурани ҳосил қилдик? (Бешбурчак.)
- б) Бешбурчак тузилган фигуранарни айтинг.
- в) Бу фигуранарнинг умумий томони бўлган кесмани белгиланг.

г) Ҳосил бўлган чизмадан ҳаммаси бўлиб нечта кўпбурчак топиш мумкин?


Ўқувчилар мураккаб фигурани шундайгина қарамайдилар, балки уни анализ қиладилар, тузувчи фигуранарни топадилар. Шу боисдан иш тажрибасида, масалан, 110-расмга қараб ундан олтига учбурчакни топ, каби машқларни бажариш алоҳида қийинлик қилмайди. Бу машқ бўйича ишни бундай ташкил қилиш мумкин.

Биз қандай фигурани қарадик? (Учбурчакни.) Демак, битта учбурчакни биз топдик. Агар ҳар бир тузувчи фигурани алоҳида қарасак, катта учбурчак қандай фигуранардан тузилган? Уларни рақамлар билан белгилаймиз. Ҳаммаси бўлиб нечта учбурчакни қарадик? (Учта.) Агар 1 ва 2 фигуранарни бирлаштиrsак, қандай фигуранар ҳосил бўлади? Уни ҳарфлар билан белгиланг. Бу фигурани ҳосил қилишда сиз қайси кесмага эътибор бермадингиз?



110- расм.

Машқлар устида бундай ишлар қилиш ҳам фойдали: 111- расмни қаранг. Берилган түртбұрчак тузилған фигураларни рақамлар билан белгиләнгән. Учбурчаклар номерларини күчириб ёзинг. Расмдан ҳамма күпбұрчакларни топинг ва уларни алохидә чизинг.




111- расм.

112- расмдан ҳамма түғри түртбұрчакларни топинг.

Юқорида тавсифланған иш ўкувчиларга бошланғыч мактабда үрганиладиган геометрик фигурандар анализи ва синтезини моҳирона ўтказишга ёрдам беради.

Болалар олдин фигура элементларини ажраты олишлари, фигуранды унинг аникловчы хоссалары бүйіча била олишлари кераклығы тушунарлы.

Болаларни фигурандарнинг бурчаклары, томонлары, учла-



112- расм.

ри билан таништиришни конкрет мисолларда кўрсатамиз. Ўқувчиларни тўғри бурчак билан таништириш мақсадида бундай амалий иш таклиф қилинади. Парталарга олдиндан чеккалари текис бўлмаган ҳар хил рангли қозо вараклари ёйиб қўйилади.

Ўқитувчи олдин бир варак қофоз олишни ва уни иккига булашни таклиф қиласди, буни қандай қилишни намойиш қилиб кўрсатади. Шундан кейин ҳосил бўлган ярим варакни яна иккига булашни таклиф қиласди. Тўғри бурчак модели ҳосил бўлганини тушунтиради.

Шундан кейин бошқа рангли варакни олиб, худди шундай ишларни мустақил бажаришни таклиф қиласди. Ўқитувчи сўрайди.

— Нима ҳосил бўлди? (Тўғри бурчак.) Тўғри бурчакнинг томонлари ва учини кўрсатинг. Тўғри бурчакларни таққосланг. Бунинг учун бурчакларни шундай қўйингки, уларнинг учлари устма-уст тушсин, бир бурчакнинг пастки томони иккичи бурчакнинг пастки томони бўйлаб кетсин. Ўқувчилар ишни ўқитувчи билан бир пайтда ба жарадилар.

— Бурчакларнинг бошқа томонлари ҳақида нима дейиш мумкин? (Улар ҳам устма-уст тушади.) Тўғри бурчаклар тенг. Ўз чизмачилик учбурчагингиздан тўғри бурчак модели ёрдамида тўғри бурчак топинг.

Устма-уст қўйиш ёрдамида ўқувчилар чизмачилик учбурчагида битта бурчак тўғри, қолган иккита бурчак тўғри эмаслигини аникладилар.

Ўқувчилар тўғри бурчак моделидан фойдаланиб, дарслик машқларидан тўғри бурчакларнинг номерларини мустақил топадилар ва уларни дафтарларига кўчириб ёзалилар.

Тўғри тўртбурчак билан квадратнинг муҳим ҳоссаларини ажратиш, улар ўхшашиклари ва фарқини таъкидлаш учун ўқувчиларни бу фигураналар билан таништиришда маҳсус усулда амалий иш ташкил қилиш керак.

Ўқувчилар тўғри бурчак билан танишадиган дарснинг бир қисмини келтирамиз.

Ҳар қайси ўқувчи партасида ҳар хил тўртбурчаклар (тўғри тўртбурчаклар) солинган конверт турибди, бу фигураналар орасида квадратлар, бир ва икки бурчаги тўғри бурчак бўлган тўртбурчаклар ҳам бор.

Ўқитувчи сұхбат ўтказади:

— Бу фигураналар нима деб аталади? (Тўртбурчаклар.) Бу фигураналарни бошқача қандай айтиш мумкин? (Кўп-

бүрчаклар.) Түғри бурчак модели ёрдамида битта бурчаги түғри бўлган тўртбурчак топинг. Уни бўянг. Шу тўртбурчакни кўрсатинг. (Ўқувчилар кўрсатишади.)


Иккита бурчаги түғри бўлган тўртбурчак топинг. Бу бурчакларни бўянг ва иккита бурчаги түғри бўлган тўртбурчакни кўрсатинг.

Учта бурчаги түғри бўлган тўртбурчак топинг.

Бирмунча вақт ўтгандан кейин ўқувчилар, агар тўртбурчакнинг учта бурчаги түғри бўлса, унинг тўртинчи бурчаги ҳам түғри бўлишини пайқайдилар.

Ўқитувчи ҳамма бурчаклари түғри бўлган тўртбурчак түғри тўртбурчак дейилишини тушуниради.

Тўғри тўртбурчакнинг муҳим ва номухим хоссаларини ўқувчилар яхшилаб тушуниб олишлари учун ўйин характеристидаги топшириқлар киритилади. Масалан «Ортиқча фигурани олиб кўй» деб аталувчи ўйин тўғри тўртбурчакнинг муҳим хоссаларини ҳам, номухим хоссаларини ҳам аёний ажратиш имконини беради. Набор полотносига ҳар хил материалдан қилинган турли рангли кўпбурчаклар қўйилади (113- расм).



113- расм.

Суҳбат ўтказилади, бу суҳбатда ушбу саволлар қўйилади:

— Бу фигуralар нима деб аталади? (Кўпбурчаклар.)
Бу кўпбурчакларда нима умумий? (Кўпбурчакларнинг

ҳамма бурчаклари түғри.) Расмда қайси фигура ортиқча ва бошқа фигуналарга ўхшамайди? (4- фигура.) Нега? (2, 1, 3, 5- фигуналар түрттә томонга эга; 4- фигура эса олтита томонга эга.)


Үқитувчи шу күпбурчакни олиб қўяди.

Колган фигуналарда нима умумий? (Уларнинг түрттадан томони бор ва ҳамма бурчаклари түғри бурчак.) Бундай түртбурчаклар нима деб аталади? (Түғри түртбурчаклар.) Бу түғри түртбурчаклар нимаси билан фарқ қиласди? (Улар ҳар хил рангли, ҳар хил жойлашган, баъзилари юпқа қоғоздан, баъзилари қалин қоғоздан қилинган, улар томонларининг узунликлари ҳар хил.) Нима учун биз олиб қўйган 4- фигурани түғри түртбурчак деб бўлмайди? Ахир унинг ҳам бурчаклари түғри-ку? (Чунки унинг олтита томони бор, түғри түртбурчак бу ҳамма бурчаклари түғри бўлган түртбурчакдир.)

Бундай топшириқ түғри түртбурчакнинг биринчи муҳим хоссасини, яъни унинг түртбурчак бўлишини тушунишга ёрдам беради.

Ўқувчилар түғри түртбурчакнинг иккинчи муҳим хусусиятини яхши тушуниб олишлари учун, чунончи ҳамма бурчаклари түғри бўлган түртбурчак нима эканини яхши тушуниб олишлари учун қўйидаги ўйин ўtkазилади.

Набор полотносига томонларининг нисбати ҳар хил бўлган ҳар хил рангли түртбурчаклар қўйилади, буларнинг орасида биттаси түғри түртбурчак бўлмайди (114- расм).



114- расм.

Сұхбат ўтказилади:

— Бу фигуralар нима деб аталади? (Түртбұрчаклар.) Нега улар шундай деб аталади? (Уларнинг түрттадан томони бор.) Расмда тасвирланған түртбұрчаклар орасыда қайси фигура ортиқча? (5- фигура.) Қолган түртбұрчакларни қандай аташ мүмкін? (Түғри түртбұрчаклар.) Нега? (Чунки бу түртбұрчакларнинг ҳамма бурчаклари түғри.) Нега 5- номерли фигураны түғри түртбұрчаклар жумласига киритиб бўлмайди, ахир у ҳам түртбұрчак-ку? (Чунки бу түртбұрчакнинг ҳамма бурчаги ҳам түғри эмас.)

Ўқитувчи таъкидлайди: түғри түртбұрчак бўлиши учун түртбұрчак бўлишнинг ўзи етарли эмас, бунинг учун түртбұрчакнинг ҳамма бурчаклари түғри бўлиши ҳам керак.


Шундан кейин ўқитувчи болалар эътиборини номухим хоссаларга тортади. Түғри түртбұрчаклар ҳар хил рангли бўлиши, ҳар хил материалдан тайёрланиши, ўлчамлари билан фарқ қилувчи, ҳар хил жойлашишлари мумкинligи ва бошқалар аниқланади. Шунингдек, түғри түртбұрчакларни кўпбұрчаклар деб аталиши мумкинligи ҳам кўрсатилади.

Квадрат билан таништиришда унинг номухим хоссаларини ўзгартириб, мухим хоссаларини дағҳол ажратиш зарур.

Ўқувчилар квадрат ҳақидаги ўз тасаввурларини аниқлаштирадиган дарснинг бир қисмини келтирамиз.

Ўқувчилар парталарida ҳар хил рангли ва томонларининг нисбати ҳар хил бўлган түғри түртбұрчаклар набори солинган конвертлар турибди (115- расм).

Сұхбатда бу фигуralарнинг ҳаммасини нима деб аташ аниқланади. (Түғри түртбұрчаклар.) Нега? (Чунки булар



115- расм.


хамма бурчаклари түғри бўлган тўртбурчаклардир.) Шундай қилиб, булар түғри тўртбурчаклардир. Тўғри тўртбурчаклар томонларини чизгич билан ўлчанг. (Ўкувчилар бажаришади.) Сиз қандай қизиқарли нарсани пайқадингиз. (Яшил ва кўк түғри тўртбурчакларнинг ҳамма томонлари тенг.) Ҳамма томонлари тенг тўғри тўртбурчаклар квадратлар деб аталади. Бизнинг наборда яшил ва кўк тўғри тўртбурчаклар квадратлардир. Шуларни кўрсатинг.

Шундан кейин квадрат ва тўғри тўртбурчакнинг муҳим ва номуҳим хоссаларини аниқлашга доир мақсадга йўналтирилган иш бажарилади. Бунинг учун «Ортиқча фигурани олиб қўй» ўйини ўtkазилади.

1. Доскага фигуralар (ҳар хил рангли учта тўғри тўртбурчак, булардан иккитаси квадрат) маъкамлаб қўйилади.

Ўқитувчи бу фигуralар нима деб аталишини сўрайди. (Тўғри тўртбурчаклар.) Нега улар бундай аталади? (Чунки булар ҳамма бурчаклари тўғри бўлган тўртбурчаклар.) Бу фигуralар орасида қайсиниси ортиқча? (Зангори тўғри тўртбурчак. Агар уни олиб қўйилса, қолганларини квадратлар деб аташ мумкин.) Қолган тўғри тўртбурчаклар квадратлар эканини қандай исботлаш мумкин? (Бу фигуralарнинг томонларини ўлчаш ва шу билан томонлар тенглигига ишонч ҳосил қилиш керак, агар томонлар тенг бўлса, у ҳолда бу тўғри тўртбурчакларни квадратлар деб аташ мумкин.)

2. Доскага фигуralар маъкамлаб қўйилади (116- расм). Ўқитувчи берилган фигуralарнинг томонларини ўлчаб таққослашни таклиф қиласди. Ўкувчилар ҳамма фигуralарнинг томонлари тенг эканига ишонч ҳосил қиласдилар.



116- расм.

Шундан кейин ўкувчилар түғри бурчак модели ёрдамда ҳамма бурчаклари түғри бўлган фигуralарни топадилар.

Сұхбат ўтказилади.

— Бу фигуralар нима деб аталади? (Тўртбурчаклар.) Кўк ва зангори фигуralарни нима деб аталади? (Квадратлар.) Бу фигуralарни бошқача нима деб аташ мумкин? (Тўғри тўртбурчаклар.) Квадрат дегани нима? (Бу томонлари тенг бўлган тўғри тўртбурчаклар.) Нега қизил фигурани квадрат деб бўлмайди, ахир унинг ҳам томонлари тенг-ку? (Чунки у тўғри тўртбурчак эмас.) Шундай қилиб, кўк ва зангори фигуralар квадратлардир.

Шундай топширикларни бажариб, ўкувчилар квадратнинг муҳим хоссаларини тушиниб оладилар: биринчидан, квадрат бу тўғри тўртбурчак, иккинчидан, унинг ҳамма томонлари тенг ва шу вақтнинг ўзида квадратнинг номуҳим хоссаларини, яъни ранги, жойлашиши, фигура тайёрланган материалини кўришни ўрганадилар.

Математика дастурида кичик ёшдаги ўкувчиларда ўлчаш кўникмаларини шакллантириш назарда тутилган.

Бу материал мустақил бўлим қилиб ажратилмайди, аммо унинг баёнида маълум мантиқ кузатилади ва дарсларда ўкувчиларнинг ўлчаш малакалари ва кўникмаларини шакллантиришга йўналтирилган кўлгина машқулар мавжуд.

Ўлчашларга ўргатишда фақат ўлчаш бирликларинигина эмас, балки ҳар бир ўкувчининг ўлчаш моҳиятининг ўзини тушинишини таъминлаш зарур. Бунинг учун ўлчаш жараёнини метр, сантиметр ва шу кабилар билан эмас, балки ихтиёрий ўлчов (чўп, қофоз полоска, қадам ва ҳ. к.) билан бошлиш мақсадга мувофиқ ва шу асосда ҳар хил, ҳамма учун мажбурий бўлган, аммо маълум узунилк ўлчови, бирликларини киритиш зарурлигини кўрсатиш керак¹. Бу иш ҳар бир ўкувчи томонидан бажарилиши, ўлчашларни бажаришда ҳамма беистисно қатнашиши мухимdir.

Ўлчаш кўникмаларини шакллантиришнинг ҳар қайси босқичининг муҳимлигини тушиниш кесмаларни ўлчашни ўргатиш мос методикасини ўйлаб топишга ёрдам бериши керак.

Бу темани ўрганиш жараёнида ишнинг тўрт босқичи

¹ Бу ҳақда «Ўлчовларни ўрганиш ва ўлчаш малакаларини шакллантириш» бобидан тўлароқ қаранг.

ажратилади, ҳар бир босқич кесмаларни ўлчашнинг мос усулини қўлланиш билан характерланади.

Б и р и н ч и босқичда сантиметр моделларини ўлчанаётган кесмага кетма-кет таҳлаш усулидан фойдаланилади; и к к и н ч и босқичда сантиметр моделларини ўлчанаётган кесмага кетма-кет қўйиш усулидан фойдаланилади. У ч и н ч и босқичда ўқувчилар ўлчанаётган кесмага рақамлар билан белгиланмаган шкалали масштаб чизгичини ёндаштиришдан фойдаланилади, т ў р т и н ч и босқичда эса кесмага рақамлар билан белгиланган одатдаги, шкалали чизгични қўйишдан фойдаланилади.

Биринчи босқичда асосий вазифа ўқувчиларга кесмаларни ўлчаш жараёни ҳақида аниқ тасаввурлар беришдан иборат бўлиб, бунда асосий эътибор ўлчаш жараёни моҳиятини онгли тушинишга қаратилади. Агар ўлчашни ихтиёрий ўлчов билан бошланса, ундан кейин умумият томонидан қабул қилинган бирлик — сантиметр киритилса, бу масала ҳал қилинган ҳисобланади.


Бу босқичда шакллантирилаётган малаканинг кўрсатмали моделидан фойдаланиш муҳим. Бунинг учун кесмани ўлчаш операцияларини магнит доскада бажариш, ўқувчилар эса ўз парталарида индивидуал материалдан фойдаланиб бажаришлари керак.

Чунончи, масалан, ўқитувчи қалин қофоздан тайёрланган узунлиги 6 см бўлган полоска узунлигини узунлиги 2 см ва 3 см бўлган қофоз полоскалар ёрдамида ўлчашни таклиф қиласди. Полоска узунликларини ўлчаш учун баъзи болалар 2 см ли, баъзи болалар эса 3 см ли қофоз полоскадан фойдаланадилар. Бунда ҳаракатни кўрсатиш ўлчовни ўлчанаётган кесмага қандай тўғри қўйишга доир кўрсатмалар билан кузатилади, ўлчовларни кетма-кет қўйиш ўлчовлардан бирининг охири ўлчанаётган кесманинг бошқа охири билан устма-уст тушгунча давом эттирилади. Ҳар хил ўқувчидаги ҳар хил сон ҳосил бўлади.

Суҳбат натижасида ўқувчилар ўлчашнинг ягона бирлигини киритиш зарурати ҳақидаги фикрга келадилар. Сантиметр шундай ўлчов бирлигидир. Сантиметрнинг қофоз полоска, мис сим бўллаги, чўплар шаклидаги модели кўрсатилади ва ҳар бир ўқувчи сантиметр моделини ўз партасидаги бошқа обьектлар орасидан топади. Сантиметрнинг ҳар хил моделларини кўрсатиш билан ўқувчилар бундай умумлаштиришга келтирилади: бу моделлар учун умумий нарса шуки, уларнинг узунликлари 1 см га teng. Сантиметрнинг

метрнинг ҳар хил моделларидан фойдаланиш ўлчаш жараёнининг муҳим хоссаларини ўзгаришсиз сақлаш имконини беради.

Шундан кейин ўқувчиларга ўша қоғоз полоска узунлигини сантиметр модели ёрдамида мустақил ўлчаш таклиф қилинади. Ўқувчилар, ўлчашларни бажарип, унинг узунлиги бир хил сон билан ифодаланишига ишонч ҳосил қиласидилар (117- расм).



1	2	3	4	5	6	7
---	---	---	---	---	---	---

117- расм.

Сантиметр моделидан фойдаланиб, ўқувчилар катакнинг иккита чизиги кесишган нуқтадан бошлаб, тўғри чизикда узунлиги 1 см бўлган кесма ясадилар ва икки катакнинг узунлиги 1 см га teng деган холоса чиқарадилар. Бу босқичда математика дарслекларидаги машқлардан фойдаланилади.

Иккинчи босқичда кесмани ўлчаш ва берилган узунликдаги кесмани ясаш учун сантиметр моделидан фойдаланадилар. Кесма узунлигини сантиметр модели ёрдамида ўлчаш жараёнида кесма узунлигини ўлчаш усули билай таништириллади: 1) сантиметр моделининг охирини кесманинг бошланғич нуқтасига қўямиз; 2) сантиметр моделининг иккинчи охирини ўлчанаётган кесмага нисбатан вертикал қўйилган қалам билан белгилаймиз; 3) ҳосил бўлган белгига сантиметр моделининг бир охирини қўямиз ва ўлчанаётган кесмада сантиметр модели иккинчи охирини белгилаймиз ва шу зайлда охирги белги кесманинг охир билан устма-уст тушмагунча давом эттираверамиз (118-расм).



1	2	3	4	5	6
---	---	---	---	---	---

118- расм.


Шуни таъкидлаш керакки, дастлабки вақтларда ўқувчиларга сантиметрлар бутун сон марта жойлашадиган кесмалар узунлигини ўлчаш таклиф қилинади.

Учинчи босқичда ўқувчиларга кесмалар узунлигини кўлда қилинган ва сантиметрлар сонлар билан белгиланмаган масштаб чизгич (узунлиги 10 см) билан ўлчаш ўргатиласди. Илгари ўрганилган усул — сантиметр моделини кетма-кет қўйиш усулидан фойдаланиб, унга белгиларни ўқувчиларнинг ўзлари қўйишади.

Бу босқичда бундай чизгичдан фойдаланиш кейинчалик ҳисоб бошини ўлчанаётган кесма бошига нисбатан масштабли чизгич ёрдамида нотўғри қўйиб хатога йўл қўйишнинг олдини олиш имконини беради. Бу босқичнинг асосий вазифаси — ўлчашларда чизгичдан фойдаланиш малакасини шакллантиришдан иборат. Бу усуллардан ўқувчилар шкалали масштабли чизгичдан фойдаланишда кўллана-дилар.

Болаларнинг эътибори чизгичнинг боши ўлчанаётган кесма боши билан устма-уст тушадиган қилиб қўйиш кераклигига қаратиласди. Ўқитувчи ўлчаш ишларини бажараётганда чизгични қоғозга босиб турган кўл, шу билан бирга чизгич ўлчанаётган кесмадан сурилиб кетмаслиги учун дафтарни ёки қоғоз варагини ўзига нисбатан суришни, унинг устига тўла энгапишни маслаҳат беради. Бунда ўлчанаётган кесма ёритилган кирра томонида, яъни юқорида ёки чапда бўлиши керак.

Ракамлари кўрсатилмаган чизгични тўғри жойлаштириб, ўқувчилар ўлчанаётган кесма бўйлаб қалам билан ўтишда ҳар бир сантиметрни айтадилар ва кўрсатадилар (119-расм).



119- расм.

Тўртинчи босқичда — кесмаларни шкалали масштаб чизгич билан ўлчашда — ўқувчилар бўлинишларни санаашда кўзни тўғри тутишга ўргатиласди. Бу жуда муҳим, чунки кўзнинг кўриш ўки бу кесмага перпендикуляр равишда силжиши мос равишда хатолик беради, кичик ёшдаги ўқувчилар «перпендикуляр» атамаси билан таниш эмаслар. Шу сабабли бу ерда ўқувчилардан кесма охирига шундай қараш сўраладики, уларнинг кўзлари кесмалар охирида турсин.

Ҳар бир операция мазмунини бундай очиб бериш, ҳар бир усул бажарилишини тушинтириш, усулнинг ўзини кўрсатиш, янги операцияни илгари ўзлаштирилганлари

билин боғлаш кесмаларни ўлчаш кўникмаларини самарали ўзлаштиришга эришишга ёрдам беради.

Ўқувчиларни янги узуңлик бирликлари — дециметр, метр билан таништириш бундай узуңлик бирликларини киритиш зарурлигини кўрсатувчи масалалар кўйишни талаб қиласди. Бу бирликларни ўрганишда ўқувчилар дециметр билан сантиметр орасидаги, метр билан сантиметр, метр билан дециметр орасидаги боғланишларни мустақил топишлари муҳимдир. Амалий ишлар (сантиметр моделларини дециметр модели устига, дециметр ва сантиметр моделилларини метр модели устига кетма-кет кўйиш) кўпинча ўқувчилар билимларида учрайдиган формализмни бартараф қилиш имконини беради.

Узунлик бирликлари ва улар орасидаги муносабатларни билиш ўқувчилар билим доираларини кенгайтирибгина қолмай, балки шу билан бирга «кўзда чамалаб» ўлчашга — изланаётган ва маълум катталикларни хаёлда (фикрда) қиёслаб ўлчашга асос бўлиб хизмат қиласди. Ўлчаш ишларини ўқувчилар бирмунча англаб бажарадилар, буни улар шакллантирилган кўникмалар савиясини аниқлаш учун маҳсус танланган машқларни (масалаларни) қандай ҳал килишларига қараб ҳукм чиқариш мумкин. Масалан, «Тўққиз қаватли уй баландлигини аниқланг» топшириғида ўқувчилар баландликни 20 м, 50 м, 90 м ва ҳоказо деб топиб ўтирмасликлари керак, балки хона баландлигини билган ҳолда уй баландлигини аниқ кўрсатишлари керак. Мазкур ҳолда хона баландлиги уй баландлигини ўлчаш учун ёрдамчи восита сифатида қатнашмокда. Ўқувчиларнинг ўлчаш кўникмалари савияси ҳақида кузатишлар асосида ва ҳар қайси ўқувчининг алоҳида иши натижалари асосидагина хулоса чиқариш мумкин. Шундай қилиб ўқувчиларда ўлчаш малакалари ва кўникмаларини шакллантиришда самарадорликка уларни масштабли чизгичдан фойдаланиш усуллари билан чукур таништириш, ҳар хил амалий машқлар — геометрик фигуralарни ясаш, уларни чизиш, қирқишиш, атрофдаги предметларнинг чизиқли ўлчамларини ўлчаш жараённада эришиш мумкин.

15- Б О Б. «УЛУШЛАР ВА КАСРЛАР» МАВЗУСИНИ ЎРГАНИШ МЕТОДИКАСИ

Бошланғич мактабда улушлар ва касрлар билан дастлабки танишишни V синфда касрларни ўрганишга тайёргарлик сифатида қараш лозим. Тўрт йиллик бошланғич мак-

табнинг III синфи дастурида соннинг улушкини ва улушкига кўра соннинг ўзини топиш масаласи қаралади. IV синфда эса соннинг бир неча улушларини топишга доир масалалар ечилади.

Улуш ва каср нима? «Улуш» ва «Каср» тушунчалари болалар учун одатдан ташқари тушунчалар бўлади. Бу тушунчаларни ўзлаштириб олиш учун ўқитишни тўла кўрсатмали қилиш зарур. Амалиётда энг кўп қоғоз тасмалар, чизиклар, каср саноғи цилиндрлари кўлланмалади. Ўқитишнинг биринчи босқичида бу кўрсатма кўлланмалардан фойдаланишнинг камчилиги шундаки, бўлишдан кейин қолган, масалан, қоғоз тасмалар бўлакларининг ўзлари шакли бўйича дастлабки тасмаларга ўхшаш бўлиб, уларни яна бутун бирлик сифатида қабул қилиш мумкин. Шу сабабли дастлабки вактларда шундай нарсаларни олиш керакки, уларнинг бўлаклари шакли бўйича бутун нарсадан фарқ қилинсин ва уларни бутун нарса сифатида қабул қилиш мумкин бўлмасин. Бундай нарсалар доиралар, квадратлар, тўғри тўртбурчаклар, учбурчаклар бўлиши мумкин. Лекин фақат геометрик фигуralарнинг ўзидан фойдаланиш ҳаддан ташқари бир хилликка олиб келади, картошка, олма, турп ва бошқа кўрсатма кўлланмалардан фойдаланиш керак. Қоғоз тасмалар, чизиклар, чўплар каби кўрсатма кўлланмалардан фойдаланишда уларни шундай кўйиш керакки, нарсанинг тагида унинг қисмлари бўлаклари турсин ва болалар нарсанинг бутун ва каср қисмлари орасидаги фарқни кўриб турсинлар.

Улуш нима? Агар берилган обьектни (нарсани, нарсалар тўпламини) бир неча тенг бўлакларга бўлиш мумкин бўлса, у ҳолда бу бўлакларнинг ҳар бири обьектнинг (нарсанинг, нарсалар тўпламини) улуси деб аталади. Улуш иккита натурал сон ва чизикча ёрдамида ёзилади:

$$\frac{1}{2}, \frac{1}{3}, \frac{1}{5}.$$

Чизикча остидаги сон обьект нечта бўлакка бўлинганлигини, чизикча устидаги сон эса бундай бўлакдан битта (улуш) олингандигини билдиради.

Каср (ёки каср сон) деб шундай натурал сонлар жуфтига айтиладики, улардан чизикча остига ёзилтани обьект нечта тенг бўлакка бўлинганлигини, иккинчиси, чизикча устига ёзилгани эса ҳосил бўлган улушлардан нечтаси олинган-

лигини билдиради: $\frac{3}{4}, \frac{7}{8}$.

Улушнинг ва касрнинг таърифларини солиштириш улуш каср соннинг хусусий ҳоли эканлигини кўрсатади. Таърифларда биз билиб туриб «сурат», «маҳраж» сўзларини ишлатмадик, чунки улар бошлангич мактабда ишлатилмайди. Бу ерда шуни айтиш керакки, касрларни чизикча билан ёзуви ва уларнинг ўқилиши, масалан, «тўртдан уч», «тўққиздан етти» ва ҳоказолар эрамиздан аввалги VIII асрда Хиндистонда, кейинчалик ҳозирги Ўзбекистон худудида қабул қилинган эди, фақат кейинчалик у Европага (XII — XIII асрлар) ўтган.

Ёш педагог-ўқитувчилар йўл қўядиган хатолик ва ҳоказо ёзуви нимани билдиришини тушунтиришларида содир бўлади. Ўқитувчилар кўпинча битта нарса иккита (учта, бешта) тенг бўлакка бўлинган деб айтишади. Бундай

тушунтириш кейинчалик $\frac{3}{5}$ ёзувини тушунишни қийинлаштиради, шунингдек, соннинг улушларини топиш масаласининг ечилишини тушунишни қийинлаштиради.

Улуш тушунчасининг киритилишини ўқувчиларга бундай кириш суҳбати ёрдамида асослаб бериш зарур:

«Қаранг, болалар, мана бу бир бош саримсоқ пиёз. Агар унинг устки пўстини олиб ташласак, бир нечта «тишчаларни» ёки улушларни кўрамиз, агар апельсиннинг пўстини арчисак, у 10 та улушга осон бўлинади. Демак, табиатда бутун нарса кўпинча бир неча бўлакларга бўлинади, меҳнат фаолиятларида одамларнинг ҳам бир нарсани кўпинча бир неча тенг бўлакларга бўлишига (киркишига, кесишига, ажратишига) тўғри келади. Масалан, дурадгор, бир нечта тахтаси бўла туриб, ҳар бир тахтани бир неча тенг, бир хил бўлакларга ажратишига тўғри келади. Масалан, гулзорни тенг бўлакларга бўлади. Бизнинг синф ҳам гурухларга бўлинади. Нарса тенг бўлакларга бўлинган ҳолда у улушларга ажратилган деб айтилади. Улушларга ҳар доим ҳам ажратиш мумкин бўлавермайди. Масалан, пиёлани тенг ажратиш мумкин эмас. Бироқ олмани, картошкани, нонни, газламани ва ҳоказоларни бўлиш ва бу ҳолда улушлар ҳақида гапириш мумкин.

Улушлар билан меҳнат дарсида, ўқитувчи раҳбарлигига апликация ишларини ўtkазиш вақтида таништириш мумкин.

«Улушлар билан таништириш» дарсидан парча.

Дарснинг мақсади: $\frac{1}{2}$, $\frac{1}{4}$, $\frac{1}{8}$ билан кўрсат-

мали таништириш, улушларни ўқиш ва ёзишни ўргатиш; улушларни таққослашга ўргатиш.

Кўрсатма қўлланмалар: рангли қоғоздан тайёрланган диаметри 10 см ли 4 та доира, рангли қоғоздан тайёрланган узунилиги 10 см ва эни 1 см бўлган 4 та қоғоз тасма, рангли қоғоздан тайёрланган томони 10 см бўлган 4 та квадрат, альбом вараги.

Дарснинг бориши (кириш сухбатига қаранг).

Ўқитувчи: менинг қўлимда иккита доира бор (тайёрлаб қўйилган тўпламдан иккита бир хил рангли доирани кўрсатади). Доиралар бир хиллигини қандай текшириб кўриш мумкин? (Доираларни бир-бирининг устига қўйиш керак. Улар устма-уст тушди, демак, бир хил.) Бутун доирани варакқа елимлаб ёпиштирамиз. Иккинчи доирани иккита тенг бўлакка бўламиз. Бунинг учун доирани бўлаклари ҳамма нукталари билан устма-уст тушадиган қилиб букамиз. Доирани қирқамиз. Нечта бўлак ҳосил бўлди? (Иккита бўлак.) Булар қандай бўлаклар (Тенг).




Ҳар бир бўлак доиранинг иккидан бир бўлаги ёки доиранинг ярми деб аталади. Қаламни ва доиранинг ярмини олинг. Биз янги сонларни ёзишни ўрганамиз. Горизонтал чизиқча нарсани тенг бўлакларга бўлганимизни билдиради. Чизиқча остига доирани нечта тенг бўлакка бўлганимизни (2 та) ёзамиз, чизиқча устига эса неча бўлак олганимизни

(1 та) ёзамиз. Бундай ёзувни ҳосил қилдик: $\frac{1}{2}$ (куйидагини билдиради: доиранинг иккидан бир улуси ёки доиранинг ярми). Доиранинг ярмини мендаги схемага ўхшатиб қоғозга ёпиштиринг (120-расм).


Яна битта доира олинг, уни тенг иккига буқланг ва яна тенг иккига буқланг. Энди ёйинг. Доирани нечта тенг бўлакка бўлдик (Тўрттага). Ҳар бир бўлак тўрттадан бир улуси деб аталади. Тўртдан бир улушкин қирқиб олинг ва қоғозга елимлаб ёпиштиринг. Ёзамиз: $\frac{1}{4}$. Бу ёзувни ўқинг (Доиранинг тўртдан бир улуси). Қисқача бундай айтилади: доиранинг чораги.

Доиранинг саккиздан бир улушкини ҳосил қилиш бўйича иш ҳам шунга ўхшаш ўтказилади. Мустаҳкамлаш квадратни тенг бўлакларга бўлиш ва уларда $\frac{1}{2}$; $\frac{1}{4}$; $\frac{1}{8}$ ни ёзиш

Улушлар



1



$\frac{1}{5}$



$\frac{1}{10}$



120- расм.

ёрдамида мустаҳкамланади (бу улушлар вараққа ёпиширилмайды).

Шундан кейин болалар 10 см узунликдаги қоғоз тасмани оладилар ва унда чизгич ёрдамида 2 см дан күйиб чиқадилар.

Ү қ и т у в ч и : Тасмани неча бўлакка бўлдингиз (5 та бўлакка). Хар бир бўлак қандай ўқиласди? (Тасманинг бешдан бир улуши). Бутун тасмада нечта бешдан бир улушлар бор? (5 та.)

Ўндан бир улушлар билан ҳам иш шунга ўхшаш ўтказилади. Дарснинг сўнгида ўқитувчи улушларга бўлинган фигуранларни кўрсатади, ўқувчилар эса бу улушларни кўчириб оладилар (121-расм).



121- расм.

Улушларни доскада тез ёзиш ва уларни тўғри ўқиш учун жадвал тайёrlаб олиш мумкин (122-расм). Жадвалдаги кичик чўнтакча учун 1, . . . , 9 рақамли карточкалар

122- расм.

ва катта чўнтақ учун квадрат, доира, учбурчак, тўғри тўртбурчак номлари ёзилган карточкалар тайёрлаб кўйилган. Ўкувчи керакли карточкаларни олади, чўнтакларга солади ва улушни ўқийди.

Бундай ишда ўқитувчи улуш — бу бирор нарсанинг бўллаги эканлигига болаларнинг эътиборини қаратади.

Пировардида ўқитувчи фигура тенгмас бўлакларга бўлинган карточкани (ёки бир нечта ўхаш карточкаларни) кўрсатади ва бўялган бўлакнинг номини айтишини сўрайди (123-расм). Баъзи ўкувчилар учбурчакнинг иккidan бир бўллаги деб айтадилар. Бироқ улуш нима эканлигини тушуниб олган ўкувчилар схемадаги бўлаклар тенгмас бўлганлиги учун унда улушлар йўқлигини фаҳмлайдилар.

Улушларни таққослаш квадратнинг улушлари ёрдамида ўтказилади. Улушларни бир-бирининг устига қўйиб, қўйидагиларни аниклаймиз:

$$\frac{1}{2} > \frac{1}{4}, \frac{1}{4} > \frac{1}{8}, \frac{1}{2} > \frac{1}{8}.$$

Улушларни ортиб бориш тартибида ёзамиш:

$$\frac{1}{8}, \frac{1}{4}, \frac{1}{2}.$$

Ўқитувчи: чизиқча остидаги соннинг ўзгариши билан улушнинг қандай ўзгаришига эътибор беринг.


Биргаликда ҳаракат қилиб, бундай хулосага келинади: чизиқча остидаги сон қанчалик кичик бўлса, улуш шунча катта бўлади: яъни фигурани қанча кичик сондаги тенг бўлакларга бўлсан, улуш шунча катта бўлади.

III синфнинг навбатдаги математика дарсида соннинг улушларини топишга доир масалалар ечилади.

Мехнат дарсида тайёрланган схема амалий машқларда таянч бўлади.

Ўқитувчи: схемага қаранг, доиранинг тўртдан бир улушкини қандай ҳосил қилиш мумкин? (Доирани тўртта тенг бўлакка бўлиш керак.)

8 та квадратни санаб олинг. 8 та квадратнинг $\frac{1}{4}$ улушкини



123- расм.

қандай ҳосил қилиш мумкин? (8 та квадратни 4 га тенг бўлакка ажратиш керак). Ажратинг. Чорақда нечта квадрат ҳосил бўлди? (2 та квадрат). Жавобни қандай ҳисоблаб топиши мумкин? (Бундай қилиш керак: $8 : 4 = 2$).

Доска олдида ишлаш. 15 та дафтар ол. Бу дафтарларнинг учдан бир қисмини шкафга кўй. Учдан бир қисмини қандай топиш мумкин? (Дафтарларни учта тўпга баравардан қилиб ажратиш керак). 15 нинг $\frac{1}{3}$ ини қандай ҳисоблаш керак? (Бундай қилиш керак: $15 : 3 = 5$.)

Хулоса: соннинг улушкини бўлиш билан топилади.

Бу хулоса амалий ишлар билан мустаҳкамланади.


1. Узунлиги 12 см бўлган қоғоз тасма ўлчаб олинг. Уни тенг икки бўлакка бўлинг. Тасма ярмининг узунлиги нимага тенглигини ҳисобланг. Ҳисоблаганингизни ўлчаш билан текширинг.

2. 12 та доирача (квадрат, чўп) санаб олинг. 12 та доирачанинг $\frac{1}{3}$ ини топинг. Ҳисобланг (Бундай қилиш керак: $12 : 3 = 4$). Амалий йўл билан текширинг.

3. Дафтарнинг узунлиги 9 см бўлган кесма чизинг. Кесманинг учдан бир улушкини кўрсатинг. Бу улушки ҳисобланг. Ўлчаш билан текширинг.

Кейинчалик соннинг улушкини топишга доир масалалар оғзаки ва ёзма ишларга киритилиши керак. Бундай топшириқлардан бир нечта намуна келтирамиз.

1. Бу фигуранларнинг ҳар бири нечта тенг бўлакка бўлинганинги сананг. Фигуранинг штрихланган улушкининг номини айтинг (124-расм).



124- расм.

2. Қайси бири катта: $\frac{1}{5}$ ми ёки $\frac{1}{10}$ ми? Доиранинг $\frac{1}{10}$ ини ҳосил қилиш учун доиранинг $\frac{1}{5}$ идан нечта олиш керак? Бутун доирани ҳосил қилиш учун $\frac{1}{10}$ доирадан нечта олиш керак?

3. Бирда $\frac{1}{2}$, $\frac{1}{4}$, $\frac{1}{8}$, $\frac{1}{10}$ дан неча марта бор?

4. Қовун 6 кг. $\frac{1}{2}$ қовун неча кг?

5. Агар велосипедчи бир соатда 20 км йўл босган бўлса, у $\frac{1}{4}$ соатда неча километр йўл босади?

6. Мактаб дарвозасидан мактаб эшигигача 50 м. Ўқувчи бу масофанинг $\frac{1}{5}$ қисмини ўтди. У яна қанча юриши керак.

7. Газлама бўлагининг узунлиги 75 м. Бу бўлакнинг $\frac{1}{3}$ қисми сотилди. Бўлақда неча метр газлама қолди?

8. Улушларни ортиб бориш тартибида жойлаштиринг:

$$\frac{1}{15}, \frac{1}{5}, \frac{1}{3}, \frac{1}{7}, \frac{1}{10}, \frac{1}{25}.$$

9. Михнинг узунлиги 35 см бўлган симнинг $\frac{1}{5}$ қисмини ташкил этади. Бу симдан нечта шундай мих ясаш мумкин? Михнинг узунлиги қанча?

Бундай кўринишдаги топшириклардан кўпроқ киритиш керак: $\frac{1}{2}$ м да неча сантиметр бор? $\frac{1}{4}$ м да-чи? $\frac{1}{5}$ м да-чи?

$\frac{1}{2}$ соатда; $\frac{1}{5}$ соатда; $\frac{1}{6}$ соатда неча минут бор? ва ҳоказо.

Болаларга нега бундай деб айтиш қабул қилинганлигини тушунтириш керак: «Соат етти ярим», «соат чорак кам беш», «соат олтидан чорак ўтди».

Сонни унинг улуси бўйича топишга доир масалаларда аввал бевосита намойиш этиш мумкин бўлган масалаларни олиш керак.

Тузилган схема бўйича сұҳбат ўтказамиш: «Мен доиранинг қандай улушкини кўрсатмоқдаман?» ($\frac{1}{2}$). Бутун доирада нечта ярим доира бор? (Иккита ярим доира.)

Энди доиранинг қандай улушкини кўрсатяпман? ($\frac{1}{8}$)
Бутун доирада нечта саккиздан бир улуш бор? (Саккизта.)

Масала. Китобнинг $\frac{1}{8}$ и бу 3 сахифа. Бутун китобда нечта сахифа бор? (Ўқитувчининг кўрсаткич таёғи схемада.) Кўпми ёки камми? (Кўп) Нечта марта кўп? (8 марта.)
Бутун китобда нечта сахифа бор экан? (24 сахифа.) Қандай ҳисобладингиз? (3·8.) Тўғри.

Демак, 3 сахифа — бу соннинг саккиздан бир улуси.
Бутун сонни топиш учун улушкинг қийматини улушлар сонига кўпайтириш керак экан.

Масала. Пўлат сим бўлагидан 4 см кесиб олди.
Бу бутун бўлакнинг учдан бири. Сим бўлагининг узунлиги қанча эди?

Пўлат кесиб олган сим бўлагини тасвирлаймиз
(Узунлиги 4 см бўлган кесма чизишади). Кесиб олинган

бўлак бутун кесманинг қандай қисмини ташкил қиласди? (Учдан бирини.) Бутун бўлакни қандай тасвирилаш мумкин? (4 см дан 3 марта олиш керак.) Нега? (4 см — бу симминг учдан бири, бутун бўлакда эса учдан уч улуши бор.) Чизинг. (Бажаришади.) Бўлакнинг узунлиги қанча эди? (12 см.) Қандай билдингиз? (4·3.) Ўлчаш билан текширинг.

Ечилишнинг ёзуви $4 \cdot 3 = 12$. Жавоб: 12 см.

Хулоса: Сонни ўзининг улуши бўйича қўпайтириб топамиз.

Масала: Болалар оналирига бодринг теришга ёрдамлашишди. Терилган барча бодрингларнинг бешдан бир қисми 3 кг бўлди. Болалар қанча бодринг теришди?

Шартни қисқача ёзамиз:

$$\frac{1}{5} - 3 \text{ кг}$$

Ҳаммаси — ?

Ўқувчи масалани ечишда бундай мулоҳаза юритади: барча бодрингларнинг $\frac{1}{5}$ и бу 3 кг. Барча бодрингларни эса 3 кг дан 5 марта олинган. Сонни ўзининг улуши бўйича қўпайтириш билан топаман.

Ечилиши: $3 \cdot 5 = 15$. Жавоби: 15 кг.

Ўқитувчи ўқувчининг жавобини схемадан фойдаланиб, намойиш қиласди: 3 кг — бу $\frac{1}{5}$, бутун сон эса $\frac{5}{5}$. Биз катта сонни изляяпмиз, шунинг учун қўпайтирамиз.

Навбатдаги дарсларда бундай масалалар ечилади:

1. Номаълум соннинг $\frac{1}{2}$ и 8 га тенг. Бу сонни топинг.
2. Блокнот 8 тийин туради, блокнотнинг баҳоси китоб баҳосининг $\frac{1}{4}$ қисмини ташкил этади. Китобнинг баҳоси қанча? (Блокнот арзонми ёки китобми? Китобнинг баҳосини қандай билиш мумкин?)

3. Агар соннинг $\frac{1}{3}$ и 30 га тенг бўлса, соннинг ўзини топинг.

4. Синфдаги барча ўқувчиларнинг $\frac{1}{6}$ қисми «5» баҳо олиб ўқиди. Синфда ҳаммаси бўлиб 7 нафар аълочи бор. Синфда нечта ўқувчи бор?

5. Номаълум сон 85 ва 40 сонлари айирмасининг $\frac{1}{3}$ ига тенг. Бу сонни топинг.

Бундан кейин сонни ўзининг улушига кўра топиш ва соннинг улушини топишга доир масалалар аралаштириб берилади ва оғзаки ечиш учун ҳам, ёзма ечиш учун ҳам

таклиф этилади. Болалар миқдорнинг улушини аниқ тасаввур эта олишлари учун аниқ мазмунли масалаларни ечиш фойдалидир (бир чекак сувнинг учдан бири, бир сават олманинг чораги, газлама бўлагининг бешдан бири, метрнинг юздан бир улуси ва ҳоказо.)

Каср нима? Тўртинчи синфда танишириш тартибида касрлар билан — соннинг бир неча улушлари билан танишамиз.


III синфда фойдаланилган схемадан фойдаланиб, улушларни ёдга туширамиз:

1. Схема бўйича улушкинайт (120-расм.) Улушки қандай хосил қилганимиз?

2. Схемадан $\frac{1}{4}, \frac{1}{5}, \frac{1}{10}$ улушларни кўрсат.

Улушкининг ёзувидағи чизикча остидаги сон нимани, чизикча устидаги сон нимани кўрсатади?

Сўнгра ўқитувчи доскага 4 та тенг бўлакка бўлинган учта доирани илиб қўяди. Биринчи доиранинг чорак бўлаги, иккинчи доиранинг тўртдан икки бўлаги, учинчи доиранинг тўртдан уч бўлаги бошқа ранг билан ажратиб кўрсатилган (125-расм.)



$$\frac{1}{4}$$



$$\frac{2}{4}$$



$$\frac{3}{4}$$

125- расм.

Ўқитувчи: биринчи доирада доиранинг қандай улуси кўрсатилган (тўртдан бир улуси)? Иккинчи доирада қанча улушкининг кўрсатилган? (Тўртдан икки улушки.) Янги сон ёзамиз: чизикча доиранинг тенг бўлакларга бўлинганлигини билдиради, чизикча остига доирани нечта тенг бўлакка бўлганимизни, чизикча устида эса бундай бўлаклардан нечта олганимизни ёзамиз. Бундай ёзув хосил бўлади: $\frac{2}{4}$. Учинчи доиранинг остига шунга ўхшаш тарзда $\frac{3}{4}$ ни ёзамиз.

Бир неча тенг улушларнинг бундай ёзилиши каср деб аталади. Чизикча остидаги сон маҳраж, чизикча устидаги сон сурат деб аталади. Касрнинг сурати тенг бўлаклар-

дан нечта олинганилигини билдиради. Касрнинг маҳражи доира, көғоз тасма, кесма (бутун сон) нечта тенг бўлакка бўлинганилигини билдиради.

Касрларни мустаҳкамлаш учун болалар берилган расмлар бўйича қандай касрлар тасвиirlанганилигини айтадилар ва ёзадилар.

Ўкувчи бундай тушунтиради (126-расм): Тўғри тўртбурчак 9 та тенг бўлакка бўлинган. 9 ни чизикча остига ёзамиз, 4 та улуши бўялган, 4 ни чизикча устига ёзаман.


Каср ҳосил бўлди: $\frac{4}{9}$.



126- расм.

Касрларнинг аниқ маъносини англаб олишда касрларни таққослашга доир машқулар ёрдам беради.

Касрларни таққослаш учун одатда тўғри тўртбурчаклар тасвиirlанган расмлардан фойдаланилади (127-расм.) Болалар дафтарларида бўйи 16 см, эни 1 см бўлган тўғри тўртбурчак чизадилар. Бу битта тўғри тўртбурчак. Ёзамиз. (Биринчи тўғри тўртбурчакда 1 сонини ёзамиз.)



127- расм.

Биринчи тўғри тўртбурчак тагида худди шундай иккинчи тўғри тўртбурчакни чизинг ва уни 2 та тенг бўлакка бўлинг. Қандай улушларни ҳосил қилдингиз? ($\frac{1}{2}$) Бутун тўғри тўртбурчакда нечта иккidan бир улушлар бор?

Пастроқда 2 та шундай учинчи тўғри тўртбурчак чизинг. Уни тўртта тенг бўлакка бўлинг. Ҳар бир бўлак қандай

аталади? Ёзинг. Иккидан бир каттами ёки тўртдан бирми? Иккидан бирми ёки тўртдан иккими? Тўртдан бирми ёки тўртдан учми? Иккидан иккими ёки тўртдан учми?

Пастроқда яна шундай тўғри тўртбурчак чизинг. Бу тўғри тўртбурчакни 8 та тенг бўлакка бўлинг. Ҳосил қилинган улушлар қандай аталади? Бутунда нечта саккиздан бир улуш бор? Тўғри тўртбурчакнинг тўртдан бирида, ярмида нечта саккиздан бир улуш бор? Қайси бири катта: саккиздан учми ёки тўртдан бирми? Иккидан бир қандай касрга тенг?

Бу саволларга болалар расмга қараб жавоб берадилар:

$\frac{3}{8}$ ва $\frac{1}{4}$ ни таққослаб, болалар $\frac{3}{8} > \frac{1}{4}$ эканлигига ишонч ҳосил қиласидилар.

Бошқа касрлар ҳам шундай йўл билан таққосланади, бироқ уларни таққослаш учун бошқа расмлар ишланади.

Мустаҳкамлаш учун ушбу машқлар берилади:

$$1. \quad \text{«}>\text{», «}<\text{», «}\Rightarrow\text{» ишорасини қўйинг: } \frac{3}{8} \bullet \frac{3}{4}, \frac{4}{5} \bullet 1, \frac{4}{8} \bullet \frac{1}{2}.$$

2. Тенглик (тенгсизлик) тўғри бўладиган сонни танлаб қўйинг:

$$\frac{5}{\square} = \frac{\square}{2}, \quad \frac{3}{8} > \frac{\square}{4}, \quad \frac{1}{2} < \frac{\square}{4}.$$

Бу топшириқларга жавобларни болалар кесмалар устида иш бажарив ва бундай мулоҳаза юритиб, топадилар:

«Кесмада $\frac{3}{8}$ касрни тасвирлайман. Бунинг учун кесмани 8 та тенг бўлакка бўламан ва шундай бўлаклардан 3 тасини оламан. Шундай кесмада $\frac{3}{4}$ касрни тасвирлайман: бунинг учун кесмани 4 та тенг бўлакка бўламан ва шундай бўлаклардан 3 тасини оламан. Кесмаларни таққослайман, $\frac{3}{8} < \frac{3}{4}$ экани шундок кўриниб турибди. Демак, кичик белгисини қўяман.

Қоғоз тасмалар билан амалий ишлар бажариб, ўқувчилик касрларни камайиш ёки ортиш тартибида жойлаштириб, таққослашлари мумкин.

Болаларнинг эътиборини мана бу фактта қаратиш мумкин: агар суратлар бир хил бўлса, у ҳолда маҳражи кичик каср катта бўлади, агар маҳражлар бир хил бўлса, у ҳолда сурати катта каср катта бўлади.

Бундай машқлар фойдали:

Минутларда ифодаланг: $\frac{1}{3}$ соат, $\frac{1}{2}$ соат;

килограммларда ифодаланг: $\frac{1}{10}$ ц; $\frac{9}{10}$ ц;

метрларда ифодаланг: $\frac{2}{5}$ км;

секундларда ифодаланг: $\frac{2}{10}$ мин, $\frac{1}{5}$ мин;

тийинларда ифодаланг: $\frac{3}{10}$ сүм.

Қандай ҳисоблаганингизни түшунтириб беринг.

Бажарилаётган машқлар натижасида бундай хулоса қилиш керак: соннинг бир неча улушини топиш учун бу сонни маҳражга бўлинади (бир қисмини топилади) ва суратга кўпайтирилади (шундай бўлакларнинг бир нечтаси топилади.)

Хулоса масалалар ечишда татбиқ этилади: Монтёрда 12 м сим бор эди. Ҳамма симнинг $\frac{2}{3}$ қисмини у ишлатди. Монтёр ҳаммаси бўлиб қанча сим ишлатди?

Ечиш ўқитувчи раҳбарлигида бажариладиган расм ёрдамида амалга оширилади: 1 см ни 1 м учун қабул қилиб, сим бўлагини тасвирлаймиз (12 см.) Ишлатилган сим ҳакида нима дейилган? (Ҳамма симнинг $\frac{2}{3}$ қисми ишлатилган.) Ишлатилган бўлакни қандай тасвирлаш мумкин? Кесмани teng учта қисмга бўлиш ва шундай бўлакдан икки қисмни олиш керак? Демак, аввал 12 ни 3 га бўламиз. Бу билан нимани биламиз? (Битта қисмнинг узунлигини.) У нимага teng? (12 : 3 = 4.) Кейин-чи? (Шундай 2 та бўлакнинг узунлигини биламиз: 4 · 2 = 8 (м).)

Ечимни ифода тузиб, мана бундай ёзиш мумкин:

12 : 3 · 2 = 8 (м.) Жавоби: 8 м.

Такрорлашда бундай масалалар мураккаб масалалар таркибиға киритилади: Мотоциклчи 3 кунда 1250 км йўл босди. Биринчи куни у бутун йўлнинг $\frac{2}{5}$ қисмини, иккинчи куни бутун йўлнинг $\frac{3}{10}$ қисмини босиб ўтди. Мотоциклчи учинчи куни қанча йўл босган?

Мактабда 600 ўқувчи бор. Барча ўқувчиларнинг $\frac{2}{5}$ си дам олишга боришади, қолган ўқувчиларнинг $\frac{1}{2}$ и жамоа хўжалигига ёрдамга борадилар. Нечта бола хўжаликка боради?

Масалалар ечишда болаларнинг ишларини фаоллаштирадиган турли тадбирларни ўтказиш мумкин.

1. Ўқитувчи раҳбарлигидаги ишланаётганда барча ишларни доскага ёзиб бориш.

2. Ўкувчи мулоҳаза юритади—ўқитувчи доскага ёзиб боради.

3. Ечимни бир ўкувчи изоҳлаётганда болалар дафтарларига ёзадилар (доскага ёзилмайди).

4. Масалани олдиндан тузилган режа бўйича мустақил ечиш.

5. Масалани мустақил ечиб кейин текшириш.

Касрларга оид турли топшириқларни бутун ўкув йилининг қолган қисмида оғзаки ва ёзма ишлар таркибига киритиб бориш лозим.

16-Б О Б. ЎЛЧОВЛАРНИ ЎРГАНИШ ВА ЎЛЧАШ МАЛАКАЛАРИНИ ШАКЛЛАНТИРИШ

Миқдор тушунчаси. Бошланғич синфларнинг дастурида математик материал билан узвий боғлиқликда турли миқдорларни ҳам ўрганиш назарда тутилган. Миқдорларсиз табиатни, борлик олами ўрганиш мумкин эмас. Миқдорларда турли объектларнинг, борлик дунёнинг хоссалари акс эттан.

Миқдор бу нарса ёки ҳодисанинг бирор хоссаси бўлиб, уни бошқа нарса ёки ҳодисанинг шу хоссаси билан таққослаш ва улардан қайси бири шу хоссага кўпроқ даражада эга эканлигини аниқлаш мумкин.

Миқдор тушунчаси мураккаб тушунча бўлиб, ўкувчи-ларнинг мактабда бутун ўкиш даврида шакллантирилади.

Бошланғич мактабнинг вазифаси шундаки, у болаларда миқдорларни ўрганишнинг интуитив тушунарли усулини ҳосил қилишдир, бунинг натижасида болаларда миқдорлар нарсалар ва ҳодисаларнинг ўлчаш билан боғлик бўлган хоссалари эканлиги ҳақида тасаввурлар ҳосил бўлиши керак.

Бошланғич мактабда болаларга узунлик, сифим, масса, юз, вақт ҳақида дастлабки тасаввурлар берилади.

Ҳар бир миқдорни ўрганиш услубиётининг ўзига хос хусусиятлари мавжуд бўлса-да, бироқ нарсанинг ёки ҳодисанинг хоссаларини ўрганишга умумий ёндашиш миқдорларни ўрганишнинг умумий услубиёти ҳақида гапириш имконини беради. Бу услубиёт асосида амалий усул ётади. Нарсалар билан ишлаш асосида, аниқ-хиссий қабул

қилиш қобилятига таяниб, кичик ёшдаги мактаб ўкувчи-ларини миқдорлар учун умумий бўлган хоссалари билан танишириш мумкин.

Миқдорларни ўрганиш бўйича дарсни ташкил этиш режаси тахминан бундай:

I босқич. Нарсанинг кўплаб хоссалари орасидан ўрганилаётган хоссани аниқлаш. Бу босқичда ўрганилаётган хоссаларни таққослаш усулидан фойдаланилади. Ҳар бир нарса яккараб кўйилмасдан, балки бошқа нарсалар билан таққослаган ҳолда берилади.

Дастлаб таққосланадиган хоссалар орасидаги фарқ кескин бўлиши лозим. Болалар белгилар орасидаги фарқни тушуниб олганларидан сўнг, фарқ камайтирилиши мумкин. Масалан, бундай таққослаймиз: китоблар солинган портфель оғирроқми ёки дафтарми, дарс узунроқми ёки танаффусми, синф хонаси кўп жойни эгаллаганми ёки спорт залими?

II босқич. Бир жинсли хоссаларни таққослашни турли усууллар билан ўтказиш мумкин: кўз билан кўриб, ҳиссий йўл билан, устига кўшиш билан, турли ўлчовлар ёрдамида. Ўлчовлар ёрдамида таққослаш миқдорни беради.

III босқич. Атамани киритиш ва миқдорнинг ўлчов бирлиги билан танишириш.

IV босқич. Ўлчов асбоби билан ва унда фойдаланиш қоидалари билан танишириш.

Ҳар бир миқдор устида олиб бориладиган ишни таҳлил этамиз.

Узунлик ўлчовларини ўрганиш. Болалар узунлик жисмининг давомийлигини, нарсанинг ўлчамларини тавсифлайдиган хоссаси эканлиги ҳақидаги тасаввурларни мактабгача бўлган даврдаёқ ҳосил қилганлар. Болалар узунроқ-қисқароқ, кенг-тор, баланд-паст, йўғон-ингичка муносабатларини тўғри аниқлай оладилар. Ўқитишининг навбатдаги вазифаси — ўлчаш ишининг моҳиятини очиб бериш, узунликнинг турли ўлчов бирликларининг аҳамиятини кўрсатиш ва ўлчов асблоридан фойдаланишга ўргатишдан иборат. Тайёр гарлик босқичининг биринчи дарсларидаёқ ўқитувчи «миқдор» тушунчасини ривожлантириш имкониятига эга. «Миқдор» сўзининг ўзи кўпчилик болаларга тушунарли эмас, чунки бу сўзни улар кам эшитадилар. Ўқитувчининг вазифаси нарсаларнинг хоссаси таққосланадиганда бу таққослашни миқдор жиҳатдан ифодалаш мумкинлигини, миқдор ҳақида сўзлаш мумкинлигини ҳар дейм кўрсатиб боришдан иборат.

«Узун. Қисқа» мавзуси бўйича дарс парчасини келтирамиз.

Д а р с и н г м а қ с а д и . Узунлик тушунчасини жисмнинг ўлчамларини тавсифлайдиган хоссаси сифатида шакллантириш.

Иш нарсаларнинг узунликларини кўз билан чамалаб ва устига қўйиш усули билан тақдослашдан бошланади.

А м а л и й и ш . Горизонтал тортилган ипга эни бир хил, лекин ранги ва узунлиги турлича бўлган ленталар илинган. Болалар қайси лента узунроқлигини, қисқароқлигини, бир хил узунликда эканлигини кўз билан аниқлайдилар. Ленталарни ип устида силжитиб, ўқитувчи уларни устма-уст туширади. Болаларнинг эътиборини шунга қаратади: ленталарнинг учлари, устма-уст тушган бўлса, энди уларнинг охирларига қараймиз ва қайси ҳолда «узунроқ», «қисқароқ», «бир хил узунликда» деб айтишимизни аниқлаб оламиз. Мустаҳкамлаш учун фронтал амалий иш ўтказилади.

Болаларга уттадан қофоз тасмалар (полоскалар) тарқатилади (иккитаси бир хил, учинчи тасма эса узунлиги бўйича бу иккитасига teng эмас). Бу қофоз тасмаларни узунлиги бўйича қандай тақдослаш мумкин?

Тасмаларни бир-бирининг устига шундай қўйингки, қайси тасмалар бир хил, қайси тасма эса узунроқ экани кўришиб турсин. Кейин тасмаларни устма-уст тушириш мумкин бўлмаган қолат яратилади. Бунинг учун узунлиги турлича бўлган иккита тасма досканинг турли қисмларида турли баландликларда ўрнатилади. Учинчи тасмани ўқитувчи кўлида ушлаб туради. Қайси тасма узунроқ? Болалар билан биргаликда ўқитувчи бундай холосага келади: учинчи тасмани биринчи тасманинг устига қўйиш керак, улар устма-уст тушди, демак, бу тасмалар teng. Кейин учинчи тасмани иккинчи тасманинг устига қўйилади, у учинчи тасмадан узунроқ экан. Қайси тасма узунроқ, иккинчи тасмами ёки биринчи тасмами?

Бундай холоса чиқарилади: агар биринчи тасманинг узунлиги учинчи тасманинг узунлигига teng бўлса, иккинчи тасманинг узунлиги эса учинчи тасманинг узунлигидан катта бўлса, у ҳолда биринчи тасманинг узунлиги иккинчи тасманинг узунлигидан кичикдир. Шунга ўхшаш иш ва холосани узунлиги бўйича бир хил, бироқ ранги бўйича турлича учта чўп устида ҳам бажарамиз.

Сўнгра фронтал иш ўтказилади. Болаларга бир нечта бир хил каноп кесмалари тарқатилади (I вариант — 3 та

кесма, II вариант— 4 та кесма). Болалар кесмаларнинг узунликлари бир хил эканига ишонч ҳосил қиласидилар. Кейин кесмалар тугун қилиб боғланади. Болалар ҳосил бўлган кесманинг узунлиги боғланган кесмалар узунликлари йигиндисига тенг эканлигини, II вариантдаги кесма эса узунроқ эканини пайқайдилар, чунки бунда калта кесмалар кўпроқ эди. I ва II вариантдаги кесмаларни устма-уст кўйиб, бу хулоса текширилади.

Болалар дарсликдаги вагонлар уланган поезд тасвирланган машқ устида ишлаб шунга ўхшаш хулосага келдилар. Ўқитувчи болаларнинг эътиборини вагончалар бир хиллигига қаратади. Шунинг учун вагончаларни санаш ва қайси поезд узунроқлигини айтиш кифоя.

Бу укувлар секин мустаҳкамлашиши сабабли бунга ўхшаш машқларни кейинги дарсларга мунтазам киритиб бориш керак. Масалан, кейинги дарсда фронтал амалий иш ўтказилади. Болалар ичига турли узунликдаги 5—6 та қоғоз тасма (чўплар, ленталар) солинган конвертлар оладилар.

Топшириқ: энг узун тасмани, кейин қисқароқ тасмани ва энг қисқа тасмани топинг.

Навбатдаги дарсларда «узунлик» тушунчаси кенгайтирилади. Бўйи, эни, қалинлиги, баландлиги сўзлари киритилади.

Ўқитувчи: Синфимиздаги доскага қаранг. Бу досканинг (узунлиги) бўйи (кўли билан чапдан ўнта томон кўрсатади). Досканинг ўлчамини яна қандай кўрсатиш мумкин? (Юқоридан пастга.) Демак, досканинг ўлчамларини икки йўналишда кўрсатиш мумкин. Уларни чалкаштирмаслик учун досканинг эни (кенглиги) деб гапирилади.

Ўз иш ўрнингизга қаранг. Кўлингиз билан партанинг узунлигини (бўйини), партанинг энини кўрсатинг. Дарсликнинг бўйини, энини кўрсатинг. Дарсликнинг яна қандай ўлчамини кўрсатиш мумкин? Ўқитувчи дарсликни иккита бармоғи билан ушлаб кўтариб кўрсатади (қалинлигини). Дафтар ва дарслигингизни солиштиринг. Қайси бири қалин? Қайси бири юпқа?

Хулоса: нарсаларнинг ўлчамлари ҳақида гапирилаётганда бу ўлчамларни турли йўналишларда кўрсатиш мумкин. Турли йўналишлардаги узунлик турлича аталади: бўйи, эни, баландлиги, қалинлиги. Бу сўзлар учун қарама-қарши маъноли сўзлар борми? «Гескарисига» ўйинини ўйнаймиз. Мен расмларни кўрсатаман ва нарсаларни

бир сүз билан таққослайман, сиз эса бу таққослашни қарама-қарши маңыноли сүз билан айтасиз.

1. Қизил қалам күк қаламдан узун (нарсалар күрсатилади).

2. Қайрағоч арчадан баланд (128- расм).



128- расм.

3. Шарф камардан кенг (нарсалар күрсатилади).

4. Кундалик дафттар дарсликдан юпқа (нарсалар күрсатилади).

5. Дарё ирмоқлардан кенг (129- расм).



129- расм.

6. Йўл сўқмоқдан узун ва ҳоказо.

Дарслик бўйича ишлаш бу тушунчаларни мустаҳкам-лайди. Атрофингизга қаранг ва хоссаларни янги сўзлар билан таққослаш мумкин бўлган нарсаларни айтинг.

Якунлаб, ўқитувчи бундай дейди: «Биз бугун янги тушунча — миқдор билан танишдик. Нарсаларнинг хоссасини таққослаш мумкин бўлган ҳолда миқдор ҳакида гапирилади. Нарсаларнинг ўлчамлари ҳакида гапирилганда миқдорни турли сўзлар: бўйи, эни, баландлиги, қалинлиги деб айтилади. Агар нарсанинг бир йўналишдаги ўлчами ҳакида гапириладиган бўлса, кўпинча «бўйи», узунлиги сўзини айтадилар.

Ёш педагоглар миқдор сўзини кам ишлатиб, ундан кўра «бир хил», «ўшандай» сўзларини афзал кўрадилар, лекин бу сўзлар кўп маънолидир (ранги, шакли, ўлчамлари бўйича ўшандай). Шу сабабли уларни нарсаларни таққосланаштган белгини аниқлайдиган сўз билан тўлдириш лозим (миқдори: бўйи, эни, баландлиги ва ҳоказо бўйича ўшандай нарсани топ). Навбатдаги дарсларда оғзаки саноқ ишига миқдорларни таққослашга доир топшириқларни мунтазам киритиш керак. Устига қўйишнинг амалий усуллари тартибланган қаторни тузиш учун қўлланилади. Нарсаларни бўйи, эни, баландлиги ортиб ёки камайиб бориш тартибида жойлаштирилиб, болалар буни нутқларида ҳам акс⁶ эттирадилар: энг йўғон, ингичка, яна ҳам ингичкарок, энг ингичкаси. Бу ишда дидактик ўйинлар: «мунчоқларни ўтказ» (турли ўлчамлардаги шарчаларни), «Пирамида туз», «Матрёшкаларни териб чиқ», «Зинача», «Жуфтини топ», «Қайси карвон узунроқ» ва ҳоказо. Бу топшириқлар кўз билан чамалашни, кузатувчанликни ривожлантиради.

Биринчи синфнинг иккинчи чорагида «Нарсанинг узунлигини шартли ўлчов ёрдамида ўлчаш» дарсида ўлчов тушунчаси киритилади. Ўқитувчи досканнинг турли қисмларида бир-биридан узоқликда узунлиги бўйича кам фарқ қиласидиган иккита кесма чизади (130-расм). Қайси кесма узунлигини қандай аниқлаш мумкин? Кесмаларни биз бир-бирининг устига қўя олмаймиз. Ҳосил бўлган муаммо кўчириб юриш мумкин бўлган учинчи кесмани киритиш билан ҳал бўлади. Ўлчовнинг зарурлиги шундай киритилади. Ўлчов — бу ўлчов воситаси сифатида киритиладиган кесмадир, ўзига хос ўлчов куролидир. Қоғоз тасмаларни ўлчовлар ёрдамида таққослашга доир машқлар дарсликда бор. Турли рангли қоғоз тасмалар бир хил тўғри тўртбурчакларга бўлинган. Қайси тасма узунроқ?

130- расм.

Үлчовларни санаш сонларни беради, бироқ бу сонлар тасмаларнинг узунликларини таққослашга ёрдам беради. Бу сонлар миқдорлардир. Үлчовлар билан яна бажариладиган амалий ишлар ушбу холосага олиб келиши керак:

1. Кесмаларни турли үлчовлар билан үлчаш мумкин, бунда ҳар бир ҳол учун қайси үлчов қулай эканлигини аниклаб олиш керак.

2. Иккита кесманинг узунликларини таққослаш учун уларни битта үлчов билан үлчаш лозим.

3. Барча учун бир хил үлчовга эга бўлиш зарур.

Бу масалаларни очиб беришга алоҳида дарслар ажратилмайди, шу сабабли оғзаки саноққа қоғоз тасмалар ва үлчовлар билан ишлашни мунтазам равишда киритиб бориш керак.

1-и ш (намойиш қилиш).

Ж и ҳ о з: Узунлиги 90 см ва 120 см бўлган қоғоз тасмалар.

Ў л ч о в л а р: қизил тасма 30 см, кўк тасма 15 см, яшил тасма 7,5 см. Тасмалар фланелеграфга илиб қўйилади.

И ш н и н г м а қ с а д и: Үлчовлардан фойдаланиш ва кесмаларни үлчаш билан таққослашга ўргатиш.

Ў қ и т у в ч и: қайси тасма узунроқ эканлигини аниклаш керак. Бироқ тасмалар маҳкамлаб қўйилгани учун уларни устма-уст қўйиб бўлмайди. Жавобни қандай топамиз?

Ў қ у в ч и: тасмаларни учинчи тасма билан үлчаймиз.

Ў қ и т у в ч и: «Учинчи кесма — бу үлчовдир. Үлчовдан фойдаланиш қоидасини эслаб қоламиз. (Ўқитувчи қоидани айтади ва бир вақтда 90 см ли тасманни 30 см ли тасма билан үлчайди.)

1. Нарсанинг узунлигини унинг бошидан бошлиб үлчаш керак (саноқ бошини тўғри аниклаш керак).

2. Үлчовнинг охири тўғри келган жойда қалам ёки бўр билан белги қўйиш керак.

3. Үлчовни чапдан ўнгта ёки юқоридан пастта сурин керак.

4. Ўлчовни сураётганда уни охирги ўлчанган қисмни белгилайдиган белгига аниқ қўйиш керак.

5. Ўлчовларни санаш керак.

6. Ўлчашни тугаттандан сўнг нима билан ўлчанганигини ва натижа қандай бўлганлигини айтиш керак!

120 см ли тасмани ўлчаб, қоидани мустаҳкамлайдилар. Ўлчашларни бажариб бундай хулоса қиласиз: «Биринчи тасмада 3 та қизил тасма, иккинчи тасмада эса 4 та қизил тасма жойлашди, демак, $3 < 4$. Демак, биринчи тасма иккинчисидан қисқа ёки иккинчи тасма биринчи тасмадан узун.

2- и ш (жиҳозлар ўшанинг ўзи). Ўқувчилар тасмаларни кўк тасма (15 см ли) билан ўлчайдилар. Бундай хулосага келадилар: «Биринчи тасма иккинчи тасмадан қисқа, чунки $6 < 8$.

Нега ҳар хил тенгсизликлар олдик? (Ўлчовлар ҳар хил эди.) Нега бир хил жавобни ҳосил қилдик? (Кесмаларнинг узунликларини таққослаш учун исталган ўлчовдан фойдаланиш мумкин.)

3- и ш (Ҳолат ўшанинг ўзи.) Биринчи кесмани кўк ўлчов билан (15 см ли), иккинчи кесмани қизил ўлчов (30 см ли) билан ўлчаймиз. Биринчи кесмада 6 та кўк ўлчов, иккинчи кесмада эса 4 та қизил ўлчов бор. Биринчи кесма иккинчисидан узун бўлиб чиқди. Ҳақиқатан ҳам шундайми? Нега хатолик юз берди?

Х у л о с а: иккита кесманинг узунликларини таққослаш учун уларни бир хил ўлчов билан ўлчаш керак.

4- и ш. 90 см ли тасма турли ўлчовлар билан ўлчанади.

Ў к и т у в ч и . Нечта кўк ўлчов бўлди? (6). Нечта қизил ўлчов бўлди? (3). Нечта яшил ўлчов бўлди? (12). Нега битта тасманинг узунлигини ўлчаган бўлсак ҳам; узунлик миқдори ҳар хил бўлди? (Чунки ўлчовлар ҳар хил эди.) Ўлчовлар сони ўлчов узунлигига қандай боғлиқ? (Ўлчов қанча узун бўлса, ўлчовлар сони шунча кичик бўлади, у кесмада шунча марта кам жойлашади.) Бу ўлчовлардан қайси бири энг қулай. (Қизил ўлчов.) Нега? (Уни бор-йўғи 2 марта кўйдик ва ўлчашни тезроқ бажардик.)

Кўрсатмали бажарилган бу ишларни навбатдаги дарсларда, якка тартибда кичик ўлчамли қофоз тасмалар ва ўлчовлар билан такрорлаш мумкин. Бу «Сантиметр» мавзусига тайёргарлик бўлади. Синфдан ташқари ўқишида

турли халқларда узунликни қандай ўлчаганликларини хикоя қилиб бериш мүмкін.

Сантиметр. «Сантиметр» мавзусини түшүнтириш амалий ишдан бошланади. Болаларга узунлиги бир хил бўлган (8 см дан) қофоз тасмалар тарқатилади, ўлчовни эса болаларнинг ўзлари катак қоғоздан тайёрлайдилар. I вариянтни 2 катакли ўлчов билан, иккинчи варианти эса 4 катакли ўлчов билан ўлчаймиз. Натижаларни таққослаймиз. II вариантда тасмаларнинг узунликлари қанча? (8 та ўлчов), иккинчи вариантда-чи? (4 ўлчов). Демак, қайси вариантда тасма узун (I вариантда.) Хулосангизни тасмаларни бир-бирининг устига қўйиш билан текширинг. Тасмалар бир хил. Нега биз микдорларни таққослаб, но-тўғри жавоб олдик? (Бизнинг ўлчовларимиз ҳар хил эди.) Қани, бир ўйлаб кўринг-чи, болалар, ҳар бир фабриканинг, ҳар бир заводнинг, цехнинг ўз ўлчови бўлса, нима бўлар эди. Масалан, пойабзал фабрикасида ботинкаларнинг пошинасини тайёрлаш учун битта ўлчов, унинг кўнжини тайёрлаш учун бошقا ўлчов олишса, нима бўлар экан! У ҳолда фабрика маҳсулот ишлаб чиқара оладими? Мана шунинг учун ҳам ҳаммага битта ўлчов керак ва одамлар кесмаларнинг узунликларини қандай ўлчовлар билан ўлчашни ўзаро келишиб олганлар. Бундай ўлчов билан биз бугун танишдик. Мана ўша ўлчов. У унча катта эмас. Уни ушлаб туриш кулай бўлиши учун ингичка симга маҳкамланган (131- расм). Бу сантиметр. (Янги сўз ёзилган карточка қўйилади.)



131- расм.

Дафтарингизда иккита катакли кесма чизинг — бу сантиметр. Катакли қофоз тасмада 1 сантиметрли ўлчовни — 1 см ни белгиланг. Дафтарингизда 18 катакли кесма чизинг. Унда неча сантиметр бор? 10 катакда-чи? 6 катакда-чи? ва ҳоказо.

А м а л и й и ш . Саноқ чўпининг узунлигини янги ўлчов — сантиметр билан ўлчаш. У билан ишлаш қанчалик қийин-а, у кичкина, белгилар аралашиб кетмоқда. Бугун Сиз билан болалар, биринчи ўлчов асбоби — чизгич тайёрлаймиз. Бу иш учун олдиндан ёғоч чизгич тайёрлаб қўйиш керак. Бироқ унинг шкаласини оқ қофоз тасма билан, орқа томонини эса катак қофоз билан ёпишириб қўйиш керак.

Бу ишни болалар билан биргаликда меңнат дарсида бажа-риш мүмкин.

Үқитүвчи. Энди ёғоч чизгични олинг ва оқ қоғозли томонини юқорига қаратыб күйинг. Чап учидан бир оз жой ташлаб, нұқта ёки чизіркөш күйинг. Үлчов-сантиметрни күйинг. Үлчовнинг охирини белгиланг. Үлчовни чапдан үнгіт суринг. Үлчовнинг бошини иккінчи белги билан устма-уст тушириңг. Шу ишни яна 8 марта тақрорланг. Чизгичда бир хил үлчовлар күйилганилыгини текшириңг. Агар кимда яхши чиқмаган бўлса, чизгичнинг катакли томонини ағдаринг. Үлчов-сантиметр билан қилинганди ишни катакчалар ёрдамида тақрорланг. Келгусида болалар бу чизгичлардан фойдаланиб, тасмаларни, арқончаларни ўлчайдилар, тоза қозоз кесмалар чизадилар, чизгичда берилган узунликдаги кесмаларни кўрсатадилар. Бунда болалар ҳар гал сантиметрларни санайдилар (қалам билан «юриб»).

Кўлбола чизгич билан етарлича машқлар бажарилгандан сўнг, у номерланади ва болалар одатдаги масштабли чизгичга ўтадилар.

Масштабли чизгич билан ишлаганда болаларни берилган кесмаларни ўлчашга ва берилган узунликдаги кесмаларни чизишга ўргатиш керак. Бу ишлар жараёнида ушбу энг содда алгоритм ҳосил бўлади.

Берилган кесмани ўлчаш учун:

1. Кесманинг бошини чизгичдаги 0 билан устма-уст тушириш керак.
2. Чизгични кесма бўйлаб жойлаштириш лозим.
3. Кесманинг охирини чизгичда белгилаш ва кесманинг узунлигини ўқиши лозим.

Берилган узунликдаги кесмани ясаш учун:

1. Қоғозда нұқта кўйилиши керак.
2. Бу нұктаны чизгичдаги 0 билан устма-уст тушириш керак.
3. Чизгични керакли йўналишда жойлаштириш лозим.
4. Кесманинг узунлигини чизгич ёрдамида қоғозда нұқта билан белгилаш керак.
5. Бу нұқталарни туташтириш лозим.

Үлчаш малакаларини мустаҳкамлаш турли-туман машқ-ларни бажариш жараёнида амалга оширилади. Булар бир кесма иккинчи кесмадан неча сантиметр узун (қисқа) деган саволни бериш учун кесмаларни таққослаш, кесмáни бир неча сантиметр узайтириш (қисқа тириш), узунлиги берилган кесмаларнинг узунилклари йигиндисига (айирмасига) тенг бўлган кесмаларни чизишга доир машқлардир. Болаларни үлчаш натижаларини яхлитлашга ўргатиш лозим: агар сантиметр 4 марта жойлашиб, сантиметрнинг ярмидан кам кесма қолса, у ҳолда уни ташлаб юборилади ва узунилкни бундай айтилади: «4 см дан сал узун, 4 см атрофида», агар сантиметрнинг ярмига тенг ёки ундан каттароқ кесма ортиб қолган бўлса, у ҳолда бундай ўқилади: «5 см дан сал кам», «тахминан 5 см».

Кўз билан чамалашни ривожлантириш ва ўқувчиларни фаоллаштириш мақсадида ўқитувчи турли ўйинларни танлайди: «Ўзи ўзига ўлчов».

Кўпинча «беш қўлимдек биламан», деб гапиришади. Ҳар бир киши ўзининг беш бармоғини жуда яхши биламан деб ҳисоблайди. Аслида ҳам шундаймикан?

Айтингларчи, болалар, мурожаат қиласи ўқитувчи болаларга,— бош бармоғингиз билан кичик бармоғингиз орасидаги энг катта масофа қанча? Сиз болалар, «Бу нега керак», деб сўрайсизми. Бу жуда керак-да. Буни билган ҳолда, Сиз болалар, у ёки бу нарсанинг бўйини ёки зинни осон аниқлай оласиз, у масалан, эшикдан сиғадими, қанча жой эгаллайди ва ҳоказоларни била оласиз. Шу мақсадда ҳар бир киши ўз бўйини, тирсагидан ўрта бармоғининг учиғача узунилигини билиши керак, бу эса унга керак бўлганда, үлчашлар учун фойдаланишда зарурдир.

Бундай маълумотлар ҳам керак бўлиб қолиши мумкин: бир, уч, беш тийинлик тангаларнинг диаметрлари, гутурт кутисининг бўйи ва эни.

Мана яна бир ўйин. Стол атрофига бир неча болаларни ўтқазинг ва ҳар бирига унча катта бўлмаган чўп беринг. Ўйинчиларнинг қўзлари боғланади ва ҳар бирининг қарши-сига бирор нарса: кўзача, чойнак, консерва банкаси, кутича ва ҳоказолар кўйилади. Ўйинчиларнинг вазифаси ўзининг олдида қандай нарса турганлигини, у қандай материалдан қилинганлигини ва унинг узунилигини см ҳисобида тахминан баҳолашдир.

Дециметр. Янги ўлчов бирлиги — дециметр билан танишишга ўтишдан олдин янги ўлчовнинг зарурлигига асосланадиган муаммоли ҳолатни яратиш лозим. Тушунти-

ришни яна амалий ишдан бошлаш мумкин: 40 см ва 60 см узунликдаги қоғоз тасмаларни, бу узунликларни айтмасдан, таққослашни таклиф этиш мумкин. Ўлчов сифатида узунлиги 1 см ва 10 см бўлган тасмаларни узунликларни айтмасдан таклиф қиласиз. Бу кесмаларнинг узунликларини таққослашда қайси тасмадан фойдаланиш қулайроқ бўлади? Кесмаларни амалда ўлчаб, болалар яхшиси катта ўлчовни танлаш керак, деган холосага келадилар, чунки бу ҳолда қўйилган саволга тез жавоб берилади. Биринчи ўлчовни текшириб кўрамиз, у сантиметр, сантиметр иккинчи ўлчовда неча марта жойлашишини аниклаймиз ва уни дециметр деб атаемиз: 1 дм=10 см. Дециметр ўлчови картондан тайёрланади, унинг бир томони бир рангли бўлиб, иккинчи томони сантиметрларга бўлинади ва ингичка симга маҳкамланади (132- расм).

132- расм.

Болалар дафтарларида 1 см ли ва 10 см ли қесмалар чизадилар ва уларни таққослайдилар. Амалий ишда ўқувчилар ўлчовлар тайёрлайдилар.

Жиҳозлар: см модели, турли рангли 3 та қоғоз тасма, қайчи.

Ишни нг бориши: 1. Оқ қоғоз тасмадан 1 см ли кесма ўлчанг ва уни қийиб олинг.

2. Шу тасмадан яна 10 см ли кесма ўлчанг. Уни қийиб олинг. Биринчи кесма 1 см нинг модели, иккинчи кесма 1 дм нинг модели. Уларни таққосланг. 1 см нинг модели 1 дм моделида неча марта жойлашишини сананг. Холосани ёзамиш: 1 дм=10 см.

3. Дециметр модели билан иккинчи тасмани ўлчанг (3 дм), учинчи тасмани ўлчанг (4 дм).

Кўз билан чамалашни ривожлантиришни давом эттириб, тоғшириқ берамиш.

4. Математика дарслигининг узунлиги нимага тенглигиги кўзингизда чамаланг. Ўлчаш билан текшириб кўринг.

5. Доскада кесма чизилган. Унинг узунлиги қанчалигини кўзингиз билан чамаланг. Бир неча ўқувчиларнинг жавоблари доскага ёзилади. Кейин кесма узунлиги дециметрларга бўлинган чизгич билан ўлчанади.

6. Дафтaringизга узунлиги 12 см бўлган кесма чизинг. Бу неча дециметр ва неча сантиметр?

Мустаҳкамлаш мақсадида нарсаларнинг узунликларини

таққослашга доир содда масалалар ечилади. Пировардида биргаликда ушбу жадвал ўқилади:

У з у н л и к ў л ч о в л а р и :

сантиметр (см)

дециметр (дм)

1 дм = 10 см

1 дм > 1 см

Кейинги дарсларда материал берилган узунликдаги кесмаларни чизиш, берилган кесмадан узунроқ ёки қисқароқ кесмани чизиш ушбу күренишдаги сонларни таққослаш ва алмаштириш йўли билан мустаҳкамланади.


1 дм 5 см = ... см 35 см = ... дм ... см

4 дм = ... см 18 см = ... дм ... см

3 дм 15 см = ... см 30 см = ... дм ... см

Шу босқичнинг ўзида ушбу топширикларни киритилиши лозим: катта ўлчовларни кичик ўлчовларга ўтказиш ва, аксинча, кичик ўлчовларни катта ўлчовларга ўтказиш. Бунинг учун катта ўлчовда қанча кичик ўлчов борлигини билиш керак. Шундан сўнг, аниқ ўлчовларга ўтилади: 1 дм = 10 см, демак, 3 дм = 30 см, 3 дм 15 см = (30 + 15) см = 45 см, 28 см = ... дм. 1 дм = 10 см. 28 да 2 та ўнлик бор, демак, 28 см да 2 дм ва яна 8 см бор. 28 см = 2 дм 8 см.

Метр. Километр. Миллиметр. Навбатдаги узуңлик ўлчовлари сантиметрга ўхшаш киритилади. Ўкувчиларга маълум ўлчов бирликларини, уларнинг муносабатларини такрорлаш ва янги ўлчов бирлигини киритилиши зарур бўлган ҳолатни яратиш керак. Амалий масалани ечаётib, масалан, синфнинг бўйини ва энини ўлчаётib, бундай савол қўямиз: «Синфнинг бўйини сантиметр, дециметр ёрдамида ўлчаш мумкинми? Кўпчилик ўкувчилар: «Йўқ, мумкин эмас», деб қатъий жавоб беришади. Лекин бундай жавоб берадиган болалар ҳам топилади: «Мумкин, лекин қулай эмас, чунки ўлчовларимиз кичкина», Ўқитувчи янги ўлчов бирлиги — метрни киритади. Метр модели меҳнат дарсида турли рангли 11 см ли тасмалардан



133- расм.

елимлаб ёпиширилади. (1 см елимлашга кетади.) Метр мөделини 80—90 см ли ёғоч тахтачалардан очилган циркуль шаклида ясаш мүмкін (133- расм). Бундай циркуль билан коридорнинг (синфнинг) бўйини ўлчаш, майдончада 60 м ли ва 100 м ли югуриш йўлкаларини белгилаш қулайдир.

Амалий топшириклардан ўрганилган материални такрорлаш ва мустаҳкамлашда фойдаланилади.

I синф

1. Иккита кесма чизинг. Биринчи кесманинг узунлиги 9 см, иккинчисиники эса ундан 6 см қисқа бўлсин.
2. Дафтарнинг бўйидан 8 см қисқа бўлган кесма чизинг.
3. Иккита кесма берилган. Қайси кесма узунлигини кўзингиз билан чамалаб аниқланг. Ўлчаб текширинг. Чизгич бўлмаса, кесмаларни қандай ўлчаш мүмкін?
4. 7 см узунылкдаги кесмани чамалиб чизинг. Чизгич билан текширинг, қанчага янглишибисиз.
5. Сантиметр билан бармоғингиз йўғонлигини, тирноғингиз узунлигини таққосланг.
6. Ҳар бир бармоғингиз узунлигини, кафтиңгизнинг энини, гугурт қутисининг бўйини, энини, баландлигини, стаканнинг баландлигини, ликобчанинг кенглигини ўлчанг.
7. Дециметрда ўлчов билан канопнинг, лентанинг, қофоз тасманинг узунлигини ўлчанг.
8. Синфдаги қайси нарсаларнинг бўйи, эни, баландлиги 1 метр эканини чамалаб аниқланг.
9. Метрли чизгич ёрдамида 4 м каноп ўлчаб олинг.
10. Ўз бўйингизни метр билан таққосланг. Метрни ён томонга узатилган чап қўлингизнинг бармоқлари учига қўйини. Чизгич горизонтал жойлашсан. Чизгичнинг иккинчи учи қаерда жойлашганлигини эслаб қолинг. Катта одамда метр чап қўл бармоқ учларидан ўнг елкагача жойлашади.
11. Ўз бўйингни метр билан солиштири.
12. Ўз қадамингнинг узунлигини ўлча. Бунинг учун узунлиги 5 м бўлган йўлка ўлча. Уни босиб ўт ва қадамларинг сонини сана. Метрларни сантиметларга айлантири. Сантиเมตรлар сонини қадамлар сонига бўл.
13. Қадамингнинг узунлигини билган ҳолда мактабдан уйинггача бўлган масофани аниқла.
14. Масала. Умарнинг бўйи Темирнинг бўйидан баланд эмас, Темир эса Тоҳирдан баланд эмас. Тоҳирнинг бўйи қанча бўлиши мүмкін?

IV синфда янги ўлчов бирликлари — миллиметр ва километр киритилади. Қаерда миллиметрғача аниқликда

ўлчанишини болаларнинг ўзлари топадилар. Деярли ҳар куни чизгичдан фойдаланиб, болалар 1 мм узунликдаги кесмани эслаб қолганлар. Ўқитувчининг вазифаси энди мм гача аниқликдаги ўлчашларга оид топширикларни мунтазам бериб боришдан иборат.

Километр билан таништиришда болалар 1 км йўл босиб ўтишлари учун албатта саёҳат уюштириш лозим. Жисмоний тарбия дарсларида болаларни бир маромда юриш ва қадамларини санашга ўргатиш лозим. Кейин болалар қадамлари узунлигини хисоблайдилар. 5 м масофани белгилаб, қадамлари сонини санайдилар ва қадамлари узунлигини хисоблайдилар. Кейин 1 км йўл босиб ўтиш учун неча қадам юришлари кераклигини хисоблайдилар. Болалар 1 км ни якка-якка бўлиб ва гуруҳ бўлиб ўтадилар. 1 км йўл юришга сарфланган вактни хисоблайдилар. Болаларни маълум икки манзил орасидаги масофани кўз билан чамалаб аниқлашга ўргатиш керак. Тарбиявий сухбатда қайси касблар учун кўз билан чамалаш зарурлигини таъкидлаш керак.

Ҳажмни ўрганиш

Микдор ҳақидаги тасаввурларни ривожлантиришда ҳажм ва масса билан тавсифланадиган хоссалари билан таништириш ёрдам беради. «Идишларнинг сифими» ва «литр» тушунчаларининг киритилиши нарсаларнинг хоссалари ҳақида фазовий тасаввурларнинг ривожланишига ёрдам беради.

«Литр» дарсига тайёргарлик даврида болаларда нарсаларнинг ҳажмий хоссалари ҳақидаги тасаввурларнинг шаклланишига ёрдам берадиган машқларни киритиш лозим:

1. Қайси шар (куб) катта.

2. Болалар кумли майдончада ўйнашмоқда. Қолиллардан фигуралар ясашмоқда (қолилларни кўрсатади). Қайси қолилга кўп кум сиғади?

3. Чой ва ош қошикларда бир стакан кум ўлчаб ол. Нега бир хил микдордаги кум турли сонлар билан ифодаланди? Ўлчовлар сони ўлчовнинг ўзига қандай боғлиқ? ва ҳоказо.

«Литр» мавзуси бўйича дарс парчасини кўриб чиқамиз.

Ўқи туви: «олдинги дарсларда биз сочилиувчан нарсаларни ўлчаган эдик. Шундай ўлчовларнинг ўзидан суюқликларни ўлчашда ҳам фойдаланиш мумкин. Сиз қандай суюқликларни биласиз?

Ўқи тувар: сув, сут, шўрва, қатик, компот, пахта ёғи, бензин, ...

Ўқитувчининг столида иккита мензурка бор. Биринчидан, иккичиси тор. Иккаласида ҳам сув сатҳи бир хил. Иккита ўлчов стаканчалар ҳам бор, улар 1 ва 2 билан номерланган.

Ўқитувчи: қайси идишда сув кўплитгини қандай исботлаш мумкин?

Ўқитувчилар: иккинчи идиш кенгроқ, унда сув кўп.

Ўқитувчи шакли ҳар хил иккита идиш қўяди, улардаги суюқлик сатҳи ҳар хил.

Ўқитувчи: энди эса қайси идишда сув кўп?

Ўқувчилар чамалай бошлийдилар, ўқитувчи уларни ўлчов стаканчани олиб, ўлчаш керак, деган холосага олиб келади.

Бир идишда 5 та ўлчов, иккинчи идишда эса шундай 3 та ўлчов борлигини аниқлаймиз, $5 > 3$. Холоса қилинади.

Кейин ўлчашлар иккинчи ўлчов билан такрорланади. $10 > 6$. Холоса қилинади.

Кейин ўлчашлар иккита ўлчов билан ўтказилади. Биринчи идишдаги сув миқдори катта ўлчов билан, иккинчи идишдаги сув миқдори эса кичик ўлчов билан ўлчанади. Ўлчаш натижалари қарама-қарши холосага олиб келди. Буни муҳокама этиб, болалар идишларидаги суюқликларнинг миқдорини ўлчаш учун битта ўлчовдан фойдаланиш керак, деган холосага келадилар.

Ўқитувчи 1 литр ёзуви металл кружкани кўрсатади ва умумқабул қилинган ўлчовнинг номини айтади. Суюқликлар ёки сочиувчан жисмлар сифимини ўлчаш зарур бўлган ҳолатлар сифимларни ўлчаш ёки ҳажмларни ўлчаш деб аталади. Сўнгра сув ўлчовдан бир литрли шиша банкага кўйилади. Нима учун банка бир литрли деб аталишини аниқлаймиз. Кружка ёки бир литрли банка билан баллонларга сув қуямиз. Икки литрли ва уч литрли баллонлар билан танишамиз.

Болалар уйларида лимонад ва кефир шишаларини кўп кўрганликлари учун 1 л сув иккита лимонад ёки кефир шишаларига сифишини кўрсатиш фойдалидир.

Дўконда баъзи нарсалар литрлаб сотилади. Дўкон ўйинини ўйнаш фойдалидир. Сотувчи харидорларга сутни (бўялган сувни) бутилкаларда, кастрюлкаларда, челякларда «сотади».

Кўз билан чамалашни ривожлантирадиган машқлар фойдалидир (олдин ҳажм кўз билан чамаланади, кейин эса ўлчанади). Иккита идишга суюқлик миқдорларини бараварлаштиришга оид машқлар болаларда қизиқиш уйғодади:

1. Бир идишда 3 литр сув, иккинчи идишда 2 литр сув бор. Иккала идишдаги сув бир хил бўлиши учун нима қилиш керак? (Икки літрга 1 л қуиши ёки 3 л дан 1 л ни олиш керак. Ишни иккита бир хил идишда сув олиб, амалий бажариш керак).

2. Бир идишда 3 л сув, иккинчи идишда ундан 2 л кўп сув бор. Иккинчи идишдаги сув 1 л кўп бўлиши учун нима қилиш керак? Бу масаланинг турли ечилиш усулларини кўриб чиқиш фойдали бўлади:

а) Ўқувчилар 1-идишга 1 л сув қуишини таклиф этишади. Бу усул амалда текширилади. Ўлчаш натижасида биринчи идишда 4 л сув, иккинчи идишда 5 л сув бор экан. $5 > 4$.

б) Биринчи идишга 2 л, иккинчи идишга 1 л сув қуиляди. $5 < 6$. Бундай масалаларни ечиш жараёнида сифимларни ўлчаш бўйича зарурый уқувлар шаклланади ва мuloҳаза юритиш уқуви ривожланади.

Массани ўлчаш

Узунлик, ҳажм ҳақидаги тасаввурларни шакллантираётганда биз асосан кўриш ҳиссига таянамиз. Масса тушунчасини шакллантиришда «барик» ҳисса (грекча «барос» — оғирлик) таянилади. Исталган жисм Ерга тортилиши натижасида таянчга босим беради ёки осилган ипни таранглайди. Кафтга, гавдага бериладиган бундай босим ана шу «барик» ҳисни беради. Барик босим миқдори массага тўғри пропорционал. Жисм массаси қанча катта бўлса, оғирлик ҳисси шунча катта бўлади. Оғирлик кучининг массага пропорционаллиги сабабли, кўпинча бу икки тушунча: масса ва оғирлик чалкаштириб юрилади. Ўқувчилар кўпинча «масса» атамаси ўрнига «оғирлик» атамасини ишлатадилар. Бу физикада иккита турли тушунчалардир.

Оғирлик — вектор миқдор. Оғирлик — бу жисм таянчга босадиган ёки илмоқни тортадиган кучdir. Оғирлик таянчнинг ҳолатига боғлиқ. Агар таянч вертикал йўналишда тезланиш билан ҳаракатланса, у ҳолда жисм зўрикиш ёки вазнсизлик ҳолатида бўлиши мумкин. Оғирлик таянчнинг ҳолатига боғлиқ. Оғирлик пружинали динамометр билан ўлчанади. Оғирликнинг ўлчов бирлиги — ньютон.

Масса — скаляр миқдор. Физика қонунлари массани энергиянинг ўзгариш ўлчови сифатида очиб беради. Масса ричагли тарозиларда ўлчанади. Массанинг ўлчов бирлиги килограммдир.

Массани Ерга тортилиш қобилияти бўйича қабул қилиш ўрганишга энг осондир.

Бошлангич мактабда фақат жисмнинг массаси ўрганилади, шу сабабли «огирлик», оғирлигини «тортиш», «огирлик тошлари», «оғирлигини тенглаштириш» сўзларини иложи борича ишлатмай, «масса», «жисмларнинг массасини ўлчаш», «массани ўлчаш учун асбоб», «масса ўлчагич» сўзларидан фойдаланиш керак.

Нарсаларни массаси бўйича фарқлай олиш қобилияти, турли массали нарсаларни «оғир», «енгил» сўзлари билан белгилаш қобилияти болаларда амалий турмуш асосида бу вақтга келиб пайдо бўлган. Бундан буён бу мавзуни ўрганишдан мақсад масса ҳақида аниқ тасаввурни шакллантириш, болаларни масса бирликлари (кг, г, ц, т) билан таништиришдан иборат.

«Килограмм» мавзуси бўйича дарс парчаси билан танишайлик.

I. Тайёр гарлик иши. Ўқитувчи столида турли рангли ва ўлчамли иккита куб қўйилган. Суҳбат асосида: ранг, шакли, ўлчамлари тушунчалари ёдга туширилади, жисмларнинг қайси хоссаларини таққослаш мумкинлиги аниқланади.

Ўқитувчи: Бу куб. У қандай? (Қизил.) Бу куб-чи? (Сарик.) «Қизил», «Сарик» сўзлари билан биз қандай хоссани атаган эдик? (Рангни.) Бу кублар ҳақида яна нимани сўраш мумкин? (Қайси бири катта, қайсиниси кичик?) «Катта», «кичик» сўзлари билан биз қайси хоссани сўрамоқдамиз? (Ҳажмни.) Кубларнинг рангини бундай савол қўйиб солиштириш мумкинми: «қайси куб қизилрок, қайсиниси сарикроқ? (Болалар кулишади (йўқ).)


Ўқитувчи: бу квадрат, бу эса доира. Уларнинг ранги қанақа? (Бир хил.) Уларнинг шакли қанақа? (Хар хил.). Нарсанинг шаклини таққослаш мумкинми? (Йўқ, биз шаклини фақат атаемиз.)

Шундай қилиб, биз фақат атайдиган хоссалар бор, бу шакл ва рангdir. Таққослаш мумкин бўлган хоссалар бор, бу ўлчамлардир. Агар хоссаларни таққослаш мумкин бўлса, демак, уларни ўлчаш мумкин. Яъни миқдори ҳақида гапириш мумкин. Нарсаларнинг ўлчамларини ўлчайдиган қайси миқдорларни Сиз биласиз? (бўйи, эни, йўғонлиги ва ҳоказо).

II. «Масса» сўзини киритиш. Ўқитувчи. Мана бу кубчаларга қаранг, улар қанақа? (Бир хил.) Бир хил хоссаларини айтиб беринг (уларнинг шакли) бир хил, ўлчам-

лари бир хил, ранглари бир хил). Тўғри, қани эшитайлик-чи, мана бу кубчаларни Дилорам бир хил деб айтармикан? (Ўқувчи қўлига кубчаларни олади ва бундай дейди: улар ҳар хил, бири иккинчисидан оғир».)

Ўқитувчи. Демак, биз кўра олмайдиган хосса ҳам бор экан, уни фақат сезиш, ҳис килиш мумкин. Лекин буни мен Сизлар кўра оладиган қилишга ҳаракат қиласман. Биз ҳозир кўрадиган қурилма нимага ўхшаш? (Ўқитувчи унча кенг бўлмаган нарсага — тагликка чизғич қўяди ва уни мувозанатлаштиради, 134- расм).



134- расм.

Болалар: «бу иннана».

Ўқитувчи: иннананинг охирларига кубчалар қўямиз (Еқлари 1 ва 2 рақамлари билан белгиланган кубчаларни қўяди.) Сиз нимани кўрдингиз?

Болалар: «биринчи кубча иккинчи кубчани босиб кетди».

Ўқитувчи: Яна аввалгидек, кубчалар бир хил деб айтаверамизми?

Болалар: Йўқ.

Ўқитувчи: Янги хоссани беришда қайси сўзлар ёрдам беради?

Болалар: «Оғирроқ, енгилроқ».

Ўқитувчи: Кубларнинг бу хоссаларини «оғирроқ» сўзи билан солишигарамиз.

Болалар: «биринчи кубча иккинчи кубчадан оғирроқ, иккинчи кубча биринчи кубчадан енгилроқ».


Ўқитувчи: «Бир қўлингизга китоб, иккинчи қўлингизга дафтар олинг. Қайси бири оғирроқ, қайси бири енгилроқ?»

Сўнгра ўқитувчи «иннанага» турли ўйинчоқларни: қўғирчоқ ва қўйчани, айиқча ва ўйлбарсчани ва ҳоказоларни ўтказади ва қайси бири оғирроқ эканлигини аниқлайди.

Доскага «оғирроқ», «енгилроқ», «масса» карточкаларини күяди ва бундай хulosса қиласы: Биз нарсанинг хоссаси ҳақида сўз юритиб, «оғирроқ», «енгилроқ» сўзларини ишлатганимизда биз «масса» ҳақида гапирамиз.

Масса бу микдор, массани таққослаш мумкин. «Биринчи кубнинг массаси иккинчи кубчанинг массасидан ортиқ» деб айтишади. «Масса» сўзидан фойдаланиб, айиқчанинг ва кўёнччанинг массаларини солиштиринг ва ҳоказо.

Массани ўлчаш учун бизнинг иннанага ўхшаган асбоб хизмат қиласы. Уни бундай атаемиз: «массани ўлчаш учун асбоб, ёки масса ўлчагич». Унинг тузилиши билан танишайлик. У бизнинг иннанага ўхшаш: унда ҳам ёғоч тахтача, фақат бунда иккита палла (косача) маҳкамланган, бу нарсалар қўйилиши учун қулайдир. «Ўрдакча-стрелкалар» эса улар бир хил сатҳда турганда асбоб ишга тайёрлигини кўрсатади (135- расм).



135- расм.

III. А м а л и й и ш . Турли нарсаларнинг массаларини масса ўлчагич ёрдамида таққослаш (мен бу ерда «тарози», «оғирлигини тортиш» сўзларидан билиб туриб воз кечяпман).

IV. Асбобни расм ёрдамида схематик тасвирлаш (136-расм). Болалар ҳам дафтарларига чизадилар. Асбобнинг тузилиши ва ишлаш тамойили такрорланади: қайси нарса босиб кетишига қараб, нима оғирроқлигини айтамиз.



136- расм.

V. Масса бирлиги қуйидаги муаммоли вазият ёрдамида киритилади. Столда учта нарса турибди: 1 кг лик тош, тошдан кам фарқ қиласидиган қофоз халта (980 г) ва 1010 г массали бошқа қофоз халта.

Ўқитувчи: Ўлчамасдан мана бу саволларга қандай жавоб бериш мумкин: қайси нарсанинг массаси ортиқ ва қайси нарса энг оғир?

Жавоб бериш қийин, болаларнинг фикрлари бўлинади. Ўқитувчи жавобни ўлчаш йўли билан топишни таклиф қиласди. Ўлчов сифатида биринчи халтани оламиз. Тош биринчи халтадан оғирроқ, иккинчи халта ҳам биринчи халтадан оғирроқ. Бизнинг ўлчамларимиз натижасида тош оғирми ёки иккинчи халта оғирроқми деган саволга жавоб бериш мумкинми? Йўқ, чунки тош ҳам, иккинчи халта ҳам биринчи халтадан оғирроқ. Демак, ўлчовимиз муваффақиятсиз танланди.

Ўлчов сифатида иккинчи халтани оламиз. Вазият ўша биринчи вазиятга ўхшаш бўлиб чиқди (биринчи халта ва тошнинг иккаласи ҳам иккинчи халтадан енгилроқ чиқди). Ўлчов сифатида тошни оламиз. Биринчи халта тошдан енгил, иккинчи халта тошдан оғир. Энди биз кўйилган саволларга жавоб бера оламиз: биринчи халтанинг массаси энг кичик, иккинчи халтанинг массаси энг оғир. Сиз билан биз массанинг ўлчов бирлиги сифатида қабул қилган тошнинг массаси 1 килограмм (1 кг) деб аталади. Болаларда 1 кг ни ҳис қилишни шакллантириш керак.

Ўқитувчи 3 та мактаб дарслигининг оғирлиги 1 кг эканлигини ўлчаш билан кўрсатади. Сўнгра ўқувчилар ўнг кўлларига дарсликларини қўйиб, буни ҳис қилишни эслаб қоладилар. Ўқитувчи дўкондан кўп нарсаларни 1 кг дан килиб жойлашларини айтиб беради (шакар, конфетлар ва ҳоказо).





VI. А м а л и й и ш . Нарсаларнинг массаларини 1 кг, 2 кг, 5 кг лик тошлар билан ўлчаш (тошларни ва ўлчов асбобини ўқитувчи мактаб физика кабинетидан олади). Асбобнинг бир палласига 1 кг массали тош (массаси айтилади) ва иккинчи палласига массаси 2 кг бўлган тахтacha кўйилади (массаси айтилмайди).

Ўқитувчи: «тактакчанинг массаси ҳақида нима дейиш мумкин (у 1 кг лик дан оғир). Тошли паллага яна 1 кг лик тош кўямиз. «Ўрдакчалар бир хил сатҳда жойлашишди. Энди тахтакачнинг массаси ҳақида нима дейиш мумкин? (Унинг массаси 2 кг.)

Ўқитувчи 2 кг массали янги тошни кўрсатади. Тахтакчанинг массасини янги тош билан ўлчайди. Кейин ўқувчилар 5 кг лик янги тошлар билан таништирилади, турли тошлар ёрдамида турли нарсаларнинг массалари ўлчанади (нарсалар олдиндан тайёрлаб кўйилган).

Х у л о с а: масса килограммлар билан ўлчанади.
1 кг бу массасининг ўлчов бирлиги.

Амалий ишларни кейинги дарсларда, масса ўлчагичнинг схематик тасвири ва 1 кг, 2 кг, 5 кг карточкалардан фойдаланиб давом эттириш мумкин бўлган топшириклар расмлар ёрдамида берилади (137- расм). Унли халтанинг массасини топинг. Портфелнинг массасини топинг. Тарвузнинг массасини топинг. Қовуннинг массасини топинг. Қайси тошни қўйиш керак? Ўрдакнинг массаси қанча?



137- расм.

Бунга ўхшаш топширикларни ва дарсликда берилган содда масалаларни ечиб, бундай хulosага келамиз: масса бирликларида ифодаланган миқдорларни қўшиш ва айришни сонларни қўшиш ва айриш каби бажарамиз, бироқ натижада яна шу миқдорни ҳосил ҳиламиз.

1 грамм, 1 тонна ва 1 центнер масса бирликлари мос равиша III ва IV синфларда киритилади. Бу вақтта келиб, болалар массаны килограммларда ўлчаш жараёнини яхши ўзлаштириб олганлар. Янги ўлчов бирлигини киритиш зарурлигини асослаш керак.

Буни «Грамм» мавзуси бўйича дарсда мана бундай амалга ошириш мумкин. Жисмларнинг массса — оғир, енгил сўзлари билан тавсифланадиган хоссаларини такорлаш ва массса ўлчагич ёрдамида бир неча жисмларнинг массалари ўлчангандан сўнг, ўқитувчи 1 кг дан ортиқ лекин 2 кг дан кам жисмнинг массасини ўлчайди.

Чапдаги паллага нарса қўйилади, ўнгдаги паллага эса 1 кг лик тош қўйилади. Нарсанинг массаси ортиқми ёки тошнинг массаси ортиқми? Нега? (Нарсанинг массаси, у тошни «босиб кетди».) 1 кг лик тошга яна 1 кг лик тош қўшилади. Энди нарсанинг массаси ҳақида нима дейиш мумкин? (Нарсанинг массаси 1 кг дан оғир, лекин 2 кг дан енгил.) Бу билан нарсанинг массаси аниқ ўлчандими? (Йўқ, тахминан.) Нарсанинг массасини аниқ ўлчаш учун яна нима зарур? (Янада кичикроқ масса ўлчовига эга бўлиш зарур.) Ўқитувчи тошлар тўпламидан пинцет билан 1 граммлик тошчани олади. Болалар уни завқ билан томоша қиласдилар.


Ўқитувчи: Бу грамм. Жуда майдага нарса 1 грамм массага эга. Биз кичик нарсаларнинг массасини мана бу асбоб билан ўлчаймиз. (Физика лабораториясидан ричагли тарозни ёки дорихона тарозисини кўрсатади.) Унда ҳам бизга таниш бўлган масса ўлчагичдаги каби таҳтачаси бор ва у шайнин деб аталади, янги стрелкаси ҳам бор. Стрелка тик юқорига жойлашганида чап палладаги нарсанинг массаси ўнг палладаги тошлар массасига teng. Чап паллага 1 тийинлик танга, ўнг паллага 1 г лик тош қўянимиз. Хулоса чиқаринг. (Стрелка тик юқорига қараб турибди, 1 тийинлик танганинг массаси 1 г га teng.) Энди чап паллага 2 тийинлик тангани, ўнг паллага эса 1 г лик тошни ва 1 тийинлик тангани қўянимиз. Хулоса чиқаринг (2 тийинлик танганинг массаси 2 граммга teng). 3 тийинлик, 5 тийинлик тангаларнинг массаси ҳам шунга ўхшаш текширилади.

Болалар дарсга тангалар олиб келишган. Улардан 7 г, 8 г, 4 г лик тўпламлар тузиш бўйича амалий иш ўтказилиди.

Болалар ўхшашлик бўйича ўйлашни давом эттириб, 10 тийинлик танга 10 г массага эга, 20 тийинлик танга

20 г массага эга деб гапирадилар. Бу хulosани шу тангаларнинг массаларини ўлчаш билан рад этиш керак.

Навбатдаги дарсда болалар циферблатли тарози билан танишадилар, шкаласини кўриб чиқадилар. Шкаладаги бўлинмаларни санашни ва унинг кўрсатишларини ўқишини ўрганадилар, уларда массаларни ўлчашини ўзлаштирадилар (138- расм).



138- расм.

Яқиндаги озиқ-овқат магазинига ташриф буюриш ва массаларни ўлчаш жараёнини кузатиш, асбоб қандай созланишини кўриш, 1 кг дан ортиқ юкларни қандай ўлчашларини, тошларни қандай қўйилишларини (катта тош, кейин кичик тош) кўриш фойдалидир. Шкаланинг кўрсатишларини ўқиётганда унга ён томондан эмас, балки тўғрисидан қараш қанчалик муҳимлигига болаларнинг эътиборларини қаратиш лозим. Ўқитувчи болаларнинг эътиборини ҳозирги замон электрон асбобига ҳам қаратади, у массани ва товарнинг баҳосини бир вақтда кўрсатади. Сочилувчан жисмлар ва суюкликларнинг ўлчанишига болаларнинг дикқатини қаратиш қизиқарлидир. Сочилувчан ва суюклик жисмлар идишда сақланади. Уларнинг массасини ўлчаща бундай қилинади:

- а) иккинчи паллага худди шундай бўш идиш қўйилади;
- б) маҳсулотни солищдан олдин идиш иккинчи паллага солинадиган тошлар билан мувозанатланади;
- в) идишнинг массаси аниқланади, кейин эса жами массадан идишнинг массаси чиқариб ташланади.

Навбатдаги дарсда дўконда кўрилган таассуротлар ҳақида суҳбат ўтказилади.

Навбатдаги дарсда дўконда кўрилган таассуротлар ҳақида суҳбат ўтказилади.

IV синфда центнер ва тонна билан танишиш болаларнинг массасининг ўлчов бирликлари ҳақидаги билимларини кенгайтиради. Бу ўлчов бирликлари ҳақида болаларда аниқ тасаввурлар ҳосил қилиш учун аниқ мисоллар келтириш

лозим: 2 қоп картошканинг массаси 1 центнерга тенг, синфдаги барча болаларнинг ўқитувчи билан биргаликдаги массаси 1 тоннага тенг.

Пировардида масса бирликлари орасидаги муносабатни кўрсатадиган масса ўлчов бирликлари жадвали тузилади.

Якиндаги савдо омборига борилса, болалар катта массаларни ўнлик ва юзлик тарозиларда ўлчаш билан танишадилар.

Содда ва мураккаб масалаларни ечиш болаларни массанинг хоссалари билан таништиради:

1) агар жисм бир неча жисмларидан иборат бўлса, у ҳолда унинг жами массаси бу массаларнинг йифиндинсига тенг;

2) асбобда ўлчашда бир-бирини мувозанатлайдиган жисмларнинг массалари тенг.

Масса бирликлари ўнлик саноқ системасининг хона бирликлари билан мос қўйилади. 1 кг бирлар билан, 1 тонна минглар синфи билан мос қўйилади. Катта ўлчовларни кичик ўлчовларга ва кичик ўлчовларни катта ўлчовларга айлантириш катта хона бирликларини кичик хона бирликлари билан ва кичик хона бирликларини катта хона бирликлари билан ифодалашга мос қўйилади.

Масса бирликларида ифодаланган микдорларни қўшиш ва айриши ўнлик саноқ системасида натурал сонлар устида тегишли амаллар билан мос қўйилади.

Вақт ўлчовларини ўрганиш. Вақт фалсафий категория, вақт материянинг яшаш шаклидир, шу сабабли унга таъриф беришнинг иложи йўқ. Вақт тушунчаси одамнинг амалий фаолияти жараёнида шаклланади.

Мавзууни ўрганишнинг асосий вазифаси болаларни вақт бирликлари ва уларнинг муносабатлари билан таништириш, вақтни соат бўйича аниқлашга ўргатишдир.

Вақт бу ҳодисаларнинг давомий эканлиги ҳақида дастлабки тасаввурларни болалар кун, ҳафта каби бирликлар билан танишиб ҳосил қиласидилар. Ҳар куни мактабга бориш керак. Бирор вақтдан сўнг ҳодиса тақорорланади. Кун ўтди, тугади. Бир неча кундан сўнг машғулотлардан озод бўлинадиган кун келади — бир ҳафта ўтди.

Биринчи синфда тайёргарлик даврида «олдин», «кейин» (илгари) тушунчалари киритилади. Бу тушунчаларни мустаҳкамлаш учун ўқитувчи дарслидаги расмларга ўхшаш вақт ҳақидаги тасаввурларни очиб берадиган бир неча расмлар тизимиға эга бўлиши керак. Масалан, б та расмдан

иборат далада қиш; тракторлар далага чиққан — шудгор килинмоқда; далада ғұзалар униб чиққан; очилған пахтазор даласи; пахта майдонида комбайнлар; пахта хирмөнлари. Үқитувчи аввал пахтанинг республикамиз учун аҳамияти ҳақида қисқа сұхбат ўтқазади, болалар билан пахтанинг қандай етиштирилишини аниқлады, кейин эса расмлар бүйича «олдин», «кейин» тушунчалари мустаҳкамланади. Бунинг учун болалар расмларни томоша қиласылар. Үқитувчи саволлар беради: «Олдин нима иш қилишади: майдонни шудгор қилишадими ёки чигит экишадими?» ва ҳоказо. «Расмларни қилинадиган юмушлар бүйича жойлаштириңг». Бу иш учун үқитувчи тузадиган сюжетлар унчалик мураккаб бўлмаслиги лозим. 3—4 та ишдан иборат бўлиши лозим. Масалан, «кўчани қандай кесиб ўтиш керак», «дарсларга қандай тайёрланиш керак» ва ҳоказо.

Биринчи синфда сутканинг кисмлари: тонг, кундуз, кечқурун, тун тушунчалари, «буғун», «кеча», «эртага» тушунчалари шакллантирилади.


Ўқув йили давомида болалар ҳафта күнлари номларини, ойлар тартибини билиб оладилар. Шу сабабли кўрсатма-кўлланма сифатида синфда йиртма тақвимга эга бўлиш ёки намойиш этиладиган тақвим ясад олиш фойдалидир. Навбатдаги ўқувчи ҳар бир ўтган кунни белгилаб боради (139- расм).

Болаларнинг тажрибасида кўп учраб турадиган вақт оралиқларини таққослаш вақт бу миқдор эканлиги ҳақидағи тасаввурни шакллантиради. Масалан, қайси бири кўп вақтни олади: мактабга келишми ёки мактабдаги машғулотларми, дарсми ёки танаффусми, ўқув чорагими ёки таътилми; қайси бири кам вақтни олади: ўқувчининг мактабдаги машғулотими ёки ота-онасининг иш куними. Вақт бўйича «узокрок», «қисқарок» сўzlари киритилади. Одамларни ёши бўйича таққослаб, болалар ёши катта, ёши кичик, ёшлари тенг тушунчаларини згаллайдилар.

Биринчи синфда ёқ болалар вақтни соат аниқлигига аниқлашни ўрганиб оладилар.

Иккинчи синфда вақт ўлчовларидан: сутка, соат, минут, ой, йил ўрганилайди.

«Вақт ўлчовлари» мавзуси бўйича



139- расм.

дарсларда ўқувчиларга одамлар турмушидаги вактнинг аҳамиятини тушунтириб бериш, вакт ўлчовларининг пайдо бўлишини болалар ўзлаштира оладиган даражада тушунтириш ўқувчиларнинг вакт ўлчовлари орасидаги муносабатларни қанчалик билишларини аниқлаш лозим.


Суҳбатдан парча келтирамиз:

«Одамнинг бутун ҳаёти вакт ичида ўтади. Инсон учун вактни ўлчаш, тақсимлаш ва қадрлаш мухимdir. Вакт узлуксиз ўтади, уни тўхтатиш ҳам, қайтариш ҳам мумкин эмас. Ҳар бир иш ўз давомийлигига эга. Мана бизнинг дарсимииз: у боши ва охирига эга. Бугунги кун-чи? Унинг ҳам боши ва охири бор. Ҳодисаларнинг давомийлиги ҳакида сўзлагандаги, биз вактни назарда тутамиз. Тақослаш мумкин бўлган ҳамма нарса миқдор билан тавсифланади. Вакт бу миқдордир. Ҳар бир одам учун ўз ҳаёт вакти ўлчаб берилган. Ҳаётда эса кўп нарса қилишга улгуриш керак. Шунинг учун биз вактни ўлчашни билишимиз лозим. Вактни қандай ўлчаш керак? Ахир уни 1 м чизгич каби ёки 1 кг лик тош каби кўлда ушлаб бўлмайди-ку. Бироқ одам кузатувчан. Одамлар жуда қадим-қадимда бир күёш чикишидан навбатдаги қуёш чикишигача бир хил вакт ўтишини пайқаганлар. Тенг вакт ораликларида тақрорланадиган ҳодисалар вакт ўлчовлари бўлиб хизмат қилиши мумкин. Сиз энди Қуёш нега чикиши ва ботишини билласиз, чунки Ер ўз ўқи атрофида айланади. Ернинг ўз ўқи атрофида тўлиқ айланиш вакти сутка деб аталади.

Сутка — бу катта вакт оралиғи. Бир сутка давомида одам кўп нарса қилишга улгуради. Мана, Сиз болалар ухлашга, мактабга келишга, шуғулланишга улгурасиз... Бироқ ҳамма ҳам дарснинг бошланишига кечик масдан келиши учун нима қилиш керак? Яна ҳам кичик вакт ўлчови керак. Мана у. Соат. Шестернялар ва пружиналардан иборат бу мураккаб механизм милларни доира бўйлаб айланishiшга мажбур қиласди. Мана бу узун мил бир суткада доирани 24 марта айланиб ўтади. Катта мил бир айланishiш учун кетган вакт бир соат деб аталади (карточка кўйилади).

Соат. Катта мил саноқ бўйича нечанчи марта айланаштанини билиш учун, яъни соат нечалигини билиш учун у билан кичик мил боғланган ва у соат мили деб аталади. Соналар ёзилган доира циферблат деб аталади. Бутун доира 12 та тенг бўлакка бўлинган ва ҳар бир бўлак ёнига тартиб билан соналар ёзилган. Ҳар бир соатнинг бошланишини катта мил 12 сонида турганида кўрсатади, саноқ бўйича соат нечалигини қисқа соат мили кўрсатади. Соат-

лар модели бўйича вақтни айтамиз. (Ўқитувчи вақтни айтишни ўргатади, 140- расм.) Бир соат — бу кўпми ёки камми? Бизнинг дарсими танаффус билан бирга деярли 1 соат давом этади. Агар дарсда топширикларни бажариш вақтига қатъий риоя қилинса, жуда кўп билим олиш мумкин. Шу сабабли соатни кичикроқ ўлчовларга бўлиш керак. Бунинг учун доирани 60 та тенг бўлимга бўлишган. Катта мил бу битта бўлимни босиб ўтиши учун кетган вақт минут деб аталади. Бир айланышда минут мили 60 бўлимни босиб ўтади. Демак, 1 соат — 60 минут.



140- расм.

Соат нима? (Вақтни ўлчаш учун асбоб.) Соат қандай қисмлардан ташкил топган? (Кичик мил соат мили, катта мил — минут мили, милларни ҳаракатлантирадиган механизм циферблат.) Соат қандай ўлчовларни санайди? (Соатлар ва минутларни.)

Сутка соат ва минут миллари биргаликда 12 да турганда бошланади. Бу тунда содир бўлади, ярим тун кирди деб айтишади. Минут мили 12 марта айланганида, яъни 12 соат ўтганда соат мили эса тўла айланниб чиққанида миллар яна устма-уст тушади, туш вақти бўлади. 12 соатдан кейин яна ярим тун бўлади. Ярим тундан навбатдаги ярим тунгача 24 соат ўтади.

$$1 \text{ сутка} = 24 \text{ соат}, \quad 1 \text{ соат} = 60 \text{ минут}$$

Соатлар барчада бир хил вақтни кўрсатиб ишлайдиган бўлиши керак. Шу сабабли одамлар маълум вақтларда соатларини тўғрилаб турадилар. Республикамизда бош соат

бор. Бу Тошкент курантидаги соатлардир. Улар 1947 йили фашистлар Германияси устидан қозонилган ғалаба ша-рафига ҳозирги Амир Темур ҳиёбонида қурилган. Шу сабабли бу соатларда ёдгорлик таҳтаси ўрнатилиб, уларда уруш қаҳрамонлари республикамизнинг жасур ўғлонлари фамилиялари зикр этилган.

Тошкент курантлари жуда аниқ юради. Улар фақат бир марта, 1966 йил 26 апрелда, даҳшатли ер қимирлаши вактида тўхташган. Бу қачон бўлганлигини одамлар шундан билиб олишиди.

Сиз билан биз эса мана бу асбоб бўйича яшаймиз ва уни будильник деб атаймиз. Бу соатни нима учун шундай аташади? Уларни эса ҳар кун телевизорда кўрадиган электрон соатлар бўйича тўғрилаймиз.

«Минут» тушунчасини болалар амалий машғулотларда англаб етадилар. «Болалар, 1 минут — бу кўпми ёки камми? Сиз тўғри ўтиринг, қимирламанг, мен вактни белгилайман ва сиз шундай 1 минут ўтирасиз. (Ўқувчилар 1 минут тугагандан енгил тортадилар, тинч ўтириш жуда қийин-да.) Демак, 1 минут — бу жуда узоқ вакт. Энди Сиз доскада мисолларни кўриб турибсиз, улар осон, қани ким 1 минутда кўп мисол ечаркин?

$$9+8, \quad 7+6, \quad 8+7, \quad 4+9, \quad 8+4, \quad 7+5.$$

Демак, 1 минут кичик вақтми? Минутлар қанчалик тез ўтаётганига қаранг. Уларни беҳуда сарф этманг, уларни билимлар ва хайрли ишлар билан бойитинг.

Вактни соат бўйича аниқлаш анъанавий бўлиб, ушбу режа бўйича амалга оширилади.

1. Бутун соатларда мос вақтни ўқиш ва циферблат бўйича вақтни белгилаш.

2. Такрорлаш. Қайси мил минутларни санайди? Циферблатнинг қайси бўлими минутта мос келади? (60 бўлакка бўлинмаси).

3. Минут мили 12 дан 1 га, 1 дан 2 га, 5 дан 6 га кўчганда неча минут ўтади? (5 мин.)

Х у л о с а: ҳар бир катта бўлим — циферблатнинг сонлари орасидаги бўлим 5 минутга тенг.

Циферблат ёрдамида сухбат ўтказилади: «болалар, агар минут мили 12 ни, яъни 00 минутни кўрсатса, у ҳолда соат мили кўрсатадиган сонни айтамиз:

ҳозир соат икки, ҳозир соат саккиз.

Соат неча (Ўқитувчи соат милини 4, 6, 8, 9 га кўчира-ди)?

Агар минут мили 6 сонини (30 минутни) кўрсатса, у ҳолда «ярим» сўзини ишлатамиз: ҳозир соат беш ярим, ҳозир соат ўн икки ярим. Соат неча? (Ўқитувчи кўрсатади, болалар эса вақтни ўқийдилар 7^{30} , 11^{30} , 10^{30} ва ҳоказо).

Агар катта мил циферблатнинг чап ярмида бўлса, у ҳолда «соат» сўзидан сўнг тўла соатгача етмайдиган минутлар сонини кўрсатадиган сон айтилади ва «кам» сўзи шундан кейин қайси тўла соатга яқинлашаётганини кўрсатадиган сон айтилади:

ҳозир соат ўн минути кам саккиз, ҳозир соат йигирма минути кам тўрт.

15 сонини «чорак» сўзи билан алмаштириш мумкин. Ҳозир соат ўн беш минути (чорак) кам етти. Агар катта мил циферблатнинг ўнг ярмида бўлса, у ҳолда «соат» сўзидан кейин сон, кейин эса минутлар миқдорини кўрсатадиган сон айтилади:

Ҳозир соат учдан ўн икки минут ўтди, ҳозир соат бешдан чорак ўтди.

Кейин болалар вақтни турлича ўқийдилар: соат 4-у 30 минут, соат 4-у 15 минут, соат 4-у 45 минут, соат 4-у 20 минут, соат 4-у 25 минут, соат 4-у 55 минут.

Навбатдаги дарсларда болаларга «вақтни ҳис қилишга», унда йўналиш олишга ёрдам берадиган топшириқларни бериб бориш лозим. Бунинг учун болаларга уйларида бундай ҳисоб-китоб қилишларини таклиф этиш мумкин: улар кийиниш, ювениш; ўринларини саришталаш учун қанча вақт сарф этадилар, мактабга келишлари, дўконга боришлари учун қанча вақт керак, уй вазифаларни бажариш учун қанча вақт сарф қиласидилар. Болалар ўз ёзганларини мактабга олиб келадилар. Бу нарса кун тартиби ҳакида болалар билан қизиқарли сухбат учун асос бўла олади. Болалар ўқитувчи билан биргаликда бу ишларнинг қайси бирини тезроқ қилиш мумкинligини ва бир неча минут тежаш мумкинligини аниқлайдилар.

Пировардида ўқитувчи минутнинг қадри ҳакида сухбат ўтказади, болаларнинг хотирасини ривожлантирадиган ўйин ўтказади. Мана минутнинг қадри ҳакида сухбатнинг на-мунаси: Минутнинг қадри. Минут шундай тез ўтиб кетадики, уни ҳатто сезмай ҳам қоласан. Бу муддатда нима иш ҳам қила олишга улгуриш мумкин? Бироқ, агар ҳаракат қиласа, бир минутда ҳам кўп иш қилиш мумкин экан.

Болаларга бундай мусобақа ўтказишни таклиф этинг — ким бир минутда кўпроқ иш бажаради: битта ҳарфнинг

үзини кетма-кет чиройли қилиб ёки рақамларни бирдан бошлаб ёзади, катакли қоғоз варағыда крестчалар ва нолларни алмаштириб ёзади, ипга тұгмалар тизади, 10 см узунликдаги ип бўлакларини улади (кимдаги ип узунлиги такқосланади). Мусобақа натижаларини кейин эълон қилиш керак. Бир оз вақтдан сўнг мусобақани тақрорлаш мақбулдир. Болалар кейинги галда яхши натижаларга эришишлари учун уларга олдиндан машқ қилиб тайёргарлик кўришларини таклиф этиш мумкин.

— Сиз билан биз,— дейди ўқитувчи, ким бир минутда содда машқларни энг кўп бажара олишини текшириб кўрдик. Йиллар ўтади ва Сизларнинг кўпчилигиниз ўйинда эмас, балки иш жойингизда, заводда ёки фабрикада бир минутда энг кўп маҳсулот чиқаришга ҳаракат қиласиз.

Демак, болалар, минутни қадрлашга (вақтни ҳам) ўрганинг. Халқимиизда «дақиқа соатларни тежайди» деган нақл бор, минутлардан эса ўзингиз биласиз, соатлар, кунлар, ҳафталар пайдо бўлади.

Келинг, болалар мана бундай ўйин ўйнаймиз:

«Беш минутда кўп нарсани хотирлаб қолиш мумкини? Агар дикқат қилинса ва жуда ҳаракат қилинса, кўп нарсани ўзлаштириш мумкин экан. Ҳозир бунга ўзингиз ҳам ишонч ҳосил қиласиз»,— дейди ўқитувчи ва турли маълумотлар ёки саргузаштларни ўз ичига олган болаларга кичик хикояни ўқиб беради (беш минут давом этади.) Шундан кейин у болалардан бирига нимани эслаб қолганлигини айтиб беришни таклиф этиши мумкин. Қолганлар эса дикқат билан тинглайдилар ва тўлдирадилар. Бошқалар эътибор қилмаган ёки хотирлаб қолмаган нарсаларни энг охирида айтиб берган бола ғолиб ҳисобланади.

Синфдан ташқари машғулотларда ёки танаффузларда вақтни ҳис қилишни ривожлантирувчи ўйинларни таклиф этиш фойдалидир.

1. Секундларни баланд овоз билан санаб, ҳар саноқда кўлингизни юқорига кўтаринг. Кейин хоҳлаган ўқувчилар навбат бўйича шу ишни бажаришсин. Маромидан адашиб кетган болаларни тўғрилаб туринг. Кейин секундларни жамоа бўлиб сананг. Еруғлик таблосида вақт кўриниб турадиган соатлардан ёки метрономдан фойдаланилса, иш яхши самара беради.


2. Болаларга эслатинг: олтмиш секунд бир минутга teng. Ҳар бир ўқувчи Сизнинг ишорангиз бўйича тўлиқ сукунатда ўз ичиде санай бошласин ва 1 минут ўтгандан сўнг

күлини күттарсın. Ишни якунланг — ким вактида күттарди, ким илгари, ким эса кейин қолди.

3. Болалар бўйларига қараб сафга тизилишларини таклиф этинг. Бу ишни улар қанча вактда бажаришларини соатга қараб кузатиб туринг. Сафга бундан ҳам тезроқ тизилиш мумкинлигини ва зарурлигини тушунтиринг. Болалар тарқалишсин ва Сизнинг буйруғингиз бўйича яна сафга тизилишсин. Болалар билан биргаликда бу ишга керак бўладиган энг кам вактни аниқланг.

4. Болаларни сафга тизинг ва улар ишора бўйича тарқалишларини, бироқ роса уч минутдан сўнг ҳар бир бола ўз ўрнига қайтиши лозимлигини эълон қилинг. Якунланг: ким олдин, ким ўз вактида келди, ким чикди.

Учинчи синфда жуда катта ўлчовлар: аср, давр ва кичик ўлчов — секунд ўрганилади. Йилни тасаввур этиш учун ушбу график иш таклиф этилади: 10 см узунликдаги кесма чизилади. Уни тенг 10 бўлакка бўлинади. Бир бўлим 10 йилга мос бўлсин. Бутун кесма неча йилга мос келади? (100 йил=1 аср.) Шундай қилиб, биз аср кесмасини чиздик (141- расм).



141- расм.

Унда 5 см га teng кесма қўйинг.

Аср кесмасига турли тарихий саналар бўйича мисоллар тузиш мумкин.

10 йил — бу Сизнинг ёшинизга мос кесма.

Аср ҳақидаги тушунча энг мураккабдир: бола фикран бу улкан вакт оралиғини қамраб олиши қийин. Аср ҳақидаги тушунча секин-аста, асосан турли тарихий воқеалар билан танишиш жараёнида ривожланади.

«Вакт кесмаси» дан фойдаланиб, учинчи синф ўқувчилари у ёки бу воқеа қайси асрда содир бўлганлигини, биз қайси асрда яшаётганимизни, 21 аср қайси йили бошланишини аниқлайдилар ва ҳоказо.

Ўзининг кисқалиги туфайли, «секунд» секин-аста ўзлаштирилади. Секундни қўлда «тутиб» олиш мумкин: «кафтларингизни яқинлаштириб очиб, лабларингиз яқинида тутинг, мен билан бирга йигирма уч дeng. Бир секунд ўтди».

Секунднинг давомийлигини метроном ёрдамида кўрсатиш мумкин ёки 25 см ли илга осиб, маятник ясаб олинг. Унинг битта тўла тебранишини намойиш этинг, бир секунд ўтди.

Ўқувчиларни вақт ўлчовлари билан таниширилганидан сўнг ўлчовлар тизимиға солинади, вақт ўлчовлари жадвали тузилади.

Вақт ўлчовларини ўрганиш жараёнида ўқитувчи тарбиявий сұхбатлар ўтказиш имкониятига эга. Бу одам ўтмишда вақтни қандай ўлчаганлиги ҳақида, дастлабки тақвимлар ҳақида ёки соатлар ҳақида ва ҳоказолар бўлиши мумкин.

Юзларни ўлчаш. Текис фигуralарнинг бошқа хоссалари орасида юзларни ўлчаш амалий усулга асосланган. Дастур бўйича «Юз. Юз бирликлари» мавзуси IV синфда ўрганилади. Юз ҳақида бошланғич тушунчаларни шакллантириш бўйича тайёргарлик иши I — II синфлардан бошланади.

Босма асосидаги дафтарлар билан ишлашда фигуralарни бўяш, меҳнат дарсларида қоғоздан фигуralар қийиб олиш, тасвирий санъат дарсларида расм солиш фигурани текисликнинг ёпик чизик билан чегаралangan бўлаги сифатида механик қабул қилинишига имкон беради.

Геометрик саноқ материалидан фойдаланиб, болалар бир-биридан жуда фарқ қиласиган ёки мутлақо бир хил бўладиган фигуralарни бемалол таққослайдилар. Бироқ тажриба шуни кўрсатадики, болалар «фигуранинг юзи» мавзуси материалини қийинчиллик билан ўзлаширадилар. Масалан, турли шаклдаги нарсаларни таққослаш кўпинча унинг чизикли ўлчамларини таққослашга келтирилади.

Болалар кўпинча юзни ўлчаш тушунчасини уни рационал ҳисоблаш усули билан аралаштириб юборадилар. «Тўғри тўртбурчакнинг юзини ўлчаш нимадан иборат?», — деган саволга болалар кўпинча бундай жавоб берадилар: «бу унинг бўйини ва энини ўлчаб, уларни кўпайтириш демакдир». Бироқ тўртбурчакнинг юзини топиш деган сўз унда юз бирлиги (см^2 , м^2) неча марта жойлашишини аниқлашдир.

Мазкур мавзуни ўрганишда ўқитувчи тилга оид қийинчилликка ҳам дуч келади, чунки у геометриядаги «текислик» тушунчасига таяна олмайди. Шу сабабли юз тушунчасини шакллантириш бўйича биринчи дарслар жуда муҳимдир. Улар болаларнинг юз тушунчасининг аниқ маънёсини тушунишларини таъминлашга қафатилган бўлиши керак.

Үқувчиларни юз атамаси билан ва юзларни дастлабки таққослаш билан таништиришин яхшии амалий машқ-ларни ўтказиш жараёнида ўтказган маъкул.

Мазкур мавзуу бўйича сұхбатдан бир парчани келтирамиз.


Ўқитувчи. Болалар, ишлашимизга қулай бўлиши учун партадаги ўз иш ўрнимизни тартибга келтириб олайлик. Парта ни ўртоғингиз билан бўлиб олинг. Иш ўрнингиздан ортиқча нарсаларни олинг. Менинг иш ўрни эса ўқитувчи столидир. (Ўқитувчи қўллари билан бутун стол сиртини қамраб кўрсатади.) Сизлар ҳам, болалар, ўз иш ўрнингизни кўрсатинг. Кимнинг иш ўрни кўпроқ, сизникими ёки меникими? Сизнинг иш ўрнингизда китоблар ва дафтарлар турибди, улар ҳам маълум бир жой эгаллайди. (Ўқитувчи болаларни уларнинг сиртидан қўлларни ўтказишга мажбур қиласди.) Дафтар кўп жой эгаллайдими ёки китобми? Буни қандай аниқлаш мумкин? Геометрик фигура-лар ҳам маълум жой эгаллайди. Агар болалар устма-уст кўйиб таққослашни унугтан бўлсалар, ўқитувчи китоб ва дафтар сиртларини устма-уст кўйиб, жавобга ёрдамлашади. (Ўқитувчи қўлига турли рангдаги катта квадрат ва кичик доира олади.) Қайси фигура кўпроқ жой эгаллайди? Буни қандай исботлаш мумкин? (Доирани квадратнинг устига кўйиш керак. Доира квадратнинг бир қисмини эгаллайди, демак, у камроқ жой эгаллайди.)

Шундай килиб, исталган фигура ёки нарса маълум жой эгаллайди, уларни таққослаш мумкин, демак, миқдор, билан тавсифлаш мумкин. Бу миқдор юз деб аталади. Доскага «ЮЗ» карточкаси қўйилади. Юз нимани кўрсатади? (Юз шу фигура қанча жой эгаллашини кўрсатади).

Мустаҳкамлаш максадида амалий иш ўтказилади. Фланелеграфда фигура жуфтлари ўрнатилган (142-расм).

Ўқитувчи. Бу учбуручакларнинг юзларини чамалаб солишишириңг (болалар учбуручаклар юзларининг teng ёки фарқ қилиши ҳакида тортишишлари мумкин). Ким ҳақлигини қандай исботлаш мумкин?



(Ўқувчи фигуранарни олади ва бир-бирининг устига кўяди.) Фигура-лар устма-уст тушди. Қандай хulosса чиқарамиз? (Фигуранар ҳар хил жойлашган бўлса-да, уларниңг юзлари teng.)



142- расм.

Ўқитувчи умумлаштиришга ёрдам беради: агар фигуранинг ҳолати ўзгартирилса, уни суриса, бу фигуранинг юзи ўзгармайди.

Энди мана бу фигуralарга қаранг (143-расм). Ўқитувчи топшириқларни варианtlар бўйича беради. Қайси фигуранинг юзи катта? Қандай текшириб кўриш мумкин? (Жавоб берастган болалар, бир фигуранинг устига иккинчи фигурани қўйиб, хulosha чиқарадилар).



143- расм.

Ўқитувчи. Мендаги конвертда бир неча фигура бор. Чакирилган ўкувчи уларни фланелеграфда юзларининг камайиб бориш тартибида бир қатор қилиб териши керак. Сизларнинг партангизда ҳам фигуralар солинган конверт бор. Сиз уларни юзлари ортиб борадиган тартибида жойлаштиришингиз керак (Намойиш этиладиган ва ҳар бир болага бериладиган конвертларда устма-уст қўйиб таққослаш мумкин бўлган фигуralар бор, яъни юзи бўйича кичик фигура катта фигурага тўла жойлашади).

Текшириш вақтида «Юзларининг камайиб (ортиб) борадиган тартибида жойлаштириш» нима эканлиги аниқлаштирилди.

Болаларга бериладиган конвертларда бир неча варианtlарда топшириқлар бор. Бир варианtdаги фигуralар бир рангли қоғоздан ясалади. Агар фигуralарни олдиндан номерлаб қўйилса, ўқитувчи ранг ва сонлар коди бўйича натижаларни бир зумда текшира олади. Жавобларни ёзишда шахсий доскалардан фойдаланиш мумкин, чунки бу ҳолда ўқитувчи барча ўкувчиларнинг жавобларини бирданiga кўра олади.

Умумлаштириш. Биз фигуralар ва нарсаларнинг янги хоссаси — юзи билан танишдик. Юз фигура қанча жой эгаллашини кўрсатади. Юз — бу микдордир, чуцки уни таққослаш мумкин.

Мустаҳкамлаш мақсадида болалар атрофдаги нарсалар-

нинг юзларини таққослайдилар, дарсликлардаги топширикларни бажарадилар.

Бу дарсдаги түрттә бир хил квадратдан турли фигураналар ясаладиган ва уларнинг юзлари тенглигини исботлаш керак бўлган топширикни яхшиси кейинги дарсга ўтказиш керак, бу дарснинг мақсади эса юз ўлчовлари тушунчасини киритиш ва энг қулай ўлчовни танлашга ўргатишдан иборат.

Бу дарсда «миқдор» тушунчасини яна бир марта умумлаштириш ва унинг асосий хоссасини таъкидлаш имконияти пайдо бўлади: агар нарсанинг хоссасини устмавуст қўйиш билан таққослаш мумкин бўлса, у ҳолда уни ўлчаш, яъни миқдор билан тавсифлаш мумкин.

«Квадрат сантиметр» дарс ининг парчаси. Дарснинг мақсади: «миқдор» тушунчасини умумлаштириш. Юзни турли ўлчовлар билан ўлчаш мумкинлигини кўрсатиш. Энг қулай ўлчов — квадрат сантиметрни танлаш.

Ўқитувчи. Биз нарсаларнинг бир неча хоссаларини ва бу хоссаларни ифодалайдиган миқдорларни биламиз. Келинг, уларни эсга олайлик. Мана геометрик фигура. (Ўқитувчи қизил рангли тўғри тўртбурчакли параллелепипедни кўрсатади.) Бу фигуранинг хоссаларини айтиб беринг. (Болалар фигуранинг рангини, ўлчамларини: бўйи, эни, баландлигини кўрсатадилар, унинг массаси ҳақида эслайдилар.) Бу хоссаларнинг қайсиларини ўлчаш мумкин? (Ўлчамларини: бўйи, эни, баландлигини ўлчаш мумкин.)

Узунлик ўлчовларини ортиб бориш тартибида айтиб беринг. (мм, см, дм, м, км.) Масса бирликларини айтиб беринг. (мг, г, кг, ц, т.)


Фигурага дикқат билан қаранг ва ўйлаб кўринг-чи, биз ҳали унинг қайси хоссасини кўрсатмадик (ўқитувчи қўли билан параллелепипеднинг ёқларини кўрсатади. Соддороқ бўлиши учун ўқитувчи уларни «фигуранинг деворлари» деб айтиши ҳам мумкин. Болалар фигуранинг деворлари юзга эга эканлигини топадилар)?

Бизга юз бирликлари керакми? Мана иккита фигура (Ўқитувчи катта квадрат ва унда тўла жойлашадиган учбурчакни кўрсатади).

Қайси фигуранинг юзи катта эканлигини ўлчамасдан исботлаш мумкин? (Ўқувчи учбурчакни квадратнинг устига қўяди ва холоса қиласди.)


Ўқитувчи яна синф билан фронтал ишлашга ўтади.

У юзларини устма-уст қўйиш билан таққослаб бўлмайдиган иккита фигуранинг юзларини аввал чамалаш билан, кейин эса, устма-уст қўйиш билан таққослашни тақлиф этади (144-расм), бу фигуralар орқа томонидан квадратларга бўлинган. Муаммоли ҳолат юзага келди. Ўқувчилар қайси фигуранинг юзи катта эканлигини устма-уст қўйиш усули билан аниқлаб бўлмайди деб айтадилар. У ҳолда ўқитувчи фигуralарнинг орқа томонларини айлантириб қўяди. Ўқувчилар бу фигуralарнинг юзларини қандай таққослашни одатда ўзлари топадилар. Квадратлар саналгандан сўнг хulosha таърифланади: агар фигуralарни юзлари бўйича устма-уст қўйиб таққослаб бўлмаса, у ҳолда ҳар бир фигурани ўзаро бир хил квадратларга бўлиш ва ҳар бир фигурадаги бу квадратларни санаш мумкин.



144- расм.

Юзларини таққослаш учун, фигуralар бир хил бўлакларга бўлиниши лозимлигини таъкидлаш учун ушбу топшириқ берилади. Ўқитувчи 145-расмда кўрсатилганидек бўлинган учта бир хил тўғри тўртбурчак кўрсатади. Топшириқларни варианtlар бўйича бериш мумкин: фигуранинг юзи ўлчангандан ўлчовнинг номини айтинг ва ўлчовлар сонини сананг (Ўқувчиларнинг жавобларини ўқитувчи фигуralарнинг тагига ёзади: 4 та тўғри тўртбурчак, 8 та учбурчак, 12 та квадрат).



145- расм.

Ўқитувчи: қайси тўртбурчакнинг юзи катта?
(Ўқитувчининг ёрдамида болалар бундай бўлишда фигуralарнинг юзларини ўлчовларни санаш йўли билан таққослаш мумкин эмас, деган хulosaga келадилар.)


Ўқитувчи: унда қандай жавоб берамиз?

Ўқувчи: биз олдин қилганимиздек, фигуralарни бир-бирининг устига қўйиш керак.

Ўқитувчи: ёки ... (учала фигураны, орка томони билан құяды. Улар бир хил квадратларга бўлинган).

Ўқитувчи: ёки фигураларни бир хил ўлчовларга бўлиш ва уларни санаш керак.

Бу холосанинг ўзлаштирилганлигини текшириш учун амалий иш ўтказилади. Ўқувчиларга бешта фигура тасвирланган катакли қофоз варақлари тарқатилади. Улардан иккитаси тўғри тўртбурчак. Барча фигуралар номерланган (146-расм). Бундай топшириқ берилади: бу фигураларнинг юзларини таққосланг.



146- расм.

Ўқувчилар квадратлар (катаклар) сонини санайдилар ва натижани ҳар бир фигуранинг остига ёзадилар. Шундан сўнг фигураларнинг номерларини ортиб бориш тартибида ёзишни таклиф этиш мумкин.

Умумлаштириш: Фигураларнинг юзларини солиштириш учун юзни ўлчашда бир хил ўлчовлардан фойдаланиш керак (уларни бир хил ўлчовларга бўлиш керак).

Ўқитувчи: бир хил фикрга келиш учун бир хил ўлчовларга бўлиш кераклигига биз энди ишонч ҳосил қилдик. Математиклар келишишиб, юз бирлиги сифатида мана бу квадратнинг юзини қабул қилишган. (Ўқитувчи квадрат сантиметрни кўрсатади. Уни ушлаб туриш осон бўлиши учун ингичка симга маҳкамланган.) (147-расм)

Квадрат сантиметр — бу томони 1 см бўлган квадрат. Ўқитувчи квадрат сантиметрнинг қисқа ёзувини киритади — см^2 . (2 рақамининг маъносини квадрат юзини формуласи киритилгандан сўнг тушунтириш мумкин: $a \cdot a = a^2$, чунки квадратнинг томони ўзини ўзига икки марта кўпайтирилганлиги учун қисқа қилиб a^2 ёзишади.) Дафтарга квадрат сантиметр чизиб, уни бўяш ва тагига 1 см^2 ни ёзишни таклиф килади.

147- расм.


Навбатдаги иш болалар юзни ўлчашнинг маъносини англаб олишларига ва фигуранларнинг юзларини квадрат сантиметрларда ўлчаш уқувини шакллантиришга қаратилади. Амалий иш ўтказилади.

Амалий ишга тарқатма материал: квадрат сантиметрларнинг моделлари, палеткалар, юзларини ўлчаш лозим бўлган фигуранлар тасвириланган қофоз вараклари. Ишнинг мазмуни барча учун бир хил.

Ўқитувчи: «узунликни ўлчаш нима эканлигини эслайлик (кесмада узунлик бирлиги неча марта жойлашишини билиш). Юзни ўлчаш дегани нима? (Берилган фигуранинг юзи юз бирлигининг неча марта жойлашишини билиш).

Ўқитувчи фигуранларнинг бирида унинг юзини ўлчаш учун квадрат сантиметрни кўйиб кўрсатади. Бутун синф фигуранинг юзи нимага тенг эканлигини санайди.

Кейин ўқувчилар кўрсатилган материал солинган конвертни оладилар. Фигуралар номерланган ва тахминан мана бундай бўлиши мумкин (148-расм).



148- расм.

Ўқитувчи ҳар бир фигура билан ишни кетма-кет ташкил қиласди:

1. 1-номерли фигурани топинг. Уни квадрат сантиметрлар билан қопланг: 1-фигурада сантиметр неча марта жойлашди? (3). Бу ҳолда бундай айтилади: «Фигуранинг юзи 3 квадрат сантиметрга тенг». Фигуранинг юзи 3 см^2 дегани нимани билдиради? (Бу деган сўз, фигурада квадрат сантиметр 3 марта жойлашади.)

Квадрат сантиметр нима? (Бу томони 1 см бўлган квадрат).

Ўқитувчи: иккинчи фигуранинг юзини мустақил ўлчанг. (Натижа текширилади, 4 см^2 .)

Ўқитувчи: квадрат сантиметрни кўйиш ноқулай ва кийин. Фигурани чизгич ва қалам ёрдамида квадрат сантиметрларга бўлиш ва уларни санаш осон.


Болалар топшириқни бажарадилар. Үқитувчи топшириқнинг түғри бажарилғанлыгини текшириб, яна сўрайди: 7 см² юз дегани нимани билдиради?

Навбатдаги босқич палетка билан танишишдир.


Ўқитувчи: Фигурани чизиқлар билан бўлиб чиқиш кўп вақтни олади ва қийин. Бу ишни осонлаштириш учун квадрат сантиметрларга бўлиб чиқилган шаффофф плёнкадан фойдаланилади. Бу палетка. Фигуранинг юзини топиш учун палетканни шундай кўйиш керакки, унинг квадратлари томонлари фигуранинг томонлари билан устма-уст тушсин (кўрсатиш учун кодоскопдан фойдаланиш қулай).

4-фигуранинг юзини болалар палетка ёрдамида ўлчайдилар. Янги материални ўлчаш мустаҳкамлаш дарси бўйича ўтказилади. Дарснинг ҳажми катта, унда кўп вақтни оладиган амалий ишлар кўп бўлғанлиги учун уни янги материални ўрганиш дарси сифатида танлаш мумкин. Юз тушунчасини онгли равишда ўзлаштирилишида навбатдаги дарслардаги амалий ишлар ёрдам беради. Палеткадан фойдалана олиш уқувини мустаҳкамлаш мақсадида фигураларнинг юзларини ўлчаш бўйича фронтал иш таклиф этилади. Иш икки вариантга бўлинади (149-расм).

I.B.



II.B.



149- расм.

Топшириқ: палетка ёрдамида фигураларнинг юзларини ўлчанг.

Текшириш: 1. Юзи 5 см² бўлган фигурани кўрсатинг.

2. I ва II вариантиларнинг фигураларини солиштиринг.
Қандай хулосага келдингиз? (Фигуралар устма-уст тушди.)

Таърифни ёдлаб оламиз: устма-уст кўйилганда барча нуқталари билан устма-уст тушадиган фигуралар тенг фигуралар деб аталади.

Сизнинг кўлингизда қандай фигуралар бор. (Тенг.)
Нима учун бу фигуралар тенг? (Улар барча нуқталари билан устма-уст тушди). Тенг фигураларнинг юзлари ҳақида нима дейиш мумкин? (Тенг фигураларнинг юзлари тенг.)

3. Иккинчи фигуранинг, юзини ўлчанг ва айтинг
(I вариант 6 см^2 , II вариант— 6 см^2). Бу фигуралар тенгми?
Буни қандай текшириб кўриш мумкин? (Болалар фигураларни яна устма-уст кўйиш билан таққосладилар, лекин энди бунинг иложи бўлмайди.)

Таърифни ёдлаб оламиз: устма-уст тушмайдиган, лекин бир хил юзларга эга бўлган фигуралар тенгдош фигуралар деб аталади.

Кўлингизда қандай фигуралар бор? (Тенгдош фигуралар.)
Бу фигуралар нега тенгдош? Уларнинг юзлари бир хил, лекин улар устма-уст тушмайди).

4. Учинчи фигуранинг юзи қанча? (I вариант— 7 см^2
II вариант— 6 см^2).

2-иш. 1-т о п ш и р и қ . Тоза қоғозда томони 4 см бўлган квадрат чизинг. Уни иккита тенг квадратга ажратинг.

Бу бўлаклардан: 1) тўртбурчак; 2) учбурчак тузинг.
Ҳосил бўлган фигураларни бир сўз билан қандай аташ мумкин? (Тенгдош.)

2-т о п ш и р и қ . Тоза қоғозда томони 3 см бўлган квадрат чизинг. Доирани шундай чизингки, бутун квадрат бутунлай унинг ичида қолсин. Қайси фигуранинг юзи катта? Сиз нега бундай деб ҳисоблаётибсиз?

3-и ш. 1-т о п ш и р и қ . Тоза қоғозда томонлари 2 см ва 8 см бўлган тўғри тўртбурчак чизинг. Уни тўртта тенг тўғри тўртбурчакка бўлинг, улардан квадрат ясанг.
Бу фигураларни нега тенг деб айтиб бўлмайди. Улар қандай аталади?

2-т о п ш и р и қ . Дафтарингизда томонлари 4 см ва 5 см бўлган тўғри тўртбурчак чизинг. Томони 3 см бўлган квадратни у бутунлай тўғри тўртбурчак ичида жойлашадиган килиб чизинг.

Ўқитувчи: квадрат барча нуқталари билан тўғри

түртбұрчак устига тушмоқда. Бу фигуralарни тенг деб ҳисоблаш мүмкінми? (Йўқ, уларнинг юзлари ҳар хил.)

4-и ш. І-т о п ш и р и қ . Тоза қоғозда томони 4 см бўлган квадрат чизинг. Уни 4 та тенг учбурчакка қирқинг. Улардан: а) тўғри түртбұрчак; б) учбурчак; в) түртбұрчак тузинг. Бу фигуralар қандай аталади?

2-т о п ш и р и қ . Дафтaringизда 8 та катақчадан иборат бир неча фигуralар чизинг. Сиз тенг фигуralар чиздингиз деб ҳисоблаш мүмкінми? Ҳар бир фигуранинг юзи 8 кв. см деб айтиш мүмкінми? 1 кв. см да нечта катақча бор? Бу фигуранинг юзини ҳисобланг.

Бундай ишларни бажариш фигуранинг юзи тушунчасини формал тушунилишининг олдини олади, юзини ўлчашнинг аниқ маъносини ўзлаштирилишига ёрдам беради.

Янги ўлчовларни — квадрат дециметр, квадрат метр, квадрат миллиметрни ўрганиш шунга ўхшаш ташкил этилади. Бу дарсларнинг асосий мақсади янги ўлчовнинг зарурлигини асослаб беришdir.

Юзни квадрат сантиметр билан ўлчашни ўрганиб бўлинганидан сўнг ўқитувчи навбатдаги дарсда бундай савол қўяди: «Квадрат сантиметр билан партанинг юзини ўлчаш мүмкінми?» Саволнинг «тайёрлигини» сезган болалар «Йўқ» деб жавоб беришади. У ҳолда юзни ўлчаш нимадан иборатлигини яна бир марта аниқлаштириб олиш керак. Квадрат сантиметрни парта сиртига кўйиб чиқиб, у неча марта жойлашишини аниқлаш мүмкін экан, лекин бу жараён, ўлчовимиз жуда кичик бўлганлиги учун узок давом этади. Юзни қандай қилиб тезроқ ўлчаш мүмкін? Узунликни ўлчаш тажрибаларига асосланиб, болалар каттароқ ўлчов кераклигини топадилар.

Квадрат дециметр ҳар бир ўкувчида бўлиши керак. Квадрат метрни намойиш этиш учун битта тайёрлаш мүмкін, у матодан ёки қоғоздан елимлаб тайёрланади.

Ўлчов бирлеклари орасидаги муносабатлар амалий ишлар орқали ўрнатилади.

Ў қ и т у в ч и : квадрат сантиметр ва квадрат дециметрни ўзаро тақкослаймиз. Қайси ўлчов катта? Квадрат дециметрда нечта квадрат сантиметр борлигини қандай аниқлаш мүмкін?

Дафтaringизда квадрат дециметр чизинг ва уни квадрат сантиметрларга бўлинг. См^2 лар жами сонини қандай қилиб тез ҳисоблаш мүмкін? Битта тасмадаги квадратлар

сонини санаймиз (10), энди эса тасмалар сонини санаймиз (10). Бундай ёзамиз:

$$1 \text{ дм}^2 = 10 \text{ см}^2 \cdot 10 = 100 \text{ см}^2.$$

Кв. м ва кв. дм, кв. м. ва кв. см орасидаги муносабатлар бўйича иш ҳам шунга ўхшаш ташкил этилади.

$$\begin{aligned}1 \text{ м}^2 &= 10 \text{ дм}^2 \cdot 10 = 100 \text{ дм}^2, \\1 \text{ м}^2 &= 100 \text{ см}^2 \cdot 100 = 10000 \text{ см}^2\end{aligned}$$

Юзларни квадрат бирликлар билан ўлчаш малакаларини мустахкамлаш учун етарлича миқдорда амалий масалаларни ечиш, уйда стол, эшик, ром, хона ва ҳоказоларнинг юзларини ўлчашни топшириқ қилиб бериш керак.

Нотўғри шаклдаги фигуralарни ўлчаш. «Палетка» мавзуси бўйича дарсни ўтказиш қийинчилик туғдирмайди. Мустахкамлаш мақсадида болаларга палетка ёрдамида ўз оёқ панжаларини, юзини, кўллари юзини, бармоқ излари юзини ўлчашни таклиф этиш мумкин.


Навбатдаги босқич тўғри тўртбурчак юзи формуласининг келтириб чиқарилиши билан танишишдир.

Ўқитувчи тўғри тўртбурчакнинг бўйини унинг энига кўпайтириш билан биз тўғри тўртбурчакнинг юзини хисоблашимизни кўрсатиб бериши керак.

«Тўғри тўртбурчакнинг юзини топиш» дарснинг бўлаги.

Дарснинг мақсади: ўқувчиларни тўғри тўртбурчакнинг юзини рационал хисоблаш усувлари билан таништириш.

1. Тайёр гарлик машқи. Ундан мақсад тўғри тўртбурчакнинг асосий хоссаларини тақорглашдир. Бунинг учун фланелеграфда турли ранг, шакл ва ўлчамлардаги тўртбурчаклар жойлаштирилган (150-расм). Барча фигуralар номерланган.



150- расм.

Ўқитувчи: рақамли еллигични тайёрланг ва тўғри тўртбурчакларнинг номерларини кўрсатинг. Тўғри тўртбурчакларни қайси белгиси бўйича танлаб олдингиз? (Бу тўртбурчаклар тўғри бурчаклидир.) Квадратни тўғри тўртбурчак деб айтиш мумкини? (Ҳа, унинг бурчаклари

түғри бурчаклидир.) Исталган түғри түртбұрчак квадрат бўладими? (Йўқ, квадратнинг барча томонлари тенг).

Ўқитувчи: биз Сиз билан турли фигуralарнинг юзларини ўлчашни ўрганиб олдик. (Ўқитувчи квадрат сантиметрларга бўлинган бир фигурани кўрсатади.) Эслаб кўринг-чи, фигуранинг юзини ўлчашда биз қандай ҳар хил ишларни бажардик.

Ўқувчилар: биз квадрат сантиметри қўйиб чиқдик ва у фигурада неча марта жойлашишини санадик.

Биз фигурани квадрат сантиметрларга бўлиб чизиб чиқдик ва уларни санадик.

Биз фигурага палеткани қўйдик ва унда нечта квадрат сантиметр борлигини санадик.

Ўқитувчи: фигуранинг юзини топиш нима дегани ўзи?

Ўқувчилар: фигуранинг юзини топиш деган сўз унда нечта квадрат сантиметр борлигини билишдир.

Ўқитувчи: түғри түртбұрчак фигуralардан биридир, шунинг учун унинг юзини биз қилганимиздек топиш мумкин. Партангиздаги түпламдан қизил түғри түртбұрчакни олинг ва унинг юзини палетка ёрдамида ўлчай. (Болалар ўлчамлари 3 см ва 4 см бўлган түғри түртбұрчакни оладилар ва унинг юзини палетка ёрдамида аниқлайдилар.)

Ўқитувчи: кўк түғри түртбұрчакни олиб, шу ишни такрорланг. (Бу түғри түртбұрчакнинг ўлчамлари 3,5 см ва 4,5 см. Нотүғри шаклдаги фигуralарнинг юзларини ўлчашда палеткадан фойдаланиш қоидаларини ишлатишга түғри келади.)

Ўқитувчи: бу натижани аниқ деб ҳисоблаш мумкинми?

Ўқувчилар: йўқ, бу тақрибий натижа.

Ўқитувчи: бироқ техникада, турмушда түғри түртбұрчак юзининг аниқ қийматини билиш керак бўлади. Бунда ҳисоблашнинг маҳсус қоидалари ёрдам беради. Бундай ҳисоблаш қоидалари математикада формуулалар деб аталади. Бугун Сиз билан биргаликда түғри түртбұрчак юзи формуласини келтириб чиқарамиз. Биргаликда ишлаймиз, чизгич ва қаламларингизни тайёрланг (ҳар бир ўкувчи 3 см×4 см ли түғри түртбұрчак олади).

Ўқитувчи: түғри түртбұрчакнинг юзини квадрат сантиметр ёрдамида топамиз, қандай ўлчаймиз?

(кв. см ни түғри түртбұрчак юзига қўйиб, уни айлан-

тириб чиқиш ва кв. см түғри түртбурчакда неча марта жойлашишини билиш керак).

Болалар айлантириб чиқадилар ва квадратларни санайдилар. Ўқитувчи бу ишни доскада бажаради.

Ўқитувчи: бироқ квадратларни санаш ҳар доим ҳам қулай эмас. Квадратларни қандай қилиб тезроқ санаш мумкин?

Ўқувчилар түғри түртбурчак бўлинган тасмаларни пайқайдилар ва ҳар бир тасма бир хил сондаги квадрат сантиметрлардан иборатлигини топадилар. Квадратлар фақат битта қаторда саналганлиги учун бошқа қаторлардаги квадратларни санашнинг кераги йўқ (151-расм), демак, фақат битта тасмадаги квадратларни қолдириб, қолган тасмалардаги квадратларни ўчириш мумкин.


Ўқитувчи: барча квадратларни қандай санаш мумкин? (Битта тасмадаги квадратлар сонини тасмалар сонига қўпайтириш керак.) Агар битта пастдаги тасмани қолдириб, қолган тасмаларни ўчириб ташланса-чи? Барча квадратларни санаш мумкин бўлар эдими? (Йўқ, нечта тасма борлигини уларни чизмасдан туриб ҳам билиш мумкинми? (Мумкин, агар чизгич билан түғри түртбурчакнинг энини ўлчанса.)

Сўнгра ўқитувчи пастки тасмадаги квадратларга бўлинган бўлимларни ўчиради.

Ўқитувчи: Бу бўлинма чизикларсиз ҳам тасмада нечта квадрат борлигини билиш мумкинми? (Тасманинг бўйини ўлчаб билиш мумкин.)

Ўқитувчи: Демак, түғри түртбурчакнинг энини ўлчаганда нимани биламиз? (Нечта тасмалар ҳосил бўлишини.) Бўйини ўлчаганимизда-чи? (Битта тасмада қанча квадратлар борлигини биламиз.) Ҳосил бўлган сонлар билан нима иш қилиш керак? (Уларни қўпайтириш керак.) «Демак, юзни квадрат сантиметр билан ўлчашнинг ўрнига уни ҳисобланади. Тўғри түртбурчакнинг юзини ҳисоблашни яна бир марта такрорлаймизми?»

Ҳосил қилинган формулани қўлланиш мақсадида амалий иш ўтказилади. Ҳар бир ўқувчига тўғри түртбурчак берилади (тўрсиз). Унинг юзини ҳисоблаш керак. Тўғри



151- расм.

тўртбурчакнинг бўйи ва эни ўлчанади. Ҳисоблашлар модельда бажарилади. Сўнгра ўқувчилар модельларни алмашадилар ва бир-бирларининг ишларини назорат қиласидилар. Ўрганилган материални мустахкамлаш учун мустақил иш бажарилади.

1. Дафтарларга томонлари 4 см ва 5 см бўлган тўғри тўртбурчак чизинг, уни бўянг ва юзини ҳисобланг.

2. Юзи 12 кв. см бўлган турли тўғри тўртбурчаклар чизинг. Бу тўғри тўртбурчаклар қандай аталади? (Тенгдош тўғри тўртбурчаклар).

Бу иш олдидан куйидаги оғзаки тайёргарлик машқлари берилади.


1. 12 сонини иккита соннинг кўпайтмаси шаклида ифодаланг ($3 \cdot 4$, $6 \cdot 2$, $12 \cdot 1$).

2. Агар тўғри тўртбурчакнинг томонлари 3 см ва 4 см бўлса, унинг юзини топинг.

3. Тўғри тўртбурчакнинг юзи 12 кв. см га teng. Бир томон 6 см га teng. Иккинчи томон нимага teng?


Ўқувчилар кўпинча жавобларда юзни айтиб, квадрат сўзини тушириб қолдирадилар (см ва cm^2 ўлчовлар турли ўлчовлар эканлигини таъкидлаш учун навбатдаги дарсларда бундай топшириқларни таклиф этиш фойдали бўлади).

1. Ёзувлардаги хатоликларни топинг (152-расм)..



152- расм.

2. Ёзувни тугалланг (153-расм).



153- расм.

3. Ўлчашларни бажариб, фигуранинг периметрини ва юзини топинг (154-расм).

4. Тўгри тўртбурчакнинг периметрини ва юзини ўлчаш иши нимаси билан фарқ қиласди? Амалда кўрсатинг.

Ер устида бажариладиган амалий ишлар болаларда катта қизиқиш уйғотади. Уларни ўқув йили охирида мактаб ер майдонида баҳорги ишлар вақтида ўтказиш мумкин: бунда аввал узунликларни, кейин эса юзларни ўлчаш бўйича ишлар бажарилади. Ер ўлчаш ишлари математик билимларни турмушга қўлланишга оид мисол бўлади.

Ер ўлчаш ишларини ўтказиш учун баъзи асбобларни: нишон таёклар, нишон қозиклар, ўлчов арқончаси, дала циркули, эккер, шовун, ватерпасни тайёрлаб қўйиш керак бўлади.


Нишон таёклар учи ўткирланган ёғоч таёқ бўлиб, узунлиги 2 м дан ва йўғонлиги 3 см дан кам эмас. Яхши кўриниб туриши учун уларни қизил бўёқ билан бўялади ва учига байроқча ўрнатилади.

Нишон қозиклар узунлиги тахминан 40 см, йўғонлиги 2—3 см, учи ўткирланган.


Ўлчов арқончаси оддий арқон ёки йўғон шнур бўлиб, унда ҳар бир метрда тугун тугилган ёки бўёқ, ёки иплар билан белгилар қилинган.

Дала циркули узунлиги 1,5 м бўлган ва учи ўткирланган иккита тахтачадан иборат бўлиб, синф циркули каби шуруп билан маҳкамланган. Тахтачалардан бирининг тахминан ўртасига тешиклар очилган тахтacha маҳкамланган. Иккинчи тахтачанинг ҳам ўртасига темир илмоқ маҳкамланган. Илмоқ ёрдамида тешикларни алмаштириб, циркуль оёқчалири орасидаги масофани ўзгартириш мумкин.

Эккер (155-расм) ўлчамлари $35 \cdot 5 \cdot 2,5$ см бўлган иккита тахтачадан иборат бўлиб, бир-бирининг ичига қирқиб шундай жойлаштириладики, тўғри бурчакли тенг учли крест ҳосил бўлади. Ҳар бир тахтacha бўйлаб, ўзаро перпендикуляр бўлган




154- расм.



155- расм.

түгри чизиклар ўтказилади. Чизилган крест охирларининг ҳар бирида тик қилиб биттадан каллаги кесиб ташланган мих қоқиласди. Түгри чизикларнинг кесишиш жойида тешик очиласди ва крест мих ёки шуруп ёрдамида учи ўткирланган таёқчага кийгизиласди, бунда у бир оз ишқаланиш билан айланана оладиган бўлиши керак. Таёқчанинг узуулиги шундай бўлиши керакки, эккек кузатувчининг кўзи сатҳида туриши керак. Таёқнинг тикилиги шовун ёрдамида текшириласди.

Ватерпас (шайтонни) учларида тугунча ва юк бўлган етарлича узунликдаги ишга эга бўлган шовунли тенг ёнлик (учбурчак шаклида ишлаш мумкин) (156-расм).




156- расм.

Барча қурилма асбобларни, уларнинг тузилишидан кўриниб турибдики, исталган устахонада буюртма қилиш ёки отоналарнинг кучи билан тайёрлаш мумкин. Синф учун битта рулетка ҳам сотиб олиш маъқулдир.

Ерда тўғри чизиклар ўтказиш (тортиш) ва уларни ўлчаш.

Жиҳозлар: камидан учта нишон таёк, нишон қозиклар, ўлчов арқончаси ёки дала циркули.

Ер устида тўғри чизиклар ўтказишдан олдин синфда стол устида яримта ғалтакларга кийгизилган нишон қаламлардан фойдаланиб, тўғри чизиклар ўтказиш фойдали бўлади (157-расм).



157- расм.

Ер устида түгри чизиклар ўтказиш йўллар қуришда, траншеялар ковлашда, деворлар қуришда (устунларнинг ўрни белгиланади) қўлланилади.

Ер устида иш түғри чизикларни ўтказишдан бошланади, сўнгра ўтказилган түгри чизикларни ўлчашга ўтиш лозим.

Түгри чизик ўтказиш учун орасида түгри чизик ўтказиш лозим бўлган нукталар белгилаб олинади. Бу нукталарга биттадан нишон таёк қоқилади. Бир ўқувчи (ўлчовчи) бошлиғинич таёқнинг олдида туради ва ўнг кўзини таёклар чизифида (биринчи ва охирги таёклар) тутиб, чизикни белгилайди (чамалайди). Иккинчи ўқувчи учинчи нишон таёқни олади ва биринчи таёқдан иккинчи таёқ томон 10—15 қадам юриб, гавдаси билан охирги таёқни тўсиб қўймайдиган тарзда чизикнинг ёнида туриб, қўлинин чўзган ҳолда таёғини ерга тик ўрнатади. Биринчи ўқувчи таёқ түғри қўйилганлигини айтиб туради; бунинг учун у қайси томонга таёқни суриш керак бўлса, ўша қўлинин кўрсатади (157-расм). Нишон таёқ түғри ўрнашганда биринчи ўқувчи қўлинин силкитиб қўяди. Иккинчи ўқувчи уни тик ўрнатади (агар таёклар кам бўлса, қозик қоқади), кейин тўртинчи таёқни олиб, энди уни ёрдамчиси олдинги иккита нишон таёқни беркитадиган килиб ўрнатади. Тўғри чизик тортилгандан сўнг, дала циркулини, ўлчов арқончасини ёки рулеткани олиб, бошлиғинич ва охирги нукталар орасидаги масофани ўлчанади. Ўлчашни бошқа икки ўқувчи ўтказади: биринчи ўқувчи арқончани бошлиғинич қозик олдида ушлаб туради, иккинчи ўқувчи эса ўтказилган чизик бўйлаб юриб, арқончани қозик ёрдамида тортади. Биринчи ўқувчи бу қозикка қараб, арқонча ўтказилган чизикнинг устидан аник ўтганлигини кузатиб туради. Арқончани тараанг тортиб, бу иккинчи ўқувчи ўз қозиги олдида нишон қозикни қадаб қўяди. Кейин иккала ўқувчи арқончани кўтариб, олдинга юришади, арқончанинг кейинги учи нишонга етганида орқада келаётган ўқувчи нишонни олади ва ўрнига қозик қоқади ва унга арқончани боғлайди ва ҳоказо. Ўқувчи олган нишонлар сони арқонча неча марта тортилганини билдиради. Агар арқончанинг узунлиги 10 м бўлиб, ўқувчи 7 та нишонни олган бўлса, у ҳолда тортилган чизикнинг узунлиги 70 м га тенг бўлади.

Ишни шундай ташкил этиш керакки, шундан сўнг ҳар бир тўрт ўқувчи шу ишни бажарсин. Биринчи тўрт ўқувчи ишни бажариб бўлганларидан сўнг болалар мустакил қандай ишлашларини сўраш лозим. Болалар иш тартибини ўзлаштириб олганликларига ишонч ҳосил килинганидан сўнг

ўқитувчи түрт ўқувчига, масалан, бирор уй билан дарахт орасидаги масофани ўлчаш, бошқа түрт ўқувчига эса тошни иложи борича узоққа улоқтириб, бу масофани аниқлашни таклиф этади. Ишни иложи борича турли қилиш керакки, болалар зерикиб қолишмасин: масалан, түртликлар орасида вазифаларни алмаشتариш, бир түртликка бошқа түртлик-нинг ишини текширишни топшириш ва ҳоказо.

Чизиқни ўлчашда ўлчов арқончасининг ўрнига дала циркулини ишлатиш мумкин. Бу иш унчалик мураккаб эмас: циркулнинг дастасидан ушлаб ўқувчи ўтказилган чизик бўйлаб юриб, циркулни неча марта қўйганини санаб боради, унинг ёрдамчиси эса бу ишни текшириб боради.

Масофаларни қадамлаб ва чамалаб ўлчаш

К ў л л а н м а л а р : қозиклар, нишон қозиклар, ўлчов арқончаси ёки дала циркули.

Болалар ер устида тўғри чизиқни тортишни ўрганиб олганларидан сўнг уларни масофаларни қадамлаб ва чамалаб ўлчаш билан таништириш зарур.

Масофани чамалаб аниқлаш учун иккита нуқта орасидаги масофа таъланади, болаларга бу масофани ўлчамасдан аниқлаш таклиф этилади. Болалар тахминий сонларни айтадилар, кейин бу масофа ўлчанади ва хатоликлар аниқланади. Бундай бир қатор машқлардан сўнг, шунингдек, асбоблар билан ҳар қандай ўлчашларда аввал масофани чамалаб ўлчашга, ана шундан кейингина ўлчашга ўргатиш зарур.

Масофани қадамлаб ўлчашдан олдин қадамнинг ўртача узунлигини метрларда ёки дециметрларда аниқлаб олиш керак. Бунинг учун иккита нуқта орасидаги масофани оламиз, бу масофани эркин, бир текис қадам ташлаб юриб, у неча қадам эканлигини биламиз. Кейин бу масофани асбоблар ёрдамида аниқлаймиз. Ниҳоят, ҳосил қилинган метрлар сонини (уни яхшиси дециметрларга айлантириб олиш керак) ҳар бир ўқувчининг қадамлар сонига бўламиз. Ўқувчи масофани қадамлаб бир неча марта ўлчайди ва шундан кейин ҳар бир ўқувчининг қадами узунлигини аниқлайдиган ўрта арифметик қиймат топилади.

Ер устида тўғри бурчак ва тўғри тўртбурчак майдон ясаш.

К ў л л а н м а л а р : нишон таёклар, нишон қозиклар, эккер, ўлчов арқончаси, шовун.

Бу ишни бирор аниқ вазифани бажариш билан боғлаш

лозим, масалан, футбол ўйини учун майдончани белгилаш, мактаб томорқаси учун майдончани белгилаш ва ҳоказо.

Иш жойига келгандаридан сүнг, ўқитувчи бундай сұхбат олиб боради: «Биз қандай топширик олдик?» (Ўйин майдончасини белгилаш.) «Бу майдонча қандай шаклда бўлиши керак?» (Тўғри тўртбурчак шаклида.) «Қандай тўртбурчак тўғри тўртбурчак деб аталади?» (Бурчаклари тўғри бурчаклар, қарама-қарши томонлари эса тенг бўлган тўртбурчаклар.) «Демак, майдончани белгилаш учун нима қилишимиз керак?» (Тўртта тўғри чизик ва 4 та тўғри бурчак ясашимиз керак.) «Ишни нимадан бошлишимиз керак?» (Тўртта чизиқнинг бирини ўтказишдан.) «Сиз буни биласиз ва бизга кўрсатилган жойдан ишни бошланг» (Болалар тўғри чизиқни ўтказадилар.) «Энди нима қилишимиз керак?» (Ўйин майдончасининг бир томонини белгилаймиз.) (Болалар томонни ўлчайдилар ва нишон қозиқларни ўрнатадилар.)

«Энди нима қилишимиз керак?» (Бу чизиқнинг охирларида тўғри бурчаклар ясашимиз керак.) «Сиз қоғозда тўғри бурчакларни қандай ясар эдингиз?» (Гўния ёрдамида.) «Ер устида буни эккер деб аталадиган мана бу асбоб ёрдамида бажариш энг қулайдир. Унинг тузилишини кўриб чиқамиз» (Ўқитувчи эккернинг тузилишини тушунтиради). «Эккер ўрнатилган қозиқни қаерга ўрнатиш керак?» (Мана бу нуктага). «Қозик тик туриши керак. Буни шовун ёрдамида текшириш мумкин». (Болалар текширишади.)

«Энди эккернинг чизигини ўтказилган чизик йўналиши бўйлаб йўналтириш керак. Энди биринчи чизик билан тўғри бурчак ҳосил қиладиган тўғри чизиқни қандай ўтказиш керак?» (Бу тўғри чизиқни эккернинг иккинчи чизиги бўйлаб йўналтириш керак. Ўкувчилар буни бажаришади.) «Ўтказилган иккита тўғри чизик қандай бурчак ҳосил қиласи? (Улар тўғри бурчак ҳосил қиласи.)

«Шундай усул билан иккинчи нуктада ҳам перпендикуляр ўтказилади. Биз перпендикулярларни ўтказдик. Энди нима қилиш керак?» (Уларда қисқа томонларни ўлчаб белгилаш керак.) «Тўртинчи томон қаердан ўтади.» (Қисқа томонларнинг иккита охирги нуктасидан ўтади.)

«Шундай қилиб, биз майдончани белгиладик. Энди унинг юзини ҳисоблаш керак. Буни қандай қилиш мумкин?» (Бўйини энига кўпайтириш керак.) «Бунда неча квадрат метр, неча квадрат сантиметр борлигини ҳисобланг».

Миқдорларни таққослаш. Миқдорлар устида амаллар. Миқдорларни таққослаш кўп хонали сонларни таққослаш-

га ўхшаш ўтказилади. Иккита сон қандай таққосланади? Иккита сонни таққослаш учун энг юқори хона бирликларини ажратамиз, қайси сонда энг катта хона бирликлари бўлса, у ҳолда ундан кичик хонага ўтамиз ва шу тартибда хулоса қиласиз.

Иккита бир жинсли миқдорни қандай таққослаш мумкин? Иккита бир жинсли миқдорни таққослаш учун улардаги энг катта ўлчовлар миқдорини таққослаш лозим, катта ўлчовлари сони катта бўлган миқдор катта бўлади. Агар катта ўлчовлар миқдори бир хил бўлса, у ҳолда ундан кичикроқ ўлчовларни таққослаймиз.

Масалан: 1) 3 м 24 см ва 2 м 87 см. Ўқитувчининг, кейин эса ўқувчининг тушунтириши бундай бўлади:

«Иккита кесманинг узунликларини таққослаймиз. Энг катта ўлчовни топамиз. Бу метрдир. 3 м 2 м дан катта, демак, 3 м 24 см $>$ 2 м 87 см.

Кейинчалик болалар кисқа тушунтирадилар: «Иккита кесманинг узунлигини таққослаймиз. 3 м $>$ 2 м, демак, 3 м 24 см $>$ 2 м 87 см.»

2) Таққосланг: 6 кг 187 г ва 24 кг 105 г. Жисмларнинг массаларини таққослаймиз, 6 кг 24 кг дан кичик, демак, 6 кг 187 г $<$ 24 кг 105 г.

Турли ўлчовлarda ифодаланган миқдорларни таққослаётгандা масала мураккаблашади.

3) Таққосланг: 9 см 3 мм ва 903 мм.

Иккита кесманинг узунликларини таққослаймиз. Улар турли ўлчовлarda ифодаланган. Катта ўлчовларни кичик ўлчовларга айлантирамиз. 1 см бу 10 мм: 9 см у 90 мм, яна 3 мм, жами 93 мм, 93 мм эса 903 мм дан кичик. Демак, 9 см 3 мм $<$ 903 мм.

4) Таққосланг: 1 мин 30 сек ва 40 сек.

Иккита вақт оралигини таққослаймиз. Улар турли ўлчовлarda ифодаланган. Катта ўлчовни (мин) кичик ўлчовга (сек) алмаштирамиз. 1 мин бу 60 сек. 1 мин 30 сек—бу 60 сек ва яна 30 сек, жами 90 сек бўлади, 90 сек бу 40 сек дан катта, демак, 1 мин 30 сек $>$ 40 сек.

Миқдорларни таққослашда «катта ўлчов», «кичик ўлчов», «каттароқ ўлчов», «кичикроқ ўлчов» сўзларини киритамиз. Бу сўзларнинг нисбийлигини кўрсатиш лозим. Масалан, 3 дм ва 5 см ни таққослашда дециметрлар каттароқ ўлчов, 3 дм ва 5 м ни таққослашда эса дециметрлар метрга қараганда кичикроқ ўлчов бўлади.

Кўп хонали сонларни кўпайтириш ва бўлишни ўрганил-

гандан сўнг бир ўлчовларни бошқа ўлчовларга айлантириш алгоритми ҳосил қилинади. Болалар билан ушбу қоидани эслаб қолиш керак:

«Катта ўлчовларни кичик ўлчовларда ифодалаш учун:

1) катта ўлчов билан кичик ўлчов орасидаги муносабатни аниқлаш керак;

2) катта ўлчовларни шу муносабатга кўпайтириш керак.

Кичик ўлчовларни катта ўлчовларга айлантириш учун:

1) катта ўлчов билан кичик ўлчов орасидаги муносабатни аниқлаш лозим;

2) кичик ўлчовлар сонини шу муносабатга бўлиш керак».

Болалар амални танлашда адашмасликлари учун уларнинг эътиборини яна ушбу фактга қаратиш лозим: ўлчов қанчалик катта бўлса, унинг сон қиймати шунчалик кичик бўлади, ўлчов қанчалик кичик бўлса, унинг сон қиймати шунча катта бўлади. Шунинг учун катта ўлчовларни кичик ўлчовларга айлантирганда берилган ўлчовлар сонидан катта бўлган ўлчовлар сонини ҳосил қиласиз, яъни кўпайтирамиз, кичик ўлчовларга айлантиришда эса берилган ўлчовлар сонидан катта бўлган ўлчовлар сонини ҳосил қиласиз, яъни бўламиз. Баъзан ўқувчилар онгида ўлчовларни алмаштириш ҳам амал деган тасаввур ҳосил бўлади. Ўлчовларни алмаштиришнинг маъносини бундай мисолда кўрсатиш керак.

Китобнинг бўйини ўлчаймиз. У 2 дм 1 см га teng бўлиб чиқди. Бу узунликни сантиметрларда ифодалаймиз. $2 \text{ дм} = 20 \text{ см}$ ва яна 1 см, жами 21 см . $2 \text{ дм} 1 \text{ см} = 21 \text{ см}$ микдорлар бир хил узунликни ифодалайди ва шунинг учун улар teng: $2 \text{ дм} 1 \text{ см} = 21 \text{ см}$. Бироқ биринчи микдор каттароқ ўлчовларда, иккинчи микдор эса кичикроқ ўлчовларда ифодаланган.

Кичик ўлчовларни катта ўлчовларга айлантириш ҳам шунга ўхшаш тушунтирилади. Кесманинг узунлиги 60 см ўлчанади, бу узунлик дециметрларда ифодаланади. $10 \text{ см} =$ бу 1 дм, $60 \text{ см} =$ да 10 см дан нечта бўлса, $60 \text{ см} =$ да шунча дециметр бўлади. 10 см ли ўлчовни қўйиб чиқамиз, 6 марта қўйилади, шунинг учун 6 дм бўлади. Бу микдорлар бир хил узунликни ўлчамоқда, демак, улар teng: $60 \text{ см} = 6 \text{ дм}$.

Ўлчовларни алмаштириш ёрдамчи иш бўлиб, келгусида микдорлар устидаги амалларни ўрганишда фойдаланилади.

Бу алмаштиришларнинг амалий маъноси масалалар
ечиш орқали тушуниб олинади.

«Агар сочиқ учун илгакка 10 см тасма кетса, 1 м тас-
мадан нечта илгак ясаш мумкин?»

«З тийиндан 20 та дафтар сотиб олишди. 1 сўм тўлашди.
Қанча қайтим олишган?»

Миқдорлар устидаги амаллар ўнлик саноқ системасидаги
сонлар устидаги амалларга мос равишда ўрганилади.

«Юзлик» да иккита кўшни ўлчовлардан иборат миқ-
дорларни олиш мумкин. Амалларни устун килиб ёзиш
мумкин, бунда иккинчи сатрдаги ўлчовларни биринчи
сатрдаги мос ўлчовлар тагига ёзилади.

Амалларни ўрганиш тартиби бундай:

1) Кўшиш (айлантирмасдан):

$$\begin{array}{r} 3 \text{ дм } 5 \text{ см} + 4 \text{ дм } 3 \text{ см} = 7 \text{ дм } 8 \text{ см}, \\ 3 \text{ сўм } 40 \text{ тийин} + 5 \text{ сўм } 30 \text{ тийин} = 8 \text{ сўм } 70 \text{ тийин}. \end{array}$$

2) айлантиришни татбиқ этиб қўшиш:

$$\begin{array}{r} + 5 \text{ м } 60 \text{ см} & + 3 \text{ м } 70 \text{ см} \\ \hline 4 \text{ м } 40 \text{ см} & 9 \text{ м } 60 \text{ см} \\ \hline 9 \text{ м } 100 \text{ см} & 12 \text{ м } 130 \text{ см} \\ \hline 10 \text{ м} & 13 \text{ м } 30 \text{ см} \end{array}$$

3) айриш (айлантирмасдан):

$$6 \text{ дм } 70 \text{ см} - 4 \text{ дм } 40 \text{ см} = 2 \text{ дм } 30 \text{ см}$$

4) айлантиришни татбиқ этиб айриш:

$$5 \text{ м} - 70 \text{ см} = 4 \text{ м } 30 \text{ см}$$

$$3 \text{ м } 10 \text{ см} - 60 \text{ см}$$

$$9 \text{ м} - 7 \text{ м } 40 \text{ см}$$

$$8 \text{ м } 20 \text{ см} - 3 \text{ м } 80 \text{ см}$$

Бу амалларни ёзишни икки усули таклиф этилади. Би-
ринчи усулда ўлчовлар кичик ўлчовларда ифодаланади,
сўнгра миқдорларнинг сон қийматлари устида амаллар
кўп хонали сонлар каби бажарилади, кейин кичик ўлчов-
лар катта ўлчовларда ифодаланади: $8 \text{ м } 20 \text{ см} - 3 \text{ м } 80 \text{ см} =$
 $= 820 \text{ см} - 380 \text{ см} = 440 \text{ см} = 4 \text{ м } 40 \text{ см}$

$$\begin{array}{r} - 820 \\ - 380 \\ \hline 440 \end{array}$$

Бу усул 4-синф математика дарслигидә қўлланилган.
Иккинчи усулда ёзув устун қилиб бажарилади:

$$\begin{array}{r} 8 \text{ м } 20 \text{ см} \\ - 3 \text{ м } 80 \text{ см} \\ \hline 4 \text{ м } 40 \text{ см} \end{array}$$

$$\begin{array}{r} 7 \text{ м } 120 \text{ см} \\ - 3 \text{ м } 80 \text{ см} \\ \hline 4 \text{ м } 40 \text{ см} \end{array}$$

Тушунтириш: «20 см дан 80 см ни айриш мумкин эмас. Катта ўлчовдан карз оламиз ва кичик ўлчовда ифодалаймиз. 1 м — бу 100 см ва яна 20 см, бўлади 120 см, 120 см дан 80 см ни айрамиз, 40 см ни ҳосил қиласиз, 7 м дан 3 м ни айрамиз, 4 м қолади, натижада 4 м 40 см».

Бундай ҳам тушунтириш мумкин:

«1 м — бу 100 см, 100 см дан 80 см ни айрамиз, 20 см ни оламиз, яна 20 см бор эди, жами 40 см ва ҳоказо.

Бу усулда микдорлар устида амаллар кўп хонали сонларни хонадан ўтиб амаллар билан таққосланади, бу эса хисоблаш малакаларининг такомиллашувига ёрдам беради.

5) микдорларни бир хонали сонга кўпайтириш ва бўлиш ушбу режа бўйича бажарилади:

a) $4 \text{ м} \times 8 = 32 \text{ м}$

$36 \text{ м} : 9 = 4 \text{ м}$ (айлантирмасдан)

b) $9 \text{ м } 52 \text{ см} : 8$

$13 \text{ т} : 2$ (айлантириб)

$6 \text{ сўм } 75 \text{ тийин} : 9$

Тушунтириш микдорларни қўшиш ва айришга ўхаш:

$$9 \text{ м } 52 \text{ см} : 8 = 1 \text{ м } 19 \text{ см}$$

9 м 52 см ни см га айлантирамиз: $9 \text{ м } 52 \text{ см} = 952 \text{ см}$. Энди

$$\begin{array}{r} 952 \mid 8 \\ - 8 \quad 119 \text{ (см)} \\ \hline 15 \\ - 8 \\ \hline 72 \\ - 72 \\ \hline 0 \end{array} \qquad \qquad \qquad 119 \text{ см} = 1 \text{ м } 19 \text{ см}$$

Дафтарлардаги қисқа ёзув бундай бўлади:

$13 \text{ т} : 2 = 6 \text{ т } 500 \text{ кг}$

$13 \text{ т} = 13000 \text{ кг}$

$$\begin{array}{r} 13000 \mid 2 \\ - 12 \quad 6500 \text{ кг} \\ \hline 10 \\ - 10 \\ \hline 0 \end{array}$$

$6 \text{ сўм } 75 \text{ тийин} : 9 = 75 \text{ тийин}$

$6 \text{ сўм } 75 \text{ тийин} = 675 \text{ тийин}$

$$\begin{array}{r} 675 \mid 9 \\ - 63 \quad 45 \\ \hline 45 \\ - 45 \\ \hline 0 \end{array} \qquad \qquad \qquad \text{тийин}$$

Миқдорни бир жинсли миқдорга бўлиш:

$$\begin{array}{r} 15 \text{ м } 6 \text{ дм} : 4 \text{ дм} = 39 \\ 15 \text{ м } 6 \text{ дм} = 156 \text{ дм} \\ - 156 \mid 4 \\ \underline{12} \quad 39 \\ \quad 36 \\ \quad \underline{36} \\ \quad \quad 0 \end{array} \qquad \begin{array}{l} 3 \text{ т} : 2 \text{ кг} = 1500 \\ 3 \text{ т} = 3000 \text{ кг} \\ 3000 : 2 = 1500 \end{array}$$

Вақт ўлчовлари устида амаллар алмаштирмасдан ба-
жарилади, чунки у вактларни ҳисоблаш узундан-узок
қилиб юборади:

$$\begin{array}{r} 7 \text{ мин } 53 \text{ сек} \\ + 13 \text{ мин } 54 \text{ сек} \\ \hline 20 \text{ мин } 107 \text{ сек} \\ 21 \text{ мин } 47 \text{ сек} \end{array}$$

Вақт ўлчовларини қўшишда минутларни минутлар остига, секундларни секундлар остига ёзамиш ва кўп хонали сонлар каби қўшамиз, яъни секундларни қўшиш натижасини секундлар остига, минутларни қўшиш натижасини минутлар остига ёзамиш. Бироқ 107 секунд 60 секунддан катта. 60 сек=1 мин, уни минутларга қўшамиз, яна қолди: $107 - 60 = 47$ (сек). Жавоби: 21 мин 47 сек.

Айришни кўрамиз: $\begin{array}{r} 12 \text{ соат } 34 \text{ мин} \\ - 8 \text{ соат } 56 \text{ мин} \\ \hline \end{array}$

Бундай мулоҳаза юритамиз: 34 мин < 56 мин, шунинг учун 12 соатдан 1 соатни қарз оламиз. 1 соат 60 мин ва яна 34 мин, ҳосил қиласиз 94 мин; $94 \text{ мин} - 56 \text{ мин} = 38 \text{ мин}$; $11 \text{ соат} - 8 \text{ соат} = 3 \text{ соат}$. Жавоби: 3 соат 38 мин. Мулоҳазани бундай ўтказиш мумкин:

$$\begin{array}{r} \longrightarrow 60 \text{ мин} \\ - 12 \text{ соат } 34 \text{ мин} \\ \hline 8 \text{ соат } 56 \text{ мин} \\ 3 \text{ соат } 38 \text{ мин} \end{array}$$

60 минутдан 56 минутни айрамиз, 4 минут қолади, яна 34 минут бўлади 38 минут. 11 соатдан 8 соатни айрамиз, 3 соат чиқади. Жавоби: 3 соат 38 минут.

Миқдорлар устида амалларни тушунтиришнинг ягона алгоритмини ҳосил қилиш ўқитувчи ишини жуда осонлаштиради.

17- б о б. Математикадан кичик ёшдаги ўқувчилар билан бажариладиган синфдан ташқари ишлар

Синфдан (дарсдан) ташқари ишлар ўқитувчига ўқувчиликнинг математик билимларини кенгайтириш ва чукурлаштириш, қийинроқ мисол ва масалаларни ечиш бўйича машқ қилдириш, дастурдан ташқари баъзи масалалар билан танишириш, математиканинг турмуш билан боғланишларини тўлароқ очиб бериш имкониятларини беради. Буларнинг ҳаммаси ўқувчиларнинг ривожланишларига, фанга бўлган қизиқишининг ортишига ижобий таъсир қиласди.

Мактаб тажрибасида математикадан кичик ёшдаги ўқувчилар билан бажариладиган синфдан ташқари ишларнинг қуидаги турлари учрайди: математика тўгараклари, олимпиадалари, қизиқарли математика «соати» ва «кеча»лари (КВН), математик экспурсиялар. Шунингдек математикадан газеталар чиқариш, математика кўргазмалари, математика бурчакларини расмийлаштириш (тахт қилиш) ҳам математикадан синфдан ташқари ишлар жумласига киради.

Синфдан ташқари ишларни ташкил қилиш ва ўтказиш асосида қуидаги қоидалар ётади:

1. Синфдан ташқари машғулотлар ўқувчиларнинг дарсларда оладиган билимлари, малака ва кўнижмаларини хисобга олган ҳолда ўтказилади.

2. Синфдан ташқари иш ихтиёрийлик, ташаббускорлик принциплари ва ўқувчиларнинг ҳаракатлари асосида тузилади ҳамда ўқувчиларнинг индивидуал талабларини қаноатлантириш мақсадида ўтказилади.

3. Синфдан ташқари машғулотлар ўтказилиш шаклига кўра дарслардан фарқ қиласди ва кўпинча қизиқарлилик характеристига эга бўлади. Бунда зарурий шартлардан бири ишнинг режалилиги ва мунтазамлилигидир.

Математик тўгарак синфдан ташқари ишнинг биридир.

Тажриба кичик ёшдаги ўқувчилар билан I синфдан (II ўкув чорагидан) бошлаб тўгарак машғулотлари ташкил қилиш ва ўтказиш мумкинлигини кўрсатмоқда. Аммо, одатда бу хил ишни II—IV синф ўқувчилари билан ўтказилади.

Математика тўгараги иши, уни тўғри ташкил қилинганда ва уни ўтказиш методикасидан тўғри фойдаланилганда, ўқувчиларда математикага қизиқиш уйғотиш ва бу қизиқиши ривожлантириш, уларнинг билиш активликлари ва

математик қобилиятларини ривожлантиришга имкон беради, мустақил ишлаш күнін маларини сингдиради, ўз күчларига ишончни, ҳосил бўлган қийинчиликларни мустақил бартараф қилиш қобилиятини тарбиялади.

Болаларнинг тўғарак иши жараёнида ўзларининг математика жиҳатидан ўсганликларини, янги билимлар ва малакалар олганликларини англаб етишлари катта аҳамиятга эга. Шу боисдан ўтказиладиган мустақил ишлар натижаларини, ўкувчиларнинг умумий ва индивидуал муваффақиятларини таъкидлаган ҳолда тўла, батафсил таҳлил қилиш керак. Тўғаракнинг баъзи машғулотларига ўкувчиларнинг ота-оналарини ҳам таклиф қилиш мумкин, уларнинг боланинг тўғаракдаги ишига қизиқишлиари унинг математикага бўлган қизиқишини кувватлашда муҳим роль ўйнаши мумкин.

Тўғарак машғулотлари вақтида меҳнат билан хордикнинг тўғри қўшиб олиб борилганини кузатиб бориш зарур, бунинг учун қаралаётган ёшга мос иш суръатини сақлаш, машғулот турларини алмаштириб туриш, иш характеристери ва усулларини ўзгартириб туриш керак.

Кийинроқ мисол ва масалалар ечиш, ўкувчилар тафаккурини, конкретдан абстрактга ўтиш, зарур умумлаштиришларни қила олиш қобилиятларини ривожлантириш ва ҳоказолар тўғарак иши мазмунига киради. Қизиқарлилик характеристидаги машқлар: математик лабиринтлар, «ажойиб» (магик) квадратлар, арифметик фокуслар, топишмоқлар, ўйинлар, инсценировкалар, шеърлар ва х. к. катта ўрин олади. Шу билан бирга материалнинг қизиқарли бўлиши ягона мақсад эмас, у (қизиқарлилик) қараладиган математик қоидалар, қонуниятлар ва ҳоказони чукурроқ тушунтиришга имкон беради. Тўғарак машғулотларида ўқитувчилар сухбатларига, тўғарак аъзоларининг чиқишлирига катта ўрин ажратилади, баъзи назарий материал ўқитувчилар сухбатларида баён қилинади, қизиқ-қизиқ математик масалалар берилади.

Математик саволлар ва масалаларнинг турли-туманлигига қарамай кичик ўшдаги ўкувчилар билан ўтказиладиган тўғарак машғулотлари мазмуни қуйидаги асосий талабларга жавоб бериши керак:

1. Режалаштирувчи материал дастур материали билан боғланишга эга, бунда ҳисоблаш амаллари қаралаётган синф дастури талабларидан ортиб кетмайди, ҳисоблашлар, масалалар ечиш, геометрик фигуналарни ясашларда

амалиёт билан назария орасидаги боғланиш таъминланиши керак.

2. Ўрганилаётган масалалар истиқбол мақсадларга эга бўлиши, яъни ўқувчиларни келажакда ўрганилиши назарда тутилган математик масалаларни, масалан, тўплам, функционал боғланиш, алгебраик символика, тенгламалар, графиклар ёрдамида арифметик масалаларни ечиш ва ҳоказоларни ўрганишга тайёрлаш мақсадларига эга бўлиши мумкин.

3. Ўрганиладиган масалаларнинг мазмуни қаралаётган ёшдаги болаларнинг кучлари етадиган, уларда математикага муҳаббат ва уни ўрганишга қизикиш ўйғотадиган, асосий таълим ва тарбиявий масалаларни ҳал қилиш имконини берадиган бўлиши керак. Шу муносабат билан математика тўгаракларида куйидагиларни қарашиб фойдали:

а) абстрактлаштириш ва умумлаштириш қобилиятларини ўстирувчи масалалар: ўқувчиларнинг ёзилган сонлар қаторидаги қонуниятни, тоқ ва жуфт сонларни, икки хонали ва уч хонали сонларни умумий ҳолда ёзилишини аниклашлари;

б) ўқувчилар мантиқий тафаккурларини ўстирувчи масалалар: мантиқий характердаги масалаларни ечиш, берилган сонлар ва арифметик амаллар белгилари ёрдамида берилган жавобига кўра мисоллар тузиш, номаълум рақамларни «тиклаш»га доир мисолларни тузиш, берилган фигулярни маълум тарзда суришга доир машқларни тузиш ва ҳ. к.;

в) баъзи маълум қоидаларни қайтадан эслашга доир масалалар. Масалан: ҳар доим ҳам икки сонни қўшиш, кўпайтиришда берилган сонларнинг ҳар биридан катта сон ҳосил бўладими;

г) фазовий тасаввурни ривожлантирувчи, маълум сондаги чўплардан геометрик фигуralар контурларини тузишга доир, маълум сонда геометрик фигуralар ҳосил қилиш учун чўпларнинг ўринларини алмаштиришга доир, берилган чизмадаги геометрик фигуralар сонини аниклашга доир машқлар, геометрик мазмундаги масалаларни ечиш ва ҳ. к.;

д) ўқувчиларнинг ҳисоблаш ва ўлчаш маданиятларини (кўникмаларини) ўстириш имконини берувчи машқлар. Булар арифметик лабиринtlар, «қизиқарли» квадратлар, ўйнилар, сонли топишмоклар, катталикларни ўлчаш билан боғлиқ амалий топшириқлар шаклида берилган машқлардир;

е) математик хотирини, дикқатни, топқырлык ва зийраклыкни ривожлантирувчи масалалар, саволлар, сон маълумотли масалаларни ечиш, қўйилган шартларни ба жарис учун алоҳида дикқатни талаб қилувчи ўйинларни ўтказиш ва ҳ. к.

Математик тўгарак ишини режалаштиришда шуни ҳисобга олиш керакки, алоҳида олинган машғулот қўйилган масалаларни тўла ҳал қилмайди, ҳамма режалаштирилган машғулотларнинг ўрганилиши назарда тутилган саволларнинг тўла ишланмаси билан биргаликдаги олдиндан ўйлаб қўйилган системаси зарур. Шу муносабат билан ярим йилга ёки бирданига бир йилга мўлжалланган режа тузиш керак, бунда бутун материални шундай тақсимлаш лозимки, у шу вақтда дарсда ўрганилаётган темалар билан боғликликда бўлсин. Машғулотларни ўтказишнинг боришида режага конкрет ўзгаришлар, тўлдиришлар киритилиади.

Мавзуни бутун ўрганишни қийинроқ масалаларни ечиш, шунингдек топқырлык, зийраклик, дикқатни талаб қилувчи масалаларни ечиш, кичик-кичик қизиқарли саволларни қараш билан алмашлаб бориш фойдали.

Тўгарак машғулотларини бир ойда икки марта II синфда 30—35 минут давомийлигида, III—IV синфларда 35—40 минут давомийлигида ўтказиш мақсадга мувофик.

Тўгаракнинг IV синф учун битта машғулоти намунаси келтирамиз. Ўқувчилар кўп хонали сонларни қўшиш ва айриш билан танишишган, шу боисдан тўгарак машғулоти ҳам мавзуга асосланади, таянади.

Тўгарак машғулоти режаси

1. Қизиқарлилик элементлари мавжуд бўлган қўшиш ва айришга доир мисоллар.

2. Ностандарт масалалар.

Машғулотнинг биринчи қисмида болалар бундай машқларни бажаришади:

1. 1. Қуйидаги сонларни хона қўшилувчиларининг йигиндиси шаклида ўқинг: 2324, 36768, 40503, 1009, 300040.

2. Агар саноқ: а) энг кичик икки хонали сондан бошланиб, энг кичик тўрт хонали сонда тамом бўлса;

б) энг катта икки хонали сондан бошланиб, энг кичик тўрт хонали сонда тамом бўлса; ..

в) энг катта олти хонали сондан бошланиб, энг кичик етти хонали сонда тамом бўлса, нечта сон айтилади?

Ж а в о б: а) 991; б) 902; в) 2.

II. 1. Түртта сонни бундай қүшинг (устун қилиб қүшиш):

4556	Текшириш:
7349	19
5478	19
3764	22
—————	—————
27	27
22	21147
19	
19	
—————	
21147	

Бу ерда ҳар қайси устун (бирлик, ўнликлар ва ҳ. к. хонаси устуни) рақамлари йиғиндиси алоҳида ёзилган. Бу ёзув олдиндан доскада берилади ва унинг ечими ўқитувчи томонидан тушунтирилади.

Юқоридагидек қүшинг ва текширинг:

$$7899 + 3973 + 5977.$$

2. Ўнта сонни қүшиш талаб қилинади:

$$\begin{aligned} &1\ 012, 1\ 012, 1\ 012, 1\ 012, 1\ 012, 1\ 008, \\ &1\ 008, 1\ 008, 1\ 008, 1\ 008. \end{aligned}$$

Бу сонларнинг йиғиндисини қандай қилиб қулай ва демак, тез ҳисоблаш мумкинлигини ўйлаб кўринг ва айтинг.

К ў р с а т м а. Ўқувчиларга йиғиндини ҳисоблашда ёзувни бундай кўрсатиш мумкин:

$$\begin{aligned} &1\ 000 \cdot 10 + 12 \cdot 5 + 8 \cdot 5 = 10\ 000 \text{ ёки } 10\ 00 \cdot 10 + (12 + 8) \times \\ &\times 5 = 10\ 100. \end{aligned}$$

Бу топширикни ҳам асосан ўқитувчи бажаради.

3. Қийидаги олтита сон йиғиндисини ҳам юқоридагидек топинг:

$$10\ 125, 10125, 10\ 125, 10\ 125, 10\ 250, 10\ 250.$$

III. 1. Айиришни тўлдириш ёрдамида бажаринг:

- 1) $338 - 297$
- 2) $5\ 243 - 2\ 995$

Келтирилган мисолларда барча айрилувчилар яхлит сонларга яқин, яъни ноллар билан тугалланувчи сонларга яқин. Уларни яхлит сонларга тўлдириб топамиз:

- 1) $338 - 297 = 338 - 300 + 3 = 41$
- 2) $5\ 243 - 2\ 995 = 5\ 243 - 3\ 000 + 5 = 2\ 248.$

2. Икки усул билан ечинг:

- 1) 452—194
- 2) 1 728—693

Тўлдиришлар ёрдамида қайтим бериш осон, кассир худди шундай қилади. Масалан, қилинган харид 3 с 85 т туради, харидор кассирга 5 с беради. Қайтим бериш учун кассир 85 т ни 1 сўмга тўлдиради ва «бир сўмгача» деб 15 тийин қайтим беради. Шундан кейин 4 сўмни 5 сўмгача тўлдиради, 1 сўмни қўйиб «Беш сўм» дейди. Касса идишида 1 с 15 тийин ҳосил бўлади.

Тўгарак машғулотининг иккинчи қисмида болаларга ностандарт масалалар берилади.

1-м а с а л а . Карим Парпига деди: «Менга битта кубча берсанг, менинг кубчаларим сеникидан 2 марта кўп бўлади».

— Йўқ,— «Яхшиси сен менга 1 та кубча берсанг, шунда кубчаларимиз баравардан бўлади» — деб жавоб беради Парпи. Каримда нечта ва Парпида нечта кубча бўлган?

Е ч и л и ш и . Карим Парпига 1 та кубча берса, у ҳолда Парпининг кубчалари Каримнинг кубчаларига нисбатан 2 та ортади ва болалардаги кубчалар сони тенг бўлади. Демак, Каримдаги кубчалар ўртоғи кубчаларидан 2 та ортиқ. Агар Карим кубчалари сонини яна битта орттираса, у ҳолда фарқ яна 2 тага ортади, яъни $2+2=4$, шундан кейин Каримнинг кубчалари сони Парпининг кубчалари сонидан 2 марта ортади. Демак, Парпида 4 та кубча қолади. Унда ҳаммаси бўлиб $4+1=5$ та кубча бўлади. Шундай қилиб, Каримнинг кубчалари $5+2=7$ та.

Ж а в о б : 5 ва 7 та кубча.

2- м а с а л а . Ўқувчи уйидан мактабгача бўлган ма- софа 2 км 500 м. Ўқувчи мактабга кетаётib $\frac{1}{5}$ соатда 1 км ўтганини пайқади. Шундан кейин қолган йўлга 20 минут вакт қолди. Агар ўқувчи олдинги тезлик билан юрса, у мактабга улгурадими?

Е ч и л и ш и :

$$\frac{1}{5} \text{ — бу } 60 : 5 = 12 \text{ (минут)}$$

1 000 м ўтиш учун 12 минут керак.

Яна 1000 м га 12 минут керак.

Яна 500 м га 6 минут керак.

Яъни 2 км 500 м га 30 минут вақт керак бўлади. Бола $20+12=32$ (мин) юриши мумкин.

Ж а в о б: Улгуради.

Математик конкурслар қийинроқ масалаларни ечиш бўйича ва топқирлик, ташаббускорликни талаб қилувчи топшириқларни бажариш бўйича ўзига хос мусобақадан иборат. Математик конкурслар асосан хоҳловчи ўқувчиларга янги масалаларни ечиш бўйича ўз кучларини синаб кўриш имконини бериш ва ҳамда энг тайёр ва ташаббускор ўқувчиларни аниқлаш мақсадларида ўтказилади. Тажриба учинчи синф ўқувчилари билан математик конкурслар ўтказиш мумкинлигини кўрсатмоқда.


Кўйида параллел синфлар ўқувчилари учун математик конкурс топшириқларининг тахминий мазмуни келтирилган.

III с и н ф

1. Икки копток ипдан 3 та қалпоқча тўқиши мумкин. Шундай 9 та қалпоқ тўқиши учун шундай копток иплардан нечтаси керак бўлади? (Жавобнинг ўзинигина ёзинг.)

2. Салим билан Насибанинг биргаликда 30 та конфети бор эди. Улар баравардан конфет еганларидан кейин Салимда 9 та, Насибада 5 та конфет қолди. Улар нечтадан конфет ейишган?

3. Чизмада нечта учбуручак бор (158- расм)?



158- расм.

4. 1, 2, 3, 4, 5, 6, 7, 8, 9, сонлари берилган. Жавобида 15 чиқадиган мисоллардан кўпроқ ҳосил бўладиган қилиб шу қатор сонларини уттадан қўшинг.

1. Битта ручка битта қаламдан 4 тийин қиммат туради.
3 та ручка 5 та қалам қанча турса, шунча туради. Ручка неча тийин туради?

2. Чизмада нечта түғри түртбұрчак бор (158- расм)?
3. Мисолдаги номағым рақамларни топинг:

$$\begin{array}{r} \times \quad \text{???} \\ \quad \quad \text{??} \\ \hline \quad \quad \text{6??} \\ \text{???4} \\ \hline 28126 \end{array}$$

4. 3 га, 4 га, 5 га бўлғандага қолдиқда 1 ни берадиган икки хонали сонни топинг.

5. Тўрт хил рангли лентадан нечта ҳар хил уч рангли байроқ тузиш мумкин?

Математик олимпиадалар конкурслардан фарқли равишда кенгроқ масштабда ўтказилади ва ўқувчиларнинг математикани ўрганишда эришган ютуқларини ўзига хос намойиш қилишдан иборатdir.

Қатнашувчилар таркибиға қараб олимпиадалар мактаблар, районлар, шаҳарлар ва ҳоказо олимпиадалари бўлиши мумкин. Бундай олимпиадалар кичик синфларда III синф ўқувчиларини жалб қилиш билан муваффақиятли ўтказилиши мумкин. Олимпиадалар ғолиблари мактаб деворий газетасида (математика бурчагида) ёки мактаб линейкасида тақдирланади, совғалар, математика китоблари ёки бошқа қизиқарли адабиёт билан мукофотланадилар.

Олимпиадаларни ташкил қилишда мактаб ўқитувчилари, жамоатчилик ташкилотларининг вакиллари қатнашадилар. Топшириклар мазмунни, қатнашувчиларни танлаш шартлари аниқланади, олимпиаданинг ўтказилиш вақти белгиланади. Бунинг учун маҳсус комиссия тузилади. Олимпиадаларни ўтказиш олдидан баъзи тайёргарлик ишлари ўтказилади.

М а т е м а т и к м а т б у о т : синф газеталари, викториналаридан масалалар тузиш, математика адабиётига қизиқтириш учун баъзи маълумотларни оладилар.

Математик экскурсиялар I ва II синфларда очик ҳавода ёки гимнастика залида ўтказиладиган ҳаракатли ўйинларга (доирага, зиначага, кубча, халқа, копток ва бошқа нарсаларни тушириш) бағищланади. Саноқ материали териш учун паркка ёкн бөлгө экскурсия уюштириш мумкин. III—IV синфлар ўқувчилари билан ҳам дараҳтлар сонини

аниқлаш учун боғга, кенглигипи аниқлаш учун дарёга геометрик жисмларнинг ва фигуralарнинг моделларини тузиш учун чўп йиғишга очик майдонга экскурсия ўтказилади: шу майдоннинг ўзида масофаларни кўз билан чамалаб топиш, тўғри чизикларни ип тортиш ва бешқа усуллар билан текшириш кулади. Мактаб атрофидаги шароитга қараб бошқа экскурсия бўлиши ҳам мумкин: курилиш материаллари (тахта, хода ва х. к.) ҳажмини аниқлаш учун уй курилишига; вагонлар ҳажмини, рельслар, шпаллар ва бошқа нарсалар ҳажмларини аниқлаш учун темир йўлга экскурсиялар ташкил қилиш мумкин.

Кичик ёшдаги ўкувчилар билан экскурсиялар ўтказиш учун ўқитувчидан синчиклаб тайёргарлик кўришни талаб қиласди.

Ўқитувчи экскурсия ўтказиладиган жойга олдиндан бориб келиши, эккурсоводга тушунтиришларни қандай шаклда бериш ҳақида йўл-йўриқ бериши, экскурсия вактини белгилаши керак. Ўтказиладиган экскурсиянинг мазмуни ўкувчиларга тушунарли бўлиши муҳим, улар нима килишлари ва ўзларини қандай тутишларини олдиндан билишлари керак. Экскурсия вактида олинган маълумотлардан справочник жадваллар тузиш учун, кўргазмали қўлланмалар тайёрлаш учун ва бошқа мақсадларда фойдаленилади.

Кичик ёшдаги ўкувчилар (I—II синфлар) билан ўтказиладиган синфдан ташқари ишларнинг санаб ўтилган турларидан кўпинча эпизодик тадбирлар, математик ўйнолар, эрмаклар ва вактичоғликлар ўтказилади. Бу машғулотларга дарснинг бошида 3—5 минут вакт ажратилади, кейинроқ эса бошланғич мактабда топишмоқлар, бошқотиргичлар, ребуслар шаклидаги қизиқарли материаллар кўпроқ вакт олади, булатнинг мақсади ўкувчиларнинг математик масалаларга қизиқишлигини орттиришдан иборат.

Бошланғич синф ўкувчилари учун математик газета рангли безалган бўлади, масалалар ва мисоллар расмлар ёрдамида берилади ва қизиқарлилик характеристида бўлади. Айниқса, баённинг шеър шакли болаларни ўзига жалб қиласди. Газетанинг чиқиши «очик» тўғарак машғулотларига бағишлинган бўлиши мумкин. Бу газетада берилган масалаларни ечиш натижаларини ҳисобга олиш ва хабар қилиш имконини беради. Газета учун масалалар ва математик топишмоқларни тузишга ўкувчиларнинг ўзларини жалб қилиш мақсадга мувофиқ, газетани тахт қилишга уларнинг ота-оналари ёрдам бериши мумкин.

Математик викториналар ўз ичига фақат ўқувчиларга ечиш учун берилгандын масала ва саволларни олади, шу жиҳати билан улар математик газеталардан фарқ қиласы. Жавоблар ёзма ҳолда маълум **вақыт** ичидеги ўқитувчига ёки шу иш топширилгандын ўқувчига берилади. Муддат ўтиб бўлиши билан олинган жавоблар қаралади ва ғолиб ўқувчилар аниқланади.


Математик газета, викториналар одатда математика бурчаги деб аталувчи жойга осиб қўйилади, булардан ташқари математика бурчагида математикадан кўрсатмали кўлланмалар, справочник жадваллар, математикадан қизиқарли адабиёт, олимпиадалар ғолиблари бўлган ўқувчилар рўйхати ва х. к. бўлиши мумкин.

Математика бурчагини ташкил қилишни ўқувчилар ва улар ота-оналарининг актив қатнашувида ўқитувчи амалга оширади.

Синф ўқувчилари орасидан математик бурчакка жавоб берувчилари белгиланади, улар фақат тартибга жавоб беребар қолмай, балки ўқитувчи билан биргаликда математикадан тегишли кўрсатма-кўлланмалар тайёрлашади, бурчакнинг безатилишига зарур ўзгартиришларни киритишади ва х. к. Ҳар қайси синфнинг шундай бурчаги бўлиши мақсадга мувофиқдир.

Бундай ўйинлардан бири илгаридан болалар яхши кўрадиган мозаика ўйинидир. Бу ўйин жараёнида болалар мозаика деталларидан кетма-кет ҳар хил рангли нақшлар, фигуранлар тузадилар. І синфда саноатда ишлаб чиқариладиган «Геометрик мозаика» ўйинидан фойдаланилади, сотувда мавжуд бўлган бошқа мозаикалардан ҳам фойдаланилади.

Болалар ўқитувчининг мозаика билан ўйнайлик, деган чақириғига жон-ジョン деб жавоб берадилар. Ўйин уларга таниш, улар ўз кучларига ишонишади ва қуидагидек топширикларни иштиёқ билан бажарадилар: «Яшил доирачани қўйинг, ундан ўнгга сарик учбурчакни, чапга сарик квадратни, юқорига қизил учбурчакни, пастга қизил квадратни қўйинг. Сарик учбурчакдан кейин яшил квадратни, ундан кейин қизил доирачани қўйинг. Расмга қаранг (159-расм). Яшил квадратдан (фигура ранги расмда рангнинг биринчи ҳарфи билан белгиланган) кейин, сарик учбурчакдан олдин қандай фигура келмоқда? Иккита. Яшил фигура орасида қандай фигура бор? Санаб чиқинг, учбурчаклар қанча экан? Яшил фигуранлар сонини, ҳамма фигуранлар сонини рақамлар билан кўрсатинг».




159- расм.

Шундай қилиб, ўйин жараёнида болалар энг содда геометрик фигуранлар билан танишадилар, фазовий тасаввурларнинг асоси бўлган «юқорида», «пастда», «чапда», «ўнгда», «орасида» тушунчаларини ўзлаштирадилар, саноқни эгалладилар, бир ёки бир неча белгиси бўйича фигуранларни синфларга ажратишни қарайдилар.

Ўкувчиларга бошқа ўйин — «Бошқотиргич» ҳам ёқади. Уни сотиб олиш ёки болаларнинг ўзлари ўқитувчи бошчилигига ясашлари мумкин.

Бунинг учун учта деталь — иккита ярим доира (диаметрлари 5 см ва 7,5 см), саноқ чўпи (узунлиги 9 см) эскази расмини солиш ва қалин қофоздан ҳар биридан 12 тадан кирқишиш керак.


Шу қисмлардан болалар ҳар хил фигуранлар тузадилар, масалан, чебурашка, қўзиқоринлар ва бошқалар (160-расм).



160- расм.

Болалар бир нечта фигура тузганларидан кейин, у ёки бу фигура қандай қисмлардан иборатлиги ва шундай қисмлардан нечтаси керак бўлганини аниқлайдилар. Болаларга бошқа расмларни ўйлаб топиш топшириғи ҳам берилади. Худди мана шу ерда ижодкорлик жараёни бошланади.

Болалар бундай топширикларни севишиди. Улар чидам ва талабчанлик билан ишлайдилар, кузатувчанлик ва фантазияларини намоён қиласылды. Натижада улар маңноли суратлар, масалан, күёш ва олча суратларини ҳосил қиласылдылар (161- расм).



161- расм.


«Бошқотиргич» ўйини набори болаларни доира билан танишириш, саноққа ўргатиш учун құлланма бўлиб хизмат қилиши мумкин, чўплардан эса 10 ичидаги кўшиш ва айришга доир мисолларни ечишда саноқ материали сифатида фойдаланиш мумкин.

Кичик ёшдаги ўқувчилар «Танграм» ўйинини жуда севадилар.


Бу тайёрланиши бўйича жуда содда (162- расм), аммо кизиқарли ва ибратли ўйин. Хитойда тахминан тўрт минг йил олдин ихтиро қилинган. Шунга қарамай ҳозирга қадар бутун оламдаги катталар ва болалар унда ўз қобилиятлари, топқирликларини синааб кўрадилар, ижодий тафаккурларини машқ қилдирадилар.

Бу ўйин қоидаларига кўра ҳар бир фигурада квадратнинг 7 та қисмининг ҳаммаси ҳам қатнашиши керак, аммо улар бир-бирининг устига кўйилмаслиги керак.

Квадратнинг ҳамма қисмидан фигура тузиш ва фақат 6—7 ёшли болага, балки катталарга ҳам қийинлик қиласы, шу сабабли бу ўйинда ўқувчини педагог раҳбарлигисиз қолдирмаслик муҳимдир. Ўқитувчи, исталған натижага олиб келувчи ва болаларни ўйинга киришишга даъват қилувчи ҳаракатлар ва мулоҳазалар намуналарини



162- расм.



163- расм.

күрсатиб, бола ўйинини йўналтириб туриши керак. Бунда болаларнинг индивидуал хусусиятларини ҳисобга олиш, яъни бъязиларини мақташ, бъязиларини руҳлантириш, бъязиларига ёрдам бериш, айтиб бериш муҳимдир.

Кичик мактаб ёшида бу ўйин билан танишиш муҳимдир. Агар биз болани қизиқтира олсак, у ҳолда биз унга кўп йиллар учун ишдан бўш вақтларини ўтказиши учун завқли, қизиқарли, фойдали машғулот берган бўламиз, чунки ўсмиirlар, катта ўшдаги мактаб ўкувчилари ва ҳатто катталар бу ўйинни қизиқиши билан ўйнайдилар. Бола қанча катта бўлса, бу ўйин бойроқ ва қизиқарлироқ бўлади.

Саноатимиз «Танграм» ўйинини эслатувчи «Лабиринт» ва «Пифагор» ўйин — бошқотиргичларини ишлаб чиқаради. Бу ўйинлар жуда қизиқарли ҳамда идрокни, фазовий тасаввурларни ва тафаккурни ўстириш имконини беради. Бу ўйинни ўйнаш қоидалари худди «Танграм» ўйинидаги: квадрат, тўғри тўртбурчак, доира қисмларидан ҳар хил фигуralар тузиш керак (163- расм).

Бошланғич мактаблар учун бошқа математик ўйинларни ҳам таклиф қилиш мумкин.

Синфлар	Дастур	Синифда ўйналадиган ўйинлар	Синифдан ташқари ўйинлар	
			Столда ўйналадиган	Харакатли
1	2	3	4	5
I	Биринчи ўнлик	Варрак. Жим. Занжир. Квадратчалар. Зинча. Ўйлаб топ. Соңлар ўйлаш ва тошиш. 10 гача тўлдириш. Ким тезроқ?	Предметли лото. Рақамли лото. Санаш лотоси. Кубчалар. Гугурт-эрмак. Курилиш материали. Математик волчок (бизбизак).	Тирик рақамлар. Тирик картинкалар шаклидаги сонли фигуrlар. Ритмик ҳаракатлар.

Синфлар	Дастан	Синфда ўйналадыган ўйинлар	Синфдан ташкари ўйинлар	
			Столда ўйналадыган	Харакатлы
		Яхши хисобчи (уч вариантда). Айёр юлдузча. Күвнөк саноқ.		
II—III	Иккинчи ўнлик ва биринчи юзлик	Биринчи ўнлик учун күрсатылған ўйинлар. Занжир (уч вариантда). Доиравий саноқ. 100 гача тұлдіриш. Ярим чорак ва ним чорак бүйічә ўйин. Тақиқланған сон. Сүзсиз саноқ ўйини. Ракамли шифр бүйічә ўйин. Лабиринт (арифметик). Ажойиб, содда ва мураккаб квадратлар. Сонларни топишга доир жадваллар. Математик чакмок. Феноменал хотира. Математик еллигіч. Күвнөк саноқ.	Учуучи қалпокчалар. Рикошет. Снайпер. Лото (хар хил вариантда). Лото — күпайтириш жадвали. Ажойиб квадратлар. Бир, икки, уч. Арифметик бошкотиригілар.	Арифметик қочиши. «Мұлжалға» ўйини: а) доирага иргитиши; б) зиначага иргитиши; в) ҳалқага иргитиши; г) кубчани иргитиши.
III—IV	Минглик	Иккинчи ўнлик ва биринчи юзлик учун күрсатылған ўйинлар. Арифметик ребуслар. Тирик сонлар.	Учуучи қалпокчалар. Япон биллиарди. 15 ўйини. Феноменал хотира.	Харакатлы ўйинлар (абак)

Синфлар	Дастур	Синфда ўйналадиган ўйинлар	Синфдан ташжарн ўйинлар	
			Столда ўйналадиган	Харакатли
IV	Хар кандай катталиктардан сонлар.	Минглук учун күрсатылған ўйинлар. Сонларни, исмларни, түгелиш саналарини, рақамларни, китоб бетларини топиш	Арифметик бөшкотирғичлар. Арифметик реbusлар.	Юз ичида номерлаш.
III—IV	Геометрик материал	Бир чизик билан. Нима орти?	Нұрчалар, гүгүрт чүпи билан ўйинлар. Учбұрчакнинг сири. Рангли танграммалар. Геометрик домино.	Чүптар билан ўйинлар (геометрик фигура-ларни ясаш). Очк жойда ўлчаш ишлари. Предметлар ба-ландаудын аниқлаш, дарё кенглигини аниқлаш ва ҳ. к.

Саводли, қызықарлы ўтказилған ўйин математика ўрганиш ҳавасини сингдиради. Эрталыклар ташкил қилиш учун ўйинлар билан танишиш ва уларни мустақил ўтказищдан фойдаланиш мүмкін. Баъзида уларни КВН шаклида, баъзида эрмаклар тарикасида ўтказилади. Эрталык чоракда ёки ярим йилда ҳамма параллел синфларда бир марта ўтказилади. Иккінчи синфлар учун (IV чорак) эрталыклардан бирининг режасини көлтирамиз:

1. Машғулот мақсадини (санаш, ечиш, топиш) аниқловчи шифрланған мисолларни ечиш.
2. «Ким түғрироқ, ким тезроқ» ўйинлари.
3. «Тирик мисоллар»ни ечиш.
4. Шеърий масалаларни ечиш.
5. Топышмоқларни топиш.
6. «Кувноқ саноқ» (20 ичида).

Дастурнинг исталған бўлими бўйича ҳар бир синфдан 3—5 та ўқувчидан сўралади, жавобларга берилған баллар жамланади ва охирида ғолиб синфлар эълон қилинади.

Ўқитувчилар шундай эрталыкларни III синфда, шунингдек IV синфда ўтказишлари мүмкін.

Шундай эрталиктан бирининг режасини келтирамиз:

1. Бошловчининг ўйланган сонни топиши.
2. Кўшилувчилар жуфт-жуфти билан олинган масалаларни ечиш.
3. Доскага ёзилган мисолларни ечиш: жавоблар ёзилган ва рақамлар бошловчи столига кўйилади.
4. Рақамлари тушириб қолдирилган (ўчирилган) рақамли мисолларни ечиш.
5. Масалалар.
6. «Кувноқ саноқ» (100 ичида).

Дастурнинг ҳаракатни талаб қилувчи номерлари катта жонланиш уйғотади (тирик мисоллар, жонли номерлаш, арифметик югуриш ва ҳ. к.).

Эрталикларда бошловчи (олдиндан тайёрланган ўқувчи) нинг қуидаги темалар бўйича кичик хабар билан чиқишлари бўлиши мумкин: Одамлар санаши қандай ўрганишган? Ўлчашни қандай ўрганишган? Феноменал саноқчилар, болалар ва ёш математиклар ва ҳ. к.

Охирги вақтда математик эртаклар борган сари катта аҳамият кашф этмоқда.

Эртакни ҳамма севади, аммо болалар кўпроқ севади. Уларни ўрганилган мавзуни қайтариш ёки пухталашда математика дарсига киритиш ва синфдан ташқари машгулотлардан фойдаланиш мумкин. Намуна сифатида «Ноль ҳақида» эртакни келтирамиз. Қулайлик учун эртаклар қисмларга бўлинади.

«Ноль ҳақида»

1. Жуда қадим замонларда денгизлар ва тоғлардан нарида Рақамия мамлакати бўлган. Унда жуда ростгўй сонлар яшашган. Нолгина ўзининг дангасалиги ва ёлгончилиги билан ажralиб турган.

2. Бир кун саҳродан анча нарида киролича Арифметика пайдо бўлганини ва Рақамиянинг барча фуқароларини ўзида хизмат қилишга чақирганини ҳамма билади.

Рақамия билан Арифметика қироллиги орасида саҳро бўлиб, бу саҳрони тўртта дарё — Кўшиш, Айриш, Кўпайтириш ва Бўлиш дарёлари кесиб ўтарди. Арифметика қироллигига қандай етиб бориш мумкин? Сонлар бирлашишга ва саҳрони кесиб ўтишга ҳаракат қилишга аҳд қилишди (чунки қийинчиликларни дўстлар билан бартараф қилиш осон).

3. Эрталаб вактли, қүёш ўз нурларини ерга соча бошлиши билан сонлар йўлга отланиши. Улар жазирама қүёш остида узоқ юришди ва ниҳоят Кўшиш дарёсига етиб бориши. Сонлар сув ичиш учун дарёга ўзларини ташлаши. аммо дарё «Иккитадан бўлиб туринг ва қўшилинг, шунда ичишга сув бераман» — деди. Ҳамма дарё буйруғини бажарди. Дарё истагини танбал ноль ҳам бажарди, аммо у билан қўшилган сон норози бўлди: ахир дарё йиғинцида нечта бўлса, шунча сув берарди-да, йиғинди эса соннинг ўзидан фарқ қилмади.

4. Қўёш янада қиздира бошлади. Айириш дарёсига етиб бориши. У ҳам сув учун ҳақ талаб қилди: иккитадан бўлиб туриш ва катта сондан кичик сонни айиришни талаб қилди:кимда жавоб кичик чикса, ўша кўп сув оладиган бўлди. Яна ноль билан жуфтликда турган сон ютқазиб, таъби хира бўлди.

5. Сонлар секин-секин юриб жазирама саҳро бўйлаб нари кетиши. Кўпайтириш дарёси ўзаро кўпайтишни талаб қилди. Ноль билан жуфтликда турган сон умуман сув олмади. У зўрга Бўлиш дарёсига етиб борди.

6. Бўлиш дарёси олдида сонларнинг бирортаси ҳам ноль билан жуфтлик тузиши хоҳламади. Ўша пайтдан бери бирорта сон ҳам нолга бўлинмайди.

7. Тўғри, киролича Арифметика ҳамма сонларни бу танбал билан келиштириб қўйди: у нолни соннинг ёнига шундайгина ёзиб қўядиган бўлди, бундан ўша сон 10 марта ортди. Шундан кейин сонлар яхши яшаб кетиши.

Эртак билан ҳар хил ишлаш мумкин: ўкиб бўлингандан кейин бир қатор саволлар бериш; болалардан баъзи босқичларда эртакни давом эттиришни сўраш; эртакни бўш ўринлари бўлган топшириклар сифатида қараш.

Ўкувчиларга бериш мумкин бўлган саволларнинг баъзи намуналарини келтирамиз. Тартиб номери эртак намунасига тўғри келади.

1. Нега мамлакат Рақамия деб аталади? Ноль сони нимани билдиради?

2. Киролича Арифметика математикада нима билан шуғулланади? (Сонлар ва улар устида бажариладиган амалларни ўрганади.) Қандай дарёлар Рақамия мамлакатини ва Арифметика кироллигини кесиб ўтади? Бу дарёларга қандай умумий ном бериш мумкин? (Амаллар.) Нималар саҳрони кесиб ўтмоқчи бўлганди? (Сонлар.) Сонлар ракамлардан нимаси билан фарқ қиласи?

3. Ноль қўшилган сон чега норози бўлди?

4. Эртак сўзларини иллюстрацияловчи иккита мисол келтиринг: «... иккитадан бўлиб туриш ва катта сондан кичик сонни айириш: кимда кичик сон чиқса, ўша кўп сув олади». Нега ноль билан жуфт ташкил қилган сон ютқазиб кўйди? Сонлар ҳар бир жуфтга бир хилда сув тегадиган бўлиб жуфтлашишлари мумкинми? Мисоллар келтиринг.

5. Нега ноль билан жуфтликда турган сон Кўпайтириш дарёсидан сув ололмади?

6. Нега Бўлиш дарёсидан ўтишда сонлар ноль билан жуфтлашишни хоҳлашмади?

7. Биринчи сон иккинчи сондан неча марта катта ёки кичик: 7 ва 70, 3 ва 30, 50 ва 5?

Афтидан эртакнинг тўртинчи бандидан бошлаб баён қилишни болаларга таклиф қилиш мумкин. Бу ерда энди муаллифнинг нияти, мақсади, математик қонуният пайқалиди. Шундай бўлса ҳам бу ишни, куйидаги бъзи маслаҳатлар берилганидан кейин, 3- банддан кейин ҳам бошлаш мумкин:

а) ҳар қайси дарё сонлар олдига ноль билан жуфтликда ечишнинг иложи бўлмаган масала қўяди; б) эртак одат дагидек кўнгилли тугаши керак.

Ўтказиб юборилган (бўш ўринли) жойлар бўлган топшириклар дейилганда биз бъзи сўзларнинг йўқлигини интонация билан ажратишни (бъзи гапларни доскага кўчириб ёзиш мумкин), аммо уларни эртак мазмунидан математик тушунчаларнинг жиҳдий боғлиқлиги асосида тиклаш мумкинлигини тушунамиз. Масалан, 5- абзаца: «Ноль билан жуфтликда турган сон умуман сув ололмади», 6- абзаца: «Ўша пайтдан бери бирорта сон Нолга ...»; 7- абзаца: «У нолни соннинг ёнига шундайгина ёзиб қўядиган бўлди, бундан ўша марта ортди».

Шубҳасиз, юкорида тавсифланган ишларни комбинациялаш мумкин.

Шуни ҳам кайл қиласизки, тақрорлаш ва мустаҳкамлаш дарсларида эртаклардан фойдаланиш уларни қизиқарли, турли-туман қиласи. Уларга доир саволларни ўқитувчи топади. Эртак билан ишлашнинг бошқа шакллари ва методлари топилиши мумкин.

Сүз боши.	3
-----------	---

I Умумий масалалар

1- б о б. Бошлангич синфларда математика ўқитишининг вазифалари ва мазмуни.	4
1- §. Математика ўқитишининг вазифалари.	4
2- §. Арифметик материал.	6
3- §. Алгебраик ва геометрик материал.	12
4- §. Бошлангич мактабда матнли масалалар.	14
2- б о б. Математикадан бошлангич таълим воситалари.	16
1- §. Дарслеклар ва бошқа ўкув қўлланмалари.	16
2- §. Турли кўрсатмали куроллар.	19
3- б о б. Бошлангич мактабда математика ўқитишини ташкил этиш шакллари.	29
1- §. Дарс ва унинг вазифалари.	31
2- §. Дарс турлари.	36
4- б о б. Математика ўқитиш усуллари.	45
5- б о б. Кам комплектли мактабда математикадан бошлангич таълимни ташкил этишининг хусусиятлари.	56

II. Бутун номанфий сонлар. Номерлаш Арифметик амаллар

6- б о б. «Ўнлик» мавзусини ўқитиш методикаси.	74
1- §. Тайёргарлик даври.	75
2- §. Номерлаш.	81
3- §. 10 ичидаги кўшиш ва айриш.	91
7- б о б. «Иккинчи ўнлик» мавзусини ўқитиш методикаси.	105
1- §. Иккинчи ўнлик сонларини номерлаш.	106
2- §. Оғзаки номерлаш.	107
3- §. Ёзма номерлаш.	108
4- §. Кўшиш ва айриш.	113
8- б о б. «Юзлик» мавзусини ўқитиш методикаси.	122
1- §. 21—100 ичидаги сонларни номерлаш.	122
2- §. 100 ичидаги кўшиш ва айриш.	125
3- §. 100 ичидаги кўпайтириш ва бўлиш.	138
9- б о б. «Минг» мавзусини ўқитиш методикаси.	172
1- §. Номерлаш.	173
2- §. 1000 ичидаги кўшиш ва айриш (оғзаки усуллар).	183
3- §. 1000 ичидаги кўшиш ва айриш (ёзма усуллар).	185
4- §. 1000 ичидаги кўпайтириш ва бўлиш.	191
10- б о б. «Кўп хонали сонлар» мавзусини ўқитиш методикаси.	197
1- §. Кўп хонали сонларни номерлаш.	197
2- §. Кўп хонали сонларни кўшиш ва айриш.	207
3- §. Кўп хонали сонларни кўпайтириш.	218
4- §. Кўп хонали сонларни бўлиш.	240

III. Математик масалаларни ечишга ўргатиши

11- б о б. Содда масалалар билан ишлаш методикаси.	271
1- §. Содда масалалар турлари. Уларнинг аҳамияти.	271
2- §. Болаларни содда масалалар билан таништириш.	273
3- §. Кўшиш ва айиришга доир содда масалаларнинг тузилиши ва ечилиши билан таништириш.	276
4- §. Кўпайтириш ва бўлишга доир масалалар.	294
12- б о б. Таркибли масалалар билан ишлаш методикаси.	302
1- §. Таркибли масалаларни ечишга тайёрлаш.	302
2- §. Таркибли масала билан танишиш.	305
3- §. Масаланинг киска ёзувини тузиш.	311
4- §. Таркибли масалаларни ечишда мулоҳаза юритиш усуллари.	319-
5- §. Типик масалаларни ечиш.	327
13- б о б. Бошлангич мактабда алгебраик ва геометрик материаллар.	
Алгебраик пропедевтика.	365
1- §. Математик ифодалар.	365
2- §. Ифодаларни айнан алмаштириш.	373
3- §. Ҳарфий ифодалар билан таништириш.	374
4- §. Тенглик, тенгиззлик, тенглама.	381
5- §. Тенгламалар тузиш усули билан масалалар ечиш.	401
14- б о б. Геометрик материални ўрганиш методикаси.	405
15- б о б. «Улушлар ва касрлар» мавзусини ўрганиш методикаси.	424
16- б о б. Ўлчовларни ўрганиш ва ўлчаш малакаларини шакллантириш.	437
17- б о б. Математикадан кичик ёшдаги ўқувчилар билан бажариладиган синфдан ташқари ишлар.	493

**НАТАЛЬЯ УМАРОВНА БИКБАЕВА,
РИММА ИВАНОВНА СИДЕЛЬНИКОВА,
ГУЛНОРА АДАМБЕКОВНА АДАМБЕКОВА**

БОШЛАНГИЧ СИНФЛАРДА МАТЕМАТИКА ЎҚИТИШ МЕТОДИКАСИ

Тошкент «Ўқитувчи» 1996

Таҳририят мудири *M. Пўштов*

Техник мұхаррир *T. Сика*

Мұхаррир *C. Бекбоева*

Мусаҳхих *Z. Ғуломова*

Расмлар мұхаррири *M. Кудряшова*

ИБ № 6557

Теришга берилди 11.01.96. Босишига рухсат этилди 24.04.96. Формат 84×108/12. Литературная гарнитураси, Кегли 10 шпонсиз. Оффсет босма усулida босилди. Шартли б. л. 26.88. Шартли кр.-отт. 27.03. Нашр. л. 22.73. Тиражи 30 000. Буюртма № 9.

«Ўқитувчи» нашристи. 700129. Тошкент, Навоий кўчаси, 30. Шартнома № 09—43—95.
Ўзбекистон Республикаси давлат матбуот кўмитасининг Янгийўл ижара китоб фабрикаси.
Янгийўл ш., Самарқанд кўчаси, 44. 1996.